

უოლტერ სკოტი

რობ როი

რომანი

ინგლისურიდან თარგმნა ანდრეასტარ ჭეიშვილმა

წინასიტყვაობა

(1829)

რატომ? - რატომ და, ძველებური მარტივი წესი მათ შეითვისეს: ძალოვანი უძლურს არჭულებს, თუკი ძალა აქვს, უსათუოდ ჩაიგდებს ხელში, თუ შეუძლია თავისთავად შეინარჩუნებს.

უორდსუორთი, „რობ როის საფლავი“[1]

როდესაც ავტორმა განიზრახა, კიდევ ერთხელ დასხმოდა თავს გულმონყალე მკითხველის მოთმინებას, კარგა ხანს იფიქრა და იყოყმანა სათაურის შერჩევაზე, რადგან კარგ სახელს მწერლობაშიც ისეთივე დიდი მნიშვნელობა აქვს, როგორც ცხოვრებაში. „რობ როი“ ან განსვენებულმა მისტერ კონსტებლმა შემომთავაზა. დიდი გამოცდილებისა და გამჭრიახობის წყალობით მან ადვილად განჭვრიტა, რომ ამ სათაურში წიგნის პოპულარობის ჩანასახი იყო დაუნჯებული.

წინამდებარე თხზულებას ყველაზე უფრო ისეთი წინასიტყვაობა მოუხდება, რომელშიაც იმ პიროვნების ცხოვრება იქნება აღწერილი, ვისი სახელიც წიგნის ყდაზეა დაბეჭდილი - იმ საოცარი პიროვნებისა, რომლის მიერ ჩადენილი საქებარი თუ საძრახი საქმეები ესოდენ მტკიცედ შემორჩა ხალხის ხსოვნას.

რობ როის იმიტომ არ დავარდნია ასეთი სახელი, რომ დიდი გვარის შთამომავალი იყო; მართალია, კარგი გვარიშვილი გახლდათ, მაგრამ კლანის უფროსობა არ ეკუთვნოდა. არც სიმარჯვე და მოხერხებულობაა ამის მიზეზი - ფხიანი, მოუსვენარი და

გონიერი ვაცი კი იყო, მაგრამ სხვა ყაჩაღებს უფრო საოცარი საქმეები ჩაუდენიათ და მაინც ვერ მოუხვეჭავთ ასეთი დიდი სახელი. თავის დიდებას რობ როი უპირატესად იმას უნდ უმადლოდეს, რომ მთიანი შოტლანდიის საზღვართან ცხოვრობდა და ისეთ ამბებს ატრიალებდა მე-18 საუკუნის დასაწყისში, თითქოს შუა საუკუნეები დაბრუნებულა და თან რობინ ჰუდი მოუყვანიაო. არ უნდა დავივიწყოთ, რომ ეს ამბები გლაზგოდან, ამ დიდ სავაჭრო და საუნივერსიტეტო ქალაქიდან, სულ ორმოციოდე მილის დაშორებით ხდებოდა. დიახ დედოფალ ანასა[2] და ჯორჯ I[3] კლასიკურ ხანაში შოტლანდიის მინაზე დაუსჯელად დასეირნობდა ვაცი, რომელიც თავგანწირული სიმამაცით, ენით გამოუთქმელი მოხერხებულობითა და აულაგმავი თავნებობით ამერიკელ ინდიელებსაც კი არ უდებდა ტოლს. ალბათ როგორ გაოცდებოდნენ ადისონი და პოპი, ვინმეს რომ ეთქვა, ამ კუნძულზე თქვენთან ერთად ასეთი უცნაური ქცევისა და საქმიანობის ვაცი ცხოვრობსო.

მთიანეთის[4] აქეთა მხარეს ხალხი ქალაქურ, კულტურულ ცხოვრებას იყო მიჩვეული, მეორე მხარეს მცხოვრები კი ყოველ ნაბიჯზე დაუსჯელად არღვევდა წესსა და კანონს და ათასგვარ საშინელებას სჩადიოდა. სწორედ ეს მკვეთრი განსხვავება აძლიერებდა ინტერესს ამ პიროვნებისადმი და სწორედ ამიტომ არის, რომ დღესაც

მთაში თუ ბარში - კიდით კიდემდე
ყველას თვალები ცეცხლად ენთება,
როცა რობ როის ქველი სახელი
ვინმეს უეცრად გაახსენდება.[5]

რობ როის რამდენიმე უპირატესობა ჰქონდა სხვებთან შედარებით და ამის წყალობით დიდი წარმატებით ასრულებდა ამორჩეულ როლს. ამ უპირატესობათა შორის უმთავრესი და უმნიშვნელოვანესი ის გახლდათ, რომ რობ როი წარმოშობით მაკგრეგო-

რი იყო და თანაც მჭიდრო კავშირი ჰქონდა ამ მრავალჭირგამოვლილ კლანთან, შესაშური სიმტკიცითა და შეუპოვრობით რომ ინარჩუნებდა მთლიანობას და მამაცურად ებრძოდა მკაცრსა და უღმობელ მართლმსაჯულებას, რომელიც გაუგონარი სისასტიკით სდევნიდა ყველას, ვინც ამ ათვალწუნებულ გვარს ატარებდა.

მაკვრეგორთა ისტორია ძალიან წააგავს მთიანი შოტლანდიის იმ კლანების ისტორიას, რომლებსაც უფრო ძლიერი მეზობლები თრგუნავდნენ და, საბოლოოდ, ან მთლიანად ამოჟლეტდნენ, ან აიძულებდნენ თავიანთ გვარზე უარი ეთქვათ და დამპყრობელთა გვარი მიეღოთ. მაკვრეგორთა კლანი იმით განსხვავდებოდა სხვა კლანებისაგან, რომ, რა მდგომარეობაშიც უნდა ჩავარდნილიყო, მტერს თავს არ უდებდა და მედგრად იბრძოდა დამოუკიდებლობისა და გვაროვნული ერთიანობისათვის. კლანის წარსული, ძირითადად, ასეთია: (ოღონდ აუცილებლად უნდა მივიღოთ მხედველობაში, რომ ჩვენი თხრობა, უპირატესად, ზეპირ გადმოცემებს ემყარება და მთლად სარწმუნოდ არ ჩაითვლება. უყოყმანოდ მხოლოდ თხრობის იმ ნაწილებს შეიძლება ენდოთ, რომელიც წერილობით წყაროებზეა დაფუძნებული):

მაკვრეგორები თავიანთ წინაპრად სკოტების მეფის ალჰანინის მესამე შვილს, გრეგორს, ანუ გრეგორიუსს თვლიან. იმ ალჰანინისა, რომელიც დაახლოებით 787 წელს გამეფებულა შოტლანდიაში. ამიტომ, მაკვრეგორთა ძველი საგვარეულო სახელი მაკალჰანია და მაკვრეგორის მთელ კლანს ზოგჯერ ახლაც ასე იხსენიებენ, ერთ-ერთი შტო კი უშუალოდ მაკალჰანინის სახელით იწოდება. უეჭველია, რომ ეს მთიანი შოტლანდიის ერთ-ერთი უძველესი კლანია და არც მისი კელტური წარმომავლობაა საკამათო.

მაკვრეგორები ერთ დროს ვრცელი მამულების მფლობელები იყვნენ პერტშირსა და არგაილშირში და ჯიუტად ცდილობდნენ

ეს მამულები იმ კანონის დახმარებით შეენარჩუნებინათ, რომელიც „Coir a glaive“-ის ანუ „ხმლის კანონის“ სახელით არის ცნობილი. ამასობაში, მათმა მეზობლებმა - არგაილისა და ბრედალბენის გრაფებმა - შესძლეს მაკგრეგორთა მამულების სახელები იმ წყალობის სიგელებში ჩაენერებინათ, რომელთა მიღებას ადვილად ახერხებდნენ მეფისაგან. ამგვარად, ეს გრაფები მეზობლის მიწების კანონიერ მფლობელებად იქცნენ. არგაილები და ბრედალბენები, რაღა თქმა უნდა, თავს არ იწუხებდნენ იმაზე ფიქრით, თუ რამდენად კანონიერი იყო ასეთი მოქმედება. ყოველი ბრძოლისა თუ შეტაკების შემდეგ სულ ახალ და ახალ მიწებს სტაცებდნენ თავიანთ უბირ მეზობლებს და მერე საქვეყნოდ აცხადებდნენ, მიწები მეფემ გვიწყალობაო.

მაკგრეგორთა ძარცვაში ყველაზე მარჯვედ ის ლოხუოელი დუნკან კემპბელი ირჯებოდა, ჩრდილო შოტლანდიაში „დონახე დჰუ ნან ხურეიდს“ ანუ კაპიშონიან შავ დუნკანს რომ ეძახდნენ (რადგან ყოველთვის ამგვარ თავსაბურავს ატარებდა).

უსამართლოდ დევნილი კლანი მედგრად იცავდა თავს; დროდადრო ამარცხებდა კიდევ მომხდურს და მაშინ უღმობლად აღღვევინებდა ხოლმე ძველსა და ახალ დანაშაულს. იმდროინდელ შოტლანდიაში თითქოსდა არავის უნდა გაკვირვებოდა ასეთი მოქმედება, მაგრამ მაკგრეგორთა მტრები ყოველნაირად ცდილობდნენ დაერწმუნებინათ ლონდონელები, ეს კლანი ბუნებით არის ასეთი დაუნდობელი და დედაბუდიანად უნდა გაიჟლიტოსო.

1563 წლის 22 სექტემბერს (დედოფალ მერის ზეობის დროს) საიდუმლო საბჭოს მიერ სტირლინგში გამოცემული დადგენილებით უფლება ენიჭებოდათ ლორდებსა და ტომთა ბელადებს, ცეცხლითა და მახვილით ეჟლიტათ მაკგრეგორთა კლანი. ამავე წელს გამოცემული მეორე დადგენილებით ასეთივე უფლებები ეძლეოდა კაპიშონიანი დუნკანის შთამომავალს - გლენორხელ

სერ ჯონ კემპბელს. ამავე დადგენილებით ინგლისის ყველა ქვე-შევრდომს ეკრძალებოდა თავშესაფარის მიცემა გრეგორთა კლანის წევრისათვის - არავის ჰქონდა უფლება, პური, წყალი და ტანსაცმელი მიეცა მაკგრეგორისათვის.

ჯონ დრამონდის ანუ დრამონდ ერნოხის, გლენარტნის სამეფოს ტყის მცველის, მკვლელობის ამბავი დანვრილებით სხვაგან არის აღწერილი. ტყის მცველი მხეცურად მოკლეს 1589 წელს და მისი მოკვეთილი თავის ირგვლივ შემოკრებილმა მაკგრეგორებმა ფიცით დათქვეს, დანაშაული მთელმა კლანმა ავიღოთ თავზე. ამ მკვლელობამ აიძულა საიდუმლო საბჭო, გამოეცა დადგენილება, რომლითაც ახალი ჯვაროსნული ლაშქრობა ცხადდებოდა „მაკგრეგორთა ურჯულო კლანის გასაჟლეტად, რომელიც ძველთაგანვე ხოცვა-ჟლეტით, ქურდობითა და მეკობრეობით არის ცნობილი“. სამი წლის განმავლობაში ყველას შეეძლო ცეცხლითა და მახვილით ეჟლიტა მაკგრეგორთა კლანის შვილები. მკითხველი ამ უჩვეულო შემთხვევის დეტალებს „მონტროზის ლეგენდის“ წინასიტყვაობაში იპოვის.

კიდევ შეიძლება მრავალი ისეთი შემთხვევის გახსენება, როდესაც მაკგრეგორები არად აგდებდნენ კანონსა და მართლმსაჯულებას, რომელიც თითქმის ყოველთვის ულმობლად დევნიდა ამ კლანს, დახმარების ხელს კი არასოდეს უწვდიდა. კლანი ზედიზედ კარგავდა მამულებს, ვეღარც ჩვეული საქმიანობით ირჩენდა თავს, მაგრამ შიმშილით ამონყვეტის პირი მაინც არ უჩანდა: მაკგრეგორებმა ცხოვრების ახალი სახსარი იშოვეს - ჩამორთმეულ მიწებზე ჩამოსახლებულთა ქონების მიტაცება დაიწყეს, რადგან ეს ქონება თავიანთ საკუთრებად მიაჩნდათ. ასე მიეჩვივნენ ისინი ყაჩაღობასა და სისხლის ღვრას და სულ მცირე საბაბი ჰყოფნიდათ, რომ საომრად შემართულიყვნენ. ამით მოხერხებულად სარგებლობდნენ მათი ძლიერი მეზობლები და მხატვრული გამოთქმა რომ ვიხმაროთ, მაკგრეგორთა ხელით გამოჰქონდათ

ღველფიდან ნაკვერჩხლები. უბირი და გულუბრყვილო მეტომე-
ბი სასტიკად ისჯებოდნენ დანაშაულისათვის, სარგებელი კი მათ
წამქეზებლებს რჩებოდათ. მთიან შოტლანდიაში და მის საზ-
ღვრებზე მცხოვრებ მძვინვარე კლანთა მისევა მეზობელ კლანებ-
ზე, ისტორიკოსების აზრით, უდიდეს საფრთხეს უქადდა ქვეყნის
კეთილდღეობას, მაკგრეგორთა კლანი კი ამ პოლიტიკის მესვე-
ურთა მორჩილი იარაღი იყო.

მიუხედავად სასტიკი დევნისა, რომელიც წინასწარდასახული
გეგმით ხორციელდებოდა, მაკგრეგორთა კლანის ზოგიერთმა
წევრმა მაინც შეინარჩუნა მამულები. 1592 წელს კლანის ბელა-
დად გლენსტრელი ალასტერ მაკგრეგორი იხსენიება. გადმოცე-
მით, იგი მამაცი, მარჯვე და, როგორც მისი სიკვდილისწინა აღსა-
რებიდან ჩანს, შარიანი ვაცი ყოფილა - მთელი სიცოცხლე ბრძო-
ლებში გაუტარებია და ერთ-ერთ ბრძოლას კიდევ შესწირვია. ეს
ბრძოლა, რომელშიც თვითონაც დაიღუპა და უამრავი მისიანიც
განყდა, გლენფურთან, ლოხ-ლომონდის[6] სამხრეთ-დასავლეთ
ნაპირთან, გაიმართა. ამ მიდამოებში მაკგრეგორები ჯერ კიდევ
ინარჩუნებდნენ ძალაუფლებას „Coir a glaive“-ის ანუ, როგორც
ზევით განვმარტავთ, „ხმლის კანონის“ დახმარებით.

მაკგრეგორები ხანგრძლივ და სისხლისმღვრელ ბრძოლას
ენვოდნენ ლერდ ლუსთან, ლოხ-ლომონდის ქვემო ნაპირთან
ბინადარ კოლკუჰუნის ძლიერი კლანის ბელადთან. მაკგრეგორ-
თა საგვარეულო გადმოცემით, უთანხმოების საბაბი სულ უბრა-
ლო შემთხვევა გამხდარა: ორ მაკგრეგორს გზაზე შეღამებია და
კოლკუჰუნის ერთ-ერთი ვასალის ოჯახს მისდგომია ღამის გასა-
თევად. ვასალს უარი უთქვამს მასპინძლობაზე. მაშინ მგზავრები
ბაკში შესულან, ერთი ჭედილა დაუკლავთ, შეუწვავთ და შეუჭამი-
ათ. მერე, ვითომ მაკგრეგორებს ცხვრის საფასურიც შეუძღვევიათ
პატრონისათვის. ლერდმა ლუსმა შეიპყრო დამნაშავენი, სასწრა-
ფოდ გაასამართლა და სიკვდილით დასაჯა (იმ დროს მსხვილ

ფეოდალებს გასამართლების უფლებაც ჰქონდათ). ასე გადმოგვცემენ მაკგრეგორები მეზობლებთან მტრობის ჩამოვარდნის ამბავს და მერე ანდაბას მიაყოლებენ - „ის დღე დაიქცეს, როცა ის შავი, თეთრკუდა ჭედილა დაიბადაო“ (mult dhu en Carbail ghil). ლერდმა მაკგრეგორმა გადაწყვიტა შური ეძია, თავისი კლანი შეკრიბა (300-400 კაცი) და ლოხ-ლონგის ნაპირებიდან ეგრეთ წოდებული რეიდ ნაგელის, ანუ „მთიელის ხეობის“ გავლით გაეშურა ლუსის წინააღმდეგ საბრძოლველად.

სერ ჰამფრი კულკუჰუნმა გაიგო, თავდასხმას რომ უპირებდნენ და მომხდურებზე ორჯერ მეტი ლაშქარი შეკრიბა. ამ ლაშქარში იყვნენ ბიუხენანის კლანის ჯენტლმენები, გრემები და სხვა ლენოქსელი აზნაურები. მის დასახმარებლად მოვიდა აგრეთვე დამბარტონელ მოქალაქეთა რაზმი ტობიას სმოლეთის, ქალაქის საბჭოს მრჩევლის, ანუ ბეილის, მეთაურობით (ეს ტობიას სმოლეთი გამოჩენილი მწერლის წინაპარია). მოწინააღმდეგეები გლენფრუნში შეხვდნენ ერთმანეთს. გლენფრუნი მწუხარების ხეობას ნიშნავს და ეს სახელწოდება ესადაგება კიდევ იქ დატრიალებულ ამბებს - მაკგრეგორთა მტრებმა იმ დღეს საბედისწერო დამარცხება იგემეს, მაგრამ არც გამარჯვებულები იქნებოდნენ კარგ დღეში. ვინ იცის, რამდენი ჯან-ღონით სავსე ვაჟკაცი დაიღუპა იმ ბრძოლაში და როგორ იმრავლებდა ალჰაინის კლანი ისინი რომ ცოცხალნი დარჩენილიყვნენ!

მაკგრეგორები პირველად შეაკრთო მტრის ლაშქრის სიმრავლემ, მაგრამ ისინი კლანის „სიირმა“ ანუ მისანმა გაამხნევა - უთხრა, წინ მტრის ჯარს კი არა, სუდარაში გახვეულ ცხედრებს ვხედავო.

კლანმა გააფთრებით შეუტია მტერს წინიდან, ჯონ მაკგრეგორმა კი ძლიერი რაზმით ფლანგიდან მიიტანა იერიში. კოლკუჰუნები ფლანგიდან თავდასხმას არ ელოდნენ, თანაც მათი ჯარი, მეტწილად, ცხენოსნებისაგან შედგებოდა და ვინრო ხეობაში ვერ

გაიშალა. მიუხედავად ამისა, ისინი მედგრად იბრძოდნენ, მაგრამ ბოლოს მაინც დასჯაბნეს და გააქციეს მაკგრეგორებმა. გამარჯვებული ლტოლვილთ დაედევნენ და უმონყალოდ დაუნყეს ჟღე-ტა. კოლკუჭუნებმა 200-300 კაცი, მაკგრეგორებმა კი მხოლოდ ორი კაცი დაკარგეს. თუ ეს გადმოცემა სწორია, მაკგრეგორებს არა ჰქონდათ იმის საბაბი, რომ ასე უმონყალოდ გაენყვიტათ და-მარცხებული და ლტოლვილი მტერი. გამარჯვებულებს არც ღვთისმეტყველების ფაკულტეტის სტუდენტთა ჯგუფი დაუნდიათ (ეს წინდაუხედავი სტუდენტები თურმე ბრძოლის საყურებლად მოჰყოლიან კოლკუჭუნებს). ეს ამბავი მთლად სარწმუნო არ უნ-და იყოს, რადგან მაკგრეგორთა ბელადის საქმეზე შემდგარ სასა-მართლოს განაჩენში ამაზე არაფერია ნათქვამი. სტუდენტების დახოცვის ამბავს არც ისტორიკოსი ჯონსონი და პროფესორი როსი იხსენიებენ თავიანთ წიგნში, რომელიც 29 წლის შემდეგ გა-მოიცა. შოტლანდიური თქმულება კი დაბეჭითებით ადასტურებს ამ ფაქტს და იმ კლდის სახელსაც გვამცნობს, სადაც ეს ხოცვა-ჟღეტა მოხდა; კლდეს დღესაც „ლეკ-ა-მინისტეირს“ ანუ „მღვდლების საფლავის ქვას“ უწოდებენ. მაკგრეგორები ამ საქ-მეს თავიანთ ერთ-ერთ ურჯუც და უღმობელ თანამეგვარეს, მაკ-გრეგორის ძუძუმტეს, ვინმე დუგალდს მიაწერენ, რომელიც ვეება და ძალზე ღონიერი კაცი ყოფილა და მეტსახელად ქიარ-მორი ანუ ლეგა გოლიათი რქმევია. ბელადს დატყვევებული ყმანვილე-ბი მისთვის ჩაუბარებია და უბრძანებია, ბრძოლის დამთავრებამ-დე არ გაუშვაო. ამ ველურმა კი სანამ სხვები მტერს მისდევდნენ, ერთიანად ამოხოცა თავისი უმწეო და უიარალო ტყვეები. არ ვი-ცი, შეეშინდა, არ გამეფცნენო, ან იქნებ სტუდენტებმა დაცინვა და-უნყეს მაკგრეგორებს, ანდა, შესაძლებელია, სულაც სისხლი მოს-წყურდა. როდესაც ბელადი დაბრუნდა და ტყვეები მოიკითხა, ქი-არ-მორმა სისხლიანი ხანჯალი ასწია და გელურად მიუგო; „აი, ამას მოჰკითხე, მე კი ღმერთმა მაჰპატიოსო“. ეს ბოლო სიტყვები,

იმაზე უნდა მიგვანიშნებდეს, რომ ქიარ-მორის ზვარაკები სიკვდილის წინ ზეციური სასჯელით ემუქრებოდნენ თავიანთ მკვლელს. აქედან ჩანს, რომ ამ გადმოცემას ნამდვილი ამბავი უდევს საფუძვლად, თუმცა სამხრეთმოტლანდიურ ვერსიაში დახოცილ ყმანვილთა რიცხვი, უდავოდ, ძალზე გაზვიადებულია. ხალხში ამბობენ, ქიარ-მორის მსხვერპლთა სისხლი დღესაც ატყვია იმ კლდეს და არც არასოდეს ჩამოირეცხებაო. ამ ამბით შეძრწუნებულ მაკგრეგორს ძუძუმტე გაულანძლავს და უთქვამს, ისეთი საქმე ჩაგიდენია, რომ შენც დაიღუპები და მთელ კლანსაც უბედურება ეწევასო. ეს ჭალათი რობ როისა და მისი შტოს წინაპარი ყოფილა. იგი ფორტინგალის ეკლესიაშია დასაფლავებული. საფლავზე უზარმაზარი ლოდი ადევს[7]. ქიარ-მორის ღონესა და სიმამაცეზე დღესაც უამრავი თქმულება დადის ხალხში[8].

მცირერიცხოვან მოკლულთა შორის მაკგრეგორის ძმაც ვრია. იგი ბრძოლის ველის მახლობლად დაკრძალეს და საფლავზე ლოდი დაადეს, რომელსაც მაკგრეგორის ლეგა ლოდს უწოდებენ.

სერ ჰამფრი კოლკუჰუნი ცხენვეთილობამ იხსნა. იგი მდევრებს გაექცა და დროებით ბანობარის, ან მეორენაირად ბუნებრას ციხე-სიმაგრეს შეეფარა, მაგრამ ციხე-სიმაგრის კედლებმა დიდხანს ვერ იპატია: მცირე ხნის შემდეგ იქვე, თალის ქვეშ მოკლეს. საგვარეულო მათიანე ამას მაკგრეგორებს მიაწერს, მეორე ვერსია კი მკვლელობაში მაკფარლენებს სდებს ბრალს. გლენფრიუნის ბრძოლა და ის სისასტიკე და დაუნდობლობა, რომელიც მაკგრეგორებმა გამოიჩინეს მტრის მიმართ, შემზარავ ფერებში დაუხატეს ჯეიმზ VI[9]. ამ ბრძოლამ კიდევ უფრო გაუტეხა სახელი მამაც, მაგრამ თავნება კლანს. მეფეს რომ უფრო კარგად წარმოედგინა გლენფრიუნის ხეობაში დატრიალებული უბედურების სურათი, დახოცილთა ასზე მეტი ქვრივი ჩავიდა სტირლინგში. ისინი მძიმე ძაძვებით იყვნენ შემოსილნი, ყველანი თეთრ

ცხენზე ისხდნენ და ყოველ მათგანს დალუპული ქმრის სისხლიანი პერანგი ჰქონდა წამოცმული შუბლზე. ქალები ხელმწიფეს წარუდგნენ და სთხოვეს, სასტიკად დასაჯეთ, ვინც ამ საშინელ დღეში ჩაგვყარაო.

ჯეიმზ VI გულჩვილი და მგრძნობიარე კაცი იყო, ამ სანახაობამ ძალიან ააღელვა და თითქმის იმაზე მეტად დასაჯა დამნაშავეები, ვიდრე იმსახურებდნენ. საიდუმლო საბჭოს 1603 წლის 3 აპრილის ბრძანებულებით მაკგრეგორებს აევრძალათ მამა-პაპათა გვარის ტარება. ამიერიდან, ყველა, ვინც კი გვარს არ შეიცვლიდა, სიკვდილით უნდა დასჯილიყო. გლენფრუნის ბრძოლისა და სხვა ყაჩაღური თავდასხმების მონაწილეებს (ეს თავდასხმები დანვრილებით იყო ჩამოთვლილი ბრძანებულებაში) აევრძალათ იარაღის ტარება. მათ მხოლოდ პატარა დანა შეეძლოთ ეტარებინათ საგზლის დასაჭრელად, ამ ბრძანების დამრღვევი სიკვდილით ისჯებოდა. საიდუმლო საბჭოს შემდგომი, 1613 წლის 25. ივნისის, ბრძანებულებით ყოფილ მაკგრეგორებს აევრძალათ თავშეყრა. თუკი ჯგუფი ოთხზე მეტი კაცისაგან იქნებოდა შემდგარი, ყველა სიკვდილით დაისჯებოდა. პარლამენტის მიერ 1617 წელს გამოცემული აქტის 26-ე მუხლი ხელახლა ამტკიცებდა ამ ბრძანებულებებს და მათ მოქმედებას მაკგრეგორთა ახალ თაობაზე ავრცელებდა, რადგან იმათი შვილები, ვის წინააღმდეგაც საიდუმლო საბჭოს მიერ გამოცემული ბრძანებულებები იყო მიმართული, უკვე სრულწლოვანნი გამხდარიყვნენ და, თუ მამა-პაპათა გვარს მიიღებდნენ, კლანი კვლავ აღდგებოდა. ამ არაადამიანურ ბრძანებულებათა შესრულება დასავლეთში ძირითადად გრაფ არგაილსა და კემპბელთა ძლიერ ტომს დაევალა, აღმოსავლეთში, პერტშირის მთიან ოლქებში კი - გრაფ ეთოლსა და მის ვასალებს.

მაკგრეგორები ქედს არ უხრიდნენ მტერს და საოცარი სიმამაცით იცავდნენ საკუთარ მიწა-წყალს. მთიანი შოტლანდიის დასავ-

ლეთითა და ჩრდილოეთით მდებარე ხეობები მრავალი ფიცხელი ბრძოლების მოწმენი არიან; დევნილი კლანის შვილები დროდადრო იმარჯვებდნენ, თავიანთ დამარცხებას კი ერთობ ძლიერად უსვამდნენ მტერს. ბოლოს, თვისტომთა გაუთავებელმა ტანჯვა-წამებამ გატეხა ბელადის, ალასტერ მაკგრეგორის, სიამაყე და მან გადანყვიტა გრაფ არგაილს ჩაბარებოდა თავის უახლოეს თანამებრძოლებთან ერთად. გრაფს პირობა ჩამოართვეს, რომ ტყვეებს შოტლანდიის დატოვების უფლებას მისცემდა. თუ უბედური ბელადის ჩვენებას დავუჭერებთ, მას უფლება ჰქონდა ასეთი შეღავათი მოეთხოვა გრაფისაგან, რადგან სწორედ გრაფის წაქეზებით ჰქონდა ჩადენილი ის საქმეები, რომელთა გულისთვის ახლა სასტიკად უნდა დასჯილიყო. არგაილი, როგორც მოხუცმა ბირელმა შენიშნა, შოტლანდიურად მოიქცა - არც მწვადი დანვა და არც შამფური. მან ძლიერი რაზმის თანხლებით გადაიყვანა მაკგრეგორი საზღვარზე და შემდეგ, რადგანაც პირობა შესრულებულად მიიჩნია, ტყვეები იმავე რაზმის თანხლებით დააბრუნა უკან და ედინბურგის ციხეში გამოამწყვდია. 1605. წლის 20 იანვარს გლენსტრელის მფლობელი მაკგრეგორი წარსდგა სასამართლოს წინაშე და მიჩნეულ იქნა დამნაშავედ. როგორც ეტყობა, იგი სასამართლოს დარბაზიდანვე წაუყვანიათ ჩამოსახრჩობად, რადგან ბირელი იმავე დღეს აღნიშნავს დასჯის თარიღს. იგი გვამცნობს, მაკგრეგორი ქალაქის კარიბჭესთან ჩამოახრჩეს და თავისი ორი თანამებრძოლისაგან იმით გამოარჩიეს, რომ უფრო მაღლა ჩამოჰკიდესო. ხანგრძლივი პატიმრობის შემდეგ, მომდევნი წლის თვრამეტ თებერვალს, ამ კლანის მრავალი წევრი დასაჯეს სიკვდილით, ხოლო მარტის დასაწყისში - კიდევ რამდენიმე ვაცი მიაყოლეს.

გრაფ არგაილის დამსახურება „მაკგრეგორთა თავნება, ბოროტო და გამუდმებით კანონის დამრღვევი კლანის დამორჩილებაში, ან სამართლიანად დასჯილი მაკგრეგორისა და სხვა მე-

თაურების დაპატიმრებასა და მართლმსაჯულებისათვის გადაცემაში“ აღნიშნულია პარლამენტის 1607 წლის დადგენილების მე-16 მუხლით. ამავე დადგენილებით პარლამენტი გრაფ არგაილს უწყალობებს 20 ჩოლდერს[10] მარცვლეულის კინტიარის კლანის კუთვნილი მიწიდან. მიუხედავად იმისა, რომ პარლამენტი თავისი ბრძანებულებით მოუწოდებდა ყველას ცეცხლითა და მახვილით გაენადგურებინათ ბოროტი კლანი, ხოლო შოტანდიის ხელისუფლება მისი სახელის გაგონებაზე მოთმინებასა და საკუთარი ღირსების გრძნობას ჰკარგავდა და ზედიზედ აგზავნიდა დამსჯელ ექსპედიციებს მაკგრეგორთა ამოსაჟღერტად, მაკგრეგორები არა ტყდებოდნენ და შეუპოვრად იბრძოდნენ კლანის ერთიანობისათვის. მართალია, ისინი კანონს დამორჩილდნენ და მემობელი ტომების სახელები დაირქვეს - დრამონდებად, კემპბელებად, გრემებად, ბიუკანანელებად, სტიუარტებად იქცნენ, ვისაც როგორ აძლევდა ხელს, მაგრამ გულით, ხასიათითა და საქციელით კვლავ გრეგორებად დარჩნენ, ყველა საქმეში, კეთილი იქნებდა თუ ბოროტი, მხარში ედგნენ ერთმანეთს და ერთისთვის რომ ეწყენინებინათ, მთელი კლანი აღსდგებოდა შურისსაძიებლად. კლანი კვლავ სასტიკად იდევნებოდა, მაგრამ თვითონაც არა რჩებოდა ვალში მოძალადეებს. ამას იყო ყოველგვარი ცდა, კანონის ძალით გაეთიშათ მაკგრეგორები. ეს აშკარად ჩანს 1633 წელს გამოცემული სტატუტის შესავლის 30-ე მუხლიდან, სადაც ნათქვამია, რომ გრეგორთა კლანმა, დათრგუნვილმა და დამშვიდებულმა ნეტარხსენებული ხელმწიფის ჯეიმზის ცდისა და რუდუნების მეოხებით, კვლავ წამოიწყო შფოთი ჰერთის, სტირლინგის, ქლაკმენენის, მონტითის, ლენოქსის, ანგიუსის და მერნისის საგრაფოებში. ამიტომ სტატუტი ადასტურებს იმ ძველ დადგენილებათა ქმედუნარიანობას, რომლითაც კლანს ჩამორთმეული აქვს ყოველგვარი უფლება და ადგენს, რომ განუხრელად

უნდა შესრულდეს ამ ბოროტი და მოუსვენარი კლანის დასაორგუნავად გამოცემული ყველა კანონი.

აი, ასეთ დაუნდობელ ღონისძიებებს ატარებდნენ ჯეიმზ I[11] და ჩარლზ I[12] იმ უბედური ხალხის წინააღმდეგ, რომელიც თვითონ გამოჰყავდათ მოთმინებიდან უსამართლობით და მერე კი, როცა დევნილი და შევიწროებული კლანი გრძნობდნენ ველარ დაიოკვებდა, სასტიკად უხდიდნენ სამაგიეროს. მიუხედავად ამისა, სამოქალაქო ომის დროს მაკგრეგორები ერთსულოვნად დადგნენ განდევნილი მეფის დროშის ქვეშ. მათი ბარდები შეეცადნენ აეხსნათ ეს ერთსულოვნება - მაკგრეგორები იმთავითვე შოტლანდიის მეფეთა ერთგულნი იყვნენ, რადგან თვითონ მათი წინაპრები ატარებდნენ შოტლანდიის სამეფო გვირგვინსო და საბუთად თავიანთი გერბი მოჰქონდათ. გერბზე ასო X-ვით გადაჯვარედინებული შიშველი ხმლების წვერებზე დაყრდნობილი ორი ნაძვი და სამეფო გვირგვინია გამოსახული. ჩვენ არ გვინდა ვთქვათ, რომ ეს თვალსაზრისი უსაფუძვლოა, მაგრამ მაინც გვგონია, რომ იაკობინელთა მხარეზე ბრძოლა უფრო მაცდუნებელი იყო მაკგრეგორთათვის, ვიდრე კოვენანტერთა დაპირებები, რადგან ამით მდიდარი დაბლობის ძარცვის საშუალება ეძლეოდათ და, გარდა ამისა, აჯანყებულთა მხარეზე რომ დამდგარიყვნენ, მთიანი შოტლანდიის სხვა მძვინვარე კლანებს უნდა დაპირისპირებოდნენ. კლანს პატრიკ მაკ მაკგრეგორი ჩაუდგა სათავეში, გამოჩენილი ბელადის დუნკან აბრახის შვილი. მონტროზი წერილებში სანდო და ერთგულ მეგობრად იხსენიებს პატრიკ მაკგრეგორს და ჰპირდება, მომავალში, როცა მისი უდიდებულესობის საქმე გამოსწორდება, თქვენს კლანს აღარავინ დაჩაგრავსო. ამ ვაგლახი და აფორიაქებული დროების შემდგომ პერიოდში, სახელდობრ, 1651 წელს, როცა შოტლანდიის პარლამენტმა მოუნოდა ყველა კლანს უკუეგდო რესპუბლიკელთა არმია, მაკგრეგორებმა საზღაურად ძველ უფლებებში აღდგენა მოითხოვეს.

ზემოხსენებული წლის მარტის ბოლო დღეს კალუმ მაკკონდახიმ, ვიხ იუენმა და იუენ მაკკონდახი იუენმა თავიანთი და ყველა მაკგრეგორის სახელით თხოვნა მიართვეს მეფესა და პარლამენტს. თხოვნაში აღნიშნული იყო, რომ, როდესაც მთხოვნელებმა, თანახმად პარლამენტის მიერ ყველა კლანისათვის სავალდებულო ბრძანებისა, თავიანთ ბელადის მეთაურობით რჯულის, სახელმწიფოსა და ორივე სამეფოს დასაცავად მდინარე ფორტის სათავესთან მოიყარეს თავი და დააპირეს ხეობების გამაგრება, ეთოლის გრაფმა და ლერდმა ბიუხენანმა ხელი შეუშალეს ამ საქმეში: მოითხოვეს გრეგორთა კლანის ზოგიერთი მეომარი მათ რაზმებში გადასულიყო. ეს არ მოხდებოდა, მაკგრეგორებს თავიანთი გვარის ტარების უფება, რომ არ ჰქონოდათ ჩამორთმეული - გრაფ ეთოლი და ლერდი ბიუხენანი იმ მეომრებს მოითხოვდნენ, რომელთაც მერისა და ბიუხენანის სახელი ჰქონდათ მიღებული.

მაკგრეგორთა პეტიცია, რომლითაც იხვეწებოდნენ სხვა კლანებისათვის ცალკე რაზმად ვიბრძოლებთო, როგორც ჩანს, უპასუხოდ დარჩა, მაგრამ, რესტავრაციის[13] შემდეგ, მეფე ჩარლზმა შოტლანდიის პირველსავე პარლამენტს (სტატუტი 1661 თავი 195) გააუქმებინა გრეგორთა წინააღმდეგ მიმართული მთელი რიგი დადგენილებები, უფლება მისცა, ეტარებინათ საგვარეულო სახელი და ესარგებლათ ყველა იმ პრივილეგიით, რაც მეფის სხვა ერთგულ ქვეშევრდომებს ჰქონდათ მინიჭებული. ასეთი მონაცემების საფუძვლად მიჩნეული იყო ის გარემოება, რომ „იმათ, ვინც ადრე მაკგრეგორებად იწოდებოდნენ, უკანასკნელი არეულობის დროს ერთგულება გამოიჩინეს მეფისადმი და მათ სავსებით დაიმსახურეს ყოველგვარი ძველი დანაშაულის პატიება“.

საკმაოდ უცნაურია, რომ ნონკომფორმისტი პრესვიტერიანელები, რომლებიც სულ ცოტა ხნის წინათ თვითონაც განიცდიდნენ უსამართლო დევნას საშინლად აღაშფოთა პარლამენტის ლმობიერებამ. ეტყობა, მარტო ცუდს კი არა, კარგ ხალხსაც

არად მიაჩნდა სხვისი ჭირი. ამ ბედუკუდმართ კლანს რესტავრაციის შემდეგაც არ გამოლევია მტრები და მათი მცდელობით ვკლავ აღადგინეს ის კანონები, რომლებიც მაკგრეგორთა დასჯის უფლებას იძლეოდა. ალბათ, შემდგომში გლენკოში[14] გამართული ხოცვა-ჟლეტაც მტრების ხრიკებით იყო გამოწვეული. არ არის ცნობილი, თუ რის საფუძველზე აღადგინეს ეს კანონები. სტატუტში არსაც არის მოხსენიებული, რომ კლანმა რაიმე ახალი დანაშაული ჩაიდინა. თამამად შეგვიძლია ვთქვათ, რომ კანონის ის მუხლი, რომლებიც მაკგრეგორებს ეხებოდა, განზრახ იყო შედგენილი ასეთი ფორმით (ალბათ, იმიტომ, რომ თვალში არავის მოხვედროდა და ადვილად დაემტკიცებინათ). კანონი, რომელიც უღმობლად თრგუნავდა შოტლანდიის მრავალრიცხოვან ქვეშევრდომთა ინტერესებს, არ არის მოხსენიებული არც პარლამენტის 1693 წლის აქტის შესავალში, არც ქვეთავებში და მხოლოდ ამ აქტის 61-ე თავის („მართლმსაჯულება ზემო შოტლანდიაში“) მოკლე დამატების სახით არის წარმოდგენილი.

თუმცა, როგორც ჩანს, რევოლუციის შემდეგ ძველებური სიმკაცრით აღარ იცავდნენ კლანის დასათრგუნავად გამოცემულ კანონებს, ხოლო მე-18 საუკუნის მეორე ნახევარში თითქმის დაივიწყეს მათი არსებობა. ამ ხანებში თემთა პალატის წევრებშიც ვხვდებით ამ აკრძალული გვარის წარმომადგენლებს, სასამართლო გადაწყვეტილებებსა და ადმინისტრაციულ დადგენილებებს უკვე მაკგრეგორებიც აწერენ ხელს, მაგრამ კანონები ჯერ კიდევ არ იყო ამოღებული სტატუტთა წიგნიდან და მაკგრეგორთა საგვარეულო სახელის ტარება ვკლავ აკრძალული გახლდათ, იმიტომ ისინი შეეცადნენ კლანისთვის სხვა სახელი ეწოდებინათ, მაგრამ სახელზე ვერ შეთანხმდნენ - ზოგს მაკალჰაინი უნდოდა ახალ სახელად, ზოგს - გრანტი. ასე რომ, მაკგრეგორები იძულებულნი გახდნენ ისევ ძველი აკრძალული სახელი ეტარებინათ. შემდეგ კლანს ძველი უფლებები დაუბრუნეს: ინგლისის

პარლამენტმა საგანგებო აქტით სამუდამოდ გააუქმა კანონები, რომლებიც ესოდენ დიდი ხნის მანძილზე სტანჭავდა ამ უძველეს გვარს. მაკგრეგორებმა სავსებით დამსახურებულად მოიხსნეს სასჯელი, რადგან მრავალი მათგანი ერთგულად ემსახურა სამშობლოსა და მათეს. როდესაც ეს კანონი დამტკიცდა, მაკგრეგორებმა გადანყვიტეს, ძველი ადათ-წესები აღედგინათ. ისინი ყოველთვის ამ ადათ-წესების ერთგულნი იყვნენ და საშინლად იტანჯებოდნენ, როცა კანონი ძველებურად ცხოვრებას უკრძალავდათ.

მათ ლარნიკელი ჯონ მარი, ესკვაირი, გლენქარნოკის ოჯახის წარმომადგენელი, შემდგომში სერ კონ მაკგრეგორი, ბარონეტი, მაკგრეგორთა გვარის ლერდებისა და ლორდების წინაპრის პირდაპირ შთამომავლად მიიჩნის, თავიანთ ბელადად შერაცხეს და კლანის ყველა საზოგადოებრივი საქმის გადანყვიტის უფლება მიანიჭეს. არჩევის ოქმს მაკგრეგორთა კლანის 826 მამაკაცმა მოაწერა ხელი - ყველამ, ვისაც იარაღის ტარება შეეძლო. უკანასკნელი ომის დროს მაკგრეგორებმა საკუთარი ლეგიონი შექმნეს. ლეგიონი 1799 წელს ჩამოყალიბდა და სახელად „ალ-ჰაინი“ ეწოდა. მას კლანის ბელადი და მისი ძმა, პოლკოვნიკი მაკგრეგორი, მეთაურობდნენ.

მე მოკლედ გადმოგეცით კლანის წარსული, რომელიც შესანიშნავი მაგალითია იმისა, თუ როგორი გამძლე და ცხოველმოყველია პატრიარქალური წყობა, ახლა კი აუცილებლად მიმაჩნია ზოგიერთი ცნობა მოგანოდოთ იმ ადამიანზე, ვისი სახელიც ამ წიგნის სათაურად იქცა.

შოტლანდიელი მთიელის გაცნობა მისი გენეალოგიით უნდა დაიწყოს. რობ როი ქიარ-მორის შთამომავალი იყო, იმ ლეგა გოლიათისა, რომელმაც, გადმოცემის თანახმად, უდანაშაულო სტუდენტები დახოცა გლენფრუნის ბრძოლის დროს.

მთიელთა არეულ-დარეული გენეალოგიის გადმოცემით არც მე შევინუხებ თავს და არც მკითხველს დავდლი. მხოლოდ იმას მოგახსენებთ, რომ გლენსტრეელი ალასტერ მაკგრეგორის გარდაცვალების შემდეგ შტრების მიერ შევინროებული კლანი სულით დაეცა და ცალ-ცალკე შტოებად დაიშალა. თოთოეულ შტოს საკუთარი უფროსი მართავდა. ასე რომ, კლანს უკვე აღარ ჰყავდა ბელადი, რომელსაც ყველა შტოს მეთაური დაემორჩილებოდა.

დუგალ ქიარ-მორის ოჯახი და მისი შთამომავლების უმეტესობა მთებში ცხოვრობდნენ - ორი ტბის ლოხ-ლომონდისა და ლოხ-კეტრინის შუაში მდებარე ტერიტორიაზე. ისინი ვრცელ მამულებს ფლობდნენ ან „ძალის კანონით“ (ვაგლახად ვერვინ უბედავდა ჩხუბსა და დავას), ან რაიმე სხვა კანონის საფუძველზე - ამ საფუძვლის გარკვევა ძნელიც იყო და სახიფათოც. ერთი სიტყვით, ცხოვრობდნენ და ძლიერი მეზობლებიც კი ცდილობდნენ არაფერი ეწყენინებინათ მათთვის, რადგან მშვიდობიან დროს ქიარ-მორის შტოს შეეძლო მთელი ოლქი აერია, ხოლო ომის დროს უმეტესად ის იმარჯვებდა, ვინც ამ მამაცი ხალხის მიმხრობას მოახერხებდა.

რობ როი მაკგრეგორ კემპბელი (პარლამენტის აქტმა, რომელმაც მაკგრეგორებს აუკრძალა საგვარეულო სახელის ტარება, აიძულა იგი კემპბელი დაერქვა) გლენგაილელი დონალდ მაკგრეგორის უმცროსი შვილი იყო. მამამისი პოლკოვნიკი გახლდათ (ალბათ, ჯეიმზ II[15] ემსახურებოდა). დედამისი - გლენტალახელი კემპბელის ქალიშვილი. რობ როის სახელს „ინვენრსნეიდელს“ უმატებენ ხოლმე, მაგრამ იგი უფრო კრეიგროისტონის, ლოხ-ლომონის აღმოსავლეთ სანაპიროზე, გლენტალახის ნისლიან კალთებზე მდებარე ტყიან და კლდოვანი მამულის მფლობელი ჩანს. რობ როის დაბადების წელი ზუსტად არ არის ცნობილი. ამბობენ, რომ იგი მონანილეობას იღებდა რევო-

ლუციის შემდგომდროინდელ შეტაკებებში და მეკობრულ თავდასხმებში. გადმოცემით, რომ რომი ყაჩაღთა იმ რაზმს მეთაურობდა, რომელმაც კიპენისა და ლენოქსის სამრევლოები დაარბია 1691 წელს. ამ თავდასხმის დროს სისხლი თითქმის არ დაღვრილა - მხოლოდ ერთი კაცი მოკლეს, მაგრამ იქაურობა პირწმინდად გაძარცვეს და ამ შემთხვევას ხალხი შემდგომში „კიპენის აოხრებას“![16] უწოდებდა. უცნობია რომ რომის გარდაცვალების წელიც, მაგრამ, რადგან იგი 1733 წელს ცოცხალია და ამ დროს საკმაოდ ხანდაბმულია, შეიძლება ვივარაუდოთ, რომ „კიპენის აოხრების“ დროს ოცდახუთი წლისა იქნებოდა. თუ ასეა, რომ რომი მე-17 საუკუნის შუა წლებში უნდა იყოს დაბადებული.

რევოლუციის შემდეგ ქვეყანა ცოტათი დაწყნარდა და რომ რომიმ (ანუ წითურმა რობერტმა) თავისი დაუოკებელი ენერჯია და უბადლო ნიჭი სხვა საქმეებისაკენ მიმართა: მან ჩოღრობა, ანუ საქონლით ვაჭრობა დაიწყო. უნდა შევნიშნოთ, რომ იმ ხანებში ვერც ერთი სამხერეთშოტლანდიელი და, მით უმეტეს, ინგლისელი ჩოღარი ვერ გაბედავდა მთიანი შოტლანდიის საზღვრის გადალახვას. ჩრდილო შოტლანდიის მცხოვრებთა ვაჭრობის მთავარ საგანს, საქონელს, მთიელები ქვემო შოტლანდიის საზღვართან გამართულ ბაზრობებზე ჩამორეკავდნენ ხოლმე. ისინი კბილებამდე იყვნენ შეიარაღებულნი, მაგრამ სამხრეთშოტლანდიელ მუშტრებს არაფერს უშავებდნენ. ხანდახან კი ატყდებოდა ხოლმე ჩხუბი და მაშინ სამხრეთელები, უპირატესად საზღვრისპირა მიდამოების მცხოვრებნი, რომლებიც საქონელს ინგლისელებისათვის ყიდულობდნენ, ქუდს მდინარის ფშანში ამოავლებდნენ, ხელზე წამოიცვამდნენ, მთიელთა ჩელთა-ხმლებს უხვედრებდნენ და ზოგჯერ იმარჯვებდნენ კიდევ. მე იმ მოხუცებთან მისაუბრია, რომლებიც ახალგაზრდობაში თავად მონაწილეობდნენ ასეთ შეტაკებებში და ჩემი ყურით მომისმენია, რომ მთიელები ძალიან პატიოსნად იბრძოდნენ - თურმე ხმაღს წვერით არ ატაკებ-

დნენ მონინალმდეგეს და არც დამბახასა და ხანჯალს იშველიებდნენ.

თითქოს მინა თრთის, მინა მანზარებს, ისმის ზავთი და ერთი ზრიალი, ხმლის ჩახაჩუხი, კომბლის ჯახანი და ჯავარდნების ორომტრიალი.

მოჩხუბართ მალე უშუშდებოდათ კოპები და გატეხილი თავები და, რადგან ვაჭრობა ორივე მხარეს აძლევდა ხელს, ეს პატარ-პატარა შეტაკებები დიდად ვერა ვნებდა მთავარ საქმეს. მთიელე-ბისათვის საქონელი ცხოვრების ერთადერთი სახსარი იყო - მინა ცხოვრების სხვა სახსარს არ აძლევდა, ხოლო გონიერსა და გამოცდილ მთიელ ვაჭარს საქონლის ყიდვა-გაყიდვით შეეძლო თვითონაც სარფი მიეღო და მეგობრები და მეზობლებიც ეხეირებინა. რომ როიც სწორედ ასე იქცეოდა წლების განმავლობაში და საყოველთაო ნდობა და პატივისცემა დაიმსახურა ჩრდილო შოტლანდიაში.

რომ როის მდგომარეობა კიდევ უფრო განმტკიცდა, როცა ძმის გარდაცვალების შემდეგ ძმისშვილის, გლენგაილელი გრეგორ მაკგრეგორის მეურვე და მისი ქონების გამგებელი გახდა. ახლა იგი დეუგალდ ქიარის უშუალო მემკვიდრის აღმზრდელი და დამრიგებელი იყო, ეს კი დიდად ფასობდა კლანის წევრთა და მეზობელთა თვალში, მით უმეტეს, რომ მაკგრეგორთა ეს შტო, როგორც, ჩანს, აღარ ემორჩილებოდა თავიანთ ბელადს - გლენკარნოელ მაკგრეგორს, ახლანდელი ბარონეტის ევან მაკგრეგორის წინაპარს.

ამავე ხანებში, არ ვიცი, იყიდა, გირაოში დარჩა, თუ როგორ მოახერხა, რომ რომ რომ ზემოხსენებულ კრეიგ-როი-სტონს დაეპატრონა: იმ დროს საქმეები კრაგად მიუდიოდა და თავისი უახლოესი და ძლიერი მეზობელი ჯეიმს მონტროზიც (პირველი ჰერ-

ცოგი ამ გვარში) დიდად სწყალობდა. ჰერცოგმა ინება, რომ რომ როისა და მისი ძმიშვილის მფლობელობაში გადაეცა გლენგაილისა და ინვერსნიდის მამულები (ადრე ბიძა-ძმისშვილი მხოლოდ შეღავათიანი იჯარის უფლებით ფლობდნენ ამ მიწებს). გარდა ამისა, რომ რომი ხშირად დიდ თანხასაც სესხულობდა ჰერცოგისაგან და ამ ფულს თავის საქმეში - საქონლის ვაჭრობაში აბანდებდა. ჰერცოგი ფულს არ უჭერდა, რადგან რომ რომის საქმიანობა თვითონაც ხელს აძლევდა და ქვეყნისთვისაც სასარგებლო იყო.

სამწუხაროდ, აღებ-მიცემობის ზემოხსენებული სახეობა, მაშინაც არ იყო მყარი და საიმედო. ერთხელ ისე მოხდა, რომ საქონლის ფასი დაეცა და რომ რომის დიდი თანხა დაედო ვალად. კომთანიონს, ვინმე მაკდონალდს, რომელსაც რომ რომიმ დიდი თანხა ანდო, რომ არ ემუხთლა, კიდევ მოახერხებდა ვალის გადახდასო, უმატებს გადმოცემა. რომ რომი, რა თქმა უნდა, ხელცარიელი არ გაქცეულა. ყოველ შემთხვევაში, მისი დაპატიმრების ბრძანებაში ეწერა, თან 1000 სტერლინგამდე ფული აქვს, რომელიც რამდენიმე მემამულემ და ჯენტლმენმა მისცა, რათა ჩრდილო შოტლანდიაში საქონელი შეესყიდა ამ უკანასკნელებისათვისო. ეს განცხადება 1712 წლის ივნისში გამოჩნდა და შემდგომშიც მრავალჯერ გამეორდა. ამით შეგვიძლია დავადგინოთ ის თარიღი, როდესაც რომ რომიმ სავაჭრო გარიგებებს თავი დაანება და სულ სხვაგვარ საქმიანობას მიჰყო ხელი.

რომ რომი, როგორც ჩანს, სწორედ ამ ხანებში გადასახლებულა ინვერსნიდთან მთიან მხარეში, რომელიც მისი მამულიდან 10-12 შოტლანდიური მილით იყო დაშორებული (შოტლანდიური მილი ორჯერ მეტია ინგლისურზე). ამის შემდეგ რომ რომის სამუდამოდ აუღია ხელი კანონის მორჩილებაზე და ყაჩაღობა დაუწყია. მონტრობის ჰერცოგმა თავი მოტყუებულად და შეურაცხყოფილად ჩათვალა და გასესხებული ფულის ამოგება კანონს მიან-

დო. სასამართოს გადაწყვეტილებით, რომ როის მთელი მამულები ჩამოართვეს. ხოლო საქონელი და სახლ-კარი საჯარო ვაჭრობით გაუყიდეს.

შოტლანდიაში ამას „კანონის დაცვას“ უწოდებენ, ინგლისში კი უფრო უხემ სახელს „ქონების წართმევას: არქმევენ. ამბობენ, სასამართლოს აღმასრულებლებმა, რომლებიც, საერთოდ, ზრდილობითა და გულკეთილობით ვერ მოიწონებენ თავს, ამჯერად, თურმე, ისე შეურაცხვეს დიასახლისი, რომ რომ როი კი არა, ცხვარივით თვინიერი კაციც გაცოფდებოდა და დაუნდობლად იძიებდა შურს მოძალადეებზე.

მაკგრეგორის მეუღლე ფიცხი და მზვობარი ქალი იყო და ალბათ არ დაემორჩილა კანონის დამცველთა ბრძანებას. ბუნებრივია, ისინი გაბრაზდებოდნენ და უხეშად მოექცეოდნენ, ის კი, შესაძლებელია, სულაც ხალხმა გააზვიადა ეს ამბავი. ერთი კი უდავოა: ქალმა მწვავედ განიცადა ლოხ-ლომონდის ნაპირებიდან გაძევება და თავისი სევდა გუდასტვირისათვის შექმნილ შესანიშნავ ჰანგში ჩააქსოვა. ამ ჰანგს „როგ როის“ გოდება ეწოდება და დღესაც დიდი მონონებით სარგებლობს გუდა-სტვირის მოყვარულთა შორის.

ვარაუდობენ, რომ ლტოლვილი პირველად გლენ-დოხარტში წავიდა და გრათ ბრედალბეინს შეეხიზნა. მართალია, თავის დროზე ბრედალბეინები ბეჭითად იღწვოდნენ მაკგრეგორთა გასაჩანაგებლად, მაგრამ ბოლო წლებში გეზი შეცვალეს და მრავალ ლტოლვილ მაკგრეგორს მისცეს უფლება, თავიანთი ყოფილი მამულისათვის შეეფარებინა თავი. რომ როის სხვებთან ერთად გრათ არგაილმაც გაუწოდა მფარველობის ხელი. მან, როგორც მთაში იტყვიან, „ტყე და წყალიც“ კი მისცა ლტოლვილს, ესე იგი, რომ როის შეეძლო დამალოდა მდევრებს ჰერცოგის მამულში, რომელიც ტბებისა და ტყეების სიმრავლით იყო ცნობილი.

იმ დროის მთიანი შოტლანდიის მსხვილი ფეოდალები გულ-მოდგინედ მფარველობდნენ თავიანთ დამქაშებს, ანუ შეიარაღებულ ვასალებს და ამით დიდად ინონებდნენ კიდეც თავს. გარდა ამ ვასალებისა, ისინი თავმეხელალებული, კანონისა და სახელმწიფოს მიერ დევნილ

ხალხსაც იახლოვებდნენ და, კვალი რომ დაემაღათ, მეომრული ფეოდალების მოიჭარეთა მიწებს თავიანთ ვასალებს კი არა, ამ ხალხს არბევინებდნენ. ასე აოხრებდნენ ერთმანეთს მე-17 საუკუნის სამოქალაქო ომის დროს კემპბელეები და გრემები. გრემები სახელგანთქმული მარკიზის, მონტროზის, დალუპვას ვერ ივინყებდნენ, კემპბელეები კი - ინვერლოხთან ნანვნევ დამარცხებასა და ლორნის აოხრებას. რომ რომი დარწმუნებული იყო, რომ კემპბელეები თავშესაფარს მისცემდნენ: ჯერ ერთი, იმათი გვარი ჰქონდა მიღებული, მეორე, დედა კემპბელი ჰყავდა და, რაც მთავარია, იმათი დაუძინებელი მტერს, მონტროზთა გვარის, მტერი იყო. არგაილს ვრცელი სამფლობელო ჰქონდა და კაცს ადვილად შეეძლო მოუხელთებელი ყოფილიყო. ყოველივე ამან საშუალება მისცა რომ რომის შურისძიების გაბედული გეგმა შეედგინა, მით უმეტეს, რომ ახლა ძლიერი დამხმარეც ჰყავდა მონტროზის ჰერცოგის დასამარცხებლად წამოწყებულ ავაზაკურ ბრძოლაში. რომ რომი ჰერცოგს აბრალებდა თავის გაუბედურებას - საზოგადოებიდან განდევნას, „დევნისა და დაპატიმრების“ განცხადების გამოცემას (ასე ეწოდებოდა დაპატიმრების ბრძანებას), კანონგარეშე გამოცხადებისა და ბოლოს, ქონებისა და მიწების ჩამორთმევას. ამიტომ გადაწყვიტა, ყველა ღონე ეხმარა და ჰერცოგის, მისი მეგობრების, მომხრეების, ნათესავებისა და მოიჭარადრეებისათვის სიცოცხლე გაემწარებინა. ამგვარად, რომ რომიმ ვრცელი ასპარეზი იშოვა თავისი ავაზაკური გეგმების განსახორციელებლად, მაგრამ, რადგანაც თავის თავს იაკობინელად[17] თვლიდა, ამით არ დაკმაყოფილდა და რევოლუციური

მთავრობის ყველა მომხრე და ინგლისისა და შოტლანდიის შეერთების მოსურნეც თავის მოსისხლე მტრების სიაში ჩაწერა. შარის მოდება ადვილი იყო და რობ როიც ხშირად ესხმოდა ხოლმე თავს ქვემო შოტლანდიაში მცხოვრებ მდიდარ მეზობლებს. გაძარცვას მხოლოდ ის გადაურჩებოდა, ვინც ყოველწლიურად გადაუხდიდა გარკვეულ თანხას დახმარებისა და მფარველობისათვის.

მხარე, სადაც ერთი ყველას წინააღმდეგ იბრძოდა, ანუ ძარცვა-გლეჯის დაკანონებას ცდილობდა, უგზო და მიუვალი იყო. მოსახლეობა ვიწრო ხეობებით იყო გათიშული ერთმანეთისაგან. ირგვლივ კი ვრცელი ტყეები და უზარმაზარი ფრიალო კლდეები ჰქონდა შემოჭარული. უცხო კაცი გზას ვერ გაიგნებდა გაუვალ ხეობებსა და ჭაობებში და ვერც ბუნების მიერ შექმნილ ციხე-სიმაგრეებს შეეფარებოდა, რადგან მათი ასავალ-დასავალი მხოლოდ მთიულებმა იცოდნენ. ყოველივე ეს ძალზე უადვილებდა საქმეს რობ როის. მას სულ ადვილად შეეძლო გასხლტომოდა მტრის მრავალრიცხოვან ჯარს და ნაცნობ მთებსა და ტყეებს შეეფარებოდა.

იქაური მოსახლეობის შეხედულებები და ადათ-წესებიც დიდად ეხმარებოდა დასახული მიზნის განხორციელებაში. ირგვლივ მცხოვრებთა უმეტესი ნაწილი მისი მოგვარეები - მაკგრეგორები იყვნენ. მკაცრმა კანონმა, ათეული წლების განმავლობაში დაუნდობლად რომ თრგუნავდა და ავიწროებდა მაკგრეგორებს, ბალკვიდერი და სხვა მთიანი ოლქები მეზობელ კლანებს გადაეცა, მაგრამ მაკგრეგორები არ აპირებდნენ ხელი აეღოთ თავიანთ სამკვიდროზე. მე-17 საუკუნის სამოქალაქო ომების დროს, მაკგრეგორები დიდად გაინაფნენ სამხედრო საქმეში, ხოლო გამუდმებულმა დევნამ და შეურაცხყოფამ გააბოროტა და შურის საძიებლად აღაგზნო ისინი. გარდა ამისა, მეზობლად დაბლობი ეგულებოდათ, რომლის სიმდიდრე მაკგრეგორებსაც და

მთიანეთის სხვა გვარებსაც იზიდავდა - ყველას, ვისაც შრომა ეთაკილებოდა და მხოლოდ ხანჯლის ტრიალი მიაჩნდა ნამდვილ საქმედ. ისინი ზვაავით დაეშვნენ სამხრეთის დაუცველი საზღვრებისაკენ იოლი ნადავლის საშოვნელად და მთელი ქვეყანა, ახლა ასეთი მშვიდი და უშიშარი რომ არის, თარეშისა და ძარცვა-გლეჯის სარბიელად აქციეს. დოქტორ ჯონსონს ტყუილად არა სჯერა, რომ იმდროინდელ ჩრდილო შოტლანდიაში ყველა ოლქი, რომელიც ქვემო შოტლანდიას ესაზღვრება, შფოთიანი და კანონსა და სამართალს მოკლებული იყო. ამიტომ გახლდათ, რომ რობ როი, რომლის მოგვარენი მთელ იმ მხარეში იყვნენ გაფანტულნი, სულ ადვილად ახერხებდა ხალხის შოვნას მეზობლების დასარბევად და ამ ხალხს ნადავლით ინახავდა.

თავად რობ როი თითქოს ამ საქმისათვის იყო დაბადებული. ძალიან მაღალი არ გახლდათ, მაგრამ საოცარი ღონითა და ამტანობით გამოირჩეოდა. განსაკუთრებით თვალში მოგხვდებოდათ ფართო მხარბეჭი და ძალიან გრძელი ხელები. ამბობენ, წვივსაკრავს ისე შეიბნევდა, რომ წელში არ მოიხრებოდაო. წვივსაკრავი კი მთიელებს მუხლამდე არც კი სწვდებათ - ორი გოჭი მაინც აკლდება. გამომეტყველება, თუ კარგ ხასიათზე იყო, გულღია და ვაჟკაცური ჰქონდა, მაგრამ საფრთხის დროს ისე მოიქეფრებოდა, რომ თვალს ვერ გაუსწორებდი. სახეს მუქი წითური, ხშირი და ხუჭუჭი წვერი უფარავდა. თურმე შოტლანდიურ ქვედანელს იცვამდა და მნახველები ამბობენ, წითური ბალნით დაფარული ბარძაყები მთის ხარავით ჰქონდა დაკუნთულიო, ყოველივე ამას ისიც უნდა დაუმატოთ, რომ ოსტატურად ხმარობდა ჩელთ-ხმალს (ამაში გრძელი ხელებიც შველოდა), ზედმინწვნით იცნობდა თავისი ველური მხარის ყოველ კუთხე-კუნჭულსა და იქაური მოსახლეობის (მტერი იქნებოდა თუ მოყვარე) ზნე-ჩვეულებებს.

რობ როის ხასიათი და შეხედულებებიც სავსებით შეესაბამებოდა იქაურ პირობებს. სისხლისმსმელი ქიარ-მორის შთამომავალი კი იყო, მაგრამ მისი გული არ გამოჰყოლოდა. პირიქით, ყოველთვის ერიდებოდა ზედმეტ სისხლის ღვრასა და უაზრო სიმკაცრეს - ასეთ საქმეს თავიდან არ მოჰკიდებდა ხოლმე ხელს. მისი გაბედული თავდასხმები თითქმის ყოველთვის წარმატებით გვირგვინდებოდა, რადგან ყველაფერს წინასწარ აწონ-დანონიდა და მერე სწრაფად დააცხრებოდა ხოლმე თავზე მსხვერპლს, რომელიც სულ არ ელოდებოდა საფრთხეს. სიქველითა და კეთილშობილებით ინგლისელ ყაჩაღს, რობინ ჰუდს ჰგავდა - მდიდარს ართმევდა და ღარიბს აძლევდა. შეიძლება, ვაცმა იფიქროს, ამას ანგარიშით აკეთებდაო, მაგრამ გადმოცემები საწინააღმდეგოს ამტკიცებენ. ვისთანაც კი მისაუბრია (სიჭაბუკეში რობ როის მრავალ ნაცნობს შევხვედრივარ), ყველა ერთხმად ამბობდა, „თავისებურად გულმონყალე ვაცი იყო და ხალხი უყვარდაო“.

ზნეობრივი მრწამსით დიდად არ განსხვავდებოდა ბედუინთა ბელადისაგან და არც არის გასაკვირი - ბედუინივით ველურად იყო აღზრდილი. რობ როის თავისი, ნებითა თუ იძულებით არჩეული, ხელობის გამართლება რომ მოენდომებინა, უეჭველია იტყოდა, უსამართლო მართლმსაჯულებამ კუთვნილი უფლებები ამყარა და იარაღი რომ არ ამელო ხელში, რაღა ვაცი მერქმეოდაო; სწორედ ასე ნიშანდობლივად ასახა რობ როი თავის შთაგონებულ ლექსში ჩემმა ნიჭიერმა მეგობარმა უორდსუორთმა:

მაშ, მომისმინეთ: იგი იყო საქმით მამაცი,
ასევე სიბრძნით დაყურსულით გახლდათ ძლიერ და
გარესამყაროს უთავბოლო ორომტრიალში
თავის ზნეობრივ თვალთახედვას მოიძიებდა.
იტყოდა რობი გულმონყალე: - მოეშვით დავთარს,

ბოლო მოუღეთ კოდექსების ყველა კრებულებს,
რადგან კანონი გვამბობებს საკუთარ თავთან
და ერთმანეთთან საბრძოლველად გვავალდებულებს.
გვაქვს მისწრაფება, ვქმნით კანონებს, რას არ ვეღებით, -
თითქოს კანონი წარმართავდეს კაცთა ბუნებას,
მერე მოვდგებით სულელური თავგამეტებით
და ვენირებით კანონების შენარჩუნებას.
გაოგნებულებს თვალწინ გვიდგას ქვეყნის ავ-კარგი,
მანც ვერ ვარჩევთ, გვიძნელდება თვალის გახელა
თუმც ყოველივე გულზედა გვაქვს ამონაქარგი
და სამოქმედოდ თავისთავად გვეკარნახება.
აბა, წყლას ჰკიხეთ, დააკვირდით მინდვრის ბინადრებს,
ახედეთ ცასაც - აჭრელებულს ლალი ჩიტებით -
იქ სიძულვილი ვერასოდეს დაიბინადრებს,
ცხოვრობენ მხნედ და გულდამშვიდებით.
რატომ? - რატომ და, ძველებური მარტივი წესი
მათ შეითვისეს: ძაღოვანი უძურს არჯულებს,
თუკი ძალა აქვს, უსათუოდ ჩაიგდებს ხელში,
თუ შეუძლია, თავისთავად შეინარჩუნებს.
ეს არის მათთვის ყოველგვარი ქცევის სათავე,
მცნება, რომელსაც იმთავითვე ყველა გებულობს...
ძლიერს არავინ აიძულებს, მაშასადამე,
რომ მეტისმეტი გულქვაობა ივალდებულოს.
ჭირვეულობა გონებისა აილაგმება,
რომ უგუნურიც მორჯულდეს და გახდეს მზიანი.
აქ, კი, მიწაზე, სურვილების ნაირგვარობას
ძალის მიხედვით ანაწილებს ადამიანი.
ჭკუის ზალით თუ სანაქებო ლომგულოვნებით
ცოცხლობს და კვდება ქვეყანაზე ყველა ქმნილება.
თვით ღმერთი ადგენს - რომელია მეფობის ღირსი,

ვის უნერია დამორჩილება.

„მაშ, - თქვა რობინმა, - რაკი ვცხოვრობთ მარტივი
ნესით,

რაკი ცხოვრებაც წუთიერი გახლავთ ცდუნება -
უმჯობესია გავემართოთ უმოკლეს გზებით
და სანადელიც თავისთავად აღესრულება“.

ასე ცხოვრობდა ზამთარ-ზაფხულ კლდეთა წიაღში,
მისთა ფერხთა ქვეშ ზანზარებდა ტყე და ხეობა,
მალლა არნივი განაგებდა ცათა სფეროებს,
რობი მინაზე მძლეეთამძლეობდა.

ჩვენ მაინც არა გვგონია, რომ ეს გამოჩენილი ადამიანი, რომელსაც მართლმსაჯულებამ ყველა უფლება აჰყარა, ნამდვილი გმირი და იმ შეხედულებათა მტკიცე მიმდევარი ყოფილიყო, რომელთაც მის საფლავთან მდგომი სახელგანთქმული ბარდი მიანერდა. (უეჭველია, პოეტს უნდოდა უკვდავეყო, რომ როის სახელი და იმიტომ შეასხა ასეთი ქება და ხოტბა). პირიქით, რომელი, სხვა ველური კლანების ბელადების მსგავსად, სულ არ ერიდებოდა მუხანათობასა და პირმოთნეობას. ამას ცხადად ამტკიცებს მისი მოქმედება სამოქალაქო ომის დროს. აღნიშნავენ აგრეთვე, და სრულიად სამართლიანადაც, რომ ეს ბუნებით თავაზიანი ვაცი ხანდახან ვინმეს ამოიჩემებდა და დაცინვას დაუწყებდა ხოლმე. ამას ყველა არ უთმენდა და მაშინ თავხედი ყაჩაღი ორთაბრძოლაში იწვევდა შეურაცხყოფილს, მაგრამ ბრძოლიდან ყოველთვის გამარჯვებული ვერ გამოდიოდა. აქედან დასკვნა გამოჰქონდათ, რომ გმირი ვი არა, შარიანი ვაცი იყო და ხანდახან სულ მცირე საბაბი ყოფნიდა საჩხუბრად. ზოგი მოხუცი ახალგაზრდობაში კარგად რომ იცნობდა რომ როის, ირწმუნებოდა, უფრო ნაცნობებს ეჩხუბებოდა, ბრძოლის ველზე ვი დიდი ვერაფერი შვილი იყო, მაგრამ ვინც მის ცხოვრებას იცნობს, ამას

ვერ დაიჭერებს. მისი საქმიანობის კაცს სიფრთხილზე უნდა ეხმარა და ყველა ჩხუბში არ უნდა გარეუღიყო. ამით მხოლოდ ახალ მტრებს გაიჩენდა, რადგან მთიელები გულგამყოლები არიან და დაჩაგვრად არავის აპატიებენ. ამიტომ, თუ რობ როის უნდოდა ნაადრევად არ შეენწყვიტა თავისი ახალი საქმიანობა, თავი უნდა მოეთოკა და წარამარა არ უნდა გახვეუღიყო შფოთსა და აყალ-მაყალში.

მე, შემძლია, ორი-სამი ისეთი შემთხვევა გიამბოთ, როდესაც რობ როი იძულებული გახდა ასე მოქცეულიყო. ჩემმა, ან განსვენებულმა, ოხერტიელმა მეგობარმა, პატივცემულმა ჯონ რემზიმ, რომელიც ბრწყინვალედ იცნობდა კლასიკურ ლიტერატურას, შოტლანდიის ისტორიასა და მის ზნე-ჩვეულებებს, მიაბო: თურმე ერთხელ რობ როი ქალაქ დუანში ყოფილა რაღაც დღესასწაულზე, კოცონთან შეკრებილ ხალხში ნიუტონელი ჯეიმზ ედმონდსტონიც ერია, ის ჯენტლმენი, რომელსაც შემდგომში ლორდ ლოროს მკვლელობაში დასდეს ბრალი (იხ. მაკლორონი „სასამართლო პროცესები“, N IX). რობ როის კბილი გაუკრავს ჯეიმზისათვის და ამ უკანასკნელს ქალაქიდან გაუგდია თავისი შეურაცხყოფელი - დამუქრებია, თუ ახლავე არ მოშორდები აქაურობას, ჩემი ხელით ჩაგაგდებ ამ კოცონშიო. ერთხელ უკვე დაგამტვრიე ცხვირ-პირი და ახლა, თუ ენას არ დაიმოკლებ, კისერს მოგიგრეხო. რობ როი იძულებული გამხდარა იქაურობა დაეტოვებინა. ერთი რამ აუცილებლად უნდა მივიღოთ მხედველობაში: ედმონდსტონი იაკობინელთა პარტიის გავლენიანი წევრი იყო - შერიფმურეს ბრძოლის დროს მეფე ჯეიმზ VIII[18] ალამდარი გახლდათ და, გარდა ამისა, ეს ამბავი მისი სახლის კართან მომხდარა, ალბათ მისი მომხრეებისა და მეგობრების თვალწინ. ასეა თუ ისე, ამ შემთხვევამ დიდად გაუტეხა სახელი ჩვენს გმირს.

მეორე, ასევე სარწმუნო შემთხვევა ბოკუჰანელ კანინგემის სახელთან არის დაკავშირებული.

ბოკუჰანელი ესკვაირი ჰენრი კანინგემი სტირლინგშირელი ჯენტლმენი იყო. დღევანდელი პენენიკი ახალგაზრდებისა არ იყოს, ისიც თავსა დებდა თავაზიანობაზე და დიდად ამაყობდა თავისი დახვეწილი მანერებით, მაგრამ ერთობ გულფიცხი და ხუ-შურიანი გახლდათ[19]. ერთ თავყრილობაში იგი რობ როის შეხვდა. მას, არ ვიცი ბოკუჰანელის პრანჭვა არ მოეწონა, თუ იფიქრა, რას დამაკლებსო (რობ როის მტრები ირწმუნებიან, ძლიერთან ჩხუბის ატეხას ერიდებოდა) და ისე სასტიკად შეურაცხყო კანინგემი, რომ ამ უკანასკნელმა მაშინვე ორთაბრძოლაში გაიწვია. დიასახლისმა ხმალი დაუმალა კანინგემს და სანამ იგი გამწარებული დარბოდა ოთახიდან ოთახში და იარაღს დაეძებდა, რობ როი დანიშნულ ადგილას - შილინგის ბორცვზე ავიდა და მედიდურად დაიწყო ბოლთის ცემა. ცოტა ხნის შემდეგ კანინგემმა რალაც ძველი ხმალი იპოვა, მტრისკენ გაეშურა და ისე გაათრე-ბით შეუტია, რომ ბრძოლის ველიდან გააქცია. ყაჩაღი თურმე კარგა ხანს არა ჩნდებოდა იმ მხარეში. მისტერ მაკგრეგორ სტირ-ლინგი თავის „Nimmo’s Stirlingshire“-ის ახალ გამოცემაში შერბი-ლებულად გადმოგვცემს იმ ამბავს, მაგრამ იმას ვი არ უარყოფს, რომ რობ როიმ დამარცხებულმა დატოვა იქაურობა. რობ როის ყოველთვის როდი სწყალობდა ბედი, ზოგჯერ ბენვზეც ვი ევიდა მისი სიცოცხლე. ერთხელ, ადიუტანტის, მაკანალესტერის, ანუ ფლექჩერის სიმარჯვემ გადაარჩინა სიკვდილს. ეს ანალესტერი რობ როის რაზმში „ცეროდენა ჯონის“[20] როლს თამაშობდა - იმასავით მოხერხებული, მამაცი და ჩუბინი იყო. რობ როის რაზმს მოულოდნელად დაესხა მტერი თავს. ისინი მეტნიც იყვნენ და ცხენოსნებიც ჰყავდათ, ამიტომ ყაჩაღები ადვილად დაამარცხეს. რობ როიმ ბრძანება გასცა, თავს უშველეთო, და ყველა სხვადას-ხვა მხარეს გაიფანტა. ერთი მამაცი დრაგუნი რობს დაედევნა და როცა დაენია, ჩელთი დაჰკრა თავში. რობ როი ქუდქვეშ ამოკ-რულმა რკინამ გადაარჩინა თავის გაპობას, მაგრამ დარტყმა ისე-

თი ძლიერი იყო, რომ ძირს დასცა. დაცემამდე მოასწრო და შეს-
ძახა: მაკანალესტერ, ნუთუ ეგ (ე. ი. თოფი) ცარიელი გაქვს?“ ჯა-
რისკაცმა დაიღრიალა, რომელმა კუდიანმა დედაბერმა შეგიკე-
რა ეგ ქუდიო და ხმალი ხელმეორედ აღმართა დასართყმელად,
მაგრამ ამ დროს მაკანალესტერმა ესროლა დრაგუნს და გულის
ფიცარი შეუნგრია.

არ ვიცი, სინამდვილეში როგორი კაცი იყო, მაგრამ, აი, ასე
აგვიწერს მას ერთი ნიჭიერი და ჭკვიანი ჯენტლმენი, იგი იმ ოლ-
ქში ცხოვრობდა, რომელიც ხშირად დაურბევია რობ როის. ეტ-
ყობა, თვითონ ეს ჯენტლმენიც ვერ გადარჩენია აობრებსა და
ამიტომ სულაც არა ცდილობს რაიმე გამართლება მოუნახოს ამ
ყაჩაღურ თავდასხმებსა და მოსახლეობის დაწიოკებას. ამით იგი
მთლიანად ემიჯნება დღევანდელ შეხედულებას, რომლის მიხედ-
ვით, რობ როის მოქმედება დიდ ცოდვად არ არის მიჩნეული ამ
მოქმედების ვაჟკაცური და რომანტიკული ხასიათის გამო; „იგი
(რობ როი მაკგრეგორი) გონიერი, ეშმაკი და მარჯვე კაცი იყო,
შემდეგ ბინიერებამ დასძლია, ჩაუდგა სათავეში თავის კლანის
უქნარებსა და მანანნალებს, რომლებიც პერტშირისა და სტირ-
ლინგშირის დასავლეთ ნაწილში ბინადრობდნენ და ქვეყნის აკ-
ლება-აობრება დაიწყო ყაჩაღური თავდასხმებით. ვისაც კი ხელს
მიანვდენდა (ე. ი. ვინც ერთი ღამის სავალზე ბინადრობდა) ყვე-
ლას ძარცვავდა, ყველას, ვინც მძიმე და სამარცხვინო „შავ
ხარკს“ არ გადაუხდიდა, აკლებინა და მოკვლის საფრთხე ემუქ-
რებოდა. ბოლოს იქამდე გათავხედდა, რომ თავისი სავალოდ დი-
დი შეიარაღებული რაზმით, დღისით-მზისით, მთავრობის თვალ-
წინ ყაჩაღობდა, ხარკს კრებდა და ყველგან შფოთს და აყალმა-
ყალს ტეხდა“[21].

ჩრდილო შოტლანდიაში კანონებს არ იცავდნენ და არც პა-
ტივს სცემდნენ, ამიტომ არ უნდა გაგვიკვირდეს, რომ რობ როი
ესოდენ წარმატებით ახორციელებდა თავის გეგმებს.

აღნიშნავს რა, რომ საქონლის გატაცება წესად იქცა, რომ უკვე მაღალი ფენების წარმომადგენლებიც არ თაკილობდნენ ამ საქმეს და ამის შედეგად ხალხმა საქონლის მოშენებას უკლო, მისტერ გრემი დასძენს: „ამიტომ მიწები აღარ მუშავდებოდა, საძოვრები აღარ ნოყიერდებოდა და მანუფაქტურის წარმოებაცა და ხელოსნობაც, ერთი სიტყვით, მრეწველობაც დაეცა. ამ მხარეში ხალხი ძალიან სწრაფად მრავლდება და ამიტომ მოსახლეობა ისე მრავალრიცხოვანია, რომ სამუშაო მხოლოდ ნახევარს ყოფნის. აქაურობა სავსეა უსაქმურებით, რომლებმაც კარგად იციან იარაღის ხმარება, საქმის კეთება ესიკვდილებათ და მხოლოდ ყაჩაღობისაკენ მიუწევთ გული. რადგან ამ მხარეში მრავლადაა „ბუდელები“ ანუ სახამროები, ეს უქნარები იქვე კლავენ დროს და თავიანთი უკანონო საქმიანობით ნაშოვნ ფულსაც იქა ტოვებენ. ამ მხარეში კანონს გასავალი არა აქვს, დავა არასოდეს გადაწყვეტილა სამართლის საფუძველზე. სასამართლოს აღმასრულებელი ვერ ბედავს თავისი მოვალეობის შესრულებას და კიდევ რომ გაბედოს, ვერაფერს გახდება, რადგან ზოგი სოფელი 30 მილითაა დაშორებული კანონის მსახურთა სამყოფელს. მოკლედ, აქ არც წესრიგია, არც ძალაუფლება და არც მთავრობა“.

1715 წელს დაიწყო აჯანყება. ამ დროს რობ როი უკვე ცნობილი და სახელგანთქმული ყაჩაღი იყო, თუმცა სულ ცოტა ხნის წინ მოევიდა ხელი საქმისათვის. ახლა მისი იაკობინური მრწამსი მფარველის, ჰერცოგ არგაილის, მრწამსს დაუპირისპირდა, მაგრამ უკან აღარ დაიხია და გრაფ მარს ეახლა თავის ხალხიანად. მისი პატრონი, ჰერცოგი არგაილი, კი იმ ჯარს ჩაუდგა სათავეში, რომელსაც მთიელთა აჯანყება უნდა ჩაეხშო.

მაკგრეგორებს, ყოველ შემთხვევაში, მათ ყველაზე მრავალრიცხოვან შტოს, ქიარ-მორის შთამომავალთ, ამჯერად, რობ როი კი არა, მისი ზემოხსნებული ნათესავი გრეგორ მაკგრეგორი,

სარდლობდა. მას მეორე სახელიც ერქვა - გლენგაილელი ჯეიმს გრემი და გელური მეტი სახელიც - გლუნ დუ, ანუ შავმუხლა: ცალ მუხლზე შავი ლაქა ჰქონდა (შოტლანდიელებს ხომ მუხლები უჩანთ თავიანთ ქვედატანში). გლენგაილელი მაშინ სულ ახალგაზრდა იქნებოდა და, უეჭველია, შეუპასუხებლად უნდა დამორჩილებოდა აქ ისეთ გამოცდილ სარდალს, როგორც ბიძამისი გახლდათ.

მაკგრეგორებმა დიდი ლაშქარი შეკრიბეს და ლოხ-ლომონდის სამხრეთ ნაპირზე მცხოვრებ ლოულენდელებსაც კი დაემუქრნენ. ისინი ერთ დღე ტბის ნაპირას მივიდნენ, ყველა ნავი გაიტაცეს და ინვერსნიდისაკენ გაცურეს, რომ დასავლელ ვიგების რაზმისათვის გადაეჭრათ გზა. ეს ვიგები მთავრობის დასაცავად აღმდგარიყვნენ, დიდი რაზმი შეედგინათ და სამხრეთისაკენ დაძრულიყვნენ.

ვიგები ნავების გამოსახსნელად გაემართნენ. მათი ლაშქარი პეისლეელი, კიპლათრიველი და მეზობელი მიდამოების მოხალისეებისაგან იყო შედგენილი. ისინი სამხედრო გემებიდან მოტანილ დიდ ნავებში ჩასხდნენ (ეს გემები მაშინ კლაიდზე იდგა) და მეზღვაურთა რაზმის დახმარებით აღმა აუყვნენ მდინარე ლევენს. ლუსთან სერ ჰამფრი კოლკუფუნის, მისი სიძის, ჯეიმზ გრანტისა და ამ ორის მომხრეთა ლაშქარი შეემატათ. ყველანი შოტლანდიურ სამოსში იყვნენ გამოწყობილნი (ამას ძალზე ლამაზად აღწერს გარტმორი)[22]. ლაშქარმა მდინარე გადალახა და კრეიგ-როისტონისაკენ დაიძრა, მაგრამ მაკგრეგორებმა თავი აარიდეს ბრძოლას. თუ ისტორიკოს რეის დავუჭერებთ, ვიგები უშიშრად გადმოსულან ნაპირზე კრეი-გროისტონის მახლობლად, მაგრამ მონინააღმდეგე ვერსად დაუღანდავთ და დოლების ბრაგაბრუგი და თოფებისა და ზარბაზნების სროლა აუტეხიათ. ამით ისე დაუფრთხიათ სადღაც ახლომახლო მიმალული მაკგრეგორები, რომ მათ სამალავი დაუტოვებიათ და სტრატ-ფილანისათვის,

მთიელთა მთავარი ბანაკისათვის, შეუფარებიათ თავი[23]. ლო-
ულენდის მაცხოვრებლებმა თავიანთი სიმამაცისა და ატეხილი
ხმაურის წყალობით ნავები გამოიხსნეს, თანაც ერთი ვაციც არ
დაუკარგავთ.

ამგვარად, რობ როიმ დროებით დატოვა ძველი ბუნაგი. მალე
გრაფმა მარმა იგი ებერდინში გააგზავნა, როგორც ვარაუდობენ,
იქაური მაკგრეგორების მისამხრობად. ებერდინის ბინადარი მაკ-
გრეგორებიც ქიარ-მორის შთამომავალნი იყვნენ - იმ სამასი მაკ-
გრეგორის შვილთა შვილები, რომლებიც დაახლოებით 1625.
წელს გრაფმა მერიმ თავისი სამფლობელოდან მონტინში გადაა-
სახლა, გრავს ამით უნდოდა მაკგრეგორებივით მამაცი და მოუს-
ვენარი მტრისაგან, მაკინტოშებისაგან დაეცვა თავი.

ქალაქ ებერდინში რობ როიმ ერთი ნათესავი ნახა, რომელიც
თავისი შეხედულებებითა და საზოგადოებრივი მდომარეობით
სრულიად განსხვავდებოდა სხვა მაკგრეგორებისაგან - იმათგან,
რომელთა ასაჯანყებლად იყო ჩამოსული ამ ქალაქში ჩვენი
თხზულების მთავარი გმირი. ეს ნათესავი, დოქტორი ჯეიმზ გრე-
გორი, ლიტერატორთა და გამოჩენილ პროფესორთა მთელი
დინასტიის წინაპარი და აწ განსვენებული ცნობილი ექიმისა და
სახელგანთქმული სწავლულის ედინბურგელი პროფესორის,
გრეგორის, პაპა გახლდათ. ეს ჯენტლმენი იმ დროის მედიცინის
კურსს კითხულობდა ებერდინის სამეფო კოლეჯში, მამამისი,
ისიც დოქტორი, ჯეიმზ გრეგორი კი, ამრეკლავი ტელესკოპის გა-
მომგონებლად ითვლება. ჩვენს მეგობარს, რობს, თითქოსდა, სა-
ერთო არაფერი უნდა ჰქონოდა ასეთ ოჯახთან, მაგრამ სამოქა-
ლაქო ომი ისეთი უკუღმართი რამ არის, რომ სულ სხვადასხვა
ჯურის ხალხს აახლოებს და დოქტორმა გრეგორმაც გადანყვიტა,
თავისი მრისხანე და გავლენიანი ნათესავის გული მოეგო. მან შინ
მიიწვია რობ როი და დიდი პატივი სცა. დიდსულოვანმა რობ რო-

იმ გადაწყვიტა, ვალში არ დარჩენილიყო და ამით ძალზე ცუდ დღეში ჩააგდო თავაზიანი მასპინძელი.

პროფესორს ათიოდე წლის ვაჟი ჰყავდა, მკვირცხლი და ასაკთან შედარებით ღონიერი. ბიჭი ძალიან მოეწონა შოტლანდიელ რობინჰუდს. თავისი სწავლული ნათესავის სახლიდან წასვლის წინა დღეს რობ როიმ, როგორც იქნა, მოიფიქრა, თუ როგორ გადაეხადა სამაგიერო ესოდენ გულითადი მასპინძლობისათვის, ნათესავი გვერდზე გაიხმო და უთხრა:

- ჩემო ძვირფასო ნათესავო, დიდხანს ვიფიქრე, რა გამეკეთებინა იმისათვის, რომ მიმხვდარიყავით, თუ როგორ ვმაცოფილი ვარ თქვენი მასპინძლობით. ჰოდა, აი თქვენ შვილი გყავთ, კარგი, გონიერი ბიჭი, მაგრამ თავს წიგნებში დაწერილი უსარგებლო ამბებით უტენით და ამით ძალიან აფუჭებთ. ამიტომ გადავწყვიტე, რომ თქვენი და თქვენი ოჯახის მიმართ ჩემი დიდი პატივისცემის გამოსახატავად ეგ ბიჭი წავიყვანო და ვაცად ვაქციო.

პროფესორს თავზარი დაეცა - შფოთიანმა ნათესავმა ისეთი სიტყვებით ამცნო თავისი ვეთილი განზრახვა, რომ უეჭველია, დიდ მადლობას ელოდა ბიჭის მამისაგან. უარის თქმა და ახსნა-განმარტება ფრიად საჩოთირო და სახიფათო იყო: რობ როი არ უნდა მიხვედრილიყო, რომ პროფესორი შიშობდა ასეთი მეურვეობა პირდაპირ სახრჩობელაზე აიყვანს ჩემს შვილსო. ამასთან, არც ერთი საბუთი, რაც კი სახელდახელოდ მოუვიდა თავში: მაგალითად, არ მინდა, ჩემი მეგობარი შევანუხო ქვემო შოტლანდიაში აღზრდილი ბავშვის მოვლა-პატრონობით და სხვა მისთანანი, არ გამოადგა. რობ როიმ იფიქრა, მართლა ერიდებაო, კიდევ უფრო მიეძალა და ბოლოს აგრძნობინა, რომ მამის თანხმობის გარეშეც წაიყვანდა ბავშვს.

თავგზადაკარგულმა პროფესორმა ბოლოს ბავშვის სუსტი ჭანმრთელობა და უსასკობა მოიძო მიზეზად - უთხრა, ჯერ მთაში ცხოვრებას ვერ აიტანს, მაგრამ ორი-სამი წლის შემდეგ, როცა

მომაგრდება, შეძლებს ფეხი აუნყოს თავის მამაც ნათესავს და გაბედულად გაემართოს დაპირებული ბედნიერების საძებნელად. რობ როი დათანხმდა და ნათესავები დროებით გაიყარნენ. სტუმარმა სინდისი დაიფიცა, შემდეგ ჩამოსვლაზე აუცილებლად წავიყვან ჩემს კუბენს მთებშიო, დოქტორმა გრეგორმა კი, ალბათ, ინატრა, ღმერთმა დამიფაროს, რომ ამ მთიელს მეორედ მოუცდეს ფეხი ჩემს სახლშიო.

ერთი სიტყვით, ჯეიმზ გრეგორი ღმერთმა დაიფარა და იმის მაგივრად, რომ თავისი ნათესავის ბანაკში მოხვედრილიყო და მისი საჭურველთმტვირთველობა ეკისრა, პროფესორი გამოვიდა. იგი მედიცინას ასწავლიდა და იმანაც, როგორც მისი ოჯახის თითქმის ყველა წევრმა, წარმატებას მიაღწია სამეცნიერო სარბიელზე. ჯეიმზ გრეგორი ფიცხი და ჭიუტი ვაცი იყო და როცა თავისი ხასიათის ამ ნაკლოვანებებს გამოავლენდა, მეგობრები ეხუმრებოდნენ, რომ როის რომ გაეზარდე, სულ სხვანაირი იქნებოდიო.

რობ როის აღზევების ხანა მალე დამთავრდა, მაგრამ სწავლულ ნათესავთან შემდგომშიაც ჰქონია მისვლა-მოსვლა. აჯანყებიდან მრავალი წელი იყო გასული. რობ როი და მისი მასპინძელი, დოქტორი ჯეიმზ გრეგორი, ხელიხელგაყრილნი დასეირნობდნენ ებერდში, ციხე-სიმაგრის ქუჩაზე. ამ დროს დაფდაფების ხმა გაისმა და ყაზარმებიდან ჯარისკაცები გამოცვივდნენ. „მე თავს უნდა მივხედო“ - მშვიდად შენიშნა რობ როიმ, ნათესავს ხელი გაუშვა, რომელიღაც ეზოში შეძვრა ჭიშკრის ქვევიდან და, როგორც ჯონ ბუნიანი იტყოდა, „თავისი გზით წავიდა და შემდეგ აღარავის უნახავს“[24].

ჩვენ უკვე აღვნიშნეთ, რომ 1715 წლის აჯანყების დროს რობ როი ერთობ საეჭვოდ იქცეოდა. თვითონ თავისი დამქაშებით მთიელთა ჯარში იყო, მაგრამ ფარულად კვლავ ჰერცოგ არგაილს უჭერდა მხარს, აჯანყებულებმა იცოდნენ ეს და არ ენდო-

ბოდნენ, მაგრამ როდესაც პერთიდან დამბლენში მიდიოდნენ, რომ შემდეგ მდინარე ფორთზე გადასულიყვნენ ფრიუს ფონით, იძულებული გხდნენ, მეგზურად რომ რომი აერჩიათ.

აჯანყებულთა ჩრდილოეთით გალაშქრებამ შერიფ-მურის ბრძოლა გამოიწვია. ამ ბრძოლამ, მართალია, ვერ გადაწყვიტა საქმე, მაგრამ ჰერცოგი არგაილი დიდად მოგებული დარჩა. უნდა გავიხსენოთ, რომ მთიელთა მარჯვენა ფრთამ სასტიკად დაამარცხა არგაილის ჰერცოგის ჯარის მარცხენა ფრთაც, რომელიც სტიუარტების, მაკკენზელებისა და კამერონებისაგან შედგებოდა, ასევე სასტიკად დამარცხდა. გამარჯვებულნი მთიელებს დაედევნენ და ხოცვა დაუწყეს. რომ რომი კი ამ დროს ცენტრში, გორაკზე, იდგა თავისი ხალხით და ხელსაც არ ანძრევდა თავისიანთა დასაცავად. ამბობენ, მტრისთვის რომ შეეცია, ბრძოლის ბედს შემოაბრუნებდაო, მაგრამ თურმე ვერაფრით ვერ დასძრეს ადგილიდან. თანაც მას მარტო მაკგრეგორების კი არა, მაკფერსონების რაზმის მეთაურობაც ჰქონდა დავალებული. თუ გადმოცემას დავუჯერებთ, ეს იმიტომ მოხდა, რომ მაკფერსონთა ბელადი ხანში იყო, თვითონ წინამძღოლობის თავი არა ჰქონდა, მაგრამ არც ნორდელი მაკფერსონისათვის უნდოდა დაეთმო უფროსობა, რადგან ეს უკანასკნელი ბელადობისათვის იბრძოდა. ასე რომ, კლანი, თუ მისი ნაწილი, მაკგრეგორებს შეუერთეს. წუთები, რომელთა გამოყენება შესანიშნავად შეიძლებოდა მტრის დასამარცხებლად სამუდამოდ დაიკარგა. ამ დროს რომ რომიმ მარის ვატეგორიული ბრძანება მიიღო, დაუყოვნებლივ მიიტანე იერიში მტერზეო. რომ რომიმ მშვიდად უთხრა ბრძანების მომტანს:

- ო, არა. რადგან აქამდე ვერ დაამარცხეს მტერი, მე, კიდევ რომ ჩავება ბრძოლაში ველარაფერს ვუშველი.

ერთ-ერთი მაკფერსონი, სახელად ალექსანდრე, შემძლე და მამაცი მეომარი, ისე გაცეცხლდა, რომ პლედი მოიშორა, ხმალი გააშიშვლა და თავისიანებს შესძახა:

- კმარა რაც მოვითმინეთ! თუ ეგ არ აპირებს ბრძოლას, მე წაგიძღვებით!

რობ როიმ იცოდა, რომ ეს ალექსანდრე ჩოღარი იყო და დაცინვით უთხრა:

- მთიდან ხარების ან ცხვრების ჩამორეკვა რომ გვინდოდეს, სენდი, აუცილებლად მოვიდრეკდი ქედს შენი ნიჭისა და უნარის წინაშე, მაგრამ აქ ხალხის წინამძღოლობაა საჭირო და ამ საქმეში ცოტათი შენზე მეტი გამეგება.

- კი, გლენ-ეიგასის ხარები რომ იყოს ჩასარეკი, მაშინ ნამდვილად წინ გაუძღვებოდი ნახირს, - ვალში არ დარჩა მაკფერსონი.

რობ როის გულზე მოხვდა ეს სიტყვები, ხმალი შემართა და ალექსანდრესაკენ გაიწია, მაგრამ მეგობრები ორივეს ირგვლივ შემოეხვივნენ და გააშველეს. ამ კამათსა და მიწვევ-მოწვევაში კარგი დრო გავიდა და იერიშის მიტანას აზრი აღარ ჰქონდა. მთიელები არ ცდებოდნენ, მაგრამ რობ როიმ, იმის მაგივრად რომ მიშველებოდა, საკუთარი ჯიბის ავსებაზე დაიწყო ზრუნვა: მაკგრეგორები ბრძოლის ველს შეესივნენ და ალაღისა და გვამების ძარცვას შეუდგნენ (მარტო მტრის კი არა, თავისიანთა გვამებსაც ძარცვავდნენ).

ხალხმა მაშინვე შეთხზა შესანიშნავი ბალადა შერიფ-მურის ბრძოლაზე და ამ ბალადაში კარგა მაგრად გაამასხარავა ჩვენი გმირი:

იცოდა რობიმ - ბრიყვი არ იყო,
მთაზე უსიტყვოდ შემომდგარიყო,
უთვალთვალებდა ომის მსვლელობას, სურდა ნადავლის
ხელში ჩაგდება.

თუ დასრულდება ომის ღრეობა,

რობის ენვევა მძლეთამძლეობა,
მხნედ მიატოვებს თავის საბუღარს და საალაფოდ
ნაჩაქჩაქდება.

თუმცა რობის შემდგომშიც არ მიუღია აქტიური მონაწილეობა ამ აჯანყებაში, მაინც საკმაოდ დაისაჯა: მას სახელმწიფო ღალატში დასდეს ბრალი და როდესაც აჯანყების ჩახშობის შემდეგ ლორდ ვადოგანის ექსპედიციამ მთიანი შოტლანდია შემოიარა, რომ დამნაშავე კლანები დაესაჯა და განეიარაღებინა, რობ როის სახლიც დასწვა. ეს სახლი ბრედობლეინში იდგა და რობ როის უკანასკნელი თავშესაფარი იყო.

რობ როი 40-50 თანამებრძოლთან ერთად ინვერერში მივიდა ფინაჰელ პოლკოვნიკ პატრიკ კემპბელთან, ხალხის დასანახვად იარალი აიყარა და პატიება სთხოვა. პოლკოვნიკმა დაცვის სიგელი მისცა ბელადს და მის რაზმს და იმათაც გული დაიმშვიდეს - იცოდნენ, რომ მთავრობა ძველებურად აღარ დაუნყებდა დევნასა და შევიწროებას. ამის შემდეგ რობ როი ლოხ-ლომონდის მახლობლად, კრეიგ-როისტაუნში მაკგრეგორთა შორის დასახლდა და მაშინვე განაახლა ფარული ბრძოლა ჰერცოგ მონტრობთან. მალე დიდი და კარგად შეიარაღებული რაზმი შეადგინა. ამდენი მეომარი ადრე არასოდეს ჰყოლია. სახლიდან ისე არ გამოვიდოდა, რომ 10-12 რჩეული მებრძოლი არ გამოეყოლებინა მცველად, თუ მოინდომებდა 50-60 კაცამდე გაზრდიდა მცველთა რიცხვს.

ჰერცოგმა გულით მოინდომა, გაენადგურებინა თავისი დაუცხრომელი მოშურნე. მისმა ბრწყინვალეებამ შოტლანდიის ჯარების მთავარსარდალს გენერალ კარპენტერს სთხოვა დახმარება და იმანაც ჯარისკაცთა სამი რაზმი გაგზავნა რობ როის დასამარცხებლად გლაზგოდან, სტირლინგიდან და კილინის ფინლარიგიდან. ჯარს ჰერცოგ მონტრობის მოურავი - დამბარტონშირის

შერიფის მოადგილე, კლირნელი გრემი, გაჰყვა მეგზურად და სამოქალაქო ხელისუფლების წარმომადგენლად. ეს რაზმები ერთდროულად უნდა მისულიყვნენ რობ როის ადგილსამოყოფელთან და ისიცა და მისი დამქაშებიც დაეტყვევებინათ, მაგრამ კოკისპირულმა წვიმამ, მთის მკაცრმა ბუნებამ და რობ როის შესანიშნავმა დაბვერვამ ჩაშალა ესოდენ გონივრულად შედგენილი გეგმა - რობ როი თავისი ხალხით ხელიდან გაუსხლტა მდევრებს. გაბრაზებულმა ჯარისკაცებმა იქაურობა ააოხრეს და რობ როის სახლი დაწვეს. ამან მთლად დაუსჯელად არ ჩაუარა მათ; ბუჩქებსა და კლდეებში ჩასაფრებულმა მაკგრეგორებმა სროლა აუტეხეს და ერთი გრენადერი მოუკლეს.

რობ როიმ დიდი ზარალი ნახა, მაგრამ მალე ისე თავხედურად მიუბლო მტერს სამაგიერო, რომ ყველა გაოცებული დარჩა. 1716 წლის ნოემბერში ზემოსხენებული კლირნელი ჯონ გრემი, მონტროზის მოურავი, ჩეიპლეროკში ჩავიდა, სადაც ჰერცოგის მოიჯარენი იყვნენ დაბარებული მორიგი საბატონოს გადასახდელად. მოიჯარეები მოვიდნენ და მოურავს უკვე 399 გირვანქა ნარდი ფული ჰქონდა აკრებილი, რომ ოთახში რობ როი და მისი შეიარაღებული რაზმელები შეუცვივდნენ. მოურავმა ფული და საგადასახადო დავთრები სხვენზე შეყარა, იქნებ ვერ იპოვონო, მაგრამ გამოცდილმა ყაჩაღებმა ასეთი ნადავლის სუნი იკრეს და ასე ადვილად არ მოტყუვდებოდნენ. რობ როიმ ფული და დავთრები იპოვა, მაგიდას მიუჭდა, ანგარიშები შეამოწმა, ფული ჩაიჭიბა და ჰერცოგს წერილობით ამცნო: ესა და ეს თანხა მე წავიღე, რადგან მთელი ზარალი, კადოგანმა რომ სახლი დამინვა, იქიდან მოყოლებული და კრეიგ-როისტაუნის მამულის აოხრებით დამთავრებული თქვენი მიზებით მომივიდა და თქვენვე უნდა მიზლოთო. შემდეგ წავიდა და მისტერ გრემიც თან გაიყოლა. ტყვეს ცუდად არ ექცეოდა, ოღონდ უთხრა: მძევლად მინდიხარ და შენიანებმა მდევარი რომ დამადევნონ და ძალით მოინდო-

მონ შენი გამოხსნა, სასტიკად დაგსჯიო. ასეთი რამ ჯერ არავის გაეხედა ჰერცოგისათვის.

რაზმი მალიმალ იცვლიდა ადგილს(ერთადერთი, რაზეც მისტერ გრემს შეეძლო დაეჩივლა, გზის სიმძიმე იყო) და ბოლოს მძევალი ლოხვეტრინის ტბის კუნძულზე დააბინავეს. აქ რობ როიმ უბრძანა, წერილი მიეწერა ჰერცოგისათვის და ეცნობებინა, რომ დამტყვევებლები 35.00 მერკს[25] თხოულობდნენ მძევლის გამოსასყიდად (რობ როიმ ზარალის საზღაურ თანხას ჩეიპ-ეროკიდან წამოღებული ფული გამოაკლო და დაადგინა, რომ ჰერცოგისაგან ზუსტად ამდენი ერგებოდა).

მისტერ გრემი სულ რამდენიმე დღეს ამყოფეს კუნძულზე, რომელსაც დღესაც რობ როის საპყრობილეს უხმობენ და სადაც არც ისე სასიამოვნოა ნოემბრის დღეების გატარება, შემდეგ კი გაათავისუფლეს - ალბათ ყაჩაღი მიხვდა, რომ ჰერცოგისაგან ვერაფერს მიიღებდა. მძევლისთვის არაფერი დაუშავებია, დავთრები და მოიჭარეთა ხელწერილებიც კი გაატანა, ოღონდ ფული, რაღა თქმა უნდა, დაიტოვა.

რობ როის თურმე ბევრი ამგვარი საქმე ჩაუდენია და ხშირად ისეთი სიმამაცე და საზრიანობა გამოუჩენია, რომ კლირნელის შეპყრობა მონაგონი იყო. მონტროზის ჰერცოგმა ველარ აიტანა ამდენი თავხედობა, დიდძალი იარაღი შეიძინა და თავის მოიჭარეებს დაურეგა, რომ ყაჩაღისაგან თავი დაეცვათ, მაგრამ ამითაც ვერ უშველა საქმეს - მაკგრეგორები თავს ესხმოდნენ მოიჭარეებს და ანიარალებდნენ. ბევრი მოიჭარე, ალბათ, თვითონვე იწვევდა ყაჩაღებს და ნებით აბარებდა იარაღს.

რადგან ჰერცოგი საიჭარო გადასახადის უმეტეს ნაწილს ნატურით იღებდა, მალინსა და ბიუხენანის მამულის სხვა ადგილებში დიდი ბელლები ედგა. რობ როი ხშირად ესტუმრებოდა

ხოლმე ამ ბელლებს მოზრდილი რაზმით, რა თქმა უნდა, მაშინ, როცა არავინ ელოდა, და კარგა ბლომად მარცვლეული

მიჰქონდა ხან თავისთვის, ხან კი მოსახლეობისათვის. ამასთან, ყოველთვის ტოვებდა ხელნერილს და ირწმუნებოდა - ამ ხორბლის საფასურს აუცილებლად გამოვაკლებ იმ თანხას, რომელიც ჰერცოგისაგან მერგებაო.

მთავრობამ გარნიზონი დააყენა რობ როის ძველ მამულში, ინვერსნიდში; ციხე-სიმაგრის ნანგრევები ახლაც არის შემორჩენილი ლობ-ლომონდიდან ლობ-ვეტრინისაკენ მიმავალ გზაზე. საქმეს ვერც ამან უშველა - სამხედრო ძალითაც ვერ მოხერხდა დაუდგარი მაკგრეგორის ალაგმვა. იგი მოულოდნელად დაესხა თავს ამ პატარა ფორტს, ჯარისკაცები განაიარაღა და ციხე მოთხარა. იგი შემდგომში აღადგინეს, მაგრამ 175.5-175.6 წლის აჯანყების წინა ხანებში მაკგრეგორებმა კვლავ აიღეს იგი რობ როის ძმისშვილის გლუნ დუს მეთაურობით. ბოლოს, სამოქალაქო ომის დამთავრების შემდეგ, ინვერსნიდის ციხე-სიმაგრე კვლავ აღადგინეს და ციხისთავად ის სახელგანთქმული გენერალი უოლფი დანიშნეს, რომლის სახელის ხსენება მრავალფეროვან ამბებსა და მოვლენებს ამოატივტივებს ხოლმე მოგონებათა ზღვის ზედაპირზე. ამჟამად ციხე-სიმაგრე გაუქმებულია[26].

რობ როი ახლა უკვე ამჟამად აღარ ყაჩაღობდა. იგი პოლიციის აგენტივით იქცეოდა - შოტლანდიელთა გამოთქმა რომ ვიხმართ, „შავ ხარკსა“ კრებდა მოსახლეობისაგან. ამ გამოსაღების რაობა რომანს „უევერლიში“ და წინამდებარე ნაშრომის შენიშვნებშია ახსნილი, აქ კი შეიძლება, „შავი ხარკის“ მისტერ გრემ გარტმორისეული დახასიათებით დავკმაყოფილდეთ:

„შფოთი და უწესრიგობა გამეფებულ იყო ქვეყანაში, ხოლო მთავრობას ისე ნაკლებად აწუხებდა ეს ამბავი, რომ ჭკვიანი ხალხი იძულებული იყო, ყოვლად სამარცხვინო „შავი ხარკის“ გადახდით გადაერჩინა დალუპვისაგან თავისი ქონება და საცხოვრებელი. ქურდებთან მჭიდროდ დაკავშირებულ პიროვნებასთან იდებოდა ხელშეკრულება, რომლითაც მამულის პატრონი ყოველ-

წლიურად გადაკვეთილ თანხას უხდიდა ამ პიროვნებას, რათა ხელშეკრულებაში მოხსენებული მამული არავის გაეძარცვა. ამ გზით შეკრებილი ფულის ნაწილით „შავი ხარკის“ ამკრები გატაცებულ საქონელს გამოისყიდოდა ქურდებისაგან და პატრონს უბრუნებდა, ნაწილით კი ქურდებს მოისყიდოდა და იმ მემამულეებს შეუსევდა, რომელთაც ჯერ არ ეკისრათ „შავი ხარკის“ გადახდის ვალდებულება და, საერთოდ, ასთი წესის წინააღმდეგნი იყვნენ - ასეთ მემამულეებს უმოწყალოდ ძარცვავდა საამისოდ გამოყოფილი ხალხი და ამით აიძულებდა, რომ ყაჩაღების მეთაურისათვის ეთხოვათ მფარველობა. უფროსი თავის თავს „მეთვალყურეთა კაპიტანს“ უწოდებდა, თავის ყაჩაღებს კი - „მეთვალყურეებს“ და ეს სახელწოდება ერთგვარ კანონიერ უფლებას აძლევდა მათ, თავისუფლად ევლოთ სხვის მამულებში. ისინი ამით სარგებლობდნენ და ათასგვარ ბოროტებას სჩადიოდნენ. მთებში „მეთვალყურეთა“ მრავალი რაზმი იყო და ეს რაზმები საკმაოდ ძლიერ ძალას წარმოადგენდნენ: ეს ხალხი ბავშვობიდანვე იყო შეჩვეული ლაშქრობის სიძნელეებს და საჭიროების დროს შეეძლოთ ნამდვილ ჯარსაც კი გამკლავებოდნენ.

„ამ გაუნათლებელ და გულისთქმისამყოლ მთიულებს არავითარი საკუთრება არა აქვთ და ბელადი ან ლენდლორდი აცხოვრებს, მათ სულიერ ცხოვრებას კი კათოლიკე პატრი ან ფიცმიულებელი მღვდელი წარმართავს. ამიტომ არის, რომ ამ ხალხს როგორც გინდა ისე მოიხმარ. იმათ არაფრისა ეშინიათ, რადგან არაფერი აქვთ დასაკარგი და ყველაფერზე მიდიან. განსაკუთრებით კი ჯანყი და არეულობა ხიბლავთ, რადგანაც იმედი აქვთ, რომ მღვრიე წყალში თევზს დაიჭერენ“[27].

„შავი ხარკი“ აშკარად უწყობდა ხელს ყაჩაღობას და გზას უღობავდა კანონსა და სასამართლოს. ამიტომ 1567 წლის სტატუტის 21-ე თავში იგი მძიმე დანაშაულად არის გამოცხადებული. ამ სტატუტით „შავი ხარკის“ ამკრებიც ისჯება და გადამხდელიც.

მე მაინც მგონია, რომ ეს მკაცრი კანონი არ სრულდებოდა, რადგან ხალხს სხვა საშველი არა ჰქონდა - ან ეს ხარკი უნდა გადაეხადა ან სულით-ხორცამდე გაცლოდნენ ყაჩაღები. დღესაც, როცა ვაცს დიდ თანხას მოჰარავენ, სხვა ქურდებს მონახავს და ისე დაიბრუნებს დაკარგულის ნაწილს, რომ მართლმსაჯულება ბაიბურშიც არ არის.

მე ვერ შევძელი დამედგინა, თუ რა თანხას ახდევინებდა რომელი მემამულეებს, მაგრამ ჩვენამდე მოაღწია ერთმა, 175.1 წლით დათარიღებულმა საბუთმა, რომლითაც რომელიღაც რომის ძმიშვილი ვალდებულებას ვისრულობდა დაებრუნებინა პერთის, სტირლინგისა და დამბარტონის საგრაფოთა რამდენიმე მემამული-სათვის გატაცებული საქონელი ან გადაეხადა მისი ღირებულება არა უგვიანეს ექვსი თვისა იმ დღიდან, როცა ეს მემამულეები განუცხადებდნენ, საქონელი დავკარგეთ (ოღონდ მემამულეებს დაუყოვნებლივ უნდა განეცხადებინათ მისთვის საქონლის გატაცების ამბავი). და მათ, თავის მხრივ, ყოველწიურად უნდა ეხადათ ქონების ღირებულების არც თუ ისე დიდი ნაწილი - ხუთი პროცენტი. წვრილმანი ქურდობა სათვალავში არ შედიოდა, ხარკის ამკრები მხოლოდ მაშინ ანაზღაურებდა ზარალს, თუ მემამულეს ცხენს, ძროხას, ან ექვს ცხვარზე მეტს მოჰარავდნენ.

ეს შეთანხმებები ვარგა ბლომად შემოსავალს აძლევდა რომის. ამ გზით ნაშოვნ ფულსა და საქონელს ხალხს ურიგებდა, რადგან უნდოდა გულუხვი და კეთილი ვაცის სახელი დავარდნოდა. ბალკვიდერის სამრევლოს მღვდელი, სახელად რობინზონი, თავის მრევლს ემუქრებოდა, თუ ხელფასს არ მომიმატებთ, ღმერთი დაგსჯითო. რომელი ერთხელ სალაპარაკოდ შეხვდა ამ მღვდელს და ურჩია, კარგი იქნება თუ ხალხის დაშინებას თავს დაანებებო. მღვდელი მიუხვდა და მის მერე ხმა არ ამოუღია ხელფასის მომატებაზე. ამის სანუქფოდ რომელი ყოველ წელიწადს ერთ ძროხასა და ერთ მსუქან ცხვარს უგზავნიდა და ამბო-

ბენ, ეს პატივცემული ჯენტლმენიც არ უკადრისობდა საეჭვო გზით ნაშოვნნი ძღვენის მიღებასო.

შემდეგმა ამბავმა, ამბავმა იმის შესახებ, თუ როგორ მოიქცა რობ როი, როცა ერთ-ერთმა კონტრაგენტმა სთხოვა დახმარება, ძალიან დამაინტერესა, რადგან თვითმხილველისაგან, ერთი ლენოქსელი მოხუცისგან, მოვისმინე. თუმცა კი, მგონია, ნაწერი ისეთ შთაბეჭდილებას აღარ მოახდენს მკითხველზე, რადგან არც ამალეღვებელი ეპიზოდებით გამოირჩევა და ვერც მთხრობელის შეშინებულ გამოხედვას გადმოვუტან ქალაღდზე.

მთხრობელი მაშინ თხუთმეტი წლისა იყო, მამასთან ერთად ლენოქსში ცხოვრობდა ერთი ჯენტლმენის მამულში (ჯენტლმენის სახელი აღარ მახსოვს) და საქონელს მწყემსავდა.

ერთ მზიან დილას, ოქტომბრის მინურულში, მწყემსებმა აღ-მოაჩინეს, რომ ღამით მთიელი ყაჩაღები მიჰპარვიან და 10-12 სული საქონელი გაურევავთ (საქონელს მთიელები უფრო შემოდგომით იტაცებენ). მაშინვე ვაცი გააგზავნეს და რობ როი იხმეს. იგი 7 თუ 8 შეიარაღებული ვაჟკაცის თანხლებით მოვიდა, ყველაფერი დანვრილებით გამოიკითხა და დაბეჭითებით განაცხადა, „შლეგი მწყემსები“[28] შორს ვერ წავიდოდნენ და იმედი მაქვს დავწევო. შემდეგ მოითხოვა ორი ვაცი გაეყოლებინათ, რადგან მისი ჯენტლმენები საქონლის მორევკვას არ იკადრებდნენ, რობ როის ჩემი მთხრობელი და მამამისი გააყოლეს. გული არც ერთს არ მიუწევდა წასასვლელად, მაგრამ რაღას იზამდნენ. საგზალი გაიმზადეს, თან ძალლიც გაიყოლეს, რომ საქონლის მორევკვა გაადვილებოდათ და მაკრეგორს გაჰყვნენ. მდევრებმა ბენვოირლიხის მთისკენ დაიჭირეს გეზი და მთელ დღეს მუხლჩაუკვეცავად იარეს. ღამე ერთ ძველ ქოში გაათიეს და მეორე დილას კვლავ მთის ბილკებს დაადგნენ. წინ თვითონ რობ როი მიუძღვოდა და გზას მანანის ბუჩქებზე შერჩენილი, სხვისთვის უხილავი ნიშნებით იკვლევდა.

შუადღისას წინამძღოლმა რაზმი შეაჩერა, უბრძანა, მანანის ხშირ ბუჩქებში ჩანოლილიყვნენ და მწყემსს მიუბრუნდა:

- შენ კი, შვილი წაიყვანე, გორაკის თავზე ადი და გადაღმა ხეობაში შენი ბატონის საქონელს დაინახავ. შეიძლება სხვა ნახირში იყოს შერეული; შენები გამოათავთავე, იმათი არ გამოაყოლო, და აქ მორევე. თუ ვინმემ რაიმე გკითხოს, ან დაგემუქროს უთხარი, რომ მე აქა ვარ და თან ოცკაციანი რაზმი მახლავს.

- რომ გვეცნენ და დაგვხოცონ? - ჰკითხა მწყემსმა, რომელსაც სულ არ ეპიტნავებოდა ასე სახიფათო მოციქულობა.

- თუ რაიმე დაგიშავს, ჩვენთან ექნებათ საქმე, - დაამშვიდა რომ როიმ, - ამისთანა საქმეს არასოდეს ვაპატიებ.

მწყემსი ამ დაპირებამ ვერ დაამშვიდა, მაგრამ რომ როის შეპასუხება ვერ გაუბედა და მამა-შვილი გზას დაადგა.

როდესაც გორაკის თავზე ავიდნენ, თვალწინ ღრმა ხეობა გადაეშალათ. ხეობაში, როგორც რომმა იწინასწარმეტყველა, დიდი ნახირი ბალახობდა. მამა-შვილმა თავიანთი საქონელი გამოარჩიეს და ფერდობს შეუყენეს, მაგრამ სულ ცოტა მანძილი რომ გაიარეს, უკანიდან წივილ-კივილი მოესმათ. შეშინებულებმა მიიხედეს უკან და ვიღაც ქალი დაინახეს. ქალი ისე მოულოდნელად გაჩნდა, თითქოს მიწიდან ამოძვრათ. მან ლანძღვა-გინების კორიანტელი დაატეხა თავს მწყემსებს. მამა-შვილმა თავიანთი მწირი გელური მოიშველიეს და რომ როის დანაბარები გადასცეს. ქალი დანყნარდა და გაუჩინარდა. როცა საქონელი ჩასაფრებულ რაზმელებთან მირევს და თავიანთი თავგადასავალი უამბეს, რომმა კმაყოფილებით შენიშნა, ვიცი, როგორ უნდა მოვაგვარო ასეი საქმეები, სხვა უჩემო, ჩხუბსა და აყალმაყალს ატეხავდაო. რაზმი უკან დაბრუნდა. ახლა არავითარი საფრთხე აღარ ემუქრებოდათ, მაგრამ ბევრი ტანჯვა და წვალეობა უნდა გადაეტანათ, სანამ საქონელს შინ მირევავდნენ.

შებინდებამდე თითქმის არ დაუსვენიათ. სალამოს ერთ მანანის ბუჩქებით შემოფარგლულ მინდორს მიადგნენ და რობ როიმ ბრძანა, ღამე აქ გავათიოთო. სუსხიანი ჩრდილო-აღმოსავლეთის ქარი სტრატ-ღირნი[29] მესტვირეებივით ზუზუნებდა და ძვალსა და რბილში ატანდა. მთიულები პლედებში გაეხვივნენ და მანანის ბუჩქებზე წამოწვეს, მწყემსებს კი არაფერი ჰქონდათ, რომ დაეხურათ. რობ როიმ, ეს რომ დაინახა, ერთ-ერთ რაზმელს უბრძანა შენ და მწყემსი ერთად დანეჭით და პლედი გადაიფარეთ, ბიჭმა კი საქონელს უაროს ირგვლივ - თან უყარაულებს და თან სიარულში გათბებაო. ბიჭს არ ესიამოვნა რომ როის სიტყვები, მაგრამ რა უნდა ექნა? ქარმა იმატა და ლამის სისხლი გაუყინა ძარღვებში. „მთელი ცხოვრება ქარსა და ავდარში მაქვს გატარებული, მაგრამ ის საშინელი ღამე არასოდეს დამავინყდებო“, - მითხრა მოხუცმა. გამწარებულმა ბიჭმა მთვარეს დაუწყო ლანძღვა, ასე რომ კაშკაშებ, ცოტათი მაინც რატომ არ ათბობ დედამინასო. ბოლოს ისე შეანუხა სიცივემ და დაღლილობამ, რომ გადაწყვიტა ნახირი მიეტოვებინა, სადმე თავშესაფარი ეპოვა და დაეძინა. ბიჭი ერთ ზორბა მთიელს მიუწვა გვერდით (ის კაცი რაზმში ადიუტანტის მოვალეობას ასრულებდა). მიუწვა, მაგრამ მარტო მისი ფართო მხარბეჭი არ იმყოფინა, პლედსაც წაუწვდინა ხელი, ფრთხილად მოინია თავისკენ ცალი კუთრხე და შიგ გაეხვია. ბიჭს სამოთხეში ეგონა თავი, ჩათბა და ისე ჩაეძინა, რომ გვერდი არ შეუცვლია. როცა გამოეღვიძა, შიშით კინაღამ გაგიჟდა - თურმე იმ კაცისათვის მხრებს ზევით გადაეხადა და „ადიუტანტს“ სახე და ყელი თრთვილით ჰქონდა დაფარული. დამფრთხალი ბიჭი ფეხზე წამოხტა - ახლა გაიგებენ, რა კარგად გამოვიძინე ამ ბატონის ხარჯზე და მარტო ცემას არ დამაჯერებენო, მაგრამ ყველაფერი მშვიდობიანად დამთავრდა: კეთილი „ადიუტანტი“ წამოდგა, თრთვილი ჩამოიბერტყა, სახე პლედით შეიმშრალა და ჩაიბურტყუნა, ეს რა სუსხიანი ღამე ყოფილაო.

შემდეგ ნახირი წინ გაირევს და პატრონს ჩააბარეს. გზაზე არავითარი ფათერაკი არ შემთხვევიათ. ზემოთ მონათხრობს არც კი შეიძლება თავგადასავალი ეწოდოს, მაგრამ პოეტი და შემოქმედლი მაინც გამოიყენებს რობ როის დასახასიათებლად.

დაახლოებით ამავე ხანებში ჰერცოგი მონტროზი თავისი მოიჯარეთა რაზმით შეიჭრა ბალკვიდერის მთებში, რობ როის მოულოდნელად წაადგა თავს და დაატყვევა. იგი ჰერცოგის ერთერთ რაზმელს, ვინმე ჯეიმზ სტიუარტს შემოუსვს ცხენზე და ტყვე და რაზმელი ცხენის მოსართავით გადააბეს ერთმანეთზე. მე ეს ამბავი ერთი ან განსვენებული საზრიანი ვაცისაგან მოვისმინე, იმ ვაცის შვილიშვილისაგან (იმასაც ჯეიმზი ერქვა), რომელსაც ტყვევნილის დარაჯობა მიანდევს. ამბის მთხრობელს ბოლო ხანებში ფუნდუკი ედგა ლობ-კეტრინის მახლობლად და მეგზურადაც დაჰყვებოდა თავის სტუმრებს ამ ტბის თვალწარმტაც მიდამოებში. მაშინ, როცა ეს შემთხვევა მიაშობ, არც მეფუნდუკე იყო და არც მეგზური. იშვიათად, თუ მოეხასიათებოდა, გაუძღვებოდა ხოლმე ჩამოსულებს როჯობე სანადიროდ. საღამო იყო (ისევ რობ როის ამბავს ვაგრძელებ) და ჰერცოგი ჩქარობდა ისეთ საიმედო ადგილად გადაეყვანა თავისი ტყვე, რომ ამდენი წლის დენა და წვალემა წყალში არ ჩაყროდა. როდესაც მდინარეზე გადადიოდნენ (არ მახსოვს ტეითი იყო თუ ფორთი), მაკვრეგორმა დრო იხელთა, სტიუარტს ძველი მეგობრობა და მეზობლობა გაახსენა და სთხოვა გამიშვიო. სტიუარტს შეეცოდა, ან იქნებ შეეშინდა კიდევ და მკერდზე შემოჭერილი მოსართავი გაიხსნა. რობ როი ცხენიდან გადახტა, წყალში ჩაყვინთა, გაცურა და თითქმის ისე გაუსხლტა მდევრებს, როგორც ამ რომანშია აღწერილი. როცა ჯეიმზ სტიუარტი მეორე ნაპირზე გავიდა, ჰერცოგი მაშინვე ეძგერა, ტყვე რა უყავიო, სტიუარტმა თავის მართლება სცადა, მაგრამ ჰერცოგი ყველაფერს მიხვდა, ქამარში გაჩრილი ვეება დამბაჩა ამოიღო და თავში ჩასცხო. შვილიშვილმა მითხრა, ისე

მაგრად ჩაურტყამს, რომ ჰაჰაჩემს სიკვდილამდე ეტყობოდა ნაი-არებო.

როცა რობ როიმ რამდენჯერმე მოახერხა თავი დაეღწია თავისი ძლიერი მტისაგან, ძალიან გაყოყოჩდა, ჰერცოგი წერილობით გამოიწვია ორთაბრძოლაში და ეს ამბავი ქვეყანას მოსდო. რობ როის მეგობრები ამ დამცინავ წერილს სუფრაზე კითხულობდნენ და სიცილით იხოცებოდნენ. ამ საბუთს მკითხველი დამატებაში გაეცნობა. იგი კარგი ხელით და საკმაოდ გამართული ენით არის დანერილი, ჩემს სამხრეთელ მკითხველებს უნდა განვუმარტო, რომ ეს ხუმრობა იყო, რობ როი ჭკვიანი ვაცი გახლდათ და იცოდა, რომ ჰერცოგი მასთან ბრძოლას არ იკადრებდა, მაგრამ ისე, თავის შესაქცევად და საღალბოდ გამოიწვია. წერილი 1719 წელს არის შედგენილი.

შემდგომ წელს რობ როიმ მეორე ეპისტოლე შეთხზა, მაგრამ ამით თვითონვე გაიტეხა სახელი - აღიარა, რომ 1715 წლის სამოქალაქო ომში ყასიდად იბრძოდა და ძალით წააგო თამაში. ამ წერილის ადრესატი გენერალი უეიდია. იგი მაშინ იარაღს ართმევდა მთიელებს და სამხედრო გზები გაჰყავდა ჩრდილო შოტლანდიაში. წერილი ერთობ საინტერესოა. ავტორი ამბობს, მე გულწრფელად შევთავაზებდი ჩემს სამსახურს მეფე ჯორჯს, ჰერცოგ მონტროზის ვალი რომ არა მქონოდა - ვიცოდი, ჰერცოგი მეფეს შეუჩნდებოდა და ციხეში ამოვყოფდი თავსო. და რადგან ქვეყანა არეული იყო, მეფესაც უჭირდა ხალხი და აჯანყებულებსაც, რობ როი ფალსტაფის აზრს დასდგომია და მის სიტყვებს თუ მოვიშველიებთ, თუმცა იცოდა, რომ აჯანყებულნი მართალნი არ იყვნენ, მაინც იმათ მიმხრობია. „შემრცხვა, ქვეყნად ასეთი ამბები ტრიალებდა და გულზე ხელდაკრეფილი ხომ არ დავჯდებოდიო“. რობ როი ამბობს, იძულებული ვიყავი, მეფე ჯორჯის მონი-ნააღმდეგეთა მხარეზე გადავსულიყავიო, მაგრამ თან თავს იმით იმართლებს, რომ არა მართო ყოველნაირს ერიდებოდა მეფის

ჯარებთან ბრძოლას, არამედ დროდადრო აჯანყებულთა გეგმებსაც უმხელდა. ამას მისი ბრწყინვალეობა, ჰერცოგი არგაილი დამიდასტურებსო, წერდა რომ რომი. ჩვენ დღეს არ ვიცით, რა შთაბეჭდილება მოახდინა ამ ეპისტოლემ გენერალ უეიდზე.

რომ რომიმ, როგორც ჩანს, ძველი საქმიანობა გააგრძელა და თავის ქვეყნის გარეთაც გახდა ცნობილი. ლონდონში, ჯერ კიდევ მის სიცოცხლეში, გამოქვეყნდა რომ რომის ყალბი ბიოგრაფია სათაურით: „შოტლანდიელი ავაზაკი“. ამ იაფფასიანი წიგნაკის ყდაზე დახატული იყო ვაციჭამია გოლიათი. გოლიათს მკერდს ქვევით ჩამოზრდოდა წვერი; მისი საგმირო საქმეებიც ასევე იყო გაზვიადებული. მხოლოდ ორიოდ ისეთი ამბავია აღწერილი, რომელიც მართლა გადახდა თავს რომ რომის და ისიც დამახინჯებულად არის გადმოცემული; დანარჩენი კი გამოგონილია.

სამწუხაროა, რომ დეფომ არ მოჰკვიდა ხელი ამ შესანიშნავ თემას. იგი იმ ხანებში სწორედ ამგვარ ამბებზე წერდა წიგნებს, მაგრამ ასეთი საინტერესო სიუჟეტი არცერთ მის თხზულებას არ უდევს საფუძვლად.

რომ რომი ხანში შევიდა და დადინჯდა. მისმა ძმისშვილმა გლუნ დუმ და მოგვარების უმეტესმა ნაწილმაც თავი ანებეს მონტროზთან ვინკლაობას. მონტროზის საგვარეულომაც შეცვალა ძველი, უშედეგო პოლიტიკა, ძალადობაზე ხელი აიღო და შეეცადა საჩუქრებითა და დაყვავებით მოეთვინიერებინა ეს ველური კლანი. ბევრ მათგანს სულ მცირე გადასახადის ფასად მიაქირავეს ჰერცოგის ის მიწები, რომელთა დასაბრუნებლად ადრე ამდენი სისხლი დაღვარეს, ხოლო გლენგაილი (იგივე შავმუხლა) კვლავინდებურად ვრებდა „შავ ხარკს“, ოღონდ ახლა მთიელ „მეთვალყურეთა“ იმ რაზმის უფროსად ითვლებოდა, რომელიც მთავრობას ემორჩილებოდა. ამბობენ, ბიძამისივით არ იქცეოდა, უკანონოდ არავის ესხმოდა თავსო.

როცა ქვეყანა დროებით დამშვიდდა, რომ როიმ, ეტყობა საკუთარ მომავალზე დაინყო ზრუნვა. იგი ძველი პროტესტანტი იყო, მაგრამ სიცოცხლის ბოლო წლებში კათოლიკობა მიიღო. ალბათ გაიზიარა მისის კოლის აზრი: „ეს რელიგია ზედგამოჭრილია აკრძალული ხელობის მიმდევართათვის“. ამბობენ, მიზეზად მოიღო, პერთის ღირსეულ ოჯახს მინდა ვცე პატივიო (პერთის ოჯახის წევრები მტკიცე კათოლიკეები იყვნენ). უთქვამს: გრაფ არგაილს, ჩემს პირველ მეზარველს, იმით გადაუხადე მადლობა, რომ მისი სახელი დავირქვი, გრაფს კი კათოლიკობის მიღებითო. როცა კათოლიკობას თრევას დაუწყებდნენ, არც კი ცდილობდა დაეცვა თავისი ახალი რელიგიის დოგმები. პირიქით, ამბობდა, სულ ტყუილად ხარჯავენ ეკლესიებში ამდენ „ულზის“, ანუ ზეთსო[30].

რომ როის სიცოცხლის ბოლო წლებში მაკგრეგორებსა და სხვა, უფრო ძლიერ კლანს შორის მტრობა ჩამოვარდა. აპინთა კლანის ერთ-ერთ ბელადს, სტიუარტ აპინს ფერმა ჰქონდა ბალკვიდერის მთებში. ფერმას ინვერნენტი ერქვა. რომ როის შტოს მაკგრეგორები ინვერნენტს თავიანთ ყოფილ მამულად თვლიდნენ და აცხადებდნენ, არავის მივცემთ იქ დასახლების უფლებასო. სტიუარტებმა ორასკაციანი რაზმი შეკრიბეს და განიზრახეს ხმლით გადაეწყვიტათ დავა. მაკგრეგორებმა გამონვევა მიიღეს, მაგრამ ამდენი მეომარი ვერ მოაგროვეს, რომ როიმ დაატყო, რომ ძალით ვერაფერს გახდებოდა და მორიგება ამჯობინა - ჩვენ ორივენი მეფე ჯეიმზის მეგობრები ვართ და ერმანეთს არ უნდა ვებრძოლოთ. სადავო მინა აპინს დარჩა და რომ როიც კარგი ვაცი გამოვიდა (შედგეში აპინმა მინა შეღავათიანი პირობებით მიაქირავა მაკლარენებს - სტიუარტების ხელდებულ კლანს. მაკლარენები ჯანიანი და მამაცი ხალხი იყო და მაკგრეგორები ვაგლახად ვერ წაართმევდნენ მოინას. ორივე შეიარაღებული კლანი ბაკვიდერის ეკლესიის გვერდით შეხვდა ერთმანეთს, მაგამ როცა

დავა მორიგებით დამთავრდა, რობ როიმ იფიქრა, სტიუარტებს ლაჩრები არ ვეგონოთო, წინ გამოვიდა და თქვა, აქ ამდენმა შეიარაღებულმა ვაჟკაცმა მოიყარა თავი და სირცხვილია ერთმანეთის სიჩაუქე არ გამოვცადოთ. მე გავბედავ და ჩემი კლანის ღირსებას დავიცავ, სტიუარტებიდან კი რომელიც გინდათ გამოდით და შემებრძოლეთო. გამონვევა აპინის ქვისლმა კლანის უმცროსმა ბელადმა, ინვერნაჰილელმა ალასტერ სტიუარტმა მიიღო. მოშულეებმა ხმლები გააშიშვლეს, მრგვალი ფარები მოიმარჯვეს და ერთმანეთს შეუტყეს[31]. ორთაბრძოლა მაკგრეგორთა ფალავნის დამარცხებით დამთავრდა - იგი მსუბუქად დაიჭრა ხელში (როდესაც გვარის ან საკუთარ სახელსა და ღირსებას იცავენ, სასიკვდილოდ არ ებრძვიან ერთმანეთს და გამარჯვებულად ის ითვლება, ვინც პირველად დაკვჩნავს მონინაალმდეგეს). რობ როიმ ხმალი დაუვა და მონინაალმდეგეს მიულოცა - პირველად დავმარცხდი ორთაბრძოლაში, შენს მეტი ვერავინ იტყვის ნიშანი დავადეო. გამარჯვებულმა თავაზიანობა გამოიჩინა და შენიშნა, მე ახალგაზრდა ვარ, თორემ რას გაჯობებდიო.

რობ როი ამის შემდეგ, ალბათ, აღარც შებმია ვინმეს. მისი გარდაცვალების წელი უცნობია, მაგრამ 1738 წელს ცოცხალი იყო. ამბობენ ვარგა ხნიერი გარდაიცვალაო. სიკვდილის მოახლეობა რომ იგრძნო, ზოგი ცოდვა მოინანია. ცოლმა კი, თურმე, სასაცილოდ აიგდო, რა სინდისის ქენჯნა აგიტყდა, ვაცურად გიცხოვრია და ვაცურად მოკვდიო. ქამარს შეუტევია, იმთავითვე ეგეთი აფთარი იყავი და, შენ ჭკუაზე რომ დავდიოდი, იმიტომაც მაქვს ჩადენილი ამდენი ცოდვაო. „აღრე საუკეთესო ხალხს გადამკიდე, ახლა კი გინდა ღმერთიც გადამამტეროო“, - დასძინა თურმე რობ როიმ.

მეორე ამბავი თითქოს ეწინააღმდეგება ზემოთქმულს, მაგრამ რობ როის ბუნების ვაცი, მე მგონი, სწორედ ასე მოიქცეოდა: სასიკვდილო სარეცელზე მწოლიარეს გაუგია, რომ ერთ ძველ

მტერს მოუნდომებია მისი მონახულება. - წამომაცენეთ ლოგინი-დან, - უთქვამს მომაკვდავს, - მხრებზე ტარტანი მომახურეთ და ხმალი, ხანჯალი და დამბაჩები მომეცით. არ მინდა ვინმემ თქვას, რომ რობ როი მაკგრეგორი მტერმა უმწეო და უიარალო ნახაო.

რობ როის მტერი, როგორც ამბობენ, ერთ-ერთი მაკლარენი (მაკლარენებზე უკვე გვქონდა ლაპარაკი და ქვემოთაც ვახსენებთ) ავადმყოფის ოთახში შევიდა და ფრიად თავაზიანად მოიკითხა თავისი მრისხანე მეზობელი. რობ როის ღირსეულად და ცოტა ქედმაღლურადაც კი ეჭირა თავი ამ მოკლე შეხვედრის დროს, თუმცა სანყენი არაფერი უკადრებია მნახველისათვის. როგორც კი სტუმარი ოთახიდან გავიდა, თქვა:

- ყველაფერი დამთავრდა, დაე, მესტვირემ „Hatil mitulidh“ (ჩვენ აღარ დავბრუნდებით) დაუკრას.

ამბობენ, მესტვირეს ჯერ არც კი დაემთავრებინა გამოსამშვიდობებელი ჰანგის დაკვრა, რომ რობ როიმ სული განუტევაო.

ეს საოცარი ადამიანი საკუთარ სახლში და საკუთარ ლოგინში გარდაიცვალა და იქვე ბალკვიდერის სასათლაოზე დაკრძალეს. მისი საფლავის ქვას უხეშად ამოკვეთილი ჩელთი-ხმლით გამოარჩევთ სხვებისაგან.

რობ როი, რა თქმა უნდა, რთული ბუნების ადამიანი იყო. მებრძოლის ყველა საუკეთესო თვისება ჰქონდა - გამჭრიახობა, მამაცობა, სიფრთხილე, მაგრამ ეს თვისებები ზოგჯერ მანკიერ ელფერს იძენდა ხოლმე მის ხელში, თუმცა, ისეთი აღზრდა ჰქონდა მიღებული, ვერც კი გაამტყუნებდით, რომ ამდენ უკანონობას სჩადიოდა. არც მისი პოლიტიკური მერყეობა მიმაჩნია დიდ დანაშაულად - არეული დრო იყო, და ბედი რობ როისთანა ღარიბ და გამწარებულ ვაცს კი არა, ძლიერ მდიდარ და გამოჩენილ ადამიანებსაც თავის ნებაზე ათამაშებდა. ისიც უნდა აღვნიშნოთ, რომ რობ როი, ხშირად, განსაკუთრებით მაშინ, თუ მტერს დაამარცხებდა, სიკეთესა და გულჩვილობას იჩენდა, რაც სრულიად უჩ-

ვეულო იყო მისი ხელობის ადამიანისათვის - მეკობრეთა ბელადის ანუ თანამედროვე ტერმინოლოგიით ბანდიტების მეთაურისათვის. რობ როის არც ერთი გადმოცემა არა სდებს ბრალს სიმკაცრესა და გულქვაობაში - სისხლის ღვრას ერიდებოდა და მხოლოდ ბრძოლაში თუ გაიმეტებდა კაცს სასიკვდილოდ. ეს მრისხანე ყაჩაღი ღარიბთა და უპოვართა მეგობარი ყოფილა, რითაც შეეძლო ეხმარებოდა ქვრივ-ობლებს, პირი არავისათვის უტეხია და ალბათ ამიტომ იყო, რომ მისმა სიკვდილმა ასე დასწყვიტა გული ამ ველური ქვეყნის მცხოვრებთ. მთიელებს ბევრი სიკვთე ახსოვდათ მისგან, ხოლო მათ უმწიფარ გონებას რობ როის დანაშაულებრივი საქმიანობის განსჯა და გაკიცხვა არ შეეძლო.

აქ შეიძლებოდა წერტილი დაგესვა, მაგრამ რობ როის ოჯახის ზოგიერთი წევრის ცხოვრება ისე უჩვეულოდ წარიმართა, რომ ცდუნებას ვერ ვუძლებთ და კვლავ ვაგრძელებთ ისედაც გაჭიანურებულ თხრობას. ვფიქრობთ, მკითხველს დააინტერესებს ეს ამბავი, რადგან, მთიელთა ზნე-ჩვეულების გარდა, ამ თითქმის პირველყოფილი საზოგადოების, მაგრამ მაღალი ცივილიზაციისა და განვითარებული სახელმწიფოებრიობის მქონე ხალხის ურთიერთობის პირველ სტადიასაც გაეცნობა.

რობს ხუთი შვილი ჰყავდა: ქოლი, რონალდი, ჯეიმზი, დუნკანი და რობერტი. სამი მათგანის ცხოვრებაში არაფერი მომხდარა ღირსშესანიშნავი. ჯეიმზი უჩვეულო სილამაზის ახალგაზრდა და მამამისივით ჭკვიანი იყო, ხოლო უმცროს რობს ანუ რობინ ოიგს კი ეტყობა, დუგალდ ქიარ-მორის მანტია წამოასხა განგებამ მხრებზე. რობ როის გარდაცვალებიდან დიდ ხანს არ გაუვლია, რომ მაკგრეგორებსა და მაკლარენებს შორის ხელახლა ჩამოვარდა შუღლი. შუღლის განახლებას რობ როის ქვრივს აბრალებენ. ტყუილად კი არ შეარქვა რობ როიმ თავის ცოლს „ატე“, ტყუილად არ ეუბნებოდა, შენა ხარ ამ სისხლისმღვრელი ბრძოლების ამტეხიო. ახლაც მან შეაგულიანა შვილი და რობინ ოიგმა და-

იფიცა, როგორც კი მამაჩემის თოფს დავიბრუნებ, დუნს რომ აქვს მიცემული შესაკეთებლად, მაკლარენს მოვკლავ - როგორ გაბედა დედაჩემის მინაზე დასახლებაო[32]. მან აღთქმა შეასრულა - მაკლარენს მინდორში ხვნის დროს წაადგა თავს, თოფი დასცა და სასიკვდილოდ დაჭრა.

დაჭრილს მაშინვე მიუყვანეს მთიელი დასტაქარი. ამ ბრძენმა ჯენტლმენმა ვასტოკით (კომბოსტოს მურკით) გაუზომა ჭრილობა და განაცხადა, მე ხელს ვერ მოვკიდებ ამის მკურნალობას, რადგან არ ვიცი, რა ტყვიით არის დაჭრილიო. მაკლარენი მოკვრა. მალე მის ძროხებს მყესები გადაუჭრა ვიღაცამ, შემდეგ კი მთელი ცხვარი გაუნყვია.

რობინ ოიგი ამ მკვლელობის შემდეგ დედამისის სახლს შეეფარა და კვებნა დაიწყო, ამდენი ხანია ვმტრობთ ჩვენ და მაკლარენები ერთმანეთს და ჩემს მეტმა ვერავინ შეძლო სისხლის ღვრაო (სხვათა შორის რობინ ოიგის ერთ-ერთი ბიოგრაფი ცდილობს დააჯეროს მკითხველი, მკვლელს ფოთი შემთხვევით გაუვარდაო). სტიუარტები ვალდებული იყვნენ დაეცვათ თავიანთი მოიჭარეები. შემთხვევის ადგილას მალე მოვიდნენ წესრიგის დამცველთა რაზმი და სტიუარტები, მაგრამ რობინ ოიგს ვეღარ მიუსწრეს.

ზემოხსენებული დასტაქარი, კალან მაკინლეისტერი და მკვლელის ორი ძმა, ჯეიმზი და რონალდი სამართალში მისცეს, მაგრამ ძმებმა მოახერხეს თავის გამართლება - მკვლელობა ბრიყვმა და გონებასუსტმა ყმანვილმა ჩაიდინა, ჩვენ რა შუაში ვართო - და მოსამართლემ ბრალდება მოუხსნა. ასევე, სამხილის უქონლობის გამო, მოისპო საქონლის გაჟეტიისა და დასახიჩრების თაობაზე შემდგარი საქმე, მაგრამ, რადგან დადგინდა, რომ ძმები მთლად წმინდა წყლისანი არ იყვნენ, პირობა დაადებინეს, დღეიდან 7 წლის განმავლობაში არაფერს დავაშავებთო, საწინდრად

200 გირვანჯა სტერლინგი დაატოვებინეს და მხოლოდ ამის შემდეგ გაათავისუფლეს[33].

იმ დროს ისე ძლიერი იყო კლანის ერთიანობის სული და ისე გულით უნდოდათ ძლიერნი და მამაცი მომხრეების, ანუ, როგორც შოტლანდიელები იტყოდნენ, კაცური კაცების შეძენა, რომ პერთის დიდგვაროვანი ოჯახის ერთმა წარმომადგენელმა სასამართლოზე სახალხოდ იკისრა მაკგრეგორების მფარველობა. ყოველ შემთხვევაში ასეთი ცნობა, მიანოდა ავტორს ან განსვენებულმა რობერტ მაკინტოშმა, ესკვაირმა და ადვოკატმა. თუმცაღა, შესაძლებელია, ეს 1736 წელს, პირველ სასამართლო პროცესზე კი არა, უფრო გვიან მოხდა.

რობინ ოიგი ერთხანს 5.2-ე პოლკში მსახურობდა და ფონტენუს ბრძოლაშიც მიიღო მონაწილეობა. ამ ბრძოლაში იგი დაიჭრა და ტყვედ ჩავარდა; შემდეგ, როცა მოწინააღმდეგეებმა ტყვეები გაუცვალეს ერთმანეთს, შოტლანდიაში დაბრუნდა და თადარიგში გავიდა, მოგვიანებით, რობინი მოურიდებლად გადავიდა მაკგრეგორთა მამულში და მიუხედავად იმისა, რომ კანონგარეშე იყო გამოცხადებული, დრენკელი გრემის, საკმაოდ შეძლებული ჯენტლმენის ქალიშვილზე დაქორწინდა. რამდენიმე წლის შემდეგ რობინ ოიგი დაქვრივდა. მალე 1755 წლის აჯანყება დაიწყო და მაკგრეგორებმა კვლავ იარაღი აიღეს ხელში. გლენკარნოხელი რობერტ მაკგრეგორი (სერ ჯონის პაპა), მთელი გვარის ბელადი, მაკგრეგორებმა წინამძღოლად აირჩიეს. მან ერთი ლეგიონი შეადგინა თვისტომთაგან და ჯარს შეუერთდა, მაგრამ ქაირ-მორის შთამომავალნი ყოველთვის თავის ნებაზე დადიოდნენ და ახლაც განზე გადგნენ: რადგან გვარის უფროსი, ბოლჰალდიელი უილიამ მაკგრეგორ დრამონი საფრანგეთში იმყოფებოდა, დროებით წინამძღოლებად გლენგაილი და მისი ბიძაშვილი ჯეიმზ როი მაკგრეგორი აირჩიეს და გადანყვიტეს, სანამ ბელადი საფრანგეთიდან ჩამოვა, პერთის ჰერცოგის ჯარს შევიერთებთო

(იგი მხოლოდ სახელად იყო ჰერცოგი, მამული არა ჰქონდა). კავშირი უფრო მტკიცე რომ ყოფილიყო, ჯეიმზმა, მთიელთა ჩვეულებისამებრ პატივი სცა პერთის ლორდს და კემპბელის ნაცვლად დრამონდი დაირქვა. მას ამ სახელის გარდა მამის სახელს, ზოგჯერ კი ჯეიმზ მორს ან ახმახ ჯეიმზს უხმობდნენ. ჯეიმზის რაზმი მამამისის ბანდის გადარჩენილი წევრებისაგან შედგებოდა. ისინი თავიდანვე გულით მოეკიდნენ საქმეს; სულ რაღაც თორმეტი კაცით რომ როის შვილმა მეორედ დაიპყრო და დაწვა ინვერსნეიდის ფორტი, რომელიც სწორედ მაკგრეგორთა ასალაგმავად იყო აგებული.

ზუსტად არ არის გარკვეული, თუ რა სამხედრო წოდება მიანიჭეს ჯეიმზ მაკგრეგორს. თვითონ მაიროს უწოდებს თავს, კავალერი ჯონსტონი კი კაპიტნად იხსენიებს. ჩინი, ალბათ, გუნ დუბე, თავის ბიძაშვილზე, დაბალი ჰქონდა, მაგრამ სიმამაცითა და ფხიანობით ისიც დაჩრდილა და ძმებიც, მიუხედავად იმისა, რომ მის რაზმში ყველას არც კი ჰქონდა თოფ-იარაღი და ცვლებით იბრძოდნენ.

ჯეიმზ რომ დიდად ისახელა თავი პრესტონპენსის ბრძოლაში. „მისმა რაზმელებმა, - მოგვითხრობს კავალერი ჯონსტონი, - დიდი ბარალი მიაყენეს მტერს თავიანთი ცვლებით“. ისინი ცხენებს მყვებს უჭრიდნენ, მხედრებს კი მუცლებს უფატრავდნენ. მაკგრეგორი მამაცი, მაგრამ თან თავნება და, ცოტა არ იყოს, უცნაური ადამიანი იყო. როდესაც რაზმს მტრისკენ გაუძღვა, ხუთ ადგილას დაიჭრა. ორგან ტყვიით, ტყვიები მეორე მხარეს გავიდა. მიწაზე დაცემულმა, ღონე მოიკრიბა, იდაყვებზე წამოიწია და ხმამაღლა შიამხა თავის რაზმელებს:

- ბიჭებო, მე ჯერ კიდევ ცოცხალი ვარ და, ღმერთმანი, დავინახავ, ვინ როგორ იბრძოლებთ!

ბრძოლა, როგორც ცნობილია, სწრაფად მოიგეს მთიელებმა.

ჯეიმზ როის საინტერსო წერილებიდან[34] ვიგებთ, რომ ამ ბრძოლაში მას ბარძაყის ძვალი დაზიანებია, მაგრამ მაინც შეერთებია მთავარ ჯარს თავისი ექვსი რაზმით და მონაწილეობა მიუღია ვალოდენის ბრძოლაში. ამ ბრძოლაში დამარცხების შემდეგ მაკგრეგორები ერთ ლეგიონად გაერთიანდნენ და სამშობლოში დაბრუნებამდე აღარ დაშლილან, ჯეიმზ როი საკაცით აიყვანეს მთებში და იმასაც და მის ძმებსაც ნება დართეს მაკგრეგორთა მიწაზე დაბინავებულიყვნენ.

ჯეიმზ მაკგრეგორი დრამონდს, აჯანყების სხვა, უფრო აქტიურ მონაწილეებთან ერთად, სახელმწიფოს ღალატში დადეს ბრალი, მაგრამ, როგორც ჩანს, მთავრობაში ნაცნობები მონახა და დაპატიმრებას გადაურჩა. ამას ადასტურებს ზემოთ აღნიშნული წერილებში მოხსენებული დაცვის სიგელი, რომელიც ჯეიმზს 1757 წელს მიუღია უზენაესი სასამართლოს თავმჯდომარის მოადგილისაგან. ამ სიგელის პატრონს ხელს ველარავინ ახლებდა. სიგელზე საკმაოდ ბუნდოვნად არის ლაპარაკი ერთ-ერთ წერილში, მაგრამ თუ ჯეიმზის ცხოვრების მომდევნო ხანას გავითვალისწინებთ, აშკარა გახდება, რომ შვილსაც, მამის მსგავსად, არ უჭირდა ორი ბატონის სამსახური. როცა აჯანყება დაცხრა, მაკგრეგორები მეღიებივით მიიძალნენ თავიანთ ძველ სოროში და მიუყრდნენ. აქ მათ აღარავინ უხსენებდა ძველ ცოდვებს, მაგრამ მალე რობ როის შვილებმა ახალი დანაშაული ჩაიდინეს და ამით მაკგრეგორთა გვარს კვლავ დაატეხეს თავს ვანონის რისხვა.

ჯეიმზ როი ცოლიანი იყო და თორმეტი შვილი ჰყავდა; მისი ძმა, რობინ ოიგი კი ადრე დაქვრივდა; ძმებმა გადაწყვიტეს, რობინს მეორე ქორწინებით შეეძინა ქონება - ვინმე ქვემოშობიდან-დიელი მდიდარი ქალიშვილი შეერთო ცოლად (თუ ნებით არ გამოყვებოდა, მოეტაცათ).

ეს უბირი და გაუნათლებელი მთიელები დიდი პატივისცემით ეპყრობოდნენ მშვენიერი სქესის წარმომადგენლებს, როდესაც

ისინი მათ ოჯახში შედგამდნენ ფეხს, მაგრამ ქალების მოტაცებას ჩვეულებრივ ამბად მიიჩნევდნენ, რადგან თავი სულ ომში ეგონათ, ომის დროს კი, ტროას ალყიდან მოყოლებული და იმ დღით დამთავრებული, როცა „პრევიზა დაეცა“, ტყვე ქალები უძვირფასეს ნადავლად ითვლებოდა გაუნათლებელი გამარჯვებულების თვალსაზრისით.

მდიდართ ხოცავენ, ლამაზებს ინდობენ[35].

იმის დასამტკიცებლად, რომ ასეთი ძალადობა ხშირად ხდებოდა ამ ქვეყნად, არ არის აუცილებელი გავიხსენოთ საბინელთა მოტაცება ან „მსაჯულთა წიგნში“ აღწერილი მსგავსი შემთხვევა.

უამრავი სიმღერა და ბალადა, რომლებშიც ქალის მოტაცების ამბავია მოთხრობილი, იმის დასტურია, რომ ეს მოვლენა ძალზე გავრცელებული ყოფილა მთიან შოტლანდიაში[36]. ირლანდიისა და შოტლანდიის მათიანეებიც მოგვითხრობენ, იმ მხარეებში, სადაც ვანონს ხელი არ მიუწვდებოდა, საცოლოეს იტაცებდნენო. თუ მთიელ ვაჟკაცს, რომელსაც რამდენიმე ერთგული მეგობარი ჰყავდა და სადმე მთებში თავშესაფარიც გააჩნდა, ვინმე მოუვიდოდა თვალში, მოიტაცებდა კიდევ. ამიტომ ქალს უჭობდა თავიდანვე ეთქვა დასტური. უფრო მეტიც, თვითონ ქალები, განსაკუთრებით მდაბიონი, რომლებიც თითქოსდა უნდა აღეშფოთებინა სუსტი სქესის უფლებათა შელახვას, ისე მიეჩვივნენ ასეთ ქორწინებას, რომ სხვანაირად ვერც წარმოედგინათ; არც ისე დიდი ხნის წინ, ერთმა პატივცემულმა ბანოვანმა, კარგა მაგრად შეახურა ავტორი, როდესაც ამ უკანასკნელმა თავისთავს უფლება მისცა, მაკვრეგორთა ზემოხსენებული საქციელი გაეკიცხა. სულ არ არის საჭირო, რომ ქალიშვილმა თვითონ ამოირჩიოს საქმრო, ასე დაქორწინებულები უფრო ბედნიერად ცხოვრობენო, განაცხადა ამ ბანოვანმა და დასძინა:

- დედაჩემიც ასე გათხოვდა. ერთ ღამეს ლენოქსიდან გაიტაცეს და თან ათი სული საქონელიც გაიყოლეს. მანამდე თვალის არ მოევკრა თავისი ქმრისთვის, მაგრამ იმათზე ბედნიერი ცოლქმარი მთელ ჩვენს მხარეში არ იყო.

ჯეიმზ დრამონდი და მისი ძმებიც ჩემი ძველი ნაცნობის აზრისა იყვნენ. მათ ვარგა ხანს ითათბირეს, თუ როგორ გამოესწორებინათ ოჯახის შერყეული ვეთილდღეობა და გადაწყვიტეს სარფიანი ქორწინებით გაემდიდრებინათ თავიანთი ძმა. რობინ ოიგი ვინმე ჯინ ვეიზე ანუ ჯინ რაიტზე უნდა დაექორწინებინათ, ჯინი ოციოდე წლისა გახლდათ და სულ ორი თვის წინ დაქვრივებულიყო. მისი ქონება რალაც 16-18 ათას მერკად იყო შეფასებული, მაგრამ, როგორც ჩანს, ესეც საკმარისი გახლდათ ძმების საცდუნებლად. აი, ამ სიმდიდრის ხელში ჩასაგდებად ჩაიდინეს მათ ეს მძიმე დანაშაული. სანყალი ახალგაზრდა ქალი დედის სახლში ცხოვრობდა, ედინბილში - სტირლინგის საგრაფოს ბალფრონის სამრევლოში. ღამით, 1750 წლის 3 დეკემბერს, რობ როის შვილები ჯეიმზ მორისა და რობინ ოიგის მეთაურობით შეიჭრნენ ამ სახლის ეზოში, თოფებით, ხმლებითა და დამბაჩებით დაემუქრნენ მამაკაცებს და დაფეთებულ ქალებს განუცხადეს, თუ ჯინ ვეის არ მოგვცემთ, კარებს შემოვამტვრევთო. ჩემი ძმა ახალგაზრდაა და გადაწყვიტა გამდიდრდესო, დასძინა თურმე ჯეიმზ როიმ. ბოლოს, როგორც იქნა, ჯინ ვეის მიაგნეს, დედამისს ხელიდან გამოჰკვლიჯეს, მის მოთქმასა და წივილ-კივილს არ მიხედეს, თავდასხმის ერთ-ერთ მონაწილეს შეუსვეს ცხენზე და სიბნელეში გაუჩინარდნენ. ქალის კივილი თურმე ვარგახანს ესმოდათ ამ მხეცობის მონმევებს. სანყალმა, თურმე გაქცევა დააპირა და ცხენიდან გადმოხტა, მაგრამ ნევნი გაიტეხა. მაშინ ხურჯინივით გადაჰკიდეს უნაგირზე და გზა განაგრძეს, ქალს ჭაობებსა და ბილიკებზე ტარებით საშინლად ასტკივდა გვერდი და პირობა დასდო, აღარ გავიქცევითო. ამის შემდეგ ქალს თოკები შემოხსნეს და

კვლავ უნაგირზე დასვეს. გზად რამდენიმე სახლში შეიარე, მაგრამ ვერავინ გაბედა იმათ საქმეში ჩარეულიყო. ისინი ანტიკური სიტყვიერების ცნობილ გლაზგოელ პროფესორს, ან განსვენებულ უილიამ რიჩარდსონსაც უნახავს. პროფესორს ცუდი სიზმარივით დამახსოვრებია მთიელთა თავხედური შეჭრა მის ბინაში. მთიელები სამზარეულოში შევროვილან, ყვირილი და იარაღის ქნევა დაუნყიათ და ათასი რამ მოუთხოვიათ. მათი სურვილი, რა თქმა უნდა, მაშინვე დაუკმაყოფილებიათ მასპინძლებს, ჯემზ მორი, პროფესორის თქმით, მაღალი, მკაცრი შესახედაობის მამაკაცი იყო, რობინ ოიგს კი უფრო მიმზიდველი გარეგნობა ჰქონია - შავვგრემანი ახალგაზრდა ველური ყოფილა. მსხვერპლს თურმე კაბა შემოთღლეთოდა ტანზე და შიშისაგან ცხრიანივით ცახცახებდა.

ყაჩაღებმა საბრალო ქალი როუერდენანში წაიყვანეს, ვილაც უსინდისო მღვდელი იპოვეს და ძალით დააწერინეს ჯვარი - ჯემზ მორი ხელით იჭერდა ქალს საკურთხეველთან, ქალი მღვდელს ეჩხუბებოდა, რას სჩადიხარ სინდისი რა უყავიო, მაგრამ მღვდელმა უკან აღარ დაიხია და ჯინი და რობინი ცოლქმრად გამოაცხადა. ყაჩაღებმა მუქარით და დაშინებით აიძულეს ქალი ქმრის სახლში დაბინავებულიყო და ისიც კი გაბედეს, რომ წირვაზე მიიყვანეს ბალკვიდერის ეკლესიაში. მღვდელმა, რომელსაც წინათ რობ როი აჭმევდა პურს, ცალყბად იკითხა, ესენი ჯვარდაწერილნი თუ არიანო. რობერტ მაკგრეგორმა დასტური დასცა, დაშინებულმა ქალმა კი დუმილი ამჯობინა.

იმ დროს მთიანეთში უკვე ისე ჰქონდა მოკიდებული ფეხი მართლმსაჯულებას, რომ მოძალადეებმა ნავარაუდევო სარფი ვერ მიიღეს ამ ბინძური საქმიდან. მთებში სამხედრო რაზმები გააგზავნეს მაკგრეგორთა შესაპყრობად და ისინი იძულებულნი გახდნენ საცოდავი ჯინ კეი წაეყვანათ და ორი-სამი კვირის განმავლობაში რამდენჯერმე გამოეცვალათ თავშესაფარი. ამასობაში უმაღლეს-

მა სამოქალაქო სასამართლომ ყადაღა დაადო ჯინ კეის ანუ რაიტიის ქონებას და ამით საშუალება მოუხპო დამნაშავეებს, მივლოთ თავიანთი წამოწყების საზღაური. ისინი მაინც იმედოვნებდნენ, ეს ქალი ამდენ წვალებას ვერ გაუძლებს, სასამართლოში სახალხო გამოსვლასაც მოერიდება და ამჯობინებს რობინ ოიგი კანონიერ მეუღლედ აღიაროსო. ამდენი წვალებისა და სირცხვილის ატანა მართლაც ძნელი იყო და იქნებ ყველაფერი ისე დამთავრებულიყო, როგორც მაკგრეგორები ვარაუდობდნენ, მაგრამ ტყვე ქალის მეგობრებმა მაკგრეგორთა ნათესავი და გვარის მეთაური გლენგაილი ჩარიეს საქმეში. გლენგაილი ყოველგვარი უკანონობის მტერი იყო[37]; ძმები დაშინდნენ, მფარველი არ გადავიკიდოთო და გადანყვიტეს, ჯინ კეი გაეთავისუფლებინათ.

განთავისუფლებამდე ძმებმა ყველაფერი იღონეს, რომ ქალს თავის ქმრად ეღიარებინა რობინ ოიგი. შოტლანდიელი კუდიანი დედაბრები ათასნაირ წამალს აძლევდნენ, იქნებ ქმარი შეუყვარდესო, მაგრამ ამ წამლებმა მხოლოდ დაავადმყოფა ქალი. ჯეიმზ მორი ემუქრებოდა, თუ ცემი ძმის ცოლობაზე უარს იტყვი, ბიძებს დაგიხოცავთ - ჩემს ბიჭებს გავაგზავნი და ორივეს ბოლოს მოუღებენო (საქმემ ჯინის ბიძებმა აღძრეს სასამართლოში). ერთხელ კი დაუჩოქა და შეევედრა, დამნაშავე ვარ, ჩემი ბრალია ყველაფერი, მაგრამ მაპატიე, ოჯახს ნუ დამიქცევო. ბოლოს აიძულეს ფიცი დაედო, სასამართლოში არ გიჩივლებთო და ძალით მოანერინეს ხელი ქალაღებზე, რომელზეც ეწერა ჩემი ნებით გავყვი იმ ღამეს მაკგრეგორებსო.

ამის შემდეგ ჯეიმზ მორ დრამონდმა თავისი „რძალი“ ედინბურგში ჩაიყვანა. პირველ ხანებში ოჯახიდან ოჯახში გადაჰყავდა. სახლის პატრონებს დავალებული ჰქონდათ, მართო არ დაეტოვებინათ ხიზანი ქალი და ფანჯარასთანაც კი არ მიეშვათ. მაგრამ უმაღლესმა სამოქალაქო სასამართლომ გაითვალისწინა საქმის უჩვეულო ხასიათი, დაასკვნა, ჯინ კეი წინანდებურად იძულებით

მოქმედებსო და საიმედო მეურვეობა დაუნიშნა: ქალი მოლ-დსლელ მისტერ უაიტმენის ოჯახში გაგზავნეს საცხოვრებლად. ოჯახის უფროსი ფრიად საპატიო ჯენტლმენი იყო და თანაც ჯინ კეის ახლო ნათესავი ჰყავდა ცოლად. სახლს ორი ყარაული და-უყენეს და სწორადაც მოიქცნენ - მაკგრეგორებისაგან ყველაფერი იყო მოსალოდნელი. ჯინს ქუჩაში სიარულის უფლება მისცეს, შეეძლო ვისაც მოისურვებდა, ენახა, მათ შორის, თავისი და მოპასუხის ვეჭილებიც. უაიტმენის ოჯახში რომ მიიყვანეს, შიშისა და ტანჯვა-წამებისაგან ისე იყო შეცვლილი, რომ მშობელმა დედამ ძლივს იცნო. მართო გარეგნულად კი არ შეცვლილიყო, გონებაც არეოდა - კარგა ხანს თვითონაც ვერა სცნობდა დედას და არა სჯეროდა, რომ ამიერიდან საფრთხე აღარ ელოდა. ბოლოს, როცა გონს მოეგო და ცოტათი დამშვიდდა, სასამართლოში ფიცით დამონმებული განცხადება შეიტანა, რომელშიაც დანვრილებით იყო ჩამოთვლილი, თუ რა ტანჯვა-წამება გაიარა. აქამდე დაშინებული ვიყავი და იმიტომ ვდუმდიო, წერდა; ბოლოს კი აღნიშნავდა, ფიცი დამადებინეს, სასამართლოში არ მეჩივლო და ითხოვდა, რომ ძმებისათვის დანაშაული ეპატიებინათ. ქალს სულ ადვილად შეეძლო ფიცი გაეტეხა, რადგან შოტლანდიური მართლმსაჯულება, ინგლისურისაგან განსხვავებით, ყოველთვის დაზარალებულის მხარეზეა: განაჩენის აღსრულება მთავრობის სახელით ხდება და ხარჯსაც მთავრობა იხდის. დაზარალებულს სასამართლოს ხარჯსაც კი არ ახდევინებენ და, გარდა ამისა, მოპასუხის შურისძიებისაგან იცავენ. სამწუხაროდ, ტანჯულმა ქალმა იქამდე ვერ იცოცხლა, რომ მოსარჩელედ ან მონმედ წარმდგარიყო სასამართლოზე და იმ ტანჯვა-წამებაზე მოეთხრო, რაც მაკგრეგორების ხელში გადახდა.

როგორც კი ცოცხალ-მკვდარი მსხვერპლი გამოჰგლიჯეს კლანტებიდან, ჯეიმზ მორ დრამონდმა ედინბურგი დატოვა. მისის კვი ანუ რაიტი მისტერ უიტმენმა წაიყვანა გლაზგოში. შოთსის

მთას რომ ჩაუარეს, მისტერ უაიტმენმა შენიშნა, რა ველური ადგილია, მაკგრეგორები არ კი დაგვეხსნენ თავსო. „ღმერთმა დაგვიფაროს, - წამოიძახა ქალმა, - იმათი დანახვა და ჩემი სიკვდილი ერთი იქნება!“

ქალმა ვერ გაბედა ედინბილში, საკუთარ სახლში დაბრუნება და გლაზგოში დარჩა საცხოვრებლად. „მეუღლემ“ რამდენჯერმე შეუთვალა, შემხვდიო, მაგრამ ქალმა გადაჭრით უარი უთხრა. 1751 წლის 5. ოქტომბერს ჯინ კვი გარდაიცვალა. სასამართლოსათვის დანერვილ ცნობაში აღნიშნულია, სიკვდილი, შესაძლებელია, ქალის მიერ გადატანილ უბედურებათა შედეგი იყოსო, მაგრამ არის ცნობები, რომ ჯინ კვი ყვავილით გარდაიცვალა.

ჯეიმზ მორი ანუ დრამონდი მალე ჩაიგდო ხელში მართლმსაჯულებამ. ოიგი მთავარ დამნაშავედ მიიჩნიეს, მით უმეტეს, რომ ჯინ კვის თავისი მეგობრისათვის მოუყოლია, მოტაცების ღამეს რობინ ოიგს გული მოუღობო ჩემმა ცრემლებმა და უნდოდა გავეშვი, მაგრამ ამ დროს ჯეიმზი მოვარდა, დამბაჩა მოიმარჯვა და ძმას შეუტია, ეგეთი ლაჩარი როგორა ხარ, შენი გულისათვის ასეთი საქმე ვიკისრე და ახლა გინდა კარზე მომდგარ ბედნიერებას ხელი ჰკრაო! ამ სიტყვების მერე რობინი ძმას დამორჩილებია. ჯეიმზის სასამართლო პროცესი 1752 წლის 13 ივლისს დაინიშნა და ერთობ წესიერად და მიუკერძოებლად ჩატარდა. რამდენიმე მონმემ - მაკგრეგორთა ოჯახის წევრებმა - დაიფიცა, ჯვარისწერა საპატარძლოს თანხმობით მოხდაო, ხოლო სამი თუ ოთხი მონმე, მათ შორის ოლქის შერიფის თანაშემწე ირწმუნებოდა, ქალს რომ სდომებოდა, სულ ადვილად გაიქცეოდაო. ამასთან, კანონის ამ პატივდებულმა დამცველმა განაცხადა, მე თვითონ შევთავაზე, თუ გაქცევა გინდა, დაგეხმარები-მეთქი, მაგრამ უარი მითხრაო. მაკგრეგორების დაპატიმრების უფლება ხომ გქონდა, რატომ არ დააპატიმრეო რომ ჰკითხეს, თავი იმართლა: მაგდენი ძალა არა მქონდაო.

ჯინ კეის, ანუ რაიტის განცხადებიდან დადგინდა, თუ რა საშინლად ექცეოდნენ მაკგრეგორები თავიანთ ტყვეს იმ ღამეს, ამის დასტურად იმ მეგობრების ჩანაწერებიც წაიკითხეს, რომელთაც ქალი კერძო საუბრებში დანვრილებით მოუყვა მოტაცების ამბავს. ამასვე ადასტურებდა მისი ნაადრევი სიკვდილი. ამგვარად, თვალნათლივ დამტკიცდა ქალის ძალით წაყვანის ფაქტი „მისი ნებართვის გარეშე“: (შოტლანდიური სასამართლო ტერმინი გახლავთ). ჯინ კეის განცხადებამ დაადასტურა მოწმეთა ჩვენებებიც - მისთვის მართლაც რამდენჯერმე შეუთავაზებიათ გაქცევაში მოგვხმარებითო, მაგრამ ქალი თურმე ვერ ენდო თავის კეთილისმყოფელებს, ვერ ენდო შერიფის მოადგილესაც კი და, თავი რომ დაენებებინათ, უთხრა ბედს დავმორჩილდიო. ნაფიც მსაჯულთა სასამართლოს საბრალდებო დასკვნით დამტკიცებულად ჩაითვალა, რომ ჯინ კეი ანუ რაიტი მისი სურვილის გარეშე წაიყვანეს სახლიდან და ბრალდებულის განცხადება, ყველაფერი ქალის თანხმობით მოხდაო, არ შეეფერებოდა სინამდვილეს, მაგრამ ჯვარის ძალად დაწერისა და ქალისადმი სასტიკად მოპყრობის ფაქტები ნაფიცმა მსაჯულებმა არ ჩათვალეს დადასტურებულად. საბრალდებო დასკვნის შესავალ ნაწილში ბრალდების შემამსუბუქებელ გარემოებად აღნიშნული იყო, რომ დაზარალებული დროთა განმავლობაში შეეგუა თავის მდგომარეობას. თერთმეტმა ნაფიცმა მსაჯულმა წერილობით განუმარტა უმაღლეს სასამართლოს, რომ ასეთი დასკვნის გამოტანის მიზანი იყო, საქმე იმ მძიმე დანაშაულთა რიგიდან ამოეღოთ, რომელიც ბრალდებულის სიკვდილით დასჯას ითვალისწინებს. სხდომას ოთხი მსაჯული აკლდა, მაგრამ წერილს იმათ მაგივრადაც მოაწერეს ხელი.

განსწავლულ ნაფიც მსაჯულთა დასკვნა, რომელიც, თუ საქმის ნამდვილ ვითარებას მივიღებთ მხედველობაში, ძალზე ღმობიერი იყო, უმაღლეს სასამართლოს წარუდგინეს. იგი დანვრილებით არის განხილული მეფის წარმომადგენლის მისტერ გრან-

ტისა და სახელგანთქმული მისტერ ლოკჰარტის, დაცვის წარმომადგენლის, პაექრობის ოქმებში, მაგრამ ჯეიმზ მორი არ დაელოდა საბოლოო გადანყვეტილებას.

სასამართლოს ცნობა მოუვიდა ბრალდებული გაქცევას აპირებსო და იგი ედინბურგის ციხეში გადაიყვანეს, მაგრამ ჯეიმზმა იქიდანვე მოახერხა თავის დაღწევა. მისი ქალიშვილი მენალის ტანსაცმელში გამოეწყო და ციხეში შეაღწია - მცველებს უთხრა, პატიმარმა წაღები შემიკვეთა და უნდა ჩავაბაროო. მამამისმა სასწრაფოდ გადაიკვა ქალიშვილის ტანსაცმელი. მცველებმა გაიგონეს, როგორ დაეტაკნენ პატიმარი და მისი ცოლი მენაღეს, ეს რა შეგიკვრიაო. „მენაღემ“ ქუდი თვალებზე ჩამოიფხატა და ბუზღუნით გამოერიდა უბრდელ მუშტრებს. ჯეიმზი ისე გასცდა მცველებს, რომ მათ იოტისოდენა ეჭვიც არ აუღიათ. ჯეიმზი საფრანგეთში გაიქცა, შემდგომში, იმ სასამართლომ, რომელიც 1753 წლის 15 იანვარს მისი ძმის დიუნკან მაკგრეგორის, იგივე დრამონდის საქმის გარჩევას შეუდგა, კანონგარეშედ გამოაცხადა ჯეიმზ მორ დარმონდი. დუნკან მაკგრეგორი ნამდვილად იღებდა მონაწილეობას ჯინ კვის მოტაცებაში, მაგრამ აშკარა სამხილი ვერ მოიძებნა და ნათესავმა მსაჯულებმა უდანაშაულოდ სცნეს. ჩვენ არავითარი ცნობა აღარ მოგვეპოვება, იმის შესახებ, თუ როგორ წარიმართა ამის შემდეგ დუნკანის ცხოვრება.

კარგა ხნის განმავლობაში მცდარი წარმოდგენა არსებობდა იმის შესახებ, თუ რა ბედი ეწია შემდგომში ჯეიმზს, მაკგრეგორთა გვარის მეთაურს (მას უფროს-უმცროსობის წესით ეს წოდება არ ეკუთვნოდა, მაგრამ თუ მის ნიჭსა და ხელგამომავლობას მივიღებთ მხედველობაში, გვარის ნამდვილ მეთაურად მაინც ის უნდა მივიჩნიოთ). ამ მცდარი წარმოდგენის წყარო ის გახლავთ, რომ სასამართლოს ანგარიშებშიც და ყველა სხვა ცნობაშიც აღნიშნული იყო შემდგომში მთავრობას შეურიგდა, შოტლანდიაში დაბრუნდა და იქვე გარდაიცვალაო. „ბლევკუდ მეგზინში“ 1817

წელს გამოქვეყნებული საინტერესო საბუთების მიხედვით ირკვევა, რომ საქმე სულ სხვანაირად ყოფილა. პირველი საბუთი, ჩარლზ ედუარდის სახელზეა გამოგზავნილი, პეტიცია, დათარიღებულია 1753 წლის 20 სექტემბერს. ჯეიმზ მაკგრეგორი ჩამოთვლის, თუ რა და რა დამსახურება მიუძღვის სტიუარტთა დინასტიის წინაშე და აღნიშნავს, ჩემი ინგლისიდან გაძევება ჰანოვერების მთავრობის ბრლიაო. იგი ერთი სიტყვითაც არ იხსენიებს ჯინ კეის საქმეს და უმაღლესი სასამართლოს გადაწყვეტილებას. დადგენილია, რომ პეტიცია ადრესატს ბოლჰალდიელმა მაკგრეგორ დრამონმა გადასცა, მას, როგორც ზევით იყო ნათქვამი, ჯეიმზ მორი თავის ბელადად აღიარებდა.

ჩვენ არ ვიცით, რა შედეგი გამოიღო ამ პეტიციამ. შესაძლებელია, ჯეიმზ მაკგრეგორს დროებით გაუუმჯობესა მდგომარეობა, მაგრამ შემდგომში ეს მოუსვენარი და ნიადაგ ფათერაკების მადიებელი კაცი ერთ თავისავით ლტოლვილ თანამემამულეს გადაემტერა და ყველა ხრიკი იხმარა მის დასამარცხებლად. მთიელების ზნე-ჩვეულებათა გასაცნობად საჭიროდ მიგვაჩნია, მოკლედ მაინც მოგახსენოთ ეს ამბავი. არდშილელი სტიუარტისათვის ჩამორთმეული მამულების სახელმწიფო მმართველად დანიშნული გლენურელი მისტერ კემპბელი თოფით მოკლეს, როდესაც მან ბალიხულიშის ფონი გადალახა და ლეტემორის ტყეში შევიდა. არდსილის ნახევარძმა, უფლებებჩამორთმეული ჯეიმზ სტიუარტი, მკვლელობის თანამონაწილედ ცნეს, გაასამართლეს და თუმცა სამხილი თითქმის ვერ უპოვეს, სიკვდილით დასაჯეს. ერთადერთი ხელჩასაჭიდი მხოლოდ ის იყო, რომ ბრალდებულს ფული მიეცია თავისი ძმისშვილისათვის, ალან ბრეკ სტიუარტისათვის, რომელიც ამ მკვლელობის შემდეგ ინგლისიდან გაიქცა. აი, ასე იძიეს შური გლენურის მეგობრებმა იმდროინდელი უსამართლო მართლმსაჯულების შემწეობით, მაგრამ ამითაც ვერ მოიხხეს გული და მოინდომეს ალან ბრეკ სტიუარტიც დაეპატიმ-

რებიანთ. ისინი დარწმუნებულნი იყვნენ, რომ მათი მეგობარი ალანის ხელით იყო მკვდარი. დახმარება ჯეიმზ მორ დრამოს სთხოვეს. მას სანაპიროზე უნდა გადაეტყუებინა დამნაშავე და ინგლისში ჩაეყვანა. იქ კი მისთვის უკვე სახრჩობელა ჰქონდათ გამზადებული. დრამონ მაკგრეგორი მოკლეულის ნათესავი გახლდათ და გარდა ამისა იმჟამად, მაკგრეგორები და ვემპბელები დიდად მეგობრობდნენ ერთმანეთს, ხოლო მაკგრეგორებსა და სტიუარტებს შორის, როგორც ზემოთ მოგახსენეთ, ბოლო ხანებში შუღლი და დავა იყო ჩამოვარდნილი. რაც მთავარია, რობერტ ოიგი ედინბურგის ციხეში იყო გამოკვეტილი და ჯეიმზს უნდოდა რაიმე სამსახური გაენია მთავრობისათვის, იქნებ ამით ძმა გადავარჩინო. ყოველივე ამას დაემატა მისი თავისებური შეხედულება სიკეთესა და ბოროტებაზე და ჯეიმზმა, ალბათ, დიდ ცოდვად არ მიიჩნია ალანის შეპყრობა, თუმცა სრულიად აშკარა იყო, რომ ამ ჩანაფიქრის განსახორციელებლად ვერაგული ღალატი უნდა ჩაედინა. მაკგრეგორმა ინგლისში ჩასვლის ნებართვა ითხოვა და პირობა დადო, თან ალან ბრეკსაც ჩამოვიყვანო, მაგრამ მისი ორი თანამემამულე განაზრახს მიუხვდა და ალანი გულისხმაში ჩააგდო. მათი წყალობით ალანი გადაურჩა მოტაცებას და თან რაღაც-რაღაცეებიც გააყოლა ხელს. მაკგრეგორი ირწმუნებოდა, ტანსაცმელი და ოთხი სათუთუნე ამომაცალა სამგზავრო ჩანთიდან და მიიძალაო. უნდა შევნიშნოთ, რომ ეს მხოლოდ მაშინ შეიძლებოდა მომხდარიყო, თუ ალანი და ჯეიმზი მეგობრობდნენ და მისვლა-მოსვლა ჰქონდათ ერთმანეთთან.

თუმცა ჯეიმზ რამონდმა ჩანაფიქრი ვერ განახორციელა, ნებართვა მაინც გამოიყენა და ლონდონში ჩავიდა. აქ იგი, როგორც თვითონ ამბობს, ლორდ ჰოლდერნესს შეხვდა. ლორდსა და მინისტრის თანაშემწეს მთელი რიგი საჩოთირო კითხვები დაუსვამთ მისთვის და მერე სახელმწიფო სამსახური შეუთავაზებიათ. ადგილი შემოსავლიანი ყოფილა, მაგრამ ჯეიმზს უარი უთ-

ქვამს - რომ დავთანხმებულებიყავი, სამუდამოდ შევირცხვინდი სახელს, რადგან ჩემი თანამემამულეების ჯალათად უნდა გადაექცეულიყავიო. თუ მართლა ასეთი კარგი ადგილი შესთავაზებს და ჯეიმზმა გადაჭრილი უარი უთხრა, ეტყობა ჯაშუშობას ავალბედნენ - იაკობინელთა ზრახვები უნდა ეცნობებინა მთავრობისათვის. ალბათ იფიქრეს, ალან ბრეკ სტიუარტის გაყიდვას თუ კისრულობდა, ამ საქმესაც იკისრებსო. დრამონდ მაკგრეგორმა ზრდილობიანად მიუგო, ყველანაირ საქმეზე ვიმუშავებ, ოღონდ ჯენტლმენისათვის სათაკილო არ უნდა იყოსო.

მკითხველი, რომელიც უკეთ იცნობს ჯეიმზის ცხოვრების ზოგიერთ ეპიზოდს, გაოცებული დარჩება ამ პასუხით, მაგრამ აქ არაფერია გასაოცარი - გავიხსენოთ, რომ პისტოლიც[38] ასეთივე გადარეული მზრუნველობით იცავდა თავის რეპუტაციას.

ლორდ ჰოლდერნესის ნება-სურვილს რომ არ დავეყვი, მიბრძანეს სასწრაფოდ დამეტოვებინა ინგლისი, - გვიამბობს ჯეიმზ დარმონდი.

ჯეიმზი საფრანგეთში დაბრუნდა: აქ იგი დიდ გაჭირვებაში ჩავარდნილა - ჯერ ციებ-ცხელებით დაავადებულა, მერე კენჭები გასჩენია თირკმელებში. სენმა სული დაუუძღურა და ცხოვრების ხალისი წაართვა. ალან ბრეკ სტიუარტი იმუქრებოდა, ჯეიმზს დანაშაულს არ ვაპატიებ, აუცილებლად მოვკლავო[39]. ჯეიმზს სტიუარტების მთელი კლანი გადამტყრებელი ჰყავდა, ლონდონიდან ჩამოსვლის შემდეგ სხვებმაც ცუდი თვალით დაუწყეს ყურება და არც იყო გასაკვირი, რადგან მან რატომღაც არ უთხრა საკუთარი კლანის ბელადს რისთვის ჩამოვიდა ინგლისში. მისი ურთიერთობა ლორდ ჰოლდერნესთან სამართლიან ეჭვს იწვევდა იაკობინელთა თვალში. ეტყობა, მათ „ჟილ-ბლასის“ დონ ბერნარ დე კასტელბლამოს მსგავსად არ მოსწონდათ ალგვაშილებში კუდგაბარებული თანამოაზრე. ლობგარიელმა მაკდონელმა, უპატიოსნესმა ჯენტლმენმა, დიუნკერკის ხელისუფალთა

წინაშე აშკარად დასდო ბრალი ჯეიმზ დამონდს ჯაშუშობაში. დრამონდი იძულებული გახდა ეს ქალაქი დაეტევებინა და პარიზი დაბრუნებულიყო, დიუნკერკიდან სულ ოცდაათი ლივრი გამოჰყვა და პარიზში საშინელ სიღატაკეში ცხოვრობდა.

სულ არ ვაპირებთ, შევაცოდოთ მკითხველს ეს აღიარებული ქურდი, მაკლარენის მკვლელობის მონაწილე და ჯინ კეის მოტაცების მოთავე, მაგამ ჩვენ სასიკვდილოდ დაჭრილი მგლის ან ვეფხვის ტანჯვასაც ვერ ვუყურებთ გულმშვიდად და რა გასაკვირია, რომ ძალაუვნებურად სიბრალულით გეკუმშება გული, როდესაც იმ ადამიანის სიცოცხლის მწარე დასასრულს ვიხსენებთ, რომლის დანაშაულის მიზეზი აღზრდის ველური წესი და მთიელთა თანდაყოლილი გულზვაობაა. ბოლო წერილში, რომელიც ბოჰალდიელისათვის გაუგზავნია პარიზიდან 1755. წლის 25 სექტემბერს, ჯეიმზი ამბობს უკიდურეს გაჭირვებაში ვიმყოფებით და, სანამ რაიმე უკეთესი ადგილი გამოჩნდებოდეს, მზადა ვარ ბერეიტორად, მეჭინბედ ან ეგერად ვიმუშაო. ინგლისელს, შეიძლება გაეღიმოს, როცა ამ ბარათის პოსტსკრიპტუმს წაიკითხავს, მაგრამ შოტლანდიელი ნაღვლიანად ამოიხორცეს, გასაცოდავებული, შიმშილისაგან სიკვდილის პირას მიმდგარი ლტოლვილი თავის მფარველს ევედრება, გუდა-სტვირი მათხოვე, რომ ხანდახან მშობლიური ნაღვლიანი ჰანგები დავეკრაო. მუსიკის ზემოქმედება დიდად არის დამოკიდებული იმაზე, თუ რა მოგონებები ამოტივტივდება გონებაში ამა თუ იმ ჰანგის მოსმენისას. ამიტომ, თუ ლონდონელს ან პარიზელს აღიზიანებს გუდა-სტვირის ხმა, შოტლანდიელი სიამოვნებისაგან დნება. ეს ხმები ცადაზიდულ მთებს, ვინრო ხეობებს, მთებში მომწყვდეულ ტბებსა და წინაპართა გმირობის ამბებს ახსენებს.

არა, მაკგრეგორი ნამდვილი შეცოდების ღირსია და მკითხველი რომ თავად დარწმუნდეს, ამაში, ამ წერილის ბოლო ნაწილს მოვიტანთ: „ეტყობა მე ტანჯვა-წამებისათვის ვარ დაბადებული და

ასე უნდა გავლიო ჩემი წუთისოფელი. ახლა ისეთ საშინელ დღეში ვარ, რომ აღარ ვიცი, რა ვიღონო და რითი ვუშველო თავს - ცხოვრების არავითარი სახსარი აღარ გამაჩნია! აქ მხოლოდ 13 ლივრი ჩამომყვა და კვლავ კორდეს ქუჩაზე, სასტუმრო სენ-ჰიერში დავბინავდი. გვედრებით, ამ ბარათის მომტანის პირით შემატყობინოთ, ჩამოხვალთ თუ არა ახლ ხანებში ქალაქში, რომ თქვენი ხილვის ბედნიერება მქონდეს. მე ხომ თქვენს მეტი არავინ მეგულება შემწე და დამხმარე. თქვენთან მხოლოდ ერთი სათხოვარი მაქვს: იქნებ რაიმე საქმე გამომინახოთ, რომ სულ არ გავმათხოვრდე. ეს თხოვნა იოლი შესასრულებელი არ არის, საკმაოდ უნდა განვალდე, მაგრამ თუ მოინდომებთ, არ გაგიჭირდებათ, რადგან თქვენისთანა ადამიანს გაცილებით უფრო დიდი და მნიშვნელოვანი საქმეების მოგვარება ძალუძს. თუ თქვენს მეგობარს, მისტერ ბატლერს მოეთათბირებით, შეიძლება გამომინახოს ადგილი. არა მგონია, არ გამოვადგე რამეში, ვინაიდან საფრანგეთში ჩემსავით ვერავინ გახედნის ცხენს და გარდა ამისა, გვარიანი მონადირეც გახლავართ - სულ ერთია ცხენზე ვიქნები ამხედრებული თუ ქვეითად ვინადირებ, თავს არ შევირცხვენ. ჩემს გაჭირვებულ მდგომარეობაზე შეგიძლიათ იმით იმსჯელოთ, რომ მზადა ვარ ყოველგვარ უბრალო საქმეს მოვკიდო ხელი. იმდენი მაქვს, შემდეგ რაიმე უკეთესი გამოჩნდება. ძალიან მერიდება, რომ იძულებული ვარ ესოდენ შეგანუხოთ და მხოლოდ ის მანუგებებს, რომ თქვენ შესანიშნავად იცით, თუ როგორი მადლობელი ვარ იმ დახმარებისათვის, რომელიც წარსულში გამიწიეთ. ძალიან რომ არ გამჭირვებოდა, არ შეგანუხებდით. ვარ და დავრჩები მარად ჩემი ძვირფასი ბელადის ერთგული მსახური.

ჯ. მაკგრეგორი

P. S. თუ წერილის მომტანს თქვენ გუდა-სტვირსა და მის მონყობილობებს გამოატანთ, ავანყობ და ჩვენებურ სევდიან ჰანგებს

ამოვათქმევინებ - ახლა უშიშრად და მთელი სულითა და გულით შემძლია დავუკრა. მაჰატიეთ, რომ ჰირადად ვერ გეახელით, მაგრამ კიდევ რომ შემძლებოდა იმ მღელვარების გადატანა, რასაც თქვენთან შეხვედრა მიქადდა, ასე გაუბედურებული თქვენ კი არა, უბრალო ნაცნობებსაც ვერ ვეჩვენებოდი“.

როდესაც მაკვრეგორი ამ სევდიან ბარათს წერდა, თავზე უკვე დასტრიალებდა სიკვდილი - ყოველგვარი ამქვეყნიური გაჭირვების მწარე, მაგრამ უებარი წამალი. ბარათის მეორე გვერდზე მიწანწერი გვამცნობს, ამის ავტორი ერთი კვირის შემდეგ (ანუ, დაახლოებით, 1755 წლის ოქტომბერში) გარდაიცვალაო.

ახლა მხოლოდ რობინ ოიგის ამბავი დაგვრჩა მოსაყოლი, ვინაიდან რობ როის სხვა შვილების ცხოვრებაში, როგორც ჩანს, ღირსშესანიშნავი არაფერი მომხდარა. რობინი ინვერსნიდის ფორტის სამხედრო რაზმმა დააპატიმრა გარტმორის მთის ძირას 1753 წლის 26 მაისს და ედინბურგში წაიყვანა. მისი გასამართლება ცოტათი გააჭიანურეს (ალბათ იმიტომ, რომ ჯემში ალან ბრეტ სტიუარტის თავს სთავაზობდა მთავრობას ძმის სანაცვლოდ), 1753 წლის 25 დეკემბერს „რობერტ მაკვრეგორი, იგივე კემპბელი, იგვე დრამონდი, იგივე რობერტ ოიგი, უმაღლესი სასამართლოს წინაშე წარსდგა. ბრალდება ზუსტად იგივე იყო, რაც წინა სასამართლოზე ჰქონდა წაყენებული. რობერტი, თითქოსდა ძმაზე უფრო ხელსაყრელ მდგომაროებაში უნდა ყოფილიყო საქმის განხილვის დროს, მართალია, თავი მიზგები ის იყო ამ ნაძალადევი ქორწინებისა, მაგრამ შეეძლო ეთქვა, ჯინ კვის მოტაცების დროს ლმობიერების გამოჩენა მინდოდა, მაგრამ ჩემმა ძმამ ჯემმმა შემძალა ხელიო. თანაც საბრალო ქალის გარდაცვალებიდან უკვე ოთხი წელი იყო გასული და ესეც ბრალდებულის წისქვილზე ასხამდა წყალს - ვარგა ხნის წინათ ჩადენილი დანაშაული ისე მიუტევებელი აღარ ეჩვენებოდა ადამიანს, როგორც ახალი. აი, ამდენი რამ ჰქონდათ ხელჩასაჭიდი, მაგრამ ნაფიცმა

მსაჯულებმა ამჯერადაც ისე აღარ გამოიდეს თავი, როგორც ჯეიმზის საქმის განხილვისას და რობინი ჯინ კეის მოტაცების მთავარ დამნაშავედ ცნეს[40].

რობერტ ოიგს სიკვდილით დასჯა გადაუწყვიტეს და 1755 წლის 15 თებერვალს ჩამოახრჩვეს. სიკვდილის წინ თავი ღირსეულად ეჭირა. განაცხადა, ამჟამად კათოლიკე ვარ და ეს სასჯელი იმიტომ მომივლინა ღმერთმა, რომ ამ ორიოდ წლის წინ ამ ჭეშმარიტ სარწმუნოებას გადავუდექიო. მან აღიარა, რომ მისის კეი ანუ რაიტის ცოლად შესართავად ძალადობას მიმართა და თქვა, იმედი მაქვს ჩემი დასჯის შემდეგ ჩემს ძმას ჯეიმზს, თავს დაანებებთო[41].

გაზეთებმა დაბეჭდეს: „დასჯილი დანესებულ ხანს სახრჩობელადზე ეკიდა, ხოლო შემეგ ჭირისუფლებს მისცეს, რომელთაც მთიანეთში წაასვენეს ცხედარი“.

ერთი ძვირფასი მეგობრის ნაამბობი, იმ მეგობრისა, რომელმაც სულ ახლახან უდროოდ დაგვტოვა, იმ დროს კი ლინლითგოუს სკოლაში სწავლობდა, საშუალებას აძლევს ავტორს დასძინოს, რომ მაკგრეგორთა რაზმი (გაცილებით მრავალრიცხოვანი იმაზე, რომელიც ედინბურგში ჩავიდა გვამის წამოსასვენებლად) დიდი გლოვითა და ზარით დახვდა პროცესიას ლინლითგოუში და ბალკვიდერამდე მიაცილა. ამგვარად, რობ როისა და მისი ოჯახის გრძელი ამბავი შეგვიძლია დავამთავროთ კლასიკური ფრაზით: *ite conclamatum est*[42]. ერთი უნდა დავსძინოთ: ყოველივე, რაც ზევით მოგახსენეთ, იმის მცირე ნაწილია, რასაც რობ როიზე ჰყვებოდნენ და ალბათ დღესაც ჰყვებიან მთებში - იმ ადგილებში, სადაც სჩადიოდა თავის საქმეთა საგმიროთა, მაგრამ თავდებად ვერავის დაუდგები, რომ ყველაფერი ჭეშმარიტებას შეესაბამება: ცხოვრება მოითხოვდა, რომ კლანის წევრებს მართო ხმლითა და დამბაჩით კი არა, ენითაც დაეცვათ კლანის ინტერესები და ბევრი რამ რობ როის ამბებში იმის კვალობაზეა შერ-

ბილგებული ან, პირიქით, გაზვიადებული, ვინ იყო მთხრობელი -
მაკრეგორი თუ კემპბელი.

წინასიტყვაობის დამატება

№1

რობ როის დაპატიმრების თაობაზე გამოქვეყნებული განცხადება (გაზეთი „ედინბურგ ივნიგ კურანტი“ 18-21 ივნისი, 1912 წ. №1058).

„რობერტ კემპბელს, რომელსაც ხალხში რობ როი მაკგრეგორს უწოდებენ, ამასწინათ რამდენიმე დიდგვაროვანმა ჯენტლმენმა განსაზღვრული რაოდენობის თანხა ანდო, რომ საქონელი შეესყიდა მათთვის მთიანეთში. იგი მუხანათურად გაიქცა, ფული, 1000 სტერლინგი გაიტაცა და ახლაც თანა აქვს. სამოქალაქო და სამხედრო ხელისუფლების ყველა წარმომადგენელს ვთხოვთ, შეიპყრონ ხსენებული რობ როი და ჩამოართვან თანხა, რომელიც თანა აქვს, სანამ იმ პიროვნებების, რომლებიც ამ ფულის დაბრუნებით არიან დაინტერესებულნი, სარჩელს მოვისმენდეთ მის წინააღმდეგ და, როცა დააპატიმრებენ, აცნობონ ედინბურგის ბირჟის ყავახანის და გლაზგოს ყავახანის პატრონებს, რომლებიც შემდეგ შეატყობინებენ დაინტერესებულ მხარეს. შემტყობლები დაჯილდოებულნი იქნებიან უხვად თავიანთი გარჯისათვის“.

სამწუხაროა, რომ ეს განცხადება, შემდგომში მეორედ გამოქვეყნებული იმავე გაზეთში, არ შეიცავს რობ როის გარეგნობის აღწერილობას, რაც, ალბათ, იმით უნდა აიხსნას, რომ რობ როის გარეგნობა ყველასათვის საკმაოდ კარგად იყო ცნობილი. რადგან განცხადება უშუალოდ რობ როის წინააღმდეგ არის მიმარ-

თული, უნდა ვივარაუდოთ, რომ მისი კომპანიონი მაკდონალდი უდანაშაულოა. მოვალეებმა ალბათ იცოდნენ, რომ მაკდონალდს არა ჰქონდა იმათი ფული, თორემ აუცილებლად შეატანინებდნენ მის სახელს ამ განცხადებაში.

მონტროზის ჰერცოგის წერილები, რომლებიც რობ როის მიერ კლიორნელი მისტერ გრემას დატყვევებას ეხება.

მონტროზის წერილი ჰერცოგს[43];

ჩემო მბრძანებელო! წუხელ მოულოდნელად შემატყობინეს თქვენი დიდებულებისათვის ვარგად ცნობილი ყბადაღებული მეგობრის მიერ ჩადენილი ერთი საოცარი თავნებობის ამბავი. ვინაიდან ეს თავნებობა ლახავს მისი უდიდებულესობის მთავრობის ღირსებას, ჩემს მოვალეობად მივიჩნიე მალემსრობოლელი გამომეგზავნა თქვენი უდიდებულესობისათვის და დანვრილებით ამეწერა ეს შემთხვევა.

კლიორნელი მისტერ გრემი, რომელიც ხშირად მიხსენებია თქვენთან იმ ერთგული სამსახურისათვის, შარშან ზამთარში, აჯანყების დროს რომ გაუწია მთავრობას, ჩემი მამულების მოურავია მთიან შოტლანდიაში. წარსულ ორშაბათს იგი მონტიოში, ერთ-ერთ მამულში ჩავიდა გადასახადების ასაკრეფად და, როგორც ყოველთვის, ერთ სახლში ჩამოხდა, სადაც ორი-სამი დღით აპირებდა გაჩერებას, რათა ჩემი მოიჭარეები მიეღო და დავალებული საქმე გაეკეთებინა. იმავე თემით, დაახლოებით 9 საათზე, სახლს, სადაც ჩემი მოიჭარეები ვალს უსტუმრებდნენ მისტერ გრემს, რომ რომი მიადგა თავისი ყაჩაღების იმ რაზმით, რომელიც ამასწინანდელი აჯანყების შემდეგაც არ დაუშლია, ყაჩაღებმა სახლს ალყა შემოარტყეს, თოფის ლულები ფანჯარაში შეყვეს, ხოლო თვითონ რომ რომი რამდენიმე კაცის თანხლებით ფეხზე შეყენებული დამბაჩებით ხელში შემოიჭრა ოთახში, მისტერ გრემი დაატყვევა, მთებში წაიყვანა და მთელი ფული, რაც

მისტერ გრემს მოეგროვებინა, საგადასახადო დავთრები, ქვითრები და მოიჭარეთა საგირავნო ხელშეკრულებები ათას გირვანქაზე მეტი თანხისა, რომლის ნახევარი შარშან გადამიხადეს და ნახევარი წელს უნდა გადაეხადათ, თან წაიღო. ამასთანავე მან აიძულა მისტერ გრემს გამოეგზავნა ჩემთან წერილი (ასლს თან ვურთავ), რომლითაც რობ როი თავის პირობებს მთავაზობს.

იმისათვის, რომ თქვენი დიდებულება უკეთ გაერკვეს ამ საქმეში, აუცილებლად მიმაჩნია მოგახსენოთ შემდეგი: ეს კაცი კარგა ხნის წინათ ჩაუდგა სათავეში მაკგრეგორთა კლანს - იმ კლანს, რომელიც სხვებისაგან ყაჩაღობით, ძარცვა-გლეჯითა და მკვლელობით გამოირჩევა და ყოველთვის აძლევს თავშესაფარს მანანალა და გათახსირებულ ხალხს. რევოლუციის დაწყებიდან რობ როი ყოველ ხელსაყრელ შემთხვევას იყენებდა, რომ მთავობის წინააღმდეგ გამოსულიყო. იგი იმათაც არავითარ სამსახურს არ უწევდა, ვის მხარეზეც იბრძოდა, მხოლოდ ყაჩაღობდა და ქვეყანას ყველა მთიელზე მეტი უბედურება მოუტანა.

უკანასკნელ აჯანყებამდე სამი თუ ოთხის წლით ადრე, დაედო რა დიდძალი ვალი, დატოვა თავისი ადგილსამყოფელი, 12 თუ 16 მილზე გადაინაცვლა ჩრდილოეთით და ბრედფელბაინის გაფს სთხოვა მფარველობა. როდესაც ლორდი კადოგანი მთიანეთში ავიდა, ბრძანა, დაეწვათ მისი ახალი საცხოვრებელი. როგორც ჩვენი დიდებულება დაინახავს, რობ როი ამ საქმეში მე მაღანაშაულებს.

ამან აიძულა იგი ძველ სამყოფელში, ერთობ მკაცრსა და მიუდგომელ მხარეში, დაბრუნებულიყო და მეგობრებსა და ნათესავებ შორის დაეწყო ცხოვრება, მაგრამ სწორად განსაჯა რა, რომ შესაძლებელია, მოულოდნელად დასხმოდნენ თავს და დაეპატიმრებინათ, 5.5 თავის მომხრესთან ერთად ინვერერიში ჩავიდა, პოლკოვნიკ კემპბელ ფინაბელს, ერთ-ერთი დამოუკიდებელი შენაერთის უფროსს, ხალხის თვალის ასახვევად იარაღი ჩააბა-

რა, შინ დაბრუნდა თავის ხალხიანად და თან პოლკოვნიკის მიერ ხელმოწერილი დაცვის სიგელი წამოიღო. ეს ამბავი გასული წლის ზაფხულის დასაწყისში მოხდა. ცოტა ხნის შემდეგ მან კვლავ შეაიარაღა თავისი ხალხი და მეფის რაზმებს, რომელთაც წესრიგის დაცვა ევალებოდათ, წინააღმდეგობის განწევა დაუწყო. ერთხელ თავს დაესხა ერთ-ერთ რაზმს და პატიმარი დაატოვებინა. იგი ხშირად აგზავნიდა ქვემო შოტლანდიაში თავის რაზმებს, ძარცვავდა სოფლის მოსახლეობას და მათ შორის ჩვენს მოიჭარებებსაც.

შვიტყვე რა ამ უწესრიგობათა შესახებ შოტლანდიაში ჩამოსვლის შემდეგ, მივმართე გენერალ-ლეიტენანტ კარპენტერს, რომელმაც უბრძანა სამ რაზმს - გლაზგოს, სტირლინგისა და ფილარინგისას, ღამით გამოსულიყვნენ და სხვადასხვა მხრიდან მოულოდნელად დასხმოდნენ სახლში თავს რობ როის და მის ხალხს. ეს განზრახვა, ჭეშმარიტად, წარმატებით გახორციელდებოდა, კოკისპირული წვიმა რომ არ წამოსულიყო. წვიმამ მთელ ღამეს გასტანა და რაზმების მსვლელობა შეათვრხა, ისე, რომ ზოგი რაზმი ძალიან გვიან მივიდა დანიშნულ ადგილას. მათ მხოლოდ ის შეძლეს, რომ ცეცხლს მისცეს რობ როის სახლი იმის შემდეგ, რაც მისმა ნათესავებმა, რომლებიც ლოდებს იყვნენ ამოფარებულნი, სროლა აუტეხეს და ერთი გრენადრი მოუკლეს.

მისტერ გრემ კილირნელი, რომელსაც იმ მხარის შერიფობა დაავალე, სტირლინგიდან გამოსულ რაზმში იმყოფებოდა და, უეჭველია, ამისათვის ის ველური ხალხი სასტიკად იძიებს შურს მასზე. ამასთან, იგი ჩემი ნათესავია და მთავრობას ერთგულად და თავდადებით ემსახურება. თქვენი დიდებულება დამეთანხმება, რომ ყოველივე ეს მაძლევს საფუძველს შეშინებული ვიყო ამ ჯენტლმენის ბედით, მაგრამ, თუ შემთხვევამ არ უშველა, ან თვითონ ვერ მოახერხა თავის დახსნა, მე, ალბათ, ვერაფერს ვუშველი.

მე ვაპირებდი შემეთავაზებინა მთავრობისათვის რამდენიმე ყაზარმის აგება ამ მხარეში. ჩვენ მხოლოდ ამით შევძლებთ აჯანყებულთა დათრგუნვას და მშვიდობის დამყარებას. ამის თაობაზე ველაპარაკე კიდევ გენერალ ვაპენტერს და მას ხელთა აქვს ყაზარმის გეგმა. დარწმუნებული ვარ, ეს ღონისძიება საუცხოო ნაყოფს გამოიღებს, მაგრამ მანამდე აუცილებელია რანდენიმე რამში ჩავაყენოთ იმ ადგილებში და მის შესახებ ვაპირებ მივწერო ზემოხსენებულ გენერალს.

ვხვდები, რომ თქვენი დიდებულება შევანუხე ესოდენ გრძელი წერილით და ძალზე უხერხულად ვიგრძნობდი თავს, ეს საქმე მხოლოდ მე რომ მეხებოდეს, მაგრამ როდესაც საქმე მეფის მთავრობის ღირსებას ეხება, ბოდიშის მოხდა აღარ არის საჭირო და მხოლოდ ის მინდა დავსძინო, ჩემო მბრძანებელო, რომ სულით და გულით გთხოვთ მიგულოთ თქვენი დიდებულების ყველაზე ერთგულ და მორჩილ მსახურად.

მონტროზი.

კილირნელი გრემის წერილის პირი

(თან ერთვის წინა წერილს)

ჩეპელაროხი, 1716 წლის 19 ნოემბერი

დიდად პატივცემულო ჰერცოგო! რობერტ როის ბრძანებით იძულებული გავხდი შეგანუხით ამ წერილით, რადგან ისე უბედური აღმოვჩნდი, რომ ამჟამად მის ხელთ ვიმყოფები პატიმრად. ჩემი შეპყრობის გარემოებათა თხრობა ამის მომტანს დავავალე და მხოლოდ მოკლედ გავაცნობ პატივცემულ ჰერცოგს რობერტ

როის პირობებს, რომლებიც შემდეგში მდგომარეობს: თქვენმა მაღალკეთილშობილებამ უნდა გააუქმოს მთელი ვალი, რაც თქვენ გეკუთვნით მისგან და უნდა მისცეთ 35.00 მერკი იმ ბარალის საბლანო, რაც კრედიტ-როსტაუნში და ოკინჯიზალენში მიყენეს, ამასთან თქვენმა მაღალკეთილშობილებამ პირობა უნდა მისცეს, რომ მომავალში არ შეანუხებთ და დევნას არ დაუწყებთ. მანამდე მე თან ვეყოლები იმ ფულიანად, რომელიც იმ დღეს ავკრიბე, დავთრებიანად და გაუნადღებელ საგირავნო ხელშეკრულებიანად, თანაც სასტიკი მოპყრობით მემუქრება, თუ რაზმს გამოაგზავნით ჩემს დასახსნელად. თანხა, რომელიც იმ დღეს ავკრიბე, მიახლოებითი ანგარიშით, რომლის დროსაც რამდენიმე ჯენტლმენი მესწრებოდა მონმედ შეესაბამება 3227 შოტლანდიურ გირვანქას, 2 შილინგს და 8 პენს, რის შესახებაც გავეცი ხელწერილები. ველი თქვენი მაღალკეთილშობილების პასუხს და მარად დავშთები თქვენი მაღალკეთილშობილების უერთგულესი, უგულწრფელესი და უმორჩილესი მსახური.

ხელმოწერა: ჯონ გრემი

მონტროზის ჰერცოგის წერილი

1716 წლის 28 ნოემბერი - კილირნელის გათავისუფლება
გლაზგო, 1716 წლის 28 ნოემბერი

სერ, თქვენ მოგეხსენებათ ჩემი ბოლო, მიმდინარე თვის 21-ის წერილიდან, თუ რა დაემართა ჩემს მეგობარს, კილირნელ მისტერ გრემს, ამჟამად მოხარული ვარ გაცნობოთ, რომ ნუხელ ფრიად გავვოცდი და გავიხარე, როცა მისტერ გრემი თავად გამომეცხადა და მომანოდა ცნობები, რასაც მოკლებული ვიყავი იმ

დღიდან, რაც იგი მოიტაცეს. როგორც ეტყობა, რომ რომი დარ-
წმუნდა, რომ ამ საქმიდან ვერც სარფას მიიღებდა და მარ-
თლმსაჯულებასაც კიდევ უფრო გადაიკიდებდა, ამიტომ ამჯობინა
ყველა გაეთავისუფლებინა. მან კვირა საღამოს გამოუშვა კი-
ლირნელი, დავთრები, ქვითრები და ხელშეკრულებები გამოატა-
ნა, ფული კი დაიტოვა. მისტერ გრემი ორშაბათ საღამოს დაატ-
ყვევა და ძალიან ცუდ პირობებში ამყოფებდა, რადგან იძულებუ-
ლი იყვნენ გამუდმებით გადასულიყვნენ ერთი ადგილიდან მე-
ორებზე.

გწერთ თქვენი გულწრფელი და უმორჩილესი მსახური

მონტროზი

რობ როის მიერ შედგენილი გამონკვევა

რობ როი მიმართავს უდიდეს და უძლიერეს თავადს, მონტროზის ჰერცოგს ჯეიმზს.

„ნება მიბოძეთ, მოგახსენოთ, რომ მამაცი და ქველი ადამიანის სახელის შესანარჩუნებლად საჭიროა, რობ როის ისევე მოექცეთ, როგორც ის ექცევა სხვებს - ამოირჩიოთ ადგილი და იარაღი მასთან საბრძოლველად და ან მოკლათ დაუძინებელი მტერი, ან ვაჟკაცურად დაეცეთ ბრძოლის ველზე და ამით წერტილი დაუსვათ თქვენს საცოდავ სიცოცხლეს. რათა არამკითხე მოამბეებმა და უგვანო მლიქვნელებმა არ მიკიჟინონ, რომ მე ასეთი საბრალლო და ლაჩარი გამოვინვიე ორთაბრძოლაში, თანახმა ვარ მასთან ერთად შევებრძოლო ორ მის დაქაშს და მისი ჯარის მეთაურს. მაშინ დიდებულ ჰერცოგს არ მოუხდება იმათხოვროს სამეფო კარის წინაშე, ხალხი მომეცით, რომ რობ როი დავიჭირო, თორემ მეღიასავით მოუხელთებელია - მიწის ზევით არა ჩნდებაო. ამგვარად, თუ ჩემ მიერ შემოთავაზებულ ამ უთანასწორო ორთაბრძოლას იკადრებთ, თქვენცა და თქვენი რაზმიც აღარ დაიტანჯებით ჩემი ძებნით, მაგრამ თუ დიდებული ჰერცოგი ანგარიშიანი და ლაჩრული ბუნების გამო დაშინდება და უარს იტყვის ამ ვაჟკაცურ გამონკვევაზე, მაშინ ზავის საზღაურად დამიბრუნეთ ყველაფერი, რაც წარმტაცეთ მაღალი მდგომარეობის მეშვეობით, თორემ გადანყვეტილი მაქვს თქვენი მოსპობა და ველარაფერი გიშველით. თქვენს მეგობრებსაც შეატყობინეთ, რომ წინანდებურად ლმობერად არ მოვიქცევი და მარტო იარაღის ჩამორ-

თმევასაც არ დავაჭერებ. დიდებულ ჰერცოგს, თუ ომისა ეშინია, ზავს ვთვამობ - აირჩიოს რომელიც უნდა, გულითადი მეგობრობა თუ სამკვდრო-სასიცოცხლო მტრობა“. ეს საოცარი მასხრობა იმ წერილს ახლდა, რომელიც რობ როის რომელიღაც მეგობრი-სათვის, არგაილის ჰერცოგის მომხრისათვის, გაუგზავნია ისლა-ში. წერილის შინაარსი ასეთია:

სერ, მიიღებთ რა თანდართულ წერილს, ხმამაღლა წაიკით-ხეთ, როცა საქეიფოდ ჩასხდებით - იგი თქვენც გაგართობთ და თქვენს მეგობრებსაც, ახალი ცნობები, რაც დაგშორდით, აღარ მიმიღია, ოღონდ ის ამბები, რაც ადრე გავიგე ესპანელებზე, თითქოსდა გრძელდება. თუ რაიმე ახალი ცნობა მივიღე იმათზე, აუცილებლად მოგანვდით, მანამდე კი, სანამ მეტ ცნობებს არ შევკრებ, არაფერს მოგწერთ.

გწერთ თქვენი მოსიყვარულე ნათესავი და უმორჩილესი მსა-ხური

რობ როი

არგაილი, 1719

მიიღოს მისტერ პატრიკ ანდერსონმა ჰეიგტრესში“.

ბეჭედზე გამოსახული ხარირემი კარგი ემბლემაა ველური ყა-ჩალისათვის. ამ წერილიდან ჩანს, რომ რობ როი კვლავ აწვდიდა ცნობებს არგაილის ჰერცოგსა და მის მომხრეებს. აქ გადაკრუ-ლად ნათქვამი ალბათ იმას ნიშნავს, რომ მოსალოდნელი იყო შემოჭრა ესპანეთიდან. ასეთი ხმები, ალბათ, ხშირად ვრცელდე-ბოდა იმის შემდეგ, რაც წინა, 1718, წელს ესპანეთმა ჯარი გად-მოსხა გლენსჰილთან.

რობერტ კემპბელის, იგივე მაკვრეგორის, ხალხის მიერ რობ როიდ წოდებულის წერილი ფელდ-მარშალ უედისადმი, რომელსაც მორჩილება გამოუცხადეს ამბოხებულმა ბელადებმა და კლანებმა.

„სერ, ის ადამიანურობა, რომელიც მუდამ თან ახლავს თქვენს მოქმედებას თქვენდამი მონდობილი მოვალეობის შესრულებისას, ის გარემოება, რომ როდესაც დარწმუნდებით, ვინმე შენდობისა და შებრალების ღირსიაო, მონიჭებულ განუსაზღვრელ ძალაუფლებას იყენებთ და უზომო გულმონწყალებას იჩენთ იმ საცოდავის მიმართ, მაიმედებს რომ მეტისმეტ თავხედობად არ ჩამითვლით, თუ გავკადნიერდები და შეგვევდრებით, მეც საბრალოთა და იმათ რიგში ჩამრიცხეთო, რომელთაც წარსულში ჩემნაირი უბედური დღე ადგათ, ახლა კი თქვენი დიდსულოვანი შუამდგომლობის მეოხებით შენდობა და პატიება მიიღეს მისი უდიდებულესობისაგან. კარგად ვიცი, რომ ჩემს მიერ აჯანყების დროს ჩადენილ დიდ დანაშაულში მთლიანად ვერაფრით გავიმართლებ თავს, მაგრამ უმორჩილესად ვთხოვ თქვენს ბრწყინვალეობას, ჩემი საქმის განხილვისას მხედველობაში მიიღოს ზოგიერთი საგანგებო გარემოება, რომლებიც, ვიმედოვნებ, ოდნავ მაინც შეამსუბუქებს ჩემს დანაშაულს. ჩემდა საუბედუროდ, იმ დროს, როდესაც აჯანყება დაიწყო, მართლმსაჯულებამ, მონტროზის ჰერცოგის მოთხოვნით, რომელმაც განაცხადა ჩემი ვალი აქვსო, დაპატიმრება გადამიწყვიტა. საპყრობილეს რომ გა-

დავრჩენოდი, რომელიც უეჭველია არ ამცდებოდა, გულის კარნახს რომ ავყოლოდი და

მეფის ჯარებს შევერთებოდი სტრილინგში, იძულებული გავხდი ტახტის მადიებლის მომხრეთა ჯარში ჩავწერილიყავი. გვერდზე გადგონმა, როცა ყველას იარაღი ჰქონდა, სახიფათოც იყო და შეუძლებელიც. მართალია, იძულებით გავხდი მისი უდიდებულესობის, მეფე ჯორჯის ტახტიდან ჩამოსაგდებად მოწყობილი აჯანყების მონაწილე, მაგრამ ეს დანაშუღს არ მიმსუბუქებს და ამას არც მოვუტანდი თავის გასამართლებლად, თუ ამავე დროს, არ მექნებოდა საშუალება დამესაბუთებინა თქვენი ბრწყინვალეობისათვის, რომ, არა მარტო ყოველთვის ვერიდებოდი მტრულ მოქმედებას მისი უდიდებულესობის ჯარების წინააღმდეგ, არამედ, პირიქით, არგაილის პატივცემულ ჰერცოგს დროდადრო ვგზავნიდი ჩემს ხელთ არსებულ ცნობებს აჯანყებულთა ძალებისა და განლაგების შესახებ, რასაც, ვიმედოვნებ, თვითონაც დაგიდასტურებთ. რაც შეეხება მონტროზის ჰერცოგის ვალს, იგი უკანასკნელ ფართინგამდე გადავიხადე. თქვენს ბრწყინვალეობას ვთხოვ მერწმუნოს, რომ იმ დროს იძულებული გახვდი ასე მოექცეულიყავი, თორემ ჩემი ნება რიმ ყოფილიყო, გულისთქმას დავუჯერებდი და მისი უდიდებულესობის, მეფე ჯორჯის სამსახურად დავდებდი თავს. ერთადერთი, რაც მახედვინებს შეგანუხოთ და გთხოვოთ მიშუამდგომლოთ მისი უდიდებულესობის წინაშე, რათა მან სიცოცხლე შემინარჩუნოს, ის არის, რომ გულწრფელად ვაპირებ ეს სიცოცხლე იმ ხელმწიფის სამსახურს მოვახმარო, რომლის გულმონყალება, სამართლიანობა და ადამიანობა ესოდენ განთქმულია მთელ ქვეყანაზე.

დავშთები თქვენი ბრწყინვალეობის მუდმივი მოვალე,
პატივცემული და უმორჩილესი მსახური

რობერტ კემბელი“

არსებობს მრავალი შოტლანდიური ბალადა, რომლებშიც აღწერილია, რომ მთიელები ძველთაგანვე, როდესაც ვინმე ქვემო შოტლანდიელი ქალის ან მისი ქონების ხელში ჩაგდებას მოინდომებდნენ, ისე იტაცებდნენ საცოლეს, როგორც მგელი იტაცებს ხოლმე კრავს. ერთი ასეთი ბალადა არის მისტერ რობერტ ჯემისონის შოტლანდიური ხალხური ბალადების კრებულში:

ცხვარს დავხედავო - ლივინგსტონი
მარტო გავიდა კარში.
გზად გლენლიონი შემოეყარა,
ცხენზე შეიგდო ბავშვი.

შემოაძარცვა კაბა სატინის
საწყალს დაასხა რეტი...
მოვის პერაგნზე შემოახვია
შოტლანდიური პლელი.

მეორე ბალადა მოგვითხრობს:

ბარში დაეშვა ოცდაოთხი მთიელი ფიცხი,
უკან უდოსის დარჩათ ტყე-ველი...
მოვითაცოთო ჯინ მიური - დაედოთ ფიცხი,
ფიცხი მტკიცე და შეურყეველი.

თვითეულ მათგანს სატევარზე დაედო ხელი,

დანა ფიცარზეც მტკიცედ დგებოდნენ:
ან დუნკან გერის გაჰყვებაო ასული თქვენი,
ან სისხლს დავღვრითო - იმუქრებოდნენ.

ეს ბალადა ხალხში მოვისმინე, მაგრამ შოტლანდიური ბალადების კრებულებში შეტანილია მრავალი, ამავე თემაზე შეთხზული ბალადა.

რობერტ ოიგის, ანუ როგორც ქვემო შოტლანდიელები უწოდებდნენ, უმცროსი რობ როის საგმირო საქმე შექმნილია ბალადაში, რომლის 12 ვარიანტია გამოცემული. ბალადა მხნე და ცოცხალი ტონით არის დანერგილი. ეს ვარიანტი ისე მოგვაქვს, როგორც დაგვამახსოვრდა:

მთიდან ბარში ჩამოიჭრა რობ როი,
არ ეტყობა ნიშანწყალი დაღლის...
ბედაურზე შემოისვა ასული, -
ყადრი იცის ოჯახის და სახლის...
შემოისვა... გააქროლა თეთრონი,
თოხარიკით გაუყენა შორეთს:
ბალჰამამდე აიქროლეს ჭენებით,
მიაღწიეს მთიანეთის გორებს.
კმაყოფილი იქნებო, - ეტყოდა, -
ალბათ, ღმერთიც ასე ბრძანებს, ლედი!
კიდით-კიდე მოიარო ლენოქსი,
ვერ იპოვი ჩემისთანებს, ლედი!
მამას ჩემსას უწოდებდნენ რობ როის,
მაკგრეგორი გვარად იყო, ლედი,
მაკგრეგორის სახელი და დიდება
ზესკნელამდე ასულიყო, ლედი!
მტრისთვის იყო ამონვდილი მახვილი,
ძმისთვის იდგა ციხე-ბურჯად, ლედი!

ჩევინც აღუდგა, ამოუდო აღვირი,
ველარავინ გადაურჩა, ლედი!
მეც ფიცხი ვარ, არანაკლებ მამაცი,
ვიდრე იყო მამაჩემი, ლედი!
ვისაც ეჭვი ეპარება ამაში,
ხმალმა უთხრას დანარჩენი, ლედი!
მაშ, დღეიდან, კმაყოფილი იყავი,
რადგან უკვე აღთქმა დავდე, ლედი!
ჩემი ცოლი, - ჩემგნით გაურიყავი
შენ იქნები სიკვდილამდე, ლედი!

თავი I

ო, რა შეგცოდენ, ღმერთო მაღალო, რად დამატეხე ტანჯვის სიმძიმე,

ერთი ძე მყავდა ისიც სხვისას ჰგავს, რად ამშალე და მასიმძი-
ლე!

წყეულიმც იყოს, ვინაც გარდაგქმნა ჩემდა ჭირად და ჩემდა სა-
ურვოდ.

მოგზაურობა?!- უფრო მშვიდად ცხენს გავისტუმრებ სამოგზა-
უროდ.

მუსიე ტომა[44]

ძვირფასო მეგობარო! შენ დაბეჭითებით მთხოვე, განგების მი-
ერ ცხოვრების მიწურულში ნაბოძები მოცალეობის ნაწილი ამ გა-
ჭირვებათა აღწერისათვის შემენირა, რომლებიც სიჭაბუკეში გა-
დამხდა თავს. ამ გაჭირვებებმა (შენ რომ თავგადასავალი უნოდე) სიამოვნებისა და ტკივილის ცვალებადი და მრავალფეროვანი შეგრძნება დამიტოვა გულში და მე დიდად მადლობელი ვარ ადამიანთა ბედ-იღბლის გამგებელისა, რომ თავიდანვე ხიფათი-
თა და ფათერაკებით აღსავსე გზაზე დამაყენა. მან ალბათ იმი-
ტომ მარგუნა ეს ხვედრი, რომ, ჩემი ხანგრძლივი ცხოვრების ბო-
ლოს, როცა წარსულსა და აწმყოს შევადარებდი, მომწონებოდა ახლანდელი მშვიდი უბრუნველი ყოფა. გარდა ამისა, მეც ასე მწამს და შენც ნიადაგ მარწმუნებდი, რომ, ყველა, ვისაც გარდა-
სულ დროთა ამბების გახსენება უყვარს, სიამოვნებით მოუსმენს მოხუც ადამიანს, რომელსაც მრავალნაირი ფათერაკი გადახდა

თავს და თანაც ისეთ ქვეყანაში, სადაც სახელმწიფოებრივი წყობა და ადათ-ჩვეულებები უკიდურესად ჩამორჩენილია.

მაგრამ არ უნდა დავივიწყოთ, რომ მეკობრის მიერ მონათხრობი ამბავი სანახევროდ მაინც კარგავს თავის მომხიბვლელობას, თუ მას ქაღალდზე გადავიტანთ. ამიტომ, როცა კაბინეტში განმარტოვდები და ყურადღებით ჩაიკითხავ ჩემს ჩანაწერებს, ეს ამბები მაინცდამაინც საინტერესოდ აღარ მოგეჩვენება. შენ ხომ ადრე თვითმხილველისაგან მოგისმენია ყოველივე.

მაგრამ შენ ახალგაზრდა და ჯანმრთელი ხარ ჩემთან შედარებით და ეს მაიმედებს, რომ განგება ჩემზე უფრო ხანგრძლივ სიცოცხლეს მოგანიჭებს. ეყაროს ეს ფურცლები შენი სეკრეტერის ერთ რომელიმე კუნჭულში, სანამ ბედი არ დაგვაცალკევებს. ეს კი მალე, სულ რამდენიმე წელიწადში მოხდება და, როცა დროებით, როგორც იტყვიან, „უკეთეს ქვეყანაში“ შეხვედრამდე, დაგტოვებ, დარწმუნებული ვარ, ტკბილად გაიხსენებ წასულ მეგობარს, უფრო ტკბილად, ვიდრე ვიშასხურებ და მაშინ ეს წვრილმანები, რომლებიც ამჟამად ქაღალდს უნდა მივანდო, ნაღვლიან და თანაც სასიამოვნო მოგონებას აღვიძრავს.

ზოგი საკუთარ პორტრეტს უტოვებს მეგობარს, პორტრეტს, რომელიც მხოლოდ მის გარეგნულ თვისებებს გამოხატავს, მე კი ამ გულწრფელ ჩანაწერებს განდობ. მასში ჩემი ფიქრები და გრძნობები, ჩემი ღირსებები დანაკლოვანებებია გამომზეურებული და მწამს, რომ ჩემს ახალგაზრდულ სიფიცხესა და სისულელეებს კეთილი თვალით შეხედავ და ისევე სულგრძელად შემინდობ, როგორც მონიფული ასაკისდროინდელ შეცდომებს შემინდობდი ხოლმე.

როცა ჩემს მემუარებს (თუკი შეიძლება, რომ ამ ფურცლებს ასეთი შთამბეჭდავი სახელი ვუწოდო) შენისთანა საყვარელი და ახლობელი მეგობრისთვის ვწერ, სხვა მრავალ სარგებლობასთან ერთად კიდევ ერთ რამეში ვრჩები მოგებული: შემეძლია

თხრობის დროს ბევრი ისეთი წვრილმანი გამოვტოვო, რომელიც ამ ჩანაწერებს არაფერს შემატებდა. უცხო ადამიანის საკითხავად განკუთვნილ მოგონებებში გვერდს ვერ აუვლი წვრილმანებს და მათ დევნაში შეიძლება უფრო საინტერესო გამოგვჩვენოს ვაცს. განა მელანი, ქალაქი და თავისუფალი დრო რომ მაქვს და თანაც დარწმუნებული ვარ, აუცილებლად წაიკითხავ ჩემს ჩანაწერებს, თავი უნდა შეგანყინო? მიუხედავად ამისა, მიძნელებს დაგპირდე, რომ ბოროტად არ გამოვიყენებ ამ მაცდუნებელ შესაძლებლობას და სიამოვნებით არ გავიხსენებ ყოველივეს, რაც თავს გადამხდენია, კარგი იქნება ეს თუ ავი. ვიცი, რომ ეს ამბები ჩემზე ნაკლებად არ არის ცნობილი შენთვის, მაგრამ მაინც გავიხსენებ. ხშირად, როდესაც ჩვენ თვითონ ვართ ამბის მთავარი გმირი, თხრობა გაგვიტაცებს და აღარ ვზოგავთ მსმენელის დროსა და მოთმინებას. ცდუნებას ყველაზე ბრძენი და გამოცდილი ადამიანიც კი ვერ გაუძლებს ხოლმე. საკმარისია შეგახსენო ერთი ჭკუის სასწავლებელი მაგალითი, რომელიც სალის[45] მემუარების იშვიათ და თავისებურ გადმოცემასთან არის დაკავშირებული. შენ მიაშიტი ბიბლიოფილის ჯიუტობით დამინყებ მტკიცებას, ეს გამოცემა სჯობს მეორეს, რომელიც მემუარების ჩვეულებრივი ფორმით არის დაწერილი. მე კი მგონია, შენი საყვარელი გამოცემა მხოლოდ იმით არის საყურადღებო, რომ თვალნათლივ გვიჩვენებს, თუ რა ადვილად ექცეოდა თვითგანდიდების კლანჭებში ისეთ დიდი ადამიანიც კი, როგორც ამ წიგნის ავტორი იყო. თუ მესხიერება არ მღალატობს იმ პატივცემულმა პირმა და დიდმა სახელმწიფო მოღვაწემ, ოთხ თავის ქვეშევრდომ ჯენტლმენს დაავალა თავისი ცხოვრების აღწერა, მას უნდა დარწმუნოდა „მოგონებები ჰენრი IV მიერ ნაღვან ბრძნულ და უზენაეს სახელმწიფოებრივ, ოჯახურ, პოლიტიკურ, სამხედრო და სხვა და სხვა საქმეთა შესახებ“.

ამ დარბაისელმა მემატეიანეებმა თავიანთი მბრძანებლის ცხოვრების ყველა ღირსშესანიშნავი მოვლენა აღწერეს თავიანთ ნაშრომში, თანაც ისე, რომ ამ მოვლენათა აღწერისას პირადად მას მიმართავდნენ. ამგვარად, ნაცვლად იმისა, რომ თავის ამბავი ან იულიუს კეისარივით მესამე პირით მოეთხრო ან პირველი პირით, როგორც უმეტესობა აკეთებს, როცა სასტუმრო ოთახში ან კაბინეტში ჩაიკეტება და საკუთარი წარსულის ხელახლა განცდას შეუდგება, სალიმ, უფრო დახვეწილი, მაგრამ უჩვეულო ხერხი მოიგონა დასატკობად: მან ამჯობინა თავისი წარსული საკუთარი მდივნებისაგან მოესმინა. წიგნის ავტორი ხომ თითქმის თვითონ იყო და ამავე დროს მისი მთავარი გმირიც გახდა. დიდებული შესახედავი უნდა ყოფილიყო ექსმინისტრი, რომელიც ყაითნებით განყოფილ ვინრო კამზოლისა და ფუშფუშებიანი გახამებული საყელოს წყალობით გამართული იჯდა მოჩარდახულ სავარძელში და მედიდურად უსმენდა დიდებულთ, რომელთაც დანვრილებით აღწერათ მისი ცხოვრების გზა. დიდებულები კი ქუდმოხდილნი იდგნენ ჰერცოგის წინ და მოახსენებდნენ. „ჰერცოგმა ასე ბრძანა.. ჰერცოგი ბოლოს ასე მოიქცა.. თქვენი მონცალების ამრი ამ მნიშვნელოვან საკითხებზე ასეთი იყო.. თქვენ საიდუმლოდ ასე ურჩიეთ ხელმწიფეს იმ ურთულესი საქმის დროს...“. ყველა ასეთ საქმეს მსმენელი მთხრობელზე უკეთ იცნობდა და ცნობები სულაც ჰერცოგისგან ჰქონდათ მიღებული.

ჩემი მდგომარეობა ასეთი სასაცილო არ არის, მაგრამ ვფიქრობ, უცნაური იქნებოდა, რომ ფრენკ ოსბალდისტონს უილ ტრეშამისათვის მოეთხრო, თუ სად დაიბადა, როგორ აღიზარდა და რა მდგომარეობას მიაღწია საზოგადოებაში. ამიტომ მე არ მივიღებ ჩვენი მრევლის დიაკვნის პ. პ-ს მაცდუნებელ რჩევას და ყოველნაირად შევეცდები დუმილით ავუარო გვერდი შენთვის უკვე ცნობილ ამბებს.

ზოგი რამ კი მაინც უნდა შეგახსენო, რადგან თუმცა ეს ფაქტები, დარწმუნებული ვარ, თავის დროზე კარგად იყო შენთვის ცნობილი, მაგრამ, ადვილი შესაძლებელია, ჟამთა მდინარებამ სავსებით წაშალა შენი ხსოვნიდან, ისინი კი საფუძვლად დაედო ჩემს მომავალს.

ჩვენი მშობლები კომპანიონები იყვნენ და ერთად უძღვებოდნენ სავაჭრო ფირმას და ამიტომ მამაჩემი კარგად უნდა გახსოვდეს.

თუმცა, არა მგონია, მისი საუკეთესო წლების მომსწრე იყო, წლების, როცა ასაკსა და სნეულებას ჯერ კიდევ არ დაეძაბუნებინა, როცა ფხა და გამჭრიახობა მოსდევდა და გული ერჩოდა. იგი ალბათ უფრო ღარიბი იქნებოდა, მეცნიერებისთვის რომ შეეწირა ის უზარმაზარი ენერჯია და გამჭრიახობა, რაც თავის კომერციულ საქმიანობას მოანდომა. უფრო ღარიბი, მაგრამ ასევე ბედნიერი. აღებმიცემობის აღელვებულ ზღვაში შეცურვა, თუნდაც სარფის იმედი გადანყვეტილი იყოს, მაინც ხიბლავს ფათერაკების მაძიებელ ადამიანს. ვინც ამ მუხანათ ზღვას მიენდობა, ყოველგვარი გაჭირვების ატანა უნდა შეეძლოს და ხომალდის მართვაც კარგად ეხერხებოდეს. მიუხედავად ამისა, თუ ბედნიერების ქარი არ ახლავს თანამგზავრად, შეიძლება ხომალდი დაემსხვრას.

ზღვაოსანმა წუთით არ უნდა მოაღუნოს ყურადღება და, თუ საჭირო იქნება, შეუძლებელსაც შეეჭიდოს. ბედისა და წინდახედულობას შერკინება, რომელშიც ხან ერთი გადასძლევს, ხან მეორე, მთლიანად მოიცავს ადამიანის გრძნობებს და გონებას და აღებმიცემობას ბანქოსავით მომაჯადოებელ თამაშად აქცევს, განსხვავება მხოლოდ ის არის, რომ ყველა აზარტული თამაშის განუყრელი თანამგზავრი -ზნეობრივი მანკიერება- არ ახლავს თან.

მე-18 საუკუნის დასაწყისში, როცა ღვთის წყალობის 20 წლისა მოვიყარე, მამაჩემმა მოულოდნელად გამომიძახა ბორდოდან

რალაც მნიშვნელოვან საქმეზე. არასოდეს დამავინწყდება ჩვენი შეხვედრა, ალბათ გახსოვს, როგორ მკვეთრად, ლაკონურად და, ცოტა არ იყოს, სუსხიანად იცოდა თავისი სურვილის გამოთქმა. აი, ახლაც ცოცხლივ მიდგას თვალწინ წელში გამართული, წარმოსადეგი. მესმის მისი სწრაფი, თამამი ნაბიჯების ხმა, თითქოს ახლაც შემომცქერის გამჭოლავი გონიერი მხერით. ახლაც ვხედავ ძვირფას სახეს, რომელიც უკვე დაუღარავს ნაოჭებით ათასგვარ საზრუნავს, ახლაც ცხადად ჩამესმის ყურში მისი ხმა, რომელიც ხანდახან თავისდაუნებურად მკაცრად აუჟღერდებოდა ხოლმე.

როგორც კი საფოსტო ცხენიდან ჩამოვხდი, მამაჩემის ოთახს მივაშურე. მამა ღრმად იყო ჩაფიქრებული და სულ არ მომაქცია ყურადღება, თუმცა მხოლოდშობილი ვიყავი და 4 წელი იყო რაც არ ვენახე. მე მოვეხვიე. იგი მოყვარული მამა გახლდათ. თუმცა ამის გამომჟღავნება არ უყვარდა. ახლაც ცრემლი მოადგა თვალებში, მაგრამ მაშინვე შეიკავა თავი.

- დიუბური მწერს, თქვენი შვილით კმაყოფილი ვარო, ფრენკ.

- ძალიან მოხარული ვარ, სერ...

- მე კი საკმაოდ მცირე საბაბი მაქვს სასიხარულოდ, - მომიჭრა მამამ და სანერ მაგიდას მიუჭდა.

- ძალიან ვწუხვარ, სერ...

- ეგ ორივე ისეთი გამოთქმაა, ფრენკ, რომლებიც მეტწილად ძალიან ცოტას ან სულ არაფერს გამოხატავს. აი, ეს შენი ბოლო წერილია.

მამამ გულდასმით დახარისხებული და ლამაზად დალაგებული ქალაქების დასტა ამოიღო. დასტა წითელი ზონარით იყო შეკრული და შიგ ის საცოდავი ეპისტოლე იდო, ჩემს გულისნადებს- სიტყვებად აკინძულ ნატვრასა და სურვილებს რომ ინახავდა. დარწმუნებული ვიყავი, წერილი, თუ ვერ გადაიბირებდა, გულს მაინც აუჩუყებდა წამკითხველს.

მამაჩემს ყოველდღიურად ათასი საქმიანი ქალაქი მოსდიოდა და წერილიც იმათში ჩაეტენა. ახლაც მეღიმება, როცა ვიხსენებ, თუ რა დამცირებულად ვიგრძენი თავი და როგორ გავნანწყენდი, როცა ჩემი საპროტესტო უსტარი, რომლის შექმნას, გარნძუნებ, საკმაო ჯაფა შევალე, თამასუქების, მინდობილობებისა და სხვა ჩემი მაშინდელი შეხედულებით ყოვლად უსარგებლო სავაჭრო საბუთების დასტიდან ამოაძვრინეს. მახსოვს, გავიფიქრე, ასეთი მნიშვნელოვანი წერილი ნამდვილად უკეთეს ადგილს და უფრო მეტ ყურადღებას იმსახურებს, ვიდრე ეს უბრალო კანცელარიული ნაჭლაბნი-მეთქი.

მაგრამ მამაჩემმა ვერც კი შენიშნა ჩემი განაწყენება და კიდევ რომ შეენიშნა არაფრად ჩააგდებდა. ქალაქი ხელში შეატრიალა და განაგრძო:

- ფრენკ, ეს არის შენი, წინა თვის 21 რიცხვში გამოგზავნილი წერილი, რომლითაც მაუწყებ, რომ (მან წერილს ჩახედა) ისეთ მნიშვნელოვან საქმეში, როგორიცაა მთელი ცხოვრების გზისა და პროფესიის განსაზღვრა, მშობელმა თავისუფალი არჩევანის უფლება მაინც უნდა მისცეს შვილს და შენ რომ გადაულახავი... - დიახ. სწორედ „გადაულახავი“ წერია... სხვათა შორის კარგი იქნებოდა უფრო გარკვეული ხელით გეწერა. ზოგან მომრგვალება აკლია ასოს, ზოგან ხაზი... - რომ გადაულახავი წინააღმდეგობანი ელობება შენ მიერ დასახული გეგმის განხორციელებას, ამას ათასნაირად ატრიალებ წერილში, რომელიც ოთხ გვერდზეა გაჭიმული, თუმცა ოდნავ მაინც რომ გეზრუნა აზრის ლაკონიურობასა და სიცხადეზე, ყველაფერი ოთხ სტრიქონში ჩაეტეოდა, რადგან ბოლოს და ბოლოს, ფრენკ, მხოლოდ იმას ამბობ რომ ჩემი სურვილის შესრულება არ გინდა.

- არ შემიძლია-მეთქი, სერ. იძულებული ვარ, უარი ვთქვა-მეთქი. მანდ „არ მინდა“ არ მინერია.

- სიტყვებს ჩემთვის ძალიან მცირე ფასი აქვს, ყმანვილო, - შემანყვეტინა მამამ, რომელიც არასოდეს ჰკარგავდა სიმშვიდესა და თავდაჭერილობას და ამავე დროს ყოველთვის მტკიცედ იდგა ხოლმე თავის ნათქვამზე. „არ შემიძლია“ „არ მინდაზე“ უფრო ზრდილობიანი გამოთქმაა, მაგრამ როცა ადამიანს რაღაც საქმის გაკეთება ძალუძს, და, მიუხედავად ამისა, უარს ამბობს, შეუძლია პირველიც მოიშველიოს და მეორეც. მაგრამ მე არ მჩვევია ნაჩქარევი გადანყვეტილების მიღება. ამ საქმეზე ნასადილევს მოვითათბიროთ. ოუენ!

ოთახში ოუენი შემოვიდა, ოღონდ მაშინ თმა შევერცხლილი არ ჰქონდა(შენ ხომ ასეთი გახსოვს ოუენი, დარბაისელი და მონინებისა და პატივისცემის აღმძვრელი). მაშინ ორმოცდაათზე ცოტა მეტის იქნებოდა, მაგრამ მაშინაც ისეთივე, ან თითქმის ისეთივე ტანსაცმელი ეცვა - ღია ყავისფერი მაუდის კოსტუმი, აბრეშუმის მოვერცხლისფრო წინდები, ვერცხლისბალთებიანი ფეხსაცმელი, მაჯებზეც ისევ ის გოფირებული მანუეტები ეკეთა, მხოლოდ სასტუმრო ოთახში შემოსვლისას რომ გამოაჩენდა ხოლმე, კანტორაში მუშაობისას მანუეტებს გულმოდგინედ შეიკვცავდა სახელოებში, მეღნით რომ არ დასვროდა (მელანს კი კარგა ბლომად ხარჯავდა ყოველდღე).

ერთი სიტყვით, ოჯახში ოსბალდისტონისა და ტრეშამის ფირმის უფროსი კლერკი ოუენი შემოვიდა, დარბაისელი, თავშეკავებული და მაშინაც ისეთივე კეთილი და გულმონყალე, როგორიც თვისი ცხოვრების მიწურულს იყო.

- ოუენ! -უთხრა მამაჩემმა, როცა მოხუცმა სიყვარულით ჩამომართვა ხელი, - დღეს ჩვენთან ისადილებ და იმ ახალ ამბებსაც მოისმენ, ჩვენმა ბორდოელმა მეგობრებმა რომ დააბარეს ფრენკს.

ოუენმა მოწინებით დაუკრა თავი მადლობის ნიშნად, რადგან იმ ხანებში მკაცრად იცავდნენ ზღვარს უფროსსა და უმცროსს შორის და ასეთი მიპატიჟება დიდ პატივსაცემად ითვლებოდა.

არასოდეს დამავინყდება ის სადილი. მე ძალზე შეშფოთებული და თანაც, ცოტა არ იყოს, განაწყენებული ვიყავი და მამას იმედი ვერ გავემართლე: საუბარში ცხოველი მონაწილეობა ვერ მივიღე და ვერც იმ კითხვებს ვუპასუხე მარჯვედ, რომელთაც გედობედ მაყრიდა მამაჩემი. ოუენს თავისი ბატონის რიდი და პატივისცემაც ჰქონდა და ის ყმანვილიც უყვარდა, რომელსაც ბავშვობაში მუხლებზე ათამაშებდა ხოლმე. ამიტომ მტრისაგან შევიწროებული სახელმწიფოს მხდალი მოკავშირის დარად ცდილობდა ყველა ჩემი უხერხული პასუხი შეელამაზებინა და ყველა შეცდომა გაემართლებინა. ეს მანევრები მაინცდამაინც ვერ მშველოდა, მამაჩემს კი კიდევ მეტად უღვივდებოდა წყენისა და რისხვის ცეცხლი და მისი ალი ხშირად ჩემს კეთილ მფარველსაც სწვდებოდა. დიობურთან ყოფნის დროს მე მთლად ისე არ ვიქცეოდი როგორც ის გადამწერი, ასე უეცრად მთლად რომ წანყმიდა მამა თავისი, ლექსი დანერა ოქმის მაგივრად, რამ გადარია, აბა რა ვიცი!

მაგრამ, გულახდილად რომ მოგახსენოთ, კანტორაში მხოლოდ იმიტომ შევივლიდი ხოლმე, რომ იმ ფრანგს, ჩვენი ფირმის ძველ კორესპონდენტს, რომელსაც მამაჩემის დავალებით კომერციული საიდუმლოებები უნდა ესწავლებინა ჩემთვის, აუგად არ ვესხენებინე ლონდონში გამოგზავნილ წერილებში. დანარჩენ დროს ლიტერატურასა და ფიზიკურ ვარჯიშს ვახმარდი. მამაჩემი მთლიანად არ უგუვებელჰყოფდა გონებისა და სხეულის ამგვარად განვითარებას. იგი გამჭრიახი გონების პატრონი გახლდათ და არ შეიძლება არ მიხვედრილიყო, რომ ორივე სასარგებლო იყო ადამიანის სულისა და ხორცის სიფაქიზისა და სიმრთელი-სათვის. თვითონაც ხომ გულით უნდოდა ასეთი შვილი ჰყოლო-

და, მაგრამ მის პატივმოყვარეობას მართო ეს არ აკმაყოფილებდა: უნდოდა ანდერძით თავისი ოცნებებისა და გეგმების განხორციელება დაევალებინა. იმედოვნებდა, რომ ანდერძს შევასრულებდი და მემკვიდრეობით მიღებულ ქონებას გავამრავლებდი.

როდესაც ასე მაძალებდა მის კვალს გავყოლოდი, უეჭველია, უპირველეს ყოვლისა, საკუთარი საქმის სიყვარული ამოძრავებდა. შემდგომში მიხვდი, რომ სხვა მიზეზიც ჰქონდა საამისოდ: მამაჩემი ფხიანი და გამბედავი ადამიანი იყო და რასაც ჩაიფიქრებდა, განახორციელებდა კიდევ. ყოველი წარმატებით დაგვირგვინებული ოპერაციის შემდეგ ახალ საქმეს იწყებდა, რადგან წარმატება ნივთიერ შესაძლებლობასაც აძლევდა საამისოდ დაგამარჯვების რწმენასაც. იმ პატივმოყვარე დამპყრობელივით, შეუსვენებლივ რომ მიისწრაფვის ახალ-ახალი ქვეყნების დასამარცხებლად და არც ძველი დაპყრობილების შემომტკიცებას ცდილობს და არც, მითუმეტეს, გამარჯვების ნაყოფით ტკობას, მამაჩემი დაუცხრომლად იბრძოდა ახალი ქონების შესაძენად. საამისოდ იგი მთელ თავის ძველ მონაგარს აგდებდა ხოლმე ბედის მუხანათ სასწორზე და ყოველთვის ახერხებდა, პინა თავის მხარეს დაეწონა. მამაჩემს თითქოს ერთიორად ემატებოდა ძალა და გამბედაობა, როცა სასწორზე შეგდებულ მთელ ქონებას დიდი საფრთხე დაემუქრებოდა, მაშინ იგი იმ მეზღვაურს ჰგავდა, რომელიც უშიშრად ხვდება უზარმაზარ ტალღებს და სხვა ათასნაირ საფრთხეს, რადგან სწორედ ღელვისა და ქარიშხლის დროს ემატება მხნეობა და საკუთარი ძალების რწმენა. მაგრამ მამაჩემმა კარგად იცოდა რომ წლებს თავისი მიაქვს და. გარდა ამისა, არავინ არის დაბღვეული მოულოდნელი სნებისაგან. ამიტომ, იყო, გულით უნდოდა წინასწარ მოემზადებინა თანაშემწე და, როცა აღარ შეეძლებოდა ხომალდის მართვა, საჭე მისთვის გადაელოცა, თვითონ კი გზა ესწავლებინა და რჩევა-დარიგება მიეცა. ამას უკარნახებდა მამობრივი სიყვარულიცა და საქმისადმი ერთგუ-

ლებაც, მამაშენმა თავისი ქონება ჩვენს კომპანიაში დააბანდა, მაგრამ მის საქმეებში არ ერეოდა და, ვაჭრული ჟარგონით რომ ვთქვათ, „მძინარა ამხანაგი“ იყო. ოუენი უპატიოსნესი ადამიანი გახლდათ, შესანიშნავად ერკვეოდა საანგარიშო საქმეებში და შეუცვლელი იყო უფროსი კლერკის თანამდებობაზე, მაგრამ არც ცოდნა ეყოფოდა და არც, უნარი, რომ მთელი კომპანიის ხელმძღვანელობის საიდუმლოებას ჩასწვდომოდა. მაშინ ვის უნდა განეხორციელებინა მისი ვრცელი გეგმები, უეცრად რომ გამოსალღებოდა ნუთისოფელს? ერთადერთი გამოსავალი ისღა იყო რომ შვილი კომერციის ჰერკულესად გაეზარდა და როცა ატლანტი დაეცემოდა, ტვირთისთვის ჰერკულესს შეეყენებინა მხრები. მაგრამ რა დღეში ჩავარდებოდა შვილი, თუ არათფერი ეცოდინებოდა? როგორ გაიკვლევდა გზას სავაჭრო საქმეების ლაბირინთში თუ ხელში ცოდნის გორგალს ვერ დაიჭერდა? აი, ამ მოსაზრებებმა, რომელთაგანაც ზოგი გამიზიარა. ზოგი კი გულში გაივლო, გადაანყვეტინა მამაჩემს, რომ მე აუცილებლად გავყოლოდი მის კვალს. ხოლო, როდესაც მამაჩემი რაიმეს გადაწყვეტდა, არათფრით აღარ გადათქვამდა ხოლმე, ისე კარგი კი იქნებოდა, წინასწარ მომთათბირებოდა, რადგან მეც მამაჩემივით ჯიუტი ვიყავი და თანაც სულ სანინალმდეგო გადაწყვეტილება მქონდა მიღებული.

ჩემი უარი, ვგონებ, შეიძლება მომეტევოს, თუ გავითვალისწინებთ, რომ ვერა და ვერ გამეგო, თუ რატომ ეწადა მამაჩემს მაინცდამაინც ვაჭარი გამოვყვანე. მე არ მესმოდა, რომ მისი წარმატება და ბედნიერება მთლიანად ჩემს თანხმობაზე იყო დამოკიდებული. დარწმუნებული ვიყავი, მომავალში დიდ მემკვიდრეობას მივიღებდი, მანამდე კი იმდენი ფული მექნებოდა, რომ მდიდრულად ვიცხოვრებდი. არ მეგონა, თუ ამ ბედნიერების შესანარჩუნებლად საჭირო გახდებოდა ქედი მომეხარა და ასეთი მძიმე და საძულველი ტვირთი ამეკიდა ბურგზე.

როცა მამაჩემმა წინადადება მომცა ვაჭრობას მოვკიდებოდი, ვიფიქრე, მართო იმაზე ზრუნავს, თავისი განძის გროვა კიდევ უფრო გაზარდოს-მეთქი. მე კი მიმაჩნდა, რომ ბედნიერებისაკენ მიმავალი გზა თვითონ უნდა ამერჩია და საამისოდ სულაც არ იყო აუცილებელი კიდევ მიმემატებინა რამე ჩვენი ქონებისათვის. იგი, ჩემი ღრმა რწმენით, საკმარისი და საკმარისზე მეტიც კი იყო, რომ კაცს ფუფუნებით ეცხოვრა და არც ერთი ნატიფი გასართობი და სიამოვნება არ მოჰკლებოდა.

კვლავ უნდა შეგახსენო: ბორდოში ყოფნისას ისე არ ვიქცეოდი, როგორც მამაჩემს წარმოედგინა, ძალიან უგულოდ ვეკიდებოდი იმ საქმეს, რისთვისაც ამ ქალაქში ვიყავი გაგზავნილი და ვერა ვბედავდი, თორემ სულაც ავიღებდი ხელს ვაჭრობის შესწავლაზე. ჩვენი ფირმის კორესპონდენტს, დიუბურს, დიდი გამოორჩენა ჰქონდა ჩვენგან და განა სულელი იყო, მამისთვის ერთადერთი შვილის ძვირი ეთქვა? იცოდა, ამით არც იმას ასიამოვნებდა და მეც შემაძულებდა თავს. ესეც არ იყოს, როგორც ჩემი შემდგომი მონათხრობიდან მიხვდები, დიუბურს ხელს აძლევდა, რომ მე უგულოდ მოვკიდებოდი იმ მოვალეობის შესრულებას, რისთვისაც ბორდოში ვიყავი გაგზავნილი და ჩემს ნებაზე ვყავდი მიშვებული. მე წესიერებისა და კეთილგონიერების საზღვარი არ გადამილახავს და ამდენად, კიდევ რომ ნდომოდა, ცუდს ვერაფერს მისწერდა მამაჩემს. კი არა, იმაზე უფრო ბიწიერი მიდრეკილებებიც რომ გამომემჟღავნებინა, ვიდრე სავაჭრო საქმეებისადმი უყურადღებობაა, ეს ეშმაკი ფრანგი მაშინაც ღმობიერად შემინდობდა ყველაფერს.

ახლა კი, როცა მისი ხელმძღვანელობით ვარგა დროს ვუთმობდი სავაჭრო მეცნიერების შესწავლას, დიდად კმაყოფილი ჩანდა და თითქოს ვერც კი ამჩნევდა, რომ დანარჩენ დროს უფრო სხვა, უფრო კლასიკური, მეცნიერების შესწავლას ვახმარდი. დიუბური სულ არ მითვლიდა შეცოდებად, რომ გატაცებით ვკით-

ხელობდი კორნელისა[46] და ბუალოს[47] თხზულებებს, ჰოსლტვეიტის (წარმოვიდგინოთ, რომ ჰოსლტვეიტის თხზულება მაშინ უკვე არსებობდა და მუსიე დიუბერს ძალუძდა ამ გვარის სწორად გამოთქმა), სავარისა და სხვა ავტორების კომერციული ნაშრომების ნაცვლად. დიუბერმა სადღაც ამოიკითხა მეტად მოხერხებული გამოთქმა და ლონდონში გაგზავნილ ყველა წერილს იმით ამთავრებდა ხოლმე. ამ გამოთქმის მიხედვით, მე მთლად ისეთი გახლდით, როგორიც მამაჩემს სურდა რომ ვყოფილიყავი.

მამას ძალიან უყვარდა მკაფიო და აზრიანი ფრაზა და რამდენჯერაც უნდა ყოფილიყო განმეორებული, არ გაბრაზდებოდა. მაგალითად, ძალიან მოსწონდა. „თქვენი წერილი მიღებულაია, თანდართული ანგარიშები ჩაკრულია საქმეში“. თვით ადისონიც ვერ დაუმტკიცებდა, რომ შეიძლებოდა აზრის უფრო ნათლად და ლაკონურად გამოთქმა. მისტერ ოსბალდისტონმა შესანიშნავად იცოდა, საბოლოოდ რა უნდა გამოვეყვანე, ამიტომ ყოველთვის სიამოვნებით კითხულობდა დიუბერის საყვარელ ფრაზას და ერთ-თხელაც არ დაეჭვებულა მის სიმართლეში, და აი, ერთ უბედურ დღეს ჩემი წერილი მიიღო, რომლითაც მჭერმეტყველურად და დანვრილებით ვუხსნიდი, თუ რატომ არ მინდოდა დამეკავებინა შემოთავაზებული ადგილი ფირმაში და რატომ არ მქონდა სურვილი დავმჭდარიყავი კრეინის ქუჩაზე, კანტორის ბნელ კუთხეში, სადაც ჩემთვის განკუთვნილი ტაბურეტი ზევიდან დაჰყურებდა ოუენისა და სხვა კლერკების ტაბურეტებს და მხოლოდ ფირმის უფროსის სამფეხა სკამს ჩამოუვარდებოდა სიმაღლით.

ამ დღიდან ყველაფერი უკუღმა დატრიალდა. მამაჩემმა დიუბერის წერილებს ისეთი ეჭვით დაუნყო კრიტიკი, თითქოს ყალბი თამასუქები შეეტყუებინოს მისთვის ვინმეს. მე სასწრაფოდ გამომიძახეს შინ და ისე მიმიღეს, როგორც ზევით აღვწერე.

თავი II

მე ეჭვი ავიღე რომ ამ ახლაგაზრდა ვაცს საშინელი სენი, ლექსების მთხზველობა, შეჰყროდა და, თუ იგი მართლა დაავადებულია ამ ზარმაცების სენით, იმედი აღარ უნდა ვიქონიოთ, რომ სახელმწიფო სამსახურს გამოადგება. რაკი ერთხელ დაიწყო ლექსების თხზვა, ხალხს უკვე ვეღარ არგებს.

ბენ ჯონსონი, „ბართლომეს ბაზრობა“[48]

მამაჩემი, საერთოდ, თავშეკავებული ვაცი გახლდათ და, ძალიანაც რომ გაბრაზებულიყო ლაჰარაკში არ შეიმჩნევდა, უკმაყოფილებას მხოლოდ იმით შეატყობდნენ, რომ მოსაუბრეს ჩვეულებრივზე უფრო ცივად ექცეოდა. მამა არასოდეს იმუქრებოდა, ხმას არ აუმაღლებდა, ყველა სიტყვა აწონილი ჰქონდა და ყოველთვის ისე მოაწესრიგებდა საქმეს, ერთ ზედმეტ სიტყვასაც არ ხარჯავდა. ახლა მწარე ღიმილით ისმენდა ჩემს აბდაუბდა პასუხებს საფრანგეთის ვაჭრობის შესახებ და შეუბრალებლად მაიძულებდა სულ უფრო და უფრო მაგრად გავხლართულიყავი აჟიოს, ტარიფების, ნეტო და ბრუტოს, ჩამოფასებისა სხვა გაუგებარი სიტყვების ქსელში. გაბრაზება მხოლოდ მაშინ დაეტყო როცა მიხვდა, რომ კარგად ვერ ვერკვეოდი, რა გავლენა იქონია ლუიდორის გაუფასურებამ საკრედიტო მიმოქცევაზე.

- ეს ჩვენი დროის ყველაზე მნიშვნელოვანი მოვლენაა,- თქვა მამამ (თუმცა იგი რევოლუციის[49] მომხრე იყო),- ამან კი იმდენი იცის ლუიდორის გაუფასურებაზე, რამდენიც მიწაში ჩარჭობილმა პალომ.

- მისტერ ფრენსისს,- მოკრძალებულად ჩაერია საუბარში ოუენი,- ალბათ ახსოვს, რომ საფრანგეთის მეფემ 1700 წლის 1 მაისს გამოცემული საგანგებო ბრძანებით ათი დღის შეღავათი მისცა მოვალეებს და ამ ვადის გასვლის შემდეგ...

- ეჭვი არ მეპარება, რომ მისტერ ფრენსისი შესანიშნავად გაიმეორებს ყველაფერს, რასაც თქვენ მონყალედ უკარნახებთ,- შეაწყვეტინა მამაჩემმა კლერკს, - მაგრამ, ღმერთო ჩემო, როგორ გამოიჩინა დიუბურმა ასეთი დაუდევრობა?! მომხედე, ოუენ, როგორია მისი დისშვილი, კლიმენტ დიუბური, აი ის შავთმიანი ახალგაზრდა, ჩვენს კანტორაში რომ მუშაობს.

- ერთ-ერთი ყველაზე საზრიან კლერკად ითვლება ჩვენთან, სერ. პირდაპირ დაუჭერებელია, რომ ასე ახალგაზრდამ ამდენი ცოდნა დააგროვა, - უპასუხა ფრანგის გულღიაობითა და მხიარულებით მოხიბლულმა ოუენმა.

- მართლა?! ალბათ ფულის მიმოქცევაშიც კარგად ერკვევა. არა? ეტყობა დიუბური მიხვდა, რომ აუცილებელი იყო, ერთი საქმიანი და მცოდნე ახალგაზრდა მაინც გამოეგზავნა ჩემთვის. მაგრამ ახლა კარგად ვხვდები მის გულისნადებს და, როცა ბალანსს მიიღებს, თვითონაც მიხვდება, რომ არც ისე იოლი ყოფილა ჩემი გაცურება. - ოუენ გადაუხადეთ ამ კვარტლის ჯამაგირი და უკან გაგზავნეთ. ამ დღეებში ხომ მამამისის გემი ბრუნდება ბორდოში.

- კლიმენტ დიუბური დავითხოვო, სერ? - გაოცდა ოუენი.

- დიახ, სერ დაუყოვნებლივ დაითხოვეთ! როცა კანტორაში სულელი ინგლისელი გვყავს, ჭკვიანი ფრანგი უნდა მოვიშოროთ თორემ ცუდად წავგვივა საქმე.

მე საკმაოდ დიდხანს ვიცხოვრე „დიდი მონარქის“[50] ქვეყანაში და ადამიანის ასე უმიზეზოდ დაჩაგვრა ძალიან მეუცხოვა. ჩემს ქვეყანაში ბავშვობიდან სულ იმას მინერგავდნენ გულში, მოძმის დაჩაგვრა არ ეგებაო. ამიტომ ახლა ვერ ვურიგდებოდი იმ აზრს,

რომ ყოველად უდანაშაულო და ღირსეული ახლაგაზრდა უნდა დაესაჯათ. მიზეზი მხოლოდ ის იყო, რომ ჩემსავით უნდოდა არ მოვეკიდა ცოდნის შეძენას.

- მაპატიეთ, სერ, - დავიწყე, როცა მამაჩემი, მისტერ ოსბალდისტონი გაჩუმდა, - ვგონებ, სამართლიანობა მოითხოვს, რომ თუ მე მოვეკიდე გულგრილად სწავლას, მევე დავისაჯო. არავითარი უფლება არ მაქვს ბრალი დავდო მუსიე დიუბურს, რომ ცოდნის შეძენაში ხელს არ მიწყობდა. მე თვითონ უხალისოდ ვსარგებლობდი ამ, ხელსაყრელი შესაძლებლობით. მუსიე კლიმენტ დიუბურის მიმართ კი...

- შენც და მუსიე დიუბურსაც ისე მოგექცევით, როგორც საჭიროდ მივიჩნევ, - შემანწყვეტინა მამაჩემმა, - ისე კი კარგია, ფრენკ, რომ სხვას არა სდებ ბრალს საკუთარ დანაშაულში. ძალიან მომწონს შენი საქციელი. ამის დაუნახაობა არ ივარგებდა, მაგრამ მოხუცი დიუბური მაინც დამნაშავეა. - მამა ოუენს მიაჩერდა და განაგრძო, - მაინც ტყუის თუ იგი მხოლოდ და მხოლოდ პირობებს უქმნიდა ფრენკს ცოდნის შესაძენად და არ ამოწმებდა, თუ როგორ იყენებდა მონაფე ამ პირობებს, ან ამოწმებდა და მე არ მატყობინებდა, თქვენი შვილი ზარმაცობსო. ხომ ხედავთ, ოუენ, როგორი შეხედულება აქვს ფრენკს ბრიტანელი ვაჭრის სამართლიანობაზე?!

უფროსმა კლერკმა თავი მოკრძალებით დახარა, მარჯვენა ხელი ისე ასწია ზევით, თითქოს კალმისტარი ყურზე უნდა ჩამოიდოსო და დაიწყო:

- მისტერ ფრენსისმა, როგორც ჩანს, კარგად შეითვისა მორალური ურთიერთობის მთავარი წესი: A ისე უნდა მოექცეს B-ს, როგორც თვითონ A ისურვებდა, რომ B მას მოექცეოდა. აქედან ადვილად შეიძლება ურთიერთობის საძიებელი ფორმულის გამოყვანა.

მამაჩემს ღიმილი მოჰგვარა ოუენის ცდამ, ეთიკის ოქროს წესი მათემატიკურ ფორმულად ჩამოეყალიბებინა, მაგრამ მალე ისევ მოიღუპა და განაგრძო:

- მაგრამ ამას არ აქვს გადამწყვეტი მნიშვნელობა, ფრენკ. აქამდე შენ ბავშვივით ფლანგავდი დროს, დღეიდან კი ნამდვილი ცხოვრება უნდა ისწავლო. მე ოუენს უნდა ჩაგაბარო რამდენიმე თვით, რომ დაკარგული დრო აინაზღაურო.

საპასუხოდ მოვემზადე, მაგრამ ოუენი თვალეებით შემევედრა, ხმა არ ამომეღო და მეც ვიყუჩე.

- ახლა კი იმ საქმეს დავუბრუნდეთ, რომელიც გასული თვის პირველ რიცხვში გამოგზავნილ წერილში აღვძარი და რომელზეც ასეთი მოუთქვრებელი და მიუღებელი პასუხი გამომიგზავნე, - განაგრძო მამაჩემმა, - მაგრამ ჯერ ეგ ჭიქა შეივსე და ბოთლი ოუენს გადაუდგი.

სითამამეს, ან, თუ გნებავთ, კადნიერების ნაკლებობას არასოდეს ვუჩიოდი, ამიტომ მაშინვე მტკიცედ მივუგე:

- ძალიან ვწუხვარ, თუ ჩემი პასუხი მიუღებელი იყო, მაგრამ ეს პასუხი სულაც არ ყოფილა მოუთქვრებელი, რადგან წინადადება, რომელიც დიდსულოვნად შემომთავაზეთ, მაშინვე დიდი გულისყურით განვიხილე და ძალზე შევწუხდი, როცა დავასკვენი, რომ არაფრით არ შემეძლო თანხმობის გამოგზავნა.

მამამ თავის გამჭოლი მზერა მომაპყრო, მაგრამ მალევე მომარიდა თვალი. მე ცოტათი შევჩქვიფდი, მაგრამ მამაჩემმა ხმა არ ამოიღო და იძულებული გავხდი, ისევ მე გამეგრძელებინა. იგი მხოლოდ დროდადრო ჩაურთავდა ხოლმე თითო-ოროლა სიტყვას ჩემს მონოლოგში.

- თქვენ რომ კომერსანტი არ ყოფილიყავით, სერ, მე მაინც უაღრესად დიდი პატივისცემა მექნებოდა კომერციისადმი.

- მართლა?!

- კომერცია აახლოებს ერებს, გაჭირვებას უმსუბუქებს ხალხს და დიდად უწყობს ხელს დოვლათის დაგროვებას. კომერცია ისეთივე საჭიროა ცივილიზებული სამყაროსათვის, როგორც ადამიანი ადამიანისათვის ანდა, თუ გნებავთ, წყალი და ჰაერი ცოცხალი არსებისათვის.

- მერე, მერე!

- და მაინც, სერ, იძულებული ვარ გადაწყვეტილი უარი ვთქვა ამ ხელობაზე, რადგან ჩემი სუსტი ცოდნის გამო წარმატების იმედი არ მაქვს.

- მე ვიზრუნებ, რომ საჭირო ცოდნა შეიძინო. ახლა უკვე აღარა ხარ დიუბურის სტუმარი და მოწაფე.

- მართალია, მაგრამ მასწავლებელს კი არ ვუჩივი, ძვირფასო მამავ! მე თვითონ არ მაქვს უნარი, შევითვისო ეს მეცნიერება.

- ნუ სულელობ. ჩანანერებს ხომ აკეთებდი ? მე ხომ დაგავალე?

- დიახ, სერ.

ჩანანერები, რომლებიც მამამ მთხოვა, ჩვეულებრივი რვეული იყო. ამ რვეულში მამაჩემის რჩევით განსწავლის დროს მიღებული სხვადასხვა სახის ცნობები უნდა შემეტანა. მე ვიცოდი, რომ მამა ამ რვეულს გადახედავდა და ვცდილობდი ისეთი არაფერი შემეტანა შიგ, რაც მამაჩემს არ მოეწონებოდა. მაგრამ ხანდახან ხელი წამიცდებოდა და ისეთ რამეს ჩავწერდი რასაც ძალიან ცოტა ჰქონდა საერთო სავაჭრო საქმესთან. ახლა, მამას ამ რვეულს რომ ვაწვდიდი, გულში ვნატრობდი, ნეტავ ასეთ ჩანანერს არ წააწყდებოდა-მეთქი. - ისედაც გაბრაზებული იყო და მეშინოდა, მთლად არ გაცეცხლებულიყო.

როცა მამამ რვეული მთხოვა, ოუენი მოიღუშა, მაგრამ ჩემი პასუხის მერე ისევ გახსნა შუბლი, ბოლოს, ჩემი ოთახიდან მორძო, სპილენძისბალთებიანი და ხბოს გამოუქნელი ტყავის ყდიანი რვეული რომ გამოვიტანე და მამაჩემს დავუდე წინ, ოუენს

იმედიანი ღიმილიც კი გადაეფინა სახეზე. რვეული ძალზე საქმიანი და შთამბეჭდავი ჩანდა, ამიტომ ჩემი კეთილის მსურველს გულზე მოეშვა და როცა მამაჩემმა ჩანაწერების კითხვა და შეფასება დაიწყო, მთლად გაუბრწყინდა სახე.

- „ბრენდი ვასრებითა და სარგომელებით, აგრეთვე tonneaux... ნანტში - 29; Velles - პატარა ვასრებით - კონიაკში და ლაროშელში - 27, ბორდოში - 32“... კეთილი და პატიოსანი, ფრენკ. „სატრანსპორტო ხარჯებით და საბაჟო გადასახადები იხილვე სექსბის ცხრილში“... - ეს კი აღარ ვარგა, უნდა ამოგენერა, ისე ვერ დაიმახსოვრებ. „შემოტანა და გატანა: ხორბლის ხელწერილი. საბაჟოს ქვითრები, სელის ქსოვილები - იზინგემისა და გენტის. გამოყვანილი თევზეული - ტიტლინგი, ქროფლინგი, ლაბფიში. „ - უნდა აღგენიშნა, რომ ტიტლინგს ზოგჯერ ყველა ჯიშის გამოყვანილ თევზეულს უწოდებენ. რამდენ დუიმიანი უნდა იყოს ტიტლინგი ?

ოუენმა დაბნეულობა შემნიშნა, ცოტა ხანს იყოყმანა და მერე მიკარნახა. საბედნიეროდ გავიგონე და გავიმეორე.

- თვრამეტი დუიმი, სერ.

- ლაბფიში კი ოცდაოთხი დუიმი, არა? კეთილი. ეს არ უნდა დავივიწყოთ, როცა პოტურგალიასთან ვაწარმოებთ აღებმიცემობას. კი მაგრამ ეს რაღაა? ბორდო დაარსდა ამა და ამ წელს. ტრამპეტის ციხე-სიმაგრე გალენის სასახლე იყო. ძალიან კარგი. ყველაფერი რიგზეა. ეს ხომ სამუშაო რვეულია, ოუენ, სადაც ყველაფერი უნდა ჩავინეროთ: დაფარვა, შეკვეთები, გადარიცხვა, მიღება, გეგმები, დავალებები, რჩევა-დარიგებანი. ყველაფერს მიყოლებით ვინერთ როგორც მოგვხვდება ისე...

- რომ შემდეგში, როგორც წესი და რიგია, გადავიტანოთ ჟურნალსა და გროსბუხში, - დაამთავრა ოუენმა, - ძალიან მიხარია, რომ მისტერ ფრენსისი ასე კარგად გარკვეულა საქმეში.

ვიგრძენი, რომ მამაჩემს იოლად მოუბრუნდებოდა გული და კიდევ უფრო მტკიცედ დაადგებოდა იმ აზრს, რომ კომერსანტი გამოვეყვანე. მე კი სულ სხვა გადანყვეტილება მქონდა მიღებული და ვინატრე, რა კარგი იქნებოდა, რომ ჩემი მეგობრის, ოუენის მოსაწონი არ ვყოფილიყავი-მეთქი. მაგრამ თურმე ტყუილად ვშიშობდი: მოულოდნელად რვეულიდან მელნის ლაქებით აჭრელე-ბული ფურცელი გადმოვარდა. მამაჩემი დაიხარა და იატაკიდან ქალაღდი აიღო. ოუენმა დარიგება დამინცო, ამოვარდნილი ფურცლები აუცილებლად წებოთი უნდა ჩააკრაო, მაგრამ მამაჩემმა შეანყვეტინა:

- „შავი უფლისწულის, ედუარდის[51], ხსოვნას“. ეს რაღაა?! ლექსია, არა?! ღმერთო დიდებულო! ფერენკ, შენ უფრო რეგვენო ყოფილხარ, ვიდრე აქამდე მეგონე!

უნდა მოგაგონო, რომ მამაჩემი, როგორც საქმოსანს შეეფერებოდა, მეტად აგდებულად უყურებდა პოეტებს. გარდა ამისა, წრფელი დისიდენტი[52] იყო და ლექსების თხზვა უაზრო და ღვთისსაგამობ საქმედ მიაჩნდა. სანამ გაკიცხავდე, გაიხსენე, როგორ იქცეოდა მრავალი პოეტი მე-17 საუკუნის მიწურულში და რას ახმარდნენ თავის ნიჭსა და უნარს. არც ის უნდა დავივიწყოთ, რომ დისიდენტთა სექტა პურიტანული მიზლით იყო გამსჭვალული ლიტერატურის მსუბუქი ჟანრებისადმი (ყოველ შემთხვევაში, ამას უქადაგებდა თავის მრევლს). ასე რომ, მამაჩემს მრავალი მიზეზი ჰქონდა განრისხებულიყო, როცა ამ უდროო დროს ჩემი ნაჯახირევი ლექსები ჩაუვარდა ხელთ. ოუენი კი საშინლად დაფეთდა, კიდევ კარგი, მისი პარიკის კულულებს შიშისაგან ყალყებე დადგომა არ შეეძლოთ, თორემ დალაქს სულ წყალში ჩაეყრებოდა დილანდელი ჯათა და წვალება. იმ უბედურს მთლად თავგზა დაებნა. ასე ძალიან არც სეიფის გატეხა შეანუხებდა, არც გადასწორებული ადგილის შენიშვნა გროსბუხში და არც ჯამის განსხვავება ბალანსში.

მამაჩემმა ლექსის წაკითხვა დაიწყო. ხან ისეთი გამომეტყველება ჰქონდა, თითქოს აზრი არ ესმისო, ხან კი ყალბ ჰათოსს გაურევდა ხმაში, მაგრამ კილო ყოველთვის დამცინავი ჰქონდა და ეს ძალზე მტკივნეულად მოქმედებდა ავტორის თავმოყვარეობაზე.

„რა გულსაკლავად შეჰღალადებს საყვირი
ზეცას, ალბათ მაშინაც ამნაირად
გრგვინავდი, მეხო, როცა მისდევდა
მომაკვდავი როლანდის კვნესას
ფონტარაბული კლდეების ექო.

ამ ხმამ აუწყა უბედურ ვარლოსს, -
მისი რაინდი მებრძოლი ლხენით,
როგორ დაეცა იბერიელთა
მოუქცეველნი შვილების ხელით.“[53]

ფონტარაბული ექო?! განა აქ ფონტარაბული ბაზარი არა სჯობდა? მოუქცეველნი! რა არის მოუქცეველნი? განა ურჯულო უკეთესი არ იქნებოდა? და საერთოდ, თუკი ამ სისულელეების გადმოლაგებას აპირებდი, ნორმალური ინგლისურით მაინც გელაპარაკა.

„აუწყეთ მინას, აუწყეთ ზეცას
და ბრიტანეთის კლდეებს ფრიალოს,
ხმა მიაყოლოს რაინდის კვნესას,
და საყვირივით ააგრიალოს.

ზეცას სწყდებოდეს ცრემლები მძივად,
ზღვა იქცეოდეს, დუღდეს ხმელეთი;

უჩნდა ბრიტანელს იმედის სხივად
ფრანგს მოსდიოდა ელეთმელეთი.

სძლია პუატე, მოდრიკა ვრესი,
თუმც საბოლოოდ გაეკრა მიწას.
ინვა ბორდოში ნისლოვან წრეში,
და აღსრულებას ელოდა თვისას.“

- პუატე კი არა. პუატიე! სტრიქონში არ ჩაგეცია და დაამახინჯე
არა?

ასწიეთ ჩემი დაღლილი თავი,
ო, სკვაირებო ასწიეთ მაღლა!
ჩურჩულით წართქვა:გააღეთ კარი,
მზის ჩასვენების უამია ახლა!

განახვნეთ ბჭენი, ასწიეთ ფარდა,
რომ გამოვგლიჯო მიდრევილ დღეის
მზით შემოსილი გარონის ტალღა
და მენამული ნაპირი ბლესი.“

ფარდა და ტალღა ერთმანეთს არ ერთმება ასე რომ, ფრენკ,
ეგ შენი საყვარელი საცოდავი ხელობაც არ იცი ხეირიანად.

მზეც ახლა, ალბათ, ჩემსავით კვნესის.
ბინდი ედება სიცოცხლის მიჯნად,
ეცემა ცვარი ღამეულ ზეცის
აუნერელი წუხილის ნიშნად.

ასევე ცრემლი მოსწყდება თვალებს,

როს ბედისწერა ჩამიქრობს ლამპარს
და აუნყებენ ბრიტანელ ქალებს
მძლე ედუარდის სიკვდილის ამბავს.

თუმც კაეშანი გონებას მირევს,
მზეც მიდის, მიდის, მიესვენება, -
საფრანგეთის და ინგლისის გმირებს
დიდხანს დარჩებათ ჩემი ხსენება.

წამოვა დასი ბრიტანელ გმირთა,
აღის ღრუბლებში მხნედ რომ დგებიან,
აღმევდებიან სამხრეთის ცაზე
და მნათობივით ამმევდებიან.

- ალის ღრუბელი ახალი გამოგონებაა?! დილა მშვიდობისა,
ბატონებო! ყოველივე კარგს გისურვებთ ისე ვაცმა რომ თქვას,
ჩვენი გმირი უკეთეს ლექსებს წერს - მამამ ზიზღით გაჰკრა ხელი
ფურცლებს და დაასკვნა: - პატიოსნებას გეფიცები, ფრენკ, მარ-
თლა უფრო ბრიყვი ყოფილხარ ვიდრე მეგონე!

რა უნდა მეპასუხა, ძვირფასო ტრეშამ? ვიდექი გამშრალი.
გულჩანყვეტილი... ვბრაზობდი, მაგრამ ხმას ვერ ვიღებდი. მამა-
ჩემი კი უხმოდ მომჩერებოდა და თვალებში ხან ზიზღი ეხატებო-
და, ხან სიბრალეული. სანყალი ოუენი კი ხელემაპყრობილი შეს-
ჩერებოდა ჭერს და ისეთი სახე ჰქონდა, თითქოს ერთი წამის წინ
გაზეთში პატრონის გაკოტრების ამბავი ამოეკითხოს.

ბოლოს, როგორც იქნა, მხნეობა მოვიკრიბე და რაც კი შემეძ-
ლო მშვიდად დავინყე.

- მე კარგად ვიცი, სერ, რომ არ შემიძლია წარმატებით ვი-
მოღვანეო თქვენს მიერ ამორჩეულ ასპარეზზე. თანაც, საბედნი-
ეროდ, არც პატივმოყვარე ვარ და არც სიმდიდრის შეძენას ვეს-

წრაფვი. მე მგონი, ოუენი უფრო გამოგადგებათ თქვენს საქმეში, - დავეუმატე დაცინვით, რადგან გული მომივიდა, რომ ერთგულმა კლერკმა ასე მოულოდნელად მილალატა.

- ოუენი?! ეს ბიჭი სულ გაგიჟებულა. ჭკუის ნატამალი აღარ შერჩენია, ნება მიბოძეთ, სერ, შეგეკითხობთ, როცა ასე გულგრილად მთავაზობთ ოუენს თანაშემწედ (თუმცა შენისთანა შვილისგან არცაა მოსალოდნელი მეტი სითბო და ყურადღება), საკუთარი თავისთვის რა გეგმები გაქვს დასახული?

მთელი ვაჟკაცობა მოვიკრიბე და ვუპასუხე:

- მე ვისურვებდი, სერ, თუ, რასაკვირველია, თქვენი ნებაც იქნებოდა, სამოგზაუროდ წავსულიყავი ორი-სამი წლით. თუ არა და თუმცა დაგვიანებულა, სიამოვნებით დავყოფდი ამდენივე ხანს ოქსფორდსა და კემბრიჯში.[54]- ღმერთო, ნუ გამაგიჟებ! გაგიგიათ ასეთ რამ?! პედანტებსა და იაკობინელებს[55] უნდა მიუჯდე გვერდით? ხელი უნდა ჰკრა სიმდიდრესა და სახელს? თუ ასე გინდა, რატომ ახლავე არ მიდიხარ ვესტმინსტერში ან იტონში?[56] წადი, იზეპირე ლილის გრამატიკა და იქაური წვეკლებიც იგემე.

- მაშინ, თუ თქვენ მიგაჩნიათ, რომ სწავლა დავაგვიანე, სიამოვნებით დავუბრუნდები კონტინენტს.

- მე მგონი, საკმაო ხანი დაჰყავი კონტინენტზე და თანაც უნაყოფოდ, ბატონო ფრენსის!

- მე ცოცხალი საქმე მიზიდავს, სერ. მაშინ ჯარში წავალ.

- ჯანდაბაშიც წასულხარ! - გაცოფდა მამაჩემი, მაგრამ მალე თავი შეიკავა და უფრო მშვიდად მითხრა: - ჯარში? შენი ჭკუის ხომ არ გგონივარ! ისე, ამისთანა შვილის პატრონი რომ გავგიჟდე, განა გასაკვირია? მართალს არ ვამბობ, ოუენ?

საწყალმა ოუენმა თავი გადააქნია და იატაკს მიაპყრო მხერა.

- მისმინე, ფრენკ. გვეყოფა ამდენი ლაყობა. შენი ხნისა რომ ვიყავი, მამაჩემმა სახლიდან გამომაპანდურა და ჩემი წილი ქონე-

ბა ჩემს უმცროს ძმას დაუმტკიცა. როცა ოსბალდისტონ-ჰოლი დავტოვე, ერთ ჯაგლაგი საფერხე მყავდა და ქისაში ათი გინეა[57] მედო. იმის მერე ფეხი აღარ შემიდგამს მშობლიურ სახლში და არც არასდროს შევდგამ. არ ვიცი და არც სურვილი მაქვს ვიცოდე ცოცხალია თუ მკვდარი ჩემი ძმა, ისევ მეღიებზე ნადირობს თუ მოიტეხა სადმე კისერი. ის კი ვიცი რომ შვილები ჰყავს და, თუ ჭკუაზე არ მოხვალ, ერთ-ერთი მათგანი ჩემი მემკვიდრე გახდება.

- თქვენი ქონების ბატონ პატრონი თქვენა ხართ. ვისაც გენებოთ, იმას მიეცით, - მივუგე მე. მინდოდა ეს სიტყვები მშვიდად მეთქვა, მაგრამ შევატყვე, რომ უხეშად გამომივიდა.

- დიახ, ფრენკ! ჩემი ქონება მე მეკუთვნის, თუკი მხედველობაში მივიღებთ, რომ ყველაფერი ჩემი შრომით შევიძინე და დაუღალავად ვცდილობდი, ქონებისათვის ქონება მიმემატებინა. ხარაბუზას თათლით სავსე ფიჭებს არ გავაკარებ, კარგად დაფიქრდი. ცხელ გულზე წამოსროლილ მუქარად არ მიიღო ეს სიტყვები. იცოდე რასაც ვიტყვი აღარ გადავთქვამ.

- ვაიმე ბატონო, ვაიმე, ჩემო ძვირფასო! - შეჰყვირა ოუენმა და ლოყებზე ღვარად ჩამოედინა ცრემლები. - ნუ აჩქარდებით ამისთანა დიდ საქმეში. დართეთ მისტერ ფრენსის ბალანსის გადახედვის ნება, ვიდრე ანგარიშს დაუხურავდეთ. დარწმუნებული ვარ უყვარხართ და როცა სასწორის ერთ პინაზე იმ მოვალეობებს დადებს, რომელიც ყველა შვილს აკისრია, ის პინა, რომელზეც მისი ჯიუტობაა, ზევით აიწევს.

- რაო?! ხომ არ გგონია რომ მეორედაც შევეხვეწები, - გაბრაზდა მამაჩემი, - მე მაგას მეგობრობა და კომპანიონობა შევთავაზებ, ჩემი მესაიდუმლე, თანაშემწე და ქონების მონაწილე მინდოდა ყოფილიყო და უარი მითხრა. მეგონა, უკეთ მიცნობდი, ოუენ!

მამაჩემმა შემომხედა. რაღაცის თქმა დააპირა, მაგრამ გადაიფიქრა, სწრაფად შეტრიალდა და ოთახიდან გავიდა. მე, სწორე მოგახსენოთ, ავღელდი, რადგან სულ სხვანაირად მქონდა წარმოდგენილი ჩემი სავაჭრო საქმიანობა. თავიდანვე ასე რომ ეთქვა, ალბათ დავთანხმდებოდი. ახლა კი უკვე გვიან იყო. ჭიუტობაში მამას ვგავდი და განგებასაც ენება, ჭკუა ესწავლებინა ურჩობისათვის. თუმცა უნდა შევნიშნო, რომ საბოლოოდ ისე მკაცრად არ დამსაჯა, როგორც ჩემისთანა გაუგონარ შვილს ეკადრებოდა.

ოთახში მე და ოუენი დავრჩით. იგი დიდხანს ნაღვლიანად მომჩერებოდა და დროდადრო თვალებში ცრემლიც აუკიაფდებოდა ხოლმე. როგორც ჩანს, უნდოდა შეამავლად გამოსულიყო ჩვენს შორის, მაგრამ ვერ მოეფიქრებინა, როგორ გაეტეხა ჩემი სიჭიუტე. ბოლოს აკანკალებული ხმით დაიწყო:

- ო, ღმერთო! მისტერ, ფრენსის! მაღალი ზეცა გფარავდეთ, სერ! განგების ძალამ შეგიწყალოთ, მისტერ ოსბალდისტონ! ნუ-თუ ეს დღე მენერა? ასეთი ახალგაზრდა ბრძანდებით... ღვთის გულისათვის, სერ! ბალანსის ორივე მხარეს მიაქციეთ ყურადღება, სერ! კარგად დაფიქრდით, რა ზარალი გელით! რამხელა ქონებას კარგავთ, სერ! ჩვენი ფირმა მაშინაც სჯობდა ყველას, როცა „ტრეშამი და ტენტი“ ერქვა. ახლა „ოსბალდისტონი და ტრეშამია“! ოქროში შეგიძლიათ იბანაოთ, მისტერ ფრენსის! იცით რა, ჩემო ძვირფასო ფრენკ, ჩემო ახალგაზრდა ბატონო! თუ რაიმე საქმე ძალიან გეზიზღებათ (ოუენი ჩემკენ გადმოიხარა დაჩურჩულით განაგრძო), თუ განსაკუთრებით გეზიზღებათ რაიმე, მე ყოველთვის ურად, ყოველკვირეულად ან, თუ საჭირო იქნება, ყოველდღიურად გაგიკვებებთ. თუ არ დაივიწყებთ მისტერ ფრენსის, რომ მამის პატივისცემა თქვენი მოვალეობაა, სიცოცხლე გაგიხანგრძლივდებათ.

- დიდი მადლობელი ვარ თქვენი, მისტერ ოუენ! ნამდვილად ძალზე დავალებულად ვგრძნობ თავს, მაგრამ მამაჩემმა უკვე

იცის ვის დაუტოვოს თავის ქონება. წელან ჩემი ბიძაშვილები ახსენა. დაე, როგორც უნდა ისე მოიქცეს. მე ოქროზე არ ვყიდი თავისუფლებას.

- ოქროზე არ ყიდით, სერ? ნეტავი ბოლო თვის ბალანსისათვის გადაგველოთ თვალი! მოგება ხუთნიშნიანი ციფრით არის გამოხატული, ხუთნიშნიანი! თანაც მხოლოდ ორ კომპანიონზე უნდა გაიყოს! ეს ყველაფერი პაპისტს[58] უნდა ჩაუვარდეს ხელში! ვილაც ჩრდილოელ ხეპრეს, ვილაც მემამბოხეს! ვაიმე! მაშინ ხომ გამისკდა გული! მე ხომ ძალღივით ერთგული ვარ. ეს ფირმა რომ არ მიყვარდეს, ასე მოვიკლავდი თავს? დააკვირდით, რა კარგად ჟღერს „ოსბალდისტონი, ტრეშამი და ოსბალდისტონი“, ანდა ვინ იცის (ოუენმა კვლავ დაუნია ხმას) „ოსბალდისტონი, ოსბალდისტონი და ტრეშამი“, მისტერ ოსბალდისტონის ისეც კი შეუძლია, რომ მთლიანად შეისყიდოს ფირმა.

- კი მაგრამ, მისტერ ოუენ, ჩემი ბიძაშვილიც ხომ ოსბალდისტონია. ასე რომ, ფირმის სახელი მაინც სასიამოვნოდ მოგეჩვენებათ!

- გრცხვენოდეთ, მისტერ ფრენსის! ვითომ არ იცით, როგორ მიყვარხართ. ერთი უყურეთ, რას მეუბნება! თქვენი ბიძაშვილი ხომ პაპისტია! მამამისის შვილი არ არის! თანაც, ჩვენი პროტესტანტული დინასტიის მტრობა ექნება გულში ჩამარხული. არა, ასე სერ არ გამოვა საქმე.

- კათოლიკეებშიც არიან კარგი ადამიანები, მისტერ ოუენ, - შევეკამათე მე.

ოუენი წარმოუდგენლად გაცხარდა და ის იყო უნდა ეპასუხა, რომ ოთახში მამაჩემი შემოვიდა.

- მართალი ხარ, ოუენ. ავჩქარდი ამ საქმეს მეტი დაფიქრება და განსჯა უნდა. ყმანვილებო, ზუსტად ერთი თვის შემდეგ მზად უნდა გქონდეთ პასუხი ამ ფრიად მნიშვნელოვან საკითხზე.

მე უხმოდ დავუკარი თავი. გულში ძალიან გამიხარდა: იქნებ ამ ხნის განმავლობაში თავისი გადანყვეტილება შეცვალოს-მეთქი.

საგამოცდო ვადა ნელა გადიოდა. ღირსშესანიშნავი არაფერი მომხდარა. მე სულ თავისუფალი ვიყავი. მამაჩემი არც წასვლას კითხულობდა ჩემსას, არც მოსვლას და არც არაფერს მიშლიდა. ისიც უნდა ითქვას, რომ მარტო სადილობისას თუ ვხვდებოდით ერთმანეთს და მამა მაშინაც ყოველნაირად ცდილობდა არ ელაპარაკა ამ საქმეზე. დარწმუნებული ვარ, დამიჯერებ, თავადაც არ მებალისებოდა ამაზე ლაპარაკი, ასე რომ, შორეული ნაცნობებივით ვსაუბრობდით, ან ახალ ამბებზე ან განყენებულ თემებზე. უცხოს რომ მოესმინა ჩვენთვის, არ დაიჯერებდა, რომ ასეთი სადაო საკითხი გვექონდა გადასაწყვეტი. გარეგნულად არ ვიმჩნევდი, თორემ გულზე სულ ლოდვივით მანვა შიში, ვაითუ, მართლა შეასრულოს თავისი მუქარა, ვაითუ მართლა ჩამომართვას მეძვედრეობა და თავის ძმისშვილს მისცეს, რომელიც თვალით არ უნახავს-მეთქი. კარგად რომ ამეწონ-დამეწონა ყველაფერი, მივხვდებოდი, კარგი არაფერი მელოდა. მაგალითად პაპაჩემის საქციელიც კმაროდა. მე მახსოვდა, რა ადგილი მეკავა საფრანგეთში წასვლამდე ოჯახში, როგორ ვუყვარდი მაშინ მამაჩემს და ვიმედოვნებდი, ახლა ასე ადვილად არ გამწირავს-მეთქი. მაგრამ თურმე კარგად არ მცნობია მშობელი მამა! მაშინ არ ვიცოდი, რომ ზოგი მამა ძალიან ანებივრებს შვილს ბავშვობაში, მაგრამ შემდეგ, თუ შვილმა იმედები არ გაუმართლა, შეიძლება ძალიან მკაცრად მოექცეს. მაშინ ვფიქრობდი, დიდი-დიდი ცოტათი გული გაუცივდეს ჩემზე და რამდენიმე კვირით სადმე სოფელში გამგზავნოს-მეთქი. ეს კარგიც კი იყო, რადგან საშუალება მომეცემოდა „შმაგი როლანდის“^[59] თარგმნა დამემთავრებინა. გულით მინდოდა ეს პოემა ლექსად გადმომეღო ინგლისურად. ის აზრი ისე გამიჭდა გონებაში, რომ ერთ დღეს თარგმანის შავი ამოვიღე,

მაგიდას მივუჭექი და შიდა რითმებს დავუწყე ძებნა, რომ პოემა სპენსერული სტანსით[60] გამემართა. ამ დროს კარზე მორიდებულად დააკაკუნეს. მობრძანდით-მეთქი, გავძახე და კარს მივაჩერდი. კარი გაიღო და ოთახში ოუენი შემოვიდა. ეს ღირსეული პიროვნება ისეთი ბეჭითი და მუყაითი მუშაკი იყო, რომ, მე მგონი, თავის სიცოცხლეში პირველად მოიცალა მეორე სართულზე ამოსასვლელად. ახლაც მიკვირს, როგორ მოაგნო ჩემს ოთახს.

- მომისმინეთ, მისტერ ფრენსის, - შემანყვეტინა ოუენმა გაოცებისა და სიხარულის შეძახილები, - არ ვიცი კარგად ვიქცევი, თუ ცუდად. თუმცა, არა მგონია, სანაქებო საქციელი იყოს კანტორაში ნათქვამის გარეთ გატანა. ამბობენ, სანყობის კედელსაც არ უნდა უთხრა, რამდენი ჩანანერია მთავარ დავთარშიო, მაგრამ ახალგაზრდა თვინოლი ორი კვრით იყო წასული სადღაც და ამ ორი დღის წინ დაბრუნდა.

- კეთილი და პატიოსანი, მაგრამ მე რაში მეკითხება თვინოლის წასვლა-მოსვლა?

- მოითმინეთ, მისტერ ფრენსის, მამათქვენმა, რაღაც საიდუმლო დავალება მისცა.

დარწმუნებული ვარ, რომ ფალმუტში არ ყოფილა თევზის შესაძენად, არც ექტერერში იქნებოდა, რადგან „ბლეკველთან და კომპანიასთან“ გასწორებული გვაქვს ანგარიში. კორნვოლის მალარობესაც დავაყაჩინეთ რაც ჰქონდათ. სხვა საქმეებსაც ჩემს ხელში უნდა გაევლო... ერთ სიტყვით, ღრმად ვარ დარწმუნებული, რომ თვინოლი ჩრდილოეთში იყო წასული.

- ნუთუ მართლა?! - ცოტა არ იყოს შევშინდი მე.

- რაც ჩამოვიდა, სულ თავის ახალ ჩექმებსა და რუპონულ დეზებზე[61] ლაპარაკობს. მამლების ჩიბუხიც უნახავს. არა, ნამდვილად იურკშია ნამყოფი! ამაში ისევე არ მეპარება ეჭვი, როგორც გამრავლების ცხრილში. მოდი, ჩემო ძვირფასო ბიჭო, მიაფურ-

თხე ეშმაკს და მამის გული გაახარე. მიდი და უთხარი, ჭკუას მოვეგე და გადავწყვიტე, ვაჭრობას მოვკიდე ხელი-თქო.

იმ წუთას ძლიერი სურვილი მეონდა, დავთანხმებოდი ოუენის რჩევას. დარწმუნებული ვარ, ძალიან ვასიამოვნებდი, მახარობლად რომ გამეგზავნა მამაჩემთან, მაგრამ სიამაყემ, რომელიც უამრავ ზიანს აყენებს ადამიანს და თანაც მრავალი ვარგი საქმის საფუძველიცაა, ხელი შემიშალა, გადამწყვეტი ნაბიჯი გადამედგა. თანხმობის სიტყვები ყელში გამეჩხირა და სანამ ხველებით ჩავინმენდდი ყელს, რომ იმ სიტყვებისათვის გზა მიმეცა, მამაჩემმა ოუენს უხმო. ოუენი ფაცხაფუცხით გავარდა გარეთ და მარჯვე შემთხვევა, ჩიტივით გამიფრინდა ხელიდან.

მამაჩემს ყველაფერში წესი და რიგი უყვარდა. ზუსტად დანიშნულ დღეს, იმავე საათზე, იმავე ოთახში, იმავე კილოთი და გამომეტყველებით გამიმეორა ერთი თვის წინ ნათქვამი სიტყვები. „მე მსურს კოჰანიონად გაგიხადო და ცალკე კანტორის უფროსად დაგნიშნო“. ახლა მე უნდა მეთქვა ჩემი საბოლოო სიტყვა, მაგრამ მამაჩემის ტონი ზედმეტად მკაცრი მეჩვენა, დღესაც მგონია, რომ მამა ერთობ განუსჯელად მოიქცა ამ საქმეში. ცოტაოდენი სილბო და მოქნილობა რომ გამოემჟღავნებინა, ნამდვილად მი აღწევდა სანადელს. ახლა კი მეც გავჭიქდი და რაც შეიძლებოდა თავაზიანი უარი მოვახსენე. ეჰ, ვინ მიხვდება ადამიანის უცნაური ქცევის მიზეზებს? ალბათ ვიფიქრე, ახლავე რომ დავეთანხმო, გლახაკი ვეგონები-მეთქი. მეგონა მეორედაც მეტყოდა, დამაჟინდებოდა. ახალ საბუთებს მომიტანდა დასარწმუნებლად და მაშინ საბაბი მომეცემოდა შემეცვალა ჩემი გადამწყვეტილება. ცივად მიუბრუნდა ოუენს და უთხრა, აი, ხომ ხედავთ? სულ ისე გამოვიდა, როგორც გეუბნებოდითო. მერე ისევე ჩემკენ მოტრიალდა და განაგრძო.

- კეთილი, ფრენკ, შენ თითქმის სრულწლოვანი ხარ და შეგიძლია თავად აირჩიო ცხოვრების გზა. ალბათ კარგად იცი რა

მოგიტანს ბედნიერებას, ამიტომ აღარაფერს გეტყვი, მაგრამ რადგან არ მემორჩილები, მე არ ვთვლი თავს ვალდებულად ხელი შევიწყო მაგ შენი გეგმების განხორციელებაში. ნება მიბოძე, გკითხო, გაქვს რაიმე გეგმა, რომლის განსახორციელებლად ჩემი დახმარებაა საჭირო?

ძალზე შეცბუნებულმა ვუპასუხე, რადგან არავითარი ხელობა არ მაქვს და საკუთარ სახსრებსაც მოვლებული ვარ, ცხადია, არ ძალმიძს თქვენი დახმარების გარეშე ვიცხოვრო-მეთქი. შემდეგ დავსძინე დიდი მოთხოვნილება არ მაქვს და ვიმედოვნებ, მთლად არ გამწირავთ და მცირეოდენ მშობლიურ დახმარებას არ მომაკლებთ, მხოლოდ იმიტომ, რომ თქვენს მიერ არჩეული საქმიანობა არ მომწონს-მეთქი.

- ესე იგი, გინდა მე დამეყრდნო, მაგრამ შენი გზით იარო, არა? ასე არ გამოვა, ფრენკ, მაგრამ ვფიქრობ, უარზე არ იქნები, შეასრულო ჩემი მითითებანი, თუ ისინი გზას არ გადაუღობავენ შენს სურვილებს.

მინდოდა მეუპასუხა, მაგრამ გამაჩერა და განაგრძო:

- მოიცა, ვთქვათ თანახმა ხარ ! შენ ახლავე უნდა წახვიდე ჩრდილოეთ ინგლისში, ესტუმრო ბიძაშენს და გაიცნო მისი ოჯახი. მისი შვილებიდან, მგონი, ექვსი უნდა ჰყავდეს, ერთი ავარჩიე. იმაზე უფრო უპრიანია ის ადგილი, შენთვის რომ მინდოდა მომეცა. შემდგომში ალბათ საჭირო გახდება ზოგიერთი ფორმალობის ჩატარება და ამ დროს აუცილებელი იქნება შენი აქ ყოფნა. შემდგომ ინსტრუქციებს ოსბალდისტონ-ჰოლში მიიღებ, სადაც მანამ დარჩები, სანამ უკან არ მოგიხმობ. ხვალ დილისთვის ყველაფერი მზად იქნება გასამგზავრებლად.

ესა თქვა და ოთახიდან გავიდა.

- რას ნიშნავს ყოველივე ეს, მისტერ ოუენ? ვკითხე ჩემს კეთილმოსურნეს, რომელიც თავჩაქინდრული და მწარედ დაღონებული უსმენდა ამ ლაპარაკს.

- დაიღუპეთ თავი, მისტერ ფრენკ, და ეგ არის! როცა მამათ-
ქვენი ასე მშვიდად და დაბეჭითებით დაიწყებს ლაპარაკს, მორჩა,
აღარ გადათქვამს. ბალანსი გამოყვანილია!

ოუენი მართალი გამოდგა. მეორე დილის ხუთ საათზე საკმა-
ოდ კარგ ცხენზე ვიყავი ამხედრებული, ჭიბეში ორმოცდაათ გინეა
მედო და იურკისაკენ მივემგზავრებოდი. მივემგზავრებოდი, რომ
თვითონვე დავხმარებოდი ვიღაცას, მოკალათებულიყო ჩემს სა-
კუთარ სახლში, დაეჭირა ჩემი ადგილი ღვიძლი მამის გულში და
ბოლოს ჩემი კუთვნილი მემკვიდრეობაც მიეთვისებინა.

თავი III

შმაგი ტალღების შეიკრა ალყა,
შეტოვდა ანძა მონყდა აფრები,
მორღვეულ ნავში შეიჭრა ტალღა -
ბორგნეული და განამძაფრები.
ყრუდ გაიშალა ღრუბელი ცაზე,
ააქარავნეს ტალღა ქარებმა,
ნიჩაბი გატყდა, მოირყა საჭე
და უფსკრულისკენ მიექანება.

გეის[62], „იგავები“

მე განგებ შევამკვე რითმიანი და თეთრი ლექსებით ამ წიგნის თავები იმ იმედით, რომ ჩემზე ნიჭიერი მთხზველები გაიძულებდნენ შეუწელებელი ყურადღებით წაგვეკითხა ეს მოსაწყენი ამბები.

წინამდებარე სტრიქონები ეხება უიღბლო ზღვაოსანს, რომელსაც ხომალდის მართვა არ შეეძლო, მაგრამ გაბედულად მოშორდა ნაპირს და მთლიანად მიენდო აღიდებულ მდინარეს. და აი, როცა მოულოდნელად მეც ცხოვრების ოკეანეში აღმოვჩნდი, უკომპასოდ, უიალქნოდ, იმ ყმანვილზე უფრო უმწეოდ ვიგრძენი თავი, ყური რომ არავის ათხოვა და თავისი ბედ-იღბალი დაუფიქრებლად მიანდო სწრაფ მდინარეებს. მამაჩემმა ისე იოლადა გადაჭრა ის ნასკვები, რომლებიც, ესოდენ მჭიდროდ აკავშირებს ხალხს ერთმანეთთან და წმინდათანმინდად და ხელშეუხებ-

ლად ითვლება, ისე იოლად გამომაჰანღურა ოჯახიდან, რომ ანაზღად მთლად დავკარგე საკუთარი თავის რწმენა. აქამდე კი სწორედ ეს რწმენა მმატებდა ძალას და მომავლის იმედს მიწერ-გავდა გულში. ის მზეჭაბუკი უფლისწული კი, მოულოდნელად მე-თევზის შვილად რომ იქცა, ალბათ ჩემსავით მწარედ როდის განიცდიდა თავის უბედურებას. ჩვენ ბრმად ვართ დარწმუნებული საკუთარ თავში და ვერა ვხვდებით რომ მხოლოდ ბედისა და განგების წყალობით ვაღწევთ წარმატებას. სწორედ ამიტომ არის, რომ საშინლად გავნანწყენდებით ხოლმე, როცა რაიმე საქ-მეში ხელი მოგვეცარება.

ქალაქის გუგუნი მალე მიწყდა ზურგს უკან, მაგრამ მე იმ ბიჭი-ვით, წინასწარმეტყველურ ძახილს რომ დაუჭერა, უკან დაბრუნ-და და შემდგომში ქალაქის ლორდ მერი გახდა,[63] კიდევ დიდ-ხანს და დაჟინებით მიხმობდა ლონდონის სამრეკლოთა ბარები. და როცა ჰაიგეტიდან გადავხედე დილის ბურუსში გახვეულ დი-დებულ ქალაქს, ვიგრძენი, რომ ამიერიდან სამუდამოდ ვეთხო-ვებოდი სიმდიდრეს, ფუფუნებას, მაღალი საზოგადოების ცდუნე-ბებსა და ცივილიზაციის ყოველგვარ სიკეთეს.

მაგრამ არჩევანი აღარა მქონდა დარწმუნებული ვიყავი, მამა-ჩემს გული აღარ მოუბრუნდებოდა ჩემზე, თუნდაც მაშინვე დავ-ბრუნებულიყავი უკან. პირიქით, ასეთი მტკიცე ხასიათის კაცს შე-ვეზიზღებოდი კიდევ ესოდენ ნაგვიანევად და ნაძალადევად რომ დავმორჩილებოდი მის სურვილს და კომერციისთვის მომეკიდა ხელი. თანდაყოლილმა სიჭიუტემ და ამპარტავნობამაც თავისი გაიტანა: ყურში განუწყვეტლივ ჩამძახოდა ვილაც, შესაბრალისი იქნები, ლონდონიდან ოთხ მილზე გასეირნებამ რომ ამოგიბერ-ტყოს თავიდან ის აზრი, რომელსაც მთელი თვე ასე მაგრად ებ-ლაუჭებოდი. ამასთან, იმედმა, რომელიც არასოდეს ღალატობს ახალგაზრდა და მხნე ადამიანს, ნათელი სხივებით გააცისკროვნა ჩემი მომავალი. არა, გადაჭრით კი მითხრა, მაგრამ შეუძლებე-

ღია ყოვლად შეუძლებელია მთლად ცარიელზე მიპირებდეს დასმას. - ვიმშვიდებდი დროდადრო თავს, - ალბათ ჩემი ვაჟკაცობის გამოცდა უნდოდა და როცა დაინახავს, რომ ნათქვამზე მაგრად ვდგავარ და მამაცურად ვიტან ყველა გაჭირვებას, მოვეწონები და ყველაფერს შემისრულებს-მეთქი. გონებაში ისიც კი მოვიფიქრე მომავალი შეთანხმების დროს რა დამეთმო და რა არა. ამ შეთანხმების შემდეგ კი, უეჭველი მთლიანად დამიბრუნდებოდა მემკვიდრის უფლებები და მხოლოდ მცირე სასჯელი დამედებოდა ურჩობისათვის. მანამდე კი საკუთარი თავის მეუფე ვიყავი და შემედლო დავმტკბარიყავი თავისუფლებით, რომელიც ახალგაზრდას ყოველთვის შიშნარევი სიხარულით უჩქროლებს ხოლმე გულს. ქისა თუმცა პირთამდე არ მქონდა სავსე, მაგრამ სავსებით კმაროდა მოგზაურის ყველა სურვილისა და მოთხოვნის დასაკმაყოფილებლად. ბორდოში მსახური არ მყავდა, ამიტომ აქაც გავძლებდი უიმისოდ. ცხენიც მკვირცხელი და ახალგაზრდა ჩანდა და მალე სევდა და ნაღველი, მოგზაურობის დასაწყისში რომ მომეძალა, სიმხნევემ და სიმხიარულემ დაჭაბნა.

ისე, კარგი იქნებოდა, ისეთი გზა შემხვედროდა, თვალსა და გულს რომ უხარებს მოგზაურს და ნოყიერ საზრდოს აძლევს ცნობისმოყვარეობის დასაკმაყოფილებლად, მაგრამ ჩრდილოეთისკენ მიმავალი გზა მაშინაც დღევანდელივით მოსაწყენი და გულმიუსვლელი გახლდათ. არა მგონია, ბრიტანეთის კუნძულზე მოიძებნებოდეს ისეთი მხარე, სადაც ესოდენ დიდი მანძილი გაიაროს კაცმა და არაფერი შეხვდეს საყურადღებო და ღირსშესანიშნავი. ამიტომ, თუმცალა ძველი ეჭვები მოვიშორე და თავი გავიმხნევე, გული მაინც დამძიმებული მქონდა მონყენილობისაგან. მუზამაც, ჩემმა მაცდუნებელმა მუზამაც, რომელმაც ამ უდაბურ მხარეში შემომიტყუა, დიაცური მუხანათობა გამოიჩინა და სწორედ მაშინ მიმატოვა, როცა ყველაზე უფრო მიჭირდა მისი თავი.

კიდევ კარგი, დროდადრო ვინმე დამემგზავრებოდა და საუბარს გამიბამდა ხოლმე, თორემ ალბათ გავგიჟდებოდი მონყენილობისაგან. სამწუხაროდ, სულ ერთფეროვანი მოსაწყენი ხალხი მხვდებოდა გზაზე. სოფლის მღვდლები, რომლებიც ზიარებიდან ან ნათლობიდან ბრუნდებოდნენ შინ, შორეული ბაზრებიდან მომავალი ფერმერები და მეჭოგეები, ნოქრები, რომლებიც გასესხებული ფულის ასაკრეფად დაეგზავნათ თავიანთ უფროსებს პროვინციულ ქალაქებში. ხანდახან რეკრუტის შესაგროვებლად გაგზავნილ ოფიცერსაც წამოვწვნიდი ხოლმე, აი, მეტწილად ასეთ ხალხს მასპინძლობდნენ მაშინ გზისპირა სასტუმროებისა და დუქნების მეპატრონეები. საუბარი უფრო ხშირად დრამის, რჯულის, ჯოგის, მარცვლეულის და სხვადასხვა საქონლის ირგვლივ ტრიალებდა. ვეცნობოდი ასევე წვრილმანით მოვაჭრეთა ფინანსურ მდგომარეობას. დროდადრო ფლანდრიის ომის რომელიმე ბრძოლის ან ალყის ამბავს ვისმენდი, თუმცა მთლად დარწმუნებული არ ვიყავი, რომ მთხრობელი მართლა თვითონ იყო მისი მონაწილე ან მნახველი. როცა სალაპარაკო შემოგვევლიოდა, ყველაზე ამაღელვებელ და ამოუწურავ თემას მოვიშველიებდით ხოლმე და ისე ვიხსენებდით „ოქროს ფერმერს“, „მფრინავ მძარცველს“, „ჯეკ ნიდჰემს“ და „მათხოვართა ოპერის“^[64] სხვა პერსონაჟებს, თითქოს გუშინ დავშორებოდით ერთმანეთს. ამ დროს მგზავრები იმ ბავშვებს ჰგავდნენ, ჯადოსნური ზღაპრების მოსმენისას ანთებულ ბუხართან რომ მიიყუყუებოდნენ ხოლმე: მხედრები ცდილობდნენ გვერდი-გვერდ ევლოთ, ეჭვიანად ათვალიერებდნენ მიდამოს, გულდასმით ამოწმებდნენ, თავიანთი დამბაჩის ფალიებს და ერთმანეთს ეფიცებოდნენ, გაჭირვებაში არ გილალატებო, თუმცა ეს ხელშეკრულება, ორ სახელმწიფოს შორის დადებულ ურთიერთდახმარების ხელშეკრულების მსგავსად, ნამდვილი საფრთხის გამოჩენისთანავე ეძლეოდა დავიწყებას.

გზაზე გაცნობილთაგან ყველზე უფრო ერთი საწყალი ვაცი იყო შეპყრობილი ყაჩაღების შიშით და იმ დღენახევრის განმავლობაში, რაც ერთად ვიმგზავრეთ ძალიან შემაქცევინა თავი. უნაგირზე ერთი პატარა, მაგრამ ძალიან მძიმე ჩემოდანი ჰქონდა დაკრული და სულ იმის ფარეობაში იყო. არ მახსოვს, რომ ვინმესთვის ჩემოდნის ხელის ხლების უფლება მიეცა. ახლოს არ იკარებდა ცქვიტ მსახურებსა და მეჭინბეებს, რომლებიც დაჟინებით სთავაზობდნენ თავიანთ სამსახურს, თავისი ხელით შეჰქონდა ჩემოდანი ფუნდუკში. ასევე გულმოდგინედ მალავდა თავისი მოგზაურობის მიზეზსა და მიმართულებას. კი არა, იმასაც ვერ წამოაცდენინებდი იმ დღეს რომელი გზით აპირებდა სიარულს. სულ ფერი მისდიოდა, ვინმე რომ ჰკითხავდა, საით მიდიხარ და სად აპირებ ღამის გათევასო. ღამის გასათევ ოთახსაც დიდი სიფრთხილით ირჩევდა. სულ განცალკევებულად არ უნდოდა დაძინება, მაგრამ მეზობლებსაც შიშითა და ეჭვით უმზერდა. დარწმუნებული ვარ, გრენთჰემში მთელი ღამე თეთრად გაათენა, რადგან მეზობელ ოთახში ვიღაც ჯმუხი და ელამი ვაცი დაბინავდა. ეჭვს ისიც უძლიერებდა, რომ ამ ვაცს თავზე შავი პარიკი ეხურა და ტანთ ოქრომკვდით ნაქარგი გაცვეთილი ჟილეტი ეცვა.

ისე კი, ჩემი ახალი ნაცნობი საკმაოდ ჯანიანი ჩანდა და ასე დაფეთებული და აფორიაქებული რომ არ ყოფილიყო, მე მგონი, სხვაზე ნაკლებად არ მოიგერიებდა მომხდურს. იგი წარმოსადეგი ძარღვიანი ვაცი გახლდათ. თავზე ოქრომკვდი ჰქონდა შემოვლებული ქუდი ეხურა. ამ ქუდითა და კოკარდით მიხვდებოდით, რომ ჯარგამოვლილი იყო. საუბარში საკმაოდ მდაბიურად უქცევდა. დროდადრო, როცა მტანჯველ ფიქრებს დააღწევდა თავს და ჩვეულებრივ თემებზე დაინყებდა ლაპარაკს, იტყობდი ჭკვიანი და დაკვირვებული ადამიანი ყოფილათ, მაგრამ სულ ცოტა კმაროდა, რომ კვლავ დამფრთხალიყო. მას ერთნაირად აშინებდა უკაცრიელი ველიცა და დაბურული ტყეც, მწყემსი ბიჭის დასტვე-

ნაც კი ყაჩაღების მოხმობის ნიშანი ეგონა. გზაზე სახრჩობელებიც გვხვდებოდა, მაგრამ ესეც ვერ ამშვიდებდა - ფიქრობდა, ამ ერთ ყაჩაღს კი გაუსწორდა მართლმსაჯულება, მაგრამ ვინ იცის კიდევ რამდენია დაუსჯელიო.

მე მალე მომბებრდებოდა ამისთანა ვაცთან მგზავრობა, საკუთარი საფიქრალი რომ არ მექონოდა. თუმცა ისიც უნდა ითქვას, რომ ზოგჯერ საინტერესო ამბებს ჰყვებოდა და ერთი ისეთი ახირებული აზრიც ჰქონდა აკვიატებული, რომ რამდენიმეჯერ შესანიშნავად შემაქცევინა თავი. იგი ხშირად ამბობდა, ის უბედური მოგზაურები, მძარცველებს რომ უვარდებიან ხელში, თვითონვე არიან დამნაშავენიო. ისინი ხშირად შეუამხანაგდებიან კარგად ჩაცმულ, თავაზიან უცნობებს - იმედოვნებენ, რომ ერთად უფრო უშიშრად და მხიარულად გალევენ გზას. მართლაც, ეს უცნობი სიმღერითა და საუბრით ართობს ახალშეძენილ მეგობრებს. ესარჩლება, როცა მეფუნდუკე ანგარიშში მოტყუებას დაუპირებს და ბოლოს, რომელიმე უკაცრიელ ველს რომ მიადგებიან, ეტყვის მოკლე გზა ვიცისო, შარაგზიდან ვინრო ხეობაში გადაიტყუებს თავის მიამიტ თანამგზავრებს და სტვენით გამოიხმობს ჩასაფრებულ ამხანაგებს. გაუფრთხილებელი მოგზაურები ახლავს ხვდებიან, რომ ყაჩაღთა რაზმის მეთაურთან დაუჭერიათ საქმე და ქისებს და ზოგჯერ სიცოცხლესაც გამოეთხოვებიან ხოლმე. ამგვარი მოთხრობის დასასრულს ჩემი თანამგზავრი შიშით აცახცახდებოდა ხოლმე და თან ყოველთვის მე მომაპყრობდა ეჭვითა და უნდობლობით სავსე მზერას. აშკარა იყო, ფიქრობდა, მეც ისეთი საშიში ვაცის ხელში ვარ ჩავარდნილი, როგორშიც ჩემი მონათხრობის გმირიო.

ხანდახან ეს ვაცი, ესოდენ დახელოვნებული საკუთარი თავის წამებაში, მეტისმეტად დაშინდებოდა, სწრაფად გამერიდებოდა, შარაგზის მეორე მხარეს გადავიდოდა, იქაურობას დაფეთებულ და ეჭვიან თვალებს მოავლედდა და იარაღს მოისინჯავდა ხოლ-

მე. ამ დროს სიფრთხილეს აათვეცებდა და მზად იყო მოქცეულიყო, როგორც გარემოება უკარნახებდა: უკან მოუხედავად გაქცეულიყო, ან თავგანწირვით შეეტია მტრისათვის.

მე დარწმუნებული ვიყავი, რომ ეს უნდობლობა წარმავალი იყო. თანაც ყოველივე ისე სასაცილოდ მეჩვენებოდა გულში წყენა არ გამივლია. მე არც ჩაცმულობა მქონდა ყაჩაღის არც ქცევა, მაგრამ ჩემი მფრთხალი თანამგზავრი მაინც ეჭვით მიმხერდა. იმ დროს არც უნდა გაგკვირვებოდა, რომ ვაცი გარეგნობით ჯენტლმენს ჰგვანებოდა, მაგრამ ყაჩაღი ყოფილიყო, რადგანაც იმ ეპოქაში დღევანდელივით მკვეთრად არ იყო გამიჯნული სხვადასხვა საქმიანობა ერთმანეთისაგან. იმავე ბრდილობიან და მოხდენილ ავანტიურისტს, რომელიც ფულს დაგტყუებდა უაიტში ან მერიბონში, შესაძლებელია მეორე ხელობაც ქონოდა და სულ არ იყო გასაკვირი, რომ სადმე ბეგშოტის ვინროებში ან თინჩალის მინდორზე დახვედროდა თავისნაირ ჰენენიკა[65] ახალგაზრდას და სულითხორცამდე გაეფრცქვნა. არც ის უნდა დავივინყოთ, რომ მაშინ ცხოვრება ჯერ კიდევ არ იყო ვალაპოტში ჩამდგარი, ყველგან ძალადობა და სიტლანქე იყო გაბატონებული და, რამდენადაც მახსოვს, თავმხეხელაღებული ხალხი დღევანდელ სიმდიდრის მაძიებლებზე ნაკლებად არ ერიდებოდა გაბედული ნაბიჯის გადადგმას ქონების მოსახვეჭად. თუმცა მაშინ ის დრო წასული იყო, როცა ენტონი-ე-ვუდი[66] დასტიროდა იმ ორ ჭეშმარიტად მამაცსა და პატიოსან ვაჟკაცს, რომლებიც შეუბრალებლად ჩამოახრჩვეს ოქსფორდში. იმ ვაჟკაცების დანაშაული კი მხოლოდ ის იყო, რომ გაჭირვებამ აიძულა შარაგზაზე გასულიყვნენ და მოგზაურთათვის ჯიბეები დაეცარიელებინათ. კიდევ უფრო მეტი მანძილი გვაშორებდა „შმაგი უფლისწულისა“[67] და პოინსის ეპოქას. და მაინც, ყველგან. ლონდონის მიდამოები იქნებოდა, თუ განაპირა ოლქების მეჩხერას დასახლებული ადგილები, უამრავი ყაჩაღი დააჭენებდა ცხენს. შარაგზის რაინდთა ეს

კატეგორია, მომავალში, ალბათ, მთლად რომ გადაშენდება, ერთგვარ თავაზიანობას იჩენდა თავისი საქმიანობის შესრულებისას. ისინი „ჰენენიკის ფანდის“ მთავარი გმირის გიბეტის მსგავსად იბლინძებოდნენ, აქაო და ამ მიდამოს ყაჩაღებში ყველას ვჭობივართ ზრდილობაში და ჩვენს ხელობას ჯეროვანი სიფაქიზითა და თავაზიანობით ვენევიტო.

ზემოთქმულიდან გამომდინარე, უნდა დავასკვნათ, რომ ჩემს ადგილას არც ერთი ახალგაზრდა კაცი არ უნდა გაბრაზებულიყო, თუ მას ამ საპატიო ფენის წარმომადგენლად მიიჩნევდნენ.

შეურაცხყოფილად არც მე ვთლიდი თავს. პირიქით, მომეწონა კიდევ, რომ ჩემს ნებაზე ვათამაშებდი ამ მშიშარა მგზავრს - ხან საშინლად დავაეჭვიანებდი, ხან ისე მოვისანწყლებდი თავს, რომ კვლავ ნდობის თვალით დამინყებდა ყურებას. უფრო ხშირად კი ვცდილობდი, ამეფორიაქებინა და დამეშინებინა. ამას დიდი მოხერხება არ სჭირდებოდა. სანყალი, თავიდანვე არ დაეჭილდოვებინა ბუნებას გამჭრიახობითა და საზრიანობით და ახლა ამ შიშსა და საფრთხის მოლოდინს მთლად მოეთავებინა ხელი. ხშირად, როცა მშვიდი, ძალდაუტანებელი საუბრით მთლიანად გაუქრობდი უნდობლობას, მოულოდნელად ვითომდა სხვათა შორის, ვკითხავდი ხოლმე საით ან რა საქმეზე მიბრძანდებით-მეთქი და გულში კვლავ ეჭვისა და შიშის კოცონს ავაგიბგიბებდი, აი მაგალითად, ასე წარიმართა ჩვენი საუბარი ერთხელ, როცა სიტყვა ჩვენი ცხენების სისწრაფესა და გამძლეობაზე ჩამოვარდა:

- იცით, რას გეტყვით, ჩემო ბატონო? - დაიწყო ჩემმა თანამგზავრმა. - სიმკვირცხლეში ნამდვილად თქვენი ცხენი აჯობებს, მაგრამ ნება მიბოძეთ მოგახსენოთ, რომ ეგ მართლაც და მშვენიერი იაბო ისეთი ძვალწვრილია, რომ დიდ გზას ვერ გაუძლებს. ჩორთია, ჩემო ბატონო (მან დეზები მოუჭირა თავის ბუცეფალს[68]), ყველაზე ნაღდი სვლა სანიადაგო ცხენისათვის. ქა-

ლაქი, რომ ახლოს იყოს შევაჭიბრებდით და ვიმედოვნებ, ვაკე გზაზე გაჯობებდით კიდევ, ოღონდ ჩორთით, ჭენებით კი არა ჩორთით, ჭენებით კი არა. დამარცხებული ერთ ჩარევა კლარეტს იკისრებდა, როცა უახლოეს სასტუმროში მივიდოდით.

- თანახმა ვარ, სერ. თუნდაც ახლა იყოს. გზაც მშვენიერია.

- ჰმ, ახლავე? - შეყოყმანდა ჩემი მეგობარი. - ჰო, მაგრამ, ნესად არ მაქვს, შუა გზაში ცხენის გადაქანცვა. ვაცმა არ იცის რას გადაეყრები მოგზაურობისას. ეგების სიკვდილ-სიცოცხლე ცხენის სისწრაფეზე იყოს დამოკიდებული! გარდა ამისა, როცა გეუბნებით გაჯობებთ-მეთქი თანაბარ წონას ვგულისხმობდი თქვენ კი ერთი ოთხი სტონით[69] მსუბუქი იქნებით ჩემზე.

- ვეთილი, თანახმა ვარ წონაც გავათანაბრო. მიბრძანეთ ეგ თქვენი ჩემოდანი რამდენს იწონის?

- ჩ-ჩ-ჩემოდანი?! - დაება ენა ჩემს თანამგზავრს.- ძალიან ცოტას, ბუმბულივითაა. სულ ორიოდე წყვილი წინდა და რამდენიმე პერანგი მიდევს შიგ.

- მძიმე კი სჩანს და. ერთ ჩარევა კლარეტზე გენიძლავებით, რომ ეგ ჩემოდანი გაათანაბრებს კიდევ ჩვენს წონას.

- ცდებით, სერ. გარწმუნებთ, რომ ძალიან ცდებით,- მიჰასუხა ჩემმა მეგობარმა და გზის განაპირას გავიდა (საფრთხის დროს ყოველთვის ასე იქცეოდა ხოლმე).

- ვარგი, რაც იყო იყო, ნავაგებ ერთ ბოთლ ღვინოს! ანდა, თუ გნებავთ, მე ათ ოქროს დავდებ, თქვენ ხუთი დადეთ, მაგ ჩემოდანს უნაგირზე მივიკრავ და მაინც გავასწრებთ.

ამ თავხედურმა სანაძლეომ თავზარი დასცა ჩემს მეგობარს. ცხვირი, ნიადაგ წითელი რომ ჰქონდა სევკისა და კლარეტის წყალობით, ჩაეტეტკა. შიშმა ყბა აუკანკალა და კბილის კბილზე ცემინება დააწყებინა. ალბათ დარწმუნებული იყო რომ ნილაბახდელი მძვინვარე მძარცველის კლანჭებში იყო ჩავარდნილი. სანამ ენის ბორძიკით ცდილობდა პასუხი მოეცა ჩემთვის, შევეცადე ცო-

ტათი დამემშვიდებინა: ვკითხე, ნეტა ეს რა სამრევლოა, გზაზე რომ ამოიწვერა, ეტყობა სოფელი ახლოსაა და ყაჩაღების დახვედრის ფიქრი აღარ არის-მეთქი. ამ სიტყვებზე სახე გაუნათდა, მაგრამ შევატყვე, რომ არასოდეს დაავიწყდებოდა ჩემ მიერ შეთავაზებული მუხანათური სანაძლეო.

ასე საფუძვლიანად იმიტომ გაცნობ ჩემი თანამგზავრის ხასიათს და თავს იმიტომ გაბეზრებ ჩემი ანცობის ვრცელი აღწერით, რომ ამ თითქოსდა უმნიშვნელო წვრილმანებმა, უდიდესი გავლენა იქონია მოვლენებზე, რომელთა გადმოცემას ამ მოთხრობის მომდევნო გვერდებზე ვაპირებ. იმ დროს იმ კაცის ქცევა მხოლოდ ზიზღს იწვევდა ჩემში და კიდევ უფრო მიმტკიცებდა ძველ რწმენას, რომ ადამიანის მიერ საკუთარი სულის დასატანჯად მოგონილი მრავალი ხერხიდან უსაგნო და უსაფუძვლო შიში ყოფილა ყველაზე უფრო მტკივნეული, დამაბეჩავებელი და სასონარმკვეთი.

თავი IV

„მოტლანდიაში ცუდად ცხოვრობენ ერთობ მწირია მათი ბუნება“, -
ეს ინგლისური ამჰარტავენობა თავს გვანონებს და გვედიდგულება.

მოტლანდიელიც განა უარყოფს? - „რა ვქნათ, სწორია, ღმერთმა
ინება“

მაშ, ვინც ჩამოდის ბედის საძებრად რა მოსაზრებას ემორჩილება?“

ჩერჩილი[70]

იმ დროს ინგლისის გზებზე ერთი ჩვეულება იყო შემორჩენი-
ლი. ახლა ეს ჩვეულება, მე მგონი, სულ დავიწყებულია ანდა მხო-
ლოდ მდაბიო ხალხშია შემონახული. რადგან მაშინ, ჩვეულებ-
რივ, ცხენით მოგზაურობდნენ და გზადაგზა ცოტა ხნით ისვენებ-
დნენ ხოლმე, აუცილებელი იყო, კვირაობით მთელი დღით ჩა-
მომსხდარიყვნენ რომელიმე ქალაქში, სადაც მოგზაური წირვას
მოისმენდა, ხოლო ცხენი კი მთელ დღეს დაისვენებდა. ეს ჩვენი
ოთხფეხა მსახურებისთვისაც სასარგებლო იყო და ჩვენთვისაც.
ამ შესანიშნავ ჩვეულებას თან ახლდა მეორე - ძველი ინგლისური
სტუმართმოყვარეობის გადმონაშთი. ქალაქის მთავარი ფუნდუ-
კის მეპატრონე კვირა დღეს ხელს იღებდა ჩვეულებრივ საქმიან-
ობაზე, ყველა სტუმარს სადილზე მიიწვევდა და საგანგებოდ შემ-
წვარი ძროხის ხორციტა და პუდინგით უმასპინძლდებოდა. სტუმ-
რობას არავინ თაკილობდა, ზოგიერთი მაღალი თანამდებობის
პირის გარდა. მიწვეულნი მაღლობის ნიშნად თითო ბოთლ ღვი-
ნოს ჩამოდგამდნენ ხოლმე ნასადილევს და მასპინძლის სადღეგ-
რძელოს სვამდნენ. ეს იყო და ეს- მეტი მათ არაფერი მოეთხოვე-
ბოდათ.

მე დიდად არ ვესწრაფვოდი მაღალ საზოგადოებაში ტრი-
ალს, რადგან მსოფლიოს მოქალაქედ ვიყავი დაბადებული და
ვცდილობდი, უკეთ შემეცნო უბრალო ადამიანები. ამიტომ იყო,
რომ იშვიათად ვამბობდი უარს მეფუნდუკის მიპატიჟებაზე, თანაც
სულ არ ვაქცევდი ყურადღებას ამ ფუნდუკის აბრაზე წვივსაკრავი
იქნებოდა დახატული, ლომი თუ დათვი.

პატივცემულ მეფუნდუკეს ასეთ დღეებში ჩვეულებრივზე უფ-
რო მედიდური და თვითკმაყოფილი გამომეტყველება ჰქონდა,
რადგან გრძნობდა თავის სიდიადეს. მართლაც კარგი სანახაობა
იყო, როცა იგი, იმის მაგივრად რომ სტუმრებს მომსახურებოდა,
საპატიო ადგილას დაბრძანდებოდა და საპატიო მოვალეობის
შესრულებას იწყებდა, იგი ახლა მზე იყო, რომელსაც გარშემო
პატარ-პატარა პლანეტები უვლიან. ამ ყოველკვირეულ დღესას-
წაულზე დასწრებას ყველანი ესრანფვოდნენ, ჯამბაზებიც, მასხა-
რებიც, და ქალაქისა და სოფლის პატივცემულნი გვამნიც: მეთ-
თიაქეები, ადვოკატები და თვით მღვდლებიც კი. სხვადასხვა
კუთხიდან ჩამოსული სტუმრები, რაღა თქმა უნდა, საოცრად გან-
სხვავდებოდნენ ერთმანეთისაგან ლაპარაკით, ქცევითა და შეხე-
დულებებით და თუ ვინმეს ადამიანთა მოდგმის მრავალფეროვა-
ნი ბუნების შესწავლა სურდა, ამაზე უკეთეს ადგილს ვერც ინატ-
რებდა.

და აი, ერთ დღეს, სწორედ ასეთ თავყრილობაზე ვიყავით
მიწვეულები მე და ჩემი მხდალი თანამგზავრი დურჰამის სააბა-
ტოს ქალაქ დარლინგტონში, რათა დაგვემშვენებინა „შავი დათ-
ვის“ ლოყებლაჟღაჟა მეპატრონის სუფრა. ჯერ სუფრას არ მივ-
სხდომოდით, რომ მასპინძელმა მობოდიშებით გვითხრა, სა-
დილზე ერთი შოტლანდიელი ჯენტლმენიც გვეყოლებაო.

- ჯენტლმენი? როგორი ჯენტლმენი? - მაშინვე ჩაეკითხა ჩემი
თანამგზავრი, რომელმაც ალბათ იფიქრა მასპინძელი ჯენ-
ტლმენში შარაგზის ყაჩაღს გულისხმობსო.

- როგორი და ჩვეულებრივი შოტლანდიელი ჯენტლმენი - უპასუხა მასპინძელმა, როგორც მოგეხსენებათ ისინი ყველანი ჯენტლმენობას ჩემობენ, პერანგიც რომ არ ეცვათ ტანზე. თუმცა ეს საკმაოდ შეძლებული გაიძვერა უნდა იყოს, ასეთ გაქნილ ჩრდილოეთელს იშვიათად შეხვდებით ბერვიკის ხიდის გადმოღმა. მგონი, საქონლით უნდა ვაჭრობდეს.

- კეთილი და პატიოსანი, მოიპატიჟეთ. ერთად ვიქეიფოთ, - თქვა ჩემმა თანამგზავრმა, შემდეგ მომიბრუნდა და თავისი თვალსაზრისი გამიზიარა: - მე პატივს ვცემ შოტლანდიელებს, სერ, მე მიყვარს და ვაფასებ ამ ერს, რადგან საკუთარი მორალური მრწამსი გააჩნიათ. შოტლანდიელები სიბინძურესა და სიღატაკეს უკიჟინებენ, მაგრამ ერთი პოეტისა არ იყოს, თაყვანს ვცემ ხალას პატიოსნებას, თუნდაც იგი ძონძებში გახლდეთ გამოხვეული. მე ფრიად სარწმუნო წყაროდან ვიცი, სერ, ძალიან სანდო ხალხს უთქვამს ჩემთვის, რომ შოტლანდიაში შარაგზის ყაჩაღების ხსენებაც არ არისო.

- უთუოდ იმიტომ, რომ ხალხს წასართმევი არაფერი აქვს, - ჩაგვერია საუბარში მასპინძელი და ისე მოეწონა საკუთარი ნათქვამი, რომ ხითხითი დაიწყო.

- არა, მასპინძელო, არა - ბოხი ხმით გამოეპასუხა მეფუნდუკეს ვილაცა, - უფრო იმიტომ, რომ თქვენმა ინგლისელმა აქციზებმა და რევიზორებმა, ჩრდილოეთში, ტვიდის გადაღმა რომ გაამწესეთ, ხელობა ჩამოართვეს ჩვენს ყაჩაღებს[71].

- მართალს ბრძანებთ, მისტერ კემპბელ, - მაშინვე დაეთანხმა მეფუნდუკე, - არ ვიცოდი, რომ აქ იყავით. ისე ვი, ნუ დამძრახავთ, ხომ იცით, შუმი იორკშირელი ვარ, როყიო და მოურიდებელი. სხვა ბაზარზე რა ამბებია? მშვიდობა, - მიუგო მისტერ კემპბელმა, - ჭკვიანები ყიდიან და ყიდულობენ, სულელებს ყიდიან და ყიდულობენ.

- მართლა, მაგრამ ჭამა ჭკვიანსაც უნდა და სულელსაც, - შენიშნა ჩვენმა გულღია მასპინძელმა. - და აი, საჭმელიც მოსულა, ისეთი შემწვარი ძროხის ბარკალი მოაქვთ, რომ მაძღარსაც კი მაღაზე მოიყვანს. - მეფუნდუკემ გულდაგულ აუწყო პირი დანას, როგორც ბატონი და მბრძანებელი სუფრის თავში დაბრძანდა და მხიარულად შეუდგა სტუმრების შემწვარი გამასპინძლებას ხორციით.

პირველად მოვისმინე შოტლანდიური კილო და პირველად ვნახე ასე ახლო ამ ძველი ეროვნების წარმომადგენელი. მე ბავშვობიდანვე მაინტერესებდა მათი გაცნობა. მამაჩემი, კარგად მოგეხსენება, ნორთუმბერლენდის ერთ-ერთ უძველეს გვარს ეკუთვნოდა და ის ქალაქი სადაც ახლა სადილს გეახლებოდით, სულ რამდენიმე მილით იყო დაშორებული ჩემი წინაპრების სამკვიდროსგან, მაგრამ მამაჩემი ისე მაგრად იყო ნაჩხუბარი ნათესავებთან, თავისი წარმოშობის გახსენებაც კი არ უნდოდა და ყველას, ვინც კი გვარიშვილობით ამაყობდა უქნარად და ბაქიად თვლიდა. თავად მხოლოდ იმით იწონებდა თავს, რომ სიტყვი ერთ-ერთ პირველ კომერსანტად იყო მიჩნეული. საბუთის აღმოჩენა, რომლითაც დაამტკიცებდა ოსბადლისტონი ვილჰელმ დამპყრობლის[72] პირდაპირი შთამომავლები არიანო, ისე არ გაახარებდა, როგორც ჩოჩქოლი და მღელვარება ბირჟაზე „ხარებს“[73], „დათვებსა“ და მაკლერებს რომ შეუდგებოდათ ულიამ ოსბადლისტონის ყოველ გამოჩენაზე. მამაჩემი ცდილობდა, არაფერი გამეგო ჩემი შთამომავლობის შესახებ და არც ნათესავებზე უყვარდა ლაპარაკი. ეტყობა უნდოდა, რომ მეც იგივე თვალსაზრისი გამომემუშავებინა გვარიშვილობაზე, როგორიც თვითონ ჰქონდა. მაგრამ მეტისმეტად ჭკვიანი ადამიანები, ჩვეულებრივ, მთლიანად ვერ ახორციელებენ ხოლმე თავიანთ გეგმებს და მამაჩემსაც ასე დაემართა. ხელი ისეთმა პიროვნებამ შეუშალა, რომელსაც ამაყი და თავდაჯერებული კომერსანტი არარაობად

თვლიდა და ვერც კი წარმოიდგენდა, რომ ასეთი უმნიშვნელო ადამიანი რაიმე გავლენას იქონიებდა მის შვილზე. იგი მისი გამდელი იყო, მოხუცი ნორთუმბერლენდელი ქალი, რომელმაც მამაჩემი ჩვილობიდან გაზარდა, თავის თანამემამულეთაგან მხოლოდ ამ ერთადერთ ადამიანს სცემდა მამაჩემი პატივს და როცა ბედმა მოწყალების თვალით გადმოხედა, მაშინვე იზრუნა იმაზე, რომ მეიბელ რიკეტსს სამუდამოდ დაედო ბინა მის ოჯახში. დედაჩემის გარდაცვალების შემდეგ ჩემი პატრონობა მოხუცებულმა მეიბელმა ითავა. იგი მზრუნველობით მივლიდა ავადმყოფობის დროს და დედობრივ სითბოსა და ალერსს არ მავლებდა. რადგანაც მამაჩემთან ვერა ბედავდა ეხსენებინა საყვარელი ნორთუმბერლენდის გორაკები, ტყეები და ხეობები, ჩემთან პატარა ბიჭთანლა იქარვებდა დარდს. ხშირად დამისვამდა და დანვრილებით ამიწერდა ხოლმე იმ ადგილებს, სადაც ახალგაზრდობა გაეტარებინა და თან იმ თქმულებებსა და ლეგენდებსაც მიაყოლებდა ხოლმე, რომელიც ხალხს ამა თუ იმ მთასა და ხეობაზე შეეთხზა. ამ ამბებს უფრო მეტი ყურადღებით ვუსმენდი, ვიდრე ჩემი მასწავლებლის ბრძნულ, მაგრამ მოსაწყენ შეგონებებს. ახლაც ცხადად მიდგას თვალწინ ჩემი მოხუცი გადია, თოვლივით თეთრი ჩაჩი რომ ახურავს და თავი ოდნავ უკანვალებს სიბერისაგან, სახე ნაოჭებითა აქვს დაღარული, მაგრამ სოფლური ჯანსაღი ფერი მაინც შემორჩენია. ახლაც თვალნათლივ ვხედავ, როგორ მისჩერებია ჩვენი ფანჯრის წინ, ვიწრო ქუჩის გადაღმა აღმართულ აგურის სახლის კედელს და ყურში ახლაც ჩამესმის სიმღერა, რომელიც ეს-ესაა დაამთავრა, სიმღერა, მაშინაც რომ მერჩია და, რა დასამალია, ახლაც მირჩევნია ყველა არიას, რომელიც ვინმე იტალიელი კომპოზიტორის, დ-ს, ხუმტურიან გონებას შეუქმნია:

ეს ფათალო უკეთ ყვავის, ეს კოპიტის ტყე,
თუ მზე სწყალობს მშობლიური-შოტლანდიის მზე.

როცა ამ ლეგენდებს ვუსმენდი ვგრძნობდი რომ ჩემი გადია უკიდურესი სიძულვილით იყო განმსჭვალული შოტლანდიელთა მიმართ. საზღვრის გადაღმა მცხოვრებლები ისე იყვნენ დახატულნი, როგორც ჩვეულებრივი ზღაპრების ვაციჭამიები და დევები, ფეხზე ცხრალიგიანი წაღები რომ აცვიათ. ეს არც იყო გასაკვირი, რადგან შავი დუგლასი არ იყო, თავისი ხელით რომ დაკლა, ოსბალდისტონთა ოჯახის მემკვიდრე სწორედ იმ დღეს, როცა იგი, გვარის უფროსის მოვალეობის შესრულებას შეუდგა? განა მოულოდნელად არ დაესხა იგი მემკვიდრესა და მის ვასალებს, როდესაც ისინი სუფრას შემოსხდომოდნენ და ახალი უფროსის სადღეგრძელოს სვამდნენ? განა უოტმა (მიწრიელს რომ ეძახდნენ მეტსახელად), არ გარეკა წინ შიშაქების ფარა ლონტორნსაიდის ფერდობებიდან სულ ახლახან, პაპაჩემის მამის სიცოცხლეში? და განა ჩვენ ცოტა ნადავლი წამოგვიღია მათგან (მეიბელის სიტყვებით უფრო პატიოსნური გზით), ამდენი რბევისა და ძარცვა-გლეჯისაგან მიყენებული ზარალი რომ აგვენაზღაურებინა? მეხუთე ბარონმა, რომელიც სერის ტიტულს ატარებდა, ჰენრი ოსბალდისტონმა არ მოიტაცა ფეირინგტონის ულამაზესი ასული? მოიტაცა, როგორც აქილევსმა ქრისეიდა და ბრისეიდა[74], საკუთარ ციხე-სიმაგრეში გამოკეტა და თუმცა ქალის მეგობრებმა შოტლანდიელთა მამაც ბელადებს მოუხმეს დამხმარედ, ტყვე ასული მაინც ვერ გამოიხსნენს. განა ჩვენი ხმლები არ კაშკაშებდა თითქმის ყველა იმ შეტაკების წინა რიგებში, რომლებშიც ინგლისი მწარედ ამარცხებდა თავის მეტოქეებს? ჩვენი გვარის აღზვევა ხომ ჩრდილოური ომების წყალობა იყო და ყველა მარცხი და უბედურებაც ამ ომებმა მოგვითანა.

ბავშვობიდან სულ ასეთი ამბები მესმოდა შოტლანდიელებზე და ისე ვიყავი გაქეზებული, რომ ყველა შოტლანდიელი სამხრეთელების დაუძინებელ მტრად მიმაჩნდა. ამ რწმენას კიდევ უფრო მიმტკიცებდა მამაჩემის შენიშვნები შოტლანდიელთა შესახებ.

მან ერთი მსხვილი საქმე წამოიწყო ზემო შოტლანდიაში - მუხის მასალას ყიდულობდა იქაური ტყის მეფლობელებისაგან და დარწმუნდა, რომ ისინი უფრო გულიანად ეკიდებიან ხელშეკრულების დადებას და ავანსის მიღებას, ვიდრე ამ ხელშეკრულებით გათვალისწინებული მუხლების ზუსტად და დროულად შესრულებას. მამაჩემი ეჭვობდა, რომ შოტლანდიელი ვაჭრებიც, შუამავლად რომ იყენებდა გარიგების დროს, იმაზე მეტს იგებდნენ ამა თუ იმ ხრიკის საშუალებით, ვიდრე ეკუთვნოდათ. ერთი სიტყვით, მეიბლი შოტლანდიელთა წინაპრების ძალადობას უჩიოდა, მისტერ ოსბალდისტონი კი არანაკლებ იყო აღშფოთებული თანამედროვე სინოდების[75] ცბიერებითა და გაიძვერობით. ასე რომ ორივემ, თავისდა უნებურად, ჩემს ახალგაზრდა მოუმნიფებელ გონებას საშინელი ზიზღი და სიძულვილი ჩაუნერგეს ჩრდილო ბრიტანეთის მცხოვრებლებისადმი. დარწმუნებული ვიყავი, რომ ისინი ომის დროს სისხლისმსმელები იყვნენ, დაზავებისას მუხანათები, მშვიდობის დროს ხარბები, ეგოისტები, ძუნწები და ცბიერები და ისე ცოტა რამ ჰქონდათ ვარგი, რომ სახსენებლადაც არა ღირდა: მაგალითად, მათი სიმამაცე უგულობისა და შეუბრალებლობის ნაყოფი იყო, ხოლო ცხოვრებისეული სიბრძნე კი ცბიერებისა და ეშმაკობისა. იმათ გასამართლებლად, ვისაც ამგვარი შეხედულება ჰქონდათ ამ ხალხზე, უნდა შევნიშნო, რომ შოტლანდიელებიც ასეთივე აზრისანი იყვნენ ინგლისელებზე - ყველა, განურჩევლად, სიმდიდრით გაყოფილი ბლენძია ეპიკურელად[76] მივაჩნდით. ეროვნული შუღლი ამ ორ ხალხს შორის იმ დროს ჩასახულიყო, როცა ინგლისი და შოტლანდია ცალ-ცალკე მტრული სახელმწიფოები იყვნენ. ამასწინათ ყველანი მოწმენი გახლდით, თუ როგორ გააჩადა ამ შუღლის ნაპერწკლებიდან დემაგოგიამ კოცონი, რომელიც, ჩემი ღრმა რწმენით, ამჟამად უკვე ჩაფერფლილია.[77] ყოველივე ამის გამო, მე ზიზღით ვათვალიერებდი პირველ შოტლანდიელს, რომელსაც საზოგადოებაში შევხვდი.

ბევრი რამ მის ეცევასა და გარეგნობაში ადასტურებდა ჩემს შეხედულებას შოტლანდიელებზე. მას, როგორც მოველოდი, უხეში ნაკვთები ჰქონდა და ათლეტური აღნაგობის გახლდათ. შოტლანდიური აქცენტით ლაპარაკობდა, თანაც ნელა სვენებ-სვენებით, რომ წმინდა ინგლისური გამოთქმები მოეფიქრებინა საუბრის დროს. შევნიშნე ასევე, რომ ჩემი ახალი ნაცნობი ყველა შოტლანდიელივით დიდ საზრიანობას იჩენდა რაიმე საკითხის განსჯის დროს და კითხვებზე ძალზე ფრთხილად და წინდახედულად იძლეოდა პასუხს. მაგრამ იმან კი გამაოცა, რომ შემთხვევით გაცნობილ ხალხთან თავი მშვიდად და ღირსეულად ეჭირა და ზევიდანაც კი გადაჰყურებდა ყველას. ტანთ ყველაფერი უბრალო ეცვა, მაგრამ ცუდად ჩაცმული მაინც არ ეთქმოდა. ამ დროს ყველა, ვინც ჯენტლმენობაზე დებდა თავს, რაც არ უნდა ღარიბი ყოფილიყო ჩაცმა-დახურვაზე ფულს არ ზოგავდა, ამიტომ დავასკვენი, ეს კაცი მთლად უპოვარი თუ არა საკმაოდ გაჭირვებული უნდა იყოს-მეთქი. მისი საუბრიდან მივხვდი, რომ არც თუ დიდად დათვასებული ხელობის კაცი ყოფილა: თურმე საქონლის ყიდვა-გაყიდვას ეწეოდა, მაგრამ მაინც, მიუხედავად ამდენი ნაკლისა, ყველას ისე ზრდილობიანად და თავშეკავებულად ექცეოდა, რომ აუცილებლად იფიქრებდი, ეს კაცი ან მართლა ყველა აქ მყოფზე ღირსეული პიროვნებაა, ან ვინმე თავის თავზე შეყვარებული ბღენძიაო. თავის აზრს რაიმე საკითხზე ისე მშვიდი და შთამაგონებელი ტონით გამოთქვამდა, თითქოს მსმენელებს ეუბნებოდა, ვერც ცოდნით გამიტოლდებით და ვერც გავლენით, ამიტომ ჩემი ნათქვამი ურყევ ჭეშმარიტებად მიიჩნიეთ და ნულარ მეკამათებითო. ჩვენი მასპინძელი და მისი სტუმრები ერთი-ორჯერ ძალიან მონდომებით შეეცადნენ, დაეცვათ საკუთარი აზრი - ხმასაც აუწიეს, რამდენიმე თამამი თვალსაზრისიც წამოაყენეს მონინააღმდევის ნათქვამის გასაბიბურებლად, მაგრამ ვერაფერს გახდნენ და თანდათან დათმეს ბრძოლის ასპარეზი. საუბ-

რის სადავეები მისტერ კემპბელმა ჩაიგდო ხელთ. დავინტერესდი და შევეცადე დამემარცხებინა იგი. იმედი მექონდა, ცოდნა და გამოცდილება, რომელიც უცხოეთში ცხოვრებითა და კარგი აღზრდა-განათლებით მივიღე, გამარჯვებას მომაპოვებინებდა. მოკამათე განათლებით დავჯაბნე. აშკარა იყო, რომ თანდაყოლილი ნიჭის ნაყოფიერი ნიადაგი განათლების სახნისით არ გადაებრუნებინათ, მაგრამ მისტერ კემპბელს ჩემზე ვარგად სცნობია თანამედროვე საფრანგეთი და ჩემზე ვარგად მოეხსენებოდა იმ ხანებში სახელმწიფოს რეგენტად დანიშნული ორლენელი ჰერცოგისა[78] და მის ირგვლივ შემოკრებილი დიდებულების პირადი ღირსებანი და ნაკლოვანებები. ზუსტი და განმგმირავი შენიშვნებიდან ჩანდა, რომ იგი ნამყოფი იყო ამ ქვეყანაში და საკუთარი თვალთ ენახა მისი კარგი და ავი. როცა საუბარი ინგლისის საშინაო პოლიტიკას შეეხებოდა, კემპბელი, როგორც ჩანს, სიფრთხილეს იჩენდა და, ან ძალიან მოკრძალებულად ჩაურთავდა სიტყვას, ან სულ გაჩუმდებოდა ხოლმე. მაშინ ინგლისი ძირფესვიანად შეძრული იყო ვიგებისა და ტორების ბრძოლით[79] და ტორების ძლიერი პარტია, რომელიც იაკობინელებს უჭერდა მხარს, მოსპობით ემუქრებოდა სულ ცოტა ხნის წინათ გაბატონებულ ჰანოვერების დინასტიას[80]. ამ დროს ხმის ჩახლეჩამდე კამათობდნენ და ჩხუბობდნენ პოლიტიკაზე ყოველ დუქანსა და ლუდხანაში და რადგან ჩვენი მასპინძელი ამ ლიბერალური წესის მიმდევარი იყო, რომელიც ამბობდა, კარგი მუშტრის საქმეში არ უნდა ჩაერიოთ, მის საკვირაო სადილზე მონვეული სტუმრებიც დროდადრო ისე ცხარედ შეებმებოდნენ ხოლმე ერთმანეთს, იტყოდი ქალაქის საბჭოს სხდომააო. მღვდელი, მეათთიაქე და ერთ ჩიაკაცი თავის ხელობას რომ არ ამხელდა, მაგრამ ვარდისფერ მარჯვე თითებზე ეტყობოდა დალაქი უნდა ყოფილიყო, მტკიცედ უჭერდნენ მხარს „მაღალ ეკლესიასა[81]“ და სტიუარტების[82] დინასტიას. გადასახადების ამკრები, იურისტი და ჩემი თანამგზავ-

რი, რომელიც გულით ჩაება კამათში, ცხარედ იცავდნენ მეფე ჯორჯსა და პროტესტანტიზმს (გადასახადების ამკრები სხვანაირად ვერ მოიქცეოდა, იურისტი ვი, ეტყობა, თბილი ადგილის დათრევას აპირებდა ხაზინაში). ოთახში საშინელი წყევლა-კრულვა და ღრიანცელი იდგა. ყველანი მისტერ კემპბელს იხმობდნენ მსაჯულად. ყველანი მის უზენაეს დასტურსა და მხარდაჭერას ესწრაფოდნენ.

- თქვენ ხომ შოტლანდიელი ხართ, სერ, კეთილშობილი შოტლანდიელი მემკვიდრეობის უფლებას უნდა უჭერდეთ მხარს, - ღრიალებდა ერთ ჯგუფი.

- თქვენ პრესვიტერიანელი იქნებით, - გაიძახოდნენ სხვები, - შეუძლებელია, რომ დესპოტის მომხრე იყოთ. ჩვენი შოტლანდიელი ორაკული კარგა ხანია ცდილობდა ეპასუხა, მაგრამ ხმის ამოდებას არავინ აცლიდა. ბოლოს წამიერი სიჩუმით ისარგებლა და დაიწყო:

- ბატონებო, მე ეჭვი არ მეპარება, რომ მეფე ჯორჯი სახსებით იმსახურებს თავისი მეგობრების ერთგულებასა და, თუ ძალაუფლებას შეინარჩუნებს, აქ რომ გადასახადების ამკრებია, იმას რევიზიონობას მისცემს, ჩვენს მეგობარს მისტერ კვიმატს - პროკურორობას და ააღზევებს, ან რამე საჩუქარს უბოძებს, აგრეთვე, ამ პატიოსან ჯენტლმენს, რომელსაც საკუთარი ჩემოდანი ურჩევნია ყველა სკამს და სავარძელს. ასევე ცნობილია მეფე ჯეიმზის[83] გულუხვობა და კეთილშობილება და თუ ეს თამაში მოიგო, შეუძლია, თუ, რასაკვირველია, მოისურვებს ეს პატივცემული მღვდელი კენტერბერიის არქიეპისკოპოსად დანიშნოს, ექიმი მიქსტი კარის ექიმად, ხოლო ჩემს მეგობარ ლატერამს თავისი მეფური წვერის მოვლა-პატრონობას მიანდოს. მაგრამ, დარწმუნებული ვარ, რომ კემპბელს, ხახა რომ უშრებოდეს, არც ერთი ხელმწიფე არ მიანვდის ერთ სირჩა არაყს! ამიტომ ხმას ჩვენს მასპინძელს, ჯონათან ბრაუნს ვაძლევ. დაე, იგი იყოს მეფე და მბრძანებელი

მერიქიფეთა, ოღონდ იმ პირობით, თუ კიდევ ჩამოდგამს ამ საუკეთესო ღვინით სავსე ბოთლს.

კემპბელის ნათქვამს ყველა, სტუმრებიცა და მასპინძელიც, ტაშისცემითა და მონონების შეძახილებით შეხვდა. ჯონათან ბრანმა მაშინვე გასცა ბრძანება, რომელზედაც მისი გამეფება იყო დამოკიდებული, და დასძინა:

- აი, ასეთი მშვიდობიანი ჯენტლმენია მისტერ კემპბელი და თანაც ლომივით მამაცი. ერთხელ, უინსტონ სტრიტიდან რომ მოდიოდა, მარტომ დაამარცხა შვიდი ყაჩაღი.

- მოუტყუებიხართ, ჩემო მეგობარო, - სულ ორად ორი ვაცი იყო და თანაც ისეთ მხდალები, რომ ნებისმიერი ინატრებდა მათთან შებრძოლებას.

- ნუთუ მართლა, ნუთუ ნამდვილად დაჯახნეთ მარტოდმარტომ ორი ყაჩაღი, სერ? - ჰკითხა მისტერ კემპბელს ჩემმა თანამგზავრმა და სკამიანად (უკაცრავად ჩემოდნიანად) მიჩოჩდა მისკენ.

- ნამდვილად, სერ. - მიუგო კემპბელმა, - მაგრამ ეს ისეთი დიდი ამბავი არ არის, რომ ქვეყანა შევყაროთ.

- გეფიცებით, სერ, ბედნიერად ვიგრძნობდი თავს, თქვენთან ერთად მგზავრობის სიამოვნება რომ მომანიჭოს ღმერთმა. მე ჩრდილოეთში მივემგზავრები, სერ!

პირველად იყო ჩემმა თანამგზავრმა თავისი მოგზაურობის გეზი გაუმხილა უცხო ადამიანს, მაგრამ შოტლანდიელმა მისი გულახდილობა არ დააფასა და ნდობაზე ნდობით არ უპასუხა.

- ჩვენ გაგვიჭირდება ერთად მგზავრობა, - მიუგო მისტერ კემპბელმა ცივად, - თქვენ, ბატონო ჩემო, ალბათ ვარგი ცხენი გყავთ, მე კი ამჯერად ფეხით ვაპირებ მგზავრობას. შეიძლება, შოტლანდიური პონით გადავწყვიტო წასვლა, მაგრამ საქმეს ესეც არ უშველის - პონიზე ამხედრებული ვაცი ბევრით ვერ გაასწრებს ქვეითს. - ეს რომ უთხრა, დაღეული ღვინის ანგარიში გაასწორა,

მერე კი დამატებითი ბოთლის საფასურიც დააგდო მაგიდაზე, წამოდგა და, როგორც შევატყვეთ, წასვლა დააპირა. ჩემი თანამგზავრი მივარდა, ღიღზე ჩაებლაუჭა და ერთ-ერთ ფანჯარასთან მიიყვანა. ჩემდაუნებურად ყური მივუგდე მათ საუბარს და მივხვდი, რომ რალაცას აძალებდა შოტლანდიელს, ალბათ ეხვეწებოდა ერთად ვიმგზავროთო, მისტერ კემპბელი კი, როგორც შევატყვე, უარს ეუბნებოდა.

- გზის ხარჯებს მე გადაგიხდით სერ, - ისეთ ტონით უთხრა მოგზაურმა შოტლანდიელს, რომ აშკარა იყო, ფიქრობდა, ამას თუ შევთავაზებ, მყისვე ყველა დამაბრკოლებელი მიზეზი მოისპობაო.

- ეგ ყოვლად შეუძლებელია, - ცოტა აგდებულად უპასუხა კემპბელმა, - როთბარიში ვარ წასასვლელი საქმეზე.

- ძალიან არ მეჩქარება. ცოტა გავიმრუდებ გზას. ერთი ორი დღე შემიძლია დავკარგო თქვენისთანა კარგი თანამგზავრისათვის.

სინდისს გეფიცებით, სერ, რომ არ შემიძლია გაგინოთ ეგ სამსახური, - მისტერ კემპბელმა თავი ამაყად ასწია და დასძინა: - მე ჩემს პირად საქმეზე მივემგზავრები და, თუ ჩემს კეთილ რჩევას დაუჭერებთ, სერ, შემდგომში ნურასოდეს გაიხდით თანამგზავრად სრულიად უცნობ ადამიანს და ნურც ნურასოდეს ამცნობთ თქვენს გზა-კვალს იმას, ვინც სულ არ გეკითხებათ, საით მიემგზავრებით!

შემდეგ მან საკმაოდ უხეშად გააშვებინა ხელიდან ღილი ჩემს თანამგზავრს, და რადგან სტუმრები უკვე აშლილიყვნენ და გადიოდნენ, მე მომართა:

- თქვენი, მეგობარი, სერ, მეტისმეტად გულახდილია. კაცი, რომელიც ასეთ საქმეს დაივალვებს, ცოტა უფრო ენა დაცული უნდა იყოს.

- ეგ ჯენტლმენი სულაც არ არის ჩემი მეგობარი, - მივუგე მე, - უბრალო ნაცნობია. გზაში გავიცანით ერთმანეთი, არც სახელი ვიცი მაგისი და არც ხელობა. როგორც ვატყობ, თქვენ უფრო გენდობათ ვიდრე მე.

- მე იმის თქმა მინდა, რომ ეგ კაცი ძალზე წინდაუხედავი: ჩამცივებია, ერთად ვიმგზავროთ და იმას კი აღარ კითხულობს, მინდა თუ არა.

- მაგ კაცმა თვითონ იცის თავი საქმე და ჩემს თავს უფლებას არ მივცემ ჩავერიო, - მივუგე მე.

მისტერ ვემპზბელმა ამაზე აღარაფერი მიპასუხა, მშვიდობით მგზავრობა მისურვა და წავიდა. უკვე დაღამდა და ხალხი დასაძინებლად გაიკრიფა.

მეორე დღეს ჩვენი გზები გაიყარა, რადგან ოსბალდისტონების მამული დასავლეთით მდებარეობდა და შარა გზიდან უნდა გადამეხვია.

დარწმუნებით ვერ გეტყვით, ეწყინა თუ ესიამოვნა ამ კაცს ჩემთან განშორება. უფრო ესიამოვნა, რადგან საკმაოდ საეჭვო პიროვნებად მივაჩნდი. მე კი, მართალი გითხრა, უკვე აღარ მართობდა მისი წრესგადასული სიმხდალე და განშორებამ გულზე სიამე მომფინა.

თავი V

რა სიხარულით მიფეთქავს გული,
როდესაც ვხედავ-რარეგად შვენის,
რომ მოირხევა ამაყი ნიშნა,
ვით სიდიადე კუნძულის ჩვენის.
ცხენს მოაგელვებს, მოფრინავს რაში,
არ ეპუება კლდეს და ღორღილებს,
გზას არ დაგიდევთ- ჩაკიდულს მთაში,
არც ტრამალებზე წაიფორხილებს.

„ნადირობა“

ვუახლოვდებოდი ჩრდილოეთს, რომელსაც უკვე მშობლიურ ჩრდილოეთს ვუნოდებდი და, რადგან ბუნების უსაზღვრო ტრფი-
ალი გახლდით, ეს თვალწარმტაცი პირველქმნილი მთა-ველი
გულს სიამითა და აღტაცებით მიჩქროლებდა. ახლა ჩემი თანამ-
გზავრის ყბედობა აღარ მაბეზრებდა თავს და თვალნათლივ ვხე-
დავდი, რომ მიდამო გადასხვაფერდა, რომ აქაურობა ადამიანის
თვალისა და გულის მოსაჭადოებლად შეექმნა ზენაარს. მდინა-
რეს აქ მართლა მდინარე ეთქმოდა, რადგან მდოვრედ კი არ მი-
იზღაზნებოდა ლელიანებსა და ტირიფის ჭანჭრობებში, არამედ
ხან სწრაფად მიიკვლევდა გზას დაბურულ ჭალებსა და ლატნა-
რებში, ხან ციცაბო კლდიდან გადმოემშვებოდა ზავითითა და ღრი-
ალით, ხან კი თითქოს შეანელებდა სრობოლას და ბარმაცად
აბუტბუტდებოდა, მაგრამ მაშინაც წამითაც არ ჩაიკეცავდა მუხ-

ლსა და შეუსვენებლად მიედინებოდა, ჰანია მყუდრო ხეობაში, დროდადრო რომ გამოჩნდებოდა გზის ხან ერთ, ხან მეორე მხარეს და დაჟინებით უხმობდა მგზავრს - მოდი, მესტუმრე ჩემი საიდუმლო უნდა გაგიმხილოო! ჩემ წინ ჩივოტის ზვიადი მთები აღმართულიყო. ისინი სხვა მაღალი მწვერვალებით ვერ მოიწონებდნენ თავს ცაში აზიდული მწვერვალებითა და ციცაბო კლდეებით, მაგრამ მაინც წარუშლელ შთაბეჭდილებას ტოვებდნენ მნახველზე გაშილილ მხრებზე წამოსხმული მუქი წითელი მანტიითა და კუშტი და მიუკარებელი მზერით. ყველაფრიდან ჩანდა, რომ უკაცრიელსა და თავისებურ მხარეში მოვხვდი.

ჩემს მამა-პაპათ სწორედ ამ მთების ერთ-ერთ ვიწრო ხეობაში, პატარა ტაფობზე გაეჩინათ სამკვიდრო და საცხოვრებელი. ოსბალდისტონების გვარის ვრცელი მამულიდან ახლა მცირე ნაწილი იყო დარჩენილი. უმეტესობა მტრებმა წაგვგლიჯეს ან ჩემმა უხეირო წინაპრებმა გაანიავეს, მაგრამ ბიძაჩემს მაინც იმდენი დახვედროდა, ამ მხარეში მდიდარ მემამულედ თვლიდნენ. თუმცა, როგორც გზაზე გაცნობილმა ხალხმა მიაბმო, დიდად არც ის უფრთხილდებოდა თავის ქონებას და გულუხვად უმასპინძლდებოდა მეზობლებსა და გამვლელ - გამომვლელთ. ბიძაჩემი ნამდვილი ჩრდილოეთელი მემამულე გახლდათ და ვერც კი წარმომედგინა, რომ მისი გვარისა და წოდების ადამიანს შეეძლო ხელმომჭირნედ ეცხოვრა. გორაკიდან უკვე ბუნდოვნად მოჩანდა ოსბალდისტონ-ჰოლი - უზარმაზარი ძველებური ნაგებობა, რომელიც ჯმუხი დრუიდული მუხების კორომში იყო ჩადგმული. მე პირდაპირ მისკენ მეჭირა გები და რამდენადაც ოკრობოკრო გზა მაძლევდა საშუალებას, ცხენს ვაჩქარებდი. უცებ ჩემმა დაღლილმა ცხენმა ყურები ცქვიტა და სმენად იქცა, შორიახლოს გაისმა მძებარი ძაღლების ხროვის ყეფა და წკმუტუნი. დროდადრო ფრანგული ბუკის მხიარული ხმაც ისმოდა(იმ ხანებში ფრანგული ბუკი ნადირობის აუცილებელი კომპონენტი იყო). ვიფიქრე, ნამ-

ღვილად ბიძაჩემის ძაღლებია-მეთქი და სადავე მოვზიდე, რომ მონადირეებს არ დავენახე - არ მინდოდა, აქ, შუა მინდორში, გამეცნო ჩემი მონადირე ბიძა და გადავწყვიტე, როცა ჩაივლიან, ჩემი გზით წავალ და ოსბალდისტონ-ჰოლში დაველოდები მის დაბრუნებას-მეთქი. ეს სოფლური გასართობი ყველას იტაცებს და, თუმცა იმ ხანებში ჩემი გონება სულ სხვაგან ქროდა, ცხენი შემალღებულ ადგილას გავაჩერე და მოუთმენლად დავუწყე ლოდინი მონადირეებს.

წვრილიანიდან, რომელიც ხეობის მარჯვენა მხარეს მიუყვებოდა, გამოჩნდა სირბილისაგან გასავათებული მელია. კუდი ძირს ჰქონდა დაშვებული, ბენვი ერთიანად ამოთხვროდა მტვერსა და ტალახში და ისე იყო დაღლილი, რომ ძლივსღა მილასლასებდა. აშკარა იყო, რომ მისი აღსასრულის უამი დამდგარიყო. თავზე შავი ყორანი დასტრიალებდა და ალბათ უკვე თავის ნადავლად მიაჩნდა საწყალი მელაკუდა. დევნილმა მელიამ ის იყო ნაკადული გადაცურა და ხევის მარცხენა ფლატეს შეუდგა, რომ წვრილიანიდან ახლა რამდენიმე ძაღლი გამოვარდა. დანინაურებულთ ხმამალალი ყეფით მოჰყვებოდა მთელი ხროვა ძაღლებისა. ცოტა ხნის შემდეგ კურძალი და სამი თუ ოთხი მხედარი გამოჩნდა. ძაღლები წამით არა ჰკარგავდნენ კვალს, მხედრები კი უგზობას არაფრად აგდებდნენ და ფეხდაფეხ მისდევდნენ ძაღლების ხროვას. მხედრები წარმოსადეგი, ბრგე ჭაბუკები იყვნენ. ტანთ წითლით განყობილი მწვანე მუნდირები ეცვათ. ეს იმ მონადირეთა საზოგადოებრივი ფორმა გახლდათ, რომელსაც დიდად პატივცემული ჰილდებრანდ ოსბალდისტონი უწევდა მესვეურობას. ნამდვილად ჩემი ბიძაშვილები არიან-მეთქი გავიფიქრე, როცა გვერდით ჩამიქროლეს, და იმავე წამს კითხვა დავუსვი საკუთარ თავს: „ნეტავ როგორ მიმიღებენ ნებროთის[84] ღირსეული შთამომავლები? მე ხომ სულ გაუნაფავი ვარ ამნაირ გასართობებში! ვპოვებ კი ბიძაჩემის ოჯახში სიმშვიდესა და ბედნიერე-

ბას?!“ ეს ფიქრები მოულოდნელად გამოჩენილმა ჩვენებამ შე-
მანყვეტინა!

ჩვენება ცხენზე ამხედრებული ახალგაზრდა ლედი აღმოჩნდა. მონადირული გატაცება და თავშეუკავებელი ნავარდი ეშხსა და მიმზიდველობას მატებდა მის მწყაზარ სახეს. ცხენიც საუცხოო ჰყავდა, კუპრივით შავი, ოღონდ პირზე თოვლივით თეთრი ქათვი მოსდგომოდა და ტანიც ქათვით დანინკვლოდა აქა-იქ. ლედის ამ დროისათვის უჩვეულო მამაკაცური თარგის ტალავერი ემოსა, ახლა რომ ამორძალთა კაბას უწოდებენ, ისეთი. ასეთ კაბები ჩემი საფრანგეთში ყოფნის დროს შემოსულიყო ინგლისში და ახლა პირველად ვხედავდი. ჭენებისას თავზე ბათთა მოსძრობოდა და გრძელ შავ თმას ქარი უწუნავდა.

ნიადაგი ოღრო-ჩოღრო და ნარვალის იყო. ქალიშვილს სადა-ვე მოეზიდა და შესაშური საზრიანობით მართავდა ცხენს. რომ გამისწორდა, რალაცას მოარიდა ცხენი და უფრო ახლოს ჩამი-არა, ვიდრე სხვა მხედრებმა. ამან შესაძლებლობა მომცა უფრო ვარგად შემეთვალიერებინა მისი ნატიფი სახე და გარეგნობა, რომელთაც კიდევ უფრო ამშვენებდა ეს მხიარული სანახაობა, უცნაური ტანსაცმელი და თავად ეს მოულოდნელი შეხვედრა. ჩემ იქით, ცოტაზე სწორი გზა იყო და მხედარმა ის იყო სადავე მიუშ-ვა, რომ ცხენმა ფეხი წამოკრა რალაცას. მე საბაბი მომეცა და სულ ახლოს მივედი, რომ დავხმარებოდი, მაგრამ ქალიშვილს ჩემი შველა აღარ დასჭირდა: ცხენს არც კი ნაუფორხილეზია და კიდევ რომ წაუფორხილეზია, დარწმუნებული ვარ, მშვენიერი ამორძალი არ დაიბნეოდა. მან მაინც ღიმილით დამაჭილდოვა კეთილი განზრახვისათვის და ამან ისე გამამხნევა, უკან დავედევ-ნე და შევეცადე, დავწეოდი. უცებ ხმამაღალმა შეძახილებმა „ეჰეი, მოვკალით, მოვკალით“ და ბუკის მხიარულმა ხმამ გვამ-ცნო, რომ დევნა დამთავრებულიყო. აჩქარება აღარ იყო საჭირო. იმ ახალგაზრდებიდან, ახლახანს რომ ჩამიქროლეს, ერთ-ერთი

გვიახლოვდებოდა და ამაყად მოიქნევდა მელიის კუდს. აშკარად ჩემი მშვენიერი თანამგზავრის გახელებას ლამობდა.

- ჰო, ვხედავ, ვხედავ, - უთხრა ქალიშვილმა იღბლიან მონადირეს, - ძალიანაც ნუ გაყოყოჩდებით, აი, ფეხებს (მან კისერზე ხელი მოუთათუნა თავის მერანს) ღრანტებში რომ არ შევეყვანე, ბევრი არაფერი გექნებოდათ სატრაბახო.

ამ ლაპარაკში ისინი ერთურთს მიუახლოვდნენ და ხმადაბლა დაიწყეს საუბარი. შევნიშნე, რომ ერთი-ორჯერ ჩემკენ გამოიხედეს. ახალგაზრდა ლედი დაჟინებით აძალებდა რაღაცას, მონადირე კი პირქუშად აქნევდა თავს უარის ნიშნად. ქალიშვილმა ცხენი ჩემკენ შემოატრიალა და ჩაილაპარაკა:

- კეთილი, თორნი, თუ შენ არ გინდა, მე უნდა გავაკეთო. მორჩა და გათავდა. სერ, - მომმართა ახლა მე, - ძალიან ვეცადე დამეყოლებინა ეს დახვეწილი ახალგაზრდა ჯენტლმენი, ეკითხა თქვენთვის, ამ მხარეში მოგზაურობისას ხომ არაფერი გაგიგონიათ ჩვენს ერთ-ერთ მეგობარზე, ვინმე მისტერ ფრენსის ოსბალდისტონზე, რომელსაც დღე-დღეზე ველოდებით ოსბალდისტონ-ჰოლში.

მე დიდი კმაყოფილებით ვაღიარე, რომ სწორედ ის ვიყავი, ვისაც ელოდებოდნენ და ახალგაზრდა ლედის მადლობა გადავუხადე ჩემი ამბის კითხვისათვის.

- რადგან ასეა საქმე, სერ, - მომმართა ქალიშვილმა, - და რადგან ჩემი ნათესავის თავაზიანობა ჯერ კიდევ ძილ-ბურანშია, ნება მიბოძეთ საყოველთაოდ მიღებული წესი დავარღვიო და ცერემონიესტერის მოვალეობა ვიკისრო, რათა წარმოგიდგინოთ თქვენი ბიძაშვილი, ახალგაზრდა სკვაირი თორნკლიფ ოსბალდისტონი და დი ვერნონი, რომელსაც აქვს პატივი ითვლებოდეს თქვენი უბადლო ბიძაშვილის ღარიბ ნათესავად.

მის ვერნონის ვილოში ერთდროულად სითამამეც იგრძნობოდა, ირონიაც და უშუალობაც. მე საკმარისად ვიცნობდი მაღალ

საზოგადოებას და შევძელი იმავე კილოთი გადამეხადა მადლობა მის ვერნონისათვის, იმისთვის რომ მან ეს ოდენ მონყალებდ გამოიჩინა ყურადღება ჩემ მიმართ და გამომეხატა უსაზღვრო სიხარული ნათესავებთან შეხვედრის გამო. თორწკლიფი ნამდვილი სოფლელი გაგრია ჩანდა - მოუხეშავი, მორცხვი და ბუტუსურა, ამიტომ, მართალი გითხრა, ფრაზა ისე დავალაგე ქალიშვილი ადვილად მიხვდებოდა, მადლობასაც მე მიხდის და სწორედ ჩემთან შეხვედრამ მიანიჭა ეგზომ დიდი სიამოვნებაო. თორწკლიფმა იმდენი მაინც მოახერხა, რომ ხელი ჩამომართვა და მაშინვე გამოთქვა სურვილი დავეტოვებინეთ, რათა კურძალებსა და ძმებს მიშველებოდა ძაღლების შექუჩებაში. ამით, მეგონი, ბოდიში კი არ მომიხადა, არამედ მის ვერნონას ამცნო საით აპირებდა წასვლას.

- წავიდა, - ჩაილაპარაკა ქალიშვილმა და დამცინავი მზერა გააყოლა მხედარს, - წავიდა მეჭინიბეთა და მერემეთა ხელმწიფე, მამლების ბრძოლის განმგებელი. თუმცა არცერთი ძმა არ უქნია ღმერთს. მარკჰემი წაკითხული გაქვთ ?

- ვინაო ქალბატონო? მე მგონი, არც გამიგონია მაგ ავტორის სახელი.

- ღმერთო ჩემო! არც კი იცით, რა უდაბურ კუნძულზე გამოგრიყათ ზღვის ღელვამ! ო, უბედურო, უმეცარო ყარიბო, ნუთუ ალყორანსაც არ იცნობთ, იმ ველური ტომისა, რომელთანაც უნდა იცხოვროთ. ნუთუ არასოდეს გაგიგონიათ მარკჰემის, ბეთალობის უბრწყინვალესი სახელმძღვანელოს ავტორის სახელი?! თუ ასეა, უფრო ახალი ავტორების, გიბსონის და ბასტლელის სახელებიც არ გექნებათ გაგონილი.

- მართლაც არ გამიგონია, მის ვერნონ.

- მერედა, სულ არ გრცხვენიათ? როგორც ვატყობ, უნდა მოგიკვეთოთ. მე მგონი, ვერც იმას მოახერხებთ, რომ ავადმყოფ

ცხოველს წამალი დააღვინოთ ან ცხენს ჩლიქები შემოუსწოროთ.

- ვაღიარებ, ამ საქმეს ჩემს მეჭინიბეს ან მსახურს ვანდობ ხოლმე.

- მიუტევებელი დაუდევრობაა! ნუთუ არც ცხენის დაჭედვა იცით, ფაფრისა და კუდის შეჭრასაც სხვას ანდობთ ხოლმე? თქვენს ძაღლს ვინღა მკურნალობს, როცა ჭია უჩნდება? ყურებს ვინ აჭრის, ზედმეტ თითს ვინ კვეთავს? ქორს ვინ გინრთვინით? ოყნას ვინ უკეთებს, ვინ აჭმევს ან...

- ძალიან რომ არ შეებზრდეთ ჩემი გამოკითხვით, ბარემ პირდაპირ მოგახსენებთ: ამ სოფლური გასართობებისა სულ არაფერი გამეგება.

- მაშინ ღვთის გულისათვის, ის მაინც მითხარით, მისტერ ფრენსის ოსბალდისტონ, რაღა გაგეგებათ, რისი გაკეთება შეგიძლიათ?

- მაგ საქმეში თითქმის მთლად ხამი ვარ, მის ვერნონ. ისე რაღაცას მოვახერხებ. მაგალითად, თუ მეჭინიბე ცხენს შემიკაზმავს, შევკვდებიდა, თუ ქორი ცერზე მიზის და მწყერი აფრინდება, მივუტევ.

- მაგდენს კი მოახერხებთ? - გაიოცა ქალიშვილმა და ცხენს სადავე მიუშვა. ბილიკი ბუჩქების ღობემ გადაგვიჭრა. ღობის მორებისაგან შეკრული ჭიშკარი ჰქონდა დატანებული, დავაპირე, დავნიანურებუიყავი და ჭიშკარი გამელო, მაგრამ მის ვერნონმა გამასწრო და ცხენი ლამაზად გადაახტუნა ჭიშკარზე. გადავწყვიტე თავი არ შემერცხვინა და მეც მის მაგალითს მივბაძე. წამიც და, კვლავ გვერდიგვერდ მივაჭენებდით ცხენებს. - მთლად წასული არ ყოფილა თქვენი საქმე, - გამამხნევა მის ვერნონმა, - მე მთლად გადაგვარებული მეგონეთ. მითხარით, თუ ღმერთი გწამთ, რა ქარმა გადმოგავდოთ ამ „დათვების ბუნაგში“ - მეზობლები ასე უწოდებენ, ამ ჩვენს მონადირულ დარბაზს - თქვენი ნე-

ბა რომ ყოფილიყო, ალბათ, სათოფეზეც არ გაეკარებოდით აქაურობას, არა?

მე უკვე ჩემს მეგობრად ვთვლიდი ესოდენ მოულოდნელად გამოჩენილ მშვენიერ მოჩვენებას და ამიტომ თითქმის ჩურჩულით მივუგე:

- ჩემო ძვირფასო მის ვერნონ, თუ ამ ციხე-დარბაზის მცხოვრებლები მართლაც ისეთები არიან, როგორც თქვენ ამინერეთ, მე ნამდვილად ჯოჯობეთად მივიჩნევდი აქ ცხოვრებას, მაგრამ დარწმუნებული ვარ, მათ შორის ერთი ისეთი პიროვნებაა, რომელიც თავისი ღირსებით გადასწონის ყველა დანარჩენის ნაკლოვანებებს.

- ო, თქვენ რეშლის გულისხმობთ, არა? - მკითხა მის ვერნონმა.

- სრულიადაც არა. მომიტევეთ, მაგრამ მე იმ პიროვნებას ვგულისხმობ, რომელიც ამჟამად მაგ რეშლიზე გაცილებით ახლოსა არის ჩემთან.

- შესაძლებელია, ჯობდა, თავი ისე დამეჭირა, ვითომ ქათინაურს ვერ მიგიხვდით, მაგრამ მე დამალობანა არ მიყვარს. რევერანსს ვერ გაგიკეთებთ ცხენზე ვზივარ. ისე კი არ შემცდარხართ. თუ რეშლისა და მოხუცებულ მღვდელს არ მივიღებთ მხედველობაში, მე ერთადერთი პიროვნება ვარ მთელ ციხე-დარბაზში ვისთანაც შეიძლება ვაცმა ისაუბროს.

- ღვთის გულისათვით, მიბრძანეთ, ვინა არის რეშლი?

- რეშლი ისეთი ადამიანია, რომელიც ცდილობს ყველას მოაწონოს თავი და ყველას გული მოიგოს. იგი სერ ჰილდებრანდის უმცროსი ვაჟიშვილია - თქვენი კბილა იქნება, მაგრამ თქვენსავით... ერთი სიტყვით, ლამაზი არ ეთქმის, მაგრამ ბუნებამ ცოტაოდენი გონებით დააჭილდოვა, მღვდელმა კი მთელი ბუშელი ცოდნით ამოუვსო გონება. ჩვენში, სადაც ჭკვიანი ხალხი სანთლით არის საძებარი, რეშლი ძალიან ჭკვიან კაცად ითვლება.

მღვდლად უპირებენ აღკვეცას, მაგრამ თვითონ მაინც და მაინც არ ჩქარობს.

- კათოლიკურ ეკლესიაში უნდა აღიკვეცოს?

- რა თქმა უნდა! სხვა ეკლესიაში რა უნდა? თუმცა, სულ დამავინწყდა: თქვენზე ამბობენ ერეტიკოსიაო. მართლა ასეა, მისტერ ოსბალდისტონ?

- დიახ, არ ძალმიძს უარყო ეგ ბრალდება!

- და მაინც, სწორედ კათოლიკურ ქვეყანაში გიცხოვრიათ უცხოეთში ყოფნის დროს.

- მართალია, ოთხი წელი ვიცხოვრე კათოლიკურ ქვეყანაში. მონასტრებში თუ დადიოდით?

- ძალიან ხშირად, მაგრამ ისეთი თითქმის არაფერი მინახავს, კათოლიკური ეკლესია რომ შეეყვარებინა ჩემთვის!

- ნუთუ მონასტრის ბინადართ ბედნიერად არ მიაჩნიათ თავი?

- ზოგს ნამდვილად ბედნიერად მიაჩნიათ თავი. ისინი ან ჭეშმარიტმა რწმენამ მიიყვანა მონასტერში, ან საერო ცხოვრების დროს გადატანლმა გაჭირვებამ და უბედურებამ, ან თან დაყოლილმა უნიათობამ და უნდილობამ. ისინი კი, ვინც ცხოვრებას წამიერი აღტკინების, ან იმედგაცრუების დროს განუდგა, ფრიად საცოდავები არიან. ცხოვრებისეული ვნებები კვლავ დაეუფლება ხოლმე მათ სულსა და გონებას და მაშინ გალიაში ჩასმული მხეცებივით ესწრაფვიან თავისუფლებას. ზოგი მათგანი ბედს ურიგდება და ოცნებათა ზღვაში იძირება, ან ისე სივდება, რომ ძლივსლა ეტევა თავის ვიწრო სენაკში.

- იმ საცოდავებს რაღა ემართებათ, სხვისი ნება-სურვილით რომ გამოკეტავენ ხოლმე მონასტერში? - მკითხა მის ვერნონმა. - ისინი როგორღა გამოიყურებიან? განსაკუთრებით ისინი მაინტერესებს, რომლებიც ამქვეყნიური სიტკბოების საგემებლად არიან დაბადებულნი.

- ისინი დატყვევებულ ბუღბუღს ჰგვანან, - მივუგე მე, - სამუდამო პატიმრობისათვის არიან განწირულნი და იქაც, პატიმრობაშიც ბუნების მიერ ნაბოძებ ღირსებათა დახვეწას და სრულქმნას ცდილობენ, ღირსებათა, რომელთაც მთელი საზოგადოების მშვენებად და სამკაულად ეწერა ქცევა, მათ მფლობელები სენაკებში რომ არ გამოემწყვდიათ.

- მე კი უფრო მოუშინაურებელ შავარდენს დავემსგავსები, - დაინყო მის ვერნონმა და მაშინვე შეასწორა, - დავემსგავსები, კი არა დავემსგავსებოდი შავარდენს, ზეცაში შენავარდებას რომ ნატრობს და იქამდე აწყდება გალიის მავთულებს, სანამ სისხლიდან არ დაიცლება. ახლა კი, - განაგრძო მან უფრო ხალისიანად, - რეშლის მივუბრუნდეთ: თქვენ რეშლი ძალიან მოგეწონებათ და იტყვით, ამისთანა სასიამოვნო ადამიანს ჩემს დღეში არ შევხვედრივარო. ამ აზრს, სულ ცოტა ერთი კვირა მაინც არ შეიცვლით. ბრმა ქალიშვილი რომ ნახოს, დარწმუნებული ვარ, სულ ადვილად მოხიბლავს და დაიმორჩილებს, მაგრამ თვალი მყისვე აქარწყლებს ხიბლსა და ცდუნებას. აი უკვე შევდივართ ჩვენი ძველებური ციხე-დარბაზის ეზოში. დააკვირდით და მიხვდებით, რომ ეს ციხე-დარბაზი ისეთივე კუშტი და გულმიუსვლელია, როგორც მისი ბინადარნი. უნდა მოგახსენოთ, რომ ოსბალდისტონ-ჰოლში ჩაცმა-დახურვას მაინცდამაინც დიდ ყურადღებას არ აქცევენ, მაგრამ ამ ტანსაცმელში ძალიან დამცხა და მინდა გამოვიცვალო. ამ ქუდმაც მომიჭირა, მოვიხდი. - ქალიშვილმა შლიაპა მოიხადა, ჩამოშლილი გიშერივით შავი კულულები თოვლივით თეთრი ჩამოქნილი თითებით გადაიყარა უკან და ლამაზი სახე და გონიერი თათლისფერი თალები გამოიჩინა. თმას რომ ისწორებდა, ოდნავ დაიმორცხვა და ცოტა წაიკვეკლუცა კიდევ, მაგრამ ერთიცა და მეორეც სიცილითა და ნაძალადევი სითამამით დაფარა. თავი ველარ შევიკავე და ვუთხარი, თუ ამ ოჯახში ყველა იმ პიროვნებას ჰგავს, ვისი გაცნობის ბედნიერება დღეს მომეცა, ნამ-

დვილად სწორად იქცევიან, რომ ჩაცმა-დახურვაზე არ ზრუნავენ-მეთქი.

- მადლობელი ვარ თავაზიანობისათვის, თუმცა, ალბათ, ისე უნდა დამეჭირა თავი, თითქოს თქვენი ნათქვამის აზრს ვერ მივხვდი, - მიპასუხა მის ვერნონმა, - ისე კი, როცა იმ ორსონებს[85] ნახავთ, რომელთა შორისაც უნდა იცხოვროთ, მიხვდებით, თუ რატომ არ აქცევენ ყურადღებას თავიანთ ტუალეტს - მათ ხომ საუკეთესო ტანსაცმელიც ვერ უშვების. როგორც უკვე მოგახსენეთ, საცაა ის ძველთა-ძველი ზარი დარეკავს, რომ სადილობის უამი გვაუწყოს, თუმცა დარეკავს კი არა დაიჟღერიალებს, რადგან თავისით გაიბზარა იმ დღეს, როცა უილი[86] მოადგა ინგლისის ნაპირს და ბიძაჩემი ისე აფასებს ამ ზარის წინასწარმეტყველურ ნიჭს, არავის მისცემს მისი შეკეთების უფლებას. მოდი, მორჩილი რაინდის როლი გაითამაშეთ: სულ ცოტა ხნით დამიჭირეთ ეს ტაიტი, მე კი წავალ, ვინმე თქვენზე დაბალი წარმოშობის სკვაირს გამოვგზავნი და ამ კირთებისაგან გაგათავისუფლებთ.

მის ვერნონმა ისე მომიგდო სადავე, თითქოს ბავშვობის მეგობარი ვყოფილიყავი, ჩამოქვეითდა, ეზო გადაირბინა და რომელიღაცა კარებში გაუჩინარდა. მე კი ისე დამატყვევა მისმა სილამაზემ და უბრალოებამ, რომ კარგა ხანს გონს ვერ მოვედი. განსაკუთრებით მისი ქცევა მეუცნაურა, რადგან იმ დროს ზრდილობის წესებში დიდი ლუი XIV კარს ბაძავდნენ და მშვენიერი სქესის წარმომადგენლებს ამ წესების სულ უმნიშვნელო დარღვევასაც არ აპატიებდნენ.

მე საკმაოდ უხერხულ მდგომარეობაში აღმოვჩნდი: ვიდექი ამ ძველებური ციხე-დარბაზის შუა ეზოში, ჩემს ცხენზე ამხედრებული, მეორე ცხენი სადავით მეჭირა და აღარ ვიცოდი რა მექნა. შენობის დათვალიერების არც სურვილი მქონდა და არც ღირდა დასათვალიერებად. ოთხივე ფასადი სხვადასხვა არქიტექტურული სტილით იყო ნაგები, ოთხივეს სხვადასხვანაირი ფანჯრები

და ლავარდანები ჰქონდა. ნახევარგოდოლებითა და მასიური არქიტრავებით მონასტერს თუ ოქსფორდის რომელიმე ძველებურ კოლეჯს მოგაგონებდათ.

მსახურს ვუხმე, მაგრამ კარგა ხანი არავინ მომხედა. ამან ძალიან გამანანყენა, რადგან ვხედავდი, რომ მსახურებიც და მოახლე ქალებიც გაფაციცებული იჭვრიტებოდნენ ფანჯრებიდან. ისინი ხან ერთი ფანჯრიდან გამოჰყოფდნენ თავს, ხან მეორედან და მაშინვე, სანამ მოვასწრებდი რამე მეთქვა, კურდღლებივით მოფეარებოდნენ თვალს. ბოლოს კურძალები დაბრუნდნენ თავიანთი ძაღლებითურთ და როგორც იქნა დავითანხმე ერთი ვირგლა, ცხენები ჩემოერთმია ჩემთვის. შემდეგ მეორე ბრიყვი ნავიძძღვარე წინ, რომ სერ ჰილდებრანდთან მივეყვანე. იგი ისე უხერხულად გამიძღვა, თითქოს მტრის მზვერავი ვყოფილიყავი და მათ ბანაკში მისასვლელი გზების ჩვენებას ვაიძულებდი. ვიგრძენი, რომ მეც ფხიზლად უნდა ვყოფილიყავი თორემ გამეჰარებოდა და ამ დაბალ თაღოვან ლაბირინთში ვერაფრით ვეღარ გავიკვლევდი იმ ქვის დარბაზის გზას, სადაც ბიძაჩემის მონყალე მზერას უნდა წარმსდგომოდი.

ბოლოს მაინც მშვიდობით მივალწიეთ უზარმაზარ დარბაზს, რომელსაც იატაკიცა და თაღოვანი ჭერიც ქვისა ჰქონდა. დარბაზში მუხის მძიმე მაგიდები იდგა, ისეთი მძიმე, რომ რამდენიმე კაცი ვერ დაძრავდა ადგილიდან. მაგიდებზე უკვე სუფრა გადაფარებინათ. ეს ძველთაძველი დარბაზი ოსბალდისტონთა რამდენიმე თაობის ღრეობის მოწმე და მათი მონადირული სიჩაუქის დამადასტურებელი გახლდათ. კედლების გაყოლებაზე ირმის ვეება რქები მოჩანდა, ალბათ იმდროინდელი, ბალადა, „ნადირობა ჩივოტის მთებში[87]“ რომ დაიწერა. თაროებიდან მაჩვენების, ნავების, კვერნების და სხვა ცხოველების ფიტულები იმზირებოდნენ. ძველებური, ალბათ შოტლანდიელებთან ომში დახარჯული, ხმლების, ხანჯლების და აბჯარ-მუზარადების გარდა, კედლებზე

მრავლად ეკიდა თანამედროვე, ნადირთა და ფრინველთა შემ-
მუსვრელ ომში სახმარი იარაღი: კონდახიანი მშვილდები, სხვა-
დასხვა სისტემისა და კონსტრუქციის თოფები, ბადეები, ანკვსები,
ბარჯები, შურდულები და ნადირისა და ფრინველის მოსაკლავი
და დასაჭერი ათასნაირი იარაღი და მოწყობილობა. კედლებზე
რამდენიმე ძველი პორტრეტიც შევნიშნე, ბოლისაგან ჩამავებუ-
ლი და ლუდით დანინკვლული. პორტრეტებიდან ოდესღაც დი-
დად პატივცემული, გამოჩენილი ქალბატონები და რაინდები იმ-
ბირებოდნენ. უზარმაზარ პარიკიანი წვეროსანი რაინდები იბღვი-
რებოდნენ, ქალბატონებს კი პინკად ეჭირათ ხელში ვარდი და
ცდილობდნენ ნაზი ღიმილი გამოეხატათ სახეზე.

ის იყო, იქაურობის დათვალიერება დავამთავრე, რომ დარ-
ბაზში ისეთი ყვირილითა და ხორხორციტ შემოვარდა თორმე-
ტიოდე ლურჯლივრეიანი ფარეში. იმის მაგივრად, რომ თავ-თა-
ვიანთი საქმე გაეკეთებინათ, ერთმანეთს არიგებდნენ ჭკუას და
ყოველი მათგანი ცდილობდა უფროსობა დაეჩემებინა. ზოგი შე-
შას უმატებდა ბუხარს, რომელიც ბრიალებდა და ალის ენებსა და
კვამლის ბოლქვებს იტაცებდა ზევით(ამ ბუხარს ისეთი უზარმაზა-
რი თაღი ჰქონდა, რომ ქვემ ქვის გრძელი მერხიც ეტეოდა. ბუხ-
რის თავზე ტლანქი ფიგურები ამოეკვეთა ვილაც ნორთუმბერ-
ლენდელ ხელოსანს. წითელი ქვიშა-ქვისაგან გამოკვეთილი უც-
ნაური დაგრეხილი ჰერალდიკური ურჩხულები საუკუნეთა ბოლს
ჩაეშავებინა). ზოგ ფარეშს ლანგრით შემოჰქონდა ოხშივარადე-
ნილი მსუყე კერძები, ზოგი ჭიქებს, სურებს და ბოთლებს ეზიდე-
ბოდა. მერე სასმელებით სავსე კასრიც შემოიტანეს. ფარეშები
ერთმანეთს ეჯახებოდნენ, ფორხილობდნენ, აქეთ-იქეთ აწყდე-
ბოდნენ და ცდილობდნენ, რაც შეიძლება მეტი ეხმაურათ და ნაკ-
ლები ემუშავათ. ბოლოს, როცა დიდი წვალეებითა და ჭახირით
სუფრა გააწყვეს, „ძაღლთა ღავლაჲმა ხმამაღალმა, კაცთა ღრი-
ანცელმა“, შოლტების ტკაცუნმა და ისეთმა მძიმე ნაბიჯებმა, რომ

გეგონებოდათ Festin de pirre[88]-ში აღწერილი ქანდაკება მო-
დისო, მამცნო იმათი მოახლოება, ვისი გულისთვისაც ამდენი ჯა-
ფა იქნა განუელი. მსახურები, იმის მაგივრად რომ მიუყჩებულები-
ვნენ, უფრო აჩოჩოლდნენ. ზოგი აჩქარებდა თავის ამხანაგებს,
ზოგი პირიქით, ჯაჯლანებდა, ნუ დარბიხართ ფეხებში მებლანდე-
ბითო. ერთნი გაჰყვიროდნენ, გაიწიეთ, სერ ჰილდებრანდისა და
ახალგაზრდა სკვაირებს ადგილი მოუცალეთო, მეორენი მაგიდას
შემოსჯარვოდნენ და ფეხის მოცვლას არ აპირებდნენ. ერთი რომ
იმ კარს გააღებდა, რომელიც დარბაზსა და შავი პანელებით გან-
ყობილ ოთახს აერთებდა, მეორე ეცემოდა და მიხურავდა. ბო-
ლოს კარი ფართოდ გაიღო და დარბაზში ძაღლები და ადამია-
ნები შემოცვივდნენ: რვა ძაღლი, შინაური მღვდელი, სოფლის
ეჭიმი, ჩემი ექვსი ბიძაშვილი და ბიძაჩემი.

თავი VI

მოდიან ზავით, მოდიან ძლევით, რეკს დედაზარი - ზართა ბატონი, გრგვინავს დარბაზი, ზანზარებს ჭერი და ირხევიან საგუმბათონი. ათასფერადი ბრწყინავს სამოსი, კრთის მუზარადი, ელავს საისრე, მოაქვთ სიმტკიცე, ამპარტავნობა, სიამაყე და სიდარბაისლე.

პენროზი.[89]

დარწმუნებული ვარ, სერ ჰილდებრანდ ოსბალდისტონს კარგა ხანი იყო შეატყობინეს ძმისწულის ჩამოსვლა, მაგრამ ჯერ ფრიად მნიშვნელოვანი საქმეები ჰქონდა მოსაგვარებელი და მაშინვე ვერ გამოეშურა მოსასალმებლად.

- კეთილი იყოს შენი მობრძანება ყმანვილო ოსბალდისტონ-ჰოლში. აქამდე ამოვიდოდი მაგრამ ვერ მოვიცალე - ძაღლებს აბანავებდნენ და თვალი ხომ უნდა დამეჭირა,- მითხრა ბიძაჩემმა, როცა მაგრად ჩამომართვა ხელი. - ძალიან მესიამოვნა შენი ნახვა. აი, ეს პერსია, შენი ბიძაშვილი, ეს შენი ბიძაშვილი თორნი, ესენი შენი ბიძაშვილები ჯონი, დიკი და უილფრედი, ეს... მოიცა, რეშლი სადღაა, აი ისიც. განიე ეგ აყლაყუდა ტანი, თორნი, და შენი ძმა დაგვანახე. ესეც შენი ბიძაშვილი, რეშლი. მაშ, მამაშენმა ბოლოს და ბოლოს გაიხსენა ეს ძველი ციხე-დარბაზი და მოხუცი სერ ჰილდებრანდი, არა ? მაინც კარგია, სჯობს გვიან, ვიდრე არასდროს. შენი დანახვა კი ნამდვილად გამიხარდა, ყმანვილო, მორჩა და გათავდა. ჩემი პატარა დი რაღა იქნა? აი, ისიც მოდის!

ეს ჩემი ცოლის ძმის შვილი და ყველაზე ლამაზი ქალიშვილია ჩვენს მხარეში, ამისთანა აქ არავინ არის. ახლა კი მოდით სუკებს მოვუღებინოთ.

ჩემო ძვირფასო ტრეშამ, თუ გსურს უფრო ვარგად გაიცნო ამ მონოლოგის ავტორი, უნდა წარმოიდგინო ასე სამოციოდე წლის, სანადირო სამოსში გამონწყობილი მამაკაცი. ჩანდა, რომ ამ სამოსს ოდესღაც მდიდრული ოქრომკვერდი ამშვენებდა, მაგრამ შემდგომში, მრავალი ნოემბრის და დეკემბრის ქარისა და წვიმის მცდელობითა და გულმოდგინებით, მთლად დაკარგვოდა ძველებური პენი და მოხდენილობა. სერ ჰილდებრანდი ახლა მეტად მოუქნელი და როყიო ჩანდა. მაგრამ თავის დროზე სასახლეშიც იყო ნაცხოვრები და მეფესაც რამდენიმეჯერ ახლდა სალაშქროდ. რევოლუციის წინ იგი ოფიცრის ჩინით მსახურობდა ჰაუნსლოუ-ჰითთან დაბანაკებულ ჯარში და იქვე, ალბათ თავისი კათოლიკური რწმენის წყალობით, მიიღო რაინდის წოდება მუხანათი მრჩევლებით გარშემორტყმული ჯეიმს მეორესაგან. შესაძლებელია, ეს რაინდი შემდგომ წარმატებებსა და წინსვლაზე ოცნებობდა, მაგრამ ამ ოცნებებს განხორციელება არ ეწერა, რადგან ქვეყანა აირია და ჰილდებრანდის პატრონი და მფარველი ტახტიდან ჩამოაგდეს. იმ დროიდან მოყოლებული თავის მამულში ცხოვრობდა და პოლიტიკაში აღარ ერეოდა. მას სოფლური ნიშატი დასდებოდა, მაგრამ ჯენტლმენის იერიც საკმაოდ შემორჩენოდა და თავისი შვილებისაგან ისე გამოირჩეოდა, როგორც ხავსითა და სუროთი დაფარული კორინთული სვეტის ნანგრევები გამოირჩევა სტონჰენჯის[90] ან სხვა რომელიმე დრუიდული ტლანქად გამოჩორკნილი ლოდებისაგან. შვილები მართლაც გაუთლელ ლოდებს ჰგავდნენ. ძმებიდან ხუთი მაღალი, მკვრივად ჩადგმული და თვალადი იყო, მაგრამ ეტყობოდათ, რომ გონება პრომეთეს ცეცხლით არ ჰქონდათ გაცისკროვნებული და ის გარეგნული ბრწყინვალება და თავაზიანობაც აკლდათ, რომლის

დახმარებით მაღალი საზოგადოების წევრი ზოგჯერ ახერხებს ხოლმე, თავისი უცოდინრობის დაფარვას. ძმებს გარკვეული მორალური ღირსებებიც ჰქონდათ: ხუთივენი ვარგი ხასიათის ჩანდნენ და სახეზე აშკარად ეტყობოდათ, რომ დიდად კმაყოფილნი იყვნენ თავიანთი ცხოვრებით. ისინი თავიანთ უპირველეს საქმედ ნადირობას მიიჩნევდნენ და ყოველი მათგანი ცდილობდა პირველობის გვირგვინი დაესაკუთრებინა. ძმები ოსბალდისტონები - გოლიათი პერსივალი, გოლიათი თორნკლიფი, გოლიათები: ჯონი, რიჩარდი და უილფრედი საოცრად ჰგავდნენ ერთმანეთს. ისე მგონი, პოეტის მიერ აღწერილი გოლიათი გიასიც კი არ ჰგავდა გოლიათ კლოანტს[91]. მაგრამ პატივცემულმა ბუნებამ, რომელიც ასეთ ერთფეროვნებას არ არის ჩვეული, ბოლოს, გადაწყვიტა ძველ გზას დასდგომოდა და უმცროს ძმას სრულიად სხვა თვისებები მიანიჭა. რეშლი თავისი ძმებისაგან კი არა ყველა ჩემი ნაცნობისაგან განსხვავდებოდა გარეგნობით, ქცევით, ხასიათითა და ნიჭით, თუ პერსი, თორენი და ძმანი მისნი, გაცნობისას თავს მიქნევდნენ, უგერგილოდ მიღიმოდნენ და ადგილიდან მინვდიდნენ ხელს, რეშლიმ წინ წარმოსდგა ნაბიჯი და ისე მომესალმა, როგორც მაღალ საზოგადოებაშია მიღებული. რეშლი გარეგნობით ვერ მიგიზიდავდათ. მისი ძმები ენაკის[92] შთამომავლები გეგონებოდათ, თვითონ კი ტანდაბალი იყო. ძმები ქანდაკებებივით იყვნენ ჩამოსხმულები, რეშლიკი, თუმცა ვარგა ჯანიანი ახალგაზრდა ჩანდა, ჩაგვერა, დიდთავა და მოკლე ვისერა გახლდათ. გარდა ამისა პატარაობისას ფეხი დაზიანებოდა და თითქმის ვოჭლობდა კიდევ. ზოგი ამბობდა, სწორედ ეს არის იმის მიზეზი, რომ რეშლი აქამდე არ აკურთხეს მღვდლად. როგორც საყოველთაოდ ცნობილია, რომის ეკლესია თავის მსახურთა რიგებში არ იღებს ფიზიკური ნაკლის მქონე ადამიანებს. ზოგი კი ამტკიცებდა, ვოჭლი არ არის, პატარაობაში შეეჩვია ასე სიარულს და მერე ვეღარ გამოუსწორებიაო. თანაც დასძენდნენ, რომ რეშლს

ეს ნაკლი ხელს არ შეუშლიდა სასულიერო წოდების მიღებაში. სახე კი ისეთ ჰქონდა, ერთხელ რომ გენახათ, ვეღარასოდეს ამოიგდებდით გონებიდან. იგი ერთდროულად მწვავე ცნობის-მოყვარეობასა და თითქმის ზიზღსაც კი აღძრავდა მნახველის გულში. ამის მიზეზი რეშლის სიმახინჯე როდი იყო: სახის ნაკვთები თუმცა მთლად პროპორციული არა ჰქონდა, მაგრამ უხეში არ ეთქმოდა, ხოლო სქელი წარბების ქვემოდან მზირალ შავ გამჭრიახ თვალებს რომ დააკვირდებოდით, გული არ გიზამდათ, გეთქვათ, ეს ვაცი უსახურიაო! ერთი კი იყო - ამ თვალებიდან ისეთი მუხანათობა, ვერაგობა და დაუნდობლობა გამოსჭვიოდა (თუმცა რეშლი ყოველნაირად ცდილობდა შენიღბულიყო), ვაცი მაშინვე უნდობლობით განიმსჭვალებოდა. ბუნება, ალბათ, იმიტომ მოიქცა ასე, რომ ხალხისათვის საფრთხე აერიდებინა (ამავე მიზნით აყოლებს ხოლმე იგი ჩხრიალა გველს კუდზე ფერად რგოლებს.). და თითქოს ამდენი გარეგნული ნაკლის სანუქფოდ რეშლი ოსბალდისტონი საოცრად ტკბილი, მჟღერი მკერდისმიერი ხმით დაეჭილდოვებინა ზენაარს და საუბრის უბადლო ნიჭიც დაეყოლებინა, რომ ამ ხმის ჯავრი უფრო მეტად გაბრწყინებულიყო. მისი პირველივე სიტყვების მოსმენისთანავე გულში დავეთანხმე მის ვერნონს მართლაც ჩემი ახალგაცნობილი ნათესავი ადვილად მოხიბლავდა ქალს, რომელსაც მარტო სმენა ექნებოდა მოსაუბრის ღირსება-ნაკლოვანებათა შესაფასებლად.

რეშლიმ დააპირა გვერდით მომჭდომოდა, მაგრამ მის ვერნონმა თორნკლიფის გვერდით მომიჩინა ადგილი და მეორე მხრიდან თვითონ მომიჭდა. მის ვერნონმა ერთადერთ ქალი გახლდათ ამ ოჯახში და ასეთ საქმეებს თვითონ განაგებდა. მე რა თქმა უნდა, ფრიად მესიამოვნა რომ მის გვერდით მომიხდებოდა სადილობა.

- თქვენთან მინდოდა საუბარი და ამიტომ ჩავსვი თქვენსა და რეშლის შუაში ეს პატიოსანი ახალგაზრდა, - მითხრა მან, - იგი იქნება

*როგორც ლეიბი ციხე-სიმაგრის გალავნებს შორის,
რომ ვერ შევიგრძნოთ ჭურვების დარტყმა, ვერ გავიგონოთ
ხმაური ბრძოლის.*

მე კი ამით, შესაძლებლობა მექნება გკითხოთ, როგორი შთაბეჭდილება გექმნებათ ჩვენზე. ამ განათლებული ოჯახის წევრებიდან პირველად მე გამიცანიით და ამიტომ ვაძლევ თავს უფლებას, რომ ასეთი შეკითხვა მოგცეთ.

- ძალიან მიძნელდება პასუხის მოცემა, მის ვერნონ. მე ხომ ფრიად მცირე ხანია, რაც ოსბალდისტონ-ჰოლში ვიმყოფები.

- ჩვენი ოჯახის გაცნობას დიდი ფილოსოფია არ სჭირდება. რა თქმა უნდა, ოჯახის ყოველ წევრს აქვს თავისი განმასხვავებელი ნიშანი, მაგრამ იმდენად უმნიშვნელო, რომ მხოლოდ ძალზე დაკვირვებულნი თვალი თუ შეამჩნევს. ისე კი, ბუნებისმეტყველთა გამოთქმა რომ ვიხმაროთ, ჯიშსა და სახეობას ერთი შეხედვით ამოიცნობთ და დაახასიათებთ.

- რადგან ასეა, ჩემი ხუთი უფროსი ბიძაშვილი თითქმის ერთნაირად უნდა იქნენ დაახასიათებულნი.

- მართალი ბრძანდებით. თითოეული მათგანი წარმოადგენს ლოთის, კურძალის, ჩხუბისთავის, მეცხენისა და ბრიყვის ერთობლიობას, მაგრამ მთლად ერთნაირი ფოთლები არც ერთ ხეს არ ასხია და ამათავე სულ სხვადასხვა პროპორციებით აქვთ მინიჭებული ეს შესანიშნავი თვისებები. ამ ძმების გაცნობა ძალიან გაახარებდა ყველას, ვინც ადამიანთა ბუნების შესწავლითაა გატაცებული.

- იქნებ სახელდახელოდ მაინც დამიხასიათოთ თითოეული მათგანი, მის ვერნონ.

- ახლავე საოჯახო სურათს მოგართმევთ, რომელზედაც ყველანი იქნებიან გამოსახულნი. ეს ისეთი ადვილი სამსახურია, რომ უარის თქმა სირცხვილიც კი იქნება. პერსი, სიყრმის შვილი და მემკვიდრე, უფრო ლოთია, ვიდრე კურძალი, ჩხუბისთავი, მეცხენე და ბრიყვი. ჩემი ძვირფასი თორნი უფრო ჩხუბისთავია, ვიდრე ლოთი კურძალი, მეცხენე და ბრიყვი. ჯონი, რომელიც დღენიადაგ მთებში დაეხეტება, უფრო კურძალია, მეცხენე კი უფრო დიკონს ეთქმის. თუ ყური მოჰკრა, სადმე დოლიაო, თუნდაც ორას მილზე იყოს აქედან დღე და ღამეს გაასწორებს და მიუსწრებს. იქ კი მის გაყვლეფას ბავშვიც მოახერხებს. უილფრედს კი ყველა ზემოთჩამოთვლილი ღირსებებიდან ისე აქვს მოკრძალებული სიბრიყვე, რომ შეგიძლიათ მხოლოდ ბრიყვად ჩათვალოთ.

- მშვენიერი კრებულია, მის ვერნონ, და მისი შემადგენელი თითოეული ინდივიდი ფრიად საინტერესო ჯიშის სახეობას წარმოადგენს, მაგრამ ნუთუ ტილოზე სერ ჰილდებრანდის დასახატი ადგილი აღარ დაგრჩათ?

- მე მიყვარს ბიძაჩემი და დავალებულიც ვარ მისგან. ბიძაჩემმა სიკეთე გამინია, ყოველ შემთხვევაში, თვითონ ასე მიაჩნია და ამიტომ მისი პორტრეტის დახატვა თქვენთვის მომინდვია. ოღონდ ახლა ნუ მოკიდებთ ამ საქმეს ხელს - უკეთ რომ გაიცნობთ, მაშინ.

„ვიდევ ვარგი ეს ერთი მაინც დაინდო, - ვიფიქრე მე, - არ მეგონა, ამ ნორჩსა და თვალწარმტაც არსებას ასეთი მწარე ენა თუ ექნებოდა.“

- თქვენ ახლა ჩემზე ფიქრობთ, - თქვა უცებ მის ვერნონმა და შავი თვალები ისე მომაშტერა, თითქოს სულის იდუმალ კუნჭულში უნდა ჩამწვდესო.

- დიახ, მართლაც, თქვენზე ვფიქრობ, - მივუგე, ამ მოულოდნელი და პირდაპირი მომართვით შეცბუნებულმა, შემდეგ კი შევეცადე ქათინაურით შემერბილებინა ჩემი გულახდილობა: - განა ძალმიძს თქვენთან ჯდომის ბედნიერება მქონდეს და სხვა რამეზე ვიფიქრო?

ქალიშვილმა ქედმაღლურად გაიღიმა და მითხრა:

- ახლავე უნდა გაგაფრთხილოთ, მისტერ ოსბალდისტონ, რომ ტყუილად იხარჯებით. ეგ ტკბილი სიტყვები სხვებისთვის შემოინახეთ. თქვენი ქათინაურები იმ სათამაშოებს, სამაჯურებსა და მძივებს წააგავს, რომლებითაც მებღვაურები ახალადმოჩენილი მინის ველურ მცხოვრებთა გულს ინადირებენ ხოლმე. ისინი ამ ქვეყანაშიც გამოადგება მოხდენილ ჯენტლმენს, ამიტომ უანგარიშოდ ნუ გაფლანგავთ - ნორტუმბერლენდის მკვიდრთაგან ბევრის გულის მონადირებას შეძლებთ მაგ თქვენი ზიზილ-პიპილეებით, მე კი ვარგად ვიცი მაგათი ფასი და ამოდ ნუ დაშვრებით.

მე დავიბენი და ხმა ვეღარ ამოვიღე საპასუხოდ.

- ის ზღაპარი გამახსენდა, ერთმა კაცმა ფული რომ წაიღო ბაზარში სავაჭროდ და უცებ ბრტყელ-ბრტყელ კენჭებად გადაექცა, - მითხრა ქალიშვილმა ძველებური ხალისიანი ტონით, - ერთი მკვახე შენიშვნა და თქვენი ქათინაურები ხუხულასავით დაინგრა. თუ არ ვცდები თქვენ მშვენიერი საუბარი იცით და სულ არ გჭირდებათ ეგ იაფფასიანი სიტყვები. თქვენ ხომ იმ თმაგაჭეჭილი ჯენტლმენების რიცხვს არ ეკუთვნით, რომლებიც ფიქრობენ, რადგან ჩვენ ოქრომკვედით ნაქარგი თხელი მაუდის სამოსი გვაცვია, ქალებს კი მაქმანებით მორთული აბრეშუმის კაბა, ყველაფრის თქმის უფლება გვაქვსო. ჩემი ხუთი ბიძაშვილის სიტყვებით რომ ვთქვა, ბუნებრივი ჩორთი ბევრად უკეთესია ნაძალადევ თოხარიკზე. შევეცადეთ დაივიწყოთ, რომ მე კაცობრიობის უბედური ნახევრის წარმომადგენელი ვარ. დამიძახეთ თუ გნებავთ ტომ ვერ-

ნონი, თქვენს მეგობრად და ამფსონად ჩამთვალეთ და ნახავთ, როგორ შეგიყვარებთ.

- ერთობ მომხიბვლელი წინადადებაა!

- თქვენსას არ იშლით? - დამიქნია თითი მის ვერნონმა, - ხომ გითხარით ქათინაურებს არ მოგიტმენტ-მეთქი. ხედავთ, ბიძაჩემი სირჩას გამოდის თქვენთან. გამოართვით, ადღეგრძელეთ და მერე გეტყვით რა აზრისა ხართ ჩემზე.

მე, როგორც სამაგალითო ძმისშვილმა, კარგა მოზრდილი თასით დავლიე ბიძაჩემის სადღეგრძელო. სუფრა თავისი გზით მიდიოდა. ისმოდა კოვზებისა და დანების საქმიანი ხმაური და მე და მის ვერნონს შეგვეძლო სულ თავისუფლად გვესაუბრა, რადგან აქეთ-იქიდან ციხის ბურჯებივით გვიცავდნენ თორნკლიფი და დიკონი, რომელთაც თავ-თავიანთ თეთუმებზე ხორცის გორა ადემართათ და ჩვენკენ არც კი იხედებოდნენ.

- ახლა კი პირდაპირ მითხარით, მის ვერნონ, როგორ გგონიათ, რა შეხედულება შემექმნა თქვენზე? მე თვითონ უნდა მეთქვა, მაგრამ რა ვქნა, მითხარით, ჩემი ქება არ გაბედოთ.

- სულ არ მესაჭიროება თქვენი დახმარება. საკმაოდ დაკვირვებული და გამჭრიახი ვარ და უთქვენოდაც ვიცი, რას ფიქრობთ ჩემზე. ასე რომ, გულის გადახსნა არ დაგჭირდებათ. თქვენ უცნაური ქალიშვილი გგონივართ. ანცი და ცოტა პრანჭია, რომელიც თავისუფალი ქცევითა და თამამი ლაპარაკით ცდილობს მიიპყროს ყურადღება და არც კი იცის, თუ რა მოთხოვნებს უყენებს „სპექტატორი“ [93] ნაზსა და დახვეწილ ქალიშვილებს. თქვენ იმასაც ფიქრობთ, რომ მე თქვენს მოსახიბლავად საგანგებო გეგმაც კი შევიშუბავ. არ მინდა თავმოყვარეობა შეგილახოთ, მაგრამ თუ ასე ფიქრობთ, ძალიან დიდი წარმოდგენა გქონიათ თავზე. მე ასევე გადავუხსნიდი გულს მამათქვენს, თუკი დარწმუნებული ვიქნებოდი, რომ გამიგებდა. ამ ბედნიერ ოჯახში მე ისევე ვარ დანატრებული განათლებულ მსმენელს, როგორც სანჩო სიერა მო-

რენაში და როცა ბედი გამიღიმებს და ვინმე გამოჩნდება, რომ არ ვილაპარაკო, გავვიჟღებები. მე რომ ყურადღებას ვაქცევდე მსმენელის აზრს დარწმუნებული ბრძანდებოდეთ, ამ სასაცილო ცნობებს არ მოგანვდიდით.

- ძალიან შეუბრალებელი ბრძანდებით, მის ვერნონ. ასეთ ძვირფას დაკვირვებებს მიზიარებთ, თვითონ მე კი არაფრად მაგდებთ. რა გაეწყობა, მაინც მაღლობელი ვარ. მაგრამ, რეშლი ოსბალდისტონი რატომ არ წამოგცდენიათ თქვენს ალბომში?

მის ვერნონი მოიბუზა, ხმას დაუნია და სხაპა-სხუპით მითხრა:

- რეშლიზე კრინტი არ დაძრათ! როცა მასზე ამბობენ რამეს, ისე უმახვილდება ყურთასმენა, რომ ერთი სიტყვაც არ გამოეპარება. ძროხის ხორცი, ირმის ჰაშტეტი და პუდინგით ამოყორილი თორნკლიფი კი გიზით შუაში, მაგრამ მაინც ფრთხილად უნდა იყოთ.

- ფრთხილად ვიქნები, მაგრამ სანამ კითხვას მოგცემდით, თვალი გავაპარე და ვნახე ამ ცოცხალი კედლის გვერდით მდგომი სავარძელი ცარიელი იყო. რეშლიმ უკვე დატოვა სუფრა.

- თქვენს ადგილას ასე დარწმუნებული არ ვიქნებოდი, რომ რეშლი წასულია. როცა რეშლის ახსენებთ, გირჩევთ ოტერსკოუპის მთაზე ახვიდეთ, საიდანაც ოცი მილის მანძილზე ყველაფერი ჩანს ირგვლივ, მწვერვალზე დადგეთ და ჩურჩულით ილაპარაკოთ. მაშინაც დარწმუნებული არ უნდა იყოთ, რომ ჩიტი ამბავს არ მიუტანს. რეშლი ჩემი მასწავლებელი იყო მთელი ოთხი წლის განმავლობაში. ძალიან მოვაბეზრეთ თავი ერთმანეთს და ახლა ორივეს გვიხარია, რომ სულ მალე დაჰკრავს განშორების ჟამი.

- ესე იგი, მისტერ რეშლი ოსბალდისტონ-ჰოლის დატოვებას აპირებს, არა?

- დიახ, ამ დღეებში დაგვტოვებს. განა არ იცოდით? ეტყობა მამათქვენს სერ ჰილდებრანდზე უკეთ სცოდნია დუმილის შენახვა. იცით, მისტერ ფრენსის, როცა ბიძაჩემს ამცნეს მამათქვენის

სურვილი, რომ ერთხანს აქ უნდა გეცხოვრათ, ხოლო იმ სარფიანი თანამდებობის დასაკავებლად, თქვენი ჯიუტობის გამო რომ გათავისუფლდა კანტორაში, თავისი ნიჭიერი და საზრიანი შვილებიდან ერთ-ერთი უნდა ამოერჩია, ჩვენმა ჭეშმარიტმა რაინდმა, საოჯახო თათბირი გამართა, რომელზედაც მოურავი, მწე და კურძალიც მოიწვია. ოსბალდისტონ-ჰოლის პერეზისა და სასახლის მსახურთა ეს საპატიო ყრილობა, რასაკვირველია, თქვენი შემცვლელის ასარჩევად არ იყო მოწვეული, რადგან მხოლოდ რეშლიმ იცის კარგად არითმეტიკა. დანარჩენმა ძმებმა მხოლოდ იმდენი იციან, რომ სანაძლეო დადონ მამლების ჩხუბის დროს. ასე რომ, ამ თანამდებობას ვერავის შესთავაზებდნენ. ამ ყრილობას უნდა განესაზღვრა რეშლის მომავალი. უნდა დაედგინა, გუდამშიერი კათოლიკე მღვდელი გამოსულიყო იგი თუ მდიდარი ბანკირი. უნდა მოგახსენოთ, რომ ყრილობა არც ისე იოლად დაყაბულდა მამათქვენის სურვილს, რადგან აღებ-მიცემობა, არისტოკრატების აზრით, დამამცირებელი საქმიანობაა.

- ვხვდები, რა საბუთებს წამოაყენებდნენ. მერედა რატომ დართეს ნება?

- მე მგონი, იმიტომ, რომ ყველას უნდოდა მისი თავიდან მოშორება. იგი ყველაზე უმცროსია ოჯახში, მაგრამ როგორღაც ახერხებს რომ ყველა თავის ჭკუაზე ატრიალოს. ყველანი ბრაზობენ მაგრამ, ვერაფრით ვერ ახერხებენ ქედს დადგმული უღლის გადაგდებას. თუ ვინმე წინაღუდგება, ადრე თუ გვიან ინანებს. არც კარგს დაგიფასებს, პირიქით შეგიძულეს და ეცდება ცუდით გადაგიხადოს.

- მაშინ დიდი სიტრთხილე მმართველს, - ვუთხარი მის ვერნონს ღიმილით,- მე ხომ ჩემდა უნებურად შევცვალე მისი ცხოვრების გზა.

- მართალი ხართ! სულ ერთია, მოსწონს თუ არ მოსწონს ეს ცვლილება, თქვენ მაინც ცუდს უნდა ელოდეთ მისგან. მაგრამ აი

ყველისა და ბოლოკის ჭამის დრო მოვიდა და, ალბათ, ეკლესიისა და მეფის სადღეგრძელოს თქმასაც აპირებენ. ეს კი იმის ნიშანია, რომ მღვდლებმა და ქალებმა სუფრა უნდა დატოვონ. მეც, როგორც ქალთა საზოგადოების ერთადერთი წარმომადგენელი, ვალდებული ვარ სასწრაფოდ დავტოვო აქაურობა.

ესა თქვა და გაქრა. მე კი ისევ სუფრასთან დავრჩი, გაცოცხლებული მისი თამამი, ჭკვიანური და გულახდილი საუბრით. არ ძალმიძს, მიახლოებული წარმოდგენა მაინც შეგიქმნა მისი ლაპარაკის მანერაზე, თუმცა, რამდენადაც მეხსიერება მაძლევს საშუალებას, ვცდილობ ზუსტად გადმოგცე ჩვენი საუბრის შინაარსი. მართლაც მთელს მის ქცევაში იგრძნობოდა უბრალოება, გამჭრიახობა და მისი ლამაზი ნაკვთებით შერბილებული პირდაპირობა და სიმკვეთრე, ისეთი ლამაზი ნაკვთებით, როგორიც ჩემს დღეში არ მენახა. ეს უცნაური უბრალოება და პირდაპირობა სულ არ დამიძრახავს. განა შეიძლება, ოცდაორი წლის ახალგაზრდამ ამისათვის დაძრახოს თვრამეტი წლის თვალწარმტაცი გოგონა. პირიქით, მე დიდად აღტაცებული და ნასიამოვნები ვიყავი მის ვერნონის ნდობით და სულაც არ მწყენია, როცა მითხრა მართო თქვენ კი არა, თუ დარწმუნებული ვიქნებოდით რომ გამიგებდა, მამათქვენსაც ასევე გადავუშლიდი გულსო. როგორც ყველა ჭაბუკი, მეც ზედმეტად თავდაჯერებული გახლდი და იმითაც დიდად მომქონდა თავი, რომ საფრანგეთში ვიყავი ნაცხოვრები. გარდა ამისა, საკუთარი გარეგნობა და მანერებიც ძალიან მომწონდა და დაბეჭითებით ვფიქრობდი, ჩემი მშვენიერი თანატოლი გულგრილი ვერ იქნება ესეოდენ სრულყოფილი ახალგაზრდის მიმართ-მეთქი. ამგვარად, პატივმოყვარეობამ მაიძულა სავსებით გამემართლებინა მის ვერნონი: მისი გულახდილობა და მეგობრული ტონი მეტწილად იმით ავხსენი, რომ მე ამდენი ღირსებით ვიყავი შემკული და კიდევ უფრო მიმიზიდა ამ მშვენიერმა, სულიერი სიმართლისათვის განწირულმა ქალიშვილმა, რომელმაც მეგობ-

რობა შემომთავაზა და ამით თავისი გამჭრიახობა გამოამჟღავნა. ვიფიქრე, ერთობ ჭკვიანი ყოფილა, რომ მეგობრად ამომირჩიამეთქი.

მის ვერნონის წასვლის შემდეგ ბოთლმა კიდევ უფრო ჩქარა დაიწყო ხელიდან ხელში გადასვლა. ჩემი თანამემამულეები არც იმ დროს გამოირჩეოდნენ ზომიერებით, მაგრამ მე უცხოეთში ყოფნისას გავნაზდი - ველარ ვიტანდი თავშეუკავებელ ხალხს და არც ის ღრიანცელი მომწონდა, ასეთ ღრეობებს რომ ახლავს ხოლმე: ზიზღს ის უფრო მიძლიერებდა, რომ ეს თავანწყვეტილი, მოღრიალე ხალხი ახლობლები იყვნენ. ამიტომ გადავწყვიტე აღარ მემზირა მამისა და შვილების ბრიყველი დროსტარებისათვის, როგორც კი დრო ვიხელთე, სუფრიდან შეუმჩნევლად ავდექი და თუმცა გზა არ ვიცოდი, გვერდითა კარებში გავსხლტი. როგორც მოსალოდნელი იყო ფეხდაფეხ დამედევნენ, რომ კვლავ ბახუსის ტაძრის მსახურთა რიგებში დავებრუნებინეთ. ხვეულ კიბებზე რო ჩავრბოდი გევიდან წაღების ბრახუნი და ხმამაღალი შეძახილები მომესმა. მივხვდი ეზოში უნდა მომეხერხებინა გასვლა თორემ საცაა მდევრები დამეწეოდნენ. კიბის ფანჯრიდან მყუდრო ბაღი მოჩანდა, ფანჯარა გავაღე - სიმაღლე ექვსი ფუტზე მეტი არ იყო. ბაღში გადავხტი და ხეივანში შევვარდი. ახლა უკვე შორიდან მესმოდა მდევართა გაოცებული შეძახილები. „ჰეი, ჰეი, რა ქნა! სად გაქრა!“ მე ორი ხეივანი გავლიე სირბილით და როცა დავრწმუნდი, რომ მდევრებმა კვალი დაკარგეს, ნაბიჯზე გადავდი და ღვინითა და სირბილით გაგრილებული შუბლი გრილ ნიავს მივუშვირე.

სეირნობისას მებაღეს წავადექი თავს. იგი მუყაითად მუშაობდა. ეტყობოდა, ბინდის ჩამონოლლამდე უნდოდა საქმის მოთავება, ერთხანს უხმოდ ვიდექი და ვუყურებდი, მერე მივსალმე. მებაღემ თავაუღებლივ დამიბრუნა სალამი. კილოზე მივხვდი, შოტლანდიელი იყო.

- ვარგი სამუშაო ამინდია არა, მეგობარო? - ვუთხარი მებაღეს.

- ჰო, ამინდს არა უშავს, - მომიგო მან, მაგრამ კილოზე შეეცყო, რომ ამინდი ძალიან მოსწონდა. მებაღეებსა და ფერმერებს ხომ ამინდის ქებას ვერ დააცდევინებ. შემდეგ თავი ასწია, რომ დაინახა ვინ ელაპარაკებოდა, პატივისცემის ნიშნად ხელი მიიღო თავის შოტლანდიურ ქუდზე და ჩაილაპარაკა:

- ღმერთო, შემინყალე, ასე გვიან ჩვენს ბაღში ოქროთი მოსირმული ჯეისტიკორს ვხედავ თუ მეჩვენება?

- რა თქვით, მეგობარო, რასა ვხედავო?

- ჯეისტიკორს-მეთქი. აი თქვენ გაცვიათ. მაგას ჰქვია ჯეისტიკორი. აქაურები სხვანაირად იცვამენ, უფრო ხალვათად, რომ ძროხის ხორცმა, მსუყე პუდინგმა და ღვინომ არ შეაწუხოს. აქ, საზღვრის გადმოღმა ასე იციან: იმის მაგივრად, რომ მწუხრის ლოცვა აღავლინონ, ჭამა-სმით სკდებიან.

- შენს სამშობლოში ლოცვის მეტი რა უნდა გააკეთონ, მეგობარო. არც გასართობი აქვთ და არც საჭმელ-სასმელი. ცარიელ სუფრასთან ხომ არ იჯდები შუადღემდე.

- ეჰ, ბატონო, არა გცნობიათ შოტლანდია. საჭმელი არ გვაკლია, საუკეთესო თევზი გვეშოვება საუკეთესო ხორცი და ფრინველი. ხახვზე, ბოლოკზე და სხვა ბოსტნეულზე აღარაფერს ვამბობ. ყველაფერი ვარგი გვაქვს, მაგრამ წესი და რიგი ვიცი და მუცელს არ ვაღორებთ. აქ კი ბატონი გინდა თუ მსახური, იტენიან და იტენიან პირში დილიდან საღამომდე. მარხვა არ იციან და არაფერი. მარხვისას ურმებით მოაქვთ ჰართპულიდან და სანდერლენდიდან ზღვის თევზი, გზაში კალმახსა და ორაგულსაც დაამატებენ, ჩამოაქვთ აქა და მიდი! აბა ამას მარხვა ჰქვია?! მარხვა კი არა ღორობაა! ახლა ეს ამდენი საზიზღარი მესა და ცისკრის ლოცვები! რამდენ მორწმუნეს აცდუნებენ და უფსკრულისა-

კენ უბიძგებენ. თუმცა სჯობს ენას კბილი დავაჭირო - თქვენც ალბათ რომის ეკლესიის მიმდევარი ხართ, ბატონო, როგორც ესენი.

- არა, მეგობარო მე პრესვიტერიანელი ვარ, უფრო ზუსტად დისიდენტი.

- თუ ასეა ნება მომეცით ხელი ჩამოგართვათ, როგორც სულიერ ძმას, - აღტაცებით მითხრა მებაღემ და მკაცრ სახეზე ნათელი გადაეფინა. მერე გადანწყვიტა ცარიელი სიტყვებით არ დაკმაყოფილებულიყო, ჭიბიდან მოზრდილი ზომის სათუთუნე ანუ, როგორც თვითონ უწოდა, მული ამოიღო და ღიმილით შემომთავაზა, ცხვირში შეიყარეო. მე თხოვნა შევუსრულე და მერე ვკითხე ოსბალდისტონ-ჰოლში დიდი ხანია მუშაობ-მეთქი?

მებაღემ ციხე-დარბაზს შეავლო თვალი და მიჰასუხა:

- აი, უკვე ოცდაოთხი წელია, რაც გმირულად ვერკინები ამ ეთესელ მხეცებს. ეს ისეთივე ჭეშმარიტებაა, როგორც ის, რომ მე ენდრუ ფერსერვისი მქვია.

- ჩემო ძვირფასო ენდრუ, თუ თქვენი რწმენა ესოდენ შეურაცხყოფილია კათოლიკური რიტუალებით, თუ ასე ვერ ეწყობით სამხრეთულ სტუმართმოყვარეობას, ამდენი ხანი რატომ დაიტანჯეთ თავი? ხომ შეგეძლოთ ისეთი სამსახური გემოვათ, სადაც ბატონებს ზომიერი ჭამა-სმაც ეცოდინებოდათ და მართლმადიდებელი ეკლესიის მიმდევარნიც იქნებოდნენ. დარწმუნებული ვარ, თქვენისთანა გამოცდილ მებაღეს სულ არ გაუჭირდებოდა ასეთი ადგილის შოვნა.

- ტრაბახი არ მიყვარს, მაგრამ უნდა მოგახსენოთ, რომ ეს საქმე მესმის, - მიჰასუხა სახეგაბადრულმა ენდრუმ და იქაურობას თვალი მოავლო, - მე ხომ დრიჰდეილის სამრევლოში ვარ გაზრდილი, სადაც სათბურებში ზრდიან ბრიუსელურ კომბოსტოს და უკვე ადრე გაზაფხულზე ყვავილოვანი კომბოსტოს მხალს ხარშავენ. სიმართლე რომ ვთქვა, ამ ოცდაოთხი წლის მანძილზე ყოველი თვის ბოლოს ვაპირებდი აქაურობის დატოვებას, მაგრამ თვე

შემობრუნდებოდა და ახალი საქმე გამოჩნდებოდა: ან უნდა დამეთესა რამე, ან ასაღები მქონდა, ან მოსათიბი და ყველაფერს ჩემი ხელი და თვალი სჭირდებოდა. ამასობაში გაიხედავ და წელიწადი გათავებულა, მერე მეორე, მესამე... აი, ასე შემოვრჩი აქამდე. ახლა დაფიცებული მაქვს, თებერვალში უნდა წავიდე, მაგრამ შარშანაც დაფიცებული მქონდა, შარშანწინაც, ამ ოცი წლის წინათაც და დღემდე მაინც ამ მინაში ვიჩიჩქნები. ეგეც არ იყოს, გულახდილად რომ გითხრათ, ჩემო ბატონო, საწყალი ენდრუსათვის ამაზე კარგი ადგილი არც შემოუთავაზებიათ. მაგრამ თქვენისთანა მონყალე ბატონს ისეთი ადგილი რომ აერჩია, სადმე, სადაც ჭეშმარიტ ქადაგებას მოვისმენდი და სადაც პატარა სახლი, საბალახო და კარ-მიდამო იქნებოდა, ჭამაგირად სულ ცოტა ათ გირვანქას რომ გადამიკვეთდნენ წელიწადში და ქალაქელი ქალბატონები ხშირ-ხშირად რომ არ ჩამოვიდოდნენ ხეზე ვაშლების დასათვლელად, ძალიან მადლობელი ვიქნებოდი თქვენი!

- ბარაქალა, ენდრუ! პატრონის გამოცვლა კი გულით გნდომებით, მაგრამ კარგ ფასსაც ადებთ თავს.

- რატომ არ უნდა დავადო, - მიპასუხა ენდრუმ, - მთელი სიცოცხლე ხომ არ დაველოდები, რომ დამათვასონ. მე თვითონ უნდა ვეცადო.

- მართალია. ისე, როგორც შეგატყვევ, ქალბატონები არ გყვარებიათ.

- დიას! თუ სიმართლე გინდათ, არ მიყვარს! არც ერთ მებაღეს არ უყვარს ისინი. გულს გვიწყალებენ ხოლმე. დროს არ უყურებენ - ზამთარია თუ ზაფხული სულ ერთია, მაინც სულ გარგარს, ატამს, ქლიავს და ვაშლს მოითხოვენ. მადლობა ღმერთს, აქ ადამის ნევნის არც ერთი ანატკეჩი[94] არ არის, თუ მოხუც მართას არ ჩავთვლით! მას კი ბევრი არაფერი უნდა. მის დისშვილებს ჟოლოს ჭამა არ უნდა დავუშალო (ხანდახან უქმეებზე ეს-

ტუმრებიან ხოლმე ჩაის დასალევად) და დროდადრო ორიოდე კიტრა ვაშლი მივართვა - შემწვარი უყვარს, ვახშმად.

- ახალგაზრდა ქალბატონი ხომ არ დაგავინწყდათ?

- რომელი ქალბატონი?

- თქვენი ქალბატონი, მის ვერნონი.

- ის ჩემი ქალბატონი არ არის. ნეტა თავისი თავის ქალბატონი იყოს და სხვა არაფერი მინდა. ანდა სულ არავის ქალბატონი იყოს, თორემ ისეთი დამთხვეულია, რომ...

- მართლა?! როგორც ვხედავ, თქვენ ამ ოჯახის ყველა საიდუმლოებანი იცით, - წამოვიძახე მე და მაშინვე მივხვდი, რომ თუ რაიმეს გაგება მინდოდა, ცოტა უფრო თავშეკავებულად უნდა გამომეკითხა.

- საიდუმლოებებიც ვიცი და ენაზე კბილის დაჭერაც, - მომიგო ენდრუმ, - ხომ არ გგონიათ, რომ ენა მექავება და ერთი სული მაქვს ყველაფერი ჩამოვფეჭა. მის დი, იცით... თუმცა, რა ჩემი საქმეა, ვინ მეკითხება?..

ენდრუ შებრუნდა და დიდი მონდომებით დაუწყო ჩიჩქნა მიწას.

- რაო, რისი თქმა გინდოდა მის ვერნონზე, ენდრუ? მე მისი ოჯახის მეგობარი ვარ და მინდა ვიცოდე.

- ისეთი არ არის როგორიც უნდა იყოს, - თქვა ენდრუმ, ცალი თვალი მოჭუტა და თავი გადააქნია. ეტყობოდა, რომ რაღაც იცოდა და მალავდა, - აი ასეთია, გამიგეთ ბატონო?

- ვერა, არაფერი მესმის, ენდრუ. კარგი იქნება, თუ გამაგებინებთ, - ვუთხარი მებაღეს და დაბებერავებულ ხელში ერთკრონიანი ჩავუდე. ვერცხლის დანახვაზე ენდრუმ ოდნავ ჩაიღიმა, თავი დამიქნია და ფულს შარვლის ჯიბეში უკრა თავი. იგი რა თქმა უნდა მიხვდა, რომ ვალს გადახდა უნდოდა გასწორდა, ორივე ხელით ბარის ტარს ჩაეჭიდა, და შუბლი ისე შეჭმუხნა, რომ მივ-

ხვდი, რალაც დიდი საიდუმლო უნდა გაემხილა, იგი კარგა ხანს დუმდა, ბოლოს როგორც იქნა ხმა ამოიღო.

- მაშინ გეტყვით, ახალგაზრდა ბატონო, რადგან ასე ძალიან გინდათ გაიგოთ, რომ მის ვერნონი...

ენდრუმ ტუჩები მოკუმბა, გრძელი ნიკაპი წინ წამოსწია და სინანულით ჩაიქნია თავი. ველოდი, რომ კიდევ რამეს იტყოდა, მაგრამ, ეტყობა, იფიქრა, ამ ყვესტით ყველაფერი ნათქვამიაო და დამუნჯდა.

- ღმერთო დიდებულო! - აღმომხდა მე, - ნუთუ უკვე დაღუპულია ასე ნორჩი და თვალწარმტაცი ქალიშვილი?

- ჭეშმარიტად! სულ მთლიანად, სულითაც და ხორციითაც. ეგ კიდევ არაფერი, რომ რომის პაპის მიმდევარია, ეგ ჯანდაბას, მაგრამ კიდევ... - ენდრუ კვლავ დადუმდა. ეტყობა შოტლანდიურმა სიფრთხილემ დასძლია.

- კიდევ რამ ბატონო? - მკაცრად ჩავეკითხე მე, - მე ზუსტად მინდა ვიცოდე ყველაფერი!

- რა და, ყველაზე თავგადადებული იაკობინელია მთელს ამ მხარეში!

- ჰმ, იაკობინელი?! სულ ეგ არის?!

როცა დაინახა, რომ მისი ნათქვამი არაფრად ჩავაგდე, ენდრუმ ისეთი გაოცებით ამომხედა, მერე ჩაიბუტბუტა, რა ვიცი ამაზე უარესი რაღა უნდა იყოს, მით უმეტეს ქალიშვილი ქალიაო და ისეთი სახით მიუბრუნდა თავის საქმეს, რომ მარმონტელის[95] ბოლო რომანში აღწერილი ვანდალების მეფე გამახსენდა.

თავი VII

ბარდოლოფი. კარს შერიფია მომდგარი და თან რაზმიც ახლავს თავისი უწყალო მცველებისა.

შექსპირი. „ჰენრი IV“.1 ნაწილი.

ცოტათი კი გავწვალდი, მაგრამ ბოლოს მაინც მივაგენი ჩემთვის განკუთვნილ ოთახს და მაშინვე შევეცადე ბიძაჩემის მსახურების კეთილი განწყობილება მომეპოვებინა. მსახურებისათვის საყვარელი საშუალება გამოვიყენე და გადავწყვიტე საღამომდე განვმარტოებულიყავი. ჩემი ახალი ნათესავების სტუმრობის შიში სულ არ მქონდა, რადგან, ჯერ კიდევ მაშინ, როცა წამოვედი, კარგ დღეში იყვნენ და ახლა ისეთი ხორხოცი და ღრინაცელი ისმოდა ქვის დარბაზიდან (ასე უწოდებდნენ ამ სახლში სასტუმრო ოთახს), რომ დარწმუნებული ვიყავი ფხიზელ ვაცთან მოსვლას და საუბარს არ მოისურვებდნენ.

ბუნებრივია, პირველი კითხვა, რომელიც საკუთარ თავს დავუსვი, მამაჩემის გადაწყვეტილებას ეხებოდა: ვერაფრით ვერ მივმხვდარიყავი, რატომ გამომგზავნა საცხოვრებლად ამ უცნაურ ოჯახში. აშკარა იყო, რომ ბიძაჩემმა არც კი იცოდა, რამდენ ხანს ვაპირებდი აქ დარჩენას, მაგრამ იგი მეფე ჰალივით გულღია და სტუმართმოყვარე გახლდათ და არ ითვლიდა, რამდენი ვაცი გამოძღებოდა მის სუფრაზე. თუმცა არც მაშინ შეწუხდებოდა ძალიან, სუფრასთან თუ ვერ დამინახავდა და თავის ლურჯლივრეიან ლაქიაზე მეტად არ მომისაკლისებდა. ჩემს უბირ ბიძაშვილებთან

თუ ვიმეგობრებდი, ადრე შეძენილი დახვეწილი მანერები უნდა დამევიწყებინა და სანაცვლოდ მხოლოდ ძაღლების მოვლა, ცხენის ჭენება და მეღიების დევნა მესწავლა. მე მხოლოდ ერთი ვარაუდი მეჩვენა სწორი: ალბათ მამაჩემმა იფიქრა, დაე, ერთხანს დაჰყოს ოსბალდისტონ-ჰოლში და როცა იქაურ ზნე-ჩვეულებებს გაეცნობა, მემამულურ ცხოვრებას შეიზიზღებს და კომერციას მოუბრუნდებაო. მანამდე რეშლი ოსბალდისტონს თავის კანტორაში ამუშავებდა და, რომ დავბრუნდებოდი, მისთვის სხვა კარგი ადგილის გამონახვა არ გაუჭირდებოდა. პირველად სინდისის ქენჭნა ვიგრძენი, რომ მის ვერნონის მიერ ასე ცუდად დახასიათებული რეშლი ჩემი სიჭიუტის წყალობით მამაჩემის ბიზნესში ჩაებმეოდა და ალბათ მის ნდობასაც დაიმსახურებდა, მაგრამ მერე თავი დავიმშვიდე - მამაჩემი ისეთ ვაცი არ არის, ვინმე თავზე დაისვას და მერე მის ჭკუაზე იაროს-მეთქი. ისიც გავითვალისწინე, რომ ამ ახალგაზრდა ჯენტლმენის არც ავი მენახა და არც კარგი. იმის შესახებ მხოლოდ ის ვიცოდი, რაც იმ გათამამებულმა ქალიშვილმა მიაშობო, ეს ქალიშვილი, ჩემი აზრით, ცოტათი ჩქარი უნდა ყოფილიყო, თორემ გაცნობისთანავე ასე ადვილად არ გადამიხსნიდა გულს. განა შეიძლება მის ნაუცბათევ და ზერელე დასკვნებს დანდობოდა ვაცი?!

ამის მერე, ბუნებრივია, თვითონ მის ვერნონზე დავინყე ფიქრი. ამ უჩვეულო სილამაზის, დაუდეგარმა და უცნაურმა ქალიშვილმა, რომელსაც ოსბალდისტონ-ჰოლში არავინ ჰყავდა მხარდამჭერი და იძულებული იყო მხოლოდ საკუთარი საბრიანობით გაეტანა თავი, მთლიანად დაიპყრო ჩემი გონება და საოცრად გამიღვივა ცნობისმოყვარეობა, იმასაც კარგად ვხვდებოდი, რომ ამ უცნაურ ქალიშვილთან ხშირ შეხვედრას ჩვენი დაახლოება უნდა მოჰყოლოდა. ეს თუმცა გამიხალისებდა ოსბალდისტონ-ჰოლში გასატარებელ მოსაწყენ დღეებს, მაგრამ უეჭველად დიდ საფრთხესაც მიქადდა. ასეთი წინდახედულობის მიუხედავად, დიდად

არ მინანია, რომ ბედმა ახალი უჩვეულო გამოცდა მარგუნა წილად. ასეთი საფრთხისა ახალგაზრდა ვაცს არ ეშინია და მეც მალე დავიმშვიდე გული. სიფრთხილეს გავაორკვეცებ, დაუფიქრებლად ნაბიჯსაც არ გადავდგამ, მის ვერნონს მხოლოდ ამხანაგად მივიჩნევ და ყველაფერი კარგად წავა-მეთქი. ასეთი გადანყვეტილება რომ მივიღე, დავმშვიდდი და მალე ჩამეძინა კიდევ. ძილბურანში წასულს, რაღა თქმა უნდა, დიანა ვერნონი მედგა თვალწინ.

ვერ გეტყვით სიზმარშიაც ისა ვნახე თუ არა, რადგან ძალიან დაქანცული გახლდით და მკვდარივით მეძინა, მაგრამ განთიადისას, როცა სანადირო ბუკის მხიარულმა ხმამ გამომალვიდა, ჩემი ფიქრები კვლავ დიანა ვერნონას მიუბრუნდა. იმ წამსვე წამოვხტი ფეხზე, მეჭინბეს ცხენის შეკაზმვა ვუბრძანე და მალე ეზოში ვიყავი, სადაც უკვე შეკრებილიყვნენ მონადირენი თავიანთი ძაღლებით. ბიძაჩემი გაოცდა. ჩანს არ ელოდა, რომ უცხოეთში გაზრდილი ახალგაზრდა ასეთი გატაცებული მონადირე იქნებოდა. იგი მომესალმა, მაგრამ შევატყვე, რომ ხმაში გუშინდელი გულითადობა და სითბო აღარ ჰქონდა.

- შენც აქა ხარ ყმანვილო? - მითხრა მან. - დიას, ახალგაზრდობა დაუდევარია, მაგრამ ფრთხილად იყავი, ყმანვილო, გაიხსენე ძველი სიმღერა:

ვინც მიაგელვებს ქარაფზე ულაცს, ქროლვით მიჰყვება ბლეკსტონის კიდეს,

ის უეჭველად წაიფრთხილებს, გადაიჩეხოს იქნება კიდევც.

დარწმუნებული ვარ ახალგაზრდა ვაცს, თუ განდევილი არ არის, ურჩევნია რაიმე ცოდვა ვიდრე უთხრან ცხენოსნად არ ვარგახარო. რადგან ვიცოდი, რომ არც სიმარჯვე მაკლდა და არც

სიამადაც, ბიძაჩემის სიტყვებმა გამკენწლა და ვუთხარი, ფიქრი ნუ გაქვთ, აი ნახავთ, ძაღლებს ფეხდაფეხ მივყვები-მეთქი.

- მაგაში ეჭვიც არ მეპარება, ყმანვილო, - მომიგო მან, - შენ ნამდვილად დიდებული ცხენოსანი ხარ, მაგრამ ნუ გათამამდები! მამაშენმა იმიტომ გამოგაგზავნა აქ, რომ თავს არ გაგივიდეს! მირჩევნია, მე თვითონ ამოგდო ლაგამი, სანამ ვინმე ყულფში გაგაყოფინებდეს თავს!

ამ ნართაულის აზრს ვერ ჩავწვდი და თანაც მომეჩვენა, რომ ფრიად პატივცემულმა ბიძაჩემმა მე კი არ მომმართა, უბრალოდ, თავის ბრძენ გონებაში გაელვებული აზრი გამოთქვა ხმამაღლა. ამიტომ დავასკვენი: ან სუფრიდან წუხანდელ გაქცევაზე გადამიკრა სიტყვა, ან დილით, ნაბახუსევმა ცუდ ხასიათზე გააღვიძა-მეთქი. მერე ვიფიქრე, რომ თუ პურძვირი მასპინძლის როლის თამაშს დაინწყებდა, მეც თავი არ შემეებზრებინა ხანგრძლივი სტუმრობით, და ჩემვენ გულითადი ღიმილით მომავალი მის ვერნონისასკენ გავეშურე მისასალმებლად. რაღაც სალამის მსგავსი ჩემმა ბიძაშვილებმაც მოახერხეს, მაგრამ შემდეგ დამცინავად ამათვალ-ჩამათვალეირეს, ჩურჩულ-ფხაკუნი ატეხეს და ყველაფერი რაც კი უცხოური მქონდა, ქუდი იყო თუ უზანგი, გამიტრიზავეს, ეს რომ შევნიშნე ბიძაშვილებს ზიზღნარევი უდარდებლობით გადავხედე და მის ვერნონს ამოვუდექი გვერდით, რადგან ამ ხალხში მართო ის იყო ჩემი თანასწორი და ამხანაგი. მერე ცხენებს სადავე მივუშვით და წინასწარმონიშნული სახუნდარისკენ - ვრცელი საძოვრის განაპირას ატეხილი წვრილიანისასკენ გავეშურეთ. გზაში დიანას ვუთხარი, ჩემი ბიძაშვილი რეშლი ვერსად დავლანდე მინდორში, განა დღეს არ ინადირებს-მეთქი? - „როგორ არა, - მომიგო მან, - რეშლი გამოცდილი მონადირეა, მაგრამ ნებროთის კვალზე დადის: ადამიანებზე ნადირობს ხოლმე“.

კურძალებმა ძაღლებს შეუძახეს და წვრილიანში შერევეს. ყველა საქმეში ჩაება, ყოველი მხრიდან ყვირილი და ყიჟინა ის-

მოდა. მალე ნადირის ძიებამ ისე გაიტაცა ჩემი ბიძაშვილები, რომ თითქმის დაავინწყდათ ჩემი არსებობა. მარტო ერთხელ მოვკარი ყური, როგორ გადაულაპარაკა დიკონმა (ცხენების ავან-ჩავანმა) უილფრედს (ბრიყვს), შენ ნახე, როგორ მოკურცხლოს აქედან ჩვენმა ფრანგმა ბიძაშვილმა თოფის ხმის გაგონებაზე. უილფრედმა უპასუხა, მეც ვგრე ვფიქრობ, ვერა ხედავ, ქუდზე რა სულელური ბათთა გაუკეთებიაო! თორნკლიფმა კი, რომელიც ძმებით ტლანჩი და გაუთლელი გახლდათ (მაგრამ როგორც შვაცყვე, იმათსავით გულგრილად არ იყო განწყობილი თავისი ტურთა ნათესავისადმი), გადანყვიტა, ჩვენს შორიახლოს ეტრიალა. ალბათ უნდოდა ყურადღებით ეთვალთვალა ჩვენთვის და თანაც, თუ ნადირობის წესს დავარღვევდი, საქილიკო მასალაც ეშოვა, მაგრამ მისი განზრახვის მეორე ნაწილს განხორციელება არ ენერა: მთელი დილა ნადირის ძებნას მოვუნდით. ბოლოს როგორც იქნა ერთი მელია გავიგდეთ წინ და მთელი ორი საათი ვდიეთ. ამ დევნაში დიდად გამოვიჩინე თავი (ქუდის ბათთას სულ არ შეუშლია ხელი) და ამით ერთობ გავახარე ბიძაჩემი და მის ვერნონი. სამაგიეროდ, ალბათ, მეტისმეტად დავწყვიტე გული ყველას, ვინც იმედოვნებდა, რომ შევრცხვებოდი. ნადავლი კი გაგვისხლტა ხელიდან: პატივცემული მელია ჩვენზე ბევრად ეშმაკი გამოდგა და ძაღლებმა კვალი დაკარგეს. ნადირობის დროს თორნკლიფ ოსბალდისტონი გვერდიდან არ მოგვშორებია. შევამჩნიე, რომ მის ვერნონს სულ არ სიამოვნებდა ასეთი გადაჭარბებული ყურადღება, და, რადგან ამ ცქვიტ ქალბატონს დიდი მოთმენის თავი არ ჰქონდა - სურვილი მაშინვე უნდა შეესრულებინა და გზისა და საშუალების გამონახვაც არ უძნელდებოდა, თორნკლიფს მიუბრუნდა და საყვედურით უთხრა:

- მიკვირს, და ვერ გამიგია, თორნი, რა მღვევარით ჩამიდექი კვალში დილიდან. ხომ იცი, რომ ვულვერტონის წისქვილის ზევით სოროები მიწით უნდა ამოიტენოს?

- არაფერიც არ ვიცი, მის დი. მე ის ვიცი, რომ მენისქვილემ ღმერთი და ეშმაკი დაიფიცა, ნუხელ შუადამისას ყველა სორო ამოვტენო.

- არ გრცხვენია, თორნი?! მენისქვილეს უჯერებ?! ეგ სოროები არ იყო, წელს სამჯერ რომ გაგვეპარა მელია? შენი ნისლა ფაშა-ტიოთ ათი ნუთიც არ დაგეხარჯება მისვლა-მოსვლაში.

- მაშინ ეგრე ვიზამ, მის დი, წავალ ვულვერტონში და, თუ სოროები ამოტენილი არ დამხვდა, მენისქვილე დიკს ძვალსა და რბილს გავუერთიანებ.

- ჰო, ჩემო თორნი, ერთი კარგად გაამათრახე ის გაიძვერა! აბა, შენებურად გაფრინდი და მოფრინდი!

თორნკლიფმა ცხენი მოატრიალა და წისქვილისაკენ გააჭენა, მის ვერნონმა კი ჩაილაპარაკა: ისე, თვითონ შენ რომ შეგახურებდნენ მათრახით, უფრო მესიამოვნებოდაო. მერე მე მომიბრუნდა და მითხრა:

- ყველა მე უნდა გავწვრთნა, ყველას მე უნდა ვასწავლო, რომ ბრძანებას დაემორჩილონ. მე ხომ პოლკის შედგენას ვაპირებ. თორნი სერჟანტი იქნება, დიკონი - ცხენოსნობის მასწავლებელი, უილფრედს კარგი ბანი აქვს და თანაც ზედიზედ სამ მარცვალზე მეტის წარმოთქმა არ შეუძლია, ამიტომ დოღის მოვალეობას შეასრულებს.

- რემლი?

- რემლი დაზვერვის უფროსი იქნება.

- ჩემთვის არ გაიმეტებდით რაიმე თანამდებობას, ძვირფასო პოლკოვნიკო?

- თქვენ პოლკის მწედ დაგნიშნავთ ან იქნებ მძარცველთა ასეულის უფროსობა ამჯობინოთ. მოიცა, ნახეთ, როგორ დაბორილობენ ძაღლები! ეტყობა კვალი დაკარგეს და კარგა ხანს ვეღარც იპოვიან. გამომყევით, ერთი ლამაზი ადგილი მინდა გიჩვენოთ.

ორივემ პატარა გორაკის თავზე ავაჭენეთ ცხენები, საიდანაც ხელის გულივით მოჩანდა ყველაფერი. მის ვერნონმა იქაურობა მოათვალიერა. როცა დარწმუნდა, რომ მარტონი ვიყავით, არყის ხის კორომში შევიდა და მეც თან გამიყოლა. ახლა დაფარული ვიყავით მონადირეთა თვალისაგან.

- აგე, იმ მაღალ შავ მთას ხომ ხედავთ? აი, აქეთა ფერდობზე ბუჩქნარში რაღაც თეთრად მოჩანს, არა?

- იმ მთაზე ამბობთ, გრძელი მთაგრეხილის ბოლოს რომ არის? ჭაობთან ზეგანს რომ გადმოჰყურებს? კი, ძალიან კარგად ვხედავ...

- აი, ის, თეთრად რომ მოსჩანს, კლდეა. არწივთა კლდეს ეტყვიან და ეს არწივთა კლდე შოტლანდიაშია.

- მართლა? არ ვიცოდი ასე ახლოს თუ იყო შოტლანდია

- ახლოა, დამიჯერეთ, ძალიან ახლოა. თქვენი ცხენი სულ ორ საათში მიგაქროლებთ.

- ცხენს ხომ არ მოვკლავ. აი ასე, პირდაპირ რომ ვუყურებთ, თვრამეტი მილი მაინც იქნება.

- ჩემი ფაშატი წაიყვანეთ, თუ თქვენი ულაყის იმედი არა გაქვთ. გარწმუნებთ, ორ საათში შოტლანდიაში იქნებით.

- კი მაგრამ მე სულ არ მინდა შოტლანდიაში წასვლა. საზღვარზე რომ ვიყო უკან გამოვბრუნდებოდი. რა საქმე მაქვს შოტლანდიაში?

- თავი რომ გადაირჩინოთ! ამაზე მარტივად როგორ გითხრათ. ახლა ხომ გამიგეთ, მისტერ ფრენკ?

- სულ ვერაფერი გაგიგეთ. კი არა, უფრო დავიბენი!

- მაშინ, ღმერთმანი არ მენდობით, რასაც სულ არ მოველოდი თქვენგან, თანაც ისე ოსტატურად იკატუნებთ თავს, რომ თვით რეშლი ოსბალდისტონსაც შეშურდებოდა, ან კიდევ მართლა არ იცით რა საშინელი საფრთხე გელით. თუ ასეა, აღარ მიკვირს,

რომ ასე მომშტერებიხართ თვალეებში და ისე იბლინძებით, რომ სიცილს ძლივს ვიკავებ!

ცოტა არ იყოს მენყინა მისი ბავშვური მხიარულება და ვუთხარი:

- სინდისს გეფიცებით, მის ვერნონ, სულ ვერ გავიგე თქვენი ნართაული. თავს ბედნიერად ვთვლი, რომ ასე გაგამხიარულეთ, მაგრამ მიზეზს ვერ მივმხვდარვარ!

- მართლაც, სასიხარულო ბევრი არაფერია, - ჩაილაპარაკა ახალგაზრდა ქალბატონმა და სახიდან ღიმილი ჩამოიცილა, - სამხიარულოდ არა გაქვთ საქმე, მაგრამ ისეთი გამომეტყველება გქონდათ, ისეთი დაბნეული იყავით, რომ... საქმე ფრიად სერიოზულია. იცნობთ ვინმე მორეის თუ მორისს? რაღაც ეგეთი გვარი უნდა ჰქონდეს.

- არა, თუ მეხსიერება არ მღალატობს.

- აბა, გაიხსენეთ ამ უკანასკნელი მოგზაურობისას ხომ არ შევდრიხართ ასეთი გვარის ვაცს?

- ერთი ვაცი კი იყო, რომელთანაც ცოტა ხანგრძლივად მომიხდა მგზავრობა. სულ თავის ჩანთას დაჰკანკალებდა. გეგონებოდა თავისი სული აქვს შიგ შენახულიო.

- სულ ლიცენციანტ პედრო გარსიას ჰგვანებია. იმასაც ხომ დუკატებიან ტყავის ჩანთაში ჰქონდა სული შენახული. ჰოდა, ის ვაცი გაძარცვეს და თქვენც დაგასახელათ იმ საშინელი დანაშაულის ჩამდენთა შორის.

- მეხუმრებით, მის ვერნონ?

- რას ბრძანებთ. გარწმუნებთ, რაც გითხარით სრული ჭეშმარიტებაა.

- და თქვენც ფიქრობთ, რომ ასეთი საქმის ჩამდენი ვარ? - ნამოვიძახე გაბრაზებულმა და არც კი ვეცადე, მკვახე ტონი ცოტათი მაინც შემერბილებინა.

- ვაცი რომ ვყოფილიყავი, ნამდვილად დუელში გამომინვევდით არა? ახლაც შეგიძლიათ, თუ მოისურვებთ. გაფრენილი ჩიტის მოკვლაც ისევე მებადვილება, როგორც ხუთი მორისაგან შეკრულ ჭიშკარზე ცხენის გადახტუნება.

მივხვდი, რომ მის ვერნონს არ უნდა გავჭავრებოდი და მივუგე:

- ამასთან, ცხენოსანი პოლკის უფროსიც ბრძანდებით, არა? კარგი, ახლა მაინც მითხარით, რისთვის დაგჭირდათ ჩემი გამასხარავება?

- მე არ გამასხარავებთ! თქვენ ბრალად გედებათ იმ ვაცის გაძარცვა და ბიძაჩემიც ისევე მტკიცედაა დარწმუნებული თქვენს დანაშაულში, როგორც მე ვიყავი ორიოდღე წუთის წინ.

- ღმერთმანი, დიდად ვმაცოფილი ვარ, რომ მეგობრებს ასეთი კარგი შეხედულება ჰქონიათ ჩემზე!

- დამფრთხალი ცხენივით ნუ აბრიალებთ თვალებს და ბუტიობასა და ოხვრა-ხვნეშასაც თავი დაანებეთ. არც ისეთ მძიმე დანაშაულია, თქვენ რომ გგონიათ. განა წვრილმან თაღლითობასა და ჭიბგრობას დაგაბრალებენ! იმ ვაცს სახელმწიფოს თანხა მიჰქონდა. სულ ასიგნაციები და მონეტები. შოტლანდიის ჯარის ხელფასი იყო. გარდა ამისა, როგორც ამბობენ საიდუმლო საბუთებზეც წაურთმევიათ.

- მაშასადამე, მე წვრილმან მძარცველობას ვი არა, სახელმწიფო ღალატს მაბრალებენ!

- რასაკვირველია! ამას ვი არცერთ დროში არ უთვლიდნენ სირცხვილად თავად-აზნაურთა კლასის წარმომადგენელს. ჩვენში ყოველ ნაბიჯზე შეხვდები ადამიანს, რომელიც სიამოვნებით მიაყენებს ბარალს ჰანოვერთა დინასტიას, თუკი ამის შესაძლებლობა მიეცემა. ერთ-ერთი მათგანი ახლა თქვენს გვერდითაა.

- ჩემი პოლიტიკური შეხედულებები და ზნეობა არ გამოირჩევა ასეთი მოქნილობით, მის ვერნონს.

- მე ლამის ვირწმუნო, რომ პრესვიტერიანელი და ჰანოვერთა სახლის ერთგული მსახური ბრძანდებით! კარგი, ახლა რას აპირებთ?

- დაუყოვნებლივ უნდა გავაბათილო ეს საზარელი ცილისწამება. ვისთან შეიტანეს ეს საოცარი საჩივარი?

- მოხუც სკვიარ ინგლვუდთან. საკმაოდ უხალისოდ მიიღო საჩივარი, და, ჩემი აზრით, თვითონვე შეეცადა, რომ ეს ამბავი ბიძათქვენის ყურამდე მისულიყო, ალბათ იფიქრა, ბიძა შოტლანდიაში გააპარებსო. იქ კი აქაური მოსამართლის ბრძანებას ძალა აღარა აქვს, მაგრამ სერ ჰილდებრანდს შესანიშნავად მოეხსენება, რომ თავისი რელიგიური მრწამსისა და წარსულში ჩადენილი ცოდვების გამო მთავრობა ისედაც გეზად უყურებს, და თუ ყაჩაღის მფარველობასაც დაუმტკიცებენ, ხელისუფლებამ, შესაძლებელია, როგორც პაპისტს, მეფე ჯეიმზის მომხრესა და საეჭვო პიროვნებას იარაღი ჩამოართვას და საჭინბოც დაუცარიელოს[96]. ცხენების ჩამორთმევას კი ბიძათქვენი ვერ გადაიტანს.

- ეჭვი არ მეპარება, ძმისშვილს უფრო შეეღვევა, ვიდრე თავის ბედაურებს.

- ძმისშვილს, დისშვილებს, ვაჟიშვილებს და ქალიშვილები რომ ჰყავდეს, იმათაც და მთელ თავის ტომსა და მოდგმას. ამიტომ მისი იმედი ნუ გექნებათ! წამითაც არ ენდოთ და სანამ დროა, გაქუსლეთ!

- აუცილებლად, მაგრამ პირდაპირ იმ სკვიარ ინგლვუდის სახლისკენ გავქუსლავ! რა გზით უნდა წავიდე?

- ჭალა რომ მოჩანს ხევთან, იქიდან ხუთი მილი იქნება. საათიან კოშკს ხედავთ? აი, იქ ცხოვრობს.

- ათ ნუთში იქ ვიქნები, - ვთქვი მე და ცხენს სადავე მივუშვი.

- მეც წამოგყვებით. გზას გასწავლით, - მითხრა დიანამ, მერანს დეზი ჰკრა და ჩორთით ამედევნა.

- თქვენ არ გაგიყოლებთ მის ვერნონ! ეს ძალიან... ნება მიბოძეთ, გულახდილად გითხრათ, როგორც მეგობარმა მეგობარს, რომ თქვენი წამოსვლა არ არის საჭირო. კი არა, უხერხულიცაა. მე ხომ ასეთი უმსგავსი საქმე მბრალდება!

- მესმის, რასაცა ფიქრობთ, - მომიგო მის ვერნონმა და ღანვები შეეფაკლა, -თქვენ გულახდილად გამოთქვით აზრი, - იგი ცოტა ხანს დადუმდა, შემდეგ დასძინა: - მე დარწმუნებული ვარ, რომ ჩემს სახელს უფრთხილდებით, მაგრამ...

- მხოლოდ ამიტომ არ მინდა რომ გამომყვეთ, მის ვერნონ! განა არ ვიცი, რომ კარგი გინდათ ჩემთვის? მგონი, გრძნობთ, თუ რა მაღლობელი ვარ. ვხედავ, რომ ჭეშმარიტად მეგობრული გრძნობა გამოქმედებთ - გინდათ გაჭირვებაში ხელი გამომიწოდოთ, მაგრამ არ მსურს უხერხულ მდგომარეობაში ჩაგაყენოთ. ხალხი სხვანაირად გაიგებს ამას... არ მინდა ბოროტად გამოვიყენო თქვენი დიდსულოვნება. ეს სკანდალური საქმეა და თქვენ თითქმის ღია სასამართლოზე მიბრძანდებით.

- როგორ ფიქრობთ, არ უნდა წამოვიდე, თუკი ვიცი, რომ ბრალდება უსაფუძვლოა, თუკი ვიცი, რომ მეგობარს დაცვა ესაჭიროება?! თქვენ აქაური არა ხართ, რომ მხარში ამოგიდგეთ ვინმე. აქ, სამეფოს განაპირას კი მოსამართლე თავის ნებაზეა მიშვებული და რასაც უნდა იმას აკეთებს. ბიძაჩემმა, არ მოისურვა თქვენს საქმეში ჩარევა, რეშლი აქ არ არის და, კიდევ რომ იყოს, არ ვიცი თქვენ დაგიჭერდათ მხარს თუ დაზარალებულს. თქვენი დანარჩენი ბიძაშვილები ერთიმეორეზე გონებაჩლუნგები და ველურები არიან. ამიტომ მე უნდა წამოგყვეთ და დაგვენმართოთ. არავის არ ვუყურებ. მე მაღალი საზოგადოების ქალბატონი არა ვარ და არც კანონების კრებულებს ვუფრთხი, არც მოსამართლის მუქარას და არც მის უზარმაზარ ჰარიკს!

- კი, მაგრამ, ჩემო ძვირფასო მის ვერნონ...

- დამშვიდდით, ჩემო ძვირფასო მისტერ ფრენსის და ხელს ნუ მიშლით. მე უკვე ავინწყვიტე და ველარავინ გამაჩერებს.

რა თქმა უნდა, მესიამოვნა ამ მშვენიერმა ქმნილებამ, ეგზომ ცხოველი ინტერესი რომ გამოიჩინა, ჩემი ბედისადმი, მაგრამ ვიფიქრე, 18 წლის გოგონა რომ წავიყვანო, სასაცილოდ ამიგდებენ-მეთქი. გარდა ამისა, შემეშინდა ხალხს სხვანაირად არ განემარტა მისი საქციელი და ძალიან ვთხოვე ნუ გამომყვები-მეთქი. მაგრამ ამ თავისნათქვამა გოგონამ პირდაპირ განმიცხადა, თქვენი შეგონებები ამაოა, მე ვერნონის გვარის სიჭიუტე მომსდგამს და ჩემს სიტყვას არაფრით არ გადავალ, მეგობარს გაჭირვებაში ვერ დავტოვებ, თუნდაც დარწმუნებული ვიყო, რომ ბევრს ვერაფერს ვუშველიო. მაგ თქვენ საბუთებს, შესაძლებელია, მართლაც უნდა გაუწიოს ანგარიში კეთილშობილმა, ქალაქის პანსიონში აღზრდილმა დედ-მამის მორჩილმა გოგონამ, მაგრამ მე ჩემი ჭკუა მაქვს და სხვის დაკრულზე არ ვცეკვავო.

ამ ლაპარაკში ჩვენ სწრაფად მივიწვედით წინ და თანდათან ვუახლოვდებოდით მოსამართლე ინგლვუდის სახლს. მის ვერნონმა მარჯვედ შემანწყვეტინა ვამათი: ერთბაშად შეცვალა საუბრის თემა - მოსამართლე ინგლვუდისა და მისი მდივნის დახასიათება დაიწყო და მშვენიერი კრეატიული პორტრეტები დამიხატა. ამ პორტრეტების მიხედვით მოსამართლე ახლად მოქცეული იაკობიტი აღმოჩნდა. იგი თურმე, სხვა აქაური აზნაურების დარად, დიდხანს ითრევდა ფეხს, მაგრამ ბოლოს მაინც შეჰფიცა ერთგულება ახალ მბრძანებელს და ჯილდოდ მოსამართლის თანამდებობა მიიღო.

- ბოლოს და ბოლოს დაუჯერა აქაურ მემამულეებს და მოსამართლეობა იკისრა, - განაგრძობდა დიანა, - ისინი ერთობ შემოთვებულნი იყვნენ იმით, რომ ნადირობის წესებისა და კანონების დაცვას არავინ უწევდა ზედამხედველობას. სასამართლო ხელისუფლების უახლოესი წარმომადგენელი ნიუკასტლის მერი

იყო, რომელსაც ძალზე უყვარდა შემწვარ-მოხრაკული ნანადირევი და მონადირეებზე მეტად ბრაკონიერებს წყალობდა. აქაური მემამულეები მიხვდნენ, რომ აუცილებელი იყო ერთ-ერთი მათგანის იაკობისტული პრინციპები საზოგადოების კეთილდღეობას შესწირვოდა და არჩევანი ინგლვუდზე შეაჩერეს, რადგან მისი პოლიტიკური კრედო არასოდეს გამოირჩეოდა სიმტკიცითა და თანმიმდევრობით. ასე და ამგვარად, შექმნეს ნორთუმ-ბრელენდელმა მემამულეებმა სამართლიანობის სხეული და ახლა საჭირო იყო სული ჩაებერთათ მისთვის, რომ სხეული გაცოცხლებულიყო და ემოქმედა. და აი, მათ გამოძებნეს ერთი გაქნილი ნიუკასტლელი იურისტი, გვარად ჯობსონი, რომელმაც კანონისა და სამართლის გაყიდვა დაიწყო მემამულე ინგლვუდის სახელით. და რადგან, ჯობსონის პირადი შემოსავალი გასარჩევი საქმეების რაოდენობაზეა დამოკიდებული, ცდილობს და ახერხებს კიდევ, რომ უამრავი საქმე გამოუნახოს განსასჯელად თავის პატრონს, თუმცაღა ამ პატიოსან მემამულეს დიდად არ ეხალისება ასეთი გაცხოველებული საქმიანობა. საქმე იქამდე მივიდა, რომ ირგვლივ, ათი მილის მანძილზე, ვაშლის გამყიდველმა დედაკაცმა ამ ზოზინა მოსამართლისაგან უნდა აიღოს ნებართვა. ყველაზე სასაცილო სცენები მაშინ იმართება როცა საქმეს პოლიტიკის სუნი ასდის. აი, ჩვენი დღევანდელი საქმე რომ არის, იმაზე მოგახსენებთ. მაშინ მისტერ ჯომეფ ჯობფსონი პროტესტანტული რელიგიისა და თანამედროვე საეკლესიო და სახელმწიფო წყობის ერთგული დამცველის როლში გამოდის და ალბათ სათანადო მიზმიცა აქვს, რომ ასე იქცევა. მისტერ ინგლვუდი კი გულში ჯერ კიდევ იმ ძველი პრინციპების ერთგულია, რომლებიც ცოტა ხნის წინათ სახალხოდ უარყო, რათა დიდად პატრიოტული საქმე გაეკეთებინა: განუხრელად გაეტარებინა ცხოვრებაში ჭაობის ფრინველების, კურდღლების, გნოლებისა და კაკბების განადგურების ამკრძალავი კანონები და თავს ძალზე უხერხულად

გრძნობს, როდესაც მისტერ ჯობსონი გულმოდგინედ ცდილობს მოსამართლე გუშინდელი რწმენისა და შეხედულების წინააღმდეგ ალაპარაკოს. მისტერ ინგლვეუდი, კი ნაცვლად იმისა, რომ მხარი აუბას თავის თანაშემწეს, სიზარმაცის ნიღაბს იფარებს და მთლად გამოიშტერებს ხოლმე თავს, თუმცა იმ კაცის პირობაზე, რომლის ერთადერთი მიზანი და სიამოვნება ამქვეყნად მხოლოდ მაძღრისად ჭამა და გამოთრობაა, მოსამართლე საკმაოდ გამჭრიახი, მხიარული და მკვირცხლი მოხუცია. ეს თუ იცი, სიცილს ვერ შეიკავებ, როცა იგი პროცესის დროს უეცრად მოდუნდება და ყველაფრის ხალისს დაკარგავს ხოლმე. ჯობსონი კი ამ დროს იმ ცხენს წააგავს, მძიმე ფორნის დაძვრას რომ ცდილობს. პირზე ქაფმომდგარი ცხენი ფრუტუნებს, ჭიხვინებს და მთელი ძალით ეწევა მართლმსაჯულების ფორანს. ფორანი ჭრიალებს, მაგრამ ისე მძიმედაა დატვირთული, რომ ადგილიდან ვერ იძვრის. ამას კიდევ აიტანდა საწყალი, მაგრამ თურმე იმაზე სკდება გულზე, რომ სწორედ ეს მართლმსაჯულების ფორანი, რომლის ადგილიდან დაძვრას თვითონ ვერაფრით ახერხებს, ხანდახან უკან დაგორდება და მასაც თან გაითრევს ხოლმე. ეს კი მაშინ ხდება, როცა სკვაიერ ინგლვეუდის ძველ მეგობრებს გაუჭირდებათ რამე და სასამართლოს მიაკითხავენ. მაშინ მისტერ ჯობსონი ბუზღუნით ირწმუნება, მისტერ ინგლვეუდის და მისი ოჯახის დიდი ხათრი და პატივისცემა რომ არ მაკავებდეს, ყველაფერს შინაგან საქმეთა მინისტრს მოვახსენებდიო.

მის ვერნონმა ეს საინტერესო აღწერილობა დაამთავრა და მივადევით კიდევ ინგლვეუდის კარმიდამოს - ლამაზ, მაგრამ ცოტა არ იყოს ძველი ყაიდის ნაგებობას. ყველაფერი მიგანიშნებდათ, რომ ეს ძველი და საპატიო გვარის საცხოვრებელი იყო.

თავი VIII

სერ პირფერობად არ ჩამომართვათ, - ნინ მლიქვნელურად წარდგა ვეფილი.

თქვენ საბუთები ისე ყოჩაღად, ისე მარჯვედ გაქვთ გამოქეცილი,

რომ დაყოვნება უაზრობაა... ან შეგენით ღმერთი ციერი, სხვას სამსჯავროში წარმოსადგენად ვერც ინატრებდა ძეხორციელი.

ბატლერი.[97]

ეზოში სერ ჰილდებრანდის ლივრეიანი მსახური შემოგვხვდა. ცხენები მივაბარეთ და სახლში შევედით. აქ მე და ჩემს მშვენიერ თანამგზავრს კიდევ უფრო გასაოცარი შეხვედრა გველოდა: ჰოლში რეშლი ოსბალდისტონი იდგა! თვითონ რეშლიმაც ვერ მოახერხა, რომ ჩვენს დანახვაზე გაკვირვება დაემალა. მის ვერონონმა ხმის ამოდება არ დააცადა მამიდაშვილს:

- რეშლი, თქვენ გაიგეთ მისტერ ოსბალდისტონის ამბავი და უკვე ესაუბრეთ მოსამართლეს, არა?

- რა თქმა უნდა, - მშვიდად მიუგო მან, - სწორედ ამ საქმეზე მოვედი. ძალიან ვეცადე შეძლებისდაგვარად დავხმარებოდი ჩემს ბიძაშვილს, - იგი ჩემკენ შემობრუნდა და თავი დამიკრა, - მაგრამ ის კი ძალზე მეწყინა, რომ აქ შევხვდით ერთმანეთს.

- თქვენ ჩვენ მეგობარი და ნათესავი ხართ, მისტერ ფრენსის ოსბალდისტონ და ნაწყენი მაშინ უნდა დარჩენილიყავით სხვაგან

რომ შეგხვედროდით. მე ისეთი სამარცხვინო დანაშაული მედგება ბრალად, რომ სწორედ აქ უნდა მოვსულიყავი და თანაც დაუყოვნებლივ!

- მართალია, მაგრამ მამაჩემთან საუბრის შემდეგ ისეთი შთაბეჭდილება შემექმნა, რომ თქვენ ცოტა ხნით შოტლანდიაში წაბრძანდით - დროებით, ვიდრე ეს საქმე მიჩუმდება.

ცხარედ ვუპასუხე, ვერ ვხვდები რატომ უნდა გამოვიჩინო ასეთი სიფრთხილე, მე არაფრის მიჩუმებას არ ვაპირებ! პირიქით, აქ იმიტომ მოვედი, რომ გავაბათილო ეს საშინელი ცილისწამება და ვამხილო ცილისმწამებლები-მეთქი.

- მისტერ ფრენსის ოსბალდისტონი უდანაშაულოა, რეშლი, და თხოულობს, რომ თხოულობს დანვრილებით გამოიძიონ ეს საქმე! მე მტკიცედა მაქვს გადაწყვეტილი, მხარში ამოვუდგე, - თქვა მის ვერნონმა.

- თქვენა, ჩემო მშვენიერო ბიძაშვილო?! ვფიქრობ, მე უფრო ძალმიძს და შემეფერება კიდევ მისტერ ფრენსის ოსბალდისტონის შველა.

- რასაკვირველია, მაგრამ ხომ მოგეხსენებათ, რომ ერთ ჭკუას ორი სკობს!

- რასაკვირველია, მით უმეტეს, როცა ისეთი ჭკუა ჩაერევა საქმეში, როგორიც თქვენა გაქვთ, ჩემო ძვირფასო დო! - თქვა რეშლიმ, მის ვერნონს მიუახლოვდა და ალერსიანად მოჰკიდა ხელში ხელი. იმ წამში იგი გაცილებით მახინჯად მეჩვენა, ვიდრე სინამდვილეში იყო. შემდეგ მის ვერნონმა გვერდზე გაიყვანა რეშლი და ხმადაბლა დაუწყო ლაპარაკი. დიანა რაღაცას აძალებდა. რეშლის, ჩანდა, არ უნდოდა ან არ შეეძლო მისი თხოვნის შესრულება. ჩემს დღეში არ მენახა ასეთი სხვადასხვა გამომეტყველება ორი მოსაუბრის სახეზე: რეშლი მშვიდად ელაპარაკებოდა, ოდნავ უკან გადახრილიყო და მოკრძალებული ღიმილით, მაგრამ დაჟინებით უსაბუთებდა რაღაცას. მის ვერნონი ყურადღებით უს-

მენდა, მერე გაბრაზდა, სახე აელენა, თვალები აენთო, პატარა ხელი მუშტად შეკრა და იატაკზე ფეხის ბაკუნი დაიწყო. ბოლოს სწრაფად გადგა გვერდზე და მიახალა: მე ასე მწადიაო.

- ვერ მოვახერხებ, შეუძლებელია! წარმოგიდგენიათ მისტერ ოსბალდისტონ?.. - მომიბრუნდა რეშლი...

- ხომ არ შეიშალეთ?! - შეაწყვეტინა დიანამ.

- წარმოგიდგენიათ?! - განაგრძო მან. - მის ვერნონი მიმტკიცებს, რომ მე დარწმუნებული ვარ თქვენს უცოდველობაში (მართლაც, ჩემზე მეტად ვინ უნდა იყოს ამაში დარწმუნებული) და, რომ, გარდა ამისა, მე ვიცი, ვინ გაძარცვა ეს ვილაცა კაცი (თუ მართლა გაძარცვეს!) ამისთანა რამე გაგიგიათ მისტერ ოსბალდისტონ?!

- მე ნებას არ გაძლევთ, ელაპარაკოთ მისტერ ოსბალდისტონს ამ საკითხზე, რეშლი! მან არ იცის, რომ თქვენ აქაური ამბები ყოველთვის დანვრილებით და ზუსტად მოგეხსენებათ.

- ღმერთმანი, ძალიან აზვიადებთ. ამდენი ქების ღირსი არა ვარ.

- მე სიმართლეს ვამბობ, რეშლი და იმედი მაქვს, რომ თქვენც არ გადაუხვევთ ჭეშმარიტების გზას და ძირშივე აღკვეთავთ უსამართლობას!

- ნამდვილი ტირანი ხართ, დიანა, - ამოიოხრა რეშლიმ, - ჭირვეული და თავისნათქვამა ტირანი, გინდათ, რომ ყველამ თქვენს ჭკუაზე იაროს. რა გაეწყობა, უნდა შეგისრულოთ ეგ სურვილი, მაგრამ თქვენ აქ არ უნდა მოსულიყავით. ხომ იცით, რომ აქ არ უნდა იყოთ. მე და თქვენ უნდა წავიდეთ აქედან.

დიანა შეყოყმანდა. რეშლი მომიახლოვდა და მეგობრული ტონით მითხრა:

- გარწმუნებთ, მისტერ ოსბალდისტონ, რომ სულითა და გულით მონდომებული ვარ დაგეხმაროთ და თუ გტოვებთ მხოლოდ იმიტომ, რომ თქვენი საქმე მოვაგვარო. მაგრამ დიანა შინ

უნდა დაბრუნდეს! გამოიყენეთ თქვენი გავლენა, დარწმუნებული ვარ დაგიჭერებთ. მისი დარჩენა უხერხულია, თქვენ კი არაფერს გარგებთ!

- გარწმუნებთ, სერ, რომ მეც ამავე ამრისა ვარ, - მივუგე რეშლის, - ყველანაირად ვეცადე დამებრუნებინა, მაგრამ ვერაფერს გავხდი.

- მე უკვე გადავწყვიტე, - მითხრა მის ვერნონმა ცოტა ხნის ფიქრის შემდეგ, - ფეხს არ მოვიცვლი აქედან, სანამ ფილესტიმელთა ხელიდან არ გათავისუფლდებით. ეჭვი არ მეპარება, რომ ჩემი ძვირფასი მამიდაშვილი რეშლი გულწრფელადაა მონადინებული დაგეხმაროთ, მაგრამ ჩვენ კარგად ვიცნობთ ერთმანეთს... მე არ წამოვალ რეშლი! - მტკიცედ განაცხადა დიანამ, მერე კი ნაზად დაამატა, - ვგრძნობ, რომ მაშინ უფრო დააჩქარებთ და უფრო გულითაც მოევიდებით საქმეს.

- რა გიყოთ, დარჩით! ხომ ვიცი, რა ჭიუტი და თავნება ხართ. იცით, რომ არ გიღალატებთ და იმიტომ ამომირჩიეთ დამხმარედ.

რეშლი სწრაფად გავიდა ჰოლიდან და ცოტა ხნის შემდეგ ცხენის ფლოქვების ხმა გავიგონეთ.

- მადლობა ღმერთს, წავიდა! მოდი, ახლა მოსამართლე მოვძებნოთ, - თქვა დიანამ.

- განა არ აჯობებს, რომ მსახურს ვუხმოთ?

- არავითარ შემთხვევაში! მე ვიცი მისი ბუნების გზა. ჯობს მოულოდნელად დავესხათ თავს. მომყევით!

დიანა დაიძრა და მეც მორჩილად მივყევი უკან. ჩაბნელებული კიბე ავირბინეთ, პირქუში დერეფანი გავიარეთ და მოსამართლის კაბინეტის წინა ოთახში აღმოვჩნდით. ოთხივე კედელი ძველი რუკებით, არქიტექტურული ნახაზებით და გენეალოგიური სქემებით იყო დაფარული. კაბინეტის კარები მოხურული იყო. შიგნიდან ვიღაცა ძველებურ სიმღერას მღეროდა, იგრძნობოდა,

რომ იგი ოდესღაც სუფრული სიმღერების დახელოვნებული შემსრულებელი იქნებოდა.

ო, ამ სკიპტონ-კრაივენს
კარგს უპოვნით რაიმეს?
ყველაფერი თქეშსა და ნიაღვარში უღვებათ.
ვინმე ბრიყვი თუ არი,
გოგოს უთხრას უარი, -
ყელსახვევი ქცეოდეს სახრჩობელას ყულფადა.

- დახე! ჩვენს მხიარულ მოსამართლეს უკვე მიუერთმევია სადილი. არ მეგონა თუ ასე გვიან იყო.

მოსამართლეს, მართლაც მოეთავებინა სადილობა. სასამართლო განამანჩიას მისთვის მადა გაეღვიძებინა და ინგლისში დადგენილი პირველი საათის ნაცვლად თორმეტზე დამჭდარიყო ტრაპეზად. ამ დილას ისე წაეწყო ყველაფერი ერთმანეთს, რომ უფრო ადრე ვერ მოვახერხებდით მისვლას მოსამართლესთან. მას კი დრო მოეგდო ხელთ და უკვე მოეთავებინა ის საქმე, რომელიც ყველაზე მნიშვნელოვნად და სასიამოვნოდ მიაჩნდა ამ ქვეყნად.

- თქვენ აქ დამელოდეთ, - მითხრა დიანამ, - მე ამ სახლის ყველა კუნჭული ვიცი. წავალ და მსახურს მოვიყვან. პირდაპირ რომ შევიდეთ, მოხუცი დაფრთხება.

მის ვერნონი გაქრა. მე ერთხანს ვერ გადავწყვიტე, როგორ მოვექცეულიყავი - წინ წავსულიყავი თუ უკან. სასადილო ოთახიდან საკმაოდ გარკვევით ისმოდა ლაპარაკი: ვილაცა, ხავილა ხმით ბოდიშობდა, სიმღერა არ მეხერხებაო. ეს ხმა თითქოს მეცნო კიდევ.

- მაშ არ იმღერებ სერ? ეს რა მესმის, წმინდაო მარიამ! არა, აუცილებლად უნდა იმღერო. რაო? მთელი ფიალა ესპანური

ღვინო გადაყლურჭე და ახლა ამბობ სიმღერა არ შემიძლიაო? ეს ვერცხლით მოჭედილი ქოქოსის კაკლის ფიალა ხომ შენ ამოაშრე? ეს ღვინო ხომ კატასაც აამღერებს. აამღერებს კი არა, აალაპარაკებს კიდევ. აბა ყოჩაღად! დაიწყე ან მოუსვი აქედან! როგორ ამდენი დრო დამაკარგვინე მაგ შენი ს-ს-საჩივრების მოსასმენად და ახლა მეუბნები სიმღერა არ შემიძლიაო?!

- თქვენი მოთხოვნა სავსებით კანონიერი, პატივცემულო მოსამართლე! - თამამად ჩაერია ლაპარაკში ვიღაც მესამე. ეს ალბათ მდივანი იყო. - მომჩივანი მოსამართლის გადანყვეტილებას უნდა დაემორჩილოს. თუკი მოსამართლემ თავისი ხელით აღგიბეჭდათ შუბლზე „Canet[98]“, სხვა გზა აღარა გაქვთ, უნდა იმღეროთ.

- აბა მალე! - გაბრაზდა მოსამართლე, - მორჩი, თორემ წმინდა ქრისტოფერს გეფიცები, ამ ქოქოსის ფიალას მარილ-წყლით გაგივსებ და დაგალევინებ! კანონის ერთ-ერთი მუხლით სწორედ ასე უნდა მოვიქცეთ ამისთანა შემთხვევებში.

ამდენმა შეგონებამ და მუქარამ გაჭრა: ჩემი ყოფილი თანამგზავრი (მე უკვე დავრწმუნდი, რომ სწორედ ის იყო სამართლის მთხოვნელი) წამოდგა და ისეთი ხმით დაიწყო სიმღერა, გეგონებოდათ ეშაფოტზე აიყვანეს და სიკვდილის წინ ფსალმუნს გალობსო. აი, ეს ნაღვლიანი სიმღერაც:

ყური მიგდეთ, მოძმენო, აქ შემოკრებით ყველანი მსურს გაგაცნოთ ყაჩაღი - თავხედი და ვერანი:
„- ჩქარა ფული მომეცი, არ დაიწყო ტარტალი!“-
გააჩერა ქუჩაში კაცი ალაღ-მართალი.
ფულს ცინცლავდა მოპოვებულს დაგვითა და წვით თან უსტვენდა თავხედურად: ფშვიტ, ფშვიტ, ფშვიტ...
დამბაჩა და ხმალი ერთყა, იდგა როგორც ბელადი, უფრო გალამაზდებოდა კოხტა სახრჩობელათი...

ამ ყაჩაღმა კენსინგტონის და ბრენტფორდის შუაში
ექვსი ვაცი რომ შენიშნა, არ დაუჭდა ჭკუაში.
მაინც მკვირცხლად შეუძახა ვაჟკაცური ხმით,
თან უსტვენდა თავხედურად: ფშვიტ, ფშვიტ, ფშვიტ.
საწყლებს ღვინო დაეღლიათ, პინტი ღვინო თავისთვის,
მოდოდნენ ბრენტფორდიდან, სად ეცალათ დავისთვის.
გზად ყაჩაღი გადაუდგათ, ნაუმნარდათ სადილი,
„ჩქარა ფული! უსირცხვილოდ ამცნო გულისწადილი,-
თორემ ოხრად გარწყვინებთ, რაც ჭამეთ და სვით...“
თან უსტვენდა თავხედურად: ფშვიტ, ფშვიტ, ფშვიტ...

ლოდინი მომბებრდა, თანაც მეუხერხულა, რომ კართან ვიდე-
ქი და ვაყურადებდი. სწორედ იმ დროს, როცა ჩემი ძველი მეგო-
ბარი მორისი თავისი ნალვლიანი ბალადის მეხუთე სტროფს შეს-
დგომოდა, ვარი შევალე და საზოგადოებას წარვედექი. მომღე-
რალი ისე დაათრთხო ჩემმა დანახვამ, რომ მის სიმღერაში მოხ-
სენიებული პატიოსანი მოგზაურის შიში მონაგონი იყო. არც გამ-
კვირვებია, რადგან მორისს მე ისეთივე საეჭვო პიროვნებად მი-
ვაჩნდი, როგორც მისი სიმღერის გმირი იყო. მას ხმა ჩაუწყდა,
პირი ღია დარჩა და ისე გაქვავდა, თითქოს ხელში გორგონას[99]
თავი მეჭირა.

მოსამართლე აქამდე თვალმილულული რომ უსმენდა სიმღე-
რას, სიჩუმის ჩამოვარდნისას გამოფხიზლდა, წელში გასწორდა
და გაოცებული მომაშტერდა. ის ვაციც, რომელიც გარეგნობის
მიხედვით თუ ვიმსჯელებთ ნამდვილად მდივანი უნდა ყოფილი-
ყო, აწრიალდა. იგი მორისის პირდაპირ იჭდა და ამ „პატიოსანი
ჯენტლმენის“ შიში გადაედო, თუმცა საამისო საბაბი არ ჰქონდა,
რადგანაც პირველად მხედავდა.

სიჩუმე პირველად მე დავარღვიე.

- მე ფრენსის ოსბალდისტონი ვარ, მისტერ ინგლვუდ. გადმომცეს, რომ თქვენთან საჩივარია შემოსული, ვიდაც არამზადა მძარცველობაში მდებს ბრალს.

- ამისთანა საქმეებს მე სადილის შემდეგ ხელს არ ვკიდებ, სერ, - ბრაზიანად მითხრა მოსამართლემ, - ყველაფერს თავისი დრო აქვს. მომრიგებელი მოსამართლეც ადამიანია და შიშმილით თავს ვერ მოიკლავს.

მისტერ ინგლვუდის გაჟინჟილებული სახე აშკარად მეტყველებდა, რომ მისი პატრონი დიდად არც მარხულობით იკლავდა თავს და არც ჯაფით.

- ბოდიშს ვიხდი, რომ უდროო დროს შემოგეჭერთ, მაგრამ ჩირქი მომცხეს... თანაც, მგონი უკვე დაამთავრეთ სერობა და...

- ჯერ არ დამიმთავრებია, სერ. ერთი-ორი უნდა დავისვენო, ვიმასლაათო, ცოტა ღვინო უნდა დავაყოლო, თორემ საჭმელი არ შემერგება.

- მაპატიეთ, ბატონო მოსამართლე, - ჩამოგვერია ლაპარაკში მისტერ ჯობსონი, რომელიც უკვე სანერ-კალმითა და მეღვინით შეიარაღებულიყო, - რადგან ეს სისხლის სამართლის დანაშაულია და ამ ჯენტლმენს, როგორც ჩანს, სურს რაც შეიძლება მალე გაირკვეს სიმართლე და რადგან ბრალდება შეიძლება მივაკუთვნოთ *Contra pacem domini regis...*[100]

- ჭირმა წაიღოს *domini regis!* - გაცეცხლდა მოსამართლე, - იქნებ ეს სიტყვებიც სახელმწიფო ღალატად ჩამითვალო, მაგრამ მე მეტის ატანა აღარ შემიძლია. ერთი წუთით არ უნდა მოისვენოს ვაცმა?! ყელში ამომივიდა ეს დაპატიმრებები, ბრძანებები, საბრალდებო ოქმები, დაკითხვები, დასკვნები. გულახდილად გეუბნები მისტერ ჯობსონ, რომ ერთ დღეს ამ მოსამართლის მოსასხამსა და შენ ჯანდაბის იქით გაგაგზავნით.

- ბატონმა მოსამართლემ მხედველობაში უნდა მიიღოს, თუ რა საპატიოა თანამდებობა, რომლის შემსრულებელი წარმოად-

გენს quorum[101]-ს და custos rotularum[102]-ს. თანამდებობა, რომელზედაც სერ ედუარდ[103] ქოუკმა ბრძნულად თქვა: „ქრისტიანულ სამყაროში არ არის არაფერი მისი შესადარი და ამიტომ პიროვნება, რომელსაც იგი უჭირავს, ყოველნაირად უნდა ცდილობდეს კეთილსინდისიერად შეასრულოს თავისი მოვალეობა“.

- კარგი, - თქვა მისი თანამდებობის შექებით ნასიამოვნებმა მოსამართლემ და ვეება ჭიქას წაეტანა, რომ გაფიცებული გული ღვინით გაეგრილებინა. დავინწყით ამ საქმის გარჩევა და, რაც შეიძლება, მალე მოვრჩეთ. აბა ერთი მითხარით, ბატონი, თქვენ გეკითხებით, მორის, დიახ თქვენ მწუხარე სახის რაინდო ადასტურებთ, რომ ფრენსის ოსბალდისტონი და ის ჯენტლმენი, რომელსაც თქვენ გაძარცვაში ადანაშაულებთ, ერთი და იგივე პიროვნებაა?

- მე მეკითხებით, ბატონო? - ამოიკნავლა შეშინებულმა და დაბნეულმა მორისმა, - მე არავის ვადანაშაულებ, მე არაფერი მითქვამს ამ ჯენტლმენის წინააღმდეგ.

- თუ ასეა, თქვენი საქმე შეიძლება მოსპობილად ჩაითვალოს. მორჩა და გათავდა. არც დავა დაგვჭირდა არც ჩხუბი. ბოთლი დაიდგით, მისტერ ოსბალდისტონ და ღვინო მიირთვიეთ.

მაგრამ ჯობსონს, როგორც ჩანს, არ სურდა, რომ მორისი ასე უდავიდარაბოდ გამომძვრალიყო ამ საქმიდან.

- ეგ როგორ მისტერ მორის?! აი თქვენი ხელით დაწერილი საჩივარი, მელანი ჯერაც არ შემშრალა ზედ და უკვე უარს ამბობთ?! სირცხვილი არ არის?!

- აბა რა ვიცი რამდენი ყაჩაღია ჩასაფრებული ამ სახლში, - დაიჩურჩულა მორისმა, - ამისთანა ამბები მრავლადაა ჯობსონის „ყაჩაღების ცხოვრებაში“. ერთიც ვნახოთ გაიღოს კარი და...

მართლაც გაიღო კარი და ოთახში დიანა ვერნონი შემოვიდა.

- შესანიშნავი წესრიგი გქონიათ სახლში, ბატონო მოსამართლე, - შემოილაპარაკა დიანამ, - სანთლით რომ ეძებო, ერთ მსახურსაც ვერ იპოვი.

- ოო, - წამოიძახა მოსამართლემ და სწრაფად წამოდგა ფეხზე, რომ დიანას შეგებებოდა. აშკარა იყო თემიდასა[104] და კომოსის[105] სამსახურს ჯერ ისე არ დაემძიმებინა, რომ მშვენიერებისათვის თავისი არ მიეზლო, - აი, დი ვერნონიც - ჩივიოტის[106] ნაზი ყვავილი, ორი ქვეყნის საზღვარზე ამოხეთქილი თოთო კვირტი! მარტოხელა ვაცის საცოდავი სახლის დასათვალიერებლად მობრძანდით, არა? მობრძანდი, როგორც მაისის ვარდი, ჩემო გოგონავ!

- დიდებული, სტუმართმოყვარე სახლი გაქვთ, ბატონო მოსამართლე, მაგრამ სტუმრის შემომპატიჟებელი არავინ გყოლიათ.

- ოჰ, ეგ გაიძვერები! დრო იხელთეს. იციან, რომ ერთი-ორ საათს არ დაუძახებ. ნეტავი ადრე მობრძანებულიყავით! თქვენმა ბიძაშვილმა რეშლიმ ისადილა ჩემთან და პირველი ბოთლი რომ გამოვცალეთ, კურდღელივით მოუსვა. თქვენ უსადილო იქნებით. ახლავე რაიმეს მოვძებნით, რაიმე მსუბუქს, თქვენსავით ტკბილსა და ნაზს. აი, ვუბრძანებ ახლავე მოგვიმზადებენ.

- აქ შემოსვლამდე გამხმარი პურის ნატეხს ვნატრობდი. მე ხომ დილიდან ცხენს დავაჭენებ. დიდხანს ვი ვერ მოვიცდი, ბატონო მოსამართლე. ბიძაშვილს მოვყევი, ფრენკ ოსბალდისტონს, და შინაც მე უნდა მივიყვანო, თორემ ჩვენ მინდვრებსა და ველებში გზა დაებნევა.

- ოჰო! აი, თურმე რა ყოფილა! - წამოიძახა მოსამართლემ და დაიღლინა:

ქალი წამოდგა, ქალი წარუძღვა, ქალმა ყველაფრის ახსნა ინება, -

რა გზით იაროს, რომ არ გაჭირდეს მასთან შეყრა და დაქორ-
წინება.

მაშასადამე, ჩვენ ბებრები გვერდზე უნდა გადავდგეთ, ჩემო
მინდვრის შროშანო, არა? არავითარი იმედი აღარ ვიქონიოთ?

- არავითარი, მაგრამ თუ სიკეთეს იზამთ, სწრაფად განიხი-
ლავთ ფრენკის საქმეს და შინ გავგიშვებთ, იმ კვირას ბიძას გას-
ტუმრებთ სადილად და კარგად ვიქეიფებთ.

- ასეც მოვიქცევი, ტაიტის მარგალიტო. იცი, ჩემო გოგონავ,
არასოდეს შევნატროდი იმ ჭაბუკებს, კისრისტეხით რომ მიაჭენე-
ბენ ცხენებს, მაგრამ თქვენ რომ დაგინახავთ, ლამის გავგიჟდე!
თუმცა გეჩქარებათ, მე ვი გაყოვნებთ. სავსებით საკმარისად მი-
მაჩნია მისტერ ფრენკ ოსბალდისტონის ახსნა-განმარტება. აქ რა-
ლაც შეცდომა ყოფილა, რომელსაც გამოვასწორებთ. მოვიცლით
და გამოვასწორებთ.

- მაპატიეთ, სერ, - მივმართე მოსამართლეს, - მე ჯერაც არ ვი-
ცი, რაში მდებენ ბრალს.

- დიახ, სერ, - ჩამოგვერია ლაპარაკში მდივანი, რომელმაც
მის ვერნონის გამოჩენისას ალბათ უკვე გადაიწყვიტა იმედი, რომ
ამ საქმიდან რამეს გამოადნობდა, მაგრამ, როცა მოულოდნე-
ლად ასეთი ხელჩასაჭიდი იპოვა, გადაწყვიტა კვლავ გაეგრძელე-
ბინა შეტევა, - დიახ, სერ, დალტონი ამბობდა: „თუ ვინმეს ბრალი
ედება დანაშაულში, იგი არ შეიძლება განთავისუფლდეს ვინმეს
შუამდგომლობით, არამედ შეიძლება განთავისუფლდეს თავდებ-
ში ან უნდა აყვანილი იქნას პატიმრობაში. ამასთან მან უნდა გა-
დაუხადოს მომრიგებელი მოსამართლის მდივანს დადგენილი
თანხა, როგორც პირველ ასევე მეორე შემთხვევაში“.

მოსამართლე იძულებული გახდა, ორიოდ სიტყვით მაინც
გადმოეცა საქმის შინაარსი.

როგორც ჩანს, მორისზე უმოქმედია ჩემს ოინებს, რადგან ჩვენებაში სულ ამაზე იყო ლაპარაკი, თანაც იმ აღგზნებულ დამფრთხალ ადამიანს ყველაფერი გაეზვიადებინა. თურმე იმ დღეს, ერთმანეთს რომ დავშორდით, ორი კბილებამდე შეიარაღებული ნიღბიანი ცხენოსანი დახვედრია ერთ უდაბურ ადგილას და განუყრელ ჩემოდანზე ხელი აუღებინებიათ. ერთ-ერთი თავდამსხმელი მე მგვანებია იერთა და ქცევით და როცა ყაჩაღები ერთმანეთს ეჩურჩულებოდნენ, თურმე მორისმა გაიგონა რომ ერთმა მეორეს ოსბალდისტონი უწოდა. საჩივრის დანარჩენი ნაწილი ჩვენი გვარის ლანძღვა-გინებას ეჭირა. დაბარალებულს მოუკრეფია ცნობები და დაუდგენია, რომ ოსბალდისტონი ყველაზე საშინელი გვარი იყო, რომ მისი ყველა წარმომადგენელი ვილჰელმ დამპყრობლის დროიდან პაპისტად და იაკობისტად ითვლებოდა. თურმე ასე უთქვამს დისიდენტ მღვდელს, რომლის სახლშიც გაუთევია ღამე მორისს გაძარცვის შემდეგ. ყოველივე ეს მაძიებელს იმის აშკარა დამადასტურებელ საბუთად მიაჩნდა, რომ მე მონაწილე ვიყავი იმ დანაშაულისა, რომელიც მის მიმართ იქნა ჩადენილი მაშინ, როცა ზემოთხსენებული მაძიებელი მოგზაურობდა სახელმწიფოს საგანგებო დავალებით და თან მიჰქონდა ფრიად მნიშვნელოვანი სახელმწიფო საბუთები და დიდი თანხა, ერთიცა და მეორეც შოტლანდიაში უნდა გადაეცა ინგლისის მთავრობის ნდობითა და პატივისცემით აღჭურვილ რამდენიმე პიროვნებისათვის.

ეს უცნაური ბრალდება რომ მოვისმინე, განვაცხადე, რომ სამართლო და სამოქალაქო ხელისუფლებას არა აქვს საფუძველი ჩემს დასაპატიმრებლად, რადგან სამხილი, რომელზედაც ბრალდებაა აგებული აშკარად არა საკმარისია-მეთქი. მე ვაღიარე, რომ მართლაც, სანამ ერთად ვმოგზაურობდით ცოტათი ვაშინებდი მისტერ მორისს, მაგრამ მასზე ოდნავ უფრო მამაც ადა-

მიანს ასეთი დაშინება სასაცილოდაც არ ეყოფოდა და ჩემს ლა-
პარაკს ყურს არ ათხოვებდა-მეთქი.

შემდეგ დავძინე, რომ მისტერ მორისს პირველად ვხედავდი
იმის შემდეგ, რაც ჩვენი გზები გაიყო. თუ მას მართლა შეემთხვა
ის უბედურება, რომელსაც ყოველ წუთში გულის კანკალით მო-
ვლოდა, ამაში ჩემი ხელი არ ურევია, სრულიად წარმოუდგენე-
ლია, რომ ჩემი შეხედულებებისა და საზოგადოებრივი მდგომარ-
ეობის ადამიანმა ასეთი უგვანო საქმე ჩაიდინოს. ის მტკიცება,
რომ თითქოსდა ერთ-ერთი ყაჩაღი ოსბალდისტონი იყო და ეს
გვარი მისტერ მორისმა ყაჩაღების საუბრისას გაიგონა მტკნარ სი-
სულელედ და უსირცხვილო მონაჭორად გამოვაცხადე და დავძი-
ნე: „რაც შეეხება ბრალდებას, თითქოს მე მეფე იაკობისა და ჰა-
პის მომხრე ვიყო, მზადა ვარ დავუმტკიცო პატივცემულ მოსამარ-
თლეს, მის მდივანს და თუნდაც თვითონ მომჩივანს, რომ მე იმავე
რელიგიას ვაღიარებ, რომელსაც ის ვილაც დისიდენტი პასტორი
ემსახურება, აღზრდილი ვარ რევოლუციის სულისკვეთებით, ვარ
მეფის ერთგული ქვეშევრდომი და მოვითხოვ დიადი გადატრია-
ლების მიერ ნაბოძები მონყალების - პირადი ხელშეუხებლობის
კანონის გატარებას“.

მოსამართლე აწრიალდა, ბურნუთი შეიყარა ცხვირში, მერე
რალაცის თქმა დააპირა, მაგრამ ისე იყო დაბნეული, რომ სათ-
ქმელს თავი ვეღარ მოაბა. ბატონი მდივანი კი, როგორც მისი ხე-
ლობის ვაცს ხამდა, ენად გაიკრიბა და დანვრილებით გაგვაცნო
ედუარდ III კანონები 34-ე მუხლი, რომლის თანახმად მომრიგე-
ბელ მოსამართლეს უფლება აქვს დააპატიმროს დანაშაულში ეჭ-
ვმიტანილი პიროვნება. იმ გაიძვერამ ჩემი ჩვენება გამოიყენა და
მითხრა, ისევ თქვენი ბრალია, რომ მისტერ მორისი ხელს გა-
დებთ, რადგან, როგორც უკვე აღიარეთ, ყაჩაღივით იქცეოდით
და საბაბი მიეცით, სწორედ თქვენ მიეჩნით გაძარცვის ერთ-ერთ
მონაწილედ.

ბრალდება კვალავ გულისწყრომით უარყავი, ჯობსონის იკლიკანტური მსჯელობა სასაცილოდ ავიგდე და დავსძინე, თუ საჭირო იქნება, ჩემი ნათესავები თავდებად დამიდგებიან, ამის უფლება მაქვს და მოსამართლე უარს ვერ მეტყვის-მეთქი.

- ბოდიშს ვიხდი ჩემო ძვირფასო, მაგრამ უნდა მოგახსენოთ, რომ ძალიან შემცდარი ბრძანდებით, - შემანწყვეტინა ხარბმა მდივანმა, - ეს ისეთი საქმეა, როდესაც კანონი კრძალავს თავდებობას და სანინდარს. დამნაშავე, რომელსაც მძიმე ბრალდება აქვს წაყენებული, მეფე ედუარდის კოდექსის მესამე მუხლით, არ შეიძლება განთავისუფლებული იქნას თავდებობით. ამასთან, კოდექსში ყურადღება გამახვილებულია იმ პირებზე, რომელთაც ბრალი ედებათ ძარცვაში, ძარცვის მცდელობაში ან ძარცვის ხელშეწყობაში. პატივცემულ მოსამართლეს კარგად მოეხსენება, რომ ასეთ პირების განთავისუფლება არ შეიძლება არც სიტყვიერი და არც წერილობითი თავდებობით..

ლაპარაკი მსახურის შემოსვლამ შეგვანწყვეტინა. მან რაღაც წერილი გადასცა მისტერ ჯობსონს. ჯობსონმა თვალი გადაავლო თუ არა წერილს, შეიჭმუნა და თავი გადააქნია, ვითომდა იმდენი მნიშვნელოვანი საქმე მანვეს ვისერზე და აღარ ვიცი რომელს ვეცეო და ანუნუნდა:

- ღმერთო დიდებულო! ასე ხომ ვერც სახელმწიფო ინტერესებს დავიცავ და ვერც ჩემსას, ერთი წუთი მოცალეობა არ უნდა მქონდეს?! დასვენება არ მინდა?! ნეტავი ერთი კაციც შეგვაშველონ!

- ღმერთმა დაგვიფაროს! - ჩაიდუდუნა მოსამართლემ, - შენ ერთიც გვყოფნი და კიდევ რომ გამოგზავნონ ვინმე...

- უნდა მოგახსენოთ, რომ ეს სიკვდილ-სიცოცხლის საქმეა!

- ღვთის გულისათვის მითხარით, სასამართლო საქმე ხომ არ არის?! - იკითხა შემფოთებულმა მოსამართლემ.

- არა, არა, - დაამშვიდა მისტერ ჯობსონმა, მერე კიდევ უფრო გაიბღინდა და დასძინა, - მოხუცი რუჯლეთი, გრაიმზჰილზე რომ ცხოვრობს, იმქვეყნად მიემგზავრება. ერთი ვაცი ექიმ კილ-დაუნ-თან[107] გაუგზავნია, ალბათ უნდა, რომ მისი თავდებობა წარადგინოს ზეცაში, მეორე კი ჩემთან, რომ მისი მიწიერი საქმეები მოვანესრიგო.

- მაშინ, ნულარ ზოზინობთ, - ააჩქარა მისტერ ინგლვუდმა, - ეს ისეთი საქმეა, რომელიც კანონების კოდექსს არ ემორჩილება, შეიძლება უზენაესმა მოსამართლემ, სიკვდილმა, არც კი მოინდომოს ექიმის დახმარება.

მისტერ ჯობსონი ვარისკენ გაიქცა, მაგრამ შუა გზაზე შეჩერდა და კვლავ ჩვენკენ შემობრუნდა:

- მართალია, მაგრამ აქაც რომ საჭირო ვარ? მე ახლავე შემიძლია დაპატიმრების ბრძანება შევადგინო. კონსტებლიც[108] აქ არის. მისტერ რეშლის ნათქვამი ხომ გახსოვთ? - შემდეგ კიდევ რაღაც უთხრა მოსამართლეს მაგრამ ისე ხმადაბლა რომ ვეღარ გავიგონე.

- გითხარი, ადამიანო, არა-მეთქი, - ხმამაღლა უპასუხა მოსამართლემ, - შენს მოსვლამდე ხელს არ გავანძრევთ, სულ რაღაც ოთხი მილი არა გაქვთ გასავლელი? აბა ეს ბოთლი მომანოდეთ, მისტერ მორის! ცხვირი ნუ ჩამოუშვით, მისტერ ოსბალდისტონ, თქვენ კი, უდაბნოს მშვენიებას და სიხარულო, ერთი ჭიქა კლარეტი კიდევ უფრო აგიყრამიზებდათ მაგ ლამაზ ღანვებს.

მთელი იმ ხნის განმავლობაში, სანამ ჩვენ ვკამათობდით დიანა ჩათვიქრებული იყო და თითქოს, არც გვისმენდა. ახლა მისტერ ინგლვუდის სიტყვებზე გამოფხიზლდა და მიუგო.

- არა, პატივცემულო მოსამართლევ, არ მინდა. ვაითუ ღანვების ნაცვლად სახის სხვა ნაწილი შემინითლდეს და გალამაზების ნაცვლად დამაუშნოვოს. აი, რამე გამაგრებელს კი სიამოვნებით გვახლებით. - მან წყლით გაივსო ჭიქა და სწრაფად დალია.

დიანა გულით ცდილობდა მხიარული გვჩვენებოდა, მაგრამ კაცი თუ დააკვირდებოდა, მიხვდებოდა, რომ ძალზე შეწუხებული იყო.

თუმცა სად მქონდა დაკვირვების თავი - მისტერ ჯობსონს გულით უნდოდა მაშინვე გამოეძიებინა საქმე. მე მთელი ძალ-ღონით ვცდილობდი ეს საზიზღარი ბრალდება ამეცილებინა თავიდან და მართლმსაჯულების გაუვალ ლაბირინთებიდან გამოვსულიყავი, მაგრამ მოსამართლე ვერ დავითანხმე, რომ ჯობსონის დაბრუნებამდე განეხილა ჩემი საქმე. მისმა წასვლამ ისე გაახარა, თითქოს მონაფეა და გაკვეთილი უცდებო.

მისტერ ინგლვუდი ძალიან ცდილობდა გავემხიარულებინეთ, მაგრამ მისი გული არც ერთს არ გვექონდა: ზოგს საკუთარი თავი გასჭირვებოდა, ზოგი კი სხვის გაჭირვებას შეწუხებინა.

- გეყოფათ, უფალო მორის, თქვენს მეტი არავინ გაუძარცვავთ? არც პირველი ხართ და არც უკანასკნელი იქნებით. ახლა თავიც რომ მოიკლათ, უკან ვეღარ დააბრუნებთ თქვენს ქონებას. არც თქვენა ხართ, მისტერ ფრენკ ოსბალდისტონ პირველი მამლაყინა, რომელმაც პატიოსანი ხალხის ძარცვით შედგა ფეხი ცხოვრებაში. ჩემს ჯეელობაში ერთი ჯეკ უინტერფილდი იყო, დოლი გინდოდა, მამლების ჩხუბი თუ რა, ბადალი არა ჰყავდა ამ მხარეში. განუყრელი მეგობრები ვიყავით, ერთი ეგ ბოთლი აქეთ გადმოდგით, მისტერ მორის, თორემ ყელი თუ გამიშრა, ვეღარაფერს გიმბობთ. რამდენი გვიქეიფია ერთად, რამდენი სანაძლეო მოგვიგია... ეჰ, სანყალი ბიჭი... კარგი ოჯახის შვილი იყო, ისეთი ხუმარა, ისეთი, რომ... ჯკვიანი, პატიოსანი... ვინ იფიქრებდა, რომ ასეთი სიკვდილი ელოდა და... ეს მისი ხსოვნა იყოს, ბატონებო! საცოდავი ჯეკ უინტერფილდისა, რადგან გავიხსენეთ და რადგან ასეთ საქმეებზე ჩამოვარდა და კიდევ იმიტომ, რომ ეს წყეული მდივანი თავის საქმეებზე წაბრძანდა, ჩვენ კი აქა ვსხედვართ და ტკბილად ვჭუჭუკვებთ. მოდი, ერთ რჩევას მოგცემთ მისტერ ოსბალდისტონ: ამისთანა საქმეებზე ხელი აიღეთ. კანონი მკაცრია,

მეტისმეტად მკაცრი! ჩამოახრჩვეს საბრალო ჯეკ უინტერფილდი, იორკში ჩამოახრჩვეს, ვერც ოჯახისშვილობამ უშველა, ვერც ნათესავ-მეგობრების ჩალიჩმა, და იცით, რაზე? ვილაც გასიებულ ჩოდარს, დასავლეთიდან რომ ჩამოსულიყო სავაჭროდ, ხუთიოდე ხარის საფასური წაართვა. ხომ ხედავთ, რა დღეშია ეს პატიოსანი ვაცი, მისტერ ოსბალდისტონ, შიშისაგან ფერი აღარ ადევს. ჰოდა, ვმარა, დაუბრუნეთ თავისი ჩემოდანი და ეს მასხარაობაც მოთავდება!

მორისს სიხარულით გაუბრწყინდა თვალები და მაშინვე ბორძიკით დაიწყო, მე არავის სისხლში არ მინდა გავფერიო... მაგრამ მაშინვე გადავწყვიტე მორიგების ყოველგვარი იმედი. მტკიცედ განვაცხადე, ფრიად შეურაცხყოფილი ვარ მოსამართლის წინადადებით, რადგან ამ წინადადებიდან ჩანს, რომ იგი ბრალს მდებს დანაშაულში, რომელიც არ ჩამიდენია და სწორედ იმიტომ ვარ მოსული მის სახლში, რომ ჩემი სიმართლე დავამტკიცო-მეთქი! ოთახში უხერხულმა სიჩუმემ დაისადგურა. უეცრად კარი გაიღო და მსახურმა შემოიხედა:

- ვილაც უცნობ კაცს თქვენი ნახვა სურს, პატივცემულო მოსამართლე!

ამის თქმა იყო და იმ ვილაც უცნობმა მოურიდებლად შემოა-ლაჯა ოთახში.

თავი IX

უკან ბრუნდება ქურდი ხელახლა... ახლოს მივდგები, მოდის ვაიმე!

რაკი ამ ხალხთან ასე ახლოს ვარ, არა მგონია მავნოს რაიმე.

მოიპარება... დროა, ავყვირდე, მაგრამ ყვირილი ლაჩრის წესია,

ვიდრე რაიმეს დააშავებდეს, ხმა არ გავიღო, უმჯობესია.

„ქვრივი“

- უცნობი? - შეშფოთდა მოსამართლე.- იმედია, იმედია საქმეზე არ არის მოსული. მე ახლა ხომ...

მაგრამ უცნობმა სიტყვა აღარ დაამთავრებინა:

- ჩემი საქმე ცოტა არ იყოს, რთული და განსაკუთრებულია, - თქვა ჩემმა ძველმა ნაცნობმა მისტერ ვემპბელმა. დიახ, სტუმარი სწორედ ის შოტლანდიელი იყო, ნორთალერტონში რომ გავიცანი,- სწორედ ამიტომ პატივცემულო მოსამართლევე, გთხოვთ, მომეტებული ყურადღებითა და დაკვირვებით განიხილოთ იგი. - შემდეგ იგი მრისხანედ მიაჩერდა ბატონ მორისს და დასძინა:

- დარწმუნებული ვარ, მისტერ მორისს, სავსებით დარწმუნებული ვარ, რომ მიცანით და რომ ყველაფერი კარგად გახსოვთ, რაც ჩვენი განშორების წინ მოხდა იმ შარაგზაზე.

მორისი ზაფრანასავით გაყვითლდა და ისე აკანკალდა, რომ კბილის კბილზე დაცემინების ხმა გავიგონე. ასე შეშინებული ვაცი ჩემს დღეში არ მენახა.

- აბა, აბა, ეგენი არ იყო, ძვირფასო! გული გაიმაგრე და ცხროიანივით ნუ აკაპუნებ კბილებს! რა დიდი საქმე შენა გაქვს გასაკეთებელი? ბატონ მოსამართლეს უნდა მოახსენო, რომ ადრე შევხვედრილვართ ერთმანეთს და კარგა იცი, რომ შეძლებული და წესიერი ადამიანი ვარ. ეგ არის და ეგ. შენ ხომ კარგად იცი, ერთხანს ჩემს მახლობლად რომ მოგიხდება ყოფნა. ჰოდა, მეც ვალში არ დაგრჩები და, როგორც კი მოვახერხებ, სიკეთეს გადაგიხდი.

- დიახ ბატონო, დიახ... მართალი ბრძანდებით. მე ნამდვილად წესიერ და, როგორც თქვენ თქვით, შეძლებულ ადამიანად მიმაჩნიახართ, - მორისმა ხმა ჩაინმინდა და ახლა მოსამართლეს მიუბრუნდა, - დიახ მისტერ ინგლვუდ, მე დარწმუნებული ვარ, რომ ეს ჯენტლმენი სწორდ ასეთა.

- კი მაგრამ ჩემთან რა საქმე აქვს ამ ჯენტლმენს? - იკითხა გაბრაზებულმა მოსამართლემ, - ერთი მოდის, მეორე მოსდევს, თითქოს ლექსის რითმებიანო, აი იმ ლექსის რითმები „ჯეკმა რომ სახლი ააშენა[109]“, მე კი არც ჭამას მაცდიან და არც საუბარს.

- სულ ცოტა ხანში ორივე საქმისათვის მოიცლით, სერ, - დაამშვიდა კემპბელმა, - განა იმიტომ მოვედი რომ სამუშაო მოგიმატოთ? მე მინდა ერთი დახლართული საჩივრისაგან გაგანთავისუფლოთ.

- რას ამბობთ? მაშინ სასურველი სტუმარი ყოფილხართ, შოტლანდიელების სტუმრობა დიდად არ ეპიტნავებათ ხოლმე ინგლისში, მაგრამ ამჯერად ძალიან მიხარია თქვენი მოსვლა. მოდი, პირდაპირ საქმეზე გადავიდე! აბა, დაიწყეთ და მოკლედ მითხარით რა გინდათ!

- ეჭვი არ მეპარება, ამ ჯენტლმენმა მოგახსენათ, რომ მაშინ, როცა უბედურება შეემთხვა და თავის ჩემოდანს გამოეთხოვა. თან ვინმე კემპბელი ახლდა.

- მას მსგავსი არაფერი უთქვამს. ეგ გვარი ერთხელაც არ უხსენებია, - უპასუხა მოსამართლემ.

- აჰა, გასაგებია! მივხვდი რატომ არ მახსენა. მისტერ მორისმა კეთილშობილება გამოიჩინა და გადანყვიტა, უცხოელი ამ სადა-ვიდარაბო საქმეში არ გაეხვია. მაგრამ როცა გავიგე, რომ ჩემი ჩვენება აუცილებელი იყო ერთი პატიოსანი ჯენტლმენის, მისტერ ფრენსის ოსბალდისტონის გასამართლებლად, რომელზედაც სრულიად უსაფუძვლოდ მიიტანეს ეჭვი, აღარაფერს დავერიდე და აქ მოვედი. - კემპბელმა კვლავ თვალი თვალში გაუყარა მორისს და განაგრძო: - თუ შეიძლება უთხარი მოსამართლე ინგლვუდს, რომ ჩვენ რამდენიმე მილის მანძილზე ერთად ვიმგზავრეთ, რადგან შენ დაჟინებით მთხოვე იმ საღამოს ნორთალერტონში რომ შევხვდით ერთმანეთს, ერთად ვიმგზავროთო. მაშინ უარი გითხარით ამაზე, მერე კი, ქლობერი ალფასთან რომ წამოგენიე, დამიყოლიე. მე გადავიფიქრე როტბერიში წასვლა და ჩემდა საუბედუროდ შენ დაგემგზავრე.

- ყოველივე ეს სამწუხარო ჭეშმარიტებაა, - დაუდასტურა მორისმა, როგორც კი კემპბელმა კარნახი დაამთავრა. მანამდე კი მორჩილად უქნევდა თავს, აქაოდა ყველაფერი, რასაც ამბობ, ეგრე იყო.

- იმედი მაქვს, ფიცით დაუდასტურებ პატივცემულ მოსამართლეს, რომ ჩემზე უკეთესი მონმე არავინ გეგულება, რადგან სულ შენს გვერდით ვიყავი და ყველაფერი ჩემ თვალწინ მოხდა.

- რალა თქმა უნდა, ყველაზე უკეთესად იცით ჩემი ამბავი, - ჩაილაპარაკა მორისმა და ღრმად ამოიხვნეშა.

- ეშმაკმა დალახვროს! თუ ასე იყო, რატომ არ მიემგვლეთ, - გაბრაზდა მოსამართლე, - მისტერ მორისის თქმით, მხოლოდ ორი კაცი დაგსხმიათ თავს. თქვენც ორნი იყავით და ღვთის მაღლით ორივენი კარგა ზორბა ვაჟკაცები ხართ.

- ბატონო ჩემო, დიდად პატივცემულო მოსამართლე! უნდა მოგახსენოთ, რომ მე ერთი წყნარი ვაცი ვარ და ჩემს დღეში არ გავრეულვარ ჩხუბსა და აყალმაყალში. აი მისტერ მორისს კი უნდა გამოეღო ხელი: ის ხომ, როგორც შევითყვე, მეფის არმიის ჯარისკაცია და თანაც მგონი, დიდძალი თანხა მოჰქონდა. ჩემთვის კი აბა რა უნდა წაერთმიათ, მე სანყალი ვაცი ვარ და სულ არ მინდოდა, საფრთხეში ჩამეგდო ჩემი სიცოცხლე.

კემპბელის მრისხანე სახეს თვალი შევაველე და კინალამ გამეცინა: მივხვდი, რომ განგებ ისანყლებდა თავს. დროდადრო ზიზღით იღიმებოდა, თითქოს თვითონვე დასცინოდა იმ სანყალ ვაცს, რომელსაც საფრთხეში არ უნდოდა ჩაეგდო სიცოცხლე. ამ ღიმილმა უცნაური ეჭვი აღმიძრა - უკვე აღარ მჯეროდა, რომ კემპბელი მორისის უბედურების უბრალო მონაწილე და მაყურებელი იყო. ეტყობა, მოსამართლეც დაეჭვდა, რადგან თავი გადააქნია და ჩაიდუდუნა, რაღაც უცნაური ამბავიაო.

შოტლანდიელმა საფრთხე იყნოსა - მიხვდა, რომ მოსამართლეს ეჭვი შეეპარა მისი ნაამბობის სიმართლეში, მაშინვე მოიშორა სანყალი ვაცის ნილაბი და უფრო მტკიცედ და გულახდილად ალაპარაკდა:

- სიმართლე თუ გინდათ, მე არც ჩხუბზე დავიხვევ უკან, თუ საქმე საქმეზე მიდგება, ოღონდ უნდა ვიცოდე, რისთვის ვჩხუბობ, მაშინ, ის არამზადები რომ დაგვესხნენ თავს, მე არაფერი მქონდა საჩხუბარი. ისე კი წესიერ და პატიოსან ვაცად მიცნობენ და ამაში, პატივცემულო მოსამართლე, თავად დარწმუნდებით, თუ ამ საბუთს გადაავლებთ თვალს.

მისტერ ინგლვუდმა ქალაღი გამოართვა და ბუტბუტით ჩაიკითხა:

„ვადასტურებ, რომ ამის წარმომდგენი, რობერტ კემპბელი, მცხოვრები...-მცხოვრები რომელიღაც ადგილას, რომლის გა-

მოთქმას მე ვერ მოვახერხებ, - ჩაურთო მოსამართლემ, - წარმოშობით კეთილშობილი, არის მშვიდობიანი ადამიანი და მიემგზავრება ინგლისში თავის საკუთარ საქმეებზე და ასე შემდეგ... დაინერა ჩვენი სახელით, ჩვენს ციხე-დარბაზში, ინვერ... ინვერა... რარაში“.

არგაილი.

- უბრალო მონშობაა, სერ, როცა წამოსვლა დავაპირე მაშინ გადავწყვიტე გამომერთმია ამ ღირსეული ბატონისათვის (მან ხელი ასწია, თითქოს ქუდზე უნდოდა მიედო). მაკკოლუმ მორზე მოგახსენებთ...

- მაკ-კოლუმ... მერე როგორა თქვით, სერ? ვინ არის?

- ის, ვისაც სამხრეთელები არგაილის ჰერცოგს უწოდებენ.

- არგაილის ჰერცოგს კარგად ვიცნობ. ფრიად პატივცემული და ღირსეული დიდებულია და მხურვალედ უყვარს თავისი ქვეყანა. მეც მისი მომხრე ვიყავი 1714 წელს, როცა მალბოროს ჰერცოგს მთავარსარდლობა წაართვა.[110] ნეტავი ბევრი გყავდეს მაგისტანა. მაშინ სულით და გულით ტორი იყო, ორმონდის მეგობარი და მარჯვენა ხელი. ახლა, ჩემი არ იყო, იმიტომ ემსახურება მთავრობას რომ თავის ქვეყანას დაეხმაროს. ზოგი გულფიცხი იმასაც ამბობდა, შეეშინდა, მიწები და ჯარი არ წამართვანო, და ამიტომ მიემხრო, მაგრამ მე არ მჯერა, რომ ასეთ დიდ ადამიანს ამისი შეეშინდებოდა. მისი ხელმოწერილი მონშობა, მისტერ კემპბელ, სავსებით საკმარისია. ახლა ვი, მიაშბეთ იმ თავდასხმის ამბავი. აბა რას, იტყვიო?

- ბევრი რომ აღარ გავაგრძელოთ, პატივცემულო მოსამართლევ, მისტერ მორისს შეეძლო ასევე დაებრალებინა ყველაფერი ახალდაბადებული ბავშვისათვის, ან თუნდაც ჩემთვის, როგორც ამ ახალგაზრდა ჯენტლმენს მისტერ ოსბალდისტონს აბრა-

ლებს. მე მზადა ვარ დავიფიცო, რომ ის კაცი, რომელიც მისტერ მორისს მისტერ ოსბალდისტონი ჰგონია, უფრო დაბალი და სქელი იყო და სახითაც სულ არ ჰგავდა ამას: მე მოვახერხე შემეთვალეირებინა ყაჩაღი, როცა წამით აუფრიალდა სახეზე აფარებული ნიღაბი. ეს ჯენტლმენი (კემპბელი მორისისაკენ მიბრუნდა და თვალებით გაბურღა) უეჭველია დამეთანხმება, რომ კარგად შევამჩნევდი ასეთ წვრილმანებს, რადგან ჩვენ ორში მე უფრო მშვიდად შემძლო დავკვირვებოდი ყველაფერს.

- სრულიად გეთანხმებით, სერ, ეჭვიც არ მეპარება თქვენს ნათქვამში, - დაუდასტურა მორისმა და შეშინებული მიანყდა უკან, რადგან კემპელი, თითქოს თავისი ნათქვამისათვის მეტი სიმტკიცის მისაცემად, სვამიანად მიიწია მისკენ. - მე მზადა ვარ, სერ, - მიმართა მორისმა მოსამართლეს, - ამოვიღო ჩემი ჩვენებიდან ყველაფერი, რაც მისტერ ოსბალდისტონს შეეხება და მინდა გთხოვოთ, რომ ისიც გაათავისუფლოთ და მეც ჩემს გზაზე გამიშვათ. თქვენ ალბათ საქმე გექნებათ მისტერ კემპელთან, მე კი ძალიან მეჩქარება!

- მაშ ამ საჩივარს აქეთ გადავუძახოთ, - თქვა მოსამართლემ და ქალაქი ცეცხლში შეაგდო, - თქვენ კი განთავისუფლებული ხართ, მისტერ ოსბალდისტონ. იმედია ვმაცოფილი ბრძანდებით მისტერ მორის!

- რა თქმა უნდა, - დაასწრო პასუხი კემპელმა და მორისს მიაშტერდა. მორისმა თანხმობის ნიშნად ძალისძალად გაუღიმა მოსამართლეს. - ფარცხის კბილებში მოყოლილი გომბეშოც კი არ იქნება ასეთი ვმაცოფილი. ნურაფრისა გეშინიათ მისტერ მორის, მე და შენ ერთად გავალთ ამ სახლიდან. მინდა მშვიდობით დაგაყენო გზაზე, ხომ იცი როგორ გაფასებ და პატივს გცემ. შარაგზამდე მიგიყვან და დაგემშვიდობები. ხოლო თუ მერე, შოტლანდიაში კვლავ მეგობრებად არ შევხვდით ერთმანეთს, იცოდეთ ჩემი ბრალი არ იქნება!

მორისმა შიშჩამდგარი თვალები მოატარა ირგვლივ და ისე წამოდგა, თითქოა ჩამოსახრჩობად უპირებდნენ წაყვანას. წამოდგა, მაგრამ ნაბიჯის გადადგმა ვეღარ გაბედა.

- ნუ გეშინია, ადამიანო, - დაამშვიდა კეპბელმა, - სიტყვას არ გადავალ. ეს რა კურდღელივით მშიშარა ვინმე ყოფილა! შენთვის ვამბობ, თუ გინდა დამიჯერე, თუ არა და კვალი დაგვეკარგება და შენს სიმდიდრეს უნდა გამოემშვიდობო! ცხენები შეკაზმულია. აბა, გამოეთხოვე მოსამართლეს, კაცო, არა თქვას სამხრეთელები უზრდელეები ყოფილანო!

მორისი ცოტათი დაამშვიდა ამ სიტყვებმა. იგი დაგვემშვიდობა და გავიდა. მისტერ კეპბელი უკან გაჰყვა. მორისს გზაში, როგორც ეტყობა, ისევ მიეძალა შიში: წინა ოთახიდან ისმოდა კეპბელის ხმა: - „სული წამიწყდეს თუ გატყუებდე, ნუ გეშინია, ისე იქნები, როგორც საკუთარ ოჯახში. უკ, ვინმემ რომ შემოგვხედოს, კაცსა ჰგავხარ, ვაი ვაჟკაცივით მოგიშვია ეგ წვერი. არა და, ჩიტის გული გქონია! წამო, კაცო, გადმოადგი ფეხი, ჰა გაბედე! ნუ ფრთხები!“

ხმა თანდათან მიიღია და ბოლოს სულ მიწყდა. მერე ცხენების ფლოქვების თქარათქურმა გვამცნო, რომ კეპბელმა და მორისმა უკვე დატოვეს მოსამართლე ინგლვუდის საბრძანებელი.

პატივცემული მოსამართლე ძალიან კმაყოფილი დარჩა, რომ ასე იოლად მოიშორა ეს სადავიდარაბო საქმე, მაგრამ ცოტა ხნის შემდეგ მწუხარედ ჩაჰკიდა თავი, ეტყობოდა, იმაზე ფიქრობდა, მდივანი რომ დაბრუნდება, რას იტყვისო.

- მომადგება ახლა და სულს ამომართმევს ამ წყეული ქალაქის გულისთვის. არა, მაინც არ უნდა დამენვა, მაგრამ ჯანდაბას! სასამართლოს ხარჯებს გავუნადღებ და დანყნარდება. ახლა, მისი ვერნონ, ყველა გავათავისუფლე, მაგრამ თქვენ კი მთელი დღით უნდა დაგაპატიმროთ და ჩემს მოხუც მეკუჭნავეს დეიდა ბლექს ჩავაბარო თქვენი თავი. მერე ჩემს მეზობლებს დავპატი-

ჟებ - მისის მისგრევს და მის დოუკონს, თქვენს მამიდაშვილებსაც მოვიწვევ, მოხუც ქობზსაც დაუძახებ, მევიოლინეს და ერთი კარგად მოვილხინოთ. ახლა კი მე და მისტერ ოსბალდისტონი ცოტას გადავკრავთ და სულ ნახევარ საათში გეახლებით.

- უღრმეს მადლობას მოგახსენებთ, ბატონო, მაგრამ საქმე ისაა, რომ ახლავე უნდა დავბრუნდეთ ოსბალდისტონ-ჰოლში, - მიუგო მის ვერნონმა, - იქ ხომ არ იციან, როგორ გადანყდა ჩვენი საქმე. ბიძაჩემს უნდა ვუთხრათ, რომ მის ძმისშვილს საფრთხე აღარ ემუქრება. ხომ იცით, შვილივით მიაჩნია.

- სრული ჭეშმარიტებაა, თუ შვილივით მიაჩნია, მართლაც ძალიან იქნება შენუხებელი, არჩი, რომ დაიღუპა, მისი უფროსი შვილი, აი, ჯონ ფენვიკის[111] საქმეში რომ გაეხვია, მოხუცი ჰილდებრანდი ხან ერთ შვილს ეძახდა მის სახელს, ხან მეორეს და მერე დაინყებდა ნუნუნს, ვერაფრით ვერ ვიმახსოვრებ, რომელი შვილი ჩამომიხრჩვესო. ასე რომ, მართლა უნდა იჩქაროთ! ნადით და გაუქარწყლეთ მშობლიური შიში, დროზე ნადით. მოიცა, ჩემო მინდვრის ყვავილო! - მოსამართლემ ხელში ხელი წაავლო დიანას, თავისკენ მიზიდა და მამაშვილურად დაუნყო დარიგება, - აი, რა მინდა გირჩიო: ამის შემდეგ აღარასოდეს ჩაჰყო შენი მშვენიერო თითი ვანონისა და სასამართლოს დამუჟავებულ ცომში - ამ ფრანგულ-ლათინურ სისაძაგლეში! და კიდევ, ჩემო მშვენიერო, დე, ჭაბუკებმა თავისით გაიგნონ გზა ჭაობსა და ტყელრეში, თორემ შეიძლება, მეგზურობისას თქვენ თვითონ ასცდეთ ბილიკს, ჩემო ცთომილო ვარსკვლავო! - ამის შემდეგ მოსამართლე გულთბილად გამოემშვიდობა მის ვერნონს, მეც ყოველივე სიკეთე მისურვა და დასძინა:

- შენ კარგი ახალგაზრდა ჩანხარ, მისტერ ფრენკ, მამაშენიც შესანიშნავად მახსოვს, ერთ კლასში ვიყავით და სულ ერთად ვთამაშობდით. მისმინე ყმანვილო რას გეტყვი: შარაგზებზე ღამ-ღამობით ცხენის ჭენებასა და გზაზე გაცნობილ მგზავრებთან

ლაცობას მოეპვი. რა საჭიროა! განა მეფის ყველა ქვეშევრდომს ესმის ხუმრობა?! თანაც ეგეთი ხუმრობა ეს სანყალი დი ვერნონიც ხომ უნდა გახსოვდეს. ის ხომ მარტოდ-მარტოა მიგდებული ამ კრულ წუთისოფელში! წადი, იქროლე სადაც მოგესურვება, რაც გინდა ის ქენი, ოღონდ ეს არ დამიჩაგრო, თორემ ღმერთმანი, ძალიან კი გამიჭირდება, მაგრამ ახალგაზრდობას გავიხსენებ და ხმალში გამოგიწვევ! ახლა შეგიძლია წახვიდე! მე კი ჩემს ჩიბუხთან და ფიქრებთან განვმატროვდები. ხომ გახსოვთ ის ლექსი:

ვით დარიჩინის ჭკნება ფოთოლი, შენც მიადგები ბოლო სამანებს,

ჩაქრება ცეცხლი, მოვა სიბერე, მოგახუცებს და მიგასამარებს.

ეს გაიხსენე, როცა ეწევი, - რა მეყსეულად გაგდის ყავლები

ჩადგება ქარი, ჟამი ჩაივლის, წლებს ჩაჰყვები და ჩაინავლები.[112]

ძალიან მესიამოვნა, რომ ამ გაზარამაცებულმა და თავმიშვებულმა მოსამართლემ უეცრად ასეთი გრძნობა და გონება გამოამჟღავნა. მადლობა გადავუხადე და მეგობრულად დავემშვიდობე კანონის ჰატიოსან დამცველსა და სტუმართმოყვარე მასპინძელს.

წინა ოთახში სუფრა გაეშალათ ჩვენთვის: ცოტა წავიხემსეთ და ეზოში გავედით. აქ ისევ სერ ჰილდებრანდის მსახური შემოგვეგება, მოსვლისას ცხენები რომ ჩამოგვართვა და მის ვერნონს უთხრა: რეშლიმ მიბრძანა, დაგლოდებოდით და სახლამდე მიმეცილებინეთო. კარგა ხანს მდუმარედ ვიარეთ. მე ისე ვიყავი დაბნეული იმ დილანდელი ამბებით, რომ ხმის ამოღების თავი არა მქონდა. სიჩუმე ისევ მის ვერნონმა დაარღვია:

- რეშლი, მართლაც ისეთი ვაცია, რომ შიშიც შეუძლია ჩაუნერგოს ადამიანს, გაოცებაც... ერთი სიტყვით, ყველაფერი, გარდა სიყვარულისა. მართლა ყოვლისშემძლეა, ყველას თოჯინასავით ათამაშებს, ყოველი როლისათვის წინასწარ ჰყავს შერჩეული მსახიობი, არასოდეს იბნევა და რაც უნდა გასაჭირი დადგეს, მაინც მოძებნის ხოლმე ხსნის გზას.

- ისე იგი, ის მისტერ კემპბელი, რომელიც მხსნელად მოგვევლინა ასეთი გაჭირვების ჟამს და ისე გაიტაცა ჩემი მბრალდებელი, როგორც ქორმა წინილა, მისტერ რეშლი ოსბალდისტონის აგენტი იყო?

- სწორედ აგრე მგონია, - მიპასუხა დიანამ, - უფრო მეტიც: მოსამართლის მისაღებში რეშლის რომ არ გადავყროდით, დარწმუნებული ვარ, ეგ ქორი ვერც მოგისწრებდათ.

- მაშინ, თქვენ უნდა გითხრათ მადლობა, ჩემო მშვენიერო მხსნელო!

- ნამდვილად, მაგრამ ძალიან გთხოვთ, მხედველობაში მიიღოთ, რომ თქვენ უკვე მითხარით მადლობა მე ზრდილობიანი ღიმილით მივიღე იგი. ეს საკმარისია. მაღალფარდოვანი ლაპარაკის დროს იმის მაგივრად, რომ შევიფერო და ასევე ვუპასუხო, მთქნარება ამიტყდება ხოლმე. მოკლედ რომ, მოვჭრათ, მე მინდოდა დაგმხმარებოდით და საბედნიეროდ, მოვახერხე კიდევ სანაცვლოდ მხოლოდ ერთი რამ მინდა გთხოვოთ - ამაზე ნუღარ ვილაპარაკებთ. კი მაგრამ, ეს ვინ მოაჭენებს ცხენს?

მოქრის, მოფრინავს ცეცხლის კვესებით,
ასისხლიანებს მერანს დეზებით.

ჰოო! ეს კანონის მორჩილი მსახური უნდა იყოს, თვით ბატონი ჯომეფ ჯობსონი.

მხედარი, მართლაც, ჯობევ ჯობსონი აღმოჩნდა. იგი გამეტე-ბით მოაჭენებდა ცხენს და, როგორც შევატყვეთ, ფრიად უგუნე-ბოდაც ბრძანდებოდა. თავი დაუუკარიტ და უკვე უნდა გავცდენო-ლით, რომ ცხენი გააჩერა და აბუზღუნდა:

- მაშ ასე, სერ, მაშ ასე, მის ვერნონ... ოჰო ჰო... აი, თურმე რო-გორ ყოფილა საქმე! ჩემს არყოფნაში გაგიშვათ თავდებით! მე მინდა ვიცოდე, ვინ გააფორმა საბუთები? მხოლოდ ეს მინდა, გა-ვიგო! თუ პატივცემული მოსამართლე ხშირად მიმართავს საქმის წარმოების ასეთ ფორმას, სხვა მდივანი მონახოს! მე კი გადავ-დგები, მორჩა და გათავდა!

- სხვანაირადაც შეიძლება მაგ საქმის მოგვარება, - უთხრა დი-ანამ, - მოსამართლემ გვერდიდან არ უნდა მოგიშოროთ, მისტერ ჯობსონ და საქმე მოგვარდება. ერთი ეს მიბრძანეთ, ფერმერ რუტლეჯის საქმე როგორა არის? იმედია, მოასწრო ანდერძზე ხე-ლის მოწერა და ბეჭედის დასმა?

ამ კითხვამ მთლად გააცოტა კანონის დამცველი. იგი ისე მრისხანედ მიაჩერდა მის ვერნონს, რომ დავაპირე მათრახის ცე-მით ჩამომეგდო ცხენიდან, მაგრამ თავი შევიკავე, ვიფიქრე, ამა-ზე ხელის გასვრა არა ღირს-მეთქი.

- ფერმერი რუტლეჯი, ქალბატონო? - გაიმეორა მდივანმა, როცა რისხვა ოდნავ დაუცხრა და ხმის ამოღება შეძლო, - ფერ-მერი რუტლეჯი კაჟივითაა. მომატყუეს, მომადლორეს, არაფერიც არა სტკივა! აი ასე, ქალბატონო, ასე იცოდეთ, თუ აქამდე არ იცოდით!

- უყურე, რა ყოფილა! - გაიოცა მის ვერნონმა. - მართალს მე-უბნებით, მისტერ ჯობსონ?

- რასაკვირველია! კიდევ მეტს გეტყვით: იმ გამოჩერჩეტებულ-მა ბებერმა აქეთ მომლო შარი: გამოსარჩენი იყნოსე და იმიტომ მოხვედი, შე გაიძვერაო! აი, ასე მითხრა ქალბატონო, რა უფლე-ბა ჰქონდა! მით უმეტეს, რომ მომრიგებელი სასამართლოს თა-

ნამშრომელი ვარ და თანაც ზემოთხსენებული თანამდებობა Trigesimo Seotlimo Henrici Octavi and primo Gulielmi[113] და ვილჰელმის კანონების პირველი მუხლით მიჭირავს, ქალბატონო. დიდებული ვილჰელმისა, ქალბატონო, მიჭირავს, ქალბატონო, რომელმაც სამუდამოდ დაგვიხსნა პაპისტებისა და თვითმარქვიებისაგან, ხის ქოშებისა[114] და სათბუნებლებისაგან.

- მართლაც, საშინელება იყო ხის ქოშები და სათბუნებლები, - დაუდასტურა დიანამ (შევატყვე, რომ განგებ აღიზიანებდა მდივანს), - კარგია, რომ თქვენ სათბუნი აღარ დაგჭირდებათ. პაპა რუტლეჯი მართო ლანძღვა-გინებას არ დაგაჯერებდათ და ცოტას შეგახურებდათ კიდევ, მისტერ ჯობსონ?

- შეგახურებდაო! - დაიღრიალა ჯობსონმა. - არაფერი, ჩემი მცემელი ჯერ არ დაბადებულა!

- სერ, - ჩავერიე ლაპარაკში მე, - თქვენ ბრძანეთ, რომ მომრიგებელი სასამართლოს მოხელე ხართ; პაპა რუტლეჯის, ამრით. გაიძვერა ბრძანდებით; მე კი მგონია, რომ არც ერთი ზემოთხსენებული ტიტული არ გაძლევთ უფლებას ასე თავხედურად მოექცეთ ახალგაზრდა ქალს!

მის ვერნონმა ხელი წამავლო მკლავზე და დამშვიდება დამიწყო:

- მოეშვით, მისტერ ოსბალდისტონ, მე არ გაცემინებთ მისტერ ჯობსონს! თავი როგორ უნდა გაუყადროთ! მაგასაც ეგ უნდა: გაამათრახებ და მერე ერთი სამი თვის სარჩოს მაინც წაგლღეტს! საკმარისად შეურაცხყავით და ეყოფა. თქვენ ხომ თავხედი უწოდეთ!

- მაგ სიტყვებს არ ვუყურებ, მის, - თქვა ცოტათი დამშვიდებულმა მდივანმა, - გარდა ამისა, მაგის თქმისთვის სასამართლო არ დასჯის. აი „გაიძვერას“ დაძახებისთვის კი სასჯელია გათვალისწინებული და პაპა რუტლეჯიც მიიღებს საკადრისს და ისიც, ვინც ასე დაუფიქრებლად იმეორებს ცილისწამებას. ეს არღვევს

საზოგადოებრივ წესრიგს და ჩირქს სცხებს ჩემს პატიოსან სახელს!

- ძალიან ნუ გამოიდებთ თავს, მისტერ ჯობსონ, - უთხრა მის ვერნონმა, - ნათქვამს, როგორც თქვენივე კანონი ამბობს, დამტკიცება უნდა. ლიტონ სიტყვაზე მეფესაც არ უჭერებენ. ნურც „პატიოსანი სახელის დაკარგვას“ ნაღვლობთ. ბრალი იმისა, ვინც იპოვის, თორემ თქვენ სიხარულით ცას უნდა სწვდებოდეთ!

- კეთილი, ქალბატონო, ღამე მშვიდობისა, მე აღარაფერი მაქვს თქვენთან სალაპარაკო. ერთი კი უნდა გითხრათ, რომ ჩვენში არსებობს კანონი, რომელიც პაპისტების დასჯას ითვალისწინებს და კარგი იქნება, რომ ისინი ზუსტად იქნეს გატარებული ცხოვრებაში. არსებობს ედუარდ IV, მე-3 და მე-4 დადგენილება კათოლიკური ანტიფონების, კურთხევანის, ფსალმუნების, რიტუალის, ლოცვანების, წმინდა ცხოვრების კრებულთა, ზიარების წესების, შეწირულობების შესახებ. მის ვერნონ! არსებობს ბრძანება, რომ ყველა პაპისტმა ფიცი უნდა დადოს! არსებობს კანონი, რომ ურჩი კათოლიკეები კატორღაში უნდა გაიგზავნონ - ეს ჩვენი მბრძანებელი ხელმწიფის პირველი სტატუტია! კიდევ - იმათი დასჯის შესახებ, ვინც მესას მოისმენს. იხილეთ დედოფალ ელიზაბეტის კანონთა 23-ე მუხლი და ჯეიმზ პირველის კანონთა III ტომის 25-ე თავი. ჯერ ბევრი მამული გუჯარი უნდა გადაისინჯოს, ბევრი ნასყიდობის სიგელი და მემკვიდრეობის საბუთები უნდა შემოწმდეს, ბევრს ორმაგი გადასახადი უნდა დაედოს თანახმად იმ აქტებისა, რომლებიც ითვალისწინებენ...

- იხილეთ კანონთა სრული ვერსიის ახალი გამოცემა გულდასმით შესწორებული მომრიგებელი მოსამართლის მდივნის ჯობსონის მიერ, - ჩაურთო მის ვერნონმა.

- გარდა ამისა, რაც ყველაზე მნიშვნელოვანია, - განაგრძო ჯობსონმა, - მინდა გაგაფრთხილოთ, რომ თქვენ, დიანა ვერნონ, არა ხართ *femme couverte*[115] და ამასთან კათოლიკობაშიც გე-

დებათ ბრალი. ამიტომ სასწრაფოდ უნდა წახვიდეთ საკუთარ სახლში, თანაც უმოკლესი გზით, რათა სახელმწიფოს ღალატი არ დაგბრალდეთ. თუ მდინარე გაქვთ გადასალახავი, აუცილებლად ისეთი ბორნით უნდა ისარგებლოთ, რომლითაც ყველა გადადის და თანაც არა გაქვთ უფლება ერთი დღე და ღამის მეტი დაჰყოთ ზედ. თუ იმ ადგილას ბორანი არ არის გამართული, წყალში უნდა შეხვიდეთ და თუ წყალი მუხლს ზევით მოგწვდათ, გამოხვიდეთ და ახლა სხვა ადგილას დაუწყით ძებნა ფონს.

- ეტყობა, ეს საკანონო პირადად მე გადამინწყვიტეს პროტესტანტებმა ჩემი კათოლიკური ცოდვებისათვის, - გაეცინა დიანას, - კეთილი, დიდი მადლობელი ვარ დარიგებისათვის, მისტერ ჯობსონ. ახლა აუცილებლად სახლს მივაშურებ და ამის შემდეგ მხოლოდ ოჯახის საქმეებზე ვიზრუნებ. ღამე მშვიდობისა, ძვირფასო ჯობსონ, მოხელეთა ზრდილობისა და თავაზიანობის უბრწყინვალესო ნიმუშო!

- ღამე მშვიდობისა, ქალბატონო და დაიმახსოვრეთ, რომ კანონთან ხუმრობა არ შეიძლება!

ამ სიტყვებით დავშორდით ერთმანეთს. მისტერ ჯობსონი ჭეხებით გაგვეცალა. მის ვერნონმა თვალი გააყოლა და ჩაილაპარაკა:

- ჩქარობ, რომ ახალი ქსელები გააბას. რა სამწუხაროა, რომ კეთილშობილი, დარბაისელი და მამულისა და ქონების პატრონი ხალხი იძულებულია ამისთანა გაიძვერა და თაღლით მოხლეებს გაეგოს ფეხქვეშ. ჩვენი დანაშაული ხომ მხოლოდ ის არის, რომ იმ რწმენას მივსდევთ, რომელსაც სულ ასიოდე წლის წინათ მთელი ქვეყანა აღიარებდა. რაც არ უნდა იყოს, იმას ხომ ვერავინ იტყვის პროტესტანტული რელიგია კათოლიკურზე ძველიაო!

- ყველაფერს ისა სჯობდა, თავი გამეხეთქა იმ გათახსირებულისათვის, - ჩავილაპარაკე მე.

- ეგრე ხომ უჭკუო ყმანვილები იქცევიან, - გამვიცხა მის ვერ-
ნონმა, - თუმცა ცოტა მაგარი მკლავი რომ მქონდეს, მეც სიამოვნებით
ვასწავლიდი ჭკუას მაგ ჯობსონს. ნუნუნად არ ჩამითვალ-
ლოთ, მაგრამ სამი ნატვრა რომ შემისრულდებოდეს, ასეთი სა-
ცოდავი აღარ ვიქნებოდი.

- რა არის ეგ სამი ნატვრა, მის ვერნონ, არ შეიძლება, მით-
ხრათ?

- რომ გითხრათ, გულწრფელი თანაგრძნობით მოეკიდებით?

- რა თქმა უნდა! ნუთუ ამაში ეჭვი გეპარებათ? - შევძახე მე და
ახლოს მივიჩნიე, რომ უფრო ვარგა მომესმინა მისი ნათქვამი.

- მაშ გეტყვით. რაც არ უნდა თქვა, მაინც სასიამოვნოა, როცა
თანაგრძნობით გისმენენ, აი, ჩემი სამი საწუხარი: პირველი ის
არის, რომ ქალად გამაჩინა ბუნებამ, მე კი ვაჟი მიხდა ვიყო. ახ-
ლა იმის ნახევარიც რომ მოვიმოქმედო, რისი სურვილიცა მაქვს,
საგიჟეთში გამომამწყვდევენ. თქვენსავით ბედნიერი რომ ვიყო,
ისეთ რამეებს ჩავიდენდი, ქვეყანას გავაგიჟებდი. ყველა შეეცდებ-
ოდა ჩემთვის მოებაძა და ყველა აღტაცებული იქნებოდა ჩე-
მით...

- მაგაზე ვერ დაგეთანხმებით, - შევეკამათე მე, - მარტო თქვენ
არა ხართ ასე უბედური, მხარში ვაცობრიობის ნახევარი გიდგათ,
მეორე ნახევარი კი...

- მეორე ნახევარი კი გრძნობს თავის უპირატესობას და ყო-
ველნაირად ცდილობს შეინარჩუნოს იგი, - შემანწყვეტინა მის ვერ-
ნონმა, - სულ დამავინყდა, რომ თქვენ დაინტერესებული მხარე
ბრძანდებით, მოითმინეთ, ვიცი, რასაც მეტყვით! ისე იღიმებით,
რომ ახლა ქათინაურების ფრქვევას დაიწყებთ! ალბათ იმის თქმა
გინდათ, რომ დი ვერნონის მდგომარეობა ფრიად სახარბი-
ელოა, რამდენადაც იგი განსაკუთრებულ სიამოვნებას ანიჭებს
თავის მეგობრებს და ნათესავებს სწორედ იმის წყალობით, რომ
ილოტად[116] დაიბადა. ტყუილად ნუ დაიხარჯებით, ძვირფასო,

მეგობარო! ჩვენი გამოქეცილი მდივნის სიტყვებით რომ ვთქვათ, მოდი, მეორე სარჩელი წავუყენოთ ბედსა და განგებას და იქნებ შეთანხმებასაც მივალწიოთ, მე ერთ-ერთი უძველესი სარწმუნოების მიღვეარი ვარ, მაგრამ დევნილთა სექტას ვეკუთვნი და ამიტომ სხვა მორწმუნე ქალიშვილებივით პატივისცემით არ მექცევიან. ვიდევ მეტი, ჩემს კარგ მეგობარს, მოსამართლე ინგლვუდს, შეუძლია დამაპატიმროს ვიდევ წინაპართა რჯული რომ არ უარყვავი და მოხუცი პემბროკის სიტყვებით მომმართოს: „წადი და მატყლი ართე, შე ბებერო ქაჯო!“ ასე არ უთხრა უილტონის დედათა მონასტრის წინამძღვარს, როცა მონასტერი და მთელი მიწები წაგლიჯა?[117]

- ეგ ნაკლი ადვილი გამოსასწორებელია, - დავამშვიდე მის ვერნონი, - მიმართეთ რომელიმე განსწავლულ თეოლოგს, ან თქვენი მდიდარი ცოდნა გამოიყენეთ და დარწმუნებული ვარ ადვილად მიხვდებით, რომ განსხვავება ჩვენსა და იმ რელიგიას შორის, რომელსაც თქვენ აღიარებთ...

- ჩუ! - მითხრა მის ვერნონმა და საჩვენებელი თითი ტუჩებზე მიიღო, - ამაზე აღარაფერი მითხრათ! ჩემი სახელოვანი წინაპრების რჯულს ვულაღატო?! განა შეიძლება მეომარმა თავის დროშას, თუნდაც მტრის შემოტევით გვერდზე გადახრილს, ბურგი აქციოს და გამარჯვებულ მოწინააღმდეგეს მიეყიდოს?

- მე დიდად ვაფასებ თქვენს სიმამაცეს, მის ვერნონ! გაჭირვებასა და ხიფათს არ უნდა შეუშინდეთ. უნდა მოგახსენოთ, რომ ჭრილობები, რომელთაც სინდისის კარნახით ვაყენებთ საკუთარ სხეულს, თავადვე იკურნებიან.

- მართალია. მაგრამ ისინი მაინც მეტად მტკივნეულნი არიან. გეტყობათ, ძალიან გულქვა ადამიანი ხართ და სულ არ განუხებთ, რომ მთელი ცხოვრება ძაფის დართვაში უნდა გავლიო და მუზარადისა და ჯავშნის ნაცვლად თავსაფარი და კაბა უნდა ვატა-

რო. ამიტომ ჩემს მესამე სატკივარზე ლაპარაკით თავს აღარ შეგანწყნო.

- ნუ, ძვირფასო მის ვერნონ, ხელს ნუ მკრავთ, კვლავ მენდეთ, მითხარით რა არის ის მესამე და გპირდებით, სამმაგად თანაგირძნობთ, მით უმეტეს, თუ ეს გასაჭირი მხოლოდ თქვენ გადგიათ, რომ ამ დღეში არ არიან სხვა ქალები და სხვა ინგლისელი კათოლიკეები, რომლებიც, ღვთის ნებით, ჯერ კიდევ იმაზე მეტნი არიან, ვიდრე ჩვენ, ღვთისა და ტახტის ერთგულ პროტესტანტებს გვინდა.

- ეს მესამე სატკივარი ნამდვილად განუკურნებელია და მისი პატრონი ჭეშმარიტად დიდ სიბრაულესა და თანაგრძნობას იმსახურებს, - მითხრა ძალზე დანაღვლიანებულმა დიანამ, - თქვენ ალბათ გაცნობისთანავე შემატყვევთ, რომ ბუნებით წრფელი და უეშმაკო ადამიანი ვარ, დიახ, ერთი გულღია უბრალო გოგო გახლავართ და მინდა, ისე ვიცხოვრო ამ ქვეყნად, რომ არაფერი მქონდეს დასამალი. ბედმა კი იმდენ ქსელში გამხვია, იმდენი საბრუნავი გამიჩინა, რომ ხმის ამოღებისა მეშინია - ჩემს თავს არ ვუფრთხილდები, სხვების დარდი მაქვს და ამიტომაც, რომ წყალს ვიგუბებ პირში.

- ეგ ისეთი უბედურება გქონიათ, რომ მართლა ძალიან მეცოდებით, ვერასოდეს ვიფიქრებდი, რომ ასეთ საშინელ დღეში იქნებოდით ჩავარდნილი.

- ო, მისტერ ოსბალდისტონ, რომ იცოდეთ, ვინმემ რომ იცოდეს, თუ როგორ მიჭირს ხანდახან გულის დარდების დამალვა, ჩემი ცოდვით დაინწვებოდით. ალბათ ძალიან ვაშავებ, ამას რომ გეუბნებით, მაგრამ თქვენ საბრიანი და მიხვედრილი ახალგაზრდა ხართ და დიდი ხანი არ გაივლიდა, რომ მრავალ კითხვას დამისვამდით: მკითხავდით თუ რა როლი ითამაშა რეშლიმ თქვენს დღევანდელ თავგადასავალში, და სხვა ათასნაირ წვრილმანს, რომელიც არ შეიძლებოდა არ შეგემჩნიათ. მე კი

იძულებული ვიქნებოდი მეთვალთმაქცა, მეცრუა და რადგან სა-
ამისო ნიჭი და უნარი არ მაქვს, თქვენი ნდობა უნდა დამეკარგა,
თუკი, რა თქმა უნდა, ჩემ მიმართ გაგაჩნიათ ასეთი გრძნობა. ამი-
ტომ სჯობს ახლავე გაგაფრთხილოთ, არავითარი შეკითხვა არ
მომცეთ-მეთქი. მე არ მაქვს უფლება, მაგ კითხვებზე გიპასუხოთ.

მის ვერნონმა ეს სიტყვები ისეთი გრძნობით წარმოთქვა, რომ
გული სიღრმემდე ამალღელვა. მაშინვე დავუწყე დარწმუნება, ფიქ-
რი ნუ გაქვთ, მომაბეზრებელი კითხვებით თავს არასოდეს შეგან-
ყნთ და სულ უბრალო, ბუნებრივ კითხვაზეც რომ არ მიპასუხოთ,
ცუდს არაფერს ვიფიქრებ-მეთქი და დავძინე:

- მე ძალიან მაღლობელი ვარ, რომ ასეთი გულისხმიერებით
მოეკიდეთ ჩემს საქმეს და გასაჭირიდან დამიხსენით. ყურადღე-
ბას ბოროტად არ გამოვიყენებ და თქვენ საქმეებში არ ჩავერევი,
ოღონდ იმედი მაქვს და დაბეჭითებით გთხოვთ, რომ, თუ ოდესმე
ჩემი შემწეობა დაგჭირდათ, უყოყმანოდ და მოურიდებლად მო-
მიხმეთ საშველად.

- გმადლობთ, გმადლობთ, - მომიგო დიანამ, - ხმაზე გატ-
ყობთ, რომ ეგ სიტყვები მართო ზრდილობამ არ გათქმევინათ.
ასე მხოლოდ ის ადამიანი ლაპარაკობს, ვისაც შეგნებული აქვს
რომ დადებული აღთქმა უნდა შეასრულოთ თუ ოდესმე... შეუძ-
ლებელი, მაგრამ მაინც, თუ შემთხვევა მომეცა, ვისარგებლებ
თქვენი დაპირებით, მაგრამ მერწმუნეთ, სულ არ გაგიბრაზდე-
ბით, რომ მითხრათ, აღარ მახსოვს, თუ დახმარებას დაგპირდიო.
ნამდვილად, არ გაგიბრაზდებით, ჩემთვის საკმარისია, რომ ამჟა-
მად გულწრფელად გსურთ, რამეში გამომადგეთ, მომავალში კი
ვინ იცის რა ჭკუაზე დადგეთ. ვინ იცის, მართლა დამჭირდეს
თქვენი შემწეობა, ვინ იცის, გითხრათ, როგორც ძმას ისე გთხოვთ
დამეხმაროთ-მეთქი, მაგრამ ახლა ძნელია იმის განჭვრეტა, მარ-
თლა გვერდში ამომიდგებით თუ არა.

- თქვენი ღვიძლი ძმაც რომ ვიყო, ამაზე მეტი მონდომებით ვერ გამოგინვდიდით ხელს გასაჭირში, ვერც ახლა და ვერც მომავალში, ერთი კი მაინც უნდა გკითხოთ, რეშლიმ ჩემი გულისთვის გამოიღო ასე თავი?

- ეგ კითხვა მე კი არა, თვითონ მას უნდა დაუსვათ და დარწმუნებული იყავით, გიპასუხებთ; დიახ, სწორედ თქვენი გულისათვის შევიწუხე თავიო, რადგან ყოველთვის დიდი მონდომებით გამოდის ხოლმე უანგარო კეთილისმყოფელის როლში.

- არც ის უნდა ვთქვა, რომ თვითონ კემპელი მიეშველა მორისს ჩემოდნის ბიდვაში? არც ის, რომ ვიღაცამ ყალბი წერილი გამოუგზავნა ჩვენს ძვირფას მდივანს რათა ჩემი განთავისუფლება არ გაჯანჭლებულიყო? არც ის უნდა ვიკითხო...

- მე არაფერი არ უნდა მკითხოთ, ამიტომ სჯობს შეწყვიტოთ თქვენი ეჭვების გადმოლაგება. თან ჩემზე ცუდი არაფერი არ უნდა იფიქროთ. ისე ჩათვალეთ, თითქოს თქვენს კითხვებზე და კიდევ ოციოდე მაგნიარ კითხვაზე რეშლივით თამამად და ამომწურავად გაგეციოთ პასუხი! დაიმახსოვრეთ, როცა აი ასე მოვიდებ ნიკაპზე ხელს, ეს იმას ნიშნავ რომ კითხვაზე პასუხის გაცემა არ შემიძლია. ჩვენ ნიშნები უნდა დავთქვათ, რადგან ვაპირებ, რომ ჩემს რწმუნებულად და მრჩევლად გაგიხადოთ. ოღონდ ჩემს საქმეებს ვერ გაგაცნობთ.

- ძალიან ჭკვიანური გადანყვეტილებაა, - სიცილით შევნიშნე მე, - როგორც მენდობით, ისეთ რჩევასაც მიიღებთ.

ასეთი საუბრით გამხიარულებულნი მივადევით ოსბალდისტონ-ჰოლს, მასპინძლები უკვე შუა ლხინში იყვნენ შესულნი.

- მისტერ ოსბალდისტონს და მე ბიბლიოთეკაში მოგვკიტანეთ სადილი, - უთხრა მის ვერნონმა მსახურს და მერე მე მომიბრუნდა: - მეცოდებით, არ მინდა შიმშილით მოკვდეთ ამ ღორმეცულებით სავსე სასახლეში. უამისოდ ფეხს არ შეგადგმევინებდით ჩემს სავანეში. ის ბიბლიოთეკა ჩემი თავშესაფარია, ერთადერთი

კუთხე სადაც ის ორანგუტანგები, ჩემი ბიძაშვილები ვერ მომ-
წვდებიან. იქ ვერასოდეს გაბედავენ შესვლას, ვაითუ, რომელიმე
ფოლიანტი[118] ჩამოვარდეს და დაგვანთხევინოსო. წიგნი მხო-
ლოდ ამ გზით შეიძლება შეეხოს მაგათ ტვინს. ასე რომ, გამომყე-
ვით.

წინა ოთახი და სასტუმრო გავიარეთ, თალიანი დერეფანი უკან
მოვითრეთ და მრგვალი კიბით ავედით იმ ოთახში, სადაც სადი-
ლი უნდა მოეტანათ.

თავი X

არვინ იცოდა ძეხორციელმა, - იქ, სადაც კომპი იდგა ვრცე-
ული,

ჰქონდა თავისთვის მყუდრო ადგილი, ყრუ სიბნელისკენ პირ-
მიქცეული,

აქ გრძელ თაროებს დრევდა სიმძიმე, საზრდო სულისა ბლო-
მად ჰქონია.

რომ განეკურანა სულის ჭრილობა და წუთისოფლის მელან-
ქოლია.

უცნობი ავტორი.

ოსბალდისტონ-ჰოლის ბიბლიოთეკა ერთ ბნელ, პირქუშ
ოთახში იყო მოთავსებული. ძველებური მუხის თაროები მძიმე
ფოლიანტებისგან იზნიქებოდა. ეს ფოლიანტები, ესეოდენ რომ
უყვარდათ ჩვენს წინაპრებს მე-17 საუკუნეში, ახლა გადავამუშა-
ვეთ და მეოთხედსა და მერვედზე დავიყვანეთ. ჩვენი შვილები კი
ალბათ ჩვენზე ქარაფშუტულად მოიქცევიან და მეთექვსმეტედზე
დაიყვანენ ან სულაც პატარა წიგნაკებად აქცევენ.

აქ მეტწილად კლასიკოსთა თხზულებები, ევროპისა და ძველი
სამყაროს ისტორია და ღვთისმეტყველება იყო თავმოყრილი. ეს
უკანასკნელი ყველას სჭარბობდა. წიგნები უწესრიგოდ ელაგა.
წლების განმავლობაში მხოლოდ მღვდლები, ოსბალდისტონ-ჰო-
ლის კაპელანები გადმოაბიჯებდნენ ხოლმე ზღურბლს. შემდეგ
სწავლამონყურებულმა რეშლიმ დაუფრთხო მყუდროება პატივ-

ცემულ ობობებს, რომელთაც თაროებზე თავიანთი ძვირფასი ნახელავი გამოეფინათ. მოხუცი ჰილდებრანდი ალბათ ძალიან შეიცხადებდა რეშლის რომელიმე ძმას რომ დასჩემებოდა წიგნების ტრფიალი, მაგრამ რეშლის საქციელს მაინცდამაინც არ გაუოცებია, რადგან უმცროსი შვილი ვარგა ხანია აპირებდა ღვთისმსახურებისათვის შეენირა თავი. სერ ჰილდებრანდის ნებართვით ბილიოთევას სახე უცვალეს და საცხოვრებელ ოთახად გადააკეთეს, თუმცა ეს უზარმაზარი, ცოდნის საუნჯით სავსე დარბაზი მაინც არეულ-დარეული და მიუსაფარი დარჩა. ყველაფერი, ნათელეთებად ქცეული გობელენებით, დარკილული თაროებით, ტლანქი, ფეხებმორყეული მაგიდებითა და სკამებით დაწყებული და ბუხრით გათავებული (რომელსაც წინ აფარებული ბადე ისე დაჟანგებოდა, რომ აშკარა იყო, შიგ ვარგა ხანია, ცეცხლი არ დაენთოთ) იმაზე მეტყველებდა, რომ ოსბალდისტონ-ჰოლის მფლობელებს დიდად არ ეხატებოდათ გულზე სწავლა-განათლება.

- ეს ოთახი, ცოტა არ იყოს, უღიმღამო და პირქუში გეჩვენებათ, არა? - მითხრა დიანამ, როცა იქაურობას თვალი მოვაკვლე.
- მართალი ბრძანდებით, მაგრამ ჩემთვის ნამდვილი სამოთხეა, რადგან ჩემი საკუთრებაა და ვიცი, რომ არავინ შემომეჭრება. მობიარედ მხოლოდ რეშლი მყავდა, სანამ მეგობრები ვიყავით...

- ახლა აღარ ხართ მეგობრები?

დიანამ ეშმაკური ღიმილით მიიღო თითი ნიკაპზე და ამით მანიშნა, რომ ამ კითხვაზე პასუხს ვერ მივიღებდი, შემდეგ კი დაწყებული ლაპარაკი განაგრძო:

- მე და რეშლი მოკავშირეები ვართ, საერთო ინტერესები გვაქვს და ამიტომ იძულებულები ვართ ისე მოვიქცეთ, თითქოს მოკავშირე სახელმწიფოები ვიყოთ. მაგრამ მე ვფიქრობ, რომ ჩვენი ხელშეკრულება უფრო გამძლე და მყარი აღმოჩნდება, ვიდრე ის მეგობრული გრძნობა, რომელმაც ამ ხელშეკრულების

დადებას შეუწყო ხელი. ასეა თუ ისე, ახლა უკვე ძალზე იშვიათად ვართ ერთად. როცა რეშლი იმ კარიდან შემოდის, მე ამ კარიდან გავდივარ აქედან. რეშლი მიხვდა, რომ ესეოდენ ვრცელი დარბაზიც კი ვერ დაგვიტევდა ორივეს და დიდსულოვნად დამითმო აქაურობა განუყოფელ განმგებლობაში, მით უმეტეს, რომ საქმე აიძულებს ხშირად დატოვოს ციხე-დარბაზე. ასე რომ, ახლა ვცდილობ მართო გავაგრძელო ის გზა, სადაც წინათ რეშლი მიწევდა ეტიკობას.

- შეიძლება გკითხოთ, რა გზას გულისხმობთ?

- შეიძლება, ნუ გეშინიათ, ამჯერად ნიკაპზე აღარ მივიდებ თითოს. მე ერთობ გატაცებული ვარ მეცნიერებითა და ისტორიით, მაგრამ ჰოფებისა და ანტიკურ ავტორებსაც სიამოვნებით ვსწავლობ.

- ანტიკურ ავტორებს? ნუთუ დედანში კითხულობთ?

- რა თქმა უნდა! რეშლი საკმაოდ განათლებულია და მეც მასწავლა ბერძნული, ლათინური და თანამედროვე ევროპული ენების უმეტესობა. გარნმუნებთ, დიდი ჯაფა და შრომა გადაამხდა სანამ ყოველივე ამას ავითვისებდი. სხვა არაფერი ვიცი, არც ქარგვა, არც კერვა და არც პუდინგის ცხობა. ჩვენი მღვდლის ცოლი ხშირად მორიდებით იტყვის ხოლმე, რა ეშველება, რომ ხელიდან არაფერი გამოუდისო. რას იზამ, გული შესტკივა ჩემზე და იმიტომ ამბობს.

- მაგ საგნების შესწავლა თვითონ მოინდომეთ თუ რეშლიმ გირჩიათ?

დიანა წამით შეყოყმანდა, მერე კი გადაწყვიტა ეპასუხა:

- მე მგონი, შეიძლება გიპასუხოთ. ნაწილობრივ მე, ნაწილობრივ რეშლიმ. ჯერ ცხენის ჭენება და ღობებზე გადახტუნება ვისწავლე, მერე აღვირის ამოდება და შეკაზმვა, ხანდახან შეიძლება დაგჭირდეს ადამიანს, მერე თოფის სროლა, ისე ვისვრი, რომ თვალს არ ვახამხამებ, ერთი სიტყვით, როცა ყველა იმ ვაჟკაცურ

ხელობას დავუფლავ, ჩემი გაუთლელი მამიდაშვილები რომ აკლავენ თავს, გადავწყვიტე, ახლა დახვეწილი მამიდაშვილისათვის მიმებაძა, ციხე-დარბაზში გამოვკვეტილიყავი და ბერძნული და ლათინური მესწავლა. მოვინდომე მეც მეგემა ცოდნის ხის ნაყოფი, თუმცა თქვენ, მამაკაცებს, არ გავინყდებათ ქალების წინაპრის მიერ ჩადენილი ცოდვა და ცდილობთ ეს ნაყოფი არ გვიწილადოთ.

- რეშლიმ კი მოგიწონათ გადანყვეტილება?

- როგორ არა! მას უნდოდა მონაფედ ვყოლოდი ყველაფერი მასწავლა, რაც თვითონ იცოდა. ცხადია მაქმანის მანუეტების გარეცხვასა და ბატისტის ცხვირსახოცის შემოტეხვას ვერ მასწავლიდა!

- ასეთი მონაფის ყოლას ყველა ინატრებდა. წარმოდგენილი მაქვს, როგორ იამაყებდა თქვენი მოსწავლეობით!

- თუ თქვენ იმის მიზეზების ძიებას დაიწყებთ, თუ რატომ ამიყვანა რეშლიმ თავსი მონაფედ, იძულებული ვიქნები ვკლავ ნიკაპზე მივიდო თითი. ჩემსას არაფერს დაგიმაღავთ და მეტს ნუ მომთხოვთ! მოკლედ რომ მოგახსენოთ, რეშლიმ ბიბლიოთეკა დამითმო და უნებართვოდ არასდროს შემოდის ხოლმე. ასე რომ, მე საშუალება მომეცა ჩემი რაღაც-რაღაცეები გადმომეტანა, თუ ირგვლივ მიიხედ-მოიხედავთ, თვითონვე ნახავთ.

- მაპატიეთ, მის ვერნონ, მაგრამ აქ ისეთს ვერაფერს ვხედავ რომ თქვენეულად მივიჩნიო.

- ალბათ იმიტომ, რომ კედელზე არა ჰკიდია ხის შავ ჩარჩოში ჩასმული ნაქარგები, რომელზედაც მწყემსი ქალი ან კაცი იქნება გამობატული, არც თუთიყუშის ფიტულია წამოსკუპებული სადმე, არც იადონის გალიაა ჩამოკიდებული კაუჭზე, ვერც ვერცხლის სევადიანი ყუთი დალანდეთ მაგიდაზე, ტუალეტის მაგიდა არსად ჩანს პატარ-პატარა, პრიალა მრავალკუთხიანი კოლოფებით, არც სახურავდამტვრეული სპინეტია[119] მიდგმული კედელთან,

არც სამსიმიანი ბარბითი დევს ტახტზე! ვერსად შენიშნეთ თითის-ტარი, საქსოვი ჩხირები, ნემსების ბალიში, ხელსაქმის რაიმე კვალი და ნიშანი; ფინია ძაღლიც არსად არის მრავალრიცხოვანი, ჯერ კიდევ თვალაუხეღელი ნაშიერებით - ერთი სიტყვით, ასეთი განძეულობის პატრონი არა ვარ, - დიანამ ცოტა შეისვენა, სული მოითქვა და განაგრძო: - მაგრამ აქ ნახავთ ჩემი წინაპრის სერ რიჩარდ ვერნონის ხმაღს, იმ რიჩარდ ვერნონისა, შრუსბარის ბრძოლაში რომ დაიღუპა და რომელიც ეგზომ სასტიკად გაათახსირა ერთმა უგვანო ადამიანმა უილ შექსპირმა[120]. თქვენ ხომ მოგეხსენებათ, თუ რა თავგამოდებით უჭერდა მხარს ეს მწერალი ლანკასტერების დინასტიის ხელმწიფეებს და რა ოსტატურად აქებდა მათ თავის ნაწარმოებებში, სადაც ნამდვილი ისტორია თავდაყირაა დაყენებული, ან უფრო უკეთ, სულ გამოშიგნულია! ამ მრისხანე იარაღის გერდით უფრო ძველი წინაპრის აბჯარი ჰკიდია, შავი უფლისწულის საჭურველთ მტვირთველის აბჯარი. ამ ვერნონს თავის შთამომავალზე უკეთესი ბედი ჰქონია: ბარდმა, რომელმაც მისი შექება იკისრა, თავი არ დაზოგა, მაგრამ სამწუხაროდ უნიჭო ლექსი გამოუვიდა!

გზის შუაგულში ქუხდა ვერნონი, ფიცხი რაინდი მტერს არ ინდობდა,

ფარზე აკრული სალამურებით გზას რანდავდა და მირაინდობდა.

ღუშმანს დევნიდა როგორც დემონი, ეწეებოდა ლომის ფაფარი

მას მოძალადის სისხლი სწყუროდა, სხვებს ნაძარცვი და ნაალაფარი.

აქვეა ჩემი გამოგონებული ორმაგი აღვირი. იგი ბევრად სჯობს ნიუკასტლის ჰერცოგის მიერ გამოგონებულ აღვირს, ეს ჩემი სონ-

ლულის, ჩივიოტის, ეჟენები და ჩაჩია. საბრალო ყანჩას წამოეგო ნისკარტზე „ცხენისხავსასთან“. მაგისტანა მონადირე შევარდენი მთელ საბაზიეროში არ მოიპოვება. აი, ჩემი სანადირო თოფი, ნახეთ რა მსუბუქია, თანაც გაუმჭობესებული ჩახმახი აქვს. აქვეა სხვა მრავალი განძეულობა - ერთი მეორეზე ძვირფასი, აი, ამას შეხედეთ! თვითონ მიხვდებით...

მან მუხის მოჩუქურთმებულ ჩარჩოში ჩასმული პორტრეტისაკენ გაიშვირა ხელი, რომელზედაც ფეხზე მდგომი მამაკაცი იყო გამოსახული. პორტრეტი ვან დეიკის[121] დახატული იყო. გედგოთური ასოებით ეწერა: *Vernon semper viret.*[122] თვალებით შევეკითხე რას ნიშნავს-მეთქი.

- ნუთუ არ იცით, - გაოცდა დიანა, - ჩვენი დევიზია, ვერნონების დევიზი, რომელშიც

ვით მორალიტე მანკიერებას[123] ორ აზრს ანიჭებს - ასე სჩვევია, -

ჩვენ, ერთ სიტყვაში, ერთის მაგივრად, ორაზროვნება მოგვიქცევია.

ვერ ცნობთ საბრძოლო ბუკებს? ეს ხომ ჩვენი ემბლემაა! - დიანამ გერბზე გამოხატულ მუხის ფარზე მანიშნა, სადაც ჰერალდიკურ ნიშნებს ეს ლათინური წარწერა ჰქონდა შემოვლებული.

- ბუკებს? მე უბრალო სასტვენები მეგონა. ნუ გამიბრაზდებით, მომიტევეთ უვიცობა, - სასწრაფოდ დავამატე როცა შევნიშნე, თუ როგორ შეეფაკლა დიანას ღაწვები, - სულ არ ვაპირებდი თქვენი ემბლემის დამცირებას. მაგისი არაფერი მესმის, ჩემი საკუთარიც კი არ ვიცი როგორია.

- თქვენ, ოსბალდისტონი, ამას ამბობთ? - გაოცებით შესძახა დიანამ, - როგორ გეკადრებათ! ნუთუ პერსი, თორნი, ჯონი და დიკონი უნდა გჯობნიდნენ. მე მგონი უილფრედსაც კი თქვენზე

მეტი ეცოდინება. ისინი ხომ უვიცობის განსახიერებას წარმოადგენენ და მაინც თქვენზე მეტი იციან ამ საქმეში.

- ვალღარებ ჩემს უვიცობას, ძვირფასო მის ვერნონ, და ძალიანაც მრცხვენია! ჰერალდიკური ნიშნების საიდუმლო ისევე შეუცნობელია, როგორც პირამიდების იეროგლიფები.

- ნუთუ მართლა?! რას წარმოვიდგენდი! ხანდახან, ზამთრის ღამეებში, ბიძაჩემიც კი კითხულობს ხოლმე გუილიმს[124]. შეიძლება, ვინმემ ჰერალდიკა არ იცოდეს?! რას ფიქრობდა მამათქვენი? მაშ რაღას გასწავლიდათ?

- არითმეტიკას! მამაჩემს უმცირესი არითმეტიკული სიდიდე ურჩევნია ყველა რაინდულ გერბსა და ემბლემას. თუმცა სავსებით უვიცი ვარ ჰერალდიკის ურთულეს მეცნიერებაში, მაგრამ საკმარისი ცოდნა და გემოვნება გამაჩნია, ჯეროვნად დავაფასო ეს შესანიშნავი პორტრეტი და შევნიშნო ნათესაური მსგავსება თქვენსა და ამ სურათზე გამოსახულ პიროვნებას შორის. ხედავთ, როგორ თავისუფლად დგას? რა ღირსეულად უჭირავს თავი! რა მსუყე ფერებია! ახლა შუქრდილების შეხამება ნახეთ!

- მართლა ასეთი კარგი ნახატია?

- ამ გამოჩენილი მხატვრის მრავალი ტილო მინახავს, მაგრამ ასე ძალიან არც ერთი არ მომწონებია, - მივუგე მე.

- გიჯერებთ, რადგან მე მხატვრობაში იმდენივე გამეგება, რამდენიც თქვენ - ჰერალდიკაში. ისე კი, თქვენთან შედარებით ის უპირატესობა მაქვს, რომ, თუმცა მხატვრობაში უვიცი გახლავართ, ეს სურათი ყოველთვის მომწონდა.

- მე კი, მართალია, ბუკებს, ნაღარებს და ათასნაირ რაინდულ ემბლემებს არ ვიცნობ, მაგრამ კარგად ვიცი, რომ სწორედ ისინი არიან ძველი საბრძოლო წარმატებისა და გამარჯვების გამოხატულებანი. ერთში კი უნდა დამეთანხმოთ: ეს ემბლემები ისე არ მოეწონება ჰერალდიკაში გაუთვითცნობიერებელ მაყურებელს, როგორც კარგი ნახატი. ვინ არის გამოხატული ამ პორტრეტზე?

- პაპაჩემი. იგი ერთგულად იზიარებდა ჩარლზ I-ის[125] გაჭირვებასა და უბედურებას და გულისტკივილით უნდა დავამატო, რომ საკუთარი შვილის თავშეუკავებელი საქციელიც ღრმა ჭრილობებს აჩნევდა გულზე. მამულის განიავება ჯერ კიდევ პაპაჩემმა დაიწყო, მისმა მემკვიდრემ, სვეუბედურმა მამაჩემმა კი საბოლოოდ მოუთავა ხელი. ღმერთმა მშვიდობაში მოახმაროს ახალ პატრონებს. რა იმათი ბრალია?! მამული ერთგულებას შევწირეთ მსხვერპლად.

- მამათქვენი, ალბათ, იმდროინდელი პოლიტიკური შეხლა-შემოხლის დროს დაზარალდა, არა?

- დიახ! სულს იქით აღარაფერი დარჩა. სწორედ ამიტომ არის, რომ მისი ობოლი ქალიშვილი სხვისი სარჩენი გახდა და სხვის დაკრულზე უნდა იცეკვოს. მე მაინც ვამაყობ მამაჩემით და არასოდეს მინატრია, რომ სინდისზე და რწმენაზე ხელი აეღო და უფრო კეთილგონივრულად ემოქმედა მხოლოდ იმიტომ, რომ ყველა მამული შეენარჩუნებინა და ჩემთვის დაეტოვებინა. - ამ დროს მსახურებს სადილი შემოგვიტანეს და ჩვენმა საუბარმა სხვა კალაპოტში გადაინაცვლა.

სადილობას მალე მოვრჩით და როცა სუფრაზე ღვინო მოვიდა, მსახურმა მოგვახსენა, მისტერ რეშლიმ მთხოვა, სუფრას რომ აალაგებ, მოდი და მითხარო.

- გადაეცით, რომ ფრიად მოხარული ვიქნებით, თუ მობრძანდება! ღვინის ჭიქა და სკამი მოიტანეთ და წადით. მისტერ ფრენკ, თქვენ და რეშლი ერთად წახვალთ. ჩემისთანა გულუხვსაც არ ძალუძს, ოცდაოთხი საათიდან რვაზე მეტი შესწიროს ჯენტლმენს. ჩვენი კი, მგონი უკვე გადავაჭარბეთ ამ დროს.

- დრო მარჯვე მცელავია და ისე სწრაფად მოგვიახლოვდა, რომ ვერც კი მოვასწარი ნაბიჯების დათვლა.

- იყუჩეთ, - გამაფრთხილა მის ვერნონმა, - რეშლი მოდის!

იგი სკამიანად გაიწნა გვერდზე და საკმაოდ მოშორებით დაჯდა. კარზე ფრთხილი კაკუნი გაისმა. ნებართვა რომ მიიღო, რეშლიმ მოკრძალებით გადმოაბიჯა ზღურბლს და ნელი, შემპარავი ნაბიჯებით მოგვიახლოვდა. აშკარა იყო, რომ სენტ-ომერის კოლეჯში კარგად გაეწვრთნათ. სწორედ ასეთი წარმოდგენა მქონდა ნამდვილ იეზუიტზე. ცხადია, იმის განმარტება აღარ არის საჭირო, თუ როგორ ეყვარებოდა იეზუიტები ჩემისთანა შუმ პროტესტანტს.

- რა საჭიროა ეს ცერემონიები. რატომ აკაკუნებთ, როცა იცით, რომ მართო არა ვარ! - უკმაყოფილოდ უთხრა მის ვერნონმა, რადგან რეშლის მორიდებულ საქციელში აშკარად იგრძნობოდა ფარული ეჭვიანობა.

- თავიდან თვითონ მიმაჩვიეთ კარზე დაკაკუნებას, ჩემო მშვენიერო ბიძაშვილო, - მშვიდად მიუგო რეშლიმ, - ახლა კი უკვე ჩვევად მექცა.

- კარგად მოგეხსენებათ, სერ, რომ მე თავაზიანობაზე უფრო გულწრფელობას ვათასებ ადამიანში!

- თავაზიანობა სამეფო კარის დიდებულებით სასიამოვნო და გულმისასვლელია და ამიტომ ქალის ბუდეურის მარად სასურველი სტუმარია!

- გულწრფელობა კი ერთგული რაინდია, ამიტომ უფრო მეტად მსიამოვნებს ხოლმე მისი ხილვა, ჩემო ძვირფასო მამიდაშვილო! მაგრამ ჩვენს ახალგაცნობილ ნათესავს ალბათ უკვე მოაბეზრა თავი ამ პაექრობამ. დაჯექით რეშლი და ორიოდე ჭიქა ღვინო დაალევინეთ მისტერ ფრენსის ოსბალდისტონს. სადილზე მე გავუწიე მასპინძლობა, ამიტომ შეიძლება ჩავთვალოთ, რომ ოსბალდისტონ-ჰოლის ღირსება არ შელახულა.

რეშლი დაჯდა, ჭიქა აივსო და ჯერ დიანას მიაპყრო მზერა, შემდეგ მე. შევამჩნიე, რომ შემფოთებული იყო, თუმცა ძალიან ცდილობდა, მშვიდი და უზრუნველი გამომეტყველება მიეღო. ჩე-

მი აზრით, რეშლი დარწმუნებული იყო, რომ დიანა ზედმეტ გულახდილობას გამოიჩინდა და ახლა უნდოდა, საუბრისათვის ახალი გეზი მიეცა, რათა გამოერკვია, ხომ არ გამანდო მისმა ბიძამ-ვილმა რაიმე საიდუმლო.

- მისტერ რეშლი, - დავიწყე მე, - მის ვერნონმა მითხრა, რომ თქვენ უნდა გიმადლოდეთ, ასე იოლად რომ გადავურჩი მორისის მოჩმახულ ცილისნამებას. მის ვერნონი კარგად არ მიცნობს და ეტყობა იფიქრა, თუ კარგად არ მეცოდინებოდა თქვენი ღვან-ლი ამ საქმეში, ისეთ მადლობას ვერ გეტყოდით, როგორსაც იმსახურებთ. ამიტომ მან წამაქება, რომ თქვენთვის მეთხოვა ჩემი დღევანდელი თავგადასავლის ანგარიში, ან უფრო სწორად ახსნა-განმარტება.

- მართლა? - იკითხა რეშლიმ და ისე გამომცდელად შეხედა მის ვერნონს, - მე კი ვიფიქრე, რომ ლედიმ უკვე აგისხნათ ყველაფერი. - რეშლი ახლა მე მომაშტერდა, როგორც ჩანს, სურდა ჩემს სახეზე წაეკითხა, მართლა არაფერი ვიცოდი, თუ თავს ვიკატუნებდი. მის ვერნონმა რეშლის ინკვიზიტორულ მზერას ზიზღამდგარი თვალები შეაგება. მე კი მაშინვე ვერ გადავწყვიტე, ტკბილი სიტყვით მიმეყუჩებინა მისი ეჭვი, თუ ავფეთქებულიყავი, როგორ არ მიჭერებ-მეთქი. ბოლოს ისევ პირველი ვამჭობინე და ვუთხარი:

- თუ თქვენც მის ვერნონივით გადაწყვიტეთ წყალი ჩაიგუბოთ პირში, სხვა რა გზა მაქვს, უნდა დაგემორჩილოთ, მაგრამ თუ მხოლოდ იმიტომ იკავებთ თავს, რომ გგონიათ ყველაფერი ვიცი, ძალიან ცდებით. გთხოვთ ნურაფერს დამიმაღავთ, ჰატიოსნებას გეფიცებით, რომ იმ ამბის შესახებ, რომლის მოწმე დღეს ვიყავი, იმდენივე ვიცი, რამდენიც აი, ამ ნახატმა. მის ვერნონმა მხოლოდ ის მითხრა, რომ თქვენი წყალობით გადავურჩი საფრთხეს.

- მე, მართლაც სულით და გულით მოვინდომე თქვენი გადარჩენა, მაგრამ მის ვერნონს ძალიან გაუზვიადებია ჩემი მცირე დამ-

სახურება. საქმე ასე იყო: როცა შინისკენ გამოვეშურე, რომ ვინმე წამომეყვანა ჩვენი ოჯახიდან და თავდებით გამეთავისუფლებინეთ (მაშინ ამაზე უკეთესი ვერაფერი მოვიფიქრე ჩემი მოკლე ჭკუით), გზაში იმ ვიღაცა ვავიხსენებ... ვალვილს... თუ რა ჰქვია... ჰო, ვემპბელს გადავეყარე. მორისის მონაყოლიდან ვიცოდი, რომ ის და ვემპბელი ერთად იყვნენ, როცა ყაჩაღები დაესხნენ თავს. ვემპბელს ვთხოვე, მონმედ დაგდგომოდათ და ბევრი ხვეწნის შემდეგ დავითანხმე. მე ვფიქრობ მისმა ჩვენებამ გადაგარჩინათ იმ უსიამოვნებას.

- ერთი უყურეთ, როგორ ყოფილა საქმე! დიდად მადლობელი ვარ, რომ ასე დროულად მიპოვეთ ფრიად საჭირო მონმე. ოღონდ ერთი რამ არ მესმის: თუ, როგორც ვემპბელი ამბობს, მორისთან ერთად იყო იმ თავდასხმის დროს და თვითონაც დაზარალებულია, რატომ დასჭირდა თქვენი ამდენი ხვეწნა, რატომ მაშინვე არ წამოგყვათ, რომ წამდვილი მძარცველები ემხილებინა და უდანაშაულო ადამიანი გამოეხსნა?

- თქვენ შოტლანდიელებს არ იცნობ, სერ, - მომიგო რეშლიმ, - ძალიან წინდახედული და ფრთხილი ხალხია. ამას ემატება თავის ქვეყნის მგზნებარე სიყვარული, რომელიც ციხის გალავანივითა აქვს შემოვლებული შოტლანდიელს და საიმედოდ იცავს მას ფილანტროპული იდეების შემოტევისაგან. ეს გალავანი თუ გადალახეთ, მეორეს დაინახავთ, უფრო განიერსა და მტკიცეს - ეს გახლავთ თავისი კუთხის, სოფლის და გვარის სიყვარული, ამ მეორე ზღუდესაც თუ მოუშლით, მესამე გაგიხდებათ დასანგრევისაკუთარი ოჯახის: მამის, დედის, შვილების, ბიძების, დეიდების, მამიდების, ბიძაშვილების და სხვა ნათესავების სიყვარული. აი, ამ ზღუდეებით არის შემოსაზღვრული შოტლანდიელი და თავგანწირვით იბრძვის მათ დასაცავად. მხოლოდ ამ კედლებით შემოზღუდული გრძნობს თავს უძლეველად, გარეთ კი ბავშვივით უმწეოა. მაგრამ სამივე ზღუდე რომ დაუნგრით, მაინც ვერ გაიმარ-

ჯვებით, რადგან შიგნით ყველაზე მტკიცე და აუღებელი ბურჯი დაგხვდებათ. ამ ბურჯს საკუთარი თავის სიყვარული ჰქვია!

- თქვენ ძალზე მხატვრულად აგვიხსენით ყველაფერი, მაგრამ ორი შენიშვნა მაინც მაქვს, - თქვა მის ვერნონმა, რომელიც დაუფარავი უკმაყოფილებით უსმენდა რეშლის ლაპარაკს, - ჯერ ერთი, რასაც თქვენ ამბობთ, სინამდვილეს არ შეესაბამება და მეორეც, თუნდაც ყველაფერი უდავო ჭეშმარიტება იყოს, დღევანდელ ამბების ამხსნელად არ გამოგვადგება.

- ყოველივე ეს ჭეშმარიტებაა, ჩემო მშვენიერო დიანა, თანაც მშვენივრად განმარტავს ყველაფერს. ჭეშმარიტებაა, რადგან როგორც მოგეხსენებათ, ძალიან კარგად ვიცნობ შოტლანდიასა და შოტლანდიელებს. სწორედ ამ ცოდნაზე დამყარებული ღრმა და ზუსტი ანალიზის შედეგად წარმოგიდგინეთ ეს დახასიათება. ეს დახასიათება შესანიშნავად განმარტავს ყველაფერს, რადგან პირდაპირ უპასუხებს მისტერ ფრენსის ოსბალდისტონის მიერ დასმულ კითხვას და გვიხსნის თუ რატომ არ შეიწუხა თავი კემპბელმა თავი იმ ადამიანისათვის, რომელიც არც შოტლანდიელია, არც კემპბელია გვარად, არც მისი მამიდაშვილი არც მამიდაშვილის ბიძაშვილის დეიდაშვილი. რაც ყველაზე მნიშვნელოვანია, კემპბელი მიხვდა, რომ ამ საქმეს ვერაფერს გამორჩეობდა, პირიქით თავის საქმეს მოსცდებოდა და...

- და რაიმე უბედურებასაც გადაეყრებოდა, -მიაშველა სიტყვა მის ვერნონმა.

- ნამდვილად... - იმწამსვე დაუდასტურა რეშლიმ, - ადამიანს ათასნაირი საფრთხე ემუქრება. ბევრი რომ აღარ გავაგრძელოთ, ჩემი თეორია გვიხსნის, თუ რატომ ითრევდა ფეხს კემპბელი. იგი ხომ არავითარ გამორჩენას არ გამოელოდა ამ საქმისაგან, პირიქით, შეიძლებოდა რაიმე ხათაბალას მოსწეოდა, თუკი მონმედ დაუდგებოდა მისტერ ფრენსის ოსბალდისტონს.

- ერთი რამ ძალზე მეუცნაურა, - შევნიშნე მე, - მისტერ მორისის განცხადებას, თუ, რა ქვია, საჩივარს თვალი გადავავლე და შიგ სულ არ იყო ნახსენები, რომ კემპბელი იმ გაძარცვის დროს თან ახლდა მორისს.

- კემპბელმა მორისი დააფიცა, არ მახსენოო, - მიპასუხა რემლიმ, ამის მიზეზს კარგად მიხვდებით, თუ გაიხსენებთ, რაც წელან გითხარით შოტლანდიელებზე. კემპბელს სამშობლოში ეჩქარებოდა და არ უნდოდა, დავიდარაბაში გახვეულიყო. სასამართლო კი, თუ გაიგებდა, რომ გაძარცვას ისიც ესწრებოდა, აუცილებლად დააყოვნებდა. აი, ამიტომ ეშურებოდა საზღვარზე გადასვლას. მაგრამ ერთი მდინარე ფორტს გადაცდენოდა და ნახავდით რას იზამდა მორისი! იმ წუთასვე დაფქვავდა ყველაფერს, რაც იცოდა და კიდევ ერთი იმდენს ტყუილს დაამატებდა. გარდა ამისა, კემპბელი ჩოღარია; დიდი სართა აქვს, ხშირად ჩამოყავს ნორთუმბერლანდში დიდი ნახირი გასაყიდად და სულელი უნდა იყოს, რომ აქაური ყაჩაღები გადაიკიდოს. ყაჩაღები ხომ ძალიან გულგამყოლები არიან!

- ამაში მეც დაგემონმებით! - რალაც უცნაური გამომეტყველებით უთხრა მის ვერნონმა.

- ამგვარად, - დავასკვენი მე, - ჩემთვის ცხადი გახდა თუ რატომ ეწადა კემპბელს, რომ მორისს არ გაემხილა მოსამართლისათვის, გაძარცვის დროს მარტო არ ვიყავი, თან მავანი ვაცი მახლდაო, მაგრამ ის კი ვერ გამიგია, როგორ აუკრა მან მორისს პირი. ამით ხომ მის ჩვენებას საფუძველი გამოეცალა - მოწმის გარეშე ვინ რას დაუჭერებდა?!

რემლი მაშინვე დამეთანხმა, ეგ მეც ძალიან მიკვირს, მართლაც, უცნაური ამბავია და ახლა ვნანობ, რატომ უფრო ღრმად არ ჩავეკითხე შოტლანდიელსო.

- ვი მაგრამ, თქვენ დარწმუნებული ხართ, რომ იმ ქალაქში სულ არ იყო ნახსენები კემპბელი?- მკითხა რეშლიმ და ყურადღებით მომაშტერა თვალები.

- მე თვალი გადავაავლე იმ ქალაქს, მაგრამ მტკიცედ ვარ დარწმუნებული, რომ იქ კემპბელი არ იყო ნახსენები; შეიძლება მინიშნებული იყო, მაგრამ პირდაპირ არ ეწერა.

- აი, ხედავთ, - ჩაეჭიდა ჩემს სიტყვებს რეშლი, - მეც თქვენი არ იყოს, თითქმის დარწმუნებული ვარ, რომ იქ როგორღაც ნახსენებია მოწმე, მაგრამ თქვენ ვერ შეამჩნიეთ. არც ის არის ძნელი ასახსნელი, რომ კემპბელი ასე თავის ნებაზე ატრიალებს მორისს: ალბათ შეატყო სიმხდალე და დააშინა. ეს ჩიტისგულა ვაჟკაცი, როგორც გავიგე შოტლანდიაში მიემგზავრება. ეტყობა, მთავრობამ რაღაც უბრალო მოხელის თანამდებობაზე დანიშნა იქ და, რადგან თავივით მშიშარაა, ვერ გაბედა შეკამათებოდა ისეთ შევარდენს, როგორიც კემპბელია. ერთს გადაუბრიალებდა თვალებს და სულ დაუბნევდა იმ პატარა ტვინს. თქვენ არ შეგიმჩნევიათ, როგორ ეცვლება მაგ კემპბელს დროდადრო გამომეტყველება? რომ განრისხდება ისე დაიქუხებს, ნამდვილი მეგობარი წარმოგიდგებათ თვალწინ.

- უნდა გამოგიტყდეთ, ხანდახან მართლაც მაოცებდა ამ ვაჭრის მძვინვარე გამოხედვა. წინათ ჯარში ხომ არ მსახურობდა?

- როგორ გითხარათ? ჯარში ალბათ არ უმსახურია, მაგრამ დარწმუნებული ვარ, თავისი თანამემამულეების მსგავსად, კარგად ხმარობს იარაღს. ამ მთებში მცხოვრებნი ხომ დაბადებიდან სიკვდილამდე არ იშორებენ ხმალსა და ხანჯალს, ამიტომ თუ კარგად გაიცანით მორისი, არ უნდა გიკვირდეთ, რომ ყოველნაირად ეცადა არ წაჩხუბებოდა ასეთი ქვეყნის მცხოვრებს. მაგრამ გატყობთ, რომ ღვინოს პირს აღარ აკარებთ. ამ საქმეში მეც ვერ ვუსწორებ მხარს სხვა ოსბალდისტონებს. ამიტომ ჩემს ოთახში თუ წამობრძანდებით, შეგვიძლია პიკეტში შევერკინოთ ერთმა-

ნეთს. - ორივენი წამოვდექით და მის ვერნონს მივებახლეთ და-
სამშვიდობებელად. იგი საუბარში არ ჩამოგვრევია, მაგრამ შევ-
ნიშნე რომ ძლივს იკავებდა თავს. ბოლოს, როცა უკვე უნდა წავ-
სულიყავით, გულში ბოღმა ველარ დაიტია და მომახალა:

- თქვენ, მისტერ ოსბალდისტონ, პირადად იცნობთ კემპბელსა
და მორისს და ამდენად შეგიძლიათ იმსჯელოთ, სწორად ახასია-
თებს თუ არა მათ რეშლი, მაგრამ ძალიან გთხოვთ ნუ ენდობით
იმ ცნობებს, რომლებიც შოტლანდიის შესახებ მოგაწოდდათ. მან
ხომ მიწასთან გაასწორა მთელი მხარე!

- ვშიშობ, რომ გამიძნელდება თქვენი ბრძანების შესრულება,
მის ვერნონ, - ვუპასუხე მე, - ჩემი აღმზრდელები ბავშვობიდანვე
მინერგავდნენ საკმაოდ არა სახარბიელო შეხედულებებს ჩვენს
ჩრდილო მეზობლებზე.

- ნურც თქვენს აღმზრდელებს უჭერებთ, სერ! შოტლანდიელი
ქალის შვილი გთხოვთ, ჰატივი სცეთ მის დედულებს! შემდეგ
ალბათ თქვენი თვალით ნახავთ ამ ქვეყანას და დარწმუნდებით,
რომ ცდებოდით მის შეფასებაში! თქვენი ზიზღი და სიძულვილი
კი თვალთმაქცობის, სიმდაბლისა და ორპირობის წინააღმდეგ
საბრძოლველად შემოინახეთ. ამ თვისებებს ყოველ ნაბიჯზე შეხ-
ვდებით, აქ, ინგლისში ასე, რომ შორს წასვლით თავს ნუ შეინუ-
ხებთ. მშვიდობით, ბატონებო, კარგად გაგეტარებინოთ საღამო! -
და დიანამ ისე გაიშვირა ხელი კარისკენ, თითქოს დედოფალია
და ამაღლა დაითხოვაო.

რეშლის ოთახში რომ შევედი, მსახურმა ყავა და ბანქოს ქა-
ღალღი მოგვართვა. მე გადავწყვიტე, რეშლისთვის აღარაფერი
მეკითხა. შევატყვე, რომ რაღაც უსიამოვნო საიდუმლო იცოდა და
არ მიმხელდა. თუ ამ საიდუმლოს გაგება მინდოდა, მისი სიტყვი-
ლე უნდა მომედუნებინა. ქაღალდი ჩამოვარიგეთ და მალე
მთლიანად ჩავკითრია თამაშმა. ამ გასართობ თამაშში (რეშლის
თქმით ჯერზე ძალიან უმნიშვნელო თანხას ჩავდიოდით), კარგად

გამოჩნდა ჩემი მოწინააღმდეგის დაუნდობელი და პატივმოყვარე ბუნება. იგი სრულყოფილად ფლობდა ამ შესანიშნავი თამაშის საიდუმლოებებს, თუმცა ხშირად განგებ არ იყენებდა იმ მარტივ ხერხებს, რომლებიც ნაღდ, მაგრამ მცირე მოგებს უქადდა და გაბედულად ჩადიოდა პიკსა და კაპოტზე დიდ თანხას მთელი ფსონის მოგების იმედით. ორმა-სამმა თალიამ ისე შეცვალა ჩვენი საუბრის მიმართულება, როგორც სპექტაკლში ჩართული მუსიკაცვლის ხოლმე დრამატულ მოქმედებებს. რეჟლი, ეტყობა, დაღალა თამაშმა და საუბარი დაიწყო. საუბრის წარმართვა თვითონ იკისრა და ბოლომდე არ დაუთმია.

რეჟლის უფრო განათლებული ეთქმოდა ვიდრე მოაზროვნე. უკეთ იცნობდა ადამიანის სურვილებს, ვიდრე იმ მწეობრივ პრინციპებს, რომლებსაც ამ სურვილების ალაგმვა ევალება, მაგრამ საუბრის ხელოვნებას კი სრულყოფილად ფლობდა. ჩემს დღეში არ შევხვედრილვარ ამისთანა ვარგ მოლაპარაკეს, უკეთესის არსებობა კი ყოვლად წარმოუდგენლად მიმაჩნია. ერთი რამ კი შევნიშნე, ოღონდ მომეჩვენა თუ მართლა ასე იყო: საუბრისას ერთობ ფხიზლად აყურადებდა საკუთარ ნათქვამს და ამან მათიქრებიან, რომ დიდი შრომა და ჯათა ექნებოდა დახარჯული თავისი ბუნებრივი მონაცემების: მელოდიური ხმის, ხატოვანი ლექსიკის, მახვილი ენისა და მდიდარი ფანტაზიის კიდევ უფრო დასახვეწად და გასავითარებლად. რეჟლი ზომამე მეტად არასდროს უწევდა ხმას, ზედმეტად არ ახვევდა თავის აზრს მსმენელს და არც ისეთ საგანზე ჩამოაგდებდა სიტყვას, რომლის აზრს ვერ გაუგებდნენ. მისი აზრები წყალუხვი მდინარის ტალღებივით მისდევდნენ ერთმანეთს - თანაბრად და შეუფერხებლად. იმათ კი არა ჰგავდა, დიდად რომ იწონებენ თავიანთი ლაპარაკით თავს, უცებ ჩამოაფრქვევენ თავიანთ აზრებს და წისქვილის ღარში გადაშვებული მღვრიე წყალივით დაიწრითებიან ხოლმე. თითქმის შუალამე იყო მოტანებული, როცა ჩემს მომხიბვლელ თანამოსა-

უბრეს დავემშვიდობე. საძინებელ ოთახში რომ შევედი, ძალზე გამიჭირდა გონებაში რეშლის სურათი აღმედგინა. ახლა, ამ საუბრის შემდეგ, სულ სხვანაირად მესახებოდა თვალწინ. აი, ასე გვაცდუნებს, ჩემო ძვირფასო ტრეშამ, ტკბილი და საამო საუბარი, გვიდუნებს სიფხიზლესა და ყურადღებას, თვალეებზე თითქოს ლიბრს გადაგვაკრავს და უკვე ვეღარ ვამჩნევთ მოსაუბრის მანკსა და მწიკვლს. ასე იცის ზოგმა ნუგბარმა ხილმაც: ყელს ჩაგიტკბოს და მერე იმაზე უკეთესიც რომ მოგართვან, აღარ მოგეწონებათ.

თავი XI

რამ დაგამწუხრათ, ჩემო მებრძოლნო, გზას რად გაჰყურებთ
სულთქმით, უშებით,

რად დაგიხრიათ ასე თავები, ვის ემდურით და ეპირქუშებით.

რამ ჩაგიღამათ, ნეტავ, თვალები, კვლავ რად არ დახვალთ
ელვის ციმციმად,

აქ, ბალვეარის ციხე-დარბაზში, რამ შეგზარათ და შეგასიმძიმ-
ლათ?

ძველებური შოტლანდიური ბალადა.

მეორე დღე კვირა იყო, ყველაზე მოსაწყენი დღე ოსბალდის-
ტონ - ჰოლში. დილის წირვაზე, რომელსაც ოჯახის არც ერთი
წევრი არ აკლდებოდა, ყველა, რეშლისა და მის ვერნონის გარ-
და, ძლივს-ძლივობით იკავებდა მთქნარებას, სერ ჰილდებრანდი
მცირე ხნით გაერთო, როცა ჩემი გუშინდელი თავგადასავალი ვუ-
ამბე. მან ისე მომილოცა პორპეთისა თუ ჰექსამის საპატიმროდან
თავის დახსნა, თითქოს ღობეზე ცხენის გადახტუნების დროს უნა-
გირიდან ჩამოვარდნილიყავი მაგრამ არაფერი მტკვნოდა.

- იოლად გადარჩენილხარ, ჭაბუკო! მომავალში უფრო
ფრთხილად უნდა მოიქცე! მაშ რა გეგონა! ყველას აქვს შარაგზა-
ზე გავლის უფლება, ვიგი იქნება თუ ტორი.

- პატიოსნებას გეფიცებით, სერ, რომ არავისთვის დამიშლია
გზაზე სიარული. ძალზე შეურაცხყოფილად ვგრძნობ თავს, რომ
ყველას დამნაშავე ვგონივარ. ყაჩაღობა, რომელიც სამართლია-

ნად ისჯება ასე სასტიკად ჩემი ქვეყნის მართლმსაჯულების მიერ, ყველაზე უგვანო და საზიზღარ დანაშაულად მიმაჩნია!

- ვარგი, ვარგი, ყმანვილო, აგრე იყოს. მე აღარაფერს გკითხავ. მართლა და, როდის ყოფილა, რომ კაცი საკუთარ თავს აგინებდეს. ყველა თავს იქებს, თუ ეშმაკი არ შეუჩნდა.

დამხმარედ რეშლი მომეგვლინა, მაგრამ ისე მიკიბულ-მოკიბულად ილაპარაკა, რომ მივხვდი, ჩემი სიმართლის დამტკიცება კი არ უნდოდა, ცდილობდა მამამისს ყასიდად ეთქვა ჩემთვის, მჭერა, შენ ამ საქმეს არ ჩაიდენდიო.

- ძვირფასო მამავ, იმედია საკუთარ ოჯახში გულს არ ატკენტ საკუთარ ძმისშვილს, რომელიც ასე ძალიან არის მონადინებული, რომ მისი ნათქვამი ჭეშმარიტებად იქნას მიჩნეული. თვითონ, რასაკვირველია, სავსებით გენდობათ და ამ საჩოთირო საქმეში რაიმე შემწეობის აღმოჩენა რომ შეგძლებოდათ, დარწმუნებული ვარ, უყოყმანოდ მოგმართავდით დასახმარებლად. მაგრამ ჩემს ბიძაშვილს, ფრესისს, უკვე მოხსნეს ბრალდება და ახლა აღარავისა აქვს უფლება, ეჭვი შეიტანოს მის პატიოსნებაში. მე, ჩემდა თავად, სრულიად დარწმუნებული ვარ მის უდანაშაულობაში და მიმაჩნია, რომ ჩვენი ოჯახის ვალია, ხმლითა და სიტყვით შევებრძოლოთ ყველას, ვინც ეჭვს შეიტანს მისტერ ფრენსისის პატიოსნებაში.

სერ ჰილდებრანდმა თვალი თვალში გაუყარა შვილს და სუსხიანად უთხრა:

- შენ დიდი გაიძვერა ხარ რეშლი! ყოველთვის ასეთი იყავი, ჩემთანაც და სხვებთანაც. ახლა გეყოფა ლაპარაკი, თორემ ვატყობ გადაამლაშებ! ხომ გაგიგონია ეშმაკი მელა ოთხივე ფეხით გაეზაო. იცოდე, გერბზე ყოველთვის ერთი მუზარადია გამოსახული. რადგან სიტყვა გერბზე ჩამოვარდა წავალ გვილიმს ჩავეუჯდები!

ეს განცხადება სერ ჰილდებრანდმა ისეთი მამა-პაპური მთქნარებით დააგვირგვინა, რომ „დუნსაიდას“ ქალღმერთს შეშურდებოდა. გოლიათი შვილებიც ასეთი მთქნარებით გამოეპასუხნენ და სათითაოდ გაიკრიბნენ დარბაზიდან, რომ სადილობამდე დარჩენილი დრო თავის ქეიფზე გაეტარებინათ. პერსი საკუჭნაოში წავიდა და მოურავთან ერთად მიუჭდა ახალგამოხდილი ლუდის ვასრს, თორწვლითმა ორკაპა ჯოხების გამოთლა დაინყო შურდულებისათვის, ჯონი ანკესებზე სატყუარების ჩამოცმას შეუდგა, დიკონი შეეცადა საჩვენებელი თითები თვალდახუჭულს მოეხვედრებინა ერთმანეთისათვის, უილფრედმა ცერა თითი პირში ჩაიდო სანუნნავად და სადილობამდე ძილ-ბურანს მიეცა, მის ვერნონმა კი ბიბლიოთეკას შეათარა თავი.

ძველებურ დარბაზში მარტო მე და რეშლი დავრჩით. დაბდურა, მოუხეშავმა მსახურებმა, როგორც იქნა, აალაგეს გულუხვი საუბმის ნარჩენები. მე დრო ვიხელთე და რეშლის ვუსაყვდურე, ძალიან მენყინა, მამათქვენს ასე რომ ელაპარაკეთ. თითქოს ურჩევდით, ეჭვი გულში ჩაემარხა, იმის მაგივრად რომ ჩემს უცოდველობაში დაგერწმუნებინათ-მეთქი.

- რა მექნა, ჩემო მეგობარო, სხვა გზა არ იყო, - გაიმართლა თავი რეშლიმ, - მამაჩემი ჯიუტი ვაცია და თუ ერთხელ შეუჭდა გულში ეჭვი (რაც სიმართლე რომ გითხრათ, ძალზე იშვიათად ხდება), ძნელადღა ამიგდებს. ამიტომ აღარ ვეკამათები, გავჩუმიდები ხოლმე და ვცდილობ დროდადრო ფრთხილად შევაპარო სიტყვა. ამით ხანდახან სასურველ შედეგს ვაღწევ. სხვანაირად იმისთანა თავისნათქვამა კაცთან, როგორც სერ ჰილდებრანდია, ვერაფერს გავხდები. ყველა საბუთსა და მტკიცებას გაგიტრიზავებს, თავისი კი ისე სჯერა, როგორც კათოლიკეს რომის პაპისა.

- ეჭვ, ფირიად ძნელია ამ ოჯახში ცხოვრება, რომლის უფროსს, თანაც შენს ახლო ნათესავს, შარაგზის ქურდი ჰკონიხარ!

- შვილმა მამაზე ასე არ უნდა ილაპარაკოს, მაგრამ მის სულელურ აზრებს გულთან ნუ გაიკარებთ! თვენ ხომ იცით, რომ უდანაშაულო ხართ. ნურც იმას იფიქრებთ, ბიძაჩემის თვალში დავმცირდებიო. სერ ჰილდებრანდის აზრით, თქვენი მოქმედება პოლიტიკურადაც და ზნეობრივადაც გამირული და სანაქებოა: იგი ასუსტებს მტერს, დაბნეულობა შეაქვს ამალეფიტელების[126] რიგებში... კარგია, რომ ამ საქმის ჩამდენი ჰგონიხართ - ამით მამაჩემის დიდი პატივისცემა დაიმსახურეთ.

- მე კი, მისტერ რეშლი, სულ არ მინდა ამ ფასად მოპოვებული პატივისცემა. ამით ძალზე დამცირებულად ვგრძნობ თავს და მე მგონი, ეს დამამცირებელი ეჭვი კარგი საბაბია ოსბალდისტონ-ჰოლიდან წასასვლელად. აი, დავუკავშირდები მამაჩემს, ყველაფერს ავუხსნი და როგორც კი პასუხს მივიღებ, მაშინვე დავტოვებ აქაურობას.

რეშლის კარგად შეეძლო გრძნობების დაფარვა, მაგრამ ახლა შავგვრემანი სახე ღიმილმა გაუნათა. ღიმილი იმნამსვე ჩამოირეცხა და ყასიდად ამოიოხრა:

- ეჰ, თქვენ ბედნიერი კაცი ხართ, ფრენკ, გინდა წახვალთ, გინდა მოხვალთ. ჩიტივით შეგიძლიათ იფრინოთ, სადაც მოგესურვებათ! ზრდილობა, გემოვნება და ნიჭი არ გაკლიათ და შეგიძლიათ სასურველი სტუმარი იყოთ იმ საზოგადოებაში, სადაც ამ თვისებებს აფასებენ. ამ სახლში კი, აბა, ვის რაში ეპიტნავენა თქვენი ნიჭი და ზრდილობა. მე კი... - რეშლიმ ხელი ჩაიქნია და დადუმდა.

- ნუთუ ასეთი უბედური ხართ? ნუთუ შეიძლება ვინმე შენატროდეს ჩემს ბედს. მე ხომ გაძევებული ვარ მშობლიური სახლიდან, მე ხომ მამის რისხვა დავიმსახურე!

- მართალია, მაგრამ თქვენ ხომ ამ ხანმოკლე მსხვერპლის ფასად სანუკვარი დამოუკიდებლობა მოიპოვეთ. დარწმუნებული ვარ დიდხანს არ მოგიწევთ წვალება. სამაგიეროდ თავისუფალი

ხართ და ძალგიძთ ამ ასპარეზზე გამოიყენოთ თქვენი ნიჭი და უნარი, საითაც გული მიგიწევთ და გრძნობთ, რომ წარმატებას მიაღწევთ. თქვენ მეტად იაფი დაგიჭდათ სახელი და თავისუფლება, სულ რამდენიმე კვირა უნდა გაატაროთ ჩრდილოეთში. არც ოსბალდისტონ-ჰოლში გადმოსახლებაა დიდი უბედურება. მეორე ოვიდიუსი ხართ, ოლონდ, მე მგონი, tristia[127]-ს დაწერის საბაბი არ გაქვთ.

- ნეტავი საიდან გაიგეთ, რომ ხანდახან თავშესაქცევად რაღაც-რაღაცებს ვჭაბბნი ხოლმე? - ვკითხე მე და სახე შემეფაკლა.

- აქ მამათქვენის გამოგზავნილი მაცნე ჩამოვიდა ამას წინათ, ვინმე ტვინოლი, პრანჯია ახალგაზრდა. იმან შემატყობინა, ფარულად რომ ემსახურებით მუშებს და დასძინა მისტერ ფრენსისის რამდენიმე ლექსმა მცოდნე მსაჯულთა დიდ აღტაცება დაიმსახურაო.

მე დანამდვილებით ვიცი, ტრეშამ, შენ დღეში ორი სტრიქონიც არ გაგირითმია, მაგრამ თავის დროზე ალბათ აპოლონის ტაძრის მრავალ შევირდს, ქარგალს და ზოგიერთ გამოჩენილ ოსტატსაც იცნობდი და ამიტომ კარგად მოგეხსენება, რომ ყველა ერთი სენით - პატივმოყვარეობით - არის დაავადებული, ყველა - ის უბადლო მხატვარიც, ვინც თუიკნემის ბაღებს საქვეყნოდ გაუთქვა სახელი და ის საცოდავი ხელოსანიც, რომელიც ამ უბადლო მხატვარმა გაამათრახა თავის „დუნსიადში“[128]. მეც, რაღა თქმა უნდა, ამავე სენის კლანჭებში ვიყავი ჩავარდნილი და არც კი ვიფიქრე, რომ ტვინოლისთანა ვაცს ჩემი წარმატების ამბავი არ ეცოდინებოდა. მე ხომ სულ ორ-ორი ლექსი მქონდა წაკითხული ლიტერატურის მოკრძალებულ თავშესაფარში, ბატონის ყავახანაში[129] და აბა საიდან უნდა გაეგო ტვინოლს, თუ როგორ შეაფასეს იქაურმა კრიტიკოსებმა ჩემი დებიუტი. ყოველივე ეს ვერ გავიაზრე და მაშინვე წამოვეგე რეშლის ანკვესზე. რეშლი კი გა-

მოცდილი მეთევზე იყო და ხელიდან აღარ გამიშვა: მორიდებით მითხრა, ძალიან გთხოვთ თქვენი ხელნაწერები გამაცანითო.

- როგორმე უნდა შემომწიროთ ერთი საღამო. ჩემს ოთახში დავსხდეთ. მე ხომ სულ მალე აღარ მექნება ლიტერატურით დატკობის საშუალება. ვაჭრობას უნდა მოვკიდო ხელი, ათასნაირი საბრუნავი დამანვება კისერზე, ცხოვრების ამმორებულ ჭაობში უნდა შევტოპო. ვიმეორებ, რომ მამაჩემის სურვილს დავყევი და ჩემი სურვილები და მისწრაფებები ოჯახის სამსხვერპლოზე მივიტანე. ჩემი სიტყვების ჭეშმარიტებას ადვილად ირწმუნებთ, თუ გავითვალისწინებთ, რომ ბავშვობიდანვე მშვიდი და უშფოთველი საქმიანობისათვის მამზადებდნენ.

პატივმოყვარე კი ვიყავი, მაგრამ იმდენი ჭკუა მაინც მქონდა, რომ რეშლის პირმოთნე სიტყვებით არ მოვტყუებულობდი.

- თქვენ ვერ დამაჭერებთ, რომ უბრალო კათოლიკე მღვდლის გაჭირვებული ცხოვრება გირჩევნიათ სიმდიდრეს, საზოგადოებაში ტრიალსა და ამქვეყნიურ სიამოვნებას.

რეშლი მიხვდა რომ გადააჭარბა და ერთხანს იყუჩა. ეტყობა, უნდოდა კარგად მოეზომა, თუ რა გაემხილა და რა დაემალა ჩემთვის, რადგან ზედმეტი გულახდილობა არ უყვარდა. ცოტა ხნის შემდეგ გაიღიმა და მითხრა:

- მართლაც, ჩემი ხნის ახალგაზრდამ დაჩაგრულად არ უნდა იგრძნოს თავი, როცა, თქვენი თქმის არ იყოს, სიმდიდრესა და ამქვეყნიურ სიამოვნებებს შესთავაზებენ, მაგრამ ნება მიბოძეთ შევნიშნო, რომ თქვენ მთლიანად ვერ ამოიცანით ჩემი მისწრაფებები. დიახ, მე მღვდლობას ვაპირებ, ოღონდ უბრალო მღვდელი კი არ მინდა ვიყო. არა, სერ, რეშლი ოსბალდისტონი, იქნებ უმდიდრესი ლონდონელი მოქალაქე გახდეს, მაგრამ მაინც ეკლესიის იმ მსახურზე ნაკლებად იქნება ცნობილი, რომელზედაც პოეტი ამბობს „ხმლებჩაცმული ფეხებით თავადებს თელავენო“, ჩვენს ოჯახს პატივს სცემენ ერთი ტახტიდან ჩამოგდებული გვიგ-

რვინოსნის კარზე. იმ კარს ვი რომში აფასებენ და მხარს უჭერენ. გარდა ამისა ჩემი ნიჭი და უნარი საკმაოდ შეეფერება იმ სარბიელს, რომლისთვისაც მამზადებდნენ. ყოველივე ეს უფლებას მაძლევს იმედი ვიქონიო, რომ სასულიერო ასპარეზზე საპატიო თანამდებობას მოვიპოვებ და შეიძლება სულ მთლად სათავეში მოვექცე. განა არ შეიძლება ასე მოხდეს? - მკითხა რეშლიმ და ჩაიცინა, ვითომდა სერიოზულად ვი არ გეუბნები, გეხუმრებიო. - განა ვერ შეიძლება კეთილშობილი კარდინალი ოსბალდისტონი სახელმწიფოთა ბედი გადაეწყვიტა, თუკი ძლიერი მოკავშირენი ეყოლებოდა დამხმარედ? მდაბიო მაზარინი[130] და იტალიელი მებაღის შვილი ალბერონი ხომ ახერხებდნენ ამდენს?

- მე სანინააღმდეგოს მტკიცებას არ დაგინწყებთ, მაგრამ თქვენს ადგილად სულ არ ვიდარდებდი, თუ ამ ოცნებას ვერ შევისრულებდი. ასეთ მაღალ მწვერვალზე ასულს ხომ ათასი თვალი შეჰყურებს შურითა და ღვარძლით და ათასი ხიფათი ემუქრება?

- მეც არ ვიდარდებდი, დარწმუნებული რომ ვიყო, ჩემი ახლანდელი მდგომარეობის სიმყარეში. ეს სხვადასხვა გარემოებაზეა დამოკიდებული და ალბათ თანდათან ავუღებ ალღოს ყველაფერს. ბევრი რამაა, მაგალითად, დამოკიდებული მამათქვენის ხასიათზე.

- გულახდილად მითხარით, რეშლი, ყოველგვარი ეშმაკობის გარეშე, რომ მამაჩემზე გინდათ გელაპარაკოთ.

- თუ დი ვერნონივით გადაგინწყვტიათ, იმ მამაც რაინდთა რაზმს შეუერთდეთ, რომელთაც დევიზად „გულწრფელობა“ დაუნერიათ თავიანთ დროშაზე, მეც გულწრფელად გიპასუხებთ, მინდა-მეთქი.

- კეთილი. აი, რა მინდა გითხრათ: მამაჩემი იმიტომ ვი არ დაადგა კეთილდღეობის მწვერვალისაკენ მიმავალ ბილიკს, რომ ამ ბილიკზე მოფანტულმა ოქრომ მოსტაცა თვალი - მას სურდა

სარბიელი მიეცა თავისი ნიჭისათვის, თავისი მოუსვენარი გონებისა და მჩქეფარე ენერგიისათვის. მისი ერთადერთი სიხარული და სიამოვნება შრომაა, მაგრამ შრომის საფასურს აგრერიგად არ ეხარბება და მხოლოდ იმიტომ დააგროვა ამდენი ქონება, რომ ყაირათიანი და თავშეკავებული კაცია. თვითონ პირდაპირია და ძალიან ეჭავრება ორპირი და თვალთმაქცი ხალხი. ამისთანებს ერთი შეხედვით ცნობს ხოლმე. ლაპარაკი არ უყვარს და ენამრავალ ადამიანებს ვერ იტანს. თანაც საქმეს, რომელსაც ემსახურება, ბევრი ლაი-ლაი არ სჭირდება. იგი მტკიცე კათოლიკეა და პატიოსნად იხდის თავის ვალს ღვთისა და ეკლესიის წინაშე, მაგრამ ნუ გეშინიათ, თქვენს სულიერ საქმეებში არ ჩაერევა, რადგან რელიგიური შემწყნარებლობა პოლიტიკური ეკონომიის ერთ-ერთ უწმინდეს პრინციპად მიაჩნია. მიუხედავად ამისა, თუ თქვენ მეფე ჯეიმის მომხრე ხართ (რაც სულ არ იქნება გასაკვირი) გირჩევთ, არ გაუმხილოთ და ნურც იმ თავგასულ ტორების შეხედულებათა ქებას მოჰყვებით მასთან. მამაჩემს ხომ ჭირის დღესავით ეჭავრება იაკობინელებიცა და ტორებიც. კიდევ რა? ჰო, თავის სიტყვას უკან არასოდეს წაიღებს. ეს კარგად უნდა იცოდეს ყველამ, ვინც მას ემსახურება. თვითონ კარგად იცის, რა მოვალეობები აკისრია თავის ირგვლივ მყოფთა მიმართ, პირნათლად ასრულებს მათ და სხვებისაგანაც ამას მოითხოვს, ვისაც მისი კეთილგანწყობის მოპოვება უნდა, ზუსტად უნდა შეუსრულოს ბრძანება, მარტო თავის დაქნევა და „კი ბატონოს“ თქმა არ კმარა. მამაჩემს დიდი ნაკლიცა აქვს: ის ნაკლი მის საქმიანობასთან არის დაკავშირებული. უფრო სწორად, აქედან გამომდინარეობს. იგი აღმერთებს თავის ხელობას და ყველაფერი, რაც ასე თუ ისე არ არის დაკავშირებული ვაჭრობასთან, არარაობად მიაჩნია.

- ოჰო, პორტრეტი იშვიათ ხელოვნებითაა დახატული, - აღტაცებით წამოიძახა რეშლიმ, როდესაც მამაჩემის დახასიათება დავამთავრე, - ვან-დეიკი თქვენთან შედარებით ნამდვილი თხუპნია-

ა, ფრენკ! ახლა მე ცოცხლად ვხედავ დიდად პატივცემულ მამათ-
ქვენს მთელი თავისი ღირსებებითა და ნაკლოვანებებით. იგი აღ-
მერთებს მეფეს, ვინაიდან მეფე სახელმწიფოს ლორდ-მერად,
ანდა თუ გნებავთ, ვაჭრობის სამმართველოს უფროსად ჰყავს
წარმოდგენილი, ქედს იხრის თემთა პალატის წინაშე, რამეთუ
თემთა პალატა აწესრიგებს საგარეო ვაჭრობას და, რაკილა
ლორდ-კანცლერი მატყლით გატენილ ტომარაზე მის, პერებსაც
დიდ პატივს სცემს.

- ჩემი დახატული პორტრეტი დედანის ასლია, რეშლი, თქვენი
კი ვარიკატურა. ახლა მინდა თქვენი დახმარებით აქაური უცნობი
ადგილების რუკას გადავხედო.

- იმ ადგილებისა, სადაც გემის დაღუპვის გამო მოხვდით,
არა? გადასახედი არაფერია. ეს ხომ იდუმალი ჭალებითა და
ლაბირინთებით დაფარული ვალიჰსოს[131] კუნძული არ არის,
ჩვეულებრივი ჭაობია, ჩრდილოეთის ჭაობი, სადაც თვალი არა-
ფერზე მიუგორდება ვაცს. ამ საცოდავი მხარის გასაცნობად კომ-
პასითა და შიმშით დახაზული რუკა არ დაგჭირდებათ. აქ არაფე-
რი მიიპყრობს თქვენ ყურადღებას. სულ ნახევარი საათი საკმა-
რისი იქნება აქაურობის დასათვალიერებლად და შესასწავლად.

- მაგრამ აქ ზოგი რამ მაინც საჭიროებს ყურადღებით შესწავ-
ლას. აი, მის ვერნონზე რას იტყვიო? განა უცნაურად არ გეჩვენე-
ბათ, რომ ამ ისლანდიის სანაპიროსავით მოშიშვლებულ და მწირ
არემარეში ასეთი ობიექტი არსებობს?

რეშლის აშკარად დაეტყო სახეზე, რომ საუბრის თემა არ მო-
ეწონა, მაგრამ ჩემმა წელანდელმა გულახდილობამ უკან დასახე-
ვი გზა მოუჭრა. იგი იძულებული გახდა ეპასუხა ჩემს კითხვებზე:

- ამ ბოლო დროს საკმაოდ დავშორდით ერთმანეთს, ადრე,
როცა ჩემი მონაფე იყო, უფრო ვმეგობრობდით, მაგრამ მერე
თვითონ ქალიშვილობაში შედგა ფეხი, მე ათასი საქმე გამომიჩ-
ნდა, თანაც ჩემი მაღალი მონოდება მომზადებას ითხოვდა, დი-

ანას საზოგადოებრივი მდგომარეობაც განსაკუთრებული გახლდათ და, ერთი სიტყვით, ორივესთვის სჯობდა, უფრო იშვიათად შევხვედროდით ერთმანეთს. დარწმუნებული ვარ მის ვერნონს სწყინდა, რომ თავს ვარიდებდი, მაგრამ ვალდებული ვიყავი ასე მოვექცეულიყავი. ძალიან გამიჭირდა გრძნობის დათრგუნვა და ვიცი, რომ თვითონაც ძალიან განამდებოდა, მაგრამ სხვა გზა არ იყო, განა ადვილია თავის შეკავება, როცა გვერდით ასეთი მომხიბვლელი ქალიშვილი გყავს და თანაც ნამდვილად იცი, რომ ან ღვთის სასძლო უნდა გახდეს ან სხვის მიერ ამორჩეულ საქმროს უნდა უძღვნას გული.

- როგორ, ან მონაზვნად უნდა აღიკვეცოს ან გარიგებით გათხოვდეს?! ნუთუ მის ვერნონს სხვა არჩევანი არა აქვს?

- ვაი, რომ არა აქვს, - ამოიხვნეშა რეშლიმ, - მე ზედმეტად მიმაჩნია გირჩიოთ, რომ მის ვერნონთან დაახლოება საკმაოდ სახიფათოა თქვენთვის, თქვენ ხალხში გამოსული კაცი ხართ და ისეთს არაფერს იკადრებთ, რომ თქვენც გაილანძლოთ და ქალიშვილსაც გაუტეხოთ სახელი, მაგრამ დიანა ძალიან თავშეუკავებელი და გრძნობებს ამყოლია, და თქვენ ერთობ გაგიჭირდებათ დაიცვათ წესიერების ფარგლები. ჩემი სიტყვების დასტურად საკმარისია მისი გუშინდელი საქციელი გაიხსენოთ.

ვგრძნობდი, რომ ამ სიტყვებში ჭეშმარიტების მარცვალა ერია. რეშლი სწორად მსჯელობდა, მეგობრულადაც მაფრთხილებდა და თითქოს მაღლობის მეტი არაფერი მეთქმოდა, მაგრამ ამის მაგივრად გული მეუბნებოდა ვარგი იქნება თუ დაშნაზე წამოაგებო. „როგორ იბღინძება ეს ოხერი, - ვფიქრობდი მე, - უნდა დამარწმუნოს, რომ თვითონ რომ არ დაეხია უკან, მის ვერნონი თავისი გრძნობების ალაგმვას ვერ შეძლებდა. უნდა დამარწმუნოს, რომ დიანას მისი წალღვივით სახე მოეწონებოდა და სულ მთლად დაკარგა ჭკუა და გონება. არა, სუფთა წყალზე უნდა გამოვიყვანო, მარწუხებით უნდა ამოვგლიჯო პირიდან სიმართლე!“ - გა-

დავწყვიტე და უწყინარი სახით შევნიშნე, მართლაც და ძალიან დასანანი, რომ ასეთ გონიერსა და განათლებულ ქალს, როგორც მის ვერნონია, ამისთანა უხეში და თავშეუკავებელი ქცევა ჰქონია-მეთქი.

- ყოველ შემთხვევაში, მეტისმეტად გულახდილად და თავშეუკავებლად იქცევა, - შეარბილა რეზლიმ ჩემი ნათქვამი, - მაგრამ თუ დამიჯერებთ, გული შესანიშნავი აქვს. მართალი გითხრათ, თუ მომავალში არც მონაზვნად აღკვეცას ინდომებს და არც ძალად გათხოვებას, თუ ჩემი გულმოდგინე შრომა პლუტოსის[132] საბადოში ფეხზე დადგომის საშუალებას მომცემს, შესაძლებელია ვიფიქრო ჩვენი წინანდელი ურთიერთობის განახლებაზე და მის ვერნონს ჩემი გული შევთავაზო.

„ცხადია, რეზლის ნამდვილად მშვენიერ ხმა აქვს და ჩინებული მოსაუბრეა, მაგრამ ისიც უდავოა, რომ ამისთანა მახინჯი და აბეზარი ადამიანი დედამიწის ზურგზე არ მოიძებნება“, - გავიფიქრე მე.

- მაგრამ მე არ მინდა, თორნკლიფს გადავუდგე გზაზე, - ხმადაბლა, თითქოს წამოსცდაო, დასძინა რეზლიმ.

- თორნკლიფს? - გავოცდი მე. - ნუთუ გადანწყვეტილია, რომ დიანა ვერნონი თორნკლიფს უნდა გაჰყვეს ცოლად?

- დიახ, ასეა. ასეთი იყო მამამისის ნება და შეთანხმება ჩვენს ოჯახებს შორის. მის დიანა ვერნონი ამ შეთანხმების თანახმად სერ ჰილდებრანდის ერთ-ერთ შვილს უნდა გაჰყვეს ცოლად. რომიდან მიღებულია ნებართვა, რომ დიანა ვერნონი უნდა გაჰყვეს ესკვაიერ... ოსბალდისტონს, ოსბალდისტონს-ჰოლის მფლობელის სერ ჰილდებრანდ ოსბალდისტონის ვაჟს, ბარონეტსა და ასე შემდეგ... ახლა მხოლოდ იმ ბედნიერის ამორჩევაა საჭირო, რომლის სახელი შეავსებს გამოტოვებულ ადგილს ამ საბუთში. ჰოდა, რადგან უფროსი შვილი, პერსი ღვინის ტრფი-

ალია, მამაჩემმა მისი მომდევნო, თორნკლიფი ამოარჩია ოს-ბალდისტონთა გვარის გამაგრძელებლად.

- იქნებ ქალიშვილს სურდა თქვენი საგვარეულოს ხის უფრო ქვედა შტოებიდან ამოერჩია რომელიმე, - ვკითხე რეშლის და თან ძლივს შევძელი, რომ შევკითხვისათვის ხუმრობის კილო მიმეცა.

- რა მოგახსენოთ. ჩვენს ოჯახში დიდი არჩევანი არ არის. დიკი მოთამაშეა, ჯონი - ხეპრე, უილფრედი კი მუტრუკი. ჩემი აზრით, მამაჩემმა საუკეთესო შვილი ამოურჩია სანყალ დის.

- საკუთარ თავზე ლაპარაკი კი, როგორც იტყვიან უხერხულია, არა?

- მე ხომ ღვთის მსახურად მამზადებდნენ და სათვალავში არ შევდიოდი. პირდაპირ გეტყვით: ეს რომ არა, ჩემი ძმები წინ ვერ დამიდგებოდნენ, რადგან ჩემი ცოდნა და განათლება საშუალებას მაძლევდა უფროს ძმებზე უკეთ გავძლოლოდი დიანას მომავლის გზაზე.

- უეჭველია, ახალგაზრდა ლედიც ამ აზრისა იყო, არა?

- მაგაში კი ძალიან სცდებით, - ისეთი კილოთი მითხრა რეშლიმ, რომ დასტურს უფრო ნიშნავდა ვიდრე უარყოფას, - ჩვენ მეგობრობა, მხოლოდ და მხოლოდ მეგობრობა გვაკავშირებდა ერთმანეთთან.. გარდა ამისა, დიანას რა თქმა უნდა, მაღლიერების ნაზი გრძნობა ექნებოდა თავისი ერთადერთი მასწავლებლის მიმართ. სიყვარული კი ახლოსაც არ გაჰკარებია ჩვენს გულებს, ხომ მოგახსენეთ, ჯკუა ვიხმარე და დროზე დავიხიე უკან-მეთქი.

ვიგრძენი, რომ საუბრის გაგრძელება აღარ შემეძლო, რელშის გამოვფთხოვე და ჩემს ოთახს მივაშურე. ვარგად მახსოვს, ოთახშიც ვერ დავმშვიდდი, ბოლთის ცემა დავინყე და თან ხმა-მაღლა ვიმეორებდი სიტყვებს, რომლებმაც ყველაზე მეტად მომიკლა გული: „თავშეუკავებელია. გრძნობებს ამყოლია... ნაზი გრძნობა ექნებოდა მასწავლებლის მიმართ... სიყვარული!..“ მაშ

დიანა ვერნონს ამ უმშვენიერეს არსებას ეს ფეხმოჩართული დათვი უყვარს?! რეშლი ხომ ნამდვილი რიჩარდ მესამეა[133], მარტო კუზი აკლია! თუმცა, რა გასაკვირია? რეშლის სულ ადვილად შეეძლო მოეხიბლა იმ წყეული გაკვეთილების დროს. დიანა ხომ თითქმის ბავშვი იყო მაშინ და ყველაფერს ოცნების თვალით უმზერდა. ახლაც ასე ეულად გრძნობს თავს. აქ ხომ ვერავისგან გაიგონებ ჭკვიანურ სიტყვას. როგორ ეჭავრება რეშლი, მაგრამ მისი ნიჭითა და ცოდნით მაინც აღფრთოვანებულია. განა ეს არ კმარა იმის დასადასტურებლად, რომ დიანას ნაზ გრძნობებს რეშლიმ უარით უპასუხა? თუმცა, რა მანუხებს? გულს რას ვასკდები? განა პირველად მიჰყვება მახინჯს ცოლად მზეთუნახავი ქალიშვილი? მერე, თუნდაც თავისუფალი არჩევნის უფლება ჰქონდეს, მე რაში მჭირდება? კათოლიკე, იაკობინელი, ქალაბიჭა... რა სიგიჟეა ამისთანა ქალის შეყვარება?!

ასე შევეცადე ჩამეძრო გულში აგიზგიზებული ცეცხლი, მაგრამ ვერ მოვახერხე. როცა სასადილო დარბაზში შევედი და მაგიდას მივუჭექე, ვიგრძენი, რომ მინავლული ნაკვერჩხლები წინანდებურად მიდაღავდა სულს და კიდე უფრო მოვიქუფრე.

თავი XII

როგორ?! დავითვერ და თუთიყუშივით ყბედობა მოვრთე!
ჩხუბი და შფოთი

ავტეხე! ლანძღვა-გინებას მოვყევ! ჩემსავე ჩრდილს გამოვე-
ლაპარაკე!

„ოტელო“[134]

ძვირფასო ტრეშამ! წინა თავებში უკვე მოგახსენე ჩემი ნაკლი, თუმცა ისედაც კარგად იცნობ შენი მეგობრის ხასიათს: ჩემი მთავარი ნაკლი გადაჭარბებული თავმოყვარეობა იყო და ამისთვის ხშირად ვისჯებოდი კიდეც. ჯერ საკუთარ თავსაც არ გამოვტყდომოდი დი ვერნონის სიყვარულში, მაგრამ, როცა რეშლიმ ისე წარმოადგინა საქმე, თითქოს დიანა ფეხებში წამობლანდებული რაიმე ლამაზი ნივთი ყოფილიყო, რომელსაც უნდოდა აიღებდა, უნდოდა გადააბიჯებდა და გაივლიდა, დიანას საქციელს სულ სხვა თვალთ დავუნყე მხერა: საბრალო გულწრფელი გოგონა ცდილობდა დამმეგობრებოდა, მე კი მეგონა, თავი უნდა მომანონოს, მარქიფად ვუნდივარ, თუ მისტერ რეშლი ოსბალდისტონი მონყალეებს არ გაიღებს და არ შეირთავს-მეთქი. არაფერია, დავეუმტკიცებ, რომ ასე ადვილად მოსატყუებელი ვაცი არა ვარ, ვაგრძნობინებ რომ ვხვდები, მაგრამ არაფრად ვაგდებ მის ხრიკებს და თვალთმაქცობას! - ვთქვი და გადავწყვიტე თავი დამეფასებინა. ერთხელაც არ მომსვლია აზრად, რომ უფლება არ მქონდა, გულთან ასე ახლოს მიმეტანა დიანას საქციელი და, თუ მაინც ვბრაზობდი და ვბობოქრობდი, ამის მიზეზი გულში შეუმჩნევლად

შემოპარული სიყვარული იყო. ამიტომ, მაგიდას რომ მივუჯექი, დიანაზეცა და ვვას ყველა ქალიშვილზეც ერთნაირად ვიყავი განრისხებული.

მის ვერნონმა, როგორც სჩვეოდა, რამდენიმე სხარტი ფრაზა მესროლა და ძალზე გაოცებული დარჩა, როცა უხეში პასუხი მიიღო. იგი ვერ მიხვდა, რომ მისი შეურაცხყოფა მინდოდა და ჩემსავით უხეშად ვი არა, ტაქტიანად და ენამოსწრებულად ამიბა ვილო. ბოლოს მიხვდა, რომ მართლა გაბრაზებული ვიყავი და ჩემს მორიგ უზრდელ შენიშვნაზე ასე მიპასუხა:

- ამბობენ, ათასში ერთხელ სულელსაც დაეჭვრებაო. ამასწინათ უილფრედი და თორნი კომბლებით ჩხუბში ვარჯიშობდნენ. თორნი გაბრაზდა და მაგრად მოსდო ძმას კომბალი თავში. უილფრედი ძალიან პატიოსანია: მაშინვე დაანება თავი თამაშს და უთხრა: „შენი თავის გახეთქვა რომ მქონდეს გადანწყვტილი, ფეხებზე დავიკიდებდი შენს გაბრაზებას. ვი არა, უფრო გამიიოლდებოდა საქმე. მაგრამ არ მინდა თავი გაგიხეთქო, ამიტომ არც მე შევუშვერ თავს შენს კომბალს და თამაშს თავს ვანებებო“. მიხვდით ამ ნათქვამის აზრს, მისტერ ფრენკ?

- მაპატიეთ, აქამდე არ მიგრძვნია იმის აუცილებლობა, ქალბატონო, რომ ამ ოჯახის წევრთა ნალაპარაკებიდან საღი აზრის ნამცეცები ამეკრიბა.

- „მაპატიეთ“, „ქალბატონო“... თქვენ დღეს მარცხით, მისტერ ოსბალდისტონ.

- ძალიან ვწუხვარ, თუ მართლა ასეა!

- თქვენ მართლა ბრაზობთ, თუ განგებ მაჩვენებთ თავს გაბრაზებულად? ალბათ გინდათ თავი დაიფასოთ, ხომ ასეა?

- თქვენ ისე განებივრებული ხართ ამ ოჯახის მამაკაცების ყურადღებით, მის ვერნონ, რომ მიკვირს, როგორ იწუხებთ თავს ჩემი სულელური ლაპარაკისა და უხასიათობის მიზეზის ძიებით.

- როგორ, ნუთუ იმის თქმა გინდათ, რომ ჩემი მოკავშირე ალბან ხართ და მტრის ბანაკში გადახვედით? - მკითხა მის ვერნონმა. შემდეგ მის პირდაპირ მჯდომ რეშლის გადაჰკრა თვალი და როცა სახეზე შეატყო, რომ დიდი ყურადღებით უსმენდა ჩვენს საუბარს, დაამატა:

საბარელია ფიქრი ამაზე, მაგრამ რა ვუყო, ასე მჩვევია, შენზე მანიშნებს რეშლი პირქუშად, კუშტად მილიმის „უკვე ჩემია!“

სიმართლეა თუ მტკნარი სიცრუე, ვაი, ვერაფრით გამირჩევია.

არა უშავს! უფალმა და საკუთარი უმწეობის შეგნებამ მოთმინებას მიმაჩვია. ჩემი გაბრაზება ასე ადვილი არ არის, მაგრამ მაინც შეიძლება თავი ვერ შევიკავო და წაგეჩხუბოთ. ამიტომ სჯობს დროზე დავტოვო აქაურობა. გისურვებთ კარგად მოინელოთ დღევანდელი სადილი და უკუნებობა.

მხოლოდ მის ვერნონის წასვლის შემდეგ მივხვდი, რომ ძალზე სამარცხვინოდ მოვიქცევი: მე უხეშად უარვყავი გულწრფელი მეგობრობა, რომელიც მომხიბვლელმა გოგონამ შემომთავაზა, არ დავაფასე მისი უანგარო დახმარება და კინაღამ შეურაცხყოფაც კი მივაყენე ამ, როგორც თვითონ შენიშნა, უმწეო და უპატრონო ადამიანს. არა, ნამდვილად მხეცურად მოვექცევი მის ვერნონს! ეს მტანჯველი ფიქრი რომ მომეშორებინა, ღვინოს მივეძალე. რადგან აღელვებული ვიყავი და სასმელსაც ვერ ვიტანდი, ღვინო სწრაფად მომეკიდა.

მსმელებს შეუძლიათ ბევრი დალიონ და ჭკუა არ დაკარგონ, რადგან არც სიფხიბლეში არიან დიდი ჭკუის პატრონნი, მაგრამ ვინც იშვიათად ეწევა ამ მანკიერ საქმიანობას, უცებ გამობენტერდება ხოლმე. მე ადრეც აღგზნებული ვიყავი და, ღვინო რომ შემიჭდა თავში, მთლად გადავირიე: ენად გავიკრიფე, ყველას ვეკა-

მათებოდი, თანაც ისეთ საკითხებზე, რაზეც წარმოდგენა არა მქონდა, ანეკდოტებს ვყვებოდი, მაგრამ ბოლო მაკინცდებოდა და საკუთარ გულმავინყობაზე ვხარხარებდი, სანაძლეოს ვდებდი, მაგრამ არ ვიცოდი რაზე. მერე გოლიათ ჯონს ჩავაცივდი ვიქტორ-მეთეი, ჯონმა იმ წელიწადს პირველი ადგილი დაისაკუთრა ჰექსამის შეჯიბრებაში, მე კი არც ერთხელ არ მეცადა ბედი საჯაროდ.

საბედნიეროდ, ბიძაჩემი ჩაგვერია ლაპარაკში და ეს სულელური განზრახვა გადამათქმევინა, თორემ ჯონი უეჭველად ხერხემალს გადამიმტვრევდა.

ბოროტი ენები ამტკიცებენ, რომ ვიმღერე კიდევ, მაგრამ არა მჯერა. ჯერ ერთი არ მახსოვს და მეორეც, ჩემს სიცოცხლეში, არც მანამდე და არც შემდეგ, არ მიმღერია და რალა მაშინ გამიწყობდა ღმერთი. არა, ნამდვილად მომიგონეს! განა ცოტა სისულელე ჩავიდინე, რომ ეს არ დაემატებინათ? გონება არ დამიკარგავს, მაგრამ მთლად ავიშვი თავი. სუფრას რომ მივუჭეცი, სახე ჩამომტიროდა და ხმის ამოღება არ მინდოდა, მაგრამ ღვინო რომ შემეჭდა თავში, ენად ვიქეცი - ვჭინჭყლობდი და ვჭირვეულობდი, ყველას პირში ვუვარდებოდი. მერე სულ დავივიწყე სტუმარი რომ ვიყავი და მასპინძლის რელიგიურ და პოლიტიკურ შეხედულებებს დავუწყე განქიქება. შიგადაშიგ რეშლი მშვიდი და მოკრძალებული გამომეტყველებით მგესლავდა და ეს უფრო მაცოფებდა, ვიდრე მისი დოღრიალა ძმების აშკარა შემოტევა. ბიძაჩემი, ღვთის წინაშე, ცდილობდა დავეშოშმინებინეთ, მაგრამ ისე ვიყავით ღვინით გამომტყვრალი, რომ იმის ლაპარაკს არად ვაგდებდით. ბოლოს, არ ვიცი მომეჩვენა, თუ მართლა მითხრა რეშლიმ რალაც გესლიანი და მუშტი მოვდე. მან სტოიკური სიმშვიდით აიტანა ეს შეურაცხყოფა - ზიზღით შემომხედა, მაგრამ ხელი არ გაუნძრევია საპასუხოდ. მის მაგივრად თორნკლიფი გაცოფდა. ხმლები გავაშიშვლეთ და გადავაჯვარედინეთ, მაგრამ

სხვა ძმები გვეცნენ და გაგვაშველეს. ორმა გოლიათმა თრევით გამიყვანა დარბაზიდან. რეშლი მიყურებდა და იღიმებოდა. ეს სატანური ღიმილი სამუდამოდ ჩამებეჭდა მესხიერებაში. ბიძაშვილებმა ჩემს ოთახში შემადგდეს, კარი გარედან გადამიკეტეს და სიცილ-ხარხარით ჩაიარეს კიბე. ამ სიცილმა მთლად გადამრია. შევეცადე პატიმრობიდან გავთავისუფლებულიყავი, მაგრამ კარფანჯარას რკინის წნელები ჰქონდა აკრული და ვერაფერს გავხდი. ბოლოს ქანცი რომ გამომეღია, გადავწყვიტე, ჯავრი მეორე დღეს ამომეყარა, სანოლზე მივეგდე და დავიძინე.

მაგრამ დილის სიგრილემ ბრაზი გამომინელა. ცხადად ვიგრძენი, თუ რა სისულელე ჩავიდინე წუხელ და სირცხვილით ლამის დავინვი. ღვინომ ისე დამაკარგვინა ჭკუა, რომ ჩემი ბიძაშვილებიდან ყველაზე ჩერჩეტი უილფრედის დასაცინი გავხდი! მესიკვდილებოდა, მაგრამ სხვა გზა არ იყო - ბოლიში უნდა მომეხადა ჩემი უნესო საექციელისათვის, თანაც ჩემი მონანიების მოწმე მის ვერნონიც იქნებოდა. მის წინაშე უფრო დიდი დანაშაული მიმიძღვოდა და გულს ის უფრო მიკლავდა, რომ ამ დანაშაულს სიმთვრალეს ვერ დავაბრალებდი.

დარცხვნილი და დაძმარებული დავეშვი კიბეზე და ისეთი გულის ვანკალით შევდგი ფეხი სასადილო დარბაზში, თითქოს მომაკვდინებელი დანაშაული მქონდა ჩადენილი და განაჩენის გამოცხადებას ველოდი. თითქოს ჯიბრზე, იმ დილას სიცივე იყო და ძაღლებით ნადირობა ჩაიშალა. ამიტომ დარბაზში თითქმის მთელი ოჯახი შეკრებილიყო, მარტო რეშლი და მის ვერნონი არ ჩანდნენ, ყველანი მაგიდას უსხდნენ და ცივ პაშეტეტებსა და ძროხის სუკებს ავლებდნენ მუსრს. დარბაზში ერთი ხორხოცი და ზრიალი იდგა. მაშინვე გამიელვა თავში, მე დამცინიან-მეთქი. აბა რა ვიცოდი, რომ ასე არ უნდა გამეხეთქა გული. რომ ასეთ საექციელს ბიძაჩემი და ჩემი ბიძაშვილები უწყინარ ცელქობად თვლიდნენ. სერ ჰილდებრანდმა ჩემი წუხანდელი გმირობა გამახსენა და მე-

რე დამშვიდება დამიწყო, ჰატიოსნებას გეფიცები, სჯობს ყმანვი-
ლი კაცი დღეში სამჯერ გამოთვრეს, ვიდრე პრესვიტერიანელი-
ვით ფხიზელი გაიპაროს სუფრიდანო. ამ ბრძნული რჩევის შემ-
დეგ უზარმაზარი ჭიქა არყით გამივსო და მომანოდა - დალიე,
ძაღლის ნაკბენს ძაღლის ბალანი მოარჩენსო.

- ამათ ღრეჯას რა ყურს უგდებ, ძმისშვილო, - განაგრძო ბიძა-
ჩემმა, - ესენიც შენისთანა დონდლოები იქნებოდნენ, ფაფის მა-
გივრად ბოღლინოთი და ლუდით რომ არ გამეზარდა.

ჩემს ბიძაშვილებს გამყოლი გული არა ჰქონდათ და როცა
დაინახეს, რა შენუხებული და დარცხვენილი ვიყავი, თავისებუ-
რად, ტლანქად დამიწყეს დამშვიდება, ისეთი არაფერი ჩაგიდე-
ნიაო. მართო თორნკლიფი იჯდა დაბღვერილი. მან თავიდანვე
ამითვალწუნა. სხვა ბიძაშვილები დროდადრო როგორღაც გამო-
ხატავდნენ ხოლმე ცოტაოდენ ყურადღებას.

თორნკლიფი კი ყოველთვის კუშტად მიმზერდა. თუ დიანა
მართლა თორნკლიფის დანიდული იყო (რაც უკვე საეჭვოდ მი-
მაჩნდა), ან თვითონ თორნკლიფი თვლიდა თავს მის საქმროდ
მაშინ, ბუნებრივია, გულში ეჭვი ჰქონდა შემჭდარი, დიანა ხომ თავ-
ვიდანვე გამორჩეული ყურადღებით მეპყრობოდა და თორ-
ნკლიფს, უეჭველია, საშიშ მეტოქედ მივაჩნდი.

ბოლოს, როგორც იქნა, რეშლიც მოვიდა. სახე გამეხებული
ჰქონდა - ამის მიზეზი, რაღა თქმა უნდა, ის საშინელი და დაუმსა-
ხურებელი შეურაცხყოფა იყო, წუხელ რომ მივაყენე. მე უკვე გა-
დანწყვეტილი მქონდა, როგორ მოვქცეულიყავი: თავი დავირწმუ-
ნე, რომ ზრდილობა და ჰატიოსნება მოითხოვდა, თავის მარ-
თლება არ დამეწყო და ბოდიში მომეხადა, რადგან მიზეზი, რო-
მელიც თავის გასამართლებლად შემეძლო მომეყვანა, სათქმე-
ლად არც კი ღირდა. ამიტომ მაშინვე წამოვდექი ფეხზე, რეშლის-
თან მივედი და ვუთხარი, დიდად შენუხებული ვარ, რომ წუხელ
ასე საშინლად მოგექეციო-მეთქი.

- მე თვითონ ვარგად ვგრძნობ, რომ წუხელ ფრიად უღირსი საქციელი ჩავიდინე, - დავსძინე მე, - ამაში რომ ეჭვი მეპარებოდეს, ვერავითარი გარემოება ვერ ამომაცდენინებდა პირიდან ბოდიშის სიტყვებს. იმედი მაქვს ჩემი ბიძაშვილი ყურად იღებს დანაშაულის გულწრფელ მონანიებას, მით უმეტეს, რომ ეს დანაშაული ნაწილობრივ ოსბალდისტონ-ჰოლის პატრონთა გულუხვი მასპინძლობით არის გამონვეული.

- ის აუცილებლად შეგირიგდება, ყმანვილო, - შესძახა თვალეგაბრწყინებულმა ბიძაჩემმა, - ან შეგირიგდება ან ჩემი შვილი აღარ იქნება! რა მოგივიდა რეშლი, რას გაშეშებულხარ? „ვნუხვარ, რომ ასე მოხდა“, - აი მხოლოდ ამ სიტყვების წარმოთქმა ევალემა ჯენტლმენს, როცა რაიმეს დააშავებს, მით უმეტეს, თუ დანაშაული ღვინომ ჩაადენინა. მე ჰუნსლოუში მიმსახურია და ცოტა რაღაც გამეგება ამისთანა საქმეებისა. აბა, ახლა სიტყვა აღარ გავიგონო ამ საქმეზე! ყველანი არყნარში წავიდეთ და მაჩვი გამოვავდოთ სოროდან!

რეშლის, როგორც ადრე მოგახსენე, უცნაური სახე ჰქონდა. ნაკვთები კი არა ჰქონდა უცნაური, გამომეტყველება ეცვლებოდა ელვისებურად. მის სიხარულსა და მწუხარებას, რისხვასა და სიმშვიდეს შორის შუალედი არ არსებობდა. უეცრად დაენმინდებოდა თვალეები, გაეშლებოდა შუბლი და მთელი სახე დაუნყნარდებოდა. ასე სწრაფად მხოლოდ მთაში ცვლის ხოლმე სინათლე სიბნელეს.

ეს თეატრის დეკორაციის უეცარ შეცვლას ჰგავდა, სადაც განმგებლის ერთ დასტვენაზე გამოქვაბულის ნაცვლად ჭალა ჩნდება ხოლმე.

ამჯერად განსაკუთრებით გამოაცა რეშლის სახის ცვალეობამ. შემოვიდა, ისე „ვით ღამე მოღრუბლული და კუნაპეტი“, ჩემი ბოდიშისა და მამის შეგონების მოსმენისასაც არ შუცვლია გამომეტყველება და მხოლოდ მაშინ, როცა სერ ჰილდებრანდმა

დაამთავრა ლაპარაკი, სახიდან მეცხეულად გადაიყარა ღრუბ-
ლები და მეტისმეტად თავაზიანად განაცხადა, სრულიად დაკმა-
ყოფილებული ვარ ბოდით, რომელიც ესეოდენ ნატიფად და
თავაზიანად მოიხადეთო.

- მართალი გითხრათ, - დასძინა მან, - მეც ძალიან მებნევა
ჭკუა, როცა სამ ჭიქას გადავაცილებ და, პატიოსანი ვასიოსი არ
იყოს, მეტისმეტად ბუნდოვნად მახსოვს წუხანდელი ამბები. თით-
ქოს ყველაფერი ბურუსშია გახვეული, ნათლად და გარკვეულად
ვერაფერს ვიხსენებ. ვიცი, რომ ვიჩხუბეთ, მაგრამ ის კი აღარ ვი-
ცი, რა იყო მიზეზი. ასე რომ, ჩემო ძვირფასო ბიძაშვილო (რეშ-
ლიმ ალერსიანად მომიჭირა მკლავზე ხელი), მიხვდებით, რა ნა-
სიამოვნები დავრჩი, როცა გამოირკვა, რომ მე საბოდითო არა-
ფერი მაქვს და, პირიქით სხვას უნდა შევუნდო დანაშაული. მე ამ
ამბავზე სიტყვასაც აღარ დავძრავ. მე წაგებას ველოდი, მო-
ულოდნელად აღმოჩნდა, რომ მოგებული ვარ და სულელი ვიქ-
ნები თუ ვკლავ ანგარიშების ქექვასა და შემონშმებას მოვყვები.
ხომ ატყობთ, მისტერ ოსბალდისტონ, რომ უკვე ლომბარდ-სტრი-
ტის[135] ენით ვლაპარაკობ - მინდა მალე დავოსტატდე ახალი
ხელობაში.

ის იყო, თავი ავნიე და დავაპირე მეპასუხა, რომ მის ვერნონის
თვალებს შევეჩიხე. იგი შეუმჩნევლად შემოსულიყო ჩვენი საუბ-
რის დროს და ყურადღებით გვისმენდა. დავიბენი, თავი დავხარე,
სუფრასთან მივედი და ჭამა-სმისთ გართულ ბიძაშვილებში შევე-
რიე.

ბიძაჩემმა მე და რეშლის გვითხრა, წუხანდელი შემთხვევიდან
სათანადო დასკვნა გააკეთეთ - დედლობას მოეშვით და სასწრა-
ფოდ მიეჩვიეთ სასმელს, ჯენტლმენს უნდა შეეძლოს, სუფრაზე
ყველას აუბას მხარი სმაში, თანაც არც ჭკუა დაკარგოს და არც
საჩხუბრად გაიწიოსო. მან გვირჩია, პირველი ნაბიჯები გადაგ-
ვედგა სმის ხელოვნების დასაუფლებლად: ყოველდღიურად თი-

თო პინტი კლარეტი, ცოტაოდენი ლუდი და არაყი დაგველოა. თან გასამხნევებლად დასძინა: - მე ბევრ თქვენი ხნის ახალგაზრდას ვიცნობდი სუფრაზე ერთ პინტსაც რომ ვერ ერეოდნენ, მაგრამ მერე პატიოსან ხალხში რომ მოხვდნენ, იმათი მაგალითი გადმოიღეს და კარგი ვაჟკაცებიც დადგნენ: ისე გადაუძახებდნენ სტომაქში ექვს პინტ ღვინოს, რომ არც ჩხუბობდნენ, არც იგინებოდნენ და მეორე დღესაც ჩიტივით დგებოდნენ ხოლმე ლოგინიდან.

ბიძაჩემის ბრძნული დარიგება თუმცა დიდ წარმატებას მიქადა და ცხოვრების სარგებელზე, იმ დღეს მაინც აღარ მივეკარე სასმელს. ამის მიზეზი ალბათ ის იყო, რომ რამდენჯერაც თავი ავნიე, მის ვერნონის შეწუხებულ და მომდურავ თვალებს წავანყდი. ახლა იმაზე დავინწყე ფიქრი სად შევხვედროდი, რომ ყველაფერი ამეხსნა და ბოდიში მომეხადა. ამ გაჭირვებიდან თვითონ დიანამ დამიხსნა:

- ჩემო ბიძაშვილო, - მომმართა მან, თუმცა სინამდვილეში ბიძაშვილად არ ვეკუთვნიოდი, - ამ დილას ერთი ადგილი ვერ გავიგე დანტეს „ღვთაებრივი კომედიიდან“. იქნებ პატივი დამდოთ, ბიბლიოთეკაში გამომეყვით და ტექსტი განმიმარტოთ. მერე, თუ იმ იდუმალი ფლორენციელის მიერ სიტყვების წიაღში ღრმად დაფარული აზრი ამოვთხარეთ, მონადირეებს დავენიოთ არყნარში და ვნახოთ ასევე წარმატებით მოახერხებენ თუ არა ისინი სოროდან მაჩვის გამოგდებას და დაჭერას.

მე, რა თქმა უნდა, მაშინვე ვუპასუხე, სიამოვნებით დაგეხმარებით-მეთქი. რეშლიმ თავისი დახმარება შემოგვთავაზა. მე დანტეს ველური და დაბურულ ტევრების მეტაფორებსა და ელიზებს[136] ამოფარებული აზრის დევნაში უფრო დახელოვნებული ვარ, ვიდრე მინდვრის უწყინარი ბინადრის სოროდან გამოგდებაში.

- მაპატიე, რეშლი, მაგრამ რადგანაც თქვენ მისტერ ფრენსის ადგილი უნდა დაიკავოთ მამამისის სავაჭრო სახლში, თქვენი

აქაური თანამდებობა უნდა დათმობოთ. ამიერიდან ის უხელმძღვანელებს თქვენი მონაფის სწავლა-განათლების საქმეს, - უთხრა მის ვერნონმა, - ნუ მოიღუპეთ, თუ გაგვიჭირდა, დაგიძახებთ. გარდა ამისა, სირცხვილია ნადირობა არ იცოდეთ. კრეინის ქუჩაზე რომ დაბინავდებით, შეიძლება ბიძათქვენმა გკითხოთ, მაჩვზე როგორ ნადირობენო და ხომ უნდა უპასუხოთ?

- მართალი ხართ, დი, მართალი, - ამოიოხრა სერ ჰილდებრანდმა, - უნდა უპასუხოს,

მაგრამ ეჭვიც არ მეპარება, რომ ჩაფლავდება. შეეძლო კი თავისი ძმებზე ბევრი სასარგებლო ცოდნა შეეძინა. ჩვენში ხომ პირდაპირ მიწიდან ამოდის ეს ცოდნა, მარტო უნდა დაიხარო და მოკრიფო. მაგრამ აქ ფრანგული სისულელეები, აქ წიგნების სიბრძნე, ახალი მოდა, რენეგატები, ჰანოვერის დინასტია და ქვეყანა გადასხვაფერდა. სადღაა ძველი ინგლისი! წამოდი, რეშლი, წამოდი. მოდი, ერთი, ჩემი სანადირო მონყობილობა მომიტანე! ბიძაშვილს დღეს არა სჭირდება და თავს ნუ აბეზრებ. გინდა ხალხმა მასხარად აგვიგდოს? ოსბალდისტონ-ჰოლში ერთადერთი ქალი ჰყავთ და იმასაც სულს არ ათქმევინებენ თავის ნებაზეო?

რეშლი მამის ბრძანების შესასრულებლად გაეშურა, მაგრამ დიანას რომ ჩაუარა გვერდით, ჩურჩულით ჩაულაპარაკა:

- ალბათ თავაზიანობის ქალღმერთის მიერ დადგენილი წესები უნდა შევასრულო და ბიბლიოთეკაში დაუკაკუნებლად არ უნდა შემოვიდა არა?

- არა, რეშლი, არა. ის ყალბი მეგობარი, პირმოთნეობისა და ორპირობის ღმერთი მოიშორეთ თავიდან და ყოველთვის თავისუფლად შეგეძლებათ დაესწროთ ჩვენს ვარჯიშს სიტყვაკაზმულ ლიტერატურაში.

დიანა ბიბლიოთეკისაკენ გაემართა და მეც უკან გავეყვი. მინდოდა მეთქვა, ისე მივდიოდი, თითქოს დამნაშავე ვიყავი და ჯალათს სიკვდილით დასასჯელად მივყავდი-მეთქი, მაგრამ გამახ-

სენდა, რომ ეს შედარება ერთხელ თუ ორჯერ უკვე გამოვიყენე. ამიტომ, ყოველგვარი შედარების გარეშე მოგახსენებ, რომ საშინლად დაბნეული და შენუხებული მივყვებოდი უკან და რას არ დავთმობდი, რომ ამ მტანჯველი გრძნობისაგან გავთავისუფლებულიყავი. მე დიდხანს ვცხოვრობდი კონტინენტზე და ძვალსა და რბილში მქონდა გამჭდარი ის აზრი, რომ, როცა ლამაზ ქალიშვილთან პირისპირ დარჩები, თავაზიანად, ოღონდ ლაღად და თამამად უნდა წარმართო საუბარი.

მაგრამ საქმე საქმეზე რომ მიდგა, ინგლისურმა ბუნებამ დაჯახნა ფრანგული აღზრდა: დარწმუნებული ვარ, ერთობ საცოდავად გამოვიყურებოდი, როცა მის ვერნონი ისე მედიდურად ჩაეშვა ვეება სავარძელში თითქოს მოსამართლეა და უმძიმესი დანაშაულის განსასჯელად ემზადებაო. მან ხელით მანიშნა, რომ მის პირდაპირ მდგომ სკამზე დავმჯდარიყავი (მეც ნამდვილი ბრალდებულივით დავეშვი სკამზე) და დამცინავი კილოთი დაინწყო ლაპარაკი.

თავი XIII

წყეულიმც იყოს, ვინც თქვა პირველად,
რომ იარაღი შხამით ელესათ,
რომ შხამნარევი სატევრის პირი
კაცს მოხვედროდა უპირველესად.
უფრო კრულია მისი სახელი,
ვინც განაზავა შხამის ფიალა,
სმით შეიტყუა მენახენი
და სასიკვდილოდ შეაწრიალა.

უცნობი ავტორი

- ღმერთმანი, მისტერ ფრენსის ოსბალდისტონ, ძალიან ისახე-
ლეთ თავი. არ მეგონა თუ ასეთი ნიჭიერი იყავით, - მითხრა მის
ვერნონმა მწარე დაცინვით (არ ვიცი, რატომ ფიქრობდა, რომ
უფლებსა ჰქონდა ყოველთვის, როცა მოესურვებოდა, ჩემზე აე-
ლესა ენა), - ნუხელ ბრწყინვალედ ჩააბარეთ გამოცდა და ოს-
ბალდისტონ-ჰოლის საზოგადოების წევრი გახდით, თანაც უბრა-
ლო კი არა - რჩეული და საპატიო!

- ვიცი, რომ ძალიან უზრდელად მოვიქეცი, მის ვერნონ. თავის
გასამართლებლად მხოლოდ ერთი რამ შემიძლია ვთქვა, სადი-
ლის წინ ისეთ ცნობა მომანოდეს, რომ საშინლად ავფორიაქდი.
ვადიარებ, რომ მეტისმეტად ტლანქად და სულელურად ვიქცე-
ოდი.

- ფრიად უსამართლო ბრძანდებით საკუთარი თავის მიმართ,
- მითხრა ჩემმა შეუბრალებელმა მოძღვარმა, - იმის მიხედვით
თუ ვიმსჯელებთ, რაც ჩემი თვალით დავინახე და რაც სხვებმა მი-
ამბეს, ერთი საღამოს მანძილზე დავვიმტკიცეთ, რომ თქვენს ბუ-
ნებაში ბედნიერად არის შერწყმული ყველა თქვენი ბიძაშვილის
ღირსებები: რეშლის ლმობიერება და დიდსულოვნება, პერსის
ზომიერება და სიღარბაისლე, თორნკლიფის სიმამაცე... ჯონიზე
ნაკლებად არ გცოდნიათ ძაღლების განრთვნა, დიკონივით ენაძ-
ლევებოდით ყველას. დიახ, ყველა ეს შესანიშნავი თვისება
თქვენში ყოფილა დაუნჯებული, მისტერ ფრენსის! დროის, ადგი-
ლისა და ვითარების შერჩევაში კი ისეთი გემოვნება და გამჭრია-
ხობა გამოამჟღავნეთ, რომ ბრძენ ულფრედსაც შემურდებოდა!

საყვედური სამართლიანი იყო. მის ვერნონისაგან უარესის
ღირსიც ვიყავი ამ უგვანო საქციელისათვის, მაგრამ მაინც შვეცვა-
დე თავის გამართლებას:

- ცოტათი მაინც შემობრალეთ, მის ვერნონ! ძალიან ნუ გამიბ-
რაზდებით, თუ ჩემთვის უჩვეულო საქციელს ნაწილობრივ ამ
ოჯახსა და მხარეში გავრცელებულ სტუმართმოყვარეობის წესებს
დავაბრალებ. არ მინდა ისე გაიგოთ, თითქოს ხოტბას ვასხამდე
ამ წესებს, მაგრამ შექსპირის სიტყვებით რომ ვთქვათ, კარგი ღვი-
ნო ჩვენი მეგობარია და შეიძლება ადამიანმა ხანდახან მის ჭკუაზე
გაიაროს.

- მართალია, მისტერ ფრენსის, მაგრამ დაგავინყდათ ვისი პი-
რით ასხამს ქებასა და ხოტბას ღვინოს? თავისი ნაწარმოებების
ყველაზე საზიზღარი და გათახსირებული პერსონაჟის პირით! არ
ვისარგებლებ ამ მარჯვე შემთხვევით და არ გავიმეორებ უბედუ-
რი ვასიოს სიტყვებს. ალბათ გახსოვთ, რას ეუბნება იაგოს, როცა
ეს უკანასკნელი ღვინოს აძალეებს. მაგრამ მინდა იცოდეთ, რომ
აქ ერთ პიროვნებას გული შეტკივა ნიჭიერ ახალგაზრდაზე, რო-

მელსაც გადაუნყვეტია ამ სახლის მაცხოვრებლებს მიბაძოს და ლოთობის ჭაობში ჩაეშვას.

- მე მხოლოდ ფეხი შევდგი ამ ჭაობში, მის ვერნონ, და როგორც კი შმორის სუნი ვიგრძენი, იმ წუთას შევჩერდი და გადავწყვიტე, ერთი ნაბიჯიც აღარ გადამედგა წინ.

- ჭეშმარიტად ბრძნული გადაწყვეტილებაა, თუ აღარ გადაიფიქრებთ. თქვენმა წუხანდელმა საქციელმა ისე ამაღელვა, რომ ჯერ ამაზე დაგინწყეთ ლაპარაკი. ახლა კი ჩემს საქმეზე მოვისაუბროთ. გუშინ, სადილობისას ისე მექცეოდით თითქოს ვიღაცამ გაგახელათ, თითქოს ვინმემ გიგინათ ჩემი თავი, ნება მიბოძეთ, გკითხვით, ვინ რა გითხრათ ჩემზე?

საშინლად დავიბენი. დიანამ ისე პირდაპირ დამისვა კითხვა, თითქოს თვითონაც მამაკაცი ყოფილიყო და მშვიდად, აუღელვებლად, მაგრამ მტკიცედ მოითხოვა, ნათელი, ამომწურავი და წრფელი პასუხის გამეცა ამ კითხვაზე. ეს მთლად ეწინააღმდეგებოდა მაღალ საზოგადოებაში მიღებულ ჩვეულებას, სადაც სხვადასხვა სქესის ადამიანები ათასნაირად მინიშნებებითა და ნართაულებით აგებინებდნენ ერთმანეთს თავიანთ აზრებსა და სურვილებს.

დიახ, საშინლად დავიბენი! რითი უნდა გამემართლებინა ჩემი უხეშობა? თუ რეშლის ნაამბობი ჭეშმარიტებად მივიჩნიე, დიანა უნდა შემცოდებოდა, მე კი, პირიქით, გავბოროტდი და შეურაცხყოფა მივაყენე. როგორ გავიმეორო რეშლის სიტყვები. ამით ხომ უფრო დავუკოდავ გულს უმწეო ქალს. არა, - გადავწყვიტე ბოლოს, - არაფერს ვეტყვი, თუნდაც ვიცოდე, რომ აღსარების შემდგავ ყველაფერს მაპატიებს, მის ვერნონმა შემატყო, რომ თავს ვებრძოდი და ზრიდილობიანად, მაგრამ წინანდელზე მტკიცედ და დაბეჭითებით მითხრა:

- მისტერ ოსბალდისტონ, იმედია გესმით, რომ უფლება მაქვს, პირადად მოგთხოვოთ ახსნა-განმარტება. მე ახლობელი და

გულშემატკივარი არავინ მყავს, ამიტომ თვითონვე უნდა დავიცვა თავი.

დავინყე თავის მართლება - ცუდ გუნებაზე ვიყავი და ლონდონიდანაც უსიამოვნო წერილი მივიღე-მეთქი. მის ვერნონმა ღიმილით მოისმინა ჩემი არეულ-დარეული ლაპარაკი და როცა საბოლოოდ გავიხლართე სიცრუის ქსელში და დავდუმიდი, მითხრა:

- ახლა კი, მისტერ ოსბალდისტონ, რადგან ეგ ყველა პროლოგივით უხეირო პროლოგი დაამთავრეთ, კეთილი ინებეთ, ფარდა ასწიეთ და დაინყეთ სპექტაკლი, რომელსაც ასე მოუთმენლად ელის მაყურებელი. ერთი სიტყვით, გამაგებინეთ, რა გითხრათ ჩემზე რეშლიმ - ოსბალდისტონ-ჰოლის ხრიკების მთავარმა გამომგონებელმა და მექანიკოსმა.

- დავუშვათ, მართლა მითხრა რამე, მის ვერნონ, მაგრამ თვითონვე მითხარით, მე და რეშლიმ მეგობრები აღარა ვართ, მაგრამ მოკავშირეებად დავრჩებითო. მერე და განა ლამაზია, სხვას გამოსტყუოთ მოკავშირის ნათქვამი?

- ვერ ვიტან, როცა თავის დაძვრენას ცდილობენ და არც ეილიკობის ხასიათზე ვარ, რეშლის არა აქვს უფლება და ვერც უნდა გაბედოს ისეთი რამ თქვას ჩემზე, რომლის გამეორება გეუხერხულებათ. ჩვენ, რასაკვირველია გვაქვს საერთო საიდუმლო, მაგრამ, ჯერ ერთი, ამ საიდუმლოს არ გაგიმხელდათ და მეორე, ეს საიდუმლო ჩემს პიროვნებას არ ეხება.

ამ ლაპარაკისას მე უკვე მოვიკრიბე გონება და მტკიცედ გადავწყვიტე, არ გამემხილა დიანასათვის რეშლის ნათქვამი. ვიფიქრე, ვაცი რომ გენდობა და რამეს გეტყვის, სხვას არ უნდა უთხრა. ამით მე არაფერი შეემმატება, მის ვერნონს კი გული ეტკინება-მეთქი. ამიტომ მოვიღუშე და დინჯად მივუგე:

- მე და რეშლიმ ზოგადად ვისაუბრეთ ოსბალდისტონ-ჰოლის მცხოვრებთა ოჯახურ მდგომარეობაზე და ამ საუბრის დროს ისეთი არაფერი თქმულა, რამაც შეიძლება ჩრდილი მიაყენოს

თქვენს პიროვნებას. ამის მეტს ვერაფერს გეტყვით, რადგან ჯენტლმენს არა აქვს უფლება ვერძო საუბრის შინაარსი ვინმეს გაუზიაროს.

დიანა ისეთი სახით წამოიშარტა, რომ მტრებთან შესაბამელად გამზადებული კამილა[137] წარმომიდგა თვალწინ:

- ეგრე ადვილად ვერ გამაცურებთ, სერ! მე სხვა პასუხს ველი თქვენგან!

დიანას სახე ანთებოდა და თვალებში ნაპერწკლები უკიაფებდა. მან სული ამოითქვა და განაგრძო:

-მე ნამდვილ პასუხს ველოდები და ამის უფლებაცა მაქვს, რადგან ჩემი სახელი უსამართლოდ ამოსვარეს ლაფში. მე უფლება მაქვს განმარტება მოვთხოვო პიროვნებას, რომელიც თავის თავს ჯენტლმენს უწოდებს. დაიხ, ობოლ, ეულსა და მიუსაფარ ადამიანს, ადამიანს, რომელსაც არავინა ჰყავს შემწე და გზის გამკაფავი და მხოლოდ საკუთარი ძალისა და გონების იმედად უნდა იყოს, უფლება აქვს უფლის სახელით მოითხოვოს განმარტება იმათგან, ვისაც უკეთესი ხვედრი ერგო ამქვეყნად. იმ უფლის სახელით, რომელმაც ზოგის გზა ვარდებით მოჰფინა. ზოგისა კი ეკალ-ბარდებით. ნუ გამანბილებთ, თორემ ინანებთ! თუკი, ან აქ, ან იქ (დიანამ მალლა აღაპყრო თვალები) რაიმე სამართალი არსებობს!

მე უაღრესად განმაცვიფრა დიანას ასეთმა აღფლვებამ. ვიგრძენი, რომ სხვა გზა აღარ მქონდა, ვალდებული ვიყავი ჯენტლმენობა გვერდზე გადამედო და მოკლედ, მაგრამ ზუსტად გადამეცა რეზლის ნათქვამი. როგორც კი ლაპარაკი დავიწყე, დიანა სავარძელში ჩაჭდა და ყურადღებად იქცა. როცა სიტყვის შესარჩევად შევჩერდებოდი, დიანა მაშინვე შემემშველებოდა:

- განაგრძეთ, ძალიან გთხოვთ განაგრძეთ, აი, ის სიტყვა იხმარეთ, პირველად რომ მოგადგათ ენაზე. ის ყველაზე მართალი

და ზუსტი იქნება. ნუ მიფრთხილდებით, ისე ილაპარაკეთ თითქოს სხვას უყვებოდეთ ჩემს ამბავს.

აი, ასე მაქვებდა და მეც, როგორც იქნა, ბორძიკ-ბორძიკით ჩამოვღერდე, თურმე თქვენი ოჯახები თავიდანვე შეთანხმებულან, რომ რომელიმე ოსბალდისტონს უნდა გაჰყოლოდით და რომ თქვენ ძალიან გიჭირთ არჩევნის გაკეთება-მეთქი. ამით ვაპირებდი დამთავრებას, მაგრამ დიანას რას გამოაპარებდი? მაშინვე იგრძნო, რომ ყველაფერი არ ვუთხარი, კიდევ მეტი, იმასაც მიხვდა, თუ რას ვუმალავდი.

- რეშლი, რა თქმა უნდა, უსინდისოდ მოქცეულა: ნიშნობის ამბავი არ უნდა ეთქვა თქვენთვის, მაგრამ ეს არ მანუხებს, ის ზღაპარი გამახსენდა, ერთი ქალიშვილი აკვანში რომ დანიშნეს ნორვეგიულ დათვზე და იმას კი არ დარდობდა, დათვს როგორ უნდა გავეყვო, თავის ამხანაგებზე ბრაზობდა - დათვის საცოლეს ნუ მეძახიანო. ვარგი, ეგ არაფერი, მაგრამ რეშლი რაღაცნაირად თავის თავსაც გარევედა ამ საქმეში, ასე არ არის?

- დიახ რეშლიმ ნართაულებით მიმახვედრა, ძმების წყენინებას რომ არ ვერიდებოდე, ახლა, როდესაც ცხოვრების გზა უნდა შევიცვალო, ვისურვებდი საქორწინო ხელშეკრულებაში გამოტოვებული ადგილას თორნკლიფის მაგივრად ჩემი სახელი ჩაწერილიყო.

- მართლა ასე თქვა?! ასე დაიმცირა თავი? ეს ხომ დიდი პატივია, მისი მორჩილი მხევლისათვის. ალბათ, იმასაც ფიქრობს, რომ ამ ცვლილებით აღფრთოვანებული დავრჩები.

- მართალი გითხრათ, რაღაც მსგავსი აზრი გამოთქვა და მერე დასძინა...

- რა? მითხარით, ყველაფერი მითხარით!

- რომ იგი შეეცადა თქვენი გატაცება სიყვარულში არ გადაზრდილიყო, რადგან აპირებდა ღვთის სამსახურისათვის შეენირა თავი.

- დიდად მაღლობელი ვარ ასეთი ყურადღებისათვის, - თქვა მის ვერნონმა და ლამაზ სახეზე უსაზღვრო ზიზღი გამოეხატა. შემდეგ ცოტა ხანს იყუჩა და მშვიდად დაამატა: - თქვენ მოულოდნელი არაფერი გითქვამთ. ვიცოდი, რომ ამას გეტყოდით, რადგან რეშლის ნათქვამიდან ერთის გარდა ყველაფერი სრული ჭეშმარიტებაა. მაგრამ ხომ მოგეხსენებათ, ერთმა კოვზმა კუპრმა ერთი კასრი თაფლი წაბილწაო და იმ ერთმა ტყუილმაც ყველაფერი გააყალბა. ეს მთავარი ტყუილი კი ის გახლავთ, რომ იმის შემდეგ, რაც რეშლის ბუნება გავიცანი, და საბედნიეროდ, იძულებული ვიყავი ძალიან კარგად გამეცნო, განა რაიმე ამქვეყნიური ძალა მაიძულებდა ცოლად გავყოლოდი?! არა, - წამოიძახა დიანამ და ხმა ზიზღით აუკანკალდა. - ამაზე უარესი ხვედრის წარმოდგენა შეუძლებელია. ათასჯერ უკეთესია ლოთს, ყომარბაზს, ჩხუბის თავს, მემარცხენეს ან თუნდაც სულელს დაუკავშირო შენი მომავალი, ვიდრე რეშლის. ჯობს, მონაზვნად აღიკვეცო, ციხეში ჩაჭდე, საფლავეში იწვე, ვიდრე...

დიანას თვალეებში უსაზღვრო სევდა და ნაღველი ჩაბუდებოდა და ეს არც მიკვირდა: განა რას უნდა გაეხარებინა ეს უბედურ დღეში ჩავარდნილი ადამიანი? ეს ნორჩი, მშვენიერი, უმნიკვლო ქალიშვილი მხოლოდ საკუთარი თავის იმედად რომ იყო დარჩენილი ამქვეყნად, მას არც მეგობარი ქალიშვილები ჰყავდა დარდის გასაზიარებლად და არც იმ მცირეოდენი ყურადღების იმედი უნდა ჰქონოდა, რომელსაც ქალების მიმართ იჩენენ ცივილიზებული საზოგადოებაში. მაღალფარდოვნობაში ნუ ჩამომართმევ და გული მეფლეთებოდა, როცა ამ ნაღველიან სიტყვებს ვუსმენდი. მაგრამ ამ სიტყვებში ისეთი გულწრფელი ზიზღი იგრძნობოდა ყოველგვარი ცერემონიების და სიყალბის მიმართ, ისეთი მტკიცე გადანყვეტილება - უშიშრად შებმოდა ირგვლივ შემოჭარულ მტრებს, რომ სიბრალეული აღტაცებად შემეცვალა. დიანა, ახლა ქვეშევრდომების მიერ მიტოვებულ და ძალაუფლება წარ-

თმეულ დედოფლად მეჩვენებოდა, რომელიც, უკიდურესი გაჭირვების მიუხედავად, წინანდებურად ზიზღით უმზერდა მდაბიოთათვის სავალდებულო ადათ-წესებს და მხოლოდ ზენაარის სამართლიანობისა და საკუთარი სულიერი სიმტკიცის იმედით აპირებდა ცხოვრების გატანას.

თანაგიგრძობთ და აღტაცებული ვარ თქვენით-მეთქი, ვუთხარი დიანას და ვაპირებდი ხოტბა შემესხა მისი სიმტკიცისა და მამაცობისათვის, მაგრამ მაშინვე გამაჩერა:

- ერთხელ ხუმრობით გაგაფრთხილეთ, ქათინაურები არ მიყვარს-მეთქი, ახლა კი სერიოზულად გეუბნებით, რომ არავის თანაგრძობას არ ვსაჭიროებ და ვერ ვიტან, როცა მიბრალევენ და მამშვიდებენ. მე აქამდე მარტო ვენეოდი ჩემს ჭაპანს, და არც მომავალში დავიხმარ ვინმეს. თანაგრძობის სიტყვები ოდნავადაც ვერ შემიმსუბუქებს ვირთებას. ამქვეყნად მხოლოდ ერთადერთ კაცს შეეძლო შემწეობა აღმოეჩინა ჩემთვის, მაგრამ მან კიდევ უფრო დამიმძიმა ტვირთი. ეს კაცი რეშლი ოსბალდისონია. დიახ, იყო დრო, როცა შეიძლებოდა რეშლისთვის გულის კარები გამეღო, მაგრამ, ღმერთო დიდებულო, თურემ რა მდაბალი ზრახვები ამოძრავებდა, როცა ყველასგან მიტოვებული არსების ნდობის მოპოვებას ესწრაფოდა! ო, რა დაჟინებით ცდილობდა წლების მანძილზე ამ ზრახვების განხორციელებას. ნუთუ ერთხელაც არ იგრძნო სინდისის ქენჯნა, ნუთუ ერთხელაც არ გაუნათა ბოროტი გული სიბრალულის სხივმა?! თურმე რატომ მიწამლავდა გონებას! ღმერთო დიდებულო, ხომ სულითა და ხორციით უნდა წავწყმენდილიყავი ამ მზაკვარსა და გაიძვერას რომ მივწოდობოდი!

მე ისე აღმაშფოთა რეშლის ვერაგობამ, რომ ფეხზე წამოვხტი, ხმლის ვადა ხელში ჩავბღუჯე და კარისაკენ გავექანე, რომ ამ საზიზღარი ბოროტმოქმედისათვის სამართლიანი სასჯელი მიმეზღო. მის ვერნონმა სწრაფად გადამიჭრა გზა. თვალებში ახლა

ზიზღისა და რისხვის ნაცვლად საშინელი შიში და შეშფოთება ჩასდგომოდა.

- შეჩერდით, - შემევედრა იგი, - არ წახვიდეთ, თქვენი რისხვა სამართლიანია, მაგრამ ჯერ ამ შემზარავი საპყრობილის საიდუმლოებების ნახევარიც არ იცით. - დიანამ შეშინებული თვალები მოავლო ოთახს და თითქმის ჩურჩულით განაგრძო: - რეშლის თილისმა აქვს: მისი მოკვლა მრავალი ადამიანის სიცოცხლეს შეინირავს და უამრავ უბედურებას გამოიწვევს. ასე რომ არ იყოს, უკვე დიდი ხნის წინ დადგებოდა მისი განსჯის საათი. ასე რომ არ იყოს, ეს სუსტი ხელიც მოუსწრაფებდა სიცოცხლეს! წელან გაგაფრთხილეთ თანამგრძობი არ მინდა-მეთქი, - მითხრა დიანამ როცა ჩემს სკამთან მიმიყვანა, - ახლა კი გეუბნებით, რომ არც შურისმაძიებელს ვსაჭიროებ.

ანგარიშმიუცემლად დავეშვი სკამზე და დიანს სიტყვებზე დავინწყე ფიქრი. ოდნავ რომ დავმშვიდდი, მხოლოდ მაშინ დავუსვი თავს კითხვა, განა მაქვს უფლება მის ვენონის დამცველის როლში გამოვიდე-მეთქი? დიანა ცოტა ხანს დუმდა, უნდოდა თვითონაც მოეთქვა სული და მეც გადამყროდა გულიდან ბრაზი. მერე საკმაოდ მშვიდად მითხრა:

- მე უკვე მოგახსენეთ, რომ მე და რეშლის ერთი საიდუმლო გვაკავშირებს, საშინელი, საბედისწერო საიდუმლო. რეშლი ვერაგი და მზაკვარი ადამიანია, მაგრამ ვერც განზე გავდგომივარ და ვერც აშკარა შებრძოლება გამიბეღია. ისე კი გრძნობს, რა თვალითაც ვუყურებ. თქვენც, მისტერ ოსბალდისტონ, მოთმინებითა უნდა აღიჭურვოთ და მის ხრიკებს ძალა კი არა, გონება და უპირისპიროთ. ყველაზე უფრო კი იმისთანა საქციელს უნდა ერიდოთ, წუხელ რომ ჩაიდინეთ, თორემ სულ გაუადვილებთ საქმეს. დღეს სწორედ იმიტომ წამოგიყვანეთ აქ, რომ გამეფრთხილებინეთ, მაგრამ მგონი, ზედმეტად გენდეთ. ამდენის თქმას არ ვაპირებდი.

შევეცადე დამერწმუნებინა, რომ ეს ნდობა სანანებლად არ გაუხდებოდა.

- მეც ასე ვფიქრობ, - თქვა მის ვერნონმა, - თქვენ ზედ განერიათ, რომ სანდო ადამიანი ხართ. მოდი, მეგობრები ვიყოთ, - დიანა ოდნავ განითლდა, მაგრამ მაინც ძველებურად ლალი და ძალდაუტანებელი ტონით დასძინა: - იმ პოეტს ნუ დაუჭერებთ, რომ ამბობს „მეგობრობას“ სულ სხვა გრძნობის აღსანიშნავად ხმარობენო. მე მამაკაცებში ვიზრდებოდი და ქცევითაც და აზრებითაც უფრო თქვენ დაგემსგავსეთ. ამას გარდა, აკვანშივე ვიყავი დაწნული ღვთის სასძლოდ. ამ დამამცირებელ ქორწინებას ისევ მონაზვნის რიდე მიჩვევია. ჯერ კი, სანამ საბოლოო არჩევნის უამი არ დამდგარა, სანამ თავისუფალი ვარ, მინდა სხვებივით დავტკბე ამ მთა-ველების სილამაზითა და მშვენიერებით. ახლა კი რადგან დანტეს პოემის ეს ბუნდოვანი ადგილი განვმარტეთ, წადით და ნახეთ, როგორ მიდის მაჩვზე ნადირობის საქმე. მე ისე ამტკივდა თავი, რომ ველარ ვინადირებ.

ბიბლიოთეკიდან გამოვედი, მაგრამ სანადიროდ აღარ წავსულვარ. რეშლის გაიძვერობამ და მუხანათობამ ძალზე შემადრწუნა და ამათორიაქა. ვიგრძენი, რომ ახლა მისი დანახვა არ ძალმიძდა, ამიტომ გადავწყვიტე ცოტა ხანს მართო მესეირნა და გონება მომეკრიბა. დიუბერის ოჯახში (ისინი რეფორმატორები იყვნენ) ხშირად ლაპარაკობდნენ კათოლიკე მღვდლების გაიძვერობაზე. ისინი მოხერხებულად იყენებდნენ მეგობრობას, სტუმართმოყვარეობასა და სხვა წმინდა გრძნობებს თავიანთი მდაბალი მიზნების მისაღწევად, მაგრამ ამისთანა მუხთლობას და ვერაგობას ვერც წარმოვიდგენდი: რეშლიმ იმ მიზნით იკისრა ამ კეთილშობილური წარმოშობის ობოლი გოგონას აღზრდა, რომ შეეცდინა და გაეხახებინა. თანაც ეს გოგო მისი ნათესავი იყო! თვალიდან არ ამომდიოდა, როგორი გულწრფელი აღშფოთებით მიაბობდა მომავალი მსხვერპლი ამ საზიზღარი ჩანათიქრის დეტა-

ლებს. ბორდოში ბევრი რამ მომისმენია კათოლიკეების სიბილ-
ნეზე, მაგრამ ეს ყველაფერს აღემატებოდა. აშკარად ვიგრძენი,
რომ რეშლისთან შეხვედრისას ზიზღსა და აღშფოთებას ვერ
დავმალოვდი. თავის შეკავება კი აუცილებელი იყო: ჯერ ერთი,
მახსოვდა ის იდუმალების ბურუსში გახვეული გაფრთხილება,
რეშლის ხელი არ ახლო, თორემ სხვებიც დაიღუპებიანო და გარ-
და ამისა, არავითარი აშკარა და პირდაპირი საბაბი არა მქონდა
საიმისოდ, რომ ორთაბრძოლაში გამომეწვია.

ამიტომ გადავწყვიტე, სანამ ერთ ჭერქვეშ ვიცხოვრებდით,
სიტყვიანად გამეორკვეებინა, ხოლო როცა ლონდონში წავიდო-
და, ბარათით გამეფრთხილებინა ოუენი, რომ რეშლი მუხანათი
და გაიძვერა იყო და თვალი დაეჭირა, მამაჩემისათვის არაფერი
ევნო. დარწმუნებული ვიყავი მართო ავხორცი კი არა, ხარბი და
პატივმოყვარე იქნებოდა, რეშლის ფხა და სიმარჯვე არ აკლდა
და თავის დაჭერაც ისე იცოდა, რომ ვაგლახად ვერ შეატყობდით,
რა ჩიტი ბრძანდებოდა. სულ ადვილად შეეძლო, კაცს სულში
ჩასძრომოდა, ნდობა მოეპოვებინა და მერე ეს ნდობა თავისი ბო-
როტი მიზნების განსახორციელებლად გამოეყენებინა: მე შენ
გეტყვი და, პატიოსნება ან კეთილშობილება შეაკავებდა! ამოცანა
ძნელი გადასაწყვეტი იყო: მეშინოდა ჩემი გაფრთხილება მეშურ-
ნეობად არ მიეღოთ - რეშლი ხომ ჩემი მეტოქე იყო, ჩემი ადგილი
უნდა დაეკავებინა მამაჩემის სავაჭრო სახლში. ბოლოს მაინც იმ
აზრზე დავდექი, რომ წერილი აუცილებლად უნდა გამეგზავნა
ოუენისათვის. იგი ფხიზელი გონების, ფრთხილი და წინდახედუ-
ლი კაცი იყო, წერილიდან სათანადო დასკვნებს გამოიტანდა და
რეშლის ნამდვილ ბუნებას შეიცნობდა, ამიტომ ბევრი აღარ და-
ვახანე - წერილი დავწერე და, როგორც კი დრო მოვიხელთე,
ფოსტით გავგზავნე,

რეშლის რომ შევხვდი, შევატყვე, რომ თავს მარიდებდა და
ცდილობდა შუღლი არ გაეღვივებინა. მეც ასე ვიქცეოდი. რეშლი,

რა თქმა უნდა, მიხვდა რომ ჩვენი საუბრის დროს მის ვერნონი ცუდის მეტს არაფერს მეტყოდა მასზე, მაგრამ იმას კი, ალბათ, ვერ წარმოიდგენდა, თუ თავიდან ბოლომდე დამისურათხატებდა ყველაფერს. ერთი სიტყვით ორივენი ვცდილობდით თავი შეგვეკავებინა და თითო-ოროლა ზოგადი ფრაზით შევხმთანებოდით ერთმანეთს. რამდენიმე დღის შემდეგ რეშლის წასვლის დრომაც მოაღწია. ამ ხნის განმავლობაში ორმა გარემოებამ მიიპყრო ჩემი ყურადღება: პირველი ის გახლდათ, რომ ერთობ ბეჭითად მეცადინეობდა და მისი ძალუმი და მოქნილი გონება სწრაფად, თითქმის ინტენსიურად ითვისებდა თავის ახლი ხელობისათვის აუცილებელი ცოდნის საფუძვლებს. დროდადრო ტრაბახობდა კიდევ თავისი წარმატებებით, თითქოს ნიშნს მიგებდა, აი, რა მსუბუქი ყოფილა ის ტვირთი, თქვენ რომ ასე მძიმედ გეჩვენებოდათო. მეორე გარემოება კი ის იყო, რომ მის ვერნონი ხშირად და განმარტოებით საუბრობდა რეშლისთან განმარტოებით, თუმცა ხალხში კვლავ შორიშორ ეჭირათ თავი ერთმანეთისაგან. ეს კი ჩემი და მის ვერნონის იმდღევანდელი საუბრის შემდეგ ძალიან უცნაურად მეჩვენებოდა.

როცა რეშლის გამგზავრების საათმა დაჰკრა, მამამისი ძალიან გულგრილად დაემშვიდობა, ძმები კი ისე იყვნენ გახარებულნი, თითქოს მასწავლებელს ისტუმრებენ შვებულებაშიო. ჩემი ბიძაშვილები ძალიან ცდილობდნენ, სიხარული არ გამოემჟღავნებინათ, მაგრამ ვერ ახერხებდნენ მე ცივად, მაგრამ თავაზიანად გავეწოდე ხელი. შემდეგ მის ვერნონს მიეახლა გამოსამშვიდობებლად. დიანამ უკან დაიწია, ზიზღნარევი გოროზი ღიმილით დააცადა გამოსამშვიდობებელი სიტყვის დამთავრება, მერე ხელი გაუწოდა და უთხრა:

- მშვიდობით, რეშლი, დაე, უფალმა დაგაჭილდოვოთ იმ კარგისთვის, რაც გაგიკეთებიათ და შეგინდოთ ბოროტი ზრახვები, რომელთა განხორციელებასაც ესწრაფოდით.

- ამინ ჩემო მშვენიერო ბიძაშვილო, - მიუგო რეშლიმ წმინდანის თვინიერი გამომეტყველებით (ამ ხელოვნებას ალბათ წმინდა ომერის სასწავლებელში დაეუფლა), - ჭეშმარიტად ბედნიერია ის ადამიანი, რომლის კეთილი ზრახვების ხემ გაიხარა და ნაყოფი გამოიღო, ბოროტისა კი ისე გახმა კვირტის გამოღებაც ვერ მოასწრო.

ეს იყო რეშლის ბოლო სიტყვები.

- წმინდა წყლის ფარისეველია, - ჩაილაპარაკა მის ვერნონმა, როცა კარი მიხურა, - ო, რა ხშირად იფარებს სიმდაბლეს და სისაზიზღრეს სათნოებისა და კეთილშობილების ნიღაბს!

ზემოთნახსენები საიდუმლო ბარათის გარდა, რომელიც ფოსტით გავგზავნე, ახლაც შევადგინე ორი წერილი, ერთი მამაჩემის, მეორე კი ოუენის სახელზე და რეშლის გავატანე. ბუნებრივი იქნებოდა, ამ ეპისტოლეებში გულწრფელად გამენდო მამაჩემისა ჩემი მეგობრისათვის, რომ აქ მხოლოდ ძაღლებითა და ქორ-შევარდნებით ნადირობაში შემეძლო დახელოვნება და რომ ამ ტლანქსა და გაუთლელ მეჭინბეებსა და ბაზიერებს შორის სულ ადვილად დავკარგავდი ადრესტს შეძენილ ცოდნასა და ქცევითაც ჩემს ბიძაშვილებს დავემსგავსებოდი. ასევე ბუნებრივი იქნებოდა მიმეწერა, რომ საშინლად მონყენილი ვიყავი და თვალთ დასანახავად მეზიზღებოდა აქური, მხეცების დევნასა და ღროსტარებაზე გადაყოლილი საზოგადოება. შემეძლო დამეჩივლა, რომ ჩემი მასპინძლების სახლში ყოველდღე ღრეობდნენ, სტუმრებსაც აძალებდნენ სასმელს და თუ არ დალევდი, სერ ჰილდებრანდი ნაწყენი რჩებოდა. ეს რომ შემეტყობინებინა, მამაჩემი, თვითონ თავშეკავებული და ზომიერი ადამიანი, მეტისმეტად შეშფოთდებოდა და საპატიმროს კარს თუ არ გამიღებდა, სხვაგან მაინც გადამიყვანდა.

დიახ, ჩემო ძვირფასო ტრეშამ! თუ გაითვალისწინებ, რა მოსაწყენი და გაუსაძლისი იყო ჩემი ასაკისა და მისწრაფებების ადა-

მიანისათვის ასეთ ხალში ცხოვრება, გაგიკვირდება, რომ დან-ვრილებით არ მივწერე მამაჩემს ოსბალდისტონ-ჰოლში გამეფებული საზიზღარი წეს-ჩვეულების შესახებ. ხომ კარგად ვიცოდი, მამაჩემი იქ აღარ გამაჩერებდა! და მაინც გადაკვრითაცა არაფერი მიმინიშნებია არ მამაჩემისათვის და არც ოუენისათვის. პირიქით, ამ წერილებში ოსბალდისტონ-ჰოლში დარჩენის ისეთი დიდი სურვილი იყო ჩაქსოვილი, თითქოს იქაურობა ბრძენებით, გმირებითა და პოეტებით დასახლებული ძველი ათენი ყოფილიყო.

ჩემო ტრეშამ! თუ შენს გულს კიდევ შემორჩა ახალგაზრდული ცეცხლის ნაპერწკალი, ადვილად მიხვდები, რატომ მოვიქეცი ასე უცნაურად. მის ვერნონის ღვთიური სილამაზე, რომელსაც თვითონ თითქოს არაფრად აგდებდა, მისი რომანტიკული, იდუმალებით მოცული ხვედრი, მისი ხიფათითა და საშიშროებებით გარემოცული ცხოვრების გზა, რომელზედაც უშიშრად მიაბიჭებდა, მისი თამამი ქცევა, უჩვეულო მშვენიერი სქესის წარმომადგენლისათვის, მაგრამ ნიშანდობლივი და დამახასიათებელი საკუთარ სიმართლესა და პატიოსნებაში დარწმუნებული ადამიანისათვის და ყველაზე მეტად კი, დიანასა აშკარა ყურადღება ჩემდამი, ყურადღება რომელიც საკუთარ თვალში ფასს მმატებდა და სიამაყით მავსებდა, აი, ყოველივე ეს, ერთად აღებული, მალეღვებდა, ცნობისმოყვარეობას მიღვივებდა და საამო ოცნებების ზღვის ტალღებზე მანანავებდა, თუმცა კი საკუთარ თავსაც ვერ გამოფტყდომოდი, რომ დიანა უკვე მთლიანად დაუფლებოდა ჩემს გულსა და გონებას.

ჩვენ ერთად ვკითხულობდით წიგნებს, ერთად ვსეირნობდით, ცხენებით იქნებოდა, თუ ქვეითად და ერთად, გვერდი-გვერდ, ვისხედით და ვისვენებდით. დიანასა და რეშლის ჩხუბის გამო შეწყვეტილი მეცადინეობა განახლდა. დიანას ახალი მოძღვარი, შენი მორჩილი მონა, ხალასი და უბოროტო გულის პატრონი გახ-

ლდათ, მაგრამ ცოდნითა და ნიჭით ბევრად ჩამორჩებოდა თავის წინამორბედს. მართალი გითხრა, მე არც კი შემწევდა უნარი, დავხმარებოდი დიანას იმ მრავალრიცხოვანი რთული საგნების დაუფლებაში, რომელთა შესწავლა რეშლის ხელმძღვანელობით დაენყო. ჩემი აზრით, მეცადინეობის ამ დარგებში დახელოვნება უფრო ღვთისმეტყველს შეეფერებოდა, ვიდრე მომხიბვლელ ქალიშვილს. ვერ გამეგო, რატომ შეიტყუა რეშლიმ დიანა კაზუისტიკის ბნელსა და დახლართულ მღვიმეებში, რომლებსაც მეცნიერები ფილოსოფიას უწოდებენ, ან რატომ ატარებდა ასევე რთული და გაუგებარი ზუსტი მეცნიერებების - მეთემატიკისა და ასტრონომიის - ტევრების ვიწრო ბილიკებზე? ამის მიზეზი მხოლოდ ერთი შეიძლება ყოფილიყო; რეშლის ენადა ტვინი ეღრძო დიანასათვის, ჩაეკონებინა, რომ მამაკაცსა და ქალს შორის განსხვავება არ არის, გაებრუებინა თავისი ცბიერი ლაპარაკით და ბოლოს სიცრუე და სიყალბე ხალას ჭეშმარიტებას მოეჩვენებინა. ასევე გამუდმებით უნერგავდა თავის მონათეს, არად ჩაეგდო და ფეხქვეშ გაექელა ის წესები, რომლებსაც თანამედროვე საზოგადოება სავალდებულოდ მიიჩნევს კეთილშობილი ქალიშვილისათვის. აქ უფრო იოლად შეიძლება მივხვდეთ რილიყავით, რომ რეშლის ბოროტი განზრახვა ამოძრავებდა. მართალია, დიანა ქალთა საზოგადოებაში არ ტრიალებდა და ვერც სხვისი მიბადვით და ვერც დარიგებით ვერ შეითვისებდა ქცევის სავალდებულო წესებს, მაგრამ თანდაყოლილი საზრიანობისა და მოკრძალებული ბუნების წყალობით ადვილად უნდა გაერჩია ერთმანეთისაგან ავი და კარგი. ამიტომ ის ქცევა, რომელმაც ესოდენ გამაოცა პირველსავე შეხვედრისას, მხოლოდ იმით შეიძლება აიხსნას, რომ დღენიადაგ უჩიჩინებდნენ გონიერი და საკუთარ პატიოსნებაში დარწმუნებული ქალიშვილი თამამად და თავისუფლად უნდა იქცეოდესო. ეტყობა, მის ცბიერ მოძღვარს საკუთარი ბოროტი მიზნები ამოძრავებდა, როცა მინასთან ასწორებდა უმნიჭ-

ვლოებისა და სისპეტაკის ზღუდესა და გალავანს. ამ და კიდევ სხვა უამრავი დანაშაულის გამო, მან უკვე, კარგა ხანია, აგო პასუხი ზეციური სამსჯავროს წინაშე.

დიანას ცოცხალი გონება ადვილად ითვისებდა ყოველგვარ ცოდნას. იგი აბსტრაქტული მეცნიერებების გარდა შესანიშნავად ერკვეოდა ლინგვისტიკაში და ანტიკურსა და თანამედროვე ლიტერატურაში. შესაძლებელია მისი ასეთი წარმატება იმით აიხსნას, რომ დიდი ნიჭით დაჯილდოვებული პიროვნება მაშინ უფრო მუყაითად ეკიდება ცოდნის შეძენას, როცა ხედავს, რომ დამხმარე და მხარდამჭერი არავინა ჰყავს. ყველაზე საოცარი კი ის იყო, რომ ეს უზარმაზარი ცოდნის პატრონი სრულიად არ იცნობდა ცხოვრებას. დიანამ ყველაფერი იცოდა, გარდა იმისა, რაც მის ირგვლივ ხდებოდა. ჩემი აზრით, სწორედ ეს გულუბრყვილობა და უცოდინრობა ანიჭებდა მომხიბვლელობას მის მსჯელობასა და ქცევას. წინასწარ ვერაფრით მიხვდებოდით როგორ დაამთავრებდა დაწყებულ ფრაზას ან რას ჩაიდენდა - ცოდნას და გამჭრიახობას გამოამჟღავნებდა თუ უკიდურეს გულუბრყვილობას. ყველა, ვისაც კი არ დავინწყებია თავისი ახალგაზრდობა, ადვილად წარმოიდგენს, თუ რა საფრთხეს უქადდა ჩემი ხნის, გრძნობების ამყოლ ადამიანს ხანგრძლივი ურთიერთობა ასეთ მომაჯადოებელ და თავისებურ ქალიშვილთან.

თავი XIV

ო, მშვნეიერო, შენი ლამპარი სხივებს ისვრის და სარკმელს ევლებს

და შენეული სადარბაზოდან მესანთლება და მესაკმევლება.

მაგრამ ლამპარი, წმინდა ლამპარი, შუეს რომ ასხივებს კარს და კარადებს,

ამ მიყრუებულ შუალამეში ასე ძალუმად რატომ ანათებს?

ძველებური ბალადა

ცხოვრება ისე ერთფეროვნად მიედინებოდა ოსბალდისტონ-ჰოლში, რომ არც კი ღირს ასაწერად. მე და დიანა ვერონი მეტწილად მეცადინეობით ვიყავით გართულნი. ოჯახის დანარჩენი წევრები კი ნადირობაში კლავდნენ დროს. თუ ნადირობის სეზონი არ იყო, სხვა გასართობებს ეძებდნენ. ნადირობასა და გართობაში ხშირად ჩვენც ავუბამდით ხოლმე მხარს. ბიძაჩემი ადვილად ეჩვეოდა ყველაფერს და მეც მალე შემეთვისა, კი არა, მგონი ცოტათი შემიყვარა კიდევ. რეშლისათვის რომ მიმებაძა, კიდევ უფრო შევაყვარებდი თავს. მან ისარგებლა იმით, რომ მამამისს დიდად არ ეპიტნავებოდა მეურნეობის გაძლოლა და თანდათან მთელი საქმეები ჩაიგდო ხელში. მე ხალისით ვეხმარებოდი ბიძაჩემს, როცა მეზობელთან წერილის მიწერა ან მოიჯარადრესთან ანგარიშის გასწორება დასჭირდებოდა და ისიც გრძნობდა, რომ ოჯახის ყველაზე სასარგებლო წევრი ვიყავი, მაგრამ არასოდეს გამომითქვამს სურვილი მთლიანად ამელო თავზე მამულის მოვ-

ლა-პატრონობა. ამიტომ, თუმცა სერ ჰილდებრანდი ხშირად შენიშნავდა, ჩემი ძმისშვილი ფრენკი, საქმიანი და ჭკვიანი ჭაბუკიაო, მაგრამ მაშინვე დასძენდა ხოლმე, სულ ვერ წარმოვიდგენდი, თუ რეშლის წასვლა ასე დამეტყობოდაო.

ძალზე ძნელია ცხოვრება იმ ოჯახში, სადაც უმეტესობა მტრული თვალით გიყურებს. ამიტომ შევეცადე ბიძაშვილებთან საერთო ენა მომეძებნა: ბათიანი შლაპის ნაცვლად ჟოკვის ქუდი დავიხურე და ამან საკმაოდ ამამალლა ბიძაშვილების თვალში. შემდეგ ფიცხი ულაცის გახედვით მოვიხვეჭე სახელი და პატივისცემა. გარდა ამისა, ორიოდე სანაძლეო წავაგე დიკონთან და ერთხელ პერსის სადღეგრძელო დიდი ჭიქით გეახელით. ყოველივე ამის შემდეგ ახალგაზრდები თითქმის დამიმეგობრდნენ, მხოლოდ თორნკლიფი მიბღვერდა ძველებურად.

მე ადრეც მოგახსენე, რომ ამ ახალგაზრდამ თავიდანვე ამითვალწუნა. იგი ძმებში, რეშლის თუ არ ჩავთვლით, ყველაზე ჭკვიანი და თანაც ყველაზე უხასიათო იყო - პირქუში, ჭიუტი და ჭინჭყლი. თორნკლიფს საკუთარ სამფლობელოში შემოჭრილ დამპყრობლად მივაჩნდი და ბრაზით გულზე სკდებოდა, ასე რომ დავმეგობრდით მე და დიანა. ეს არც იყო გასაკვირი: დიანა ხომ საოჯახო შეთანხმების ძალით თორნკლიფის დანიშნულად ითვლებოდა. სიყვარულით ალბათ არ უყვარდა (მე მგონი, ეს გრძნობა საერთოდ უცხო იყო მისთვის), მაგრამ თავის საკუთრებად თვლიდა, გრძნობდა, რომ ეს საკუთრება ხელიდან ეცლებოდა, ვეღარ მოეფიქრებინა, რა ეღონა და გულს ასკდებოდა. რამდენჯერმე შევეცადე ზავი დამედო თორნკლიფთან, მაგრამ ნაგაზივით შემომიღრინა და თავი დავანებე - ასეც უქნია, ბოლმით დამხრჩვალა-მეთქი.

აი, ასეთი ურთიერთობა მქონდა ჩემს ნათესავებთან. ოსბალდისტონ-ჰოლში დროდადრო ვიდევ ერთ ადამიანს - მებაღე ენდრუ ფერსერვისს ვესაუბრებოდი. იმის მერე, რაც გაიგო, რომ

მეც პროტესტანტი ვიყავი, დაჟინებით მთავაზობდა ბურნუთს. ენდრუ არაფერს კარგავდა, პირიქით, მოგებაში იყო: ჯერ ერთი, მე ბურნუთს არ ვყნოსავდი და მეორე, ენდრუს შესანიშნავი მიზები ეძლეოდა შესასვენებლად (მძიმე სამუშაო მაინცდამიანც არ უყვარდა). ბარს მინაში ჩაარტობდა და მუხლებს ქარს ამოაღებინებდა ხოლმე. გარდა ამისა, ენასაც იქავებდა - ახალ-ახალი ამბებს გადმომილაგებდა ან შოტლანდიურად, შხამიანად ხუმრობდა.

- უნდა მოგახსენოთ, ბატონო, რომ ახლახან ქვევით თრინლენოუში ვიყავი, - მითხრა ენდრუმ ერთ სადამოს და გამომცდელად მომაჩერდა.

- მართლა, ენდრუ! ალბათ სამიკიტნოში ახლი ამბები მოისმინე, არა?

- არა, ბატონო! სამიკიტნოში ქუდი რომ შემეგდო, არ შევალ. აი, მეგობელმა რომ დამპატიჟოს ერთ-ორ კათხა ლუდზე, სხვა საქმეა, ჩემი ხარჯით კი არ შევალ - წვალეებით ნაშოვნი ფულიც უნდა გავფლანგო და დროც! ჰოდა, იმას გეუბნებოდით, ახლახან თრინლენოუში ვიყავი-მეთქი. საქმე მექონდა. მეთი სიმპსონს ცოტაოდენი მსხალი უნდა ეყიდა. აქ იმდენია, რომ ფუჭდება. ჰოდა, ჯერ შუა ვაჭრობაში ვიყავით, რომ, გავიხედოთ და, პატ მაკრედი არ წამოგვადგა თავს, ფეხზე მოვაჭრე რომ არის, აი ისა!

- მეწვრილმანე, არა?

- თქვენ რაც გინდათ, ის დაუძახეთ, ბატონო. საპატიო და სარფიანი ხელობა კი აქვს და! ჩვენ ხალხში ძველი დროიდან მისდევენ. პატი გარე ბიძაშვილად მერგება და ძალიან გაგვიხარდა ერთმანეთის დანახვა.

- მერე ნახვედით და თითო კათხა ლუდი გადაჰყარით, ხომ ასე იყო ენდრუ? მერე რა ჰქენით? თუ ღმერთი გწამს, მოკლედ მოსტყერი.

- დამაცადეთ, ცოტა დამაცადეთ. თქვენ, სამხრეთელებს, სულ სადღაც გეჩქარებათ, ამ ამბავში თქვენცა ხართ გარეული და, თუ

დამაცდით, გიამბობთ. ლუდი? ლუდი არა, ჯანდაბა! წვეთიც არ დამალევენა. მეთიმ გვიმასპინძლა მოხდილი რძე და ქერის ხმიადი მოგვიტანა, სქელი კი იყო, მაგრამ ერთი იყო და ფაშარი. ეჰ, ჩვენს შოტლანდიურ ხმიადს სულ სხვა გემო აქვს. ჰოდა, დავსხედით და ცხელ-ცხელი ამბები გადმოვულაგეთ ერთმანეთს.

- აბა, ახლა მეც გადმომილაგეთ, ოღონდ, ძალიან გთხოვთ, მოკლედ და სწრაფად, აქ ხომ არ გავათენებ!

- აი, მოგახსენებთ. მთელი ლონდონის ხალხი ჭკუაზე შეირყა იმ საქმეზე, აქ, ჩრდილოეთში რომ მოხდა.

- როგორ თუ ჭკუაზე შეირყა? რას ამბობთ?

- როგორ და გაგიჟდა, გადაირია, შეიშალა. ერთმანეთს დაერია, ჯეკ უებსტერს მთლად ეშმაკი შეუჯდა ტანში.

- რას ნიშნავს ყოველივე ეს? ან მე რა საქმე მაქვს ჯეკ უებსტერის ეშმაკთან?!

- ჰმ! ეს სწორედ იმიტომ ატყდა, აი, სწორედ იმ კაცის ჩემოდნის საქმეზე!

- ვისი ჩემოდანი? რას ამბობთ, გამაგებინეთ!

- უჰ, აი იმ მორისის, აქ დავკარგეო, რომ თქვა. მაგრამ თუ ეს ბატონის საქმე არ არის, მე სულაც არ მეკითხება. სულ არ მინდა ეს მშვენიერი საღამო გამიცდეს.

ენდრუ უცვბ გაბეჭითდა, გვერდი შემაქცია და ბარვა დაიწყო. მან სწორად იანგარიშა. ახლა უკვე მაგრად ვყავდი ჩაჭერილი ხელში. არ მინდოდა მეგრძნობინებინა, ეს ამბავი ძალიან მაინტერესებს-მეთქი, და ხმა არ ამოვიღე. ვიმედოვნებდი, რომ ყბედი მებაღე დიდხანს ვერ შეიკავებდა თავს და ყველაფერს ჩამოამღერებდა. ენდრუ გულმოდგინედ მუშაობდა და მხოლოდ დროდადრო, შესვენებისას, ალაპარაკდებოდა ხოლმე, მაგრამ სულ ლობე-ყორეს ედებოდა, იმ საქმეზე კი კრინტსაც არა სძრავდა. მე ვიდექი, ვუსმენდი და გულში ათასნაირად ვლანძღავდი. წასვლაც ვერ გადამეწყვიტა: იმედი მქონდა, რომ ბოლოს და ბოლოს ენ-

დრუ ვერ მოითმენდა და ალაპარაკდებოდა. ვიცოდი, ერთი სული ჰქონდა, სანამ ყველაფერს ჩამომკაკლავდა.

- აი, აქედან ეს სატაცური უნდა ამოვყარო და ლობიო დავთესო. სატაცური ღორის ხორცს არ უხდება. ამათ რა იციან პირის გემო! ერთი უნდა ნახოთ, რა მომცეს მოურავებმა მიწის გასაპატივებლად! წესით პურის თუ არა ქერის ნამჭა მაინც უნდა იყოს, ეს კი სულ ნაგავია. აბა ბარდის ჩენჩომ რა მოსავალი უნდა მოგცეს? მეჭინბე თავის ნებაზეა მიშვებული და საუკეთესო ნაკელს ჩუმად ყიდის. ნამდვილად ვიცი რომ ყიდის, მე კი თავს ვიკლავ მუშაობით. ეჰ, მაშ რა ვქნა ამისთანა საღამოს ხომ არ გავაცდენ? თანაც შაბათია. ახლა ისეთი არეული ამინდია. კვირაში ერთი დღე თუ გამოვა სამუშაო და მაშინაც კვირა მოხვდება. კვირას ხომ ვერ გავტეხავ! თუმცა, ვინ იცის, თუ უფალი ინებებს, შეიძლება სულაც მთელი კვირა ვარგი ამინდი დაიჭირო. ჰოდა, რას ვიკლავ თავს მუშაობით. ავდგები და სულაც შინ წავალ. აი, ხომ გესმით მწუხრის ბარიც დარეკეს!

ენდრუმ ბარი ღრმად ჩაარჭო კვალში და ამაყად გამომხედა, აქაო და იმ ამბავს მინდა მოგიყვები, მინდა არაო. მერე ხალათის აკაპინებული სახელოები ჩამოუშვა და ნელი ნაბიჯით გაემართა გრძელი სკამისაკენ თავისი ხიფთანის ასაღებად.

„ტყუილად შევანყვეტინე ყბედობა ამ გაიძვერას, - გავიფიქრე მე, - რა გაეწყობა, უნდა დავისატო. ახლა უნდა გული მოვუღებო „მისტერ ფერსერვისს“, უნდა შევევედრო და, რა პირობასაც წამომიყენებს, შევასრულო“, - მერე ენდრუს მივუბრუნდი და ვუთხარი:

- მაინც, რა გიაბო, ენდრუ, ნათესავმა. აი, იმან, ფეხზე მოვაჭრე რომ არის?

- წელან მენვრილმანე რომ დაუძახეთ, იმან? - გამკენწლა ენდრუმ, - თუმცა, თქვენ რაც გინდათ, ის დაარქვით და, ძალიან საჭირონი კი არიან მიგდებულ მხარეში, აი როგორიც თქვენი ნორ-

თუმბერლენდია, ისეთში. შოტლანდია სულ სხვაა. მაგალითად, ფაიფის მხარეში, კარლოსიდან ისტნიუკამდე სულ ერთმანეთზე გადაბმული ქალაქებია და სავაჭრო სავაჭროს მისდევს, გვეგონება ხახვის გალიააო. ფართო ქუჩები, ღუქნები, ბაზრები... სახლებიც სულ ქვისაა, ბათქაშით შელესილი, ლამაზი შესავლელელებით. ან თუნდაც კირკოლდი ვთქვათ, მთელი ინგლისი რომ მოიაროთ, იმსიგრძე ქალაქს ვერა ნახავთ!

- ეს ყველაფერი ძალიან კარგია და შესანიშნავი, ენდრუ, მაგრამ თქვენ ლონდონის ამბები დაინწყეთ და აღარ დაამთავრეთ.

- ჰმ... მართალია, მაგრამ შევატყვე, რომ ბატონს დიდად არ სიამოვნებდა მისი მოსმენა და გავჩუმდი. ისე კი (ენდრუმ გვერდულად ჩაიღიმა), პატ მაკრედმა მითხრა, იქ, პარლამენტში, ძალიან გადაირივნენ იმ მორისის, თუ რა ჰქვია, გაძარცვა რომ გაიგესო.

- პარლამენტშიაო, ენდრუ? იქ რა მეტი საქმე არა აქვთ, რომ ამაზე აეტეხათ ალიაქოთი?

- რო იცოდეთ, მეც სწორედ ეგა ვკითხე პატს. თუ გნებავთ, სიტყვა-სიტყვით გავიმეორებ. სულ სიმართლეა, რასაც ახლა ვიტყვი. პატ, - ვუთხარი მე, - რა საქმე აქვთ ლონდონელ ლორდებს, ლერდებს[138] და ბატონებს ამ ვიღაც მორისთან და მის ჩემოდანთან-მეთქი. ჩვენი პარლამენტი რომ გვექონდა, შოტლანდიაში (ეშმაკმა დალახვროს, ვინც გავვიუქმა), ლორდები ისხდნენ და კანონებს წერდნენ მთელი ქვეყნისათვის. ისეთ საქმეებში როდი ჰყოფდნენ ცხვირს, ყველა მომრიგებელ- მოსამართლეს რომ შეეძლო გადაენციტა-მეთქი. ახლა კი, - ვუბნები პატს, - ვინმე მეძროხე დედაკაცმა თავსაფარი რომ დაკარგოს, იმწუთას ლონდონის პარლამენტში გარბის საჩივლელად-მეთქი. ეს სულ იმასა ჰგავს-მეთქი, - ვუბნები პატს, - ჩვენი გამოპრუტუნებული ბებერი რომ აკეთებს: შეუყრის თავს თავის ბრიყვ შვილებსა და კურძალებს, მიუშვებს ძაღლებს, მთელ დღეს ცხენებით დაჭენაობენ, არის ერთი ბუკის კვრა და გნიასი, ბოლოს დაიჭერენ ერთი ბენო

ცხოველს და გახარებულები ბრუნდებიან. ის ცხოველი კი, გაჭიმე-გამოჭიმე, სულ ექვსი გირვანქა არ გამოვა-მეთქი.

- ძალიან სამართლიანად გითქვამს, ენდრუ, - მოვუქონე თავი მებაღეს, იქნებ მალე გადავიდეს საქმეზე-მეთქი, - მერე რა გითხრათ პატმა?

- მიპასუხა, სხვას რას უნდა ელოდო მაგ გასიებული ინგლისელებისგანო? იმ თავდასხმაზე კი ასე წასულა საქმე: ამტყდარა ერთი ჩხუბი და აურზაური ვიგებსა და ტორებს შორის. ისე აგინებდნენ ერთმანეთს, სიკვდილით დასასჯელი პატიმრები გეგონებოდათ. ადგება ვინმე ძაღლის ქონით ენა მოლესილი ვირგლა და დაინყებს, ინგლისის ჩრდილოეთში სულ ყველა იაკობინელია (ჩვენში რომ ვთქვათ, მართლაც ასეა) და იქაურებთან ლამის ნამდვილი ომი გვაქვს გამართულიო. აბა, ეს საქმეა, მეფის შიკრიკი ზედ შარა გზაზე გაძარცვესო? ამაში ნორთუმბერლენდის ყველაზე საპატიო ხალხს აქვს ხელი გარეულიო. უამრავი ფული და ბევრი მნიშვნელობანი ქალაქი წაართვესო. მერე ამბობს, კანონმაც ვერაფერი უშველაო, იმიტომო, რომ, როცა ეს ვაცი მომრიგებელი მოსამართლეს მიადგა, დაინახა, ის ორი ყაჩალი იქა სხედან, ლაპარაკობენ და ღვინოს სვამენო. ერთმა ყაჩაღმა მეორეს უმოწმა, ეს არაფერ შუაში არ არისო და მოსამართლემაც გაუშვა. კიდევ მეტი, სამივემ ისე შეაშინეს ის პატიოსანი ვაცი, რომ სულ გადაიკარგა აქედან უარესი არ მიქნანო.

- ნუთუ ეს ყველაფერი სიმართლეა?!

- პატმა დაიფიცა, ეს ისეთივე სიმართლეა, როგორც ის რომ ჩემი საზომი ზუსტად ერთი იარღიაო (მართლაც ასეა, მართო ერთი დუიმი მოაკლო, რომ ინგლისურ იარღს გატოლებოდა). მერე, როცა იმ ვაცმა დაამთავრა ლაპარაკი, დიდი ყვირილი ატყდა, სახლები თქვიო, და იმანაც პირწმინდად ჩამოთვალა: მორისი, ბიძათქვენნი, ინგლვუდი და კიდევ ვიღაც-ვიღაცები (ენდრუმ ცბიერად შემავლო თვალი). მერე მეორე ზორბა ვაცი წამოდგა, ახ-

ლა სხვა მხრიდან, და თქვა, როგორ შეიძლება, ამ ლაჩრის სიტყვებით ასეთ პატიოსან ხალხს რომ ლანძღავენ და აგინებენო. განა ეგ მორისი არ იყო, ფლანდრიის ჯარიდან[139] რომ გამოიქცაო? მერე თქვა, ალბათ მინისტრმა და იმ მორისმა წინასწარ მოილაპარაკეს, სანამ მორისი ლონდონიდან წავიდოდა და გაჩხრეკის ბრძანება რომ გაიცეს, ფული სადმე სენტ-ჯეიმზის[140] სასახლის მიდამოებში აღმოჩნდებაო. ბოლოს მიაყენეს ეს მორისი, როგორც იტყვიან, კედელთან და უთხრეს, აბა ყველაფერი ჩამოკაკლეო, მაგრამ ისე მიდგენ ჯარიდან გამოქცევაზე, იმდენი ცუდი გაუხსენეს, რაც ცხოვრებაში უთქვამს და ჩაუდენია, რომ პატმა თქვა, საცოდავი, არც ცოცხლებში ეწერა, არც მკვდრებშიო. ისე დამფრთახლა ამდენი ყვირილითა და ლანძღვით, რომ ერთი ამერიანი სიტყვა ვერ უთქვამს. სულელი ყოფილა ეგ ვიდაცა მორისი, თავი კი არა, დამპალი გოგრა მობმია კისერზე. ერთი მე ვყოფილიყავი, ნახავდნენ, როგორ ჩავაგდებინებდი ყველას ენას!

- ბოლოს როგორ დამთავრდა ყველაფერი, ენდრუ? თქვენმა მეგობარმა მოუსწრო ამ საქმის დამთავრებას?

- როგორ არა. პატი უკვე აქეთ აპირებდა წამოსვლას, მაგრამ ერთი კვირა მოიცადა. უნდოდა მუშტრებისათვის ახალი ამბავი ჩამოეტანა. მერე ყველაფერი უკუღმა დატრიალდა: იმ ყმანვილმა, პირველად რომ ატეხა ჩხუბი და ყვირილი, უკან დაიხია: მართალია, სანყალი ვაცი გაძარცვეს, მაგრამ ყველაფერი კარგად არ ახსოვს, რაღაც-რაღაცეებში ცდებაო. მერე მეორე ადგა და თქვა, მე სულ არ მენალვლება, მართლა გაძარცვეს თუ არა მორისი, მე მინდა მემამულეების პატიოსანი სახელი ლაფში არ ამოსვარონ, განსაკუთრებით კი ჩრდილოელებისა, იმიტომ, რომ მეცაო ჩრდილოეთიდან ვარო და არავის დავანებებო იმათ ლანძღვა-გინებასო. ამას თურმე „ახსნა-განმარტებას“ ეძახიან. ჯერ ერთი დათმობს ცოტას, მერე მეორე და ბოლოს ისევ დამეგობრდებიან. მოკლედ, როცა თემთა პარლამენტი მორჩა ქოთქოთსა

და ჭიჭლინს მორისზე და მის ჩემოდანზე, ახლა ლორდების პარლამენტმა ჩაიგდო ხელში ეგ საქმე. ძველებურ შოტლანდიურ პარლამენტში ყველანი მეგობრები იყვნენ და ერთსა და იმავე ნაგავს ორჯერ არ ქექავდნენ. აქ კი ლორდებმა ისე ჩაავლეს კბილები ამ საქმეს, თითქოს ცვრიანი მწვადიყო. სხვათა შორის, იქ ვიღაც კემპბელზე წავიდა ლაპარაკი, ვითომ ისიც გარეულა ამ ყაჩაღობაში და თითქოს ამ კემპბელისათვის არგაილის ჰერცოგს ქალაღლი მიუცია, პატიოსანი და წესიერი ვაციაო. მაკკოლუმ მორი გაცოფებულა და არც არის გასაკვირი. თურმე წამომხტარა და დაუწყია ჩხუბი და ყვირილი, კემპბელები ყველანი პატიოსნები, წესიერები, მამაცები არიან და კეთილშობილებაში სერ ჯონ გრემსაც[141] არ დაუდებენ ტოლსო. აი, ასე თქვა, მაგრამ თქვენ, ბატონო, ნამდვილად იცით, რომ კემპბელებს არსაიდან არ ენათესავებით, თავად მე ამაში დარწმუნებული ვარ, იმიტომ, რომ ჩემს ნათესაობას ძირით-ძირამდე ვიცნობ, ჰოდა თუ იმათი ნათესავი არა ხართ, გულახდილად გეტყვით, რასაც ვფიქრობ კემპბელებზე.

- შეგიძლიათ დარწმუნებული იყოთ, რომ არც ერთ ადამიანთან, რომელიც მაგ გვარს ატარებს, არავითარი ნათესაობა არ მაკავშირებს.

- მაშინ შეგიძლია გულახდილად ვილაპარაკოთ. კემპბელებში, ისევე როგორც ყველა გვარში, კარგებიც არიან და ცუდებიც. მაგრამ მაკკოლუმ მორს ახლა დიდი წონა აქვს ლონდონის დიდკაცებში, იმიტომ, რომ ნაღდად არავინ იცის ვის მხარეზეა და ამის გამო ვერავინ ბედავს მასთან წაჩხუბებას. ასე რომ, თურმე მორისის საჩივარი ცილისწამებად გამოაცხადეს და ისიც, კიდევ კარგი, გიქცა, თორემ ფეხზე ვალაპოტებს ჩამოაცემვდნენ და სამარცხვინო ბოძზე გააკრავდნენ.

ენდრუმ თავისი პალოები, ბარები და თოხები წამოკრიფა და ხელის ურიკაში ჩაყარა. შევატყვე, არ ჩქარობდა, განგებ ითრევ-

და ფეხს, რომ, სანამ იარაღს ფარდულში დააბინავებდა, კიდევ მიმეცა შეკითხვები. გადავწყვიტე, ახლავე მეთქვა, რაც მინდოდა, რომ ამ ცბიერ მებაღეს არ ეფიქრა, დაიბნა და ენა ჩაუვარდაო.

- ენდრუ, მე მინდა ის თქვენი ნათესავი ვნახო და პირადად მისგან მოვისმინო ეს ამბავი. ალბათ გაიგებდით, რა უსიამოვნება შემხვდა იმ სულელი მორისის გამო (ენდრუმ ამ სიტყვაზე მრავალ მნიშვნელოვნად ჩაიღიმა) აი, ამიტომ მინდა, თქვენი ნათესავი ვაჭრის ნახვა, თუ ძალიან არ შეწუხდება. დანვრილებით უნდა გამოვკითხო ყველაფერი.

- ადვილი სამსახურია, - მითხრა ენდრუმ, - ვეტყვი ჩემს ბიძაშვილს, ერთი-ორი წყვილი წინდის ყიდვა უნდათ-მეთქი და მაშინვე აქ დაიბადება.

- ჰო, უთხარი მუშტარია-თქო. მართლაც, მშვენიერი საღამოა. მე აქ, ბაღში ვისეირნებ

სანამ მოხვალთ. მალე მთვარეც ამოგორდება მთებიდან. უკანა ჭიშკრიდან შემოიყვანე. მანამდე კი ამ ბუჩქებსა და ხეების სილამაზით დავტკბები. მთვარის შუქზე ის მოჩანს, თითქოს თრთვილი აყრიას.

- მართალია, მართალს ბრძანებთ. მე სულ მაგას ვამბობ. მიწამხალა და ყვავილოვანი კომბოსტო მთვარეზე ისე ბრწყინავს, რომ ბრილიანტებიანი ქალბატონები გეგონება.

ენდრუ გახარებული გაეშურა ვაჭართან. საკმაო მანძილი - ორი მილი ჰქონდა გასავლელი, მაგრამ ეს არაფრად ჩაუგდია. უნდოდა ნათესავს საწვრილმანოს გაყიდვაში დახმარებოდა, თუმცა დარწმუნებული ვარ ექვსიოდე პენსაც არ გაიმეტებდა, რომ ერთი კათხა ლუდი დაეღვევინებინა. „ინგლისელი კი პირიქით მოიქცეოდა“, - გავიფიქრე მე და ხავერდოვანი მოლით დაფარული ბილიკებზე დავინყე სეირნობა. ეს ბილიკები ყოველმხრივ სერავდა ურთხელისა და ჭყორის ცოცხალი ღობით შემოკავებულ ოსბალდისტონ-ჰოლის ძველთა უძველეს ბაღს.

ბაღს სახლის მეორე მხარე სართულზე მოთავსებული ბიბლიოთეკის პატარ-პატარა ფანჯრები გადაჰყურებდა. როცა ბილიკის ბოლომდე მივდი და შემოვბრუნდი, ამ ფანჯრებს ავხედე. ფანჯრებიდან სინათლე გამოდიოდა. ეს სულაც არ გამკვირვებია, რადგან ვიცოდი, რომ მის ვერნონი საღამოობით ხშირად რჩებოდა ბიბლიოთეკაში. არ მინდოდა ხალხი ამელაპარაკებინა და აღთქმა დავდე, დაბინდების შემდეგ ფეხი არ შემედგა ბიბლიოთეკაში. დღე კი ერთად ვისხედით და ვმეცადინეობდით, მაგრამ ხან ერთი ბიძაშვილი შემოგვიღებდა კარს, ხან მეორე. ისინი ან პერგამენტის ფურცლებს ეძებდნენ ანკესის ტივტივასათვის და სულ არ დაგიღევდნენ, რომ პერგამენტი ოქროს მეღნით იყო დანერილი და მოხატული, ან ნადირობის ამბებს გვიყვებოდნენ, ანდა ისე, დროის მოსაკლავად ჩამოგვისხდებოდნენ ხოლმე გვერდით. ერთი სიტყვით, დღე ბიბლიოთეკა საერთო ოთახად იყო ქცეული და იქ ქალსაც შეეძლო ყოფნა და კაცსაც. საღამოს კი ქალისა და კაცის განმარტოება უხერხულად ითვლებოდა. თვითონ მის ვერნონი დიდად არ დაგიღევდათ ხალხის მითქმამოთქმას, მაგრამ მე ისეთ ქვეყანაში ვიყავი გაზრდილი, სადაც bienséance[142]-ს დიდ ყურადღებას აქცევდნენ და ერთხელ, რაც შეიძლება დიდი მორიდებით ვუთხარი, კარგი იქნება თუ საღამოს გაკვეთილებზე ვინმე დაგვესწრება-მეთქი.

მის ვერნონმა ჯერ გაიცინა, შემდეგ სახე შეეფაკლა, ეტყობა, ძალიან გაბრაზდა, მაგრამ თავი შეიკავა და მითხრა.

- სავსებით მართალი ხართ. როცა საღამოობით საჩქარო სამუშაო გვექნება, მართას მოვიპატიჟებ ხოლმე ჩაიზე. მაშინ ველარავინ იფიქრებს ჩვენზე ცუდს.

ჩვენი მოხუცი მეკუჭნავე მართა, ოსბალდისტონ-ჰოლის მუდმივი ბინადარი იყო და ერთი კათხა ლუდი და კარგი საუბმე ყველანაირ ჩაის ერჩივნა, მაგრამ იმ დროს ჩაი იშვიათი ხილი იყო და მართას ეამაყებოდა, რომ ბატონების სასმელს მიირთმევდა.

ჩაიზე უფრო მართას ტკბილი შაქარი, კიდევ უფრო ტკბილი სიტყვები და კარაქნასმული ხმიადები მოსწონდა და ამიტომ, როცა დავპატიჟებდით, სიამოვნებით მოდიოდა სტუმრად ბიბლიოთეკაში. ისე კი, მსახურები, დაბინდების შემდეგ, ბიბლიოთეკაში ფეხის შედგმას ვერ ბედავდნენ - ისინი დარწმუნებულნი იყვნენ, რომ იქაურობა მოჩვენებებით იყო სავსე. უფრო მხდალები ამტკიცებდნენ, საღამოობით ბიბლიოთეკიდან რაღაც ხმები ისმისო. კი არა, თუ აუცილებელი საქმე არა ჰქონდათ, ჩემი ბიძაშვილებიც ვერ შემოდოდნენ მზის ჩასვლის შემდეგ.

ამას ისიც ემატებოდა, რომ ბიბლიოთეკა წინათ რეშლის სამფლობელო იყო. იქიდან პირდაპირ გადიოდა გრძელი და მიხვეულ-მოხვეული დერეფანი რეშლის ოთახში. ჩემმა უმცროსმა ბიძაშვილმა მთელი მსოფლიოს ამბები იცოდა, კარგად იყო განსწავლული ყველა მეცნიერებაში, დროდადრო ფიზიკურ ცდებს ატარებდა ბიბლიოთეკაში და ოსბალდისტონ-ჰოლის ბნელსა და უბირ მაცხოვრებლებსაც ხომ მეტი არ უნდოდათ - ისინი ღრმად იყვნენ დარწმუნებულები, რომ რეშლი სულების სამყაროს მბრძანებელი იყო. იგი შესანიშნავად ფლობდა ბერძნულს, ლათინურსა და ძველ ებრაულ ენებს. მის ძმას უილფრედს სწამდა, რომ ეშმაკები, ჭინკები და მოჩვენებები რეშლის ვერაფერს დააკლებდნენ. კიდევ მეტს გეტყვი. მსახურები ირწმუნებოდნენ, ჩვენი ყურით მოგვისმენია, რომ რეშლი ბიბლიოთეკაში ვიდაცას ესაუბრებოდა, როცა სასახლეში ყველას ეძინათ, რომ იგი თითქოს ღამღამობით აჩრდილებს დარაჯობდა, დილით კი, იმის მაგივრად, რომ სხვა ჭეშმარიტი ოსბალდისტონივით სანადიროდ წასულიყო, იწვა და მაგრად ეძინა.

ეს უსაფუძვლო ჭორები ჩემთვის დალაგებით არავის უთქვამს - თვითონ უნდა გამომეტანა დასკვნა თითო-ორი გადაკრული სიტყვიდან. მე, რასაკვირველია, მეცინებოდა, როცა ამ აბდაუბდას ვუსმენდი, მაგრამ ამ მითქმა-მოთქმამ კიდევ უფრო განამ-

ტკიცა ჩემი გადანწყვეტილება, ხალხი არ ამელაპარაკებინა და სა-
ღამოობით, როცა მის ვერნონი ბიბლიოთეკაში განმარტოვდებო-
და, იქურობას არ გავკარებოდი.

ყოველივე ამის შემდეგ რაც ზემოთ მოგახსენე, რა თმა უნდა,
სულ არ გამკვირვებია, როცა ბიბლიოთეკაში შუქი დავინახე, მაგ-
რამ მეორედ რომ შევაავლე თვალი ფანჯარას, საკმაოდ შევცბუნ-
დი: იმ ოთახში, ორი ადამიანი სეირნობდა. აი, მათ ფანჯარას ჩაუ-
არეს და წამით შუქს აეფარნენ. ფანჯარაში აშკარად გამოიკვეთა
ორი სულუეტი. „ალბათ მოხუცი მართაა, - გავიფიქრე მე. - დიანა
სთხოვდა, საღამო ჩემთან ერთად გაატარეო. ან იქნებ შევცდი და
დიანას ჩრდილი მეორე ადამიანად მომეჩვენა. არა, ღმერთმანი,
არა ვცდები. აი, გაუჩინარდნენ და ახლა მეორე ფანჯარაში გა-
მოჩნდნენ, შემეგ მესამეში, მეოთხეში... ნეტავი ვინ არის დიანა
ვერნონთან?“ ისინი უკან გამობრუნდნენ, მერე კიდევ ერთხელ
ჩაუარეს ოთხივე ფანჯარას, თითქოს უნდოდათ დავერწმუნებინე,
რომ მხედველობა არ მატყუებდა. მერე შუქი ჩაქრა და სილუეტე-
ბი გაუჩინარდნენ.

ამ უმნიშვნელო ამბავმა საკმაოდ დამაფიქრა. რა თქმა უნდა,
წამით არ მიფიქრია, რომ მის ვერნონს ანგარება ამოდრავებდა,
როცა მეგობრობა შემომთავაზა, მაგრამ ამ შემთხვევამ ძალზე
მატკინა გული; როგორ დაუნიშნა ვილაცას პაემანი ასე გვიან, თა-
ნაც ბიბლიოთეკაში, სადაც მე თვითონაც მეუხერხულეობდა შეს-
ვლა ამ დროს, სახელი არ გავუტეხო-მეთქი. განა თვითონვე არ
განვუმარტე დიანას, თუ რატომ არ შეიძლებოდა ჩვენი ერთად
ყოფნა დაბინდების შემდეგ ამ განმარტოებულ დარბაზში? ძალი-
ან გამიჭირდა ამის თქმა, მაგრამ მაინც ვუთხარი რადგან არ მინ-
დოდა, მისი სახელს ჩირქი მოსცხებოდა!

„ერთი ამ სულელს დამიხედეთ! - გავიფიქრე მე, - ეგ ახტაჯანა
ევა! არა, მაგის საშველი არ იქნება, რას ვარიგებ ჭკუას, რას ვე-
ბოდიშები?! როგორ მომატყუა დიანას უბრალო და თავისუფალ-

მა ქცევამ?! როგორ ვე მივხვდი, რომ მოდას იყო აყოლილი და ამ ქცევით ისე იწონებდა თავს, როგორც ახალი ქუდით ან ყელსაბამით?! ხომ ძალიან ჭკვიანი და განათლებულია, მაგრამ დარწმუნებული ვარ, არიოსტო რომ გაცოცხლდეს, იმასთან საუბარს მაინც ჩემი ყველა ბიძაშვილების ჯამბაზობისა და მასხარობის ცქერას ამჯობინებს! „

არიოსტო შემთხვევით როდი გამახსენდა: იმ დილით მხნეობა მოვიკრიბე და დიანას ვუთხარი, ამაღამ არიოსტოს პირველი წიგნის თარგმანი მინდა წაგიკითხოთ, ბიბლიოთეკაში მართა მოიწვიეთ-მეთქი. მის ვერნონმა დღეს დრო არა მაქვსო, მითხრა და უდროობის მიზეზიც დამისახელა. ის მიზეზი ახლა ყურით მოთრეული მეჩვენა. ამ უსიამოვნო ფიქრებში რომ ვიყავი, ჭიშკარი გაიღო და ბაღში ორი კაცი შემოვიდა. ერთი ენდრუ გახლდათ, მეორე, ზურგზე ბოხჩა რომ ჰქონდა წამოკიდებული და წელში მოხრილი მიდიოდა, ენდრუს ნათესავი მენვრილმანე უნდა ყოფილიყო. მათ მთვარის შუქით განათებული ხეივანი გადმოჭრეს და მომიახლოვდნენ. ასე რომ, იძულებული გავხდი იმ ამოცანის ამოხსნა სხვა დროისთვის გადამედო.

მისტრ მაკრედი ჯმუხი, საზრიანი და შორსმჭვრეტელი შოტლანდიელი გამოდგა. ეს მენვრილმანე, რატომღაც, სწორედ ასეთად მყავდა წარმოდგენილი. ეტყობოდა, თვითონაც ეხალისებოდა ახალი ამბების მოგროვება და ხელობაც ისეთი ჰქონდა, რომ ამას ადვილად ახერხებდა. მან მოკლედ და საქმიანად მიამბო ყველაფერი, რას თემთა და ლორდთა პალატაში ითქვა მორისის საქმესთან დაკავშირებით. როგორც ჩანს, ეს შემთხვევა ორივე პარტიამ პარლამენტის განწყობილების შესასწავლად გამოიყენა. ენდრუს მონაცოლიდან დავასკვნენი და მერე მაკრედიმაც დამიდასტურა, რომ სამინისტროს ძალა არ იყო, დაეცვა ბრალდება, რომელიც ჩირქს სცხებდა ცნობილ და გავლენიან პიროვნებებს. მით უმეტეს, რომ ეს ბრალდება დაფუძნებული იყო ისეთი საეჭვო

სახელის მქონე ადამიანის ჩვენებაზე, როგორც მორისი იყო. მხედველობაში ისიც უნდა იქნას მიღებული, რომ მორისი ძალზე დაბნეული პასუხობდა შეკითხვებზე.

მაკრედიმ ჟურნალ „ახალი ამბების“ ის ეგზემპლარიც მომცა, რომელშიც პარლამენტში გამართული კამათის ანგარიში იყო გამოქვეყნებული. ეს ჟურნალი მეტად ძნელი საშოვნელი იყო პროვინციებში. მანვე მაჩუქა ჰეცოგ არგაილის სიტყვა, რომელიც ცალკე ფურცლებად დაებეჭდათ. მაკრედის ბლომად შევიძინა ეს ფურცლები მეგაბეთეებისაგან - ტვიდის[143] გადაღმა კარგი გასავალი ექნებაო. ჟურნალში მეტისმეტად შემოკლებულად იყო მოცემული კამათის ანგარიში. გამოტოვებული ადგილები მრავალწერტილებით შეევსოთ. მე თითქმის ყველაფერი ვიცოდი მაკრედის ნაამბობიდან. ჰერცოგის გულწრფელი, მგზნებარე, მჭერმეტყველური სიტყვა კი საკუთარი სამშობლოს, გვარისა და კლანის ქებათა-ქებას წარმოადგენდა. აქვე თავსაც იქებდა ასევე გულწრფელად, ოღონდ უფრო ნაკლებად მგზნებარე ფრაზებით. ვერ მივხვდი, მეც გამკრეს ბრჭყალი თუ არა, მაგრამ ოსბალდისტონების გვარი კი საკმაოდ ამოესვარათ ტალახში. მორისის სიტყვით, ერთ-ერთი თავდამსხმელი და ალბათ მეთაური, გვარად კემპბელი, მონმედ დაუდგა ვინმე ოსბალდისტოს, მოსამართლემაც მხარი აუბა და დამნაშავე გაანთავისუფლა. ჩემი და მორისის აზრი კემპბელის შესახებ ერთმანეთს ემთხვეოდა. ეს ეჭვი მაშინ გამიჩნდა, როცა კემპბელმა მოსამართლე ინგლვუდის ოთახის კარი შემოაღო.

ამ ცნობებმა ძალიან შემანუხა და დამაფრთხო. მაკრედისაგან ორიოდე წვრილმანი შევიძინე, ფერსერვისს მადლობა გადავუხადე, ორივეს დავემშვიდობე და ჩემი ოთახისაკენ გავეშურე - მინდოდა კარგად მომეფიქრებინა, თუ რა ღონე მეხმარა ასე საჯაროდ შებღალული სახელის აღსადგენად.

თავი XV

ვინ ხარ, გვაუწყე. საიდან მოხვალ?

მილტონი

ის ღამე ფიქრსა და განსჯაში გავათენე. ჯერ მინდოდა დაუყოვნებლივ დავბრუნებულიყავი ლონდონში და ამით გამექარწყლებინა ის საშინელი ბრალდება (ხალხი იტყოდა, მართლა დამნაშავე რომ იყოს, ასე აშკარად ვერ გაბედავდა ლონდონში ჩამოსვლასო). მერე გადავიფიქრე - მამა გამიბრაზდება-მეთქი. კარგად მქონდა შესწავლილი მისი ხასიათი და ვიცოდი, რომ ბრძანების დარღვევას არ მაჰპატიებდა. ისე კი ამ საქმეში მამაჩემზე უკეთ ვერავინ დამეხმარებოდა: იგი ჭკვიანი და გამოცდილი კაცი იყო, ბევრს გავლენიან ვიგს იცნობდა და მათი შემწეობით ადვილად შეიძლებოდა საჭირო ხალხი ენახა და დამხმარებოდა. ბოლოს ყველაფერი კარგად ავწონ-დავწონე და ვამჯობინე დანვრილებით მიმეწერა ჩემი თავგადასავალი მამაჩემისათვის. რადგან ოსბალდისტონ-ჰოლში იშვიათად მოდიოდნენ წერილების წასაღებად, გადავწყვიტე მახლობელ ქალაქში წავსულიყავი ცხენით (მანძილი სულ ათიოდე მილი იქნებოდა) და ჩემი ხელით ჩამებარებინა წერილი ფოსტის მოხელისათვის.

ერთ რამ საკმაოდ უცნაურად მეჩვენებოდა: აი, უკვე რამდენიმე კვირა იყო გასული, რაც ლონდონიდან წამოვედი და ჯერ არც მამაჩემისგან მიმიღია წერილი, არც ოუენისგან. რეშლის გამოგზავნილი წერილი კი დაუგვიანებლად მივიღეთ (გვატყობინებდა

მშვიდობით ჩამოვედი ლონდონში და ბიძაჩემიც ძალიან კარგად შემხვდაო). ეს ამბავი ძალიან მანუხებდა: მართალია, დამნაშავე ვიყავი მამაჩემის თვალში, მაგრამ განა ასე უნდა ამოვერეცხე გულიდან? თუმცა, იმედი მთლიანად არ მქონდა გადანწყვეტილი, ვფიქრობდი, იქნებ გამოგზავნა და ჯერ არ მომიტანეს. აი, ჩავალ ქალაქში და გამოვართმევ-მეთქი.

წერილი შევადგინე. ბოლოში, როცა მორისის ამბავი დავამთავრე, მივანერე, გულით მინდა და ღრმად ვარ დარწმუნებული, მამაჩემი ორიოდე სტრიქონის მონერას არ დაიზარებს, თუნდაც მხოლოდ იმიტომ, რომ მისი რჩევა-დარიგების გარეშე მე, ცხოვრებაში გამოუცდელი ახალგაზრდა, ამ რთულ საქმეს თავს ვერ გავართმევ-მეთქი. ლონდონში სამუდამოდ დაბრუნებაზე სიტყვა არ დამიძრავს, რადგან არცა მქონდა სურვილი. თავს ვიტყუებდი, მამის მორჩილი ვარ და იმიტომ არ მინდა ოსბალდისტონ-ჰოლის დატოვება-მეთქი. ეჭვი არ მეპარება, რომ მამაჩემიც ასე ფიქრობდა. მხოლოდ დროებით მინდოდა ჩავსულიყავი ლინდონში, რომ ამით გამექარწყლებინა ის ბოროტი ბრალდება. საკმაოდ უცნაური წერილი ვი გამოვიდა: გულახდილად ვყვებოდი ყველაფერს, ვცდილობდი, თავი გამემართლებინა და ამავე დროს იმ ადგილის დატოვებას არ ვაპირებდი, სადაც ასეთ უსიამოვნება შემხვდა. კონვერტი დავბეჭდე,

ქალაქში წავიღე და ფისტას ჩავაბარე. ფოსტაში ჩემი მეგობრის, მისტერ ოუენის წერილი დამხვდა (ამ წერილს მალე გადმოაგზავნიდნენ ოსბალდისტონ-ჰოლში). აი მისი შინაარსიც:

ძვირფასო მისტერ ფრენსის!

გავეცანი თქვენს წერილს, რომელიც მისტერ რ. ოსბალდისტონის ხელით გადმომიგზავნეთ. გავუწევ მისტერ რ. ო-ს ყოველგვარ დახმარებას ჩემი შესაძლებლობის ფარგლებში. უკვე ვაჩვენე ბანკი და საბაჟო. ჩემი აზრით, ფხიზელი და საბრიანი ჭაბუკია.

საქმეს მონდომებით ეკიდება. ნეტავი ყველა ასეთი მონდომებული ყოფილიყო, მაგრამ რა გაენწყობა, ყველაფერი ღვთის ნებაა. ვფიქრობ, ნაღდი ფული შემოგვლევოდათ და ნუ გენწყინებათ, რომ ასი გირვანქის თამასუქს გიგზავნით. თამასუქი ნიუკასტლელი ბატონების ჰუპერისა და გირდერის სახელზეა და წარდგენიდან ექვსი დღის ვადაში უნდა გაანაღდონ. ვიმედოვნებ არ დაგიგვიანებენ.

დავშთები, ძვირფასო მისტერ ფრენკ, მარად თქვენი პატივისმცემელი და მორჩილი მსახური.

ჯოზეფ ოუენი.

Post scriptum იმედია, მამცნობთ ამ წერილის მიღებას. ძალზე მანუხებს, რომ ასე ცოტას გვატყობინებთ თქვენს შესახებ. მამათქვენი ამბობს, ძველებურად ვარო, მაგრამ ცუდად გამოიყურება.“

მე გამიკვირდა, რომ ძველი მოხელის ამ მშრალ, მაგრამ საქმიან ეპისტოლეში ერთი სიტყვითაც არ იყო ნახსენები საიდუმლო წერილი, რომლითაც ოუენს რეშლის ნამდვილ ბუნებას ვაცნობდი. ჩემი ვარაუდით ვარგა ხნის წინ უნდა მიეღო იგი. იგი ყველა წესის დაცვით გავუგზავნე ციხე-დარბაზიდან და არ უნდა დაკარგულიყო. რადგან ის წერილი ფრიად დიდი მნიშვნელობისა იყო ჩემთვისაც და მამაჩემისთვისაც. იქვე ფოსტაში დავჭექე და ხელახლა მივწერე ოუენს ყველაფერი, თანაც ვთხოვე როგორც კი მიიღებდა, ეცნობებინა. მივწერე აგრეთვე, რომ თამასუქი მივიღე და, როცა ფული დამჭირდებოდა გავანაღდედი. კი გამიკვირდა, რომ მამაჩემმა თავის მოხელეს მიანდო ჩემზე ბრუნვა, მაგრამ მერე ვიფიქრე, ალბათ მოითათბირეს და ასე ამჯობინეს, ან იქნებ ოუენმა საკუთარი ფული გამომიგზავნა-მეთქი. მაინცდამაინც არ შევწუხებულვარ: ოუენი უცოლშვილო, საკმაოდ შეძლებული კაცი

იყო და მეც ძალიან ვუყვარდი. ასე რომ, უყოყმანოდ მივიღე ეს მცირე თანხა და გადავწყვიტე, თუ მამაჩემის გამოგზავნილი არ იყო, ვალად ჩამეთვალა და პირველივე შესაძლებლობისთანავე დამებრუნებინა (ოუენს ესეც მივწერე). ფოსტის უფროსმა ერთ იქაურ ვაჭართან გამგზავნა და იმანაც უყოყმანოდ გამინაღდა ბ-ნ ჰუპერისა და ბ-ნ გირდერის სახელზე გაცემული თამასუქი. ასე რომ, ოსბალდისტონ-ჰოლში გამდიდრებული დავბრუნდი. ფინანსური მდგომარეობის გაუმჯობესება საკმაოდ მესიამოვნა, როდესაც ოსბალდისტონ-ჰოლში ხანდახან დიდი ხარჯი მქონდა და უკვე საკმაოდ ვწუხდი, რომ ლონდონიდან ჩამოყოლილი თანხა თვალ და ხელ შუა მიდნებოდა. ახლა კი შემეძლო ერთხანს ფულზე აღარ მეფიქრა.

ციხე-დარბაზში მასპინძლები არ დამხვედრიან. ენდრუმ მითხრა, სერ ჰილდებრანდი მთელი თავისი შთამომავლობით ერთ პატარა სოფელში, თრინლენოუში წავიდა, უნდა უყურონ, როგორ ამოკორტნის ერთი გადარეული მამალი მეორე დამთხვეულ მამალს ტვინსა და თვალებსო.

- მართლაც მხეცური გასართობია, ენდრუ. ალბათ შოტლანდიაში მამლების ჩხუბს არ აწყობენ, არა?

- რა თქმა უნდა, არა! - დაბეჭითებით მომიგო ენდრუმ, მაგრამ მერე თვალი ამარიდა და ჩაიდუღუნა, - აი, ხანდახან ყველიერში ან სხვა დღესასწაულებზე თუ მოაწყობენ. ისე კი ახია, არც უნდა შეიცოდო ეგ წყეულები, ისე აჩანაგებენ ბალ-ბოსტანს; ვერც ცერცვს იპატიებ და იმათგან და ვერც მუხუდოს. მაგრამ მე ის მიკვირს, რად არის, აი, იმ კომპის კარი ღია? ახლა მისტერ რეშლი ხომ წასულია და სხვას ვის უნდა გაეღო?

იმ კარით რეშლის ბინა ბაღს უკავშირდებოდა. კარამდე რკინის ხვეული კიბით უნდა ასულიყავი. რეშლის ბინა, როგორც გვიტოვებდა, ციხე-დარბაზის განცალკევებულ მხარეს იყო მოთავსებული. ბინა ერთი საგანგებო გასასვლელით ბიბლიოთე-

ვას უკავშირდებოდა, ვინრო და მიხვეულ-მოხვეული დერეფნებით კი დანარჩენ ოთახებს. კოშკიდან ვინრო, მოლით დაფარული ურთხელის ხეივნით შეგეძლოთ ბალის კედელში ჩატანებულ პატარა კართან მისულიყავით. რეშლი თავის ნებაზე ცხოვრობდა და ამ გზებით შეუმჩნევლად შეედლო ციხე-დარბაზის ყველა კუნჭულში მისვლა. ასევე შეუმჩნევლად გადიოდა ოსბალდისტონ-ჰოლიდან იმ ვინრო ხეივნით, რა დროსაც მოენებებოდა. რეშლის წასვლის შემდეგ, ხვეული კიბითა და კოშკის კარით არავინ სარგებლობდა, ამიტომ, ენდრუს შენიშვნამ შემადიქრიანა.

- სხვა დროსაც შეგინიშნავთ, რომ კარი ღია იყო? - ვკითხე ენდრუს.

- რო ვთქვა, ხშირად, ტყუილი იქნება, ერთი-ორჯერ კი მართლა იყო ღია. ვიფიქრე, მღვდელი იქნება, მამა ვოგანი-მეთქი. ეგრე არ ეტყვიან იმ მღვდელს? მსახურებიდან კეტით ვერ აიყვან ვერავის კიბეზე. ურჯულოები არიან, ეგ საცოდავები და სული ეპარებათ ეშმაკების, ქაჯებისა და ათასნაირი იმ ქვეყნიური უნმინდურების გახსენებაზე. მამა ვოგანს კი დიდი ვინმე ჰგონია თავი. ამბობს, ეშმაკი რას დამაკლებსო. ვისაც უნდა სანაძლეოს დავუღებ, რომ ჩვენი სულ უკანასკნელი უმრევლო მღვდელი ორჯერ უფრო სწრაფად გააგდებს მოჩვენებას, ვიდრე ეგ ვილაც ვოგანი. მაგას ჰგონია, ნაკურთხი წყალი და თავისი ლოცვანები უშველის! მგონი, ლათინურიც არ იცის კარგად. არ ვიცი, მცენარეების ლათინურ სახელებს რომ ვეუბნები ვერ კი მიგებს და!

მამა ვოგანზე, რომელიც თავის დროსა და სულიერ საზრდოს ოსბალდისტონ-ჰოლის გარდა ახლომახლო მოსახლე ექვსიოდე კათოლიკე-აზნაურის ოჯახს უნაწილებდა, აქამდე არაფერი მითქვამს, რადგან სულ ერთი-ორჯერ მყავდა ნანახი. ასაკით სამოციოდე წლისა იქნებოდა. ჩრდილოეთის მკვიდრი გახლდათ, თანაც, როგორც მითხრეს, კარგი ოჯახიდან ყოფილა. მამა ვოგანი წარმოსადეგი და შთამბეჭდავი გარეგნობით გამოირჩეოდა და

ნორთუმბერლენდის კათოლიკეთა დიდი პატივისცემით სარგებლობდა, რადგან სამართლიან და კეთილშობილ ადამიანად იცნობდნენ. მამა ვოგანი პირწავარდნილი კათოლიკე გახლდათ. მისი ქცევა და გარეგნობა იდუმალებით იყო მოსილი და პროტესტანტები ამას მისი იეზუიტობიით ხსნიდნენ. ოსბალდისტონ-ჰოლის მცხოვრებლები რიდითა და კრძალვით ექცეოდნენ მოძღვარს, მაგრამ სიყვარულით არ უყვარდათ. როცა მამა ვოგანი ციხე-დარბაზს ესტუმრებოდა, მასპინძლები სმასა და ღრეობას უკლებდნენ. თვით სერ ჰილდებრანდიც კი ცდილობდა თავი შეეკავებინა ლოთობისაგან. ასე რომ, მოძღვრის სტუმრობისას ოსბალდისტონ-ჰოლში მონყენილობა დაისადგურებდა ხოლმე.

კათოლიკე, განსაკუთრებით ინგლისში მცხოვრები, მკაცრი კანონების არტახებით არის შებოჭილი და სექტაც ათასნაირად ზღუდავს მის ქცევას. ამიტომ პროტესტანტებში რომ მოხვდება, მეტისმეტად ფრთხილად, მორიდებულად იქცევა და ყოველ სიტყვას ზომავს და წონის. კათოლიკე მღვდელს კი სექტა უფლებას აძლევს, ყველა რწმენის ხალხთან იქონიოს ურთიერთობა. მას ყველგან თამამად უჭირავს თავი და ხანდახან თავისუფლად გამოთქვამს ისეთ აზრს, რასაც თავისი მრევლის წევრს არ აპატიებდა. კათოლიკე მღვდლები ძალზე დახვეწილი გზებით ცდილობენ პოპულარულობის მოპოვებას და ხშირად აღწევენ კიდევ მიზანს. მამა ვოგანიც ასეთი გახლდათ: თავაზიანი და შემპარავი საუბარი იცოდა და, თუ დასჭირდებოდა, პირფერობასაც კადრულობდა. იგი რეშლის მეგობარი იყო (უამისოდ, ალბათ ასე ვერ მოიკიდებდა ფეხს ოსბალდისტონ-ჰოლში). ამიტომ, სულ არ მქონდა სურვილი დავახლოვებოდი. თვითონაც დიდად არ ცდილობდა ჩემთან დამეგობრებას და ჩვენი ურთიერთობა ჩვეულებრივი თავაზიანობის ფარგლებს არ სცილდებოდა. ახლა სულ არ გამკვირვებია, რომ რეშლის კოშკის კარი ღია იყო. როცა მამა ვოგანი ციხე-დარბაზს ესტუმრებოდა, რეშლის ერთ-ერთ ოთახში

ბინავდებოდა და ხანდახან ბიბლიოთეკითაც სარგებლობდა. შესაძლებელია წუხელაც ესტუმრა ბიბლიოთეკას. ცხადია სანთელსაც აანთებდა. ამ დროს, უნებლიეთ, ისიც გამახსენდა, რომ მის ვერნონისა და მამა ვოგანის ურთიერთობას რაღაც იდუმალების იერი გადაჰკრავდა. დიანამ მხოლოდ ერთხელ, პირველ დღეებში ახსენა ჩემთან მისი სახელი: ამ ციხე-დარბაზში მხოლოდ რემლისთან და მოხუც მღვდელთან შეიძლება საუბარიო. ამის შემდეგ თუმცა სიტყვა არ დაუძრავს მამა ვოგანზე, ვამჩნევდი, რომ მისი მოსვლა აფორიაქებდა. ერთი-ორჯერ შევნიშნე, თვალით რაღაც ანიშნა მღვდელს. აშკარა იყო, მამა ვოგანმაც იცოდა ის საიდუმლო, რომლითაც ამ უნაკლო, მშვენიერი გოგონას ცხოვრება იყო მოცული. შესაძლებელია, სწორედ ეს მღვდელი იყო დანიშნული დიანასათვის გამოტანილი განაჩენის შესასრულებლად: მას უნდა გამოეკეტა მონასტერში, თუ მის ვერნონი უარს იტყოდა სერ ჰილდებრანდის რძლობაზე. თუ ეს ვარაუდი სწორი იყო, მაშინ გასაგებია, რატომ აღელვებდა ქალიშვილს მღვდლის გამოჩენა და ისიც გასაგები ხდებოდა, თუ რატომ არ ხვდებოდნენ ერთმანეთს უფრო ხშირად: მათ მხოლოდ ეს საკითხი აკავშირებდათ და სალაპარაკოც ბევრი არაფერი ჰქონდათ - უსიტყვოდაც ესმოდათ ერთმანეთისა. მერე გამახსენდა, რომ ამას წინათ დიანამ რაღაცა ანიშნა მღვდელს. მაშინ ვიფიქრე, ეს კათოლიკე მღვდლები ათასნაირი ხერხით უბნელებენ გონებას თავიანთ მრევლს. ალბათ დიანას რაიმე რიტუალის შესრულება დაავალა და ანიშნებს შევასრულეო. მაშინ ასე ვიფიქრე, მაგრამ ახლა ეჭვი შემეპარა - აქ რაღაც უფრო ღრმა საიდუმლო იფარება-მეთქი. იქნებ მის ვერნონი ფარულად ხვდება მამა ვოგანს ბიბლიოთეკაში? თუ ხვდება რაზე საუბრობენ? ან რატომ დაუახლოვდა ასე ჩემი ვერაგი ბიძაშვილის მეგობარს? დიდხანს ვინვალე, მაგრამ ეს ამოცანა ვერ იქნა და ვერ ამოვხსენი. ბოლო ხანებში ვამჩნევდი, რომ დიანა ვერნონი ჩემთვის მეგობარზე მეტი იყო. უკვე ვეჭვია-

ნობდი ამ ბრიყვ თორნკლიფზე და თავს ძლივს ვიკავებდი, როცა ცდილობდა გავეღიზიანებინე და საჩხუბრად გამოვეწვიე. სიფხიზლე და კეთილგონიერება კი მოითხოვდა, თავი არ გამეტოლებინა მისთვის და უხეშობაზე სიმშვიდით მეპასუხა: ვგრძნობდი, რომ ფხიზლად ვუთვალთვალე მის ვერნონის ყოველ ნაბიჯს და თან თავს ვიტყუებდი, ყველაფერი ცნობისმოყვარეობის ბრალია-მეთქი. ყოველივე ეს იმის ნიშანი იყო, რომ ჩემს ნორჩ გულს სიყვარული ეწვია (ხომ გახსოვს, შეყვარებული ბენედიქტი დილიდანვე რომ იწყებდა შლაპის წმენდას). დიახ, შეყვარებული ვიყავი, მაგრამ თავს არ ვუტყდებოდი, მოგზაურებს რომ დააბნევს და მერე დაჟინებით ამტკიცებს, როგორ შეიძლება გზა ამრეოდაო, არადა არ მინდოდა მეღიარებინა, რომ ქედი მოვიხარე ამ სულელური გრძნობის წინაშე!

თავი XVI

ერთხელ, შუადღისას, ჩემი ნავისაკენ რომ მივდიოდი, დიდად გავოცდი - ქვიშაზე მკაფიოდ იყო აღბეჭდილი ადამიანის შიშველი ფეხის ნაკვალევი.

„რობიზონ კრუზო“

მის ვერნონის ასეთმა ქცევამ ეჭვი და ცნობისმოყვარეობა გამოიღვიძა და ისე გაფაციცებით დავუწყე თვალთვალი მის ყოველ ნაბიჯს, რომ შემამჩნია კიდევ. დიანა ძალზე შეაწუხა და გაანანყენა ამან. ხანდახან თითქოს საბაბსაც ეძებდა, რომ სამაგიერო გადაეხადა ასეთი მდაბალი საქციელისათვის. მან ხომ გულახდილად მითხრა, საფრთხე მემუქრება, მაგრამ თვალთვალს ნუ დამინწყებო. ვატყობდი, რომ უნდოდა ერთხელ და სამუდამოდ მომლაპარაკებოდა ამ საქმეზე, მაგრამ ან სითამამე არ ყოფნიდა, ან რაღაც სხვა გრძნობა აჩერებდა. ენაზე საყვედური უტრიალებდა, მაგრამ თავს იკავებდა და მოსწრებული სიტყვით იქარვებდა დარდს. უცნაური ვითარება შეიქმნა: უერთმანეთოდ ვერა ვძლებდით, თითქმის სულ ერთად ვიყავით, მაგრამ ერთმანეთს გულს არ ვუხსნიდით, ვეჭვიანობდით, სულ მცირე რამეზე ვიბუტებოდით და ერთმანეთს არ ვენდობოდით. აქ იყო უიმედო და უმიზნო სიყვარული, უსაფუძვლო ეჭვი, შეშფოთება, წუხილი, ზოგჯერ წყენაცა და გულის გატეხვაც. მაგრამ ღრმად ვარ დარწმუნებული, რომ ეს ვნებათა ღელვა და ათასი

წვრილმანი, რომელიც გვანუხებდა და გვაფორიაქებდა, გვაიძულებდა (ასეთია ადამიანის ბუნება) მე და მის ვერნონს, მუდამ ერთმანეთზე გვეფიქრა, ეს კი კიდევ უფრო აახლოვებდა ჩვენ გულებს. თუმცა მალევე მოხვდა, რომ ჩემმა გამოჩენამ დიანას კიდევ უფრო შეიძულა მონასტერი (და იმით ვამაყობდი კიდევც), მაგრამ ბოლომდე მაინც არ ვიყავი დარწმუნებული იმის სიყვარულშიც მეგონა, ბედს დამორჩილდა და ამ გრძნობას აღარ გაუღებს გულის კარებს-მეთქი. მის ვერნონს მტკიცე ხასიათი ჰქონდა და მოვალეობასა და კეთილგონიერებას გრძნობაზე მაღლა აყენებდა. ერთ-ერთ საუბრიდან დავასკვნენი, რომ არა ვცდებოდი.

ერთხელ ბიბლიოთეკაში ვისხედით. მის ვერნონმა ჩემ ჩამოტანილ წიგნს „Orlando Furioso“-ს დაუნყო ფურცვლა. წიგნიდან ხელნაწერი ქაღალდი გადმოვარდა და ფართატით დაეშვა იატაკზე. ასაღებად დავიხარე, მაგრამ დიანამ მომასწრო, აიღო და თვალი გადაავლო. „ოჰო, ლექსია“ ? - ჩაილაპარაკა მან და პასუხის მოლოდინში თვალებით მომაჩერდა, როცა ხმა არ ამოვიღე, მკითხა:

- შეიძლება წავიკითხო? თქვენ წითლდებით და ენა გებმით! მაშასადამე, იძულებული ვარ, ძალით მოგიხადოთ მორცხვობის მოსასხამი და ჩავთვალო, რომ წავკითხვის ნებართვა მოცემულია.

- მანდ არაფერია თქვენი ყურადღების ღირსი... თარგმანია, თანაც შავი. თქვენ შესანიშნავად იცნობთ ამის დედანს, ძვირფასო მის ვერნონ, და ვშიშობ, რომ მეტად მკაცრ განაჩენს გამომიტანთ.

- ძალიან ნუ მოისაწყლებთ თავს, ჩემო მეგობარო. ალბათ გინდათ ქება გამომტყუოთ, მაგრამ ამოდ დაშვრებით. კარგად მოგეხსენებათ, რომ პირში მთქმელი ვარ და, თუ არ მომეწონებოდა, თვით აპოლონსაც არ შევუქებდი ჩანგს.

დიანამ ლექსის კითხვა დაიწყო და თუ მეხსიერება არ მღალატობს ასე ჟღერდა:

მე ვუმღერ ქალებს, ვუმღერ იარაღს, მე შენ გიმღერი ზრდი-
ლო რაინდო,

ვუმღერ სიყვარულს, გზნებას მშვენიერს, გულს რომ მოხვდა
და ცეცხლად აინთო,

თუ საფრანგეთის ასაოხრებლად რა გააფთრებით მოდგნენ
მავრები,

მე მათ სიფიცხეს, პატივისცემას, მათ რაინდობას დავემგზავ-
რები.

ზღვა გადმოლახოს, გარდმოვლეს მთები, გზები დაცხრილეს
შუბის წვეტებით,

წინ მოუძლოდათ მეფე აგრამანტ, ახალგაზრდული სულისკვე-
თებით,

მათ ტროიანის უღვთო სიკვდილმა ბოღმა შეუნთო ტანში ცი-
ებად,

სისხლი სისხლის წილ! - რეკდნენ ზარივით, წინ მოიწვედნენ
შურის ძიებად.

შორი ქვეყნიდან მოდგა აგრამანტ, ბევრი ივნო და ბევრი
იარა,

რომს დაემუქრა საქრისტიანოს, მეფე ვარლოსიც შეაწრიალა.

როლანდს ვუგალობ, რაინდს უშიშარს, მას გააცოცხლებს ჩე-
მი ოცნება.

და არნახული სულისკვეთებით მიუმღერებს და მიემგოსნება.

ვიტყვი, რომ ჰქონდა განსჯის უნარი, მაგრამ შეუჩნდა ტრფო-
ბის იარა,

ფხა გაუცუდა, აზრი წაართვა, გააბრუა და გაატიალა.

- აქ კიდევ ბევრი ყოფილა, - თქვა დიანამ და ფურცელს თვა-
ლი ჩააცოლა.

შენყდა უმშვენიერესი ჰანგი, ჰანგი რომელიც შეიძლება მოის-
მინოს მოკვდავმა - ჭაბუკი პოეტის ლექსი, რომელიც უძვირფასე-
სი ადამიანის ბაგეთაგან იღვრება!

- დიახ, მის ვერნონ, აქ საკმაოდ ბევრია დარჩენილი და ნუ-
ღარ შენუხდებით, - მენყინა მე და ხელი გაუწოდე ლექსის გამო-
სართმევად. დიანამ მაშინვე დამიბრუნა ფურცელი.

- მაგრამ, - დავსძინე მე, - ვგრძნობ, რომ ამ შორეულ მხარეში
გადმოხვენილი და მარტოობისათვის განწირულ ადამიანისათვის
ეს ერთადერთი გასართობია. თქვენ ხვდებით, რომ მხოლოდ სა-
კუთარი სიამოვნებისთვის ვაგრძელებ ამ მომაჯადოებელი პო-
ემის თარგმნას. რამდენიმე თვის წინ დავინყე, როცა ჯერ კიდევ
გარონის ნაპირას ვცხოვრობდი.

დიანა ცოტა ხანს ღრმად ჩაფიქრდა, მერე მომიბრუნდა და
მითხრა:

- აქ ასეთი კითხვა უნდა დაგისვათ: ნუთუ არ შეგიძლიათ,
თქვენი თავისუფალი დრო უკეთესი მიზნის მისაღწევად გამოიყე-
ნოთ?

დიანას შეკითხვამ სიამაყის გრძნობით ამივსო გული:

- თქვენ ორიგინალურ შემოქმედებას გულისხმობთ? გულახ-
დილად რომ მოგახსენოთ, მე უფრო სიტყვებისა და რითმების
შერჩევა მესხერხება, ვიდრე საკუთარი აზრების ლექსად გადმოცე-
მა. ამიტომ სავსებით ვკმაყოფილდები იმით, რაც არიოსტომ შე-
მომთავაზა. მაგრამ თქვენმა სიტყვებმა, ისეთი იმედი ჩამინერგა
გულში, მის ვერნონ, რომ...

- მაჰატიმთ, ფრენკ, თქვენ ვერ გამიგეთ. ეს სიტყვები გასამხნე-
ვებლად არ მითქვამს, მე არც ორიგინალურ შემოქმედებას ვგუ-
ლისხმობ და არც თარგმნას. არც ერთზე უნდა დახარჯოთ დრო
და არც მეორეზე. ვგრძნობ, გული გატკინეთ და ძალიან ვწუხვარ.

- არა, რას ბრძანებთ, არა მწყენია, სულ არა მწყენია, - თავა-
ზიანად მივუგე მე, მაგრამ ხმაზე შემეტყო, რომ ამას გულწრფე-

ლად არ ვამბობდი, - პირიქით, ძალზე მადლობელი ვარ, რომ ასე შეგტკივით ჩემზე გული.

- არა, - განაგრძო უღმობელმა დიანამ, - გატყობთ, რომ ნანყნი ხართ და ცოტათი ბრაზობთ კიდევ. ნუ განრისხდებით, თუ შევეცდები, უფრო გარკვეულად გითხრათ ჩემი აზრი. მე ვაპირებ, კიდევ მეტად გატკინოთ გული.

ვგრძნობდი ჩემს უმწეობას, ვაღიარებდი, რომ დიანა ჩემზე გაბედული და გაუტყეხელი იყო და ვთხოვე, ნუ გეშინიათ, ყველაფერი პირდაპირ მითხარით, არ მენწყინება, რადგან ვიცი, ჩემთვის კარგის მეტს არაფერს ისურვებთ-მეთქი.

- აი, ეს კი სიმართლეა. ახლა ვგრძნობ, რომ გულწრფელი ხართ. ეჭვი არ მეპარება, რომ ამპარტავნობის დემონი, რომელიც ყველა შემოქმედს უზის გულში, ცოტა ხანს კიდევ აითრევს ფეხს, მერე ერთ ჩაახველებს და უკანმოუხედავად გაკურცხლავს. ახლა კი ხუმრობას თავი დავანებოთ და საქმეზე ვილაპარაკოთ. ამ უკანასკნელ ხანებში მამათქვენს ხომ არაფერი მოუწერია?

- არა! რაც აქა ვარ, ერთი სიტყვაც არ გამოუმეტებია ჩემთვის.

- საკვირველია! ოჰ, ეს მამაცი ოსბალდისტონები! არა, მართლა საოცარი ხალხი ხართ. მაშ არ იცით, რომ ჰოლანდიაში ნავიდა, რაღაც გადაუდებელი საქმეების მოსაგვარებლად?

- პირველად მესმის!

- მაშინ, სხვაც არ გეცოდინებათ. არ გესიამოვნებათ, მაგრამ მაინც უნდა გითხრათ, რომ მთელი თავისი საქმეები რეშლის გადააბარა. სანამ დაბრუნდება, იქაურობის ბატონ-პატრონი რეშლი იქნება.

ისე გავოცდი და შევშფოთდი, რომ ფეხზე წამოვვარდი.

- თქვენ სრული საფუძველი გაქვთ შეშფოთებისათვის, - მითხრა დიანამ, - თქვენს ადგილას შევეცდებოდი გავმკლავებოდი უბედურებას, რომელიც შეიძლება მამათქვენის უხირო გადანყვეტილებას მოჰყვეს.

- ნუთუ შეიძლება რამის გაკეთება?

- მხნე და მამაცი ადამიანი ყველაფერს გააკეთებს, - მიპასუხა დიანამ და ისეთი თვალებით შემომხედა, რომ მზად ვიყავი მთები გადამებრუნებინა. ალბათ ასე ამხნევებდნენ რაინდებს თავიანთი გულის დედოფლები მძიმე ბრძოლის წინ, - მხდალი და გადაუნყვებელი კი გულზე ხელებს დაინწყობს და ბედს მიენდობა.

- თქვენ რას მირჩევთ, მის ვერნონ? - ვკითხე და შიშითა და მოლოდინით შევაჩერდი თვალებში.

დიანა ცოტა ხნით ჩაფიქრდა, მერე კი მტკიცედ მომიგო:

- დაუყონებლივ უნდა დატოვოთ ოსბალდისტონ-ჰოლი და ლონდონს დაუბრუნდეთ, დაუყოვნებლივ! - შემდეგ ნაზად დასძინა, - მეტად დიდხანს დარჩით აქ, თუმცა ეს თქვენი ბრალი არ არის. ახლა კი წუთის დაკარგვა დანაშაულია. დიახ, დანაშაული, რადგან თუ რეშლის დროზე არ ჩამოაშორებთ საქმეს, მამათქვენი აუცილებლად გაკოტრდება.

- რატომ?

- კითხვებს ნუ მაძლევთ. მერწმუნეთ, რომ ასე იქნება. რეშლი ფულის გიჟი არ არის. მას სხვა მიზნებიც აქვს. მისტერ ოსბალდისტონის ქონების ხელში ჩაგდება იმიტომ უნდა, რომ ხორცი შეასხას თავის პატივმოყვარულ ოცნებას. სანამ მამათქვენი ინგლისში იყო, რეშლის ხელ-ფეხი ჰქონდა შეკრული, ახლა კი ხელის შემშლელი არავინა ჰყავს და უკან არაფერზე დაიხევს.

- კი მაგრამ, მე რა შემიძლია? მამაჩემი შემომწყრა და საქმეს ჩამომაშორა. ჩემი ჩასვლით რა გაკეთდება?

- მართო თქვენი გამოჩენაც კი დიდი საქმეა! შვილი ხართ და უფლება გაქვთ მამის საქმეებში ჩაერიოთ. გარდა ამისა, უეჭველია, უფროსი კლერკიც დაგიჭერთ მხარს და მამათქვენის მგობრებიცა და კომპანიონებიც დაგეხმარებიან. რეშლი აპირებს... (მის ვერნონმა სიტყვა შუაზე განწყვიტა, ეტყობა, შეეშინდა ზედმეტი არაფერი ვთქვაო), ერთი სიტყვით, რეშლი აპირებს, თავისი ბო-

როტი განზრახვის განხორციელებას, მაგრამ, როგორც კი დაინახავს, რომ თვალს ადევნებენ, უკან დაიხევს. ამიტომ თქვენი საყვარელი პოეტის სიტყვებით რომ ვთქვათ:

ჩქარა ცხნებზე! ჟამი რეკავს... ლოდინი ვმარა,
ეჭვები ლაჩრებს დაუტოვებ... ცხენები ჩქარა.

რალაც გაურკვეველმა გრძნობამ მიკარნახა პასუხი:

- ეჰ, დიანა, რადგან თქვენ მეუბნებით, უნდა დავტოვო აქაურობა. ეტყობა, მართლა გამიგრძელდა სტუმრობა.

მის ვერნონს ღანვები შეეფაკლა, მაგრამ წინანდებურად მტკიცედ მიჰასუხა:

- დიახ, მე გირჩევთ, დატოვოთ ოსბალდისტონ-ჰოლი და არასოდეს პირი არ იბრუნოთ აქეთკენ! ეს მხოლოდ ერთ თქვენს მეგობარს დააღონებს (დიანამ თავს ძალა დაატანა და გაიღიმა), მაგრამ არა უშავს, იგი მიჩვეულია ბედის სიავს და როგორმე გაიტანს თავს. მთავარია, თქვენ იყოთ ვარგად, ცხოვრების გზა წინ გიდევთ და ალბათ კიდევ მრავალ უანგარო და უფრო სასარგებლო მეგობარს შეიძენთ, თანაც იმათთან მეგობრობაში არც ბოროტი ადამიანები შეგეცილებიან და არც ხალხის მითქმა-მოთქმა და არეული დრო შეგიშლით ხელს .

- არასოდეს! - შევძახე მე, - სანუთრო ვერ ამინაზღაურებს ამ დანაკარგს! - ამ სიტყვებით დიანას ხელი ბაგეებთან მივიტანე და მხურვალედ ვეამბორე.

- ეს უგუნურობაა, ეს სიგიჟეა! - წამოიძახა დიანამ და ხელის გამორთმევას შეეცადა, არ დავანებე და თვითონაც ძალიან არ მოინდომა, ასე რომ თითქმის მთელ წუთს არ გავუშვი ხელი.

- მისმინეთ, სერ, - მითხრა დიანამ ცოტა ხნის შემდეგ, - დამშვიდდით, ვაჟკაცს არ ეკადრება ასეთი აღელვება. მე ღვთის დანინდული ვარ. ან იმ ხორცშესხმულ ბოროტებას რეშლი ოსბალ-

დისტონს უნდა გავყვე ცოლად, ან მის ტლანქ ძმას, ან მონაზვნად აღვიკვეცო. ეს ბედი აკვნიდან დამანათლეს, ამიტომ თქვენი ვნებათაღელვა უაზრო და უმიზნოა და კიდევ უფრო მარწმუნებს იმაში, რომ სწორი რჩევა მომიცია. თქვენ აქაურობა უნდა დატოვოთ და უნდა ეცადოთ... - დიანა უცებ გაჩუმდა და რაღაცას მიაჩერდა, მერე თითქმის ჩურჩულით დაიწყო ლაპარაკი:

- ახლა დამტოვეთ. ჩვენ კიდევ შევხვდებით აქ ერთმანეთს, ოღონდ ეს შეხვედრა უკანასკნელი იქნება!

მე დიანას მზერას გავაყოლე თვალი და შევნიშნე, თითქოს ვარებზე ჩამოფარებული ხალიჩა შეირხა. ეს საიდუმლო კარი რეშლის ოთახში გადიოდა. ვიფიქრე, გვითვალთვალევენ-მეთქი და მის ვერნონს კითხვის თვალით შევხედე.

- არაფერია, - წაიჩურჩულა მან, - ვირთხა იქნებოდა.

მივხვდი, რომ ვილაც გვიყურებდა და ძლივს დავიოკე ყელში მონოლოლი ბრაზი... ასე რომ არ მექნა, ალბათ მომიწვდა გამემეორებინა ჰამლეტის სიტყვები „მოკვდა! მოკვდა თუნდ ნაძღვესა ვდებ“... დიანას განმეორებითმა ბრძანებამ, დამტოვეთ, ახლავე დამტოვეთო, დროზე მომისწრო, თორემ თავს ველარ შევიკავებდი და უგუნურ ნაბიჯს გადავდგამდი. ჩემს ოთახში საშინლად აფორიაქებული შევედი და ამაოდ შევეცადე დავმშვიდებულიყავი.

თავში ფიქრების კორიანტელი მიტრიალებდა, ათასნაირი აზრი და წუხილი ენაცვლებოდა ერთმანეთს: ერთი მეორეს ფარავდა, მეორე მესამეს გადაეფარებოდა, ხან კი სულ მიწყდებოდა ფიქრის ძაფი, თითქოს მთაში ჭანლი ჩამოწვა და გზები და ბილიკები ერთიანად წაშალაო. ხან ის საფრთხე წარმომიდგებოდა, მამაჩემს რომ მოელოდა გაიძვერა რეშლის ხრიკებისაგან, ხან ჩემი და დიანას წელანდელი საუბრის ნაწყვეტები მიტრიალებდა თავში, ხან დიანას მწარე ხვედრზე ვწუხდი - რა უნდა ქნას, დაღუპულია, ან მონაზვნად უნდა აღიკვეცოს, ან საძულველ ადამიანს და-

უკავშიროს თავისი მომავალი-მეთქი. ეს ყოველივე ერთდროულად მიბურღავდა ტვინს და საშუალებას არ მაძლევდა, ერთ-ერთ მათგანზე შევჩერებულიყავი და რაიმე გონივრული გადაწყვეტილება მიმეღო. ყველაზე მეტს კი დიანას საქციელზე ვფიქრობდი. ვიხსენებდი, თუ რა უცნაურად მიიღო ჩემი აღსარება: წამით თითქოს დანებდა ვნებას, წამით თითქოს ვიგრძენი, რომ იმასაც სიყვარულით უძგერდა გული, მაგრამ მერე ნებისყოფა მოიკრიბა და მაგრძნობინა, ჩვენს შორის გადაულახავი ზღუდე აღმართულიო. როცა იმ ხალიჩას შეხედა, თვალეში გაოცება კი არა შიში ჩაუდგა. ეტყობა, ამ შიშის საკმაო საფუძველი ჰქონდა, რადგან დიანა ვერნონი სხვა ქალებივით მხდალი და ფეთიანი არ იყო და უმიზეზოდ არ დაფრთხებოდა ასე. ნეტავ რა იყო ის უჩინარი საფრთხე, რომელიც დალუპვით ემუქრებოდა და აიძულებდა ნიადაგ ეფხიზლა. ვინ აშინებდა ასე, რითი აშინებდა? აი, ბოლოს ამ იდუმალებით მოსილი ამოცანის ამოხსნა გადავწყვიტე და თითქოს გამიხარდა კიდევც, რომ ჩემი კი არა, დიანა ვერნონის საქმე მეონდა განსასჯელი. „არა, - ვთქვი ბოლოს, - აქედან ფეხს არ მოვიცვლი, სანამ არ გადავწყვეტ, როგორ უნდა მოვექცე ამ მომაჯადოებელ ქმნილებას, რომელიც გულახდილობისა და იდუმალების ტყვედ არის ქცეული. პირველი ქალიშვილის სიტყვებსა და გრძნობებზე გაბატონებულა, მეორეს კი თავისი შავი ფარდა ჩამოუფარებია მისი მოქმედებებისათვის“.

ცნობისმოყვარეობისა და ვნების გარდა ეჭვიც მიღრღნიდა გულს, თუმცა რომ გეკითხათ, ვერ გიპასუხებდით, ვისზე ვეჭვია-ნობდი. ეს გრძნობა, სიყვარულთან ერთად რომ იბადება და იზრდება, განსაკუთრებით მაშინ მომეძალა, როცა ვიგრძენი, თუ რა მაგრად ჩაუჭერიათ ხელში დიანა იმ ვიღაც უხილავ პიროვნებებს. არ მინდოდა თავს გამოვტყდომოდი, მაგრამ რაც მეტად ვუკვირდებოდი მის ხასიათს, მით მეტად ვრწმუნდებოდი, დიანას დამორჩილება მხოლოდ ძლიერ გრძნობას შეუძლია-მეთქი და თან-

დათან იმ აზრზე ვდგებოდი, რომ სწორდ ამ გრძობას შეეხოჭა და დაემონებინა იგი. აი, ეს ეჭვი მქონდა შემონთებული გულზე და უღმერთოდ მტანჭავდა და მანამებდა. აი, ამ ეჭვმა მაიძულა აუცილებლად ამეხადა ფარდა დიანას საიდუმლოებისათვის და მიმაღებინა ის გადანყვეტილება, რომელსაც, თუ ამდენმა წვრილმანმა თავი არ მოგაბებრა, შემდეგ თავში გაეცნობი.

თავი XVII

ხმა მეცნაურა - თქვენთვის უცნობი,
ეს ხმა ჩამძახის, რომ არ დავხანდე
თქვენთვის უჩინო ხელი მანიშნებს -
ცხენს მოვაჯდე და სწრაფად გავქანდე.

თიკელი.[144]

თუ გახსოვს, ერთხელ უკვე გითხარი, ტრეშამ, რომ საღამოობით იშვიათად ვსტუმრობდი ხოლმე ბიბლიოთეკას და მაშინაც ყოველთვის წინასწარ ვუთანხმდებოდი მართას, ჩემთან ერთად ყოფილიყო მთელი საღამოს მანძილზე. ეს არავის დაუძალებია, მე თვითონ შემოვიღე წესად. უკანასკნელ ხანებში მე და მის ვერნონს კიდევ უფრო გაგვირთულდა ურთიერთობა და ბიბლიოთეკაში საღამოობით სულ აღარ ვხვდებოდით ერთმანეთს. ამიტომ მის ვერნონი ვერც წარმოიდგენდა, რომ მე ამ შეხვედრას განვაახლებდი და თანაც ისე, რომ მართას არ დავისწრებდი. თუმცა რატომ უნდა გაჰკვირვებოდა ჩემი მისვლა? მე ხომ პირობა არ დამიდვია, საღამოობით მართო არ შემოვალ ბიბლიოთეკაშიმეთქი. ასე საკუთარი სურვილით ვიქცეოდი. ბიბლიოთეკის კარი ღია იყო ყველასთვის და მე რატომ უნდა ვყოფილიყავი გამონაკლისი? რაც არ უნდა მოულოდნელად ჩვენებოდა დიანას ჩემი მისვლა. უზრდელობას მაინც ვერ დამწამებდა. მე ღრმად ვიყავი დარწმუნებული, რომ მის ვერნონი სწორედ ბიბლიოთეკაში ხვდებოდა მამა ვოგანს ან იმ პიროვნებას, რომლის კარნახითაც მოქმედებდა. თუ ასე იყო, შეხვედრისთვის ისეთი დრო უნდა და-

ენიშნა, როცა სხვას არავის ელოდა. ბიბლიოთეკის განათებული ფანჯრები, მამაკაცის ჩრდილი, რომელიც მე თვითონ შევნიშნე ბალიდან, ნამიან ბალახზე დარჩენილი კვალი, ბიბლიოთეკიდან რომ მოდიოდა ბალის გალავანში ჩატანებული ჭიშკრისაკენ, იდუმალი ხმები, რომლებიც თითქოს ხშირად გაუგონიათ მსახურებს, მათ შორის ენდრუ ფერსერვისსაც, იდუმალი აჩრდილები, ათასნაირი მითმა-მოთქმას რომ იწვევდა ციხე-დარბაზის მცხოვრებთა შორის, იმაზე მეტყველებდა, რომ ბიბლიოთეკას ვიღაც უცხო სტუმარი შემოჩვეოდა და რადგან ეს ვიღაცა დიანა ვერნონის უცნაურ ბედთან იყო დაკავშირებული, უყოყმანოდ გადავწყვიტე, გამეცნო და გამერკვია. რა მიზნით ხვდებოდა დიანას, ბოროტი განზრახვა ედო გულში თუ კეთილი, როგორ მოახერხა დიანას ნება-სურვილზე გაბატონება, რა აიძულებდა ქალიშვილს დამორჩილებოდა მის ბრძანებებს, შიში თუ სიყვარული? აი კითხვა, რომელიც ყველაზე მეტად მაინტერესებდა, თუმცა ვცდილობდი თავი მომეტყუებინა, ეს ისე, სხვათა შორის მინდა ვიცოდე-მეთქი. ეჭვმა მთელი ჩემი არსება დაიმონა. თუმცა ყველაფრიდან ჩანდა, რომ დიანას მრავალი მრჩეველი შეიძლებოდა ჰყოლოდა, მაგრამ, ეჭვიანობით დაბრმავებული, ვფიქრობდი, მისი მბრძანებელი და ყველა მოქმედების წარმმართავი ერთადერთი ადამიანია-მეთქი. ეს ადამიანი, რა თქმა უნდა, მამაკაცი გახლდათ, თანაც ახალგაზრდა და ლამაზი! და აი, იმ ივლისის საღამოს მე ბაღში ვიდექი და მოუთმენლად ველოდებოდი ბიბლიოთეკაში სინათლის ანთებას, რათა თავზე წავდგომოდი ჩემს უხილავ რაყიფს.

ეს სურვილი ისე ღრმად გამჭდომოდა გულში, რომ მზის ჩასვლამდე მივედი ბიბლიოთეკის წინ. კარგად ვიცოდი, რომ ასე ადრე იქ სინათლეს არავინ აანთებდა, მაგრამ ოთახში გული არ დამიდგა. ის დღე შაბათი იყო და ირგვლივ სიმშვიდე და მყუდროება სუფევდა. მე ხეივანში დავინწყე სეირნობა და თან ვფიქ-

რობდი, ნეტა რას მომიტანს ეს საღამო-მეთქი. მზის ჩასვლის შემდეგ აგრილდა. გრილმა სიომ, სიმყუდროვემ და ათასნაირმა სურნელმა ცოტათი დააცხრო ჩემი მღელვარება და მალე კითხვა დავუსვი საკუთარ თავს, მაქვს თუ არა უფლება, დიანა ვერნონის ან ბიძაჩემის ოჯახის საქმეში ჩავერიო, იქნებ ბიძაჩემი ვინმეს მალავს და მე, ხანმოთუელ სტუმარს, რა მეკითხება-მეთქი, ან რატომ ვყოფ ცხვირს დიანას ცხოვრებაში, ხომ მითხრა, არ მინდა ჩემი საიდუმლო ვინმემ გაიგოსო?

ამ კითხვის პასუხი მაშინვე მიკარნახა ჩემმა მხურვალე გულის-თქმამ და ჯიუტმა ხასიათმა. საიდუმლოს გამომჟღავნებით დიდ დახმარებას გავუნევი სერ ჰილდებრანდს, რომელმაც, ალბათ არ იცოდა, რა ხდებოდა მის ოჯახში, და გადავარჩინდი მის ვერნონს უეჭველი დაღუპვისაგან. ეს გულდია, გამოუცდელი ქალიშვილი ხომ საშინელ საფრთხეში იგდებდა თავს, როცა საიდუმლოდ ხვდებოდა იმ ვილაც საეჭვო და საშიშ პიროვნებას. მართალია, მე ვცდილობდი დიანას ნდობა მომეპოვებინა, მაგრამ უანგარო და ვეთილშობილური მიზნები მამოძრავებდა (დიახ, მე გავბედე და ჩემს მიზნებს უანგარო ვუწოდე): მინდოდა, სწორ გზაზე დამეყენებინა, ყოველგვარი საფრთხისა და გაჭირვებისაგან დამეცვა და, რაც მთავარია, ის საიდუმლო მრჩეველი მომეშორებინა, რომელსაც მონუსხულივით ემორჩილებოდა. აი, ასეთი გასამართლებელი საბუთი წარვუდგინე საკუთარ სინდისს. მაინც ცოტათი იბუზღუნა და ბოლოს დამეთანხმა იმ მედუქნესავით, რომელიც თუმცა ეჭვობს, რომ ყალბ ფულს აჩვენებენ, მაგრამ მუბტრის დაკარგვა არ უნდა და თავს იტყუებს. მწვანე ხეივანში რომ დავსეირნობდი და ვფიქრობდი, ღირდა თუ არა ამ საქმის დანყება, ენდრუ ფერსერვისს გადავანყდი. იგი ძეგლივით უძრავად იჯდა საფუტკრესთან და ჯერ ღრმად ჩაფიქრებული, მაგრამ რომ მივუახლოვდი, შევნიშნე, ცალი თვალით იმ ბრაზიან პატარა მოქალაქეებს აკვირდებოდა, დასაძინებლად რომ ბრუნდებოდნენ

თავიანთ ისლის სახურავიან ბინებში, მეორეთი კი რაღაც სასულიერო წიგნს ჩასჩერებოდა. წიგნს ხმარებისგან კიდევები ისე შემოცვეთოდა, რომ თითქმის დამრგვალებულიყო. თუ წიგნის წვრილ შრიფტსა და გაყვითლებულ ფურცლებსაც შენიშნავდი, აუცილებლად იფიქრებდი, რომ ენდრუ ფერსერვისი რომელიმე უძველესი ძვირფასი წიგნის მფლობელი იყო.

- აი, ღირსეული ბატონის ჯონ კვოკლებენის წიგნს ვკითხულობდი, „სურნელოვანი ყვავილი აღმოცენებული სანეხვესა ამა ქვეყნისა“ რომ ჰქვია, - მითხრა ენდრუმ, როცა შემნიშნა და წიგნში თავისი რქის სათვალე ჩადო გვერდის სანიშნად.

- ეს ფუტკრები კი, როგორც ვატყობ არ გაცლიან ღრმად ჩაუკვირდეთ ამ დიდად განსწავლული მეცნიერების აზრებს.

- ეგეთი მოუსვენარი მოდგმაა, - დამეთანხმა მებაღე, - ხომ აქვთ ამ საქმეზე ექვსი დღე კვირაში, მაგრამ დიდი ხანია შემჩნეულია, რომ მაინცდამაინც შაბათს უნდა იყარონ, ადამიანს უფლის სიტყვების მოსმენას არ ანებებენ. თუმცა ამ საღამოს, ჩემს ბედზე, გრენინგენის სამლოცველოში წირვა არ იქნებოდა.

- შეგეძლოთ, ჩემსავით წასულიყავით სამრევლო ეკლესიაში, ენდრუ, და მშვენიერი ქადაგება მოგესმინათ.

- ქადაგება კი არა ჯანდაბაა, - დაიჭლანა ენდრუ, - ქადაგება კი არა, ბოლიში მომიხდია და, ღორების სალაფავია. რა თქმა უნდა, შემეძლო მომესმინა თეთრ ტომარაში გამოწყობილი მღვდლის ლაქლაქი და მუსიკოსების სტვირების ჭყვიტინი. ქადაგება კი არა, მათხოვრების ქორწილია! ანდა, შემეძლო მწუხრის წირვაზე წავსულიყავი და მამა დოჩარტის ლულულუთით დავმტკბარიყავი. ერთიც ნაგავია და მეორეც!

- დოჩარტი? - გაიკვირვე მე, - მეგონა, მამა ვოგანი ატარებდა წირვას. გუშინ აქ იყო (დოჩარტი მოხუცი, მგონი, ირლანდიელი მღვდელი იყო, რომელიც დროდადრო გვესტუმრებოდა და წირვა-ლოცვას ატარებდა).

- ჰო, იყო, მაგრამ გუშინვე წავიდა გრეისტოკში თუ სხვა დასავლეთის ციხე-დარბაზში. ახლა ისინი, ჩემი ფუტკრებისა არ იყოს, ერთ ამბავში და აურზაურში არიან. ღმერთმა მაჰატიოს, რომ ეს სანწყლები ჰაჰისტებს შევადარე! ეს მეორე ყუთი აპირებს გაყოფას, მაგრამ უფრო დღისით იციან ხოლმე ჰირველი ნაყარი ამ დილით გამოვიდა. მაგრამ, მგონი დღეს აღარათფერი იქნება, უკვე შელაგდნენ დასაძინებლად. ამიტომ ბატონს მშვიდობის ღამესა და ყოველთვის საუკეთესოს ვუსურვებ და მეც დასაძინებლად გეახლებით.

მან ერთხელ კიდევ შეავლო თვალი ყუთებს და წავიდა.

ენდრუმ ძალზე მნიშვნელოვანი ცნობა მომანოდა: მამა ვოგანს ციხე-დარბაზი დაეტოვებინა და ამ საღამოთი ბიბლიოთეკას ვერ ესტუმრებოდა. თუ იქ სინათლე აინთო. ესე იგი, ან ვიღაც სხვა მოსულა, ან მამა ვოგანი უჩუმრად დაბრუნებულა.

მოუთმენლად ველოდებოდი მზის ჩასვლას. ბოლოს ეს დროც დადგა და ბიბლიოთეკის ფანჯრებიდან ბინდბუნდში სინათლის სუსტი სხივები გამოკრთა. მე იმ მებღვაურივით ველოდებოდი სინათლის გამოჩენას, ღამე ზღვაში გზა რომ დაუკარგავს და შუქურის იმედადღა დარჩენილა, ამიტომ მაშინვე შევნიშნე სინათლის ალის სუსტი ციცმციმი. აქამდე კიდევ ვეჭვობდი, მქონდა თუ არა უფლება, ამ საქმეში ჩავრეულიყავი. სინდისი მქენჯნიდა, რომ დინას ვუთვალთვალედი, მაგრამ ცნობისმოყვარეობას და ეჭვიანობას მაგრად ვყავდი ჩაჭერილი კლანჭებში და უკან დახევის საშუალებას არ მაძლევდა. ახლა, როცა სინათლე გამოჩნდა ფანჯარაში, ცნობისმოყვარეობამ წინ მიბიძგა და მეც უყოყმანოდ გავემართე ციხე-დარბაზისკენ ამ საიდუმლოს ამოსახსნელად. შევეცადე ისე მივსულიყავი ბიბლიოთეკამდე, რომ არავის დავენახე და მოვახერხე კიდევც. კართან რომ მივედი, სახელურს ხელი დავადე, ცოტა შევყოყმანდი, შევიდე თუ არა-მეთქი. მერე, შიგნიდან

ნაბიჯების ხმა რომ მომესმა, სახელური გადავატრიალე, ოთახში შევედი და მის ვერნონის პირისპირ აღმოვჩნდი.

დიანა ძალიან შეცბუნებული მეჩვენა. არ ვიცი, ჩემმა მოულოდნელმა გამოჩენამ შეაშფოთა თუ ჩემამდეც ასე იყო. არასოდეს მენახა ეგზომ დაბნეული და შეშინებული, თითქოს ცახცახებდა კიდეც, მაგრამ მალე მოერია თავს და დამშვიდდა. მე სინდისმა შემანუხა, დიანაზე უარესად შევწუხდი და ავფორიაქდი, თუმცა აქ შემოსვლამდე სულ იმას ვნატრობდი, მოულოდნელად წავდგომოდი თავზე და დამებნია.

- მოხდა რაიმე?! - მკითხა დიანამ. - ხომ არავინ მოსულა ციხე-დარბაზში?!

- არავინ. მე არავინ მინახავს, - მივუგე მე, - ჩემი „როლანდის“ წასაღებად მოვედი.

- აი, მანდა დევს, - მანიშნა დიანამ მაგიდაზე დალაგებულ წიგნებზე. „როლანდის“ ძებნა დავიწყე, თან ვცდილობდი, რაიმე მოხერხებული მიზეზი მეპოვა უკან დასახევადა, რადგან ვგრძნობდი, რომ „გამოძიებაში“ უნიჭო გამოვდექი. რამდენიმე წიგნი რომ გადავდე გვერდზე, უეცრად მაგიდაზე დადებული ხელთათმანი შევნიშნე. ხელთათმანი მამაკაცის იყო! მივტრიალდი და მის ვერნონს თვალებში მივაჩერდი. იგი შევკრთა და ჭარხალივით განითლდა.

- ეს ჩემი ერთ-ერთი რელიკვიაა, - ენის ბორძიკით გასცა დიანამ პასუხი ჩემს უსიტყვო შეკითხვას, - პაპაჩემის ნაქონი ხელთათმანია, აი, უბადლო ვან-დეიკის ნახატით რომ გაიცანით. მახსოვს, აღტაცებული დარჩით ამ პორტრეტით.

დიანა თითქოს მიხვდა, რომ ლიტონი სიტყვა საკმარისი არ იყო, ვეება მაგიდის უჭრა გამოსწია, მეორე ხელთათმანი ამოიღო და წინ დამიგდო. ბუნებით პირდაპირსა და გულმართალ ადამიანს მიკიბ-მოკიბვა არ ეხერხება და, როცა იძულებულია, ამ შეუჩვეველ საქმეს მოჰკიდოს ხელი, ისე წვალობს, რომ მსმენელი მა-

შინვე დაეჭვდება ხოლმე. მეც ორივე ხელთათმანს დავხედე თუ არა ვუთხარი, ერთმანეთს კი ჰგავს ქსოვითა და დანაქარგებით, მაგრამ წყვილი მაინც არ არის, ორივე მარჯვენა ხელისაა-მეთქი.

დიანამ სიმწრით ტუჩი მოიკვნიტა, კვლავ განითლდა და მითხრა:

- სწორედ მოიქეცით, რომ ტყუილში მამხილეთ. სხვა უთქვენო იფიქრებდა, არ უნდა თავის საქმეში ცხვირი ჩამაყოფინოსო და გაჩუმდებოდა. თქვენ კი უკვე იანგარიშეთ და მაგრძნობინეთ, რომ სიცრუე სიმდაბლეა, და რომ ყველას არ შეუძლია ორპირობა. ამიტომ ახლა პირდაპირ გეტყვით, რომ ეს ხელთათმანები, მართლაც ცალ-ცალია და ერთი მათგანი, პირველად რომ ნახეთ, ჩემს მეგობარს ეკუთვნის, მეგობარს, რომელიც უფრო ძვირფასია ჩემთვის, ვიდრე ვან დეიკის პორტრეტზე გამოსახული ადამიანი, მეგობარს, რომლის რჩევასაც სიტყვაშეუბრუნებლად ვასრულებდი და მომავალშიც შევასრულებ, მეგობარს, რომელსაც ვაფასებდი და რომელიც... - დიანა შეჩერდა. მე ძალიან ამაღელვებელი ნათქვამის შინაარსმა და კილომ და დიანას შეწყვეტილი წინადადება დავამთავრე:

- და რომელიც გიყვართ, არა მის ვერნონ?

- თუნდაც ვგრე იყოს, ვისა აქვს უფლება, ჩაერიოს ჩემს გრძნობებში? - მედიდურად მითხრა მის ვერნონმა.

- სხვისა არ ვიცი და მე კი ნამდვილად არ გახლავართ ისეთი თავხედი, რომ ეგ უფლება დავიჩემო, მაგრამ, - განვაგრძე მე და თან სიბრაზისაგან ხმას ავუწიე, - მის ვერნონი ალბათ უფლებას მისცემს ადამიანს, რომელსაც მეგობრობის სიიდან ამორიცხვას უპირებს, შენიშნოს რომ...

- არავითარი შენიშვნა არ არის საჭირო, - მკაცრად შემანწყვეტინა მის ვერნონმა, - არავითარი, გარდა ერთისა: მე ვერც თვალთვალს მოვისმენ ვინმესგან და ვერც დაკითხვას. არავის მივცემ ამის უფლებას. გამომძიებელი და მოსამართლე არ მესა-

ჭიროება. თუ თქვენ ამ უდროო დროს ჩემს საზვერად მოსულ-
ხართ, მეგობრობას ნულარ ეფარებით. ჯობს, ახსნა მოუძებნოთ
მაგ თქვენს თავხედურ ცნობისმოყვარეობას.

ბუნებით ამაყი ვიყავი და როცა თავს შეურაცხყოფილად
ვგრძნობდი, ეს სიამაყე ყველა სხვა გრძნობას ძალავდა ხოლმე.
ახლაც ასე დამემართა: დიანას მივუბრუნდი და მედიდურად ვუთ-
ხარი:

- აღარ შეგანუხებთ ჩემი აქ ყოფნით, მის ვერნონ, ახლავე გე-
ახლებით. მე უკვე გამოვფხიზლდი ტკბილი, მაგრამ მაცდუნებე-
ლი სიზმრისაგან და ვხვდები... თუმცა, თქმა რა საჭიროა... უკვე
კარგად ვიცნობ ერთმანეთს.

უკვე კართან ვიყავი მისული, რომ მის ვერნონი დამენია,
მკლავში ჩამავლო ხელი და შემომაბრუნა.

- მოითმინეთ, მისტერ ფრენკ, - მითხრა მან მბრძანებლურად,
მაგრამ თან ისე უბრალოდ და გაუპრანჭავად, რომ იმწამსვე გუ-
ლი მომიბრუნდა და გავჩერდი, - ჩვენ ასე არ უნდა დავშორდეთ
ერთმანეთს. განა იმდენი მეგობარი მყავს, რომ ასე ადვილად შე-
ველიო რომელიმეს? რა ვუყოთ, თუ იგი უმადური და თავკერძა
გამოდგება. დაიმახსოვრეთ, რასაც ახლა გეტყვით, მისტერ
ფრენკის ოსბალდისტონ: თქვენ ამ ხელთათმანის საიდუმლოს
ვერასოდეს გაიგებთ (დიანამ ხელთათმანი შეინახა). რაც იცი,
იცოდეთ, მეს ველარაფერს დაუმატებთ და მაინც მე არ მინდა,
რომ ეს ხელთათმანი ჩვენი ორთაბრძოლის დანყების ნიშნად იქ-
ცეს. - შემდეგ დიანამ კილო შეარბილა და განაგრძო: - მე აქ
დიდხანს აღარ მიწერია ყოფნა, თქვენ კი ჩემზე ადრე უნდა წახვი-
დეთ. ჩვენ მალე დავშორდებით და აღარასოდეს შევხვდებით
ერთმანეთს. მოდი, ნუ ვიჩხუბებთ, ნუ მოვუნამლავთ ერთმანეთს
ამ ორიოდვე საათს, რომელიც ერთად უნდა გავატაროთ.

დღემდე ვერ ამიხსნია, ტრეშამ, რა ჯადოსნობით მოახერხა ამ
მომხიბვლელმა ქმნილებამ ჩემი ზვიადი და ფიცხი ბუნების და-

მორჩილება. მე ხომ ხშირად თვითონვე ვერ ვიოკებდი საკუთარ თავს! აქ, ბიბლიოთეკაში, იმიტომ მოვედი, რომ მის ვერნონისათვის ყველაფერი მეთქმევინებინა. ეს კი განრისხდა და პირდაპირ მომახალა, რომ ჩემს თავს სხვა ურჩევნოდა. მაშ სხვანაირად როგორ უნდა გამეგო მისი ნათქვამი, ამ ხელთათმანის პატრონს ყველაფერში ვენდობიო. და, ყოველივე ამის მიუხედავად, როცა უკვე კართან ვიყავი მისული და მტკიცედ მქონდა გადანყვეტილი, სამუდამოდ დავშორებოდი მის ვერნონს, საკმარისი იყო ხმა და გამომეტყველება შეეცვალა, განრისხება და წყენა დაეძლია და კეთილი, მხიარული და მბრძანებლური კილოთი მოემართა, თან ხმაში ცოტაოდენი ნალველი გაერია, რომ კვლავ მის ყურმოჭრილ ყმად ვქცეულიყავი:

- მერე და რა გამოვა აქედან მის ვერნონ? - ვკითხე, როცა უკან, შევბრუნდი და სავარძელში ჩავჯექი, - ვის რაში არგია ასეთი მეგობრობა? თქვენი ტანჯვის და წუხილის მონმე უნდა ვიყო და დახმარების უფლება არა მქონდეს. ვიცოდე, რომ რაღაც იდუმალი საფრთხე გემუქრებათ, მაგრამ იმის შიშით, არ გამიბრაზდესო, ვერ კი უნდა გკითხოთ რაიმე ამ საფრთხეზე?! თუმცა ცხოვრებას არ იცნობთ მაინც უნდა იცოდეთ, რომ ახალგაზრდა ქალს მხოლოდ ერთი მეგობარი შეიძლება ჰყავდეს. მე იმასაც ვერ ავიტან, რომ ჩემს მამაკაც მეგობარს ჰყავდეს ასეთი იდუმალეებით მოცული მეგობარი და მით უმეტეს, მის ვერნონ, როცა ვიცი რომ თქვენ ასეთი...

- ოჰო, თქვენ თურმე ეჭვიანობთ! თურმე რა უცნაური და ჭირვეული სენი შეგყრიათ! კი მაგრამ, ჩემო ძვირფასო მეგობარო, დღემდე მხოლოდ საცოდავი ბოდვის მეტი არაფერი მსმენია ამ გრძნობაზე. ბრიყვები პიესებსა და რომანებში ამოიკითხავენ ხოლმე რაღაცას და მერე იმდენ ხანს იმეორებენ სანამ თავში ღრმად არ გაუჭდებათ. გოგო-ბიჭები თავს იტყუებენ შეყვარებულები ვართო და როცა იგრძნობენ, რომ გული უცივდებათ, ეჭ-

ვიანობით ცდილობენ მიმქრალი გრძობის გაცხოველებას. მე და თქვენ კი, ფრენკ, გონიერი ხალხი ვართ და საიმისო ჭკუა უნდა გვეყოს, რომ ამისთანა სისულელეებზე არ დავკარგოთ დრო. ჩვენ მხოლოდ უბრალო, პირდაპირი და უანგარო მეგობრობა უნდა გვაკავშირებდეს. სხვანაირი ურთიერთობა ჩვენს შორის წარმოუდგენელია. - მის ვერნონი ცოტა ხანს დადუმდა და მერე დასძინა: - მართალი გითხრათ მე მზადა ვარ ხარკი გადავუხადო თავზიანობას და ცოტათი გავნითლდე, როგორც ქალიშვილს შეეფერება, სანამ გულახდილად გეტყოდეთ, რომ თქვენ კიდევ რომ გინდოდეთ, ვერ შევუღლდებით და კიდევ რომ შეგეძლოთ ჩემი შერთვა, არც უნდა შემირთოთ.

და, მართლაც, ტრემამ, ამ უღმერთო სიტყვებზე დიანას ღანვები შეეფაკლა. სულ დამავიწყდა ჩემი ეჭვები, რომლებიც ამ საღამოს მთლად დამტკიცდა და დავაპირე შევკამათებოდი, მაგრამ დიანამ არ დამაცადა და მტკიცედ, თითქმის მკაცრად განაგრძო:

- რაც გითხარით, ფხიზელი გონების მიერ ნაკარნახევი ჭეშმარიტებაა და კამათი და ახსნა-განმარტება აღარ არის საჭირო. სულ ერთია, არ მოგისმენთ. ამგვარად ჩვენ მეგობრები ვართ, მისტერ ოსბალდისტონ, ასე არ არის? - დიანამ ხელი მომკიდა ხელზე და დაამატა: - მეგობრები ვართ და სულ მეგობრებად დავრჩებით!

დიანამ ხელი გამიშვა ხელზე და იგი უღონოდ ჩამომივარდა დაბლა. შეწუხებულმა, თავიც ჩავქინდრე. ჩემი არსება, სპენსერის[145] სიტყვებით რომ ვთქვათ, მთლად შეძრა დიანას სიმტკიცემ და გულმონყალება. მაგრამ მის ვერნონმა ფიქრის დრო არ მომცა - სასწრაფოდ შეცვალა საუბრის თემა:

- აი ეს წერილი, მისტერ ოსბალდისტონ, თქვენ სახელზეა გამოგზავნილი. ამას ამჟამად ადასტურებს კონვენტზე დაწერილი სახელი, გვარი და ზუსტი მისამართი, მაგრამ მიუხედავად იმისა,

რომ ყველა წესია დაცული, სულ ადვილად შეიძლებოდა არ მიგეღოთ. წერილის მიღებას ჩემს პაკოლეთს[146], ჩემს ჯუჯა-ჯადოქარს უნდა უმადლოდეთ, რომელიც რაინდულ რომანებში აღწერილი გაჭირვებაში ჩავარდნილი ქალიშვილების მიბაძვით ავიყვანე სამსახურში.

კონვერტი გავხსენი და წერილს რომ თვალი გადავაკლე, ხელიდან გამივარდა და აღმომხდა:

- ღმერთო დიდებულო, ჩემი უჭკუობითა და სიჭიუტით მამაჩემი დავღუპე!

საშინლად შეწუხებული მის ვერნონი ფეხზე წამოდგა და მომიახლოვდა.

- როგორ გაფითრდით! ცუდად ხართ? წყალი მოგიტანოთ? გამხნევდით, მისტერ ოსბალდისტონ, ჭირს გამაგრება უნდა. ნუთუ მამათქვენს... ნუთუ ცოცხლებში აღარ წერია?

- მადლობა ღმერთს, ცოცხალია, - მივუგე მე, - მაგრამ ისეთ გაჭირვებასა და უბედურებაშია ჩავარდნილი რომ...

- რადგან ცოცხალია, ყველაფერს ეშველება, - დიანამ წერილი აიღო იატაკიდან, - შეიძლება წავიკითხო?

მე თავი დავუქნიე. დიანამ ყურადღებით ჩაიკითხა წერილი და მკითხა:

- წერილს მისტერ ტრეშამი აწერს ხელს, იცნობთ?

- დიახ. მამაჩემის კომპანიონია (შენი ძვირფასი მამა უილ!), - მაგრამ იგი თითქმის არავითარ მონაწილეობას არ იღებს ფირმის საქმეებში.

- აქ იტყობინება, ადრე რამდენიმე წერილი გამოგიგზავნეო.

- მე ერთიც არ მიმიღია. ეს პირველია.

- როგორც ამ წერილიდან ჩანს, როცა მამათქვენი ჰოლანდიაში წასულა, რეშლის მთლიანად ჩაუგდია ხელში ფირმის მართვა-გამგებლობა და ამ ცოტა ხნის წინათ ლონდონიდან შოტლანდიაში გამგზავრებულია. მამათქვენს თამასუქები ჰქონია გაცემული

შოტლანდიაში და რეშლის დიდძალი ფული და ფასიანი ქალაქ-
დები წაუღია იმ ვალის დასათვარავად. წაუღია და გამქრალა.
ასეა, არა?

- დიახ, ზუსტად ასეა!

- შემდეგ ვინმე ოუენსონი, თუ არა, ოუენი, მგონი მთავარი
კლერკი, გლაზგოში გაუგზავნიათ, რეშლის მოსაძებნად და
თქვენც გთხოვენ გლაზგოში ჩახვიდეთ და ძებნაში მიეშველოთ.

- დიახ, ეგრეა. თან მწერენ დაუყოვნებლივ წადიო.

- მხოლოდ ერთი წუთით შეიცადეთ, - მთხოვა მის ვერნონმა, -
როგორც ვატყობ, დიდი-დიდი, რაღაც თანხა დაკარგოთ. ამის
გულისთვის თვალეები ცრემლით უნდა აგვსებოდათ? არა
გრცხვენიათ, მისტერ ოსბალდისტონ?

- თქვენ ვერ გამიგეთ, მის ვერნონ. ფულს კი არ მივტირი, მა-
მაჩემის ბედი მანუხებს. ვიცი რომ საშინლად ააღელვებს ეს ამბა-
ვი, რადგან ამით მის სახელს მოეცხება ჩირქი. მამაჩემი კი დი-
დად ამაყობს კომერსანტის უმნიშვნლო სახელით და თუ გაკოტ-
რებულად გამოაცხადებენ, გული გაუსკდება. აბა, წარმოიდგი-
ნეთ, მეომარს რომ სიმბდალეში დასდონ ბრალი, ან პატიოსან
ადამიანს თაღლითობაში! ხომ ვერც ერთი გადაიტანს ამას და
ვერც მეორე. მე რომ მცირე მსხვერპლი გამელო, ცოტათი მომედ-
რიკა ქედი და ამ საპატიო და სასარგებლო საქმეს მოვკიდებოდი,
ეს უბედურება არ დაატყდებოდა თავს. ახლა კი, ღმერთო დიდე-
ბულო, რითი უნდა გამოვისყიდო ეს შეცოდება!

- რითი და, ამ წერილის ავტორს, თქვენ მეგობარსა და კეთი-
ლისმსურველის თხოვნა უნდა შეასრულოთ და დაუხანებლივ გა-
ემგზავროთ გლაზგოში.

- ნავალ, მაგრამ რაღას გავანყო, თუ რეშლიმ მართლა აიღო
ნამუსზე ხელი და თავისი კეთილისმყოფელის გაძარცვა გადაწ-
ყვიტა. მან ალბათ წინასწარ შეადგინა გეგმა და ყველაფერი გა-
ითვალისწინა.

- შეიძლება, მართლაც ბევრი ვერაფერი გააწყობო, მაგრამ მაინც უნდა წახვიდე, - მითხრა მის ვერნონმა, - აქ რომ დარჩეთ, სულ ვერ დაეხმარებით მამათქვენს. თავის დროზე რომ დაგვეჩვენებინათ გონივრული რჩევისათვის და ლონდონში დარჩენილიყავით, ეს უბედურება არ დაგატყდებოდათ თავს. ახლა მაინც შეისმინეთ დარიგება და იქნებ გამოასწოროთ საქმე. მოითმინეთ, ჩემს დაბრუნებამდე არ წახვიდე!

დიანა ოთახიდან გავიდა. მე დაბნეული და გაოგნებული ვიდექი და გაცოცხლებული ვფიქრობდი, რა მტკიცე ხასიათი აქვს, არასოდეს არ იბნევა, უძძიმეს წუთებშიც არა ჰკარგავს სიმშვიდესა და მოსაზრების უნარს-მეთქი.

დიანა მალე დაბრუნდა. ხელში დალუქული კონვერტი ეჭირა, ოღონდ ზედ მისამართი არ ეწერა.

- აი, ეს ჩვენი მეგობრობის საწინდარი იყოს. ღრმად რომ არ ვიყო დარწმუნებული თქვენს პატიოსნებაში, არ მოგცემდით. თუ მე სწორად გავიგე თქვენი გაჭირვება, რემლიმ თამასუქები გარკვეულ ვადაში, 12 სექტემბერამდე, უნდა დაფაროს. წერილში ასეა ნათქვამი, არა? მაშასადამე თუ 12 სექტემბრამდე ფულს იშოვით და მოვალეებს გაისტუმრებთ, მამათქვენის სახელი არ შეიბღალება. ხომ ასე?

- რასაკვირველია! მეც ასე გავიგე მისტერ ტრეშამის ნათქვამი, - ერთხელ კიდევ ჩახვედე მამაშენის წერილს და დავძინე, - დაიხსწორედ ასეა!

- ვეთილი და პატიოსანი. რადგან ასეა, ჩემი ჯუჯა პაკოლეტი კვლავ გაგინევთ სამსახურს. უეჭველი, გსმენიათ ჯადოსნური წერილების შესახებ. აი, ესეც ჯადოსნურია. ნაიღეთ, მაგრამ მხოლოდ მაშინ გახსენით, როცა ხსნის ყველა იმედი გადანურული იქნება. თუ თქვენ თვითონ ნახავთ რაიმე სახსარს, არც თქვენ გახსნათ და არც სხვას გაახსნევინოთ. აი, ასევე დახიეთ. ვიცი, რომ პატიოსანი ხართ და მიტომ გენდობით. თუ ვერაფერს გახდით, იმ

დღემდე ათი დღით ადრე ახსენით ბეჭედი და ნახავთ მითითებებს, რომლებიც ალბათ გამოასწორებს თქვენს საქმეს. მშვიდობით, ფრენკ! ჩვენ აღარასოდეს შევხვდებით ერთმანეთს., მაგრამ ხანდახან მაინც გაიხსენეთ თქვენი მეგობარი დი ვერნონი.

მან ხელი გამომიწოდა გამოსამშვიდობებლად, მაგრამ მხრებში ხელი ვტაცე და გულზე მივიხუტე. დიანა წამით გაირინდა ჩემს მკერდზე, მერე ამოიოხრა, ხელები გამაშვებინა და სირბილით შევარდა თავის ოთახში და კარი მიიხურა.

თავი XVIII

...და გაფიცვებით დაჰკრეს მათრახი, ცხენი გაფრინდა, როგორც ჩვენება,

იყო მონყვეტა ელვის სადარი და უსწრაფესი გადაჭენება.

ვაშა, რომ ძალუძთ მკვდრებსაც ჭენება, თუმც უძრაობა აწევთ კირთებად.

- ჩემთან რომ მგზავრობთ ასე მინდობით, ნუთუ არაფრის შეგეშინდებათ?

ბიურგერი.[147]

ერთმა უბედურებამ, შეიძლება კლდეზე გადაგჩეხოს, მაგრამ რამდენიმე რომ დაგატყდება თავს და შუაში მოგიქცევს უფრო გადარჩები. ერთი რომ უფსკრულისკენ გიბიძგებს, მეორე ზედ ქარაფის პირას დაგიხვდება და უკან გადმოგაგდებს. მეც ასე დამემართა: ხომ საშინლად დამანალვლიანა მის ვერნონთან განშორებამ, მაგრამ მამაჩემის დარდი რომ არ მექონოდა, ალბათ სულ შევიშლებოდი, მისტერ ტრემამის ცნობამ სულის სიღრმემდე ამათვლიაქა, მაგრამ სხვა სანუხიც რომ არ გამომჩინოდა, სასო წარმეკვეთებოდა. მე მგრძნობიარე შვილი და ერთგული მიჭნური ვიყავი, მაგრამ ადამიანს ყველაფერი ერთნაირად მიაქვს გულთან და თუ ერთდროულად ორი საფიქრალი აქვს, ორივე ისე თანაბრად განაწილდება, როგორც გაკოტრებული ბანკირის ქონება ყველა მევალეზე.

აი, ამ ფიქრებში ჩაფლული მივდიოდი ჩემი ოთახისკენ. როგორც ზემოთ მოყვანილი შედარებიდან შენიშნავდი, ფიქრებმა უკვე კომერციული ელფერი გადაიკრა.

ოთახში რომ შევედი, შევეცადე, უფრო ღრმად ჩავკვირვებოდი მამაშენის წერილს. წერილში ზოგი აზრი ბუნდოვნად იყო გამოთქმული, ზოგი რამ თვითონა არ იცოდა და მირჩევდა ოუენს ჰკითხეო. ოუენი შოტლანდიის ქალაქ გლაზგოში უნდა ნახო და რაც მალე ნახავ, უკეთესიაო. შემდეგ მატყობინებდა, რომ ჩემი ძველი მეგობრის გზა-კვალის მოსაძებნად ზემოთხსენებული ქალაქის გელოუგეიტის ქუჩაზე მდებარე „მაკვიტის, მაკნაფისა და კომპანიის“ სავჭრო სახლისთვის მიმემართა. მამაშენი იხსენებდა წინათ გამოგზავნილ წერილებს (რომელიც ან ფოსტამ დაკარგა, ან ვიღაცამ განზრახ გააჩერა) და მსაყვედურობდა პასუხი რატომ არ გვალისწიო. მე კი, როგორც გითხარი, ის წერილები არ მიმიღია თორემ მაშინვე ვუპასუხებდი და საყვედურს არ დავიმსახურებდი. ვკითხულობდი და თანდათან ღრმად ვრწმუნდებოდი, რომ ყველა ჩემს უბედურებაში რეშლის ხელი ვრია. რა ბოროტი და ამავე დროს გაქნილი უნდა ყოფილიყო კაცი, რომ ასეთი მზაკვრული განზრახვა ჩაედო გულში და ასე მოხერხებულად განხორციელებინა!

გულახდილად უნდა ვთქვა, ახლა როცა მამაჩემის ბედზე ვწუხები, დიანასთან განშორება დიდ უბედურებად აღარ მიმაჩნდა. მე თვითონ სიმდიდრეს დიდად არ ვაფასებდი და ჩემი ტოლი ნიჭიერი, მაგრამ უზრუნველი ახალგაზრდებივით მიმაჩნდა და სხვებსაც ვარწმუნებდი, რომ ჯობს ლატაკი იყო, ვიდრე ჩემი ნიჭი და დრო ფულის მოხვეჭას შესწირო-მეთქი. თვითონ ამ შეხედულებებისა ვიყავი, მაგრამ ისიც კარგად ვიცოდი, რომ მამაჩემისთვის ამქვეყნად გაკოტრებაზე სამარცხვინო უბედურება არ არსებობდა და თუკი ამ დღეში ჩავარდებოდა, მაშინვე თავს მოიკლავდა.

ამიტომ იყო, რომ დიდი მონდომებით ვცდილობდი, ხსნის გზა მეპოვა. საკუთარი სიმდიდრის მოსაპოვებლად, რაღა თქმა უნდა, ასე არ შევიწუხებდი თავს. ყველაფერი ავწონ-დავწონე და მტკიცედ გადავწყვიტე მეორე დღესვე დამეტოვებინა ოსბალდისტონ-ჰოლი და დაუყოვნებლივ ჩავსულიყავი გლაზგოში ოუენის მოსაძებნად. ბიძაჩემისთვის ბარათი უნდა დამეტოვებინა, პირადად თქმა საჭიროდ არ მივიჩნიე. დავუნერდი, დიდად მადლობელი ვარ პატივისცემისთვის და მხოლოდ მნიშვნელოვანმა და გადაუდებელმა საქმემ არ მომცა საშუალება, პირადად გამომხეხატა ჩემი გულწრფელი გრძობები-მეთქი. ვიცოდი, რომ მოხუც რაინდს ცერემონიები არ უყვარდა და ადვილად მაპატიებდა მის უნახავად წასვლას, ჩემთვის კი აუცილებელი იყო შეუმჩნევლად დამეტოვებინა ოსბალდისტონ-ჰოლი, რადგან ვიცოდი, რომ რეშლის ყველგან ჰყავდა მოენე და მეთვალყურე და, თუ მთელი სახლი გაიგებდა ჩემს განზრახვას, შეატყობინებდნენ და სადმე ხათანგს დამიგებდა. ამიტომ ვამჯობინე, დილაუთენია დავდგომოდი გზას და, სანამ ციხე-დარბაზში ჩემს წასვლას გიგებდნენ, საზღვარი გადამელახა. ამგვარად, მთავარი იყო უმოკლესი გზით, სწრაფად და შეუმჩნევლად წავსულიყავი შოტლანდიაში, მაგრამ ამას ერთი მნიშვნელოვანი დაბრკოლება ეღობებოდა წინ: გლაზგოს გზა არ ვიცოდი, არც უმოკლესი და არც უგრძელესი. ამიტომ გადავწყვიტე, ენდრუ ფერსერვისი მომენახულებინა და რჩევა მეკითხა. ამაზე მცოდნე მრჩეველს ვერც ვინატრებდი, თანაც აქვე, გვერდით მყავდა. ძალზე გვიან კი იყო, მაგრამ ამ საქმის გადადება არ შეიძლებოდა. ეზოში გამოვედი და რამდენიმე წუთის შემდეგ მებადის სახლის კართან ვიდექი.

ენდრუ ბადის მახლობლად მყუდრო, ბოტუმბერლენდურ, კოტეჯში ცხოვრობდა. კოტეჯი უხეშად გათლილი ქვებით იყო აშენებული. კარი და ფანჯრები ქვის ტლანქი არქიტრავებით დაემშვენებინათ, სახურავი სქელი რუხი ქვისა ჰქონდა (საერთოდ, აქეთ

უფრო ისლს, კრამიტს ან ფიქალს ხმარობდნენ სახლის გადასახურავად). სახლის კუთხესთან საადრეო მსხალი იდგა, წინ პატარა ნაკადული ჩამოუდიოდა და იქვე, ფანჯრების წინ, მეოთხედ აკრზე ყვავილები იყო გაშენებული. უკან ბოსტანი, სათიბი და პატარა საყანე ეკრა. ამ მინაზე მრავალნაირი მარცვლეული ეთესა, ეტყობოდა, ყველაფერი სახლის ბინადართათვის იყო განკუთვნილი. ბაზარზე არაფერი გაჰქონდათ. აქ ყველაფერი იმაზე მიუთითებდა, რომ ძველი ინგლისი. ამ უკიდევანო ჩრდილოეთშიც კი, თბილად და გულიანად ეკიდებოდა თავის ყველაზე უჩინო ქვეშევრდომთ.

ის იყო კარზე დაკაკუნება გადავწყვიტე, რომ ოთახიდან უცნაური გაბმული დუდღუნი მომესმა და გავიფიქრე, ალბათ ენდრუმ, შოტლანდიელთა სანაქებო ჩვეულებისამებრ, მეზობლები შემოიკრიბა და საოჯახო ღვთისმსახურებას ატარებს-მეთქი. ენდრუ მარტოდმარტო ცხოვრობდა სახლში, არც ცოლი ჰყავდა არც შვილი. ქალებზე გამწყრალი იყო. ხშირად ამბობდა მეზობლებს, რომ უპირველესმა კარგა ბლომად იწვინა ამ პირუტყვებისგანო, მაგრამ ხანდახან მაინც შეკრებდა ხოლმე მეზობლებს - პაპისტებსა და ინგლისური ეკლესიის მიმდევრებს (რომელთაც ცეცხლიდან გამოტაცებულ მუგუზლებს უწოდებდა) და ჭეშმარიტი სარწმუნოების სხივით აცისკროვნებდა მათ ცოდვილ სულებს. ეს მამა ვოგანის, მამა დოჩარტის, რეშლის და საერთოდ კათოლიკური სარწმუნოების ყველა მიმდევრის ბრძოლაში გამოწვევას ნიშნავდა, რადგან ისინი ენდრუს საოჯახო წირვა-ლოცვას ღვთისმგვემლობად მიიჩნევდნენ. ახლაც, ენდრუს ოთახიდან გამოსული ხმების მოსმენისას, ვიფიქრე, მეზობლები შეუკრებია და მოძღვრავს-მეთქი, მაგრამ მერე, კარგად დავუკვირდი, მივხვდი, რომ ოთახიდან მხოლოდ ერთი კაცის ხმა ისმოდა და ეს ხმა თვითონ ენდრუს ეკუთვნოდა. კარი შევადე და ოთახში, მართლაც, მარტო ენდრუ ფერსერვისი აღმოჩნდა. იგი ერთი წვალეებითა და ვაი-

ვავლახით ებრძოდა გრძელ-გრძელ სიტყვებს, ძნელ სახელებს და ხმამაღლა ეკამათებოდა საკუთარ თავს ღვთისმეტყველების ურთულეს საკითხებზე.

- აი, ეს არის დავინწყე ღირსეული დოქტორის ლაიტფუტის[148] ქმნილების კითხვა, - მითხრა ენდრუმ, როცა ოთახში შევედი და ვეება წიგნი გვერდზე გადადო.

- ლაიტფუტისა? - ჩავეკითხე მე და ფოლიანტი ავათვალაიერ-ჩავათვალაიერე, - მაგ თქვენს დოქტორს რაღაც არ უხდება ასეთი გვარი.

- ასეთი გვარი ჰქონდა, მაგრამ უდიდესი ღვთისმეტყველი იყო. ახლანდელებს კი არა ჰგავდა. ბოდიშს კი ვიხდი, რომ ამდენ ხანს გაცდევინეთ კარებთან, მაგრამ ნუხელ ისე დამშალა წყეულმა უწმინდურმა (ღმერთო, დაიფარე ყველა ქრისტიანი), რომ გადავწყვიტე, სანამ ლოცვას არ ჩავიკითხავდი, კარი არავისთვის გამეღო. ჰოდა, სწორად ახლა ჩავათავე ნეემიის მეხუთე თავი და თუ ახლაც არ მომეშვება ის უწმინდური, აღარ ვიცი, რა ვიღონო.

- უწმინდურმა დამშალაო! ეგ როგორ გავიგო, ენდრუ?

- დამშალა, ესე იგი, მომშალა.

- როგორ თუ მოგშალა?

- მომშალა, დამშალა, შემაშინა! ისე შემაშინა, რომ კინაღამ კანიდან ამოვძვერი. მაშ, სულ ცოტა დამაკლდა!

- მე კი იმიტომ მოვედი, რომ დამემშვიდებინეთ და მეკითხა, ხომ არ იცით, რა გზით უნდა წავიდე შოტლანდიის ერთ-ერთ პატარა ქალაქში, რომელსაც გლაზგოს ეძახიან.

- გლაზგო პატარა ქალაქია?! - შეიცხადა ენდრუ ფერსერვისმა. - გლაზგო უზარმაზარი ქალაქია. ადამიანო! მერე მე მეკითხებით გზა თუ იციო? ჩემზე კარგად ვინ უნდა იცოდეს გლაზგოს გზა?! გლაზგოდან ხომ ორი ნაბიჯია დრაიპდეილის სამრევლომდე. სადაც ჩემი მშობლიური სოფელია. ცოტა ჩრდილოეთით უნ-

და წახვიდე და იქვეა. მაგრამ რატომ დასჭირდა პატივცემულ ბატონს გლაზგოში გამგზავრება?

- რალაც პატარა საქმე მაქვს, - მივუგე მე.

- გავიგე. სიმართლე არ გინდათ მითხრათ. რომ ჩაგეძიოთ, რაიმეს მომიჭორავთ, არა? ესე იგი, გლაზგოში მიბრძანდებით! - ენდრუმ ცოტა ხანს იყუჩა, მერე კი მითხრა: - მე მგონი ყველაფერს აჯობებს, ვინმე გაიყოლოთ მეგზურად.

- მაგას რა აჯობებს. ნეტა ვინმე კი მიდიოდეს იქით და...

- პატივცემულმა ბატონმა, უეჭველია, იცის, რომ მეგზურმა დრო უნდა დაკარგოს და დიდი ჯაფაც გასწიოს.

- რასაკვირველია! მე გადაუდებელი საქმე მაქვს და, თუ მეგზურს მიშოვით, კარგ გასამრჯელოს მივცემ!

- დღეს საერო საქმეებზე არ უნდა ილაპარაკოს ვაცმა, - თქვა ენდრუმ და თვალეზი მაღლა ალაპყრო, - აი, შაბათი საღამო რომ არ იყოს, გკითხავდით, რამდენს მისცემდით იმ ვაცს, რომელიც გლაზგომდე გამოგყვებოდათ, გზად შეხვედრილ ყველა მამული-სა და ციხე-დარბაზის პატრონების სახელს გეტყოდათ და იმათ ნათესავებსაც ჩამოგითვლიდათ.

- მე ხომ გითხარით, მარტო გლაზგოს გზა მინდა ვიცოდე-მეთქი. თუ ისეთ ვაცს მინახავთ, ვინც ამ ქალაქში მიმიყვანს, არათერს დავიშურებთ.

- აბა ეგ რა პასუხია? როგორ გავიგო, რამდენს იძლევი. იმ ვაცამა, მე რომ ვამბობ, ყველა ბილიკი და ხეობა იცის, ყოველ ხესა და ლოდს ცნობს იმ გზაზე, უმოკლესი გზით წაგიყვანთ და...

- ამდენი ლაპარაკის დრო არ მაქვს, ენდრუ, მეგზური მომიყვანე და გასამრჯელოც შენ დაუკვეთე.

- მართლა? აი, ეს სულ სხვა საქმეა! - გაუხარდა ენდრუს. - რაკი ეგრეა, მგონი, აჯობებს თვად ვიკისრო მეგზურობა.

- შენა, ენდრუ? სამსახურს რაღას უპირებ?

- ერთხელ, მახსოვს, გითხარით, ბატონო, დიდი ხანია ვაპირებ აქედან გაფრენას-მეთქი. ძალიან დიდი ხანია, მგონი პირველსავე წელს ავიყარე აქაურობაზე გული. ახლა კი უსიკვდილოდ გადავწყვიტე წასვლა და რაც მალე წავალ უკეთესია. თავის დაკარგვას ნევის დაკარგვა სჯობია.

- მაშასადამე, სამსახურს თავს ანებებ, მაგრამ ხელფასი ხომ გერგება? როგორღა მიიღებ?

- უეჭველია, რაღაც დამეკარგება, მაგრამ ამას წინათ ვაშლი გავყიდე იმ ძველი ბაღიდან და ფული ხელთა მაქვს. დიდი საქონელი კი არ გეგონოთ - მკვახეც იყო და მჟავეც, სერ ჰილდებრანდმა კი ისეთი ფასი მოითხოვა, რომ... უფრო სწორად, მოურავმა გაიდგა ფეხი და არაფერი დაუკლო, თითქოს ოქროსფერი პეპინიო. მერე კიდევ თესლის საყიდელი ფული მაქვს და, მე მგონი, თითქმის გამითავდება კიდევ ჯამაგირი. ამას გარდა, პატიცემული ბატონი ალბათ ხვდება, რამდენ რამეს ვკარგავ გლაზგოში წამოსვლით და, როცა ჩავალთ, ზარალს ამინაზღაურებს. მალე აპირებთ გამგზავრებას?

- ხვალ, უთენია, - ვუპასუხე ენდრუს.

- უჰ, ცხენი როგორღა ვიშოვო? თუმცა მოვიფიქრე! მორჩა, უკვე ნაშოვნი მყავს!

- მაშინ ასე ვქნათ, ენდრუ: დილის ხუთ საათზე მთავარი ხეივანის თავში დამელოდე.

- ეშმაკმა დამლახვროს, თუ მაგ დროისთვის იქ არ ვიყო (ღმერთო, მაპატიე უწმინდურის ხსენება!), - მხიარულად მომიგო ენდრუმ. - ისე კი, თუ დამიჭერებთ, ორი საათით ადრეც შეგვეძლო გასვლა. ჩემთან არც დღე დაიკარგებით და არც ღამე. მე იმ ბრმა რაღფ როლანდსონზე ნაკლებ კი არ გავიგნებ გზას, რომელიც თავის ქვეყანაში უშიშრად დადიოდა ჭაობის ბილიკვებზე, თუმცა რომ გეკითხათ, კვრინჩხა რა ფერიო, ვერ გიპასუხებდათ.

მე მაშინვე მივიღე ენდრუს შესწორება და დავთქვით, რომ სამ საათზე შევხვედროდით ერთმანეთს. უკვე წამოსვლა დავაპირე, რომ ჩემს მეგზურს ახალი აზრი მოუვიდა თავში.

- მოჩვენება! მოჩვენებას რა ვუყოთ? წინ რომ დავგიხვდეს?! არ მინდა, მეორედ გადავანყდე იმ უწმინდურს.

- სისულელეა, - წამოვიძახე მე და უკან, ოთახში შევბრუნდი, - იმ ქვეყნიდან მოსულებისა გეშინიათ? აგანა ამ ქვეყნად ცოტაა ისეთი ბოროტი, რომელთაც სულ არა სჭირდებათ აჩრდილებისა და მოჩვენებების დახმარება? ისეთ საქმეებს ატრიალებენ, ლუცი-ფერი რომ ამოვიდეს ქვესკნელიდან მთელი თავისი ამალით, ამის ნახევარსაც ვერ მოახერხებდა.

ამ სიტყვებით (რომლებიც ჩემმა საკუთარმა გაჭირვებამ მი-კარნახა) დავტოვე ენდრუს საბრძანებელი და შინ დავბრუნდი.

მისვლისთანავე გავამზადე ყველაფერი გასამგზავრებლად, დამბაჩები შევამოწმე, დავტენე და ლოგინზე მივწევი, სანამ ამ ხანგრძლივ და სახიფათო მოგზაურობას შევუდგები, იქნებ ცოტა წავთვლიმო-მეთქი. არ მეგონა, თუ თვალს მოვხუჭავდი, მაგრამ დაღლილობამ თავისი გაიტანა და მალე ღრმა ძილმა წამართვა თავი. როგორც კი ჩემი საძინებელი ოთახის გვერდით მდებარე კოშკზე საათმა ორჯერ დარეკა, მაშინვე გამომეღვიძა, ფეხზე წამოვხტი, ცეცხლი გამოვკვსე, სანთელი ავანთე და ბიძაჩემს ბარათი დავუწერე. შემდეგ ტანსაცმელი გადავარჩიე, წასაღები ჩანთაში ჩავალაგე, ფეხაკრეფით ჩავიარე კიბე და საჯინბოში შევედი. მე, მართალია, ჩემი ბიძაშვილებივით დახელოვნებული მეჭინიბე არ ვიყავი, მაგრამ ოსბალდისტონ-ჰოლში ყოფნისას საკმაოდ კარგად შევისწავლე ცხენის შეკაზმვა. რამდენიმე წუთის შემდეგ უკვე ცხენზე ვიჯექი და მზად ვიყავი გასამგზავრებლად.

წელი ნაბიჯით ჩავიარე ახალი მთვარის მკრთალი სხივებით განათებულ ძველ ხეივანში. შუამდე რომ მივედი, ოხვრით მივიხედე უკან და თვალით დიანა ვერნონის ფანჯრებს დავუწყე ძებნა.

ვიგრძენი, სამუდამოდ ვშორდებოდით ერთმანეთს და გული მწუხარებით შემეკუმშა. გოთური ფანჯრების გრძელი რიგი მთვარის შუქზე ერთ გრძელ თეთრ ზოლად მოჩანდა და დიანას ფანჯრები ვერ გავარჩიე. „სამუდამოდ დავკარგე, სამუდამოდ, - ვფიქრობდი გულში და ამიტომ ვცდილობდი ოსბალდისტონ-ჰოლის რთულ არქიტექტურაში გავრკვეულიყავი, - ჯერ აქვე დაკარგულია ჩემთვის და მერე რაღა იქნება, როცა უამრავი მილით დავშორდებით ერთმანეთს?

აი ამ მწუხარე ფიქრებში ჩაძირული ვიდექი ხეივანში, როცა

„ღამის დაგუბულ ყურებს აუნცა
ენამ რკინისამ მესამე უამი“[149]

და შემახსენა, რომ უკვე დრო იყო პაემანზე მივსულიყავი. ვაი, რომ პაემანზე წარმტაცი გარეგნობის ქალიშვილის ნაცვლად ენდრუ ფერსერვისი მელოდებოდა!

ხეივნის ბოლოში, ჭიშკართან მხედარი დავინახე. იგი ჩრდილში გარინდულიყო და მხოლოდ მაშინ გამომეხმაურა, როცა ორჯერ ჩავახველე და სახელი დავუძახე:

- დიახ, დიახ, დამშვიდდით, სწორედ ენდრუ ვარ!

- მაშინ გამიძეხი, და, თუ შეგიძლია კრინტი არ დასძრა, სანამ სოფელს არ გავცდებით და მინდორში არ გავალთ, - ვუბრძანე ენდრუს.

ენდრუმ ცხენს დები ჰკრა და ისე სწრაფად გააჭენა, რომ ძლივს მივყევი უკან. ასევე გულმოდგინედ შეასრულა ჩემი მეორე ბრძანებაც და, თუმცა რამდენიმეჯერ ვკითხე, ასე რა მიგარბენინებს-მეთქი, პასუხი არ გამცა. ათასნაირი ერთმანეთის გადამკვეთი ბილიკებით, რომლებსაც ენდრუ თვალდახუჭული გაივლიდა, სერ ჰილდებრანდის საბრძანებელს გავცდით. მინდორიც ჭენებით გავიარეთ და ახლა უკვე ტიტველ გორაკებს შუა მივქროდით

შოტლანდიისა და ინგლისის საზღვარზე მდებარე ფართო ზოლზე, რომელსაც „მიდლ მარჩიზს“ უწოდებენ. გზა, უფრო სწორად ბილიკი ხან ჭაობზე გადადიოდა, ხან კლდე-ღრეზე, ხან კი სულ გვეკარგებოდა ფეხქვეშ, მაგრამ ენდრუს სადავე მიეშვა და ცხრა-ათი მილის სიჩქარით მიაჭენებდა ცხენს. მაოცებდა და მაბრაზებდა ჩემი მეგზურის სიჭიუტე და თავნებობა, რადგან ისეთ ციცაბო აღმართ-დაღმართსა და ფრიალო კლდეების პირას მივაქროლებდით ცხენებს, ერთი რომ გადასცდნოდათ ფეხი, ცოცხალი ვერც ჩავალწევდით ძირს. მთვარე ოდნავ ანათებდა ბილიკს, ალაგ-ალაგ კი ამ მატყუარა შუქსაც გვიფარავდა მაღლა აზიდული კლდეები და მაშინ მხოლოდ ენდრუს ცხენის ხმითა და ნალებქვეშ გაკვესებული ნაპერწკლებით ვიგნებდი გზას. ამ თავბრუდამხვევმა სიჩქარემ პირველად კარგი სამსახური გამიწია, რადგან მთელი ყურადღება იქით იყო მიმართული, რომ როგორმე კლდეზე არ გადავიხილიყავით და წამი არ მრჩებოდა იმ მტანჯველი ფიქრებისათვის, რომლებიც, ნელა-ნელა რომ მემგზავრა, აუცილებლად დამესეოდნენ და გულსა და სულს დამისწრავდნენ. მაგრამ ბოლოს, როცა ათჯერ მაინც დავუძახე, ნელა იარე-მეთქი და ათჯერვე დუმილი მივიღე პასუხად, საშინლად გავცეცხლდი და ჩემი თავნება და ჭიუტი მეგზურის დასჯა განვიზრახე. განვიზრახე, მაგრამ ვერაფერს გავხდი: მინდოდა დავწეოდი და მათრახის ცემით გადმომეგდო უნაგირიდან, მაგრამ ვერა და ვერ დავწეი - ცხენიც უკეთესი ჰყავდა, თვითონაც, უეჭველია, იგრძნო რა მოელოდა თუ დავწეოდი და, როგორც კი ცოტათი წამოვეწეოდი, ცხენს დეგებს შემოჰკრავდა და დიდ მანძილზე მასწრებდა ხოლმე. მაშინ მეც იძულებული ვხდებოდი, მათრახი გადამეჭირა ჩემი ცხენისთვის: რადგან, ენდრუ რომ დამეკარგა მხედველობიდან, ვერაფრით ვერ გავიგნებდი გზას ამ საშინელ, უკაცრიელ ტყე-ღრეში. ბოლოს საშინლად გავცოფდი და დავპირდი, თუ არ გაჩერდები გესვრი-მეთქი. ამ მუქარამ, როგორც

ჩანს, შეარხია ჩემი ჭიუტი მეგზურის ყურის აპკი, რომელიც უფრო მოკრძალებულ დაპირებებზე არავითარ რეაგირებას არ ახდენდა. ენდრუმ ცხენს სადავე დაუჭირა და, როცა მივუახლოვდი, შენიშნა: არ ვიცი, რა საჭიროა ასე კისრისტეხით რომ მივაჭენებთ ცხენებსო.

- ჰოდა, რა მიგარბენინებს, შე თავხედო არამზადავ! - ვუყვირე მე. ისეთი შიში გადავიტანე, რომ გულში რისხვის კოცონი მენტო. წყლის რამდენიმე წვეთი ცეცხლს ვერ ჩააქრობს, პირიქით, უფრო ძლიერად გააჩაღებს ხოლმე კოცონს. მეც ასე დამემართა: გადატანილმა შიშმა საშინლად გამაშმაგა და მზად ვიყავი შუაზე გამეგლიჯა ენდრუ.

- რა გნებავთ, ბატონო, რატომ ბრაზობთ? - გაოცებით მკითხა ენდრუმ.

- არ იცი, რა მნებავს, შე ყალთაბანდო? მთელი საათია გიყვირი, ნელა იარე-მეთქი და შენ ჰასუხის ღირსადაც არ გამხადე. გაგიჟდი თუ არყით გამოტყვევრი?

- ყურში მართლა ცუდად მესმის, ბატონო, და ამის ბრალია ყველაფერი. მერე, წამოსვლის წინ ჭიქა ხომ უნდა ამეწია, ბოლოს და ბოლოს ამდენი ხანი მიცხოვრია ამ სახლში! ჰოდა, ერთი გადავკარი. დამღევი არავინ მყავდა და ნახევარ ბოთლ არაყს ჰაპისტებს ხომ არ დავუტოვებდი. ავდექი და სულ გამოვწრუპე, მაშ რა მექნა, გადამედვარა?

ახსნა-განმარტება დამაჭერებელი ჩანდა, თანაც მეგზურთან ჩხუბი ხელს არ მაძლევდა, ამიტომ ენდრუს ვუთხარი, რაც იყო, ამის მერე კი ყველაფერი უნდა დამიჭეროთ-მეთქი. როცა დაინახა, რომ ასე იოლად გადარჩა, ენდრუმ კვლავ აუწია ხმას:

- თქვენ ვერ მასწავლით და ვერ ვერავინ დამიმტკიცებს, რომ შუალამისას, ამ სიცივეში ჭაობებში სამოგზაუროდ თუ მიდის კაცი, ერთი ჭიქა მოცვის ან მიხაკის ნაყენი, ან არაყი, ან რაიმე ასეთი არ უნდა დალიოს. მე ასჯერ მაინც გადამივლია ოტერსკოპის ქე-

დი, დღისითაც მივლია, ღამითაც და თუ ცოტა დაღეული არ ვიყავი, გზა ვერ გამიგნია. დავლევდი ჩემს ულუფას და ისე გადავდიოდ-გადმოვდიოდი, როგორც დაგიბარებია. თანაც ორ-ორი კასრი არაყი გადამქონდა.

- სხვა სიტყვებით რომ ვთქვათ, ენდრუ, კონტრაბანდას ეზიდებოდი, არა? განა შენისთანა პატიოსანმა და წესიერმა კაცმა ხაზინის მოტყუება უნდა იკისროს?

- ამით ურწმუნო ეგვიპტელებს ვუთხრიდი ძირს, - მიპასუხა ენდრუმ, - თქვენ არც კი იცით, რა დღეშია სანყალი ბებერი შოტლანდია! გამოხრეს, გამოათავეს იმ ბილწმა აქციზებმა და ინჰექტორებმა. როგორც კი ინგლისს შევეუერთდით, კალიებივით დაგვესიენ. ამიტომ ყველა პატიოსანი შოტლანდიელის ვალია, რამდენიმე წვეთი სასმლით გაუთბოს ბებერი გული თავის მშობელს. თანაც ამით წყეული ქურდების საქმე ფუჭდება.

ენდრუს წვრილად გამოვკითხე ყველაფერი. თურმე ხშირად უზიდა კონტრაბანდა ამ ბილიკებით ჯერ კიდევ მაშინ, როცა ოსბალდისტონ-ჰოლში არ მსახურობდა და მერეც არ დაუკლია ხელი. ამან ძალიან გამახარა, რადგან, ცხადია, საკუთარი ხელის-გულივით ეცოდინებოდა ყველა გზა და ბილიკი და თითქმის ვაპატიე წელანდელი სიჭიუტე და თავნებობა. ახლა ცოტა მოვუკელით სიჩქარეს, მაგრამ ის მიხაკის ნაყენი თუ რაღაც ოხრობა ჯერ კიდევ არ გამოენელებინა: მალიმალ დაფეთებული იყურებოდა უკან და, როცა გზას ცოტა გაივავებდა სადავეს მიუშვებდა ხოლმე - ეტყობოდა, ძალიან ეშინოდა მდევარი არ წამოგვეწიოსო. შემდეგ ენდრუს ნელ-ნელა გადაუარა შიშმა და ამის მიზეზსაც მივხვდი: ჩვენ დიდი მანძილი აღარ დაგვრჩენოდა დასავლეთიდან აღმოსავლეთისაკენ გაჭიმული ხრიოკი, ციცაბოფერდობიანი მთაგრეხილის მწვერვალებამდე.

ცის კაბადონი უკვე შეაფერადა განთიადის მაუნყებელმა მკრთალმა სხივებმა. ენდრუმ შიშნულად მიიხედა უკან და, როცა

ახლახან გამოვლილ ჭაობებში ცოცხალი არსების ნიშან-კვალი ვერ დალანდა, შუბლი გაშალა და ისე გამხიარულდა, რომ ჯერ სტვენას მოჰყვა, მერე კი საკმაოდ უხეიროდ, მაგრამ მთელი გრძნობით იმღერა ერთ-ერთი შოტლანდიური სიმღერის ბოლო ტაეპი:

ჯენის ნავიყვან ჭაობის პირას
სად ლაქაშები დამდგარან გუნდად.
თუნდ მთელი კლანი აღმიდგეს რისხვით,
მდიონ და მდიონ რამდენიც უნდათ.

სიმღერა რომ დაამთავრა, ალერსიანად მოუთათუნა კისერზე ხელი თავის ცხენს, რომელმაც ასე ყოჩაღად იარა ამ საშიშ ჭაობებსა და გზანვრილ, ციცაბო ხრიოკებში. ცხენს დავაკვირდი და ვიცანი: თორნკლიფ ოსბალდისტონის ფაშატი იყო, ყველაზე უფრო რომ უყვარდა ის ფაშატი!

- ეს რა ამბავია ვაჟბატონო?! - მკაცრად ვკითხე ენდრუს. - ეს ხომ მისტერ თორნკლიფის ცხენია?

- არ შეგედავებით! თავის დროზე, მართლაც, ბატონი თორნკლიფის ცხენი იყო, ახლა კი ჩემია!

- მოგიპარავს, შე გაიძვერავ!

- აბა, აბა! ეგრე ჩემზე ჯერ არავის უთქვამს. ბატონო! სიმართლე, თუ გინდათ, ასეა: ბატონი თორნკლიფი იორკში მიდიოდა დოღზე და ათი გირვანქა გამომართვა სესხად, წაიღო და წაიღო! რა შვილი იყო, დაებრუნებინა! ერთი-ორჯერ შევახსენე და დამპირდა, ძვალსა და რბილს გაგიერთიანებო. ახლა კი გადამიხდის. მაშ, რას იზამს. არა და, მისი ფაშატი საზღვრის გადაღმა დარჩება. სანამ მთლიანად არ ჩამითვლის ფულს ხელში, თავისი ცხენის ძუასაც ვერ იხილავს. ლაუმბენში ერთი კანონებში გამოქვეყილი ყმანვილი ვიცი, ჰოდა, ის მომარიგებს ახალგაზრდა ბატონ-

თან. ფაშატი მოიპარაო! ეგეთი რამეებისგან ენდრუ ფერსერვისი შორს არის! მე მხოლოდ დროებით წამოვიყვანე „ჯურისდიქშონს დეფენდი კოზების[150]“ საფუძველზე. კანონის ეს ლამაზი სიტყვები ძალიან წააგავს მებაღეთა და სწავლულების სიტყვებს, მაგრამ ძალიან ძვირი კი ჯდება. ენდრუს ეს სამი სიტყვა ოთხი ვასრი საუკეთესო არაყი და ერთი ტკბილი საუბარი დაუჭდა. ისეთი არაყი იყო, რომ... რას იზამ, ბატონო, კანონი ძვირი რამ ყოფილა!

- ჯერ კიდევ არა გცოდნია კანონის ფასი, ენდრუ. თუ მომავალშიც შენით მოინდომებ ანგარიშის გასწორებას მოვალეებთან, კიდევ უფრო ძვირი დაგიჯდება კანონთან შეხვედრა.

- ჰა, ჰა! მადლობა ღმერთს, უკვე შოტლანდიაში ვართ. აქ კი მოვახერხებ ყველა ოსბალდისტონზე უკეთ მოვნახო ვეჭილები, მეგობრები და, თუ გინდათ, მოსამართლეებიც. ჩემი სიდედრის გარებიძაშვილის მამიდაშვილად ერგება დამფრინვის ქალაქის თავს და არავის დააჩაგვრინებს თავის სისხლსა და ხორცს. არხენად იყავით, აქ კანონი კანონია! თქვენს კანონს კი არა ჰგავს - ვაცი თავის მოფხანას ვერ მოასწრებს, რომ უკვე გაბოჭილია ვილაც ჯობსონის ბრძანებით. ჯერ სად ხართ! მალე მგლებივით დაერევით ერთმანეთს, ამიტომაც მოვცოცხე იქიდან.

მე საშინლად აღმაშფოთა ენდრუს „სამართლიანობამ“. ბედი არ გინდა? უკვე მეორედ გადავეყარე ასეთ საშარო საქმეს. თუმცა მაშინვე გადავწყვიტე, როგორც კი ადგილზე ჩავიდოდი, ფაშატი გამომესყიდა და ბიძაშვილისათვის გამეგზავნა, მანამდე კი ბიძაჩემისათვის მეცნობებინა ეს კეთილი განზრახვა. საამისოდ საჭირო იყო ისეთ ქალაქამდე მიმეღწია სადაც ფოსტა იქნებოდა. ახლა კი ენდრუსთან ვამათს აზრი არა ჰქონდა. მის ადგილას შეიძლება სხვაც ასე მოქცეულიყო-მეთქი. ვიფიქრე მე, ბრაზი გულში ჩავიკალი და ვკითხე, რა იგულისხმე, როცა თქვი, მალე ერთმანეთს მგლებივით დაერევიით.

- ჰო, მგლებივით! - გაიმეორა ენდრუმ, - მალე კეტისა და კომბლის კანონი გამეფდება. ნორთუმბერლენდს ახლა კალიებივით დასევიან მღვდლები, ირლანდიელი ოფიცრები და გათახსირებული პაპისტები. ისინი უცხოეთში იყვნენ ჯარში იმიტომ, რომ აქ ახლო არავინ გაიკარა. ახლა კი სვავებივით მძორის სუნი იკრეს და ყველანი იქ მოქუჩდნენ. სერ ჰილდებრანდი კი, ხომ იცით, სადაც დიდი კლდეა იმას უნდა დაეჭახოს რქებით. ერთ ამბავში არიან, ჰაი, თოფები და დამბაჩები გავამზადოთო, ჰაი, ხმლები და ხანჯლები გავაფხავოთო, ჩხუბს აპირებენ და ეგ არის. ტყუილად რა, რატომ შეინუხებდნენ თავს. ახალგაზრდა ბატონები, თქვენთან ბოდიში და, სულ მთლად ბრიყვები არიან. შიში არც კი იციან რა არის.

ენდრუს სიტყვებმა გამახსენა, რომ ამას წინათ მეც დამაეჭვა ჩვენების ქცევამ და ვითქვრე, ალბათ იაკობიტები აჯანყებას აპირებენ-მეთქი, მაგრამ გულში ვთქვი, ბიძაჩემს ჯაშუშივით ხომ არ დავუნყებ თვალთვალს-მეთქი და თვალი დავიბრმავე და ყური მოვიყრუე. ენდრუ ფერსერვისს კი ასეთი მოკრძალება არ ევალებოდა და, ეტყობოდა, დანამდვილებით, გაიგო, რომ აჯანყება მზადდებოდა. სწორედ ეს იყო იმის მიზეზი, რომ ასე სასწრაფოდ გაეცალა ოსბალდისტონ-ჰოლს.

- მსახურები, იჯარაღარებთან და სხვა ამისთანა ხალხთან ერთად, სიებში ჩაწერეს და ერთი ამბით წვრთნიან. უნდოდათ მეც ამესხა თოფ-იარაღი, მაგრამ რა საქმე მაქვს აჯანყებულებთან. ეტყობა, ცუდად იცნობენ ენდრუს, თორემ არ დამიძახებდნენ. მე როცა თავად მინდა, მაშინ ვიბრძოლებ, მაგრამ არც ბაბილონელ მანანნალებს მივხმარები და არც ინგლისელ ნაძირალებს.[151]

თავი XIX

შეჩერდი, მგზავრო! აქ, კოშკი ქიმორღვეული დაცემას ცდილობს

აქ განისვენებს რიყის ოხვრა, შეფარდებული სამარის ჩრდილობს.

აქ მძლედ ვიდოდა, ვიდოდა ცეცხლით... აქ მეომარი ვიდოდა წინათ,

აქ სძინავს ზარებს, პოეტის ზარებს, შეყვარებულთა ოცნებებს სძინავთ.

ლენგჰორნი[152]

პირველ შოტლანდიურ ქალაქში რომ შევედით, ენდრუ თავისი მეგობრის და მრჩეველის მოსაძებნად გაიქცა - უნდოდა მისი დახმარებით საკუთარ და შეუდავებელ ქონებად ექცია „ძვირფასი ცხოველი“, რომელიც პატრონის დაუკითხავად წამოიყვანა და მაინც თავისად მიაჩნდა, რადგან ქონების შეძენის ეს თავისებური ხერხი ერთობ გავრცელებული იყო უკანასკნელ ხანამდე ამ წესსა და კანონს მოკლებულ ქვეყანაში. ძალიან დაიმედებული მოდიოდა, მაგრამ უკან ისე დაღვრემილი და ცხვირჩამოშვებული დაბრუნდა, რომ სიცილი ძლივს შევიკავე. ეტყობოდა, ყველაფერი ჩამოეფქვა თავისი ძველი მეგობრისთვის და მხოლოდ შემდეგ გაეგო ის სამწუხარო, ამბავი, რომ ყოფილი ვეჩილი მომრიგებელი მოსამართლის მდივნად ქცეულიყო. მისტერ ტაუტჰოპს ახლა თვითონ ვვალებოდა ხელისუფლებისთვის ჩაებარებინა მისტერ

ენდრუ ფერსერვისის მსგავსი „ვაჟკაცები“. სასამართლო ხელი-სუფლების მამაც წარმომადგენელს მტკიცედ განუცხადებია თავისი მეგობრისათვის, ეგ ცხენი უნდა ჩამოგართვათ და მოსამართლე ტრემბულის საჭინბოში უნდა მივუჩინოთ ბინაო. იქ დღეში 12 შოტლანდიურ შილინგად მოუვლიდნენ, სანამ სასამართლო პროცესზე არ დადგინდებოდა, თუ ვინ ყოფილიყო ფაშატის კანონიერი მფლობელი. მდივანმა ისიც კი უთხრა სანყალ ენდრუს, სიტყვა-სიტყვით რომ მივყვე კანონსა და სამართალს, შენც უნდა დაგაპატიმროო, მაგრამ ენდრუმ ვედრება დაუნყო, არ დამღუპოო, და ისე აუჩუყა გული, რომ მდივანი დაპირდა, არაფერს დაგიშავებო და ერთი ჯაგლაგი, მუცელგაბერილი და ქუშიანი ცხენი აჩუყა თავის ძველ მეგობარს (ფეხით ხომ არ იმგზავრებო). მთლად უანგაროდ კი არ გადაუდგამს ეს დიდსულოვანი ნაბიჯი: ენდრუს ხელწერილი ჩამოართვა, ამ ცხენთან აღარათფერი მესაქმებაო. ამით საბოლოოდ ააღებინა ხელი თორნკლიფი ოსბალდისტონის მკვირცხლ ფაშატზე და თან ხუმრობით დასძინა, ნუ იღარდებ ამ ცხენიდან მარტო თოკი გერგებოდა, რომლითაც სახრჩობელაზე ჩამოგკიდებდნენო.

ენდრუმ ძალიან უნადინოდ, ნანყვეტ-ნანყვეტ მიამბო ყველაფერი და ბოლოს, როცა შევნიშნე, კანონის ხალხი ტვიდის ორივე მხარეს ერთნაირები ყოფილან-მეთქი, მთლად მოიჟამა, მაგრამ ვეღარ შემეკამათა. მისი ეროვნული თავმოყვარეობა მწარედ იყო შელახული, მაგრამ თვითონაც კარგად ხვდებოდა, რომ ორივე მდივანი, მისტერ ტაუტჰოპი და მისტერ ჯობსონი ერთი ჯიშისა და ჯილაგისანი იყვნენ. ენდრუმ სიცოცხლე სასწორზე შეაგდო იმ ფაშატის გულისათვის და, რაღა თქმა უნდა, იოლად ვერ მოინელეებდა იმის დაკარგვას, მაგრამ ინგლისელებს რომ წაერთმიათ, ასე ძალიან არ იღარდებდა. ახლა კი ლამის ტირილით ამბობდა, სად ნახულა, შევარდენმა შევარდენს თვალი ამოკორტნოსო, სად გაკონილა, ნამდვილმა შოტლანდიელმა ნამდვილი

შოტლანდიელი გაძარცვოსო. თუმცა გასაკვირი არაფერიაო, და-
ამატა თვითონვე, აქ ყველაფერი შეიცვალა იმ სამწუხარო ამბის
შემდეგ, აი, შოტლანდიის სამეფო ინგლისისას რომ შეუერთდა,
იმაზე გეუბნებითო. ენდრუს ღრმა რწმენით, ამან გაათახსირა და
გადაგვარა მისი თანამემამულეები. თურმე მედუქნეები ცხრაპირ
ტყავს რომ გვაძრობდნენ ამ მოგზაურობის დროს, ლუდი კათხები
რომ დაპატარავებულიყო, ფასი კი გაზრდილიყო, ერთი სიტ-
ყვით, ამ მოგზაურობის დროს შენიშნული ყველა უნესრიგობა
თურმე ინგლისელების ბრალი ყოფილა.

რადგან საქმე ამგვარად შეტრიალდა, მე თავი აღარ შევიწუხე
ფაშატის გამოსახსნელად და ბიძაჩემს წერილით ვამცნე ცხენის
თავგადასავალი. ახლა იგი კანონმდებლობის ღირსეული წარმო-
მადგენლის, მოსამართლე ტრემბულისა და მისი მდივნის ტაუტ-
ჰოპის ხელშია და იმათ მიაკითხეთ-მეთქი. ამ ჩანაწერებში არ
არის აუცილებელი იმის აღნიშვნა, ფაშატი მართლმსაჯულების
შოტლანდიელმა მცველმა დაიტოვა საფერხედ, თუ მისმა კანო-
ნიერმა მფლობელმა, ნორთუმბერლენდელმა მხეცთმმუსვრელ-
მა, დაიბრუნა.

ჩვენ ახლა ჩრდილო-დასავლეთით მივდიოდით, ოღონდ იმ-
ლამინდელივით არ ვჩქარობდით. მრავალი ხრიოკი და ერთფე-
როვანი მთის გადალახვა მოგვიხდა, ვიდრე კლაიდის ნაყოფიერ
ველზე დავეშვებოდით. ბოლოს, როგორც იქნა მივალწიეთ გლაზ-
გოს, რომელსაც ჩემი მეგზური უდიდეს და უმშვენიერეს დედაქა-
ლაქს უწოდებდა. ახლა გლაზგო მართლაც იმსახურებს იმ ხოტ-
ბას, რომელიც ენდრუ ფერსერვისმა თავისი პოლიტიკური გამ-
ჭრიახობის წყალობით ასე ნაადრევად შეასხა პატარა, უღიმღამო
ქალაქს. მე თუ სწორი ინფორმაცია მომანოდეს, გლაზგო თავის
აყვავებასა და გამდიდრებას ვესტინდოეთთან და ამერიკის კო-
ლონიებთან გაცხოველებულ ვაჭრობას უნდა უმადლოდეს. თუ ამ
ვაჭრობას კიდევ უფრო გავაცხოველებთ და გავაფართოვებთ, ეს

ქალაქი შეიძლება მთელი ინგლისის სავაჭრო ცენტრად იქცეს და დიდად შეუწყოს ხელი ქვეყნის ეკონომიკურ აღმავლობას. მაგრამ იმ შორეულ წარსულში, რომლის ამბებსაც ახლა გიყვებით, ამ აღმავლობის ნიშანწყალიც არ იგრძნობოდა. მართალია, შეერთებულმა სამეფომ ნება მისცა შოტლანდიას, ეწარმოებინა ვაჭრობა ინგლისის კოლონიებთან, მაგრამ, ერთი მხრივ, კაპიტალის სიმცირემ და, მეორე მხრივ, ინგლისელი ვაჭრების მეტოქეობამ, რომელსაც საფუძვლად ეროვნული გრძნობა ედო, საშუალება არ მისცა შოტლანდიელი ვაჭრების უმეტესობას, ფართოდ ესარგებლა ამ ღირსშესანიშნავი ხელშეკრულებით მინიჭებული პრივილეგიებით. გლაზგო დასავლეთ სანაპიროზე გაშენებული და ქვეყნის აღმოსავლეთთან და კონტინენტთან ძალიან უძნელდებოდა ვაჭრობა, იმ დროს კი ქალაქს სხვა ქვეყნებთან ურთიერთობის სახსარი არ ჰქონდა და მხოლოდ მეზობლებთან ვაჭრობით უნდა გაეტანა თავი და თუმცა მაშინ არავინ ფიქრობდა, გლაზგო ოდესმე დიდი სავაჭრო ქალაქი იქნებაო, იგი დასავლეთ შოტლანდიის მთავარი და უდიდესი ქალაქი გახლდათ. გლაზგოს გვერდზე ფართო და წყალუხვი კლაიდი ჩაუდიოდა, რომლითაც ქვეყნის შიდა რაიონებს უკავშირდებოდა. კლაიდის ნაყოფიერი ველისა და მეზობელი ოლქების, აირისა და დამფრინის მცხოვრებლები გლაზგოს დედაქალაქად თვლიდნენ. ისინი აქ ეზიდებოდნენ თავიანთ მოსავალს და პირველადი მოთხოვნილებისა და ფუფუნების საგნებში ცვლიდნენ. წმინდა მუნგოს წილხვედრი ქალაქის ბაზრებს არც დასავლეთ შოტლანდიის პირქუში მთების მცხოვრებნი აკლებდნენ სტუმრობას. გლაზგოს ქუჩებში ხშირად შეხვდებოდით მომცრო ტანის, ბანჯვლიანი და შმაგი ხარების ჯოგს ან ცხენების რემას, რომლებიც ასეთსავე შმაგ, ბანჯვლიან და უმეტესად ასეთსავე მომცრო ტანის მთიელებს ჩამოერეკათ საძოვრებიდან. ქალაქის მცხოვრებლები მიჩვეულნი იყვნენ ამ სურათს, მაგრამ ჩამოსულები გაკვირვებით ათვალიერებდნენ

მთიელთა უცნაურ ტალავარს და გაოცებით უსმენდნენ გაუგებარ ხორხისმიერ ბგერებს. მუშკეტებით, ხმლებით, ხანჯლებითა და ფარებით შეჭურვილი მთიელები კი ასეთივე გაოცებით უჭვრეტდნენ დახლებზე გამოფენილ ფუფუნების საგნებს, რომელთა დანიშნულებაში ვერც კი გარკვეულიყვნენ და თვალებით ჭამდნენ იმ ნივთებს, რომელთაც იცნობდნენ და აფასებდნენ. მთიელებს ახლაც ეძნელებათ სამშობლოდან აყრა და მაშინ, მით უმეტეს, ისე შემზრდოდნენ სალ კლდეებს და ხრიოკ მთებს, როგორც პიტალოზე ამოსული ფიჭვი და, თუმცა, შიმშილი და ბასრი ხმალი დროდადრო მთელ სოფლებს ავლებდა მუსრს, ვინრო ხეობები მაინც ვერ იტევდა მომრავლებულ მოსახლეობას. ამიტომ მთიელები ჭგუფ-ჭგუფად და თითო-თითოდ ტოვებდნენ იქაურობას და გლაზგოში ჩამოდიდოდნენ საცხოვრებლად. აქ ისინი უბნებად სახლდებოდნენ, და რადგანაც აქ ისინი ვერც საქონელს მოამრავლებდნენ და ვერც ქერსა და ჭვავს მოიყვანდნენ, ხელოსნობით შოულობდნენ ცხოვრების სახსარს. ამ მუყაითი და დაუზარელი ხალხის შემომატებამ დიდად შეუნყო ხელი ქალაქის მოღონიერებას: საფეიქრო მრეწველობა, რომლითაც გლაზგო ძველთაგანვე იყო განთქმული, იაფი მუშა ხელის მოზღვავეების წყალობით აღმავლობის გზას დაადგა. ქალაქი დღითიდღე მდიდრდებოდა და ეს გარეგნულადაც დასტყობოდა: მთავარი გამზირი განიერი და ლამაზი ჩანდა. ორივე მხარეს ქვის სახლები ჰქონდა ჩამწკრივებული, რომელთა უმეტესობა საზოგადოებრივი დანიშნულებისა გახლდათ. სახლები არ გამოირჩეოდა დახვეწილი არქიტექტურული შემკულობით, მაგრამ უხვად იყო გაფორმებული ქვის მდიდრული ორნამენტებით და გამზირს შნოსა და ლაზათს მატებდა. ინგლისში ვერსად ნახავდით ასეთ დიდებულ ქუჩას, რადგან იქ სახლებს მეტწილად აგურით აშენებენ, აგური კი არც სილამაზით გამოირჩევა და არც გამძლეობით.

მე და ჩემი მეგობარი შაბათ საღამოს ჩავედით დასავლეთ შოტლანდიის დედაქალაქში. რაღა თქმა უნდა, ასე გვიან საქმეს ვერ დავინწყებდით და დაბინავების თადარიგს შევუდექით. ენდრუმ რომელიღაც სასტუმროს კარს მიმაცენა. სასტუმრო ძალიან წააგავდა ჰაპა ჩოსერის[153] მიერ აღწერილ ხანაგას. ჩამოვქვეითდით და სანდომიანი და თავაზიანი დიასახლისის მზრუნველობას მივხედეთ.

დილით ბარების რეკვამ გვამცნო კვირა დღის დადგომა. კარგად ვიცოდი, რომ შოტლანდიაში კვირა დღის გატეხა უდიდეს მკრეხელობად ითვლებოდა, მაგრამ მაინც დავაპირე ოუენის მოძებნა. დიასახლისმა და ენდრუმ დაბეჭითებით მითხრეს, ტყუილად ნუ გაირჩები, წირვის შემდეგ მიდი „მაკვიტის, მაკვინისა და კომპანის“ კანტორაში, თორემ ახლა იქ არც ოუენი იქნება და არც რომელიმე კომპანიონი. ისინი თავიანთ ქრისტიანულ მოვალეობას არ უღალატებენ და წირვას არ დააკლდებიანო. იმათი თქმით, ფირმის თანამშრომლები უკვე „ბარონის ეკლესიაში“ იქნებოდნენ მისული. ენდრუ ფერსერვისი, საბედნიეროდ, მხოლოდ იურისტებზე იყო გაბრაზებული, სხვა, შოტლანდიელ სწავლულებზე კი კვლავ ძველი შეხედულება ჰქონდა და ახლა ქებით ლამის ცაში აიყვანა მოძღვარი, რომელსაც იმ დღეს უნდა ექადაგა. დიასახლისი შეძახილებითა და „ამინებით“ უკრავდა კვერს. ისე ჩამაცივდნენ, რომ ბოლოს გადავწყვიტე, წავსულიყავი, ამ „დიდებულ და უბრწყინვალეს“ ეკლესიაში. გულახდილად უნდა ვთქვა, ქადაგების მოსმენაზე უფრო ოუენის ამბის გაგება მაინტერესებდა. ვიფიქრე, იქნებ იქ გავიგო ჩამოსულია თუ არა-მეთქი. წასვლა უფრო იმან გადამანყვეტინა, რომ ენდრუმ და დიასახლისმა დამარწმუნეს, თუ მისტერ ეფრაიმ მაკვიტი (ფრიად ღირსეული გვამი) სასიკვდილო სარეცელზე არა წევს, წირვას არ დააკლდება და თუ სახლში სტუმარი ჰყავს, აუცილებლად თან წამოიყვანსო. ის აზრი ერთობ სარწმუნოდ მეჩვენა და ერთგული ენ-

დრუს თანხლებით ბარონის ეკლესიისკენ გავემართე. მალე დავრწმუნდი, რომ მეგზური სულ არ ყოფილა საჭირო: რიყის ქვებით მოკირწყლულ აღმართს უამრავი ხალხი შესდგომოდა. ისინი საქვეყნოდ განთქმული შოტლანდიელი მოქადაგის მოსასმენად მიემშრებოდნენ. კიდევ რომ არ მდომოდა, თან გამიყოლებდნენ. აღმართი რომ ავათავეთ, მარცხნივ მივუხვიეთ და განიერი ალყათის კარებით შევედით ვრცელ სასაფლაოზე. სწორედ ამ სასაფლაოს შუაგულში იდგა გლაზგოს მთავარი ტაძარი თუ ეკლესია. შენობა კუბითი და მასიური მეჩვენა, მაგრამ წაურყვნელი გოთური სტილით იყო ნაგები და ისე უხდებოდა გარემოს, რომ მნახველს ძალაუნებურად მოკრძალებასა და ღვთის შიშს უნერგავდა გულში. შენობამ ჩემზედაც წარუშლელი შთაბეჭდილება დატოვა. ენდრუ დაჟინებით მიმეორებდა, დროა, შიგნით შევიდეთო, მაგრამ ფეხს ვითრევდი, რომ უფრო კარგად დამეთვალეფრებინა ღვთის ზვიადი და დიდებული საბრძანებელი.

ეს მასიური, ძველებური შენობა დიდი და ხალხმრავალი ქალაქის შუაგულში იდგა, მაგრამ ისე გამოიყურებოდა, ტრიალ მინდორზე მდგარი მხრებგაშლილი მუხა. ქალაქის ერთი მხრიდან მაღალი გალავანი ერტყა, მეორედან თვალუწვდენელი ხევი, რომლის ძირას ვერცხლისფერ ძათად მიიკლაკნებოდა ნაკადული. ნაკადულის ლიკლიკი ეშხსა და სილამაზეს მატებდა ამ თვალწარმტაც სანახაობას. ხევის მოპირდაპირე ნაპირი ფერდობი იყო, ხშირი ნაძვნარით დაფარული ფერდობი. ნაძვნარის ჩრდილს მთლად ჩამოებნელებინა ისედაც სევდისა და მწუხარების მომგვრელი სამუდამო განსასვენებელი.

სასაფლაო კარგა დიდი იყო, მაგრამ აქ იმდენ პატივცემულ მოქალაქეს დაედო ბინა, რომ თლილი ლოდები თითქმის მიჯრით იყო მიწყობილი ერთმანეთზე და საგოდებელს, „სადაც ბოროტი ვეღარ იზაკვის, სადაც მაშვრალი ჰჰოვებს სავანეს“, ხშირი ბალახის სამოსელი ვერ წამოესხა. ეს ვეება, ბრტყელი ლოდები

ისე ახლოა დალაგებული, ზევიდან უძირო ზეცა რომ არ დასცქეროდეს, იტყოდ, ძველი ინგლისური ეკლესიის იატაკია, საფლავის ქვებით გადებული იატაკიო. სიკვდილის ამ მწუხარე მათიანეებმა, ამ გოდებამ სიცოცხლის ამაოებისა და ადამიანის არარაობაზე წინასწარმეტყველის გრაგნილი გამახსენა, რომელიც „მოსთქვამდა, ჩიოდა და წუხდა“. სასათფლავს შუაში ზვიადად აღმართული ტაძარი ძუნწად არის შემკული ორნამენტებითა და ბარელიეფებით და სრულიად შეეფერება ამ პირქუშსა და დიად ბუნებას. რეფორმაციის დროს მხოლოდ ესა და კიდევ ერთი, ორკნის კეკუოლის ეკლესია დატოვეს გადაუკეთებლად.

ენდრუ ფერსერვისმა შემატყო, რომ აღტაცებული ვიყავი აქაურობით და თავმოწონებით მითხრა:

- რა შესანიშნავი ეკლესიაა არა? კარგია რომ თქვენებური მიზილ-პიპილოები არა აქვს. მკვიდრი ნაშენია. მეორეს მოსვლამდე გაძლებს, თუ ძალით არ დაანგრევ და დენთით არ ააფეთქებ. ერთხელ, რეფორმაციის დროს, კინალამ დაანგრიეს. ეს მაშინ იყო, როცა პაპისტური უნმინდურებისა და ვერპებისაგან მოინდომეს ქვეყნის განმნდა და ის ხატები, სტიქარები და ათასგვარი ობრობა მოსპეს, შვიდ გორაკზე რომ იყო დაბუდეებული. მაშ! შვიდი გორაკი მოინდომა, ვითომ ერთი არ ეყოფოდა, დამჰალს! ჰოდა, მაშინ, წმინდა ენდრუს, პერთის და სხვა ეკლესიები რომ გაასწორეს მიწასთან, ერთ მშვენიერ დილას მეზობელი სოფლებიდან, რენფრუდან, ბარონიდან, გორბალსიდან და სხვა ადგილებიდან ხალხი დაიძრა გლაზგოსაკენ, რომ საკუთარი ხელით გაეწმინდათ ეს ეკლესია პაპისტური ნაგვისაგან. მაგრამ ქალაქელებმა იფიქრეს, ეს ძველი ტაძარი ამდენ ჯანჭლარს ვერ აიტანსო, განგაშის ნაღარა დაჰკრეს და ლაშქარი შეაგროვეს. ბედზე, იმ წელს, დიდად პატივცემული ჯეიმს რაბათი იყო ამქარების უსტაბაში (თვითონ კალატომი გახლდათ და აბა ვის დაანებებდა ძველი შენობის დანგრევას). ყველა ამქარი ერთად გავიდა და დაიმუქ-

რნენ, ნამდვილ ომს დავიწყებთ თუ ამ ეკლესიასაც დაანგრევთო. გგონიათ, პაპიზმი ეხატებოდათ გულზე? არა, ამას ვერავინ დასწამებს გლაზგოს ამქრებს, შენობა ენანებოდათ! ბოლოს მოილაპარაკეს, რომ გამოიტანდნენ ეკლესიიდან ურჯულო წმინდანთა კერპებს (წყეულიმც იყოს მათი შემქმნელი) და ასეც გააკეთეს: გამოიტანეს ეს ქვის კერპები, დაამსხვრიეს და წყალში, მდინარე მოლენდინარეში გადაუძახეს. ეს ძველი ტაძარი კი ისე გადარაჩა, რომ თითიც არ დაუკარებიათ. დგას თავისთვის და არის. ასეც უნდა, კატას რწყილები რომ დაესევა, კი არ უნდა მოკლა, რწყილებს გააცლი და მორჩება საქმე. ახლა ყველა კმაყოფილია. ჭკვიანი ხალხისგან გამიგონია, შოტლანდიის სხვა ეკლესიებსაც რომ ასე მოქცეოდნენ, რეფორმატორული მოძღვრება ისევე წმინდად შეინახებოდა, როგორც ახლა არის და თანაც მშვენიერი ქრისტიანული ტაძრებიც გვექნებოდაო. მე ვარგა ხანს ვიცხოვრე ინგლისში და ვერავინ დამარწმუნებს, რომ ოსბალდისტონ-ჰოლის ტაძარი ჯობია აქაურ სამლოცველოებს. აბა, ის რა ტაძარია?! ნამდვილი ძაღლების ბინაა, მაშ! ახლა კი ნულარ ვყოვნდებით, დროა შევიდეთ, - ამაჩქარა ენდრუმ და წინ გამიძღვა.

თავი XX

შეძრწუნებული, შიშნეული ყრუ და ძაბუნი,
მიჯრილ საფლავებს გადავცქერი მოთქმით და ვიშით.
ბრწყინავს სიკვდილის იდუმალი გამოქვაბული
და სულს მიყინავს უცნაურ შიშით.

„მგლოვიარე პატარძალი“[154]

ჩემი მეგზური ძალიან მაჩქარებდა, მაგრამ მე მაინც კიდევ რამდენიმე წუთი ვუმზერდი ეკლესიას. როცა თითქმის ყველა, ვინც სასაფლაოზე იყო შევიდა შიგნით და კარი მიიხურა, შენობა კიდევ უფრო ზვიადი და დიდებული მეჩვენა. მალე ხმების მწყობრმა გუგუნმა გვამცნო, რომ დაიწყო საზეიმო ღვთისმსახურება. ეს გუგუნი ნაკადულის ჩუხჩუხსა და ნაძვნარში ამღერებულ სიოს ერწყმოდა და აღტაცებაში მოჰყავდა მსმენელი. თითქოსდა ახდა საგალობლის სიტყვები, რომელსაც ახლა ასეთი მონინებითა და აღფრთოვანებით მღეროდნენ მლოცველები, თითქოს ადამიანებმა, მთებმა, ტყეებმა, ყოველივე სულდგმულმა თუ უსულომ მხარი აუბა ერთმანეთს შემოქმედის სადიდებლად. მე დავსწრებივარ საზეიმო ღვთისმსახურებას საფრანგეთში, რომელიც თავბრუსახვევდა ადამიანს საგანგებოდ შერჩეული საამო მუსიკით, მდიდრული მორთულობითა და დახვეწილი წესებით, მაგრამ პრესვიტერიანელთა მარტივმა და გულწრფელმა გალობამ სულ სხვანაირად ამიძგერა გული.

გალობა, რომელშიც ყველა მორწმუნე იღებს მონაწილეობას, უფრო ღრმა კვალს ამჩნევს სულს, ვიდრე მუსიკოსთა დაზეპირებული გაკვეთილი. შოტლანდიური ღვთისმსახურება თვით ცხოვრებაა და არა სპექტაკლი, რომელიც შელამაზებულად და გადასხვაფერებულად ასახავს სინამდვილეს.

მინდოდა ერთხანს ვმდგარიყავი გარეთ და ამ დიდებული გალობით დავმტკვარიყავი, მაგრამ ენდრუს მოთმინების ფიალა აევსო, სახელოზე წამეტანა და მითხრა:

- შევიდეთ, სერ, შევიდეთ! წირვაზე დაგვიანება არ შეიძლება. დარაჯები შეგვნიშნავენ, რომ უსაქმურად ვდგავართ, დაგვიჭერენ და საყარაულოში გამოგვამწყვდევენ.

შეგონება შევისმინე და ენდრუს გავასწარი, რომ ეკლესიაში შევსულიყავი, მაგრამ ჩემდა გასაოცრად უკან მომაბრუნა, პატარა კარისკენ გაიშვირა ხელი და მითხრა:

- საით მიბრძანდებით, სერ, საით? აი, ამ კარში უნდა შევიდეთ. იქ უაზრო ლაყობის მეტს ვერაფერს მოისმენთ, იქ ფუჭი დარიგებებით გამოგვიჭედავენ ყურებს, შემოდგომის ფოთლებით გამოფიტული და გამომხმარი სიტყვების კორიანტელში გაგხვევენ... ღვთიური სიტყვის ნამდვილ სიტკბოს კი მხოლოდ აქ შეიგრძნობ!

ჩვენ დაბალ, თალიან შესასვლელს მივადექით. მკაცრმა დარაჯმა კინაღამ ცხვირწინ მომიკეტა თალის კარი. რამდენიმე კიბე ჩავიარეთ და ნამდვილ აკლდამაში აღმოვჩნდით. დიახ, ნამდვილი მინისქვეშა აკლდამა იყო და მას რატომღაც სამლოცველოდ ხმარობდნენ.

ეს უცნაური სამლოცველო იყო: წარმოიდგინე, ტრეშამ, პირქუში, ნახევრად ჩაბნელებული აკლდამის გრძელი რიგი. ასეთ აკლდამებს ყველა ქვეყანაში მიცვალებულთა სავანედ იყენებენ უძველესი დროიდან, მაგრამ აქ, სკამები დაედგათ შიგ და ეკლესიად გადაეკეთებინათ. აკლდამაში რამდენიმე ასეული კაცი და-

ეტეოდა, მაგრამ მაინც სივინროვის გრძნობა ეუფლებოდა ადამიანს, რადგან ამ მორწმუნეებით დასახლებული კუნძულის ირგვლივ ბნელი მღვიმეების უკიდვგანო ოკეანე ჰქონდა შემორტყმული. აქ, სამუდამო სიმშვიდის სამეფოში, ჩაშვებული ალმები და გაცვეთილი ღერბები გვამცნობენ იმათ საბოლოო ნავსაყუდელს, რომლებიც ოდესღაც „ისრაელთა თავადებად იწოდებოდნენ“, საფლავის წარწერები, რომელთა ამოკითხვას მხოლოდ გარდასულ ჟამთა მკვლევარი თუ შეძლებდა, ევდრებოდნენ წამკითხველს შენდობა ებოძებინა „ამ ქვის ქვეშ მწოლარე ცოდვილისათვის“. წარმავალ ცხოვრების ნაშთთა უკანასკნელ სავანეში დღეს უამრავ მორწმუნეს მოეყარა თავი სალოცავად. შოტლანდიელები კათოლიკეებით მუხლს კი არ იყრიან ეკლესიაში, არამედ ფეხზე მდგარი ლოცულობენ, ალბათ იმიტომ, რომ კათოლიკური ეკლესიის წესებს დაუპირისპირდნენ. სხვა ახსნა, მე მგონი, არ უნდა ჰქონდეს ამ უცნაურ წესს, რადგან ოჯახში, მთელი მსოფლიოს ქრისტიანობის მსგავსად, მუხლს მოიყრიან და მორჩილი სახით შესთხოვენ ხოლმე უფალს წყალობასა და შებრალებას. აქ კი რამდენიმე ასეული ქალი და კაცი (კაცებს ქუდები მოეხადათ) ფეხზე იდგა და დიდი ყურადღებით უსმენდა ღრმად მოხუცებულ მღვდელს, მთელ ქალაქში განთქმული ოქროპირის იმპროვიზირებულ ამ, ყოველ შემთხვევაში, ზეპირ ლოცვას. მეც ამ რელიგიის მიმდევარი გახლდით, ამიტომ სულით და გულით შევუერთდი მლოცველებს და მხოლოდ წირვის დამთავრების შემდეგ მოვიცალე ხალხის დასათვალიერებლად. მღვდელი რომ გაჩუმდა, მამაკაცებმა შლიაპები და ბერეტები დაიხურეს და თავ-თავიანთ სკამებს მიაშურეს დასაჯდომად. მე და ენდრუს სკამები არ გვქონდა, და სხვა დაგვიანებულებთან ერთად წრე შევკარით და ის ბედნიერები, რომელთაც წინასწარ დაესაკუთრებინათ დასაჯდომი შუაში მოვიქცით. ჩემ უკან და გვერდით ის აკლდამები იყო, წელან რომ ავწერე. წინ, ორიოდე გო-

თური სარკმლიდან შემოსულ უძალო შუქზე, ძლივს ვარჩევდი მლოცველთა სახეებს. ასეთივე სარკმელებიდან შემოდიოდა შუქი და ჰაერი აკლდამაში. ამ სუსტ შუქზედაც კარგად მოჩანდა, რომ ყველა ყურადღებით უსმენდა შოტლანდიელ პასტორს. მხოლოდ დროდადრო, ხან აქ, ხან იქ, რომელიმე ცელქი ბავშვი თამამად დაიწყებდა ირგვლივ ყურებას, ან ვინმე დონდლოს ჩაეყვინთებოდა. მაშინ მშობლები ერეოდნენ საქმეში - ცელქს დატუქსავდნენ, მძინარას კი გამოაფხიზლებდნენ ხოლმე. შოტლანდიელებს ღანვმაღალ სახეზე ცბიერების გარდა ჭკუა და სიმკაცრე აწერიათ. ისინი ლოცვასა და ბრძოლაში უფრო კარგი შესახედავები არიან, ვიდრე ქეიფსა და დროსტარებაში.

მოძღვრის სიტყვა ისეთი შემაგონებელი იყო, რომ სულსა და გულში წვდებოდა მორწმუნეთ და წმინდა გრძნობებს უღვიძებდა. წლებს თავისი წაელო: ოდესღაც ძლიერი, მჟღერი ხმა დასუსტდებოდა. ბიბლიის ნაწყვეტი ხმადაბლა და გაურკვევლად ჩაიკითხა, მაგრამ, როცა წიგნი დახურა და ქადაგება დაიწყო, ხმაში თანდათან ძალა და სიმხურვალე შეემბატა. ქადაგების თემა რთული და ღრმააზროვანი იყო და მისი აღქმა მხოლოდ აბსტრაქტული აზროვნებას მიჩვეულ ადამიანს შეეძლო, მაგრამ პასტორი მარჯვედ მართავდა მას ბიბლიიდან და სახარებიდან ამოღებული ციტატებით. მე ბოლომდე ვერ ჩავწვდი ქადაგების დედაარსს, ზოგი წანამძღვარი ალბათ ვერც გავიგე, მაგრამ მაინც აღტაცებული დავრჩი ამ კეთილი მოხუცის მხურვალე და შთამაგონებელი კილოთი და მახვილგონიერ და დამაჭერებელი მაგალითებით. შოტლანდიელები, როგორც ცნობილია, უფრო ინტელექტის სიმახვილით გამოირჩევიან, ვიდრე გრძნობიერებით და ამიტომ ლოგიკას რეტორიკაზე მეტ პატივს სცემენ. დასაბუთებული მსჯელობა უფრო ადვილად იკვლევს გზას მათ გონებაში, ვიდრე ამაღლებული კილოთი ნათქვამი მოწოდებანი, რომელთაც ყველა სხვა ქვეყანაში უხვად აფრქვევენ მოქადაგენი მსმენელთა გუ-

ლის მოსანადირებლად. დაკვირვებით შევათვალიერე ჩემ ირ-
გვლივ შემოჭარული მლოცველები.

ყველა დიდი ყურადღებით უსმენდა ქადაგებას, მაგრამ სახეზე
ეტყობოდა, რომ სხვადასხვანაირად აღიქვამდნენ წმინდა სიტ-
ყვას. გამახსენდა რათაელის ცნობილი ტილო, რომელზედაც
ათენში მსმენელებით გარშემორტყმული პავლეა გამოხატული.
აი, ჩემს გვერდით ზის გონიერი, წრფელი კალვინისტი, შუბლი
შეუკრავს, ტუჩები მკაცრად მოუკუმავს და თვალდაუხამხამებლად
მისჩერებია მოქადაგეს. მღვდელს უტყუარი საბუთები მოაქვს თა-
ვისი აზრის დასადასტურებლად კალვინისტი ყოველი საბუთის
მოსმენისას მარჯვენა ხელის სალოკი თითით მარცხენა ხელის
თითებს კვცავს. მღვდელმა დასკვნა გააკეთა, ბოლო თითი მოკე-
ცილია და კალვინისტს სახეზე აშკარად დაეტყო სიამაყე. მეორეს
სახეზე სიმკაცრე, სიმკაცრე კი არა, სიავე აწერია. ვგრძნობ, რომ
გასაგლეჯად არ დაინდობს ყველას, ვინც მისი მოძღვრის რწმე-
ნას არ გაიზიარებს, გრძნობ, რომ გული სიხარულით ევსება, რო-
ცა მოქადაგე საშინელი ტანჯვა-წამებით ემუქრება ურწმუნოებს.
მესამე, ეტყობა, სხვა სამწყსოს ეკუთვნის, აქ შემთხვევას ან ცნო-
ბის წადილს შემოუყვანია და ახლა ჭკვიანად იქნევს თავს: ჩანს,
არ ეთანხმება მღვდლის მსჯელობასა და დასკვნებს. სამწყსოს
უმრავლესობა მშვიდი, კმაყოფილი სახით უსმენს ქადაგებას,
თითქოს ეამაყება, რომ ასეთი ჭკვიანური სიტყვების მოსასმენად
მოვიდნენ, იცოდნენ, რომ ყველაფერს ვერ გაიგებდნენ, მაგრამ
მანც მოვიდნენ! ამ უკანასკნელი ჭკუთის უმეტესობას ქალები შე-
ადგენდნენ, მაგრამ იმათშიც იყო განსხვავება: დედაბრებს შუბლი
შეეკრათ და ცდილობდნენ, როგორმე ჩასწვდომოდნენ ქადაგე-
ბის განყენებულ დებულებებს მაშინ, როცა ახალგაზრდები, დრო-
დადრო, მორიდებით აპარებდნენ მზერას გვერდზე და ზოგიერ-
თმა მათგანმა, ჩემო ძვირფასო ტრემამ, თუ პატივმოყვარეობამ
არ შემიყვანა შეცდომაში, უკვე შენიშნა თქვენი მეგობარი და

უმორჩილესი მსახური - უცნობი ახალგაზრდა, თანაც ინგლისელი. სხვა მლოცველებზეც მოგახსენებ: ზოგი ბრიყვიც გამორეოდა იმათში. ისინი უაზროდ ატრიალებდნენ თვალებს, ამოქნარებდნენ ან სულაც ჩათვლემდნენ, მაგრამ ღვთისმოშიში მეზობელი დიდხანს არ ანებებდა განცხრომას და ფეხის წაკვრით გამოაფხიზლებდა ხოლმე. ზარმაცები აქეთ-იქით აცეცებდნენ თვალებს, ეტყობოდათ, მოსწყენოდათ ეკლესიაში ყოფნა, მაგრამ წასვლას ვერა ბედავდნენ. იქაურებს ხიფთანები და ლაბადები ემოსათ, მაგრამ აქა-იქ ჭრელად მოჩანდა მთიელთა კუბოკრული წამოსასხამებიც. მთიელები ხმაღს დაყრდნობოდნენ და ველურის ცნობისმოყვარეობით ათვალეირებდნენ ყველაფერს. ქადაგებას, რასაკვირველია, არ უსმენდნენ, რადგან მოქადაგის ენა არ იცოდნენ. ეს მოქუფრული მეომრები რაღაც თავისებურ ელფერს სდებდნენ აქაურობას. წირვის შემდეგ ენდრუმ მითხრა, დღეს ჩვეულებრივზე მეტი მთიელი მოვიდა ეკლესიაშიო. თურმე რომელიღაც გარეუბანში ბაზრობა იყო გამართული და საქონელი ჩამოერეკათ გასაყიდად.

ვიდექი და მზის მკრთალ სხივებზე დაკვირვებით ვათვალიერებდი ამ სხვადასხვა ჯურის მლოცველთა სახეებს. ეს სხივები დიდი გაჭირვებით იპარებოდნენ გლაზგოს სამრევლო ეკლესიის ვიწრო გოთურ სარკმელზე დამაგრებული მავთულის წვრილი ბადეებიდან, ძლივს დასანახად აჩენდნენ მლოცველთა ჩაფიქრებულ, ყურადღებით საუსვ სახეებს და შემდეგ აკლდამებისკენ მიისწრაფოდნენ, მაგრამ თანდათან ძალას კარგავდნენ და მხოლოდ აკლდამათა ლაბირინთების წინა ნაწილს სტაცებდნენ სიბნელეს. უკანა ნაწილი კი ვკლავ უკუნეთში იყო ჩაძირული და ისეთი შთაბეჭდილება რჩებოდა, თითქოს ამ აკლდამებს დასასრული არა აქვსო. მე უკვე მოგახსენე, რომ წრის გარეთა მხარეს ვიდექი, პირით მოქადაგისაკენ ვიყავი მიბრუნებული, ზურგით კი იმ აკლდამებისკენ, რომელთაც ასე ხშირად ვახსენებ ამ ეკლესიის

აღწერისას. საკმარისი იყო აკლდამაში ოდნავ გაჩქამებულიყო რამე, რომ მაშინვე გამეგონა, რადგან ჩქამი თალიდან თაღს ეხეთქებოდა, ძლიერდებოდა და მთელ ეკლესიას უვლიდა. რამდენჯერმე წვიმის წვეთებმა მიმაბრუნებინა თავი, იქით ვიყურებოდი, სადაც წვეთები ეცემოდა თუ არა - შეიძლება სულ სხვა მხრიდან მესმოდა წვეთების დაცემის ხმა. ეს წვეთები დაძველებული სახურავიდან ეცემოდა აკლდამაში და მაღიმილ მამბრუნებინებდა თავს უკან. მივიხედავდი ბინდბუნდში ჩაძირული აკლდამების ლაბირინთისკენ და უკან მოხედვა აღარ მინდოდა, რადგან ყოველივე, რაც ბუნდოვანი და გაურკვეველია, იდუმალად გვეჩვენება და ცნობისმოყვარეობას გვიღვიძებს. თვალები უკვე შეეჩვია ზურგსუკან გამეფებულ სიბნელეს და ის აღმოჩენები, რომელთაც ნელ-ნელა ვტაცებდი ამ იდუმალებით მოცულ აკლდამებს, უფრო მიზიდავდა, ვიდრე მოქადაგის მეტაფიზიკური აბრუნდები.

მამაჩემს ხშირად უსაყვედურია, დაფანტული ხარ, არ შეგიძლია დიდხანს შეაჩერო ყურადღება ერთ საგანზე. თვითონ სანამ ძირის-ძირამდე არ შეიცნობდა საგანს, არ მოეშვებოდა. ახლაც, როცა შევნიშნე, რომ ყურადღება მეფანტებოდა, ბავშვობის დღეები დამიდგა თვალწინ. აი, მამაჩემს ხელჩაკიდებული მივყავარ მისტერ შოუერის სამრეკლოსაკენ და ჩამჩიჩინებს, ცდუნებას არ უნდა აჰყვე, ძალიან ცუდი დრო დადგა და ფრთხილად უნდა იყოს ადამიანიო. მაგრამ ბავშვობის სურათების გახსენებამაც ვერ მიშველა - ქადაგებას გული ვერ დავუდე. პირიქით, ახლა სულ აღარ მესმოდა მღვდლის სიტყვები, რადგან იმ საშინელ საფრთხეზე ვფიქრობდი, მამაჩემს რომ ემუქრებოდა. ანდრუს მივუბრუნდი და ჩურჩულით ვკითხე, აქ ვინმე ხომ არ არის „მაკვიტი და კომპანიიდან“-მეთქი, მაგრამ ენდრუს ჩემთვისა არ ეცალა - იგი უდიდესი ყურადღებით უსმენდა მოქადაგეს და მუჭლუგუნის წაკვრით მანიშნა, გაჩუმდი, ახლა მაგის დროს არ არისო. მაშინ მხედველობა დავძაბე და ვათედრას მიშტერებულ მლოცველებს

დავუნყე თვალიერება, იქნებ სახეების ზღვაში ოუენის ფხიზელი და საქმიანი სახე აღმოვაჩინო-მეთქი, მაგრამ თვალებში მხოლოდ გლაზგოელ მდაბიოთა ფართოფართოფლებიანი შლიაპები და ლანარკპირელი გლეხების ბრტყელი ბერეტები მებლანდებოდა, „ოსბალდისტონი და ტრეშამის“ უფროსი კლერკის ფაქიზად დავარცხნილი პარიკი, გახამებული მანუეტები და ღია ყავისფერი კამზოლი კი არსად მოჩანდა. ეკლესიაში რომ შემოვყდი, ახალმა შთაბეჭდილებებმა გამიტაცა და თითქმის დამავინწყდა ჩემი არეულ-დარეული საქმეები, მაგრამ ახლა ისე ავფორიაქდი, რომ აღარათფერს მივხედე, ენდრუს სახელოში წავეტანე და გადაჭრით ვუთხარი, უნდა წავიდე და ოუენი მოვძებნო-მეთქი. ენდრუმ აქ, გლაზგოს სამრევლო ეკლესიაშიც, ისეთივე სიჭიუტე და თავნებობა გამოიჩინა, როგორც ჩივიოტის მთებში: კარგა ხანს არათფერი მითხრა და მხოლოდ მაშინ ინება პასუხის გაცემა, როცა დარწმუნდა, რომ არ მოვისვენებდი: „რადგან აქ შემოვყდით, წირვის დამთავრებამდე ვეღარ გავალთ, კარი გარედან არის დაკეტილი“. ეს ცნობა რომ მომანოდა, ნაწყვეტ-ნაწყვეტი, გაბოროტებული ჩურჩულით მიბრუნდა და კვლავ უდიდესი ყურადღებით მი-აპყრო სმენა ქადაგებას.

ბედს დავმორჩილდი - შევეცადე მეც მიმებაძა ენდრუსათვის, მაგრამ ხელი შემიშალეს - უკნიდან ვილაცამ გარკვევით ჩამჩურჩულა ყურში - ამ ქალაქში საფრთხე გემუქრებათო.

ფრთხილად მივაბრუნე თავი. უკან სამი-ოთხი უბრალო ხელოსანი მედგა. ისინი ჩვენსავით დაგვიანებით მოსულიყვნენ წირვაზე. თვალის ერთი შევლებით მივხვდი, რომ ეს სიტყვები არც ერთ ადამიანს არ უთქვამს. ყველანი ყურადღებით უსმენდნენ მღვდელს და არც ერთი არ შეიშმუშნა, როცა გამომცდელად მივაშტერდი თვალებში. უკან ვეება მრგვალი სვეტი იდგა, შესაძლებელია, ამ სვეტს ამოეთარა ის იდუმალი უცნობი?! რატომ გამათრთხილა ასეთ უადგილო ადგილას რა საფრთხეს გუ-

ლისხმობდა?! ვეკითხებოდი ჩემს თავს, მაგრამ პასუხს ვერ ვპოულობდი. ალბათ კიდევ მეტყვის რამეს, გავიფიქრე ბოლოს და გადავწყვიტე, თვალი არ მომეშორებინა კათედრისათვის, რათა ჩემს კეთლისმყოფელს ეფიქრა, რომ პირველი ნათქვამი ვერ გავიგონე და კვლავ გავეფრთხილებინე.

ჩემი ვარაუდი სწორი გამოდგა: ხუთი წუთიც არ გავიდა, რომ იმავე ხმამ ჩამჩურჩულა:

- მისმინეთ, მაგრამ უკან არ მოიხედოთ.

მე არ გავნძრეულვარ.

- აქ საფრთხე გემუქრებათ, - განაგრძო ხმამ, - მეც უნდა ვიფრთხილო. შევხვდეთ ერთმანეთს ხიდზე, ამაღამ, ზუსტად თორმეტ საათზე. დაღამებამდე გარეთ ნუ გამოხვალთ, ეცადეთ, თვალში არავის მოხვდეთ.

- ხმა მინცდა და მაშინვე მივტრიალდი უკან, მაგრამ უკვე გვიან იყო: უცნობი უკვე ამოფარებოდა სვეტს. დავაპირე თვალი შემეფლო, წრეს გამოვეყავი და სვეტს შემოვუარე, მაგრამ იქ ვერავინ ვნახე. წინ შოტლანდიურ ლაბადასა და აქაურ პლედეში გამოხვეული მამაკაცი შევნიშნე. იგი ზემოთაღწერილი აკლდამებისაკენ მიემშურებოდა.

ანგარიშმიუცემლად უკან დავედევნე იდუმალ უცნობს, მაგრამ იგი მოჩვენებასავით გაუჩინარდა მიცვალებულთა მიწისქვეშა სავანეში.

ისე სწრაფად გაქრა, რომ საეჭვო იყო დავნეოდი, მაგრამ მაინც დავედევნე. სულ ხუთიოდე ნაბიჯიც არ მქონდა გადადგმული, რომ სიბნელეში რაღაცას წამოვკარი ფეხი და იატაკში გავიმხლართე.

სიბნელემ წამაქცია, მაგრამ მანვე გადამარჩინა სირცხვილს: მღვდელმა ქადაგება შეწყვიტა და მკაცრად უბრძანა „წესრიგის დამცველს“ ეპოვა ის ურწმუნო, რომელმაც გაბედა და ეკლესიაში ხმაური ატეხა. მაგრამ ხმაური აღარ განმეორებულა. „წესრიგის

დამცველმა“ მიიხედ-მოიხედა და, რადგან ვერ დამინახა, თავი აღარ შეიწუხა „ურწმუნოს“ მოსაძებნად. მე ცოტა ხანი შევიცადე და შეუმჩნევლად დავუბრუნდი ძველ ადგილს. წირვა გაგრძელდა და ისე დამთავრდა, რომ ღირსშესანიშნავი აღარაფერი მომხდარა.

როცა ეკლესიიდან გამოვედით, ჩემმა მეგობარმა ენდრუმ წამოიძახა:

- შეხედეთ, აი, პატივცემულო ბატონი მაკვიტი და ქალბატონი მაკვიტი. ეს კი მაგათი ქალიშვილი ალისონ მაკვიტია. ის ბატონი თომას მაკვიტია. თურმე მის ალისონის თხოვნას აპირებს, თუ ჭორი არ მოუგონეს. საპატარძლო დიდი არაფერი ბედენაა, მაგრამ ფული კი ბლომად მიჰყვება მზითევში. ენდრუს ხელს თვალი გავაყოლე და ბატონი მაკვიტი შევათვალიერე. იგი მაღალი, გამხდარი, ხანშიშესული კაცი გამოდგა. სახის ნაკვთები უსწორმასწორო ჰქონდა, ხშირი, ჭაღარაშერეული წარბების ქვევიდან ცისფერი თვალები იმზირებოდნენ. შევხედე თუ არა, არ მომეწონა - ძალზე უსიამოვნო, გულმიუსვლელი გამომეტყველება ედო სახეზე. ეკლესიაში ნათქვამი გაფრთხილება გამახსენდა და, თუმცა ეჭვისა და ყოყმანის საფუძველი არა მქონდა, მაინც ვერ გადავწყვიტე მისტერ მაკვიტთან მისვლა.

ენდრუმ ყოყმანი შემატყო და გამამხნევა:

- მიდით, გამოელაპარაკეთ, მისტერ ფრენსის, რა გეშინიათ, ჯერ არ აურჩევიათ ქალაქის თავად. თუმცა დაბეჭითებით კი ამბობენ, გაისად აირჩევნო. მიდით, გავსაუბრეთ. მდიდარი კია, მაგრამ თუ ფულს არა სთხოვ, ლაპარაკს არ იმადლებს. აი, ფულის გაცემა, კი, ამბობენ ესიკვდილებათ.

ეს რომ მითხრა, საბოლოოდ გადავიფიქრე მაკვიტისთან მისვლა - თუ მართლა ასეთი ძუნწია, ჯერ უნდა გავიგო, რა ანგარიშები აქვს მამაჩემთან და მერე ვინახულო-მეთქი. ეს აზრი უფრო დამიჯდა ჭკუაში, როცა უცნობის გაფრთხილება გავიხსენე და კი-

დევ ერთხელ შევავლე თვალი ვაჭრის მეჩისე სახეს. ასე რომ, საბოლოოდ გადავწყვიტე, პირადად არ მივსულიყავი. ენდრუს დავავალე მაკვიტების ფირმაში გაეგო ინგლისელი ჯენტლმენის მისტერ ოუენის მისამართი, თანაც მკაცრად ვუბრძანე, მე არ ვეხსენებინე. პასუხი იმ უბრალო სასტუმროში უნდა მოეტანა, სადაც წუხელ დავბინავდი. ენდრუ დამპირდა, ბრძანებას ზუსტად შევისრულებო. შემდეგ მითხრა, სადამოს წირვაზე რომ არ წახვიდეთ, არ შეიძლებაო, მაგრამ მერე ხელი ჩაიქნია და შხამიანად დასძინა: თუკი ვაცს მშვიდად არ შეუძლია წირვის მოსმენა და მაინცდამაინც ფეხი უნდა წამოჰკრას საფლავის ქვას, რომ მიცვალებულებს მყუდროება დაურღვიოს, ჯობს სულ არ წავიდეს ეკლესიაში. ამისთანა ვაცი შინ უნდა იჯდეს და ღუმელს ეფიცებოდესო.

თავი XXI

მოეშვი ქროლვას, უნაყოფო ლტოლვას მოეშვი,
ან ფიქრიანი დავალ მეფურად.
იქ, რიალტოზე, შუალამის სიმყუდროვეში,
შენ შეგეყრები კვლავინდებურად.

„გადარჩენილი ვენეცია“[155]

გულდამძიმებული წავედი სასტუმროში. რალაც ცუდის მოლოდინი მქონდა, თუმცა ვი, რომ გეკითხათ, ვერ გეტყოდით საიდან მოველოდი საფრთხეს: ენდრუმ ლამის სული ამომართვა, წმინდა ენქოს ეკლესიაში[156] წავიდეთ, დღეს აქ ისეთი ღვთისმეტყველი იქადაგებს, რომ ჰირდაპირ სულსა და გულს დაგიტკობთ. როგორც იქნა მოვიშორე არამკითხე მოპატიჟე და იმაზე დავინწყე ფიქრი, ამაღამ შევხვედროდი თუ არა იმ უცნობს. ცრუმორწმუნე არა ვარ, მაგრამ, მე მგონი, ყველა გაჭირვებაში ჩავარდნილი ადამიანი ათასნაირი არარეალური წარმოდგენების ტყვეობაში ექცევა და საბოლოოდ თავის ბედს ან შემთხვევითობას ანდობს ან გონებაში უცაბედად გაელვებულ აზრს ჩაეჭიდება და სახელმძღვანელო დებულებად იხდის. იმ შოტლანდიელი ვაჭრის სახემ ისე შემზარა, რომ ვერ გავბედე მივსულიყავი და გამოვლაპარაკებოდი - ეს ნაბიჯი ფიზიოგნომიკის ყველა კანონის უარყოფა იქნებოდა. ამას გარდა, ახალგაზრდული გონება საშინლად ამიფორიაქა ჩურჩულით ნათქვამმა გაფრთხილებამ და მიცვალებულთა სავანის უკუნეთში გაუჩინარებულმა უცნობმა. ისიც ნუ

დაგავინყდება, რომ მე პოეტი ვიყავი! თუ, როგორც იდუმალმა ხმამ ჩამჩურჩულა, საფრთხე შემუქრებოდა, ზომები უნდა მიმეღო თავდასაცავად, მაგრამ ჯერ უნდა გამეგო, საიდან მელოდა ეს საფრთხე. საამისოდ კი აუცილებლად უნდა წავსულიყავი ღამის პაემანზე. შეიძლებოდა ამ უცნობს ბოროტი განზრახვა ჰქონოდა? იქნებ რეშლის მოგზავნილი იყო? რეშლი ხომ ამისთანა საქმეების ოსტატი გახლდათ. არა, აქ ჩემი ბიძაშვილის ხელი არ უნდა ერიოს: მე ხომ უცებ წამოვედი და რეშლი ამ დილითვე როგორ გაიგებდა, რომ გლაზგოში ვარ? თუნდაც გაეგო, მახის დაგებას ვერ მოასწრებდა. მე ბუნებით გამბედავი ვიყავი, ღონე მერჩოდა და იარაღსაც მარჯვედ ვხმარობდი, კარგა ხანს ვცხოვრობდი საფრანგეთში, სადაც ყველა ახალგაზრდა უნდა დაუფლებოდა ორთაბრძოლის ხელოვნებას. ამიტომ იყო, რომ ერთ მტერს, ვინც უნდა ყოფილიყო არ გავექცეოდი. მიპარვით თავდასხმას კი მაშინ (განსაკუთრებით შოტლანდიაში) არ კადრულობდნენ. ადგილი, სადაც პაემანი დამინიშნეს, ხალხმრავალი იყო და, თუ იმ უცნობს რაიმე მუხანათობა ედო გულში, სხვაგან დამიბარებდა. ერთი სიტყვით გადავწყვიტე, დანიშნულების ადგილზე შევხვედროდი ჩემს იდუმალ კეთილისმყოფელს. დაე, მოსახდენი მოხდეს! არ დაგიმაღავ, ტრეშამ, რასაც მაშინ საკუთარ თავსაც ვუმალავდი: ვცდილობდი არ მეფიქრა, მაგრამ გულზე მაინც საამოდ მილამუნებდა აზრი, იქნებ ეს ამბავი დიანა ვერნონის სახელთან არის დაკავშირებული-მეთქი. ვერ მივმხვდარიყავი, როგორ, რა გზით შეეძლო დიანას გავფრთხილებინე ასე მალე და ასეთ უჩვეულო ადგილას, მაგრამ მაცდური ხმა მაღიმალ ჩამძახოდა ყურში, მხოლოდ მან იცოდა შენი წამოსვლის ამბავი, მხოლოდ მას შეეძლო ხმა მოეწვდინაო. დიანამ ხომ მითხრა, შოტლანდიაში მეგობრები მყავსო. თილისმაც მომცა, რომლის ძალაც მხოლოდ მაშინ უნდა გამომეცადა, როცა ხსნის ყველა საშუალება ამონურული იქნებოდა. სხვას ვის უნდა სცოდნოდა, რა საშიშ-

როგო მემუქრებოდა ამ უცხო ქალაქში, სხვა ვინ ამაცილებდა ყოველ ნაბიჯზე ჩასათრებულ მტერს?! ეს მაცდუნებელი აზრი სულ უფრო და უფრო მეტი ძალით მეუფლებოდა. ჯერ, სანამ ვისადილებდი, მორცხვად შემომერია ეჭვითა და ვარაუდებით დაღლილ გულში, სადილის დროს ჯადოსნურად მოხატული ფრთები გაშალა და ოცნებათა ბურუსში გამხვია, სადილის შემდეგ კი (ალბათ იმიტომაც, რომ რამდენიმე ჭიქა შესანიშნავი თეთრი ღვინო გეახელით) ისეთი ძალითა და შემართებით შემომიტია, რომ გადავწყვიტე, სადმე გავქცეოდი ამ მაცდუნებელ და სახიფათო აზრს. ამიტომ ჭიქა და თეფში გვერდზე გადავდე, ქუდს ხელი ვტაცე და ქუჩაში, სუფთა ჰაერზე გავვარდი. მეგონა, გავქცეოდი, მაგრამ ამაოდ დავშვრი: ფეხებმა უკითხავად მიმიყვანეს კლავის ხედზე, სადაც ჩემმა იდუმალმა კეთილისმყოფელმა პაემანი დამინიშნა.

ჩემმა ღვთისმოშიშმა დიასახლისმა ვერ გაბედა ცხელი საჭმლის შემოტანა, სანამ მწუხრის წირვა არ დამთავრდებოდა, თანაც, როგორც დარიგებული ვიყავი, დაბინდებამდე შინ უნდა ვმჭდარიყავი და მეც არ მეჩქარებოდა სადილობა. ამიტომ კარგა გვიან გამოვედი სასტუმროდან, მაგრამ დანიშნულ ადგილას მაინც რამდენიმე საათით ადრე მომიხდა მისვლა. ლოდინი, დამეთანხმებით, ძალზე დამტანჯველია. ვერც კია აღვწერ, რა ნელა გადიოდა დრო. ხნიერები და ახალგაზრდები დინჯად დასეირნობდნენ კლავის ჩრდილო სანაპიროზე მდებარე მინდორზე, რომელზედაც ისე დღეებში ტილოებს ფენდნენ ხოლმე გასათეთრებლად. ამ გრძელ ხიდზეც ბევრი ხალხი დადიოდა (ხიდი ქალაქსა და სამხრეთ საგრაფოს აკავშირებდა ერთმანეთთან). იგრძნობდა, რომ უმეტესობა გულწრფელი მორწმუნე იყო. შესაძლებელია, იმათში მკრეხელებიც ერივნენ, მაგრამ ისინიც მშვიდი, დაფიქრებული გამომეტყველებით დასეირნობდნენ, რომ თავი არ გაეცათ. ახალგაზრდები მხიარულებას ვერ ბედავდნენ და

იძულებულნი იყვნენ, ხმადაბლა ესაუბრათ ერთმანეთთან. უფროსები კამათს ერიდებოდნენ. უამრავმა ჯგუფმა ჩამიარა გვერდით, მაგრამ ხმამაღალი ლაპარაკი არ გამიგონია. მშვენიერი ბუნება სასეირნოდ განაწყობდა ადამიანს, თანაც კვირა დღე იყო, მაგრამ ხიდის ბოლოდან მხოლოდ რამდენიმე კაცი დაბრუნდა უკან. უმეტესობა შინ მიეშურებოდა. უცხოეთში ნამყოფს, თუნდაც ფრანგ კალვინისტს, მემვიდე დღის ასე გატარება იუდევიზმად მოეჩვენებოდა, მაგრამ ასეთი სინძინდე და ღვთისმოშიშობა მაინც აოცებდა და გულს უყუჩებდა ადამიანს.

ქვეშეცნეულად ვიგრძენი, რომ ამ ადგილას უსაქმოდ ხეტი-ალი, როცა ყველა შინისაკენ მიეშურებოდა, საძრახ საქციელად ჩამეთვლებოდა, ამიტომ ხალხმრავალ ქუჩას გავერიდე და ისეთ ადგილს დავუწყე ძებნა, სადაც თვალში არავის მოვხვდებოდი. ასეთ ადგილს მალე მივაგენი. ფართო მინდორი ლონდონის სენტ-ჯემსის პარკით იყო დასერილი ხეივნებით და მეც ამ ხეივნებში ვპოვე მყუდრო თავშესაფარი.

ერთ-ერთ ხეივანში რომ მივდიოდი, ჩემდა გასაოცრად, ენდრუ ფერსერვისის ყიფი ხმა შემომესმა. ენდრუს, ეტყობა დავინწყებოდა, რომ ასეთ საზეიმო დღეს მოკრძალება და თვინიერება მართებდა და ხმამაღლა, გაცხარებით ელაპარაკებოდა ვილაცას. მე სწრაფად ამოვეფარე ხეს. იქნებ ეს ჯენტლმენის შესაფერისი საქციელი არ იყო, მაგრამ იმჟამად სხვა ვერაფერი მოვიფიქრე. გამოჩენა კი არ მინდოდა, რადგან მერე თავიდან ველარ მოვიშორებდი აბეზარ მებაღეს. თანაც სულს შემინუხებდა კითხვით, აქ რატომ მოხვედი, ამ შუალამისას რა საქმე გქონდაო. როცა გვერდით ჩამიარა მისი თანამოსაუბრეც შევათვალეფრე - წარმოსადეგი კაცი იყო. ტანთ შავი ხიფთანი ეცვა. ხიფთანზე ფენევური ლაბადა ჰქონდა წამოსხმული, თავზე ფართოფარფლებიანი შლიაპა ეხურა. ენდრუ ვილაცას უხასიათებდა. მიუხედავად იმისა, რომ ენდრუ ფაქტებს ამახინჯებდა, მაინც მივხვდი, ვის გულისხმობდა:

- მაშ, მისტერ ჰამორგო, მაშ! სულ ასეა, როგორც გეუბნებით. არა, მთლად გიჟი კი არ არის, ხანდახან ჭკვიანურსაც გამოურევს. იშვიათად, მაგრამ მაინც გაუვლებს ხოლმე თავში ჭკვიანური აზრი. ისე კი თავი ათასი ხარახურით აქვს გამოტენილი. ლექსების გამოთქმაზეა შეშლილი. დაინახავს ხანდახან ბებერ, დაგრეხილ მუხას და ისე მიაშტერდება, თითქოს ნაყოფით დახუნძლული გულაბი მსხალიაო. აყვავებული ცერცვისა და საუკეთესო ბოსტნეულის დანახვას ტიტველი კლდე და უბრალო ნაკადული ურჩევნია. მერე მიდის იმ უტვინო გოგოსთან, დიანა ვერნონთან და ენას იფხანს. იმას დიანა ვერნონი კი არა, დიანა ეთესილი უნდა ერქვას - ისეთივე წარმართია, კი არა, უფრო უარესიც. კათოლიკეა, შუმი კათოლიკე! მააშ! იმასთან ან იმის მსგავს ცანცარასთან ურჩევნია ენის მოფხანა, ფხიზელი, გონიერი ვაცის გარიგებას კი, აი, ისეთებისა, მე და თქვენ რომ ვართ, მისტერ ჰამორგო, ყურს არ ათხოვებს. დამიჯერეთ, სერ, ჩვენ არც კი მოგვისმენს, სულ სისულელეებში ჰკარგავს დროს. ერთხელ ისიც კი მითხრა (საწყალი, დაბრმავებულია და მეტი არ მოეთხოვება), დაბეჭითებით მითხრა, დავითის საგალობანი საუკეთესო ჰოეზიააო. თითქოს ეს წმინდანი, როცა გალობდა, სულ რითმების რახარუხზე და ამნაირ სისულელეებზე ფიქრობდა. თითქოს იმნაირი ზიზილ-პი-პილების მოგონება უნდოდა, თვითონ რომ ლექსებს ეძახის. ღმერთო შენ უშველე! დევი ლინდსეის ორი სტრიქონი სულ თავზე გადაუვლის მაგ საცოდავის ნაჭლაბნებს.

ჩემი ხასიათისა და საქმიანობის ასეთ გადაბრუნებულ აღწერას რომ ვუსმენდი, ბუნებრივია, ენდრუს დაჯილდოების სურვილი მომივიდა და გადავწყვიტე, ხელსაყრელი შემთხვევა მომეცემოდა თუ არა, ერთი დიდი კეტი მეთავაზებინა თავში. მისი მეგობარი მხოლოდ მოკლე შეძახილებით გამოხატავდა თავის ყურადღებას: მისტერ ფერსერვისის სულმოუთქმელი ლაპარაკის დროს ხანდახან წამოიძახებდა ხოლმე, „ერთი უყურე! ნუთუ მარ-

თლა? რას ამბობ!“ და მხოლოდ ერთხელ ჩაურთო უფრო გრძელი შენიშვნა, რომლის შინაარსი მხოლოდ ჩემი პატიოსანი მეგობრის პასუხის შემდეგ გავიგე.

- თქვენ მირჩევთ, პირში მივახალო, ასეთი და ასეთი ხარო? მერე ვინ წააგებს? ისევ და ისევ ენდრუ. ის ხომ ხორცშესხმული სატანაა, ადამიანო! ჭაილზ ჰიზერტაპის ბებრი ტახივით არის - მეცემა და სულ ნათლეთებად მაქცევს თავისი ეშვებით. რაც მეკუთვნის გამოვართვა და წამოვიდე?.. მეც არ ვიცი, რატომ არ დავეთხოვები, მაგრამ რაც არ უნდა იყოს, ურიგო ახალგაზრდა არ არის და უპატრონოდ რომ დარჩეს, მეცოდება. ჩემისთანა მზრუნველი თუ არ ეყოლა გვერდით, დაილუპება: მართათი არა აქვს, ფულის ყადრი არ იცის - ბზესავით ფანტავს ქისიდან. ასე რომ, როცა ქისა უჭირავს ხელში, ახლო უნდა ვედგე, თორემ სხვები გამდიდრდებიან. ქისას კი ხშირად იღებს ხოლმე ჭიბიდან. ეგევც არ იყოს, კარგი ჭილაგის არის, სულ კეთილშობილი ნათესავები ჰყავს... ერთი სიტყვით, როგორღაც შემიყვარდა ეგ სანყალი, თავქარიანი ბიჭი, მისტერ ჰამორგო, თანაც ჭამაგირი, რაც არ უნდა თქვა...

აქ მისტერ ფერსერვისმა ისე დაუნია ხმას, როგორც საზოგადოებრივ ადგილას არის მიღებული კვირა-სალამოს და მე ველარაფერი გავიგე.

რისხვა მალე გადამეყარა გულზე, როცა ენდრუს მიერ ნათქვამი ანდაბა გავიხსენე: „თუ საკუთარი თავის გინება არ გინდა მოისმინო, მეზობლის ღობის ძირას ნუ ჩაიმალებიო“. სად გაგონილა, მსახური ბატონს აქებდეს, მით უმეტეს ისეთი ღვარძლიანი, როგორიც ენდრუ ფერსერვისი იყო.

ამ საუბარმა მაინც მომიტანა სარგებლობა: კარგა დიდხანს ვფიქრობდი ენდრუს ნათქვამზე, და დრო, აქამდე რომ მიიზღაბნებოდა, სწრაფად მელოედა ხელში. ღამემ ძალი მოიცა და წყნარ, წყალუხვ მდინარეს წყვდიადის საბანი გადაათარა. უკუ-

ნეთს ახალი მთვარის სუსტი სხივები შეება, მაგრამ ვერაფერი დააკლო. კლაიდის ძველი ტლანქი ხიდი ბუნდოვნად მოჩანდა სიბნელეში და ბაღდადის იმ ხიდს მაგონებდა, მირზამ რომ აღწერა თავის „ხილვაში“ [157]. ხიდის დაბალ თაღებს გამოქვაბულივით დაელო პირი და გაუმაძღრად ნთქავდა მრუმე მდინარეს. ირგვლივ სიჩუმემ დაისადგურა. მდინარის ზედა ნაპირზე ხანდახან რომელიმე სახლის კარებიდან გამომკრთალი სუსტი სხივი გაივლევებდა: ალბათ სტუმრად დაპატიჟებულ ქალაქელთა მცირერიცხოვანი ჯგუფი ბრუნდებოდა შინ. კვირაობით, მთელი დღის ლოცვის შემდეგ ღვთისმობშიში პრესვიტერიანელები თავს ნებას აძლევდნენ ვახშმად სწვეოდნენ რომელიმე მეგობარს. დროდადრო ცხენის ფეხის ხმა ისმოდა - ალბათ ვინმე სოფლიდან ჩამოსული ტოვებდა ქალაქს. სიჩუმე თანდათან იპყრობდა იქაურობას. ხალხი ვანტიკუნტადლა ჩანდა. ბოლოს ქუჩები სულ დაცარიელდა. კლაიდის სანაპიროზე გამეფებულ საზეიმო მღუმარებას მხოლოდ ჩემი ნაბიჯების ხმა და ეკლესიების საათების მელოდიური რეკვა არღვევდა. შუალამე ახლოვდებოდა და მეც სულ უფრო და უფრო მიპყრობდა მოუსვენრობა. ბოლოს უცნობის მოლოდინი თითქმის აუტანელი გახდა. წამდაუნუმ ვეკითხებოდი ჩემს თავს, ხომ არ მასულელებს ვინმე, ან იქნებ გიჟია ის ვიღაც, ან, ვინ იცის, მახეს მიგებენ-მეთქი. ასე დავდიოდი ხიდის თავში, პატარა სანაპიროზე და გულს ათასნაირი მტანჯველი ფიქრი მიფორიაქებდა. ბოლოს, წმინდა მუნგოს ეკლესიის სამრევლოზე საათმა თორმეტი დარეკა. მას მაშინვე მხურვალე მორწმუნეებისით გამოეხმაურნენ სხვა სამრევლოები. ბოლო ზარის გამოძახილი ჯერ კიდევ არ მიმწყდარიყო, რომ ხიდზე სამხრეთ ნაპირიდან მომავალი ადამიანი შევნიშნე. უკვე ორი საათი იყო გასული, რაც იმ ნაპირიდან არავინ გადმოსულა აქეთ. ამდენმა ლოდინმა დამღალა და ისე გულაძგერებული გავემართე მისკენ, თითქოს ამ შეხვედრას უნდა გადაეწყვიტა ჩემი ბედი. შორიდანვე შევნიშნე, რომ

უცნობი საშუალოზე დაბალი ტანის, მაგრამ ჩასხმული, ღონიერი კაცი იყო. ტანზე მხედრული ხიფთანი ეცვა. თანადათან ნაბიჯი შევანელე და, როცა მივუახლოვდი, თითქმის შევჩერდი, იმ იმედით, რომ გამომელაპარაკებოდა, მაგრამ, ჩემდა გასაოცრად იმედი გამიცრუვდა: ისე ჩამიარა გვერდით, რომ ხმა არ ამოუღია და მეც მდუმარედ გავაცილე თვალებით, რადგან ვიფიქრე, ზუსტად დათქმულ დროზე კი მოვიდა, მაგრამ ხომ შიძლება სულ სხვა იყოს-მეთქი. ჯერ მინდოდა უკან მივყოლოდი, მაგრამ ვერ გადავწყვიტე. სანამ ვყოყმანობდი, უცნობი თითქმის ხიდის ბოლომდე მივიდა, მერე შეჩერდა, უკან მოიხედა, შემოტრიალდა და ჩემკენ წამოვიდა. გადავწყვიტე ამ ჯერად მე თვითონ გამოვლაპარაკებოდი (გამახსენდა ხალხის ნათქვამი, მოჩვენებას პირველი ჰენ თუ არ გამოვლაპარაკე, ხმას ვერ ამოიღებს).

- გვიან გამოსულხართ სასეირნოდ, სერ, - ვუთხარი, როცა ერთმანეთს გავუსწორდით.

- მე აქ კაცს უნდა შევხვდე, - მომიგო უცნობმა, - მგონი, თქვენც. განა არა, მისტერ ოსბალდისტონ.

- მაშ, თქვენ ხართ ის პიროვნება, რომელმაც ასე უდროოდ დროს დამითქვა შეხვედრა?

- მე გახლავარ. მომყვით და ყველაფერს გაიგებთ.

- სანამ გამოგყვებოდეთ, უნდა ვიცოდე, ვინა ხართ და რა გინდათ ჩემგან.

- მე ადამიანი ვარ და ცუდს არაფერს გიპირებთ.

- ადამიანი! - გავიმეორე მე, - ეს ძალზე მოკლე პასუხია.

- თუკი უფრო ვრცელი პასუხის მოცემა არ შემიძლია? ადამიანი ვარ, თუმცა არც სახელი მაქვს, არც ფული, არც სამშობლო და არც მეგობრები მყავს. ზოგს ყოველივე ეს აქვს და ადამიანი მანც არ ეთქმის.

- მაინც მეტისმეტად ზოგადი განმარტებაა. ყოველ შემთხვევაში, მართო ეგ განმარტება არ კმარა საიმისოდ, რომ კაცი გენდოთ.

- მართალია, მაგრამ მეტის თქმას არ ვაპირებ. ახლა თქვენი ნებაა, წამომყვებით თუ არა. თუ არ წამოხვალთ, ვეღარ მიიღებთ თქვენთვის საჭირო ცნობებს.

- განა არ შეგიძლიათ აქვე მომანოდოთ ეგ ცნობები? - ვკითხე მე.

- ცნობები მე არ მაქვს. უნდა წამოხვიდეთ და თვითონ მოკრიბოთ. ან უნდა წამომყვეთ, ანდა უარი უნდა თქვათ ამ ცნობებზე.

უცნობი მკაცრად, თითქმის მბრძანებლურად იქცეოდა და ვერ გადავწყვიტე ვნდობოდი, თუ არა.

- რისა გეშინიათ? - მკითხა მან გაბრაზებით. - ვის უნდა უნდოდეს თქვენი მოკვლა, ვინ შეინუხებს ამისთვის თავს?

- მე არაფრის არ მეშინია, - მიუვუგე საკმაოდ მტკიცედ, - იარეთ, მე მოგყვებით!

წავედით, მაგრამ იქით კი არა, საითაც ვფიქრობდი - ისევ ქალაქისკენ ავიღეთ გეზი და აჩრდილებივით გავიარეთ რამდენიმე ჩაბნელებული და მდუმარე ქუჩა. მაღალი, ჩაბნელებული სახლები, ფასადზე უცნაური ბარელიეფები რომ ჰქონდათ ამოკვეთილი, მთვარის მატყუარა შუქზე კიდევ უფრო ცაღანვდილი და პირქუში მომეჩვენა. ერთ ხანს ორივენი მდუმარედ მივდიოდით, ბოლოს ჩემმა მეგზურმა მკითხა, სულ არ გეშინიათო?

- თქვენივე სიტყვებით გიპასუხებთ: რისი უნდა მეშინოდეს?

- უცნობ მაშაკაცს რომ მიჰყვებით. თანაც ამ ქვეყანაში უამრავი მტერი გყავთ. იქნებ მეც ერთი იმათგანი ვარ?

- მე თქვენი არ მეშინია და არც იმათი. მე ახალგაზრდა ვარ, იარალი მაქვს და ძალაც მომდევს!

- მე ვი უიარალო ვარ, მაგრამ რა ბედენაა - კაცს ნუ გაუჭირდება, თორემ იარაღს იოლად იშოვის. ამბობთ, არაფრის მეშინიაო, მაგრამ ჩემი ვინაობა რომ იცოდეთ, კანკალი აგიტანდათ.

- რატომ გგონიათ? - გავიკვირვე მე, - გიმეორებთ, მე თქვენი არ მეშინია, რა უნდა დამაკლოთ?

- მართლა? კარგი ეგრე იყოს. ჩემი არ გეშინიათ, მაგრამ ჩემთან ერთად რომ დაგინახონ, იცით, რა მოხდება?! ჩემი სახელი რომ დაიჩურჩულოს ვინმემ ამ უკაცრიელ ქუჩაში, ქვებიც კი აყვირდებიან, დაიჭირეთ არ გაუშვათო. ჩემი თავი უზარმაზარ თანხად არის შეფასებული, მთელი განძის საფასურად, გლაზგოს მოსახლეობის ნახევარი მაინც გამდიდრდებოდა ამ ფულით. მე რომ დამიჭირონ, ედინბურგში ისეთი ბარზეიმი ატყდება, ფლანდრიის ომში გამარჯვება მონაგონი იქნება.

- მაინც ვინა ხართ ასეთი, რომ თქვენს ხსენებაზე ყველას შიშის ბარი უვლის?

- ვინ უნდა ვიყო, თქვენი მტერი არა ვარ, რადგან იმისთანა ადგილას მიმყავხარ, თუ მიცნეს, იმწამსვე ფეხებზე ბორკილებს დამადებენ და თავზე ყულფს გადამაცვამენ.

მე შევჩერდი და ერთი ნაბიჯით დავიხიე უკან, რომ, თუ საჭირო გახდებოდა, თავის დასაცავად მოვმზადებულიყავი. მთვარის სუსტ შუქზე კარგად შევათვალიერე ჩემი მეგზური და ვუთხარი:

- თუ გინდოდათ ჩემი ნდობა დაგემსახურებინათ, სულ არ უნდა გეთქვათ, რომ ამ ქვეყნის კანონი სახრჩობელათი გემუქრებათ. ახლა კი რადგან ეს მითხარით უნდა დამიმტკიცოთ, რომ უდანაშაულო ხართ და მკაცრი კანონი უსამართლოდ გიპირებთ დასჯას.

უცნობმა ყურადღებით მომისმინა და, როცა დავამთავრე ნაბიჯი გადმოდგა ჩემკენ. მე უნებლიეთ უკან დავიხიე და ხელი დამინისკენ წავიღე.

- როგორ, - გაიოცა მან, - უიარალო ადამიანს ესხმით თავს? თანაც მეგობარს?

- მე ჯერ არ ვიცი, მტერი ხართ თუ მეგობარი და არც იმაში ვარ დარწმუნებული, რომ მართლა უიარალო ხართ, თქვენი ქცევა და ლაპარაკი უფლებას მაძლევს, მეგობრად არ მიგიჩინოთ და არც ის დაგიჯეროთ, რომ შუაღამისას შეუიარაღებელი გამოხვედით სახლიდან.

- ვაჟკაცურად ლაპარაკობთ, - პატივს ვცემ ისეთ ადამიანს, რომელსაც თავის დაცვა შეუძლია, პირდაპირ და გულახდილად გეტყვი: ციხეში უნდა წაგიყვანო.

- ციხეში! - შევყვირე მე. - რა უფლებით, რა დამიშავებია?! სიცოცხლე შეგიძლიათ მომისწრაფოთ, მაგრამ თავისუფლებას ვერ წამართმევთ. უკანასკნელ სისხლის წვეთამდე ვიბრძოლებ, აქედან კი ფეხს არ მოვიცვლი.

- დასაპატიმრებლად კი არ მიმყავხართ, - დასძინა ამაყად, - არც შერიფი ვარ და არც პოლიციელი, მე იმ პატიმარს უნდა შეგახვედროთ, რომელიც დანჯრილებით გეტყვით, რა საფრთხე გემუქრებათ. თქვენ ამით არაფერი დაგაკლდებათ, არავინ დაგტოვებთ ციხეში, მე კი შეიძლება ვეღარ გამოვიდე, მაგრამ მაინც არ დავიხვევ უკან, რადგან მიჩვეული ვარ ბედთან თამაშს და, გარდა ამისა, პატივს ვცემ ახალგაზრდას, რომელსაც შეუძლია ხმლით დაიცვას საკუთარი სიცოცხლე.

ამ ლაპარაკში მთავარ ქუჩაზე მივედით და თლილი ქვით აშენებული დიდი სახლის წინ შევჩერდით. შევნიშნე, რომ ყველა ფანჯარას რკინის ცხაური ჰქონდა აკრული.

- რას არ მისცემდნენ აქაური ქალაქის თავი და მოსამართლეები, რომ ერთი ვინმესათვის ფეხზე რკინის ხუნდები დაედოთ და ვირის აბანოში მოეყუჩებინათ. ის კი დგას ჭიშკართან, თავისუფალი, როგორც ველზე მონავარდე ჯეირანი, - ჩაილაპარაკა ჩემმა თანამგზავრმა შოტლანდიურნარევი ინგლისურით, - რომ დამიჭი-

რონ, რა გამოვა? ხუთფუთიანი რკინებიც რომ დამადონ ფეხებზე, დილას საკანი ცარიელი დახვდებათ. წამოდით, რა ფეხი აითრეთ?!

მან ერთ დაბალ ვაზე დააკაკუნა. შიგნიდან ხრინწიანი, ნამძინარევი ხმით გამოეპასუხა ვილაცა:

- ვინ არის?! რა ამბავია?! რა ჯანდაბა გინდა ამ შუალამისას?! ახლა შემოსვლა არ იქნება, წესი არ არის!

ბოლო სიტყვები მთქნარებით იყო ნათქვამი. ეტყობოდა, დარაჯი კვლავ დაძინებას აპირებდა, მაგრამ ჩემმა მეგზურმა ხმამალალი ჩურჩულით უთხრა:

- დუგალ, მეგობარო! დაგავინყდი? Ha nun Gregarach.[158]

- დალახვროს ეშმაკმა, როგორ თუ დამავინყდი! - სწრაფად მიუგო დარაჯმა და პატარა კარს მოადგა გასაღებად. ჩემმა გამყოლმა რამდენიმე სიტყვა უთხრა ჩემთვის სრულიად უცხო ენაზე. დარაჯმა უხმაუროდ გამოუგდო ურდული კარს და ორივენი გლაზგოს ციხის საყარაულოში შევედით. საყარაულო პატარა, სქელკედლებიანი ოთახი იყო. ოთახიდან ვიწრო კიბე ადიოდა ზევით, ორ-სამ კარს კი სასმენი ფანჯრები ჰქონდა და მკვიდრად იყო დაკეტილი ურდულებითა და კლიტეებით. კედლებიც შესაფერისად იყო მორთული: ზედ ბორკილები და საწამებელი იარაღები ეკიდა. აქვე ნახავდით ალებარდებს, თოფებს, დამბაჩებს და სხვა ძველებურ შესატევ და თავდასაცავ იარაღებს.

როცა ასე მოულოდნელად აღმოვჩნდი შოტლანდიური მართლმსაჯულების ციხე-სიმაგრეში, ნორთუმბერლენდის მოსამართლესთან შეხვედრა გამახსენდა და გული შემეკუმშა. ნუთუ მუხთალი ბედი მიპირებს კვლავ უდანაშაულოდ ჩამაგდოს ამ უცხო ქვეყნის კანონის დარაჯთა კლანჭებში-მეთქი.

თავი XXII

ყრმაო, ასტოლფო, მიბრუნდი უკან,
ძრნის სიღარიბე, როგორც ობობა,
აქ საშიშშილოდ გზავნიან სნულს,
რომ განუკურნონ ავადმყოფობა.
სწოვს ვედლებიდან სინესტის მხუთავს,
სწუხს ავადმყოფი სულშეხუთული,
იმედის სხივი საბრალოდ ბჟუტავს
და იფერფლება როგორც თუთუნი.
და საბოლოოდ ჩაქრება ვიდრე,
ვიდრე კვლავ ფეთქავს წვით და ციებით, -
ამინთხევა ველური ბოლმა
ჯერარნახული შურისძიებით.
გზა იმედისა ქარმა წარხვეტა.
წინ ჯოჯოხეთის მაშხალა ელავს,
სულს ეუფლება სასონარკვეთა
და საავკაცოდ აქეზებს ყველას.
რა ჰქნას ტუსაღმა... არჩევდა სიკვდილს:
„არ ჩავიდენდი, უფალო, მენდე,
რომ საშინელი მონომის უღელს
არ მივეყვანე უბედურ დღემდე“

„საპატიმრო“, | მოქმედება მე-3 სურათი.

ოთახში შესვლისთანავე ჩემს მეგზურს ჩავაშტერდი, მაგრამ ლამპის მბჟუტავ შუქზე თითქმის ვერ გავარჩიე მისი სახე. დარაჯს ფარანიც ეჭირა ხელში, მაგრამ ფარანი მხოლოდ თვითონ დარაჯს ანათებდა. იგი გარეულ ცხოველს წააგავდა. ხშირი წითური თმა და ასეთივე ფერის წვერ-ულვაში ჰქონდა. სახე თითქმის არ მოუჩანდა. მან ისე გაიხარა ჩემი თანამგზავრის ნახვით, რომ შემეშინდა არ გაგიჟდეს-მეთქი. ალბათ ასე უხაროდა პირველყოფილ ადამიანს თავისი ტომის სალოცავი კერპის დანახვა. დარაჯი კბილებს აკრაჭუნებდა, თრთოდა, ხითხითებდა და, მგონი ტიროდა კიდევ. ოღონდ კი კერპს ებრძანებინა და დაუფიქრებლად ჩავარდებოდა წყალსა თუ ცეცხლში. ახლა ხმა როგორი ჰქონდა?! გაბმულად ვერც კი ლაპარაკობდა, თითქოს გული ამოსჯდომიყო. მხოლოდ შორისდებულები ამოსდიოდა ყელიდან: „უჰ, უჰ! მაშ! აბა როგორ!“ და სხვა მსგავსი წამოძახილები, თანაც ხან იმ უცხო ენაზე ლაპარაკობდა, რომელზედაც ჩემი მეგზური შეეხმიანა, როცა ციხის გარეთ ვიყავით, ხან კი დამახინჯებულ ინგლისურზე გადადიოდა. ჩემი მეგზური კი ისე იღებდა ამ აღფრთოვანებულ შეძახილებს, როგორც ხელმწიფე, რომელიც ბავშვობიდან მიჩვეულია გაღმერთებასა და თაყვანისცემას: იგი უკვე აღარ აღელვებს მბრძანებელს, მაგრამ მაინც იღიმება, რომ ამით ხელმწიფური წყალობა მიანიჭოს ერთგულ ქვეშევრდომს. ჩემმა იღუმალმა მფარველმაც მონყალედ გაუნოდა ხელი ციხის დარაჯს და ალერსიანად ჰკითხა:

- როგორ ხარ, დუგალ?

- უჰ, უჰ! - წამოიძახა დუგალმა, მერე ხმას დაუნია, შიშნეულად მიმოიხედა ირგვლივ და აწუნუნდა, - იჰ! აჟ როგორ მოხვედით! ვაიმე, რა მოგივათ უფროსებმა, რომ გაიგონ, ინ ღიპიანმა ოლდერმენმა,[159] იმ საზიზღრებმა!

ჩემმა მეგზურმა ხელი მიაფარა პირზე და უთხრა:

- ნუ გეშინია, დუგალ! შენ არასოდეს მოგიწევს ჩემი გამომწყვდევა საპატიმროში.

- არ მომიხდება, რა თქმა უნდა, არ მომიხდება. უმაღლესი ხელები მომტყდება ძირში. იქით როდის აპირებთ წასვლას. არ დაგავინყდეთ ჩემი გაფრთხილება... მე ხომ თქვენი საწყალი ნათესავი ვარ, სულ ახლობლები ვართ, გარე ბიძაშვილები.

- როგორც კი დავინწყებ იმ საქმეს, მაშინვე შეგატყობინებ, დუგალ.

- თავს გეფიცებით, მეტყვით თუ არა, გინდა კვირა სადამოიყოს, მაშინვე თავ-პირში მივაყრი გასაღებებს ციხის უფროსს და გამოვიქცევი ან სხვა ოინს ჩავიდენ და მერე მეძებონ ორშაბათ დილას.

იდუმალმა უცნობმა მბრძანებლური აქსით შეანყვეტინა დუგალს ლაპარაკი და კვლავ იმ უცნობ ენაზე (როგორც შემდგომში გამოვარკვიე, გელურ ენაზე) უთხრა რაღაც. ეტყობა, რაღაც დაავალა, რადგან დარაჯმა მაშინვე მორჩილად უპასუხა: როგორც მიბრძანებთ, ამ ნუთშიო, და კიდევ რამდენიმე გაუგებარი სიტყვა დააყოლა თავის დაკვრით. შემდეგ მბჟუტავ ფარანს აუწია და მანიშნა გამომყვიო.

- თქვენ არ წამოხვალთ? - ვკითხე ჩემს მეგზურს და თვალი თვალში გავუყარე.

- არ არის საჭირო, - მშვიდად მომიგო მან, - ჩემთან შეიძლება მოგერიდოთ ყველაფრის თქმა. მე აქ დავრჩები და უკანდასახვე გზას დავიცავ.

- ვიმედოვნებ გაჭირვებაში მართლ არ დამტოვებთ!

- ყოველგვარ საფრთხესა და გაჭირვებას თქვენთან ერთად გავიზიარებ! მე თქვენზე გაცილებით მეტი საფრთხე მემუქრება! - ისე მტკიცედ მითხრა უცნობმა, რომ ეჭვის შეტანა ამ სიტყვების გულწრფელობაში შეუძლებელი იყო.

მედილეგემ ერთ-ერთი კარგი გაალო, მანიშნა შევსულიყავი და თვითონ უკან მომყვა. მეგონა, კარს დაკეტავდა, მაგრამ ღია დატოვა, გამასწრო და წინ გამიძღვა. მრგვალი კიბით ავედით ვიწრო და გრძელ ტალანში, რომელსაც უამრავი კარი ჰქონდა ჩარიგებული. მედილეგემ ერთ-ერთი კარი გაალო და პატარა ოთახისაკენ მიბიძგა. შემდეგ ფარანი იატაკზე დადგა, თვალით მანიშნა კუთხეში მდგომ პატარა სკამლოგინზე და ჩურჩულით მითხრა:

- აი, იქა წევს ის პატივცემული დიდბანოვანი პატიმარი.

„დიდბანოვანი?! ნუთუ დიანა ვერნონია გამომწყვდეული ამ ტანჯვისა და მწუხარების სამკვიდრებელში, თუ მედილეგეს დიდბუნებოვანი უნდოდა ეთქვა და სწორად ვერ გამოთქვა ეს რთული სიტყვა?“

საწოლს დავაკვირდი და მივხვდი, რომ ჩემი პირველი ვარაუდი მცდარი იყო, მაგრამ რატომღაც ისე ძალიან არ გამიხარდა. სკამლოგინზე მძინარე ადამიანი არც ახლგაზრდა იყო და არც ლამაზი. სახე თეთრი წვერით ჰქონდა დაფარული - ორი-სამი დღის მოუპარსავი იქნებოდა. თავზე წითელი ჩაჩი ეხურა. შევხედე თუ არა დავმშვიდდი: დიანა ვერნონის თავისუფლება საფრთხეში არ ყოფილა-მეთქი. შემდეგ, როცა პატიმარი ღრმა ძილიდან გამოფხიზლდა, დაამთქნარა და თვალეხი მოიფშვინტა, კარგად დავაკვირდი და ძალიან მეცნაურა. დიახ, ნამდვილად ის იყო, ჩემი საწყალი მეგობარი ოუენი! ცოტა ხნით ბნელ კუთხეში მივდექი, რომ მოხუცი გამოფხიზლებულიყო. ვიფიქრე, უცებ რომ დამინახოს ამ საშინელ საკანში, მოჩვენება არ ვეგონო და არაფერი დაემართოს-მეთქი.

უბედური პედანტი წამოიწია, ცალ ხელზე დაეყრდნო. მეორეთი თავი მოიქექა და ნამძინარევი ხმით აჯაჭლანდა:

- გიცხადებთ, მისტერ დუგალ, თუ, არ ვიცი, როგორ გეძახიან, რომ თუ ასე შემოიჭრებით კანონით მონიჭებულ დასვენების სა-

ათებში, ბოლოს და ბოლოს ვეღარ მოვიტმენ და ლორდ მერთან გიჩვილებთ.

დუგალი ველური მთიელიდა, რამდენიმე წუთის წინ თითქმის ყიჟინით რომ გამოხატავდა თავის აღტაცებას, კვლავ მკაცრ მედილეგედ გადაიქცა, ცივად მიუგო ოუენს: „შენისთაან ერთი შელტმენი უნდა ლაპარაკიო,“ ქუსლებზე შემოტრიალდა და სწრაფად გავიდა საკანიდან.

კარგა ხანი დამჭირდა, სანამ სანყალ ნამძინარევ პატიმარს გავაგებინე ვინ ვიყავი. როცა ბოლოს, როგორც იყო, მიცნო, ლამის გაგიჟდა: ეგონა, მეც დაპატიმრებული ვიყავი და აწუნუნდა.

- ო, მისტერ ფრენკ, როგორ დაიღუპეთ თავი, რა დღეში ჩაადგდეთ თქვენი ფირმა. ჩემს თავს არა ვჩივი, მე, ასე ვთქვათ, მარტივი ციფრი ვარ, მაგრამ თქვენ კი, თქვენ ხომ საერთო ჯამი იყავით მამათქვენისათვის, მისი Omnium-ი[160]. პირველი ვაცი უნდა ყოფილიყავით ფირმათა შორის უპირველესი ფირმისა. თანაც ეს ფირმა მსოფლიოს საუკეთესო ქალაქშია. ამის ნაცვლად კი საზიზღარ შოტლანდიურ საპატიმროში უნდა გამოგვეტონ. სადაც ჯაგრისსაც კი არ იძლევიან, რომ ტანსაცმელი გაინშინდოს ვაცმა.

ოუენმა გამწარებით დაუნყო წმენდა ოდესღაც გაკრიალებულ ყავისფერ მოსაცმელს, რომელიც ახლა საპატიმროს იატაკის ფერის ლაქებით იყო აჭრელებული. ეს უაღრესად სუფთა და ფაქიზი მოხუცი პატიმრობაზე უფრო უსუფთაობით იტანჯებოდა.

- დმერთო დიდებულო, შენ მოიღე მონყალემა ჩვენზე, - აღარ ჩერდებოდა ოუენი, - რა ალიაქოთი ატყდება ბირჟაზე! ალმანზასთან[161] დამარცხების ამბავი, ხუთი ათასი ვაცი რომ დაგვიხოცეს და დაგვიჭირეს და უამრავი ქონება წაგვართვეს, მონაგონი იქნება, როცა გამოცხადდება, რომ „ოსბალდისტონმა და ტრეშამმა“ თავი გაკოტრებულად გამოაცხადა.

როგორც იქნა შევანყვეტინე მოთქმა-წუნუნი და ვუთხარი, პატიმარი არა ვარ-მეთქი. კითხვაზე, აქ როგორ მოხვდიო, გასაგე-

ბად ვერ ვუპასუხებდი, რადგან მე თვითონაც არ ვიცოდი, ამიტომ ვცდილობდი, თვითონ მელაპარაკებინა. ამ გზით ბოლოს ყველაფერი ვათქმევინე, რაც კი იცოდა, თუმცა ბევრი რამ მაინც გაურკვეველი დარჩა ჩემთვის. ოუენი, შენც ხომ კარგად იცი, შესანიშნავად იგნებდა გზას კომერციული საქმისწარმოების ლაბირინთებში, მაგრამ როგორც კი მის ვედლებს გარეთ მოხვდებოდა, იბნეოდა და აღარ იცოდა, საით წასულიყო. აი, ყველაფერი რაც ოუენმა შემატყობინა:

როგორც ზევით მოგახსენე, მამაჩემი გაცხოველებულ კომერციულ საქმიანობას აწარმოებდა გლაზგოში. აქ იგი ორ ფირმასთან იყო დაკავშირებული. მამაჩემიცა და ოუენიც ამჭობინებდნენ „მაკვიტის, მაკფინისა და კომპანიის“ მესვეურებთან დაეჭირათ საქმე, რადგან ისინი ყოველგვარ დათმობაზე მიდიოდნენ, მოგებასა და საკომისიოებზე არ დავობდნენ და, რასაც მივცემდით, მადლობით იღებდნენ - რაც უნდა ცოტა დარჩენოდათ, ამბობდნენ, ჩვენი სანყალი ფირმისათვის ესეც საკმარისიაო, ხანდახან ამ მცირე მოგების მისაღებად ძალიან ბევრი უნდა ემუშავათ, მაგრამ არასოდეს დაინუნებდნენ. პირიქით, მადლობას იტყოდნენ და დასძენდნენ, ვიცით, რომ ვერაფრით გადავიხდით ჩვენი პატივცემული ლონდონელი მეგობრების ამაგს, ჩვენ ხომ თქვენი მუდმივი ნდობისა და მფარველობის წყალობით გვიდგას სულიო.

მამაჩემის განკარგულებებს მაკვიტისა და მაკფინისათვის სპარსელთა და მიდიელთა მეფეების კანონთა ძალა ჰქონდა. ამ განკარგულებებს ისინი შეუპასუხებლად ატარებდნენ ცხოვრებაში. ასევე მორჩილად ასრულებდნენ ოუენის ბრძანებებს. ოუენი, კი, მოგეხსენება, როგორი წვრილმანი და ჭირვეული იყო საქმეში, მით უმეტეს, როცა ძალა-უფლებას ჩაიგდებდა ხელში. ალბათ სულს უწუხებდა სანყალ პროვინციელებს თავისი პედანტობით და ძალიან მოსწონდა, რომ „მაკვიტი და მაკფინი“ მის ყველა სურვილს ერთი თქმით ასრულებდა. ოუენი კმაყოფილი იყო, მაგრამ

მამაჩემი უფრო კარგად იცნობდა ადამიანებს, თანაც საქმეში სიცხადე და უბრალოება უყვარდა. ამიტომ ფირმის მესვეურთა მეტისმეტი მორჩილება და მაღალფარდოვანი სიტყვები, რომლითაც ისინი თავიანთ ერთგულებასა და უსაზღვრო მადლიერებას გამოხატავდნენ, ძალიან აეჭვებდა. ეს იყო მიზეზი, რომ მამაჩემი ყოველთვის მტკიცე უარს ამბობდა, შოტლანდიაში მხოლოდ მაკვიტი და მაკფინი ჰყოლოდა კორესპონდენტებად და სხვასთანაც ჰქონდა ურთიერთობა. ეს კორესპონდენტი სულ სხვა ყაიდის ადამიანი იყო: საკუთარი თავით კმაყოფილი, ეჭვიანი, ჭირვეული და ოუენივით კირკიმალა. თანაც ისევე ეჭავრებოდა ინგლისელები, როგორც მამაჩემს შოტლანდიელები და თხოულობდა, რომ ყოველი გარიგება სრული თანასწორუფლებიანობის საფუძველზე ყოფილიყო დადებული. საქმეების გაფორმების წესებზეც საკუთარი თვალსაზრისი ჰქონდა, თანაც ისე ჭიუტად იცავდა ამ თვალსაზრისს, მთელი ლომბარდის ქუჩის საქმოსნები რომ დასეოდნენ, მიანც თავს გაიტანდა.

ყოველივე ეს აძნელებდა საქმიან ურთიერთობას ბატონ ნიკოლ ჯარვისთან. გამუდმებული კამათისა და უკმაყოფილებების გამო ხან ჩვენი ფირმა აპირებდა კავშირის განწყვეტას ურჩ აგენტთან, ხან თვითონ აგენტი ლამობდა, უფრო დამყოლი ფირმის მოძებნას, მაგრამ თანამშრომლობა ორივესთვის მომგებიანი იყო და საქმე საბოლოო კონფლიქტამდე არ მისულა. ოუენს ყოველთვის თავაზიანი და დამყოლი მაკვიტისა და მაკფინის მხარე ეჭირა და ყველანაირად ცდილობდა მამაჩემიც გადაეხრებინა. ნიკოლ ჯარვის ისე არ ახსენებდა, რომ არ დაეყოლებინა, ის ყოყოჩი შოტლანდიელი ვაჭრუკანაო. ეს არ უნდა გაგვიკვირდეს, ტრეშამ. ხომ გახსოვს როგორი თავმოყვარე იყო ჩვენი მეგობარი, როცა თავი მართალი ეგონა, შეკამათებას ვერ იტანდა.

თუ ყოველივე ამას გაითვალისწინებ (ეს ამბები ცოტა მოგვიანებით გავიგე), არც ის გაგიკვირდება, რომ ოუენმა შოტლანდიაში

ჩასვლისთანავე (იგი ორი დღის წინ ჩასულიყო) ძველ მეგობრებს - მაკვიტისა და მაკფინის მიაშურა დახმარების სათხოვნელად. სხვა გზა არ იყო, რეშლი რომ გაუჩინარდა, მამაჩემი ინგლისში არ იმყოფებოდა და ფირმის ბედ-იღბალი ბენჯზე ეკიდა. ოუენი ისეთი პატივისცემით მიიღეს ფირმის კანტორაში, გელოუგიეტის ქუჩაზე რომ მდებარეობდა, თითქოს ციდან ჩამოსული ღმერთი ყოფილიყო, მაგრამ, როცა ასეთი პატივისცემით გულაჩუყებულმა მოხუცებულმა ჩვენი ფირმის გაჭირვება შეატყობინა მასპინძლებს და რჩევა და დახმარება სთხოვა, სურათი შეიცვალა. მაკვიტის სახე მოეღრუბლა, მაკფინი კი მაშინვე გროსბუხს ეცა და ბუღალტერიის უსიერ ტყეში შეიჭრა ბალანსის შესადგენად.

ვაი რომ, იმ დღეს ციფრები ინგლისის სავაჭრო სახლის სამტროდ აღმდგარიყვნენ და, როგორც კი ეს გამოირკვა, ორივე შოტლანდიელი საშინლად მოიქუფრა.

ისინი მიხვდნენ, რომ ფირმას გაკოტრების საფრთხე ემუქრებოდა და დახმარების მაგივრად მკაცრად მოსთხოვეს ოუენს ან დაუყონებლივ გაგვისწორე ანგარიში ან რაიმე რეალური გარანტია მოგვეცით. ოუენს არც ერთი შეეძლო და არც მეორე და შოტლანდიელებმა მტკიცედ მოითხოვეს ფირმის მთელი დეპოზიტი, რომელიც სულ სხვა მიზნებისთვის იყო განკუთვნილი.

ოუენმა აღშფოთებით უარყო ეს მოთხოვნა და განაცხადა, ეს შეუძლებელი, რადგან ოსბალდისტონს და ტრეშამს კრედიტორებიცა ჰყავს და ყველას თანაბრად უნდა გაუნაწილდეს ფირმის ქონებაო. გარდა ამისა, დასძინა ოუენმა, ასეთი წინადადების წამოყენება ჩვენი ფირმის ხელმძღვანელების საშინელი შეურაცხყოფაა და ნათლად ადასტურებს, რომ თქვენ ფრიად დაუნახავები და უმადურები ყოფილხართ.

შოტლანდიელმა პარტნიორებმა შარი მოუდეს, შეურაცხყოფა მოგვაყენაო (მტყუანი ყოველთვის ახერხებს ჩხუბის საბაბის პოვნას), საშინლად გაცხარდნენ და ისეთ უკიდურეს ღონისძიებას მი-

მართეს ოუენის დასასჯელად, რომელსაც არც ერთი პატიოსანი და კარგად აღზრდილი ადამიანი არ იკადრებდა.

ოუენს, როგორც საერთოდ მიღებულია, მცირე პაი ჰქონდა მეტანილი ჩვენს ფირმაში და ამიტომ ისიც ამ შოტლანდიური ფირმის მოვალედ უნდა ჩათვლილიყო. მაკვიტიმ და მაკფინიმ შოტლანდიური კანონი მოიშველიეს და ოუენი დააპატიმრებინეს. ამ კანონით სესხის მიმცემს მაშინა აქვს მოვალის დაპატიმრების უფლება, როცა ეს უკანასკნელი ქვეყნიდან გასვლას აპირებს. ამ ბატონებმა უსინდისოდ დაიფიცეს, ოუენი შოტლანდიიდან გაპარვას აპირებსო და მოხუცი ციხეში ჩააგდეს, რათა, ჯერ ერთი, თავიანთი ძლიერება ეჩვენებინათ, და რაც მთავარია, ამით აეძულებინათ, რომ მათ წინადადებას დათანხმებოდა. აი, ამ საბაბით გამოუმწყვდევიათ სანყალი ოუენი საკანში წინა დღით!

ასეთი საშინელი ამბავი გავიგე, როცა ასე უცნაური გზით აღმოვჩნდი ციხის საკანში იმ გვიან ღამით. რა ვქნა, როგორ მოვიქცე, ვეკითხებოდი საკუთარ თავს და პასუხებს ვერ ვპოულობდი. მივხვდი, რომ საშინელი საფრთხე გვემუქრებოდა, მაგრამ ხსნის გზას ვერა ვხედავდი.

აშკარად რომ დამეცვა ოუენი, უეჭველია მეც დამაპატიმრებდნენ. ხომ გამაფრთხილეს, სახლიდან ნუ გახვალთ! ოუენის სიტყვების სიმართლეში ეჭვი არ შემპარვია: შოტლანდიელი ერთ ფართინგსაც არ შეარჩენს ინგლისელს, მაშინვე კანონის სათანადო მუხლს მოიშველიებს, ცოლშვილიანად და მსახურებიანად გამოკეტავს სატუსაღოში და თუ იმ დროს მოვალეს სტუმრები ყავს სახლში, იმათაც მიაყოლებსო. მოვალეებს ისე მკაცრად სჯის თითქმის ყველა ქვეყნის კანონი, რომ ოუენის სიტყვების სიმართლეში ეჭვი არ შემპარვია; ჩემი დაპატიმრება კი სასიკვდილო ლახვარს ჩასცემდა ისედაც სულთმობრძავ ფირმას.

ბევრი ვიფიქრე რა მეღონა, მაგრამ საშველი არ ჩანდა. ბოლოს ისე, სხვათა შორის, ვკითხე ოუენს, იმ მეორე გლაზგოელ

კორესპონდენტს, მისტერ ნიკოლას ჯარვის ხომ არ შეატყობინე ჩვენი გაჭირვება-მეთქი.

დიახ, შეუტყობინებია! იმ დილას გაუგზავნია ბარათი, მაგრამ თუკი გელოუფეიტელმა თავაზიანმა და დამთმობმა ჯენტლმენმა ამ დღეში ჩააგდეს, „მარილის ბაზრის“ ბრიყვი ვაჭრისაგან, რა დახმარების იმედი უნდა ჰქონოდა?

- ამისთანა ვაცი ცარიელი ჯამში ხელს არ ჩაყოფს, - მითხრა ოუენმა, - გინახავს სადმე, დალალი მუქთად დახმარებოდეს ვინმეს? ბარათი დილა ადრიან გადასცეს, როცა წირვაზე მიდიოდა, მაგრამ არც კი მიჰასუხა.

ციფრების ერთგული მსახური თავის საცოდავ სანოლზე დაემხო და აქვითინდა:

- ო, ჩემო ძვირფასო, რა დღეში ჩავარდა ჩემი უბედური ბატონი! ო, მისტერ ფრენკ, სულ თქვენი ჯიუტობის ბრალია ყველაფერი! ღმერთო, მაჰატიე, ისედაც სიკვდილის ჰირას არის მისული დარდით საცოდავი ბიჭი! რა ვუყოთ, ალბათ ასე ენება უფალს. ღვთის ნებას ვერავინ წაუვა!

შენ ხომ მაინც იცი, ტრეშამ, რომ ყოველგვარ გაჭირვებას ფილოსოფოსის სიმტკიცით ვხვდები, მაგრამ მაშინ თავი ვერ შევიკავე და მწარე ცრემლებით ავტირდი, რადგან მოხუცის სიტყვები გულში მომხვდა, ეს უბედურება, მართლაც, არ დაგვატყდებოდა თავს, ასე რომ არ გაგჯიუტებუდიყავი.

მოთქმა და ქვითინი რაღაც ბრახაბრუხმა შეგვანყვეტინა. მაშინვე კიბის ბაქანზე გავედი, რომ ხმაურის მიზეზე გამეგო. ციხის კარს ვილაცა მოსდგომოდა და აბრახუნებდა. მალე მედილეგის ხმა გავიგონე. იგი ხმამაღლა უჰასუხებდა მოსულებს, მერე ჩურჩულით უთხრა რაღაც იმ ვაცს, მე რომ მომიყვანა ციხეში.

- მოვდივარ, ახლავე მოვდივარ, - ხმამაღლა გასძახა მედილეგემ გარეთ და მერე კვლავ აჩურჩულდა: - ო, ჰონ-ა-რი, ჰონ-ა-რი! რა უნდა ვქნათ?! ზევით ადით და სასენახელი[162] შელტმე-

ნის სანოლის ქვეშ შეძვერით. მოვდივარ! მოვდივარ! ო, აჰელა-
ნაი! იქ ბატონი ოლდერმენია, ჩემი უფროსი და პოლიციელები!
აი, კაპიტანიც ჩამოდის კიბეზე! ღმერთო, გვიშველე! ადით ბევით,
თორემ თავზე წაგადგებათ! ვალებ, ვალებ, კლიტე სულ დაჟანგუ-
ლია!

სანამ დუგალი ზღაზვნითა და ზოზინით აცლიდა კარს ურდუ-
ლებს და კლიტეებს, რომ გაბრაზებული სტუმრები შემოეშვა, ჩემ-
მა მეგზურმა სწრაფად ამოირბინა რკინის სპირალური კიბე და
ოუენის საკანში შევარდა. მეც მაშინვე მივბაძე მის მაგალითს. მან
სწრაფად მოავლო თვალი იქაურობას, ეტყობოდა, რომ დასა-
მალ ადგილს ეძებდა და, როცა ვერ იპოვა, მითხრა:

- მათხოვეთ თქვენი დამბაჩები... თუმცა, არა, არ მინდა, ესეც
იოლად გავალ, ოღონდ დაიმახსოვრეთ: რაც უნდა მოხდეს, ყუ-
რადღება არ მიაქციოთ და არ ჩაერიოთ. ამ საქმეს მე უნდა მოვეუ-
არო. ამისთანა გაჭირვება ხშირად დამდგომია, ამისთანა კი არა,
უარესიც!

უცნობმა ვიწრო კამზოლი გადაიხადა, ოდნავ უკან გადაიზნო და
კამარის შესაკრავად მომზადებული ცხენივით მიაჩერდა საკ-
ნის კარს. მივხვდი რომ კარი გაიღებოდა თუ არა, გარეთ გავარ-
დებოდა და ქუჩისაკენ გაიკვლევდა გზას. ისე იყო დაძაბული, ისე-
თი თვალებით ელოდა კარის გაღებას, რომ წამით არ გამივლია
გულში, აქედან ვერ გააღწევს-მეთქი. დარწმუნებული ვიყავი, ყო-
ველგვარ დაბრკოლებას გადალახავდა და გაუჩინარდებოდა, თუ
უკიდურეს ღონისძიებას არ მიმართავდნენ შესანარჩუნებლად.

გაისმა ციხის კარის ჭრიალი. ორიოდ მტანჯველი წუთის შემ-
დეგ ჩვენი საკნის კარიც გაიღო და ზღურბლს ხიშტებით, ხელკე-
ტებით, შუბებითა და ალებარდებით შეიარაღებული ღამის პატ-
რულის ნაცვლად ახალგაზრდა სანდომიანმა ქალმა გადმოაბიჯა.
ქალს ხელით ნაქსოვი შალის ქვედატანის კალთები აეკვცა, რომ
ტალახში არ ამოსვროდა, ხელში ანთებული ფარანი ეჭირა. უკან

ვილაც დარბაისელი მამაკაცი მოჰყვებოდა, დაბალი ჩაგოდრებული და გაბღენძილი. მალე გამოირკვა, რომ ჰქონდა კიდევ ამის უფლება - ქალაქის მაგისტრატის წევრი ყოფილა, ოლდერმენი, და, რა თქმა უნდა, გაიბღინებოდა. ოლდერმენი პარიკის კულულებს ისწორებდა და დაღლილობისა და სიბრაზისაგან ძლივს ითქვამდა სულს.

ჩემმა მეგზურმა ოლდერმენის დანახვაზე უკან დაიხია, თითქოს დამალვაც დააპირა, მაგრამ კანონიერების მცველმა შემოსვლისთანავე მოავლო მოჭუტული თვალები საკანს და, რა თქმა უნდა, მაშინვე დაგვინახა; დაგვინახა, მაგრამ ჯერ ვაპიტან მიუტრიალდა, რომელიც საკნის კარებთან შეჩერებულიყო.

- საუცხოოა, ვაპიტანო სტენჩელზ, შესანიშნავია! მაშ, მთელი ნახევარი საათი უნდა ვიყურყუტო კართან, არა! მესმის, რომ ციხიდან გამოსასვლელად ამტვრევდეს ვაცი კარს, მე კი შემოსვლაზე დამჭირდა ასეთი ამბის ატეხა, ეს კიდევ რა ოინებია, ეს რასა ჰგავს? ციხე უცხო ხალხით არის სავსე ამ შუაღამისას, თანაც ვკირა დღეს! ამას არ გაპატიებ, სტენჩელზ, იცოდე, არ გაპატიებ! ჩაკეტე კარი, ახლავე მოველაპარაკები ამ ჯენტლმენებს. ოლონდ ჯერ ჩემი ძველი ნაცნობი უნდა მოვიკითხო. როგორ ბრძანდებით მისტერ ოუნ, ეს რა დაგმართვია, ადამიანო?

- გმადლობთ, მისტერ ჯარვი, ჯანზე კარგადა ვარ, საქმეები მაქვს ცუდად.

- გასაგებია, გასაგებია. ძნელი გადასატანია, ამისთანა უბედურება, მით უმეტეს ისეთი ვაცისათვის, ვისაც ცხვირის მალლა აწვევა უყვარს. ასეთია ადამიანის ბუნება. ეჰ, ბეღია, რას იზამ, ყველა შეიძლება ჩავარდეს ამ დღეში. მისტერ ოსბალდისტონი კარგი ვაცია, პატიოსანი სანდო, მაგრამ წინდაუხედავი: ოქროს მთებს ეპოტინებოდა და საკუთარი ქობიც დაკარგა. რას იზამ, ეგეთი ხასიათი აქვს, ამბობს, „თუ იყოს იყოს, თუ არა წყალმა რიყოსო“. მამაჩემი, უსტაბაში, ხშირად მეტყოდა ხოლმე: ნიკ, პატარა ნიკ

(მამასაც ნიკოლი ერქვა და ხალხი მე პატარა და იმას დიდ ნიკს ეძახდა), ჰოდა, მეუბნებოდა, ნიკ, ფონი წყალში შესვლამდე მოძებნე, თორემ მერე ველარ იპოვი და დაიხრჩობიო. მეც სულ ამას ვუჩიჩინებდი მისტერ ოსბალდისტონს, მაგრამ რომ არ მისმენდა! მე გულით ვეუბნებოდი, კარგი მინდოდა მაგისტვის...

მისტერ ჯარვის ამ გრძელი სიტყვის მოსმენის შემდეგ თითქმის სულ დამეკარგა მისი დახმარების იმედი. იმის მაგივრად, რომ ვენუგეშებივით, თავს იქებდა, ისეთი შორსმჭვრეტელი ვარ, ადრევე ვიცოდი, ამ დღეში რომ ჩავცვივდებოდიო. ცოტა ხნის მერე გამოირკვა, რომ ვცდებოდი, თურმე ოლდერმენი კეთილი, გულიანი კაცი ყოფილა და ის საყვედურები და თავის ქება მისი უტაქტობისათვის უნდა მიმენერა. როცა ოუენმა განაწყენებით უთხრა, განა ახლა ჭკუის სწავლებისა და საყვედურების დროაო, შოტლანდიელმა მხარზე ხელი გადახვია და გაამხნევა:

- ყოჩაღად, ყოჩაღად, ცოტა დამაცადეთ! ნუ გგონიათ, ამ შუალამისას იმიტომ მოვედი (თანაც კინაღამ უქმე გავტეხე), რომ ძველი ცოდვები გაგიხსენოთ? ნუ გეშინიათ, ოლდერმენი ჯარვი ეგეთი კაცი არ არის და არც მამამისმა, პატივცემულმა უსტაბაშმა, არ იცოდა ძველის წამოყვედრება. რას ამბობთ, კაცო, ეგ რა გიფიქრიათ?! მე წესადა მაქვს ვვირაობით სოფლის საქმეებზე არ ვიფიქრო, მაგრამ დილით თქვენი ბარათი რომ მივიღე, მთელი დღე იმაზე ვფიქრობდი და თითქმის არაფერი გამიგია ქადაგებიდან. ვვირა საღამოს ყოველთვის ათ საათზე ვწვები ჩემს ყვითელ ფარდებიან სანოლში, თუ მეზობელთან არა ვარ მიპატიჟებული თევზზე, ან მეზობელი არ მოვიდა ჩემთან. აი, ამ ქალიშვილს ჰკითხეთ და გეტყვით, თუ მართლა ასეთი წესი არ არის შემოღებული ჩემს ოჯახში. დღეს კი, აღარ დავიძინე, მთელი საღამო ვიჭეჩი, წიგნებს ვკითხულობდი და ისე ვამთქნარებდი, რომ წმინდა ენოქის ტაძარი ჩამეტეოდა პირში. ბოლოს, როგორც იქნა, თორმეტჯერ დარეკა საათმა და მომეცა უფლება გადამეშალა გროს-

ბუხი, რომ ჩვენი ანგარიშები გამერკვია. მერე, რადგანაც დრო და ზღვის მიმოქცევა არ იცდის, ამ გოგონას ვუბრძანე ფარანი ანთო და ნელ-ნელა გამოვწიე თქვენკენ, რათა მოგვესაუბრა ჩვენ საქმეზე და რაიმე სახსარი გვეპოვა. ოლდერმენ ჯარვის ვერავინ დაუშლის ციხეში შემოსვლას, გინდა დღე იყოს გინდა ღამე. ასეთივე უფლება ჰქონდა თავის დროზე მამაჩემს, უსტაბაშს, რადგან დიდად საპატიო ვაცად ითვლებოდა, კეთილი იყოს მისი ხსოვნა!

ოუენმა ისე მწარედ ამოიგმინა გროსბუხის ხსენებაზე, რომ მიხვდით, მისტერ ჯარვის ვალიც გვექნებოდა. პატივცემული ოლდერმენის კილოში გამჭრიახობა და სიტრთხილით გამონვეული აღტაცება გამოსჭვიოდა, მაგრამ ამავე დროს ვიგრძენი, რომ სტუმარს გულწრფელად აწუხებდა ჩვენი მძიმე მდგომარეობა და დახმარების იმედი მომეცა.

მან რაღაც საბუთების გადათვალიერება მოისურვა, როცა ოუენმა მოუძებნა, სწრაფად გამოსტაცა ხელიდან, საწოლზე ჩამოჭდა და სიამოვნებით ამოილაპარაკა, „ძლივს არ დავასვენე ტლოკებიო“. შემდეგ მოახლე ქალს ანიშნა, ფარანი მომინათეო და ყურადღებით შეუდგა საბუთების კითხვას. დროდადრო ხვნეშოდა და ბუზღუნებდა - ხან სინათლე ეცოტავებოდა, ხან საბუთების შინაარსი არ მოსწონდა.

როცა ჩემმა მეგზურმა დაინახა, რომ ოლდერმენმა თავი საბუთებში ჩარგო, საკნიდან გასვლა მოინდომა - მანიშნა, ხმა არ ამოიღო და ის იყო, ფეხაკრეფით დაიძრა ვარისაკენ, რომ ვანონის ფეხივლი მცველი, რომელიც სულ არა ჰგავდა ჩემს ძველ ნაცნობს, მისტერ ინგლვედს, იმწამსვე მიუხვდა განზრახვას და ვაპიტანს გასძახა:

- კარებს მიხედეთ, სტენჩელზ! მოხურეთ, ურდული გაუგდეთ და მანდ იდექით!

უცნობი მოიქუფრა და შევატყვე, რომ ძალით აპირებდა გზის გაკვლევას, მაგრამ მცველებმა სწრაფად მოაჯახუნეს კარი და

შიგ მძიმე ურდული გაუდგეს. მან რაღაც წაიბუტბუტა გველურად და საკანში ბოლთის ცემას მოჰყვა. შემდეგ, ეტყობა იფიქრა, გულს რომ შევასკდე მაინც ვერაფერს გავხდებო, მუხის მაგიდაზე ჩამოჯდა და შოტლანდიური საცეკვაოს სტვენა დაიწყო.

მისტერ ჯარვი, როგორც ჩანდა, კარგად ერკვეოდა კომერციულ საქმეებში. მან საბუთები გვერდზე გადააწყო და ოუენს მიუბრუნდა:

- დიახ, მისტერ ოუენ, დიახ. მაკვიტისა და მაკფინის მართლაც, ეკუთვნით თქვენგან გარკვეული თანხა. სინდისი როგორ არა ქენჯნით, მაგ ღორებს! განა ათჯერ მეტი არ მოიგეს გლენკაილზიხატის მუხნარის საქმეში, ის ტყე ხომ მე გამომგლიჯეს პირიდან და თქვენ, მისტერ ოუენ, მახსოვს, იმათ დაუჭირეთ მხარი, მაგრამ ახლა აღარ გაგიხსენებთ. მაშასადამე, სერ, თქვენ ფირმას გარკვეული თანხა მართებს იმათი, ამიტომ და კიდევ იმის გამო, რომ სხვა კონტრაქტების შესრულებას საფრთხე არ დამუქრებოდა, ჩვენს კეთილ სტენჩელზს ჩააბარეს თქვენი თავი. აი, ასეა საქმე, სერ! თქვენ მათი მოვალე ხართ და შესაძლებელია, სხვისიც გმართებთ რამე. შესაძლებელია, ოლდერმენ, ნიკოლ ჯარვისაც ერგება თქვენგან რაღაც.

- არ უარვყოფ, სერ, რომ დღეისათვის, შესაძლებელია, თქვენი ვალი გვექონდეს, მაგრამ გთხოვთ გაითვალისწინოთ, რომ...

- ახლა მისტერ ოუენ, მე იმისი დრო არა მაქვს, რომ რაიმე გავითვალისწინო. კვირა ეს-ეს არის დამთავრდა, მე კი ამ შუალაშისას, ამ ნესტიან ამინდში ვზივარ აქ. ჩემი თბილი ლოგინიდან ხუთი მილის დაშორებით და გინდათ, რომ დავჯდე და ანგარიში დავიწყო? ის კი უდავოა, სერ, რომ ჩემი ფული გმართებთ. ცოტაა ეს ვალი თუ ბევრი ახლა ვერ გეტყვით, მაგრამ ის კი ნამდვილად ვიცი, რომ ჩემი მოვალე ხართ. და რადგან ასეა, მე ვერ მომიფიქრებია, რანაირად მოახერხებს თუნდაც თქვენისთანა მცოდნე და გამოცდილი კაცი ამ საქმის მოგვარებას, თქვენ ხომ იმისათვის

ჩამოხვედით გლაზგოში, რომ ანგარიში გაგესწორებინათ ჩვენთან (და დარწმუნებული ვარ გაასწორებთ კიდევც), მაგრამ თუ ციხეში დარჩით გამოკვეტილი, რა უნდა გააწყობთ? აი, ამიტომ, სერ, თუ წარმოადგენთ *judicio sisti*[163], რომ შოტლანდიიდან არ გაიპარებით და პირველი გამოძახებისთანავე გამოცხადდებით სასამართლოში, ამ დილითვე გათავისუფლდებით სატუსალოდან.

- თუკი ისეთი მეგობარი გამომიჩნდება, რომ თავდებად დამიდგება და აქედან გამომიხსნის, ჩვენ ბედს ძალლი არ დაჰყევს: ამით ჩვენ ფირმასაც მოვუტან სარგებლობას და იმათაც, ვინც ფირამასთან არის დაკავშირებული.

- კეთილი, სერ, მაგრამ ეგ მეგობარი დარწმუნებული უნდა იყოს, რომ თქვენ სასამართლოში გამოცხადდებით და მას თავდებობისაგან გაათავისუფლებთ.

- პირველივე გამოძახებისთანავე გამოვცხადდები, თუ ცოცხალი ვიქნები! - მტკიცედ მიუგო ოუენმა, - ეს ისეთივე ჭეშმარიტებაა, როგორც ის, რომ ორჯერ ორი ოთხია და...

- საკმარისია, მისტერ ოუენ, - შეაწყვეტინა გლაზგოს პატივცემულმა მოქალაქემ, - მე თქვენ გენდობით და ამის საბუთსაც მოგართმევთ. მე წესიერი და მშრომელი ადამიანი ვარ, რაშიაც მთელი ქალაქი დამემონებდა. შემოძლია საკუთარი შრომით მივიღო ჩემი კრონები და მარილის ბაზარზე ვივაჭრებ თუ გელოუგეიტთან, არავის არ ეკითხება. ამ კრონებს არც არავის შევარჩენ და არც სხვისი მინდა რაიმე. მე მამაჩემივით, პატივცემული უსტაბაშივით, ფრთხილი და წინდახედული ვაცი ვარ და ჩემს მონაგარს ვუფრთხილდები, მაგრამ იმას ვერ ავიტან, რომ პატიოსანი და წესიერი ჯენტლმენი, რომელიც ასე კარგად ერკვევა კომერციაში, ცდილობს ყველას სამართლიანად მოექცეს, აი, ასეთი ჯენტლმენი რომ ციხეში იყოს და ვერც თავის თავს არგოს რაიმე და ვერც სხვას, ამას ვერ ავიტან! მე თვითონ დაგიდგებით თავდებად, მე თვითონ, ოღონდ დაიმახსოვრეთ - მხოლოდ თქვენს გა-

მოცხადებაზე ვაგებ პასუხს! ეს იქნება *judicio sisti*, როგორც ჩვენი ქალაქის მმართველობის მდივანი ამბობს ხოლმე და არა *judicatum solvi*. ძალიან ვთხოვთ, არ დაივიწყოთ. მათ შორის ძალიან დიდი განსხვავებაა!

მისტერ ოუენმა მიუგო, ჩვენი ფირმის საქმე ისეა, რომ ვერც კი გავბედავ, ვინმეს ვთხოვო ვალის გადახდის თავდებობა იკისროს, ხოლო თქვენ არავითარი საფრთხე არ გემუქრებათ: პირველსავე ოფიციალურ გამოძახებაზე სასამართლოში გამოვცხადდები და თავდებობისაგან გაგათავისუფლებთო.

- მჯერა, მჯერა, მეტი ლაპარაკი აღარ არის საჭირო. დილით თავისუფალი იქნებით. ახლა კი ვნახოთ, რას იტყვიან თქვენი ამხანაგები, მე მინდა გავიგო, რა ხრიკებით შემოაღწიეს ამ შუალამისას ციხის საკანში.

თავი XXIII

საღამოს შინ რომ დაბრუნდა,
ქმარს ხასიათი წაუხდა:
მოულოდნელად ოჯახში
უცნობი კაცი დაუხვდა:
„ქალბატონო, - მიმართა, -
ველარ მიყურებ თვალებში,
ამ გლესს კარს როგორ უღებდი
ჩემი ნებართვის გარეშე!..“

ძველებური სიმღერა.

მაგისტრატის წევრმა მოახლეს ფარანი გამოართვა და საკნის დათვალიერებას შეუდგა. რომ შევხედე, დიოგენი გამახსენდა: ისიც ხომ ფარნით დადიოდა ათენის ქუჩებში და ნამდვილ ადამიანს ეძებდა, თუმცა წინასწარ იცოდა, რომ ვერ იპოვიდა. მე მგონი, მისტერ ჯარვისაც ამ დიდი ცინიკოსივით ჰქონდა გადანყვეტილი იმედი, რომ რაიმე ღირსშესანიშნავს აღმოაჩენდა ამ საკანში, როცა ხელში ფარანი აიღო და ჩემს უცნაურ მეგზურს მიანათა სახეზე. იგი, როგორც მოგახსენე, მაგიდაზე იჯდა, სახეზე სიმტკიცე და შეუპოვრობა ეწერა, ხელები გამომწვევად დაეკრიფა მკერდზე, თვალები კედლისათვის მიეშტერებინა, უზრუნველად უსტვენდა ქუსლს მაგიდის ფეხზე უკაკუნებდა მელოდიის ტაქტზე. მისტერ ჯარვი ყურადღებით ჩააჩერდა თვალებში, მაგრამ უცნობ-

მა ისეთი მშვიდი და გულგრილი მზერა შეაგება, რომ გამოცდილი და დაკვირვებული ოლდერმენი დაიბნა და ალუღლულდა:

- აა, ოო, ნუთუ? ღმერთმანი, წარმოუდგენელია, თუმცა, რა ვიცი? არა, შეუძლებელია და მაინც... აი, შე ყაჩაღო, შენ ხომ სატანა ხარ ქაჯი, მიწრიელი, ყოველივე ბოროტების სათავე! ნუთუ მართლა შენ ხარ?!

- როგორც ხედავთ, ოლდერმენო, - მოკლედ მიუგო უცნობმა.

- მართლა შენ ხარ, თუ აქ ჯადოქრობას არა აქვს ადგილი!.. და შენ, შე სახრჩობელას კერძო, როგორ გაბედე გლაზგოს საპყრობილეში შემოსვლა?! არ იცი რამდენადაა შეფასებული შენი თავი?!

- ჰმ, კარგა ბლომად. ბუსტად რომ ავწონო ჰოლანდიურ სასწორზე ერთი პროვოსტრის[164], ოთხი მოსამართლის, ქალაქის მდივნის, ექვსიოდე ოლდერმენისა და რამდენიმე მსაჯულის თავი გადასწონის და კიდევ...

- აი, შე თახსირო, შე გაიძვერავე! - შეაწყვეტინა ოლდერმენმა; - მონიანიე შენი ცოდვები და სასჯელისათვის მოემზადე, ხომ იცი, ერთი ხმა რომ ამოვიღო...

- მართალს ამბობ ოლდერმენო, მაგრამ შენ ხმას არ ამოიღებ, - უთხრა უცნობმა, გულზე დაკრეფილი ხელები ჩამოუშვა და მშვიდად მიაშტერდა თვალებში მისტერ ჯარვის.

- ვითომ რატომ არ ამოვიღებ, სერ? - შესძახა კანონის დამცველმა, - რატომ გგონიათ, რომ გავჩუმიდები მიპასუხე!

- სამი მნიშვნელოვანი გარემოების გამო, ოლდერმენო ჯარვი: ჯერ ერთი იმიტომ, რომ ძველი ნაცნობები ვართ, მერე, იმ დედაბრის ხათრი და მორიდება შეგაჩერებს, სტუკავრაღახანში რომ ცხოვრობს და ახლა ალბათ ღუმელთან ითბობს ბებერ ძვლებს. ის ხომ ორივე ჩვენთაგანის ნათესავია, სისხლით ნათესავი, თუმცა არ იფიქრო, რომ ძალიან ვამაყობ ამით. აბა, სად უნდა ვთქვა, რომ ჩემს სისხლსა და ხორცს დღე და ღამე ან საანგა-

რიშო დავთარში აქვს თავი ჩარგული, ანდა უბრალო ხელოსანი-
ვით დასტრიალებს თავს მაქოებსა და თითისტარებს! და ბოლოს,
იმიტომ არ ამოიღებ ხმას, ოლდერმენო, რომ ვერ მოასწრებ!
პირს გააღებ თუ არა ტვინს მიგასხმევიანებ კედელზე.

- თქვენ თავხედი არამზადა ბრძანდებით, სერ, მაგრამ კარგად
მოგვეხსენებათ, რომ მუქარისა არ მეშინია და რასაც მინდა იმას
გავაკეთებ!

- მე შესანიშნავად ვიცი, რომ თქვენს ძარღვებში კეთილშობი-
ლი სისხლი ჩქევს და არ მინდა, ნათესავზე აღვმართო ხელი,
მაგრამ აქედან ან ისევ თავისუფალი გავალ როგორც შემოვედი,
ან გლაზგოს ციხის კედლებს სამუდამოდ დააჩნდება ჩემი ბრძო-
ლის კვალი.

- კარგი, კარგი, - მოლბა ოლდერმენი, - სისხლი წყალი არ
არის, რომ არ გავუფრთხილდეთ. მეგობრებმა და ნათესავებმა
ერთმანეთი უნდა გაიტანონ. სტუკავრაალახანელი დედაბერი გა-
დაირევა ვინმემ რომ უთხრას, ერთმა შენმა ნათესავმა თავი გა-
უხეთქა მეორესო ან იმ მეორემ საკუთარ სისხლსა და ხორცს თა-
ვი სახრჩობელის ყულფში გააყოფინაო. ოლონდ უნდა აღიარო,
შე ჭიუტო ქაჯო, რომ სხვას უშენოს არ დავინდობდი! ნათესავი არ
იყო, შოტლანდიის პირველი ყაჩაღი და ამნიოკებელი ხელთ მე-
ყოლებოდა!

- ჰო, ალბათ ძალიან შეეცდებოდით, ძვირფასო ბიძაშვილო,
მაგრამ არ ვიცი, რა გამოგივიდოდა, ჩვენ მოხეტიალე მთიელები,
ჭიუტი და თავნება ხალხი ვართ, როცა ბორკილებზე ჩამოვარდე-
ბა ლაპარაკი. ვინრო ტანსაცმელი, რიყის ქვის შარვლები და
რკინის წვივსაკრავები არ გვიყვარს.[165]

- არ გიყვართ, ძვირფასო, მაგრამ მაინც ჩაგაცმევენ და კისერ-
საც დაგიმშვენებენ წნელის ყულფით. თქვენსავით ჯერ არვის
აუნიოკებია ცივილიზებული ქვეყანა. არც შინაურს ინდობთ, არც

გარეულს, მაგრამ შენც მოგივლიან, როცა იქნება. არ შეგრჩება ამდენი ძარცვა-გლეჯა.

- შენ რა, შენი ამბავი რომ ვიცი, ძაძებს ჩაიცვამ!

- ესაა და ეშმაკმა ჩაიცვას შენზე ძაძები, ყორნებსა და ჭილყვავებს კი უკვე აცვიათ. ახლა ეს მითხარი, ის ათასი გირვანქა სად არის, საკუთარ ხელში რომ მოგეცი. როდის უნდა დამიბრუნო?

- სად არი? - ჩაფიქრდა ყაჩალი. - თითქოს გამახსენდა: იქ, სადაც შარშანდელი თოვლია!

- ესე იგი, სვეჰაილიონის მთის წვერზე, არა, შე ვერაგო, შე გაიძვერა მელავ! - გაცეცხლდა მისტერ ჯარვი. - მე კი იმედი მაქვს, აქვე, აი ახლავე გადამიხდით.

- ჰო! მე რომ ჯიბეში არც თოვლი მაქვს და არც ოქრო? როდის დაგიბრუნებთ: როდის და „როცა ჭიანჭველი ზურგით მარილს მოიტანს“.

- არა ვარგა ეგრე რობინ, არ ვარგა. შენ უსინდისო და მოღალატე ხარ! ნუთუ ვკლავ კათოლიკობა გინდა დააბრუნო ქვეყანაში, ეგ მოძალადეების სარწმუნოება?! ის თვითმარქვია უნდა დავისვათ თავზე თავისი ბერებიანად და აბატებიანად?! მოგენატრა საცეცხლურის ხრჩოლვა და ბარ-ზეიმოანი წირვა-ლოცვა? ჯანდაბას შენი თავი, ისევ ძარცვე ხალხი, შავი ბაჟი აკრიფე, იქურდე, ოღონდ ერს ნუ დაღუპავ!

- მორჩი, ადამიანო, ნუ იმეორებ ვიგების მოგონილ აბდაუბდას! - შეაწყვეტინა მთიელმა, - მაღლობა ღმერთს, დღეს არ გაგვიცნია ერთმანეთი. მე თვალს დავიჭერ, რომ შენი კანტორა არ დააცარიელონ, როცა ქვედატანში გამონწყობილი ვაჟკაცები[166] ჩამოვლენ გლაზგოში, დუქნების დასასუფთავებლად. მანამდე კი, ნიკოლ, ეცადე იშვიათად შემხვდე. თუ საჭირო იქნება, მე თვითონ გნახავ. თუმცა ვინ იცის, შენ ისეთი სამსახური გაქვს, რომ შეიძლება, ჩემი სურვილის გარეშეც მოგვიხდეს შეხვედრა.

- უსირცხვილო ყაჩაღი და გაიძვერა ხარ, რობ, ოდესმე მაინც ჩამოგკიდებენ სახრჩობელაზე. რას გაიხარებს მთელი ქვეყანა! მაგრამ სხვის ბედაურს მაინც ჩემი ჯაგლაგი მირჩევნია და არას დაგიშავებ, თუ, რა თქმა უნდა, სხვა გამოსავალი არ იქნა, ამ მოვალეობამ არ მაიძულა. ხომ იცი, თავის მოვალეობას ვერავინ გაექცევა! ეს ვინ ეშმაკია კიდევ აქ? - იკითხა ოლდერმენმა და ამხედ-დამხედა. - ესეც შენი ყაჩაღი იქნება, ასე არ არის? ზედ ეტყობა, რომ ძარცვა-გლეჯის მეტი არაფერი იცის. კისერი ვი გრძელი ჰქონია, ყულფი კარგად მოფრგება.

- ოხ, რას ამბობთ, ჩემო კეთილო ბატონო, - უთხრა ოუენმა, რომელიც ჩემსავით გაოცებული უსმენდა ამ უცნაური ნათესავების უცნაურ საუბარს, - ეს ჭაბუკი ხომ მისტერ ფრენკ ოსბალდისტონია, ჩვენი ფირმის უფროსის ერთადერთი შვილი. ჩვენთან უნდა დაეწყო სამსახური, მაგრამ ეს ბედნიერება, რეშლი ოსბალდისტონს ხვდა წილად (ოუენმა ამ სიტყვებს მწარე ამოოხვრა ამოაყოლა), თუმცა, ასეა თუ ისე...

- ჰო, ვიცი, მითხრეს მაგის უქნარობის ამბავი, - შეანწყვეტინა შოტლანდიელმა ვაჭარმა, - გავიგე, რომ თქვენი უფროსი აუხირდა, გინდა თუ არა ვაჭარი უნდა გამოხვიდეო (რა სულელი მოხუცი ყოფილა). ამ ყმანვილს ვი ხელის განძრევა ესიკვდილებოდა და მოხეტიალე მსახიობობა ამჯობინა კომერსანტობას. დიდებული ხელობაა, სერ! მოგწონთ ხომ თქვენი ნამოქმედარი? ახლა, როგორ გგონიათ, სერ რომელი იკისრებს მისტერ ოუენის თავდებობას, ჰამლეტი - დანიის პრინცი, თუ მამამისის აჩრდილი?!

- დაცინვა არ დამიმსახურებია, მაგრამ არა უშავს, - მივუგე მე, - თქვენ ისე დაეხმარეთ მისტერ ოუენს, ეგ სიტყვები აღარ მწყინს. მხოლოდ იმისთვის ჩამოვედი, რომ ფირმის საქმეების მონესრიგებაში დავეხმარებოდი მისტერ ოუენს. ხოლო ვაჭრობა რომ არ მიყვარს, არავის საკითხავი არ არის. ჩემი საქმის მე ვიცი!

- ეს ბიჭი ცოტათი მაშინაც მომწონდა, როცა სულ არ ვიცნობდი და, თურმე, არა ვცდებოდი. ნახეთ, როგორ არ ჰყვარებია ეს ფეიქართა და მრთველთა მოდგმა! - ჩაილაპარაკა რობინმა.

- შენ სულ გადარეულხარ, რობ, მარტის კურდღელივით ხარ გაცოფებული. ისე კი არ ვიცი, რატომ ცოფდება კურდღელი მარტში. თუ გაცოფებაა, უფრო მარტინის[167] დღეს უნდა გაცოფდეს. ფეიქრებო?! ნეტავი ეშმაკმა შემოგარღვიოს ფეიქრების მოქსოვილი ტანსაცმელი რომ გაცვია ტანზე და მერე ილაპარაკებდი ეგრე! მრთველები!.. თუმცა, რათ გინდა მრთველები, თვითონ ართავ შენს ჩამოსახრჩობ თოკს! ამ ყმანვილსაც შენს გვერდით ჩამოაკონწიანლებენ და მერე ერთად გაუდგებით ჯოჯოხეთის გზას! გგონია, კომედიები და ლექსები უშველის, შე ურჯულო? ერთი შენ გიშველის ფიცი-მტკიცი დამნაშავე არა ვარო, და ერთი მაგას თავისი რითმები და შეძახილები. იქნებ კეთილმა ტიტირმა[168], მგონი, ასე ეძახიან იმ მწყემსს, სად გაქრა რეშლი ოსბალდისტონი. ან იქნებ მაკბეტმა უშველოს და თავისი ყაჩაღებისა და მკვლელების დახმარებით უშოვოს ხუთი ათასი გირვანქა სტერლინგი ვალის გადასახდელად! უკვე მოახლოვდა ვადა სულ ათი დღეაა დარჩენილი. შენი მძარცველებიც რომ მიახმარო მაინც ვერაფერს გახდები! აბა, შეეცადე, რობ, იქნებ რაიმე გამოვიდეს. გამოიყვანე ყველა არამზადა აუქციონზე თავ-თავიანთი ხმლებით, ანდრეა-ფერარებით[169], ტყავის ფარებით, ბროგებითა[170] და ტყავის ჩანთებით, ვნახოთ რამდენს მოგვცემენ!

- ათი დღეაა დარჩენილი? - გავიმეორე მე, ჯიბიდან დიანა ვერნონის წერილი ამოვიღე და, რადგან უკვე დამდგარიყო წერილის გახსნის დრო, ბეჭედი გავტეხე. კონვერტში ორად გაკვეცილი დაბეჭდილი ბარათი აღმოჩნდა. ხელის კანკალით ამოვიღე იგი, მაგრამ წაკითხვა ვეღარ მოვასწარი: გატეხილი ფანჯრიდან ქარმა დაუბერა, ბარათი ხელიდან გამომტაცა და მისტერ ჯარვის

ფეხებთან დაადგაო. იგი ქალაღდს დასწვდა, მისამართი წაიკითხა, ჩემდა გასაოცრად, თავის ნათესავს გადააწოდა და უთხრა:

- ქარმა სწორედ მას მიუტანა ეს ბარათი, ვისაც ეკუთვნოდა, თუმცა სულ ადვილად შეიძლებოდა სხვის ხელში მოხვედრილიყო.

მთიელმა მისამართს დახედა და ბარათი გაშალა. ხელში წავეტანე და ვუთხარი, ნება მიბოძეთ დავრწმუნდე, რომ ბარათი თქვენ სახელზეა გამოგზავნილი, ისე წაკითხვის უფლებას არ მოგცემთ-მეთქი!

- დამშვიდდით, მისტერ ოსბალდისტონ! გაიხსენეთ მოსამართლე ინგლვეუდი, მდივანი ჯობსონი, მისტერ მორისი და, ბოლოს თქვენი მორჩილი მსახური რობერტ ქოუმილი[171] და მშვენიერი დიანა ვერნონი. გაიხსენეთ ყველა ეს ხალხი და ეჭვი აღარ შეგეპარებათ, რომ ბარათი ჩემს სახელზეა გამოგზავნილი.

რა მიუხვედრელი ვყოფილვარ! ამ ვაცის ხმა და სახე თავიდანვე მეცნო, მაგრამ აქამდე გულისხმაში ვერ ჩავვარდი. ახლა უეცრად ბინდი გადამეყარა გონებიდან: ჩემ წინ კემპბელი იდგა! ახლალა ვიცანი ეს ძლიერი, ვაჟკაცური ხმა, სახის მკაცრი, მაგრამ სწორი ნაკვთები და შოტლანდიური კილო და სიტყვები, რომელსაც დროდადრო გამოურევდა ხოლმე ლაპარაკში (თუმცა, როცა ცდილობდა, სუფთა ინგლისურითაც ახერხებდა ლაპარაკს) და ამით რიხსა და გამომსახველობას მატებდა ნათქვამს. ტანად საშუალოზე დაბალი, მკვრივად ჩადგმული, მაგრამ საოცრად სხარტი და მოქნილი ვაცი იყო. ისეთი განიერი მხარ-ბეჭი ჰქონდა, რომ სქელი გეგონებოდა. სინამდვილეში კი საკმაოდ გამხდარი გახლდათ. დაკუნთული, ღონიერი ხელებიც უსაშველოდ გრძელი მეჩვენა, თვითონ, როგორც შემდგომში გავიგე, ძალიან ამაყობდა ამით: როცა მთიელების ტალავარს იცვამდა, დაუღუნავად იკრავდა წვივსაკრავებს და ხმალსაც სხვაზე მარჯვედ და ღონიერად იქნევდა. ის ვეება მხრები და გრძელი ხელები რომ არა,

უნაკლო აღნაგობის ვაჟკაცად ჩაითვლებოდა, ისინი კი რალაც ველურ, არაადამიანურ ელფერს აძლევდნენ. რომ ვუყურებდი, მახელის ნაამბობი თქმულებები გამახსენდა: თურმე სწორედ ასეთები იყვნენ ძველი პიკტები, გრძელხელებიანები და ბექგანიერნი; მამაცები, მოხერხებულები და დაუნდობლები - მახელის სიტყვით, ნახევრად ადამიანები, ნახევრად დემონები, უხსოვარ დროში რომ შემოესეოდნენ ხოლმე ნორთუმბერლენდს და ქვას ქვაზე არ ტოვებდნენ.

ჩვენი ძველი შეხვედრები გავიხსენე და დავრწმუნდი, რომ ბართი მართლა მას ეკუთვნოდა.

რობერტ კემპბელს ერთ-ერთი მნიშვნელოვანი ადგილი ეჭირა იმ იდუმალ პიროვნებათა რიგში, რომლებსაც ანგარიშს უწევდა დიანა ვერნონი და რომლებიც, თავის მხრივ, დიდად აფასებდნენ ამ ქალიშვილს. ეჭვი აღარ მეპარებოდა, რომ ასეთი მომხიბვლელი არსებისა და ამ თავგანწირული კაცის ბედი ერთმანეთს გადახლართოდა. ძალზე სამწუხარო იყო, მაგრამ რა უნდა მექნა.

რა დახმარება შეუძლია რობერტ კემპბელს? - დავუსვი საკუთარ თავს კითხვა და მაშინვე გამახსენდა, რომ რეშლი ოსბალდისტონმა ერთხელ მის ვერნონის თხოვნით სასწრაფოდ მოძებნა რობერტ კემპბელი, როცა ამ უკანასკნელის დახმარება გახდა საჭირო მორისის საჩივრის გასაბათილებლად. ნუთუ არ შეიძლება ახლა კემპბელმა იპოვოს რეშლი? ალბათ შეიძლება, დავასკვნე მე და კემპბელს ვკითხე, როდის ნახეთ უკანასკნელად ჩემი საშიში ბიძაშვილი, ან თუ არ გინახავთ, სად გეგულებათ-მეთქი. ამ კითხვაზე რობერტ კემპბელმა პირდაპირ არ მიპასუხა.

- ძალიან ძნელი დავალებაა, მაგრამ სამართლიანი საქმეა და ვეცდები, შევასრულო თხოვნა. მე აქ ახლოს ვცხოვრობ მისტერ ოსბალდისტონ. გზას ჩემი ნათესავი მოგასწავლით. ოუენი გლაზგოში დარჩეს და რაც შეუძლია, გააკეთოს, თქვენ კი ჩემთან მთა-

ში წამოდით. იქნებ მოვახერხო მამათქვენის საქმის მოგვარება. მე ღარიბი ვაყი ვარ, მაგრამ ჭკუა ქონებას სჯობია. შენც, ბიძაშვილო, თუ ნამდვილი შოტლანდიური კოლოპსი[172] და ირმის მწვადები მოგენატრა, ამ ინგლისელ ჯენტლმენს ჩამოჰყევი დრაიმენში ან ბუკლივიში. თუმცა, ყველაფერს აჯობებს, პირდაპირ აბერფოილში ამოხვიდეთ მე იმ კლახანში[173] დაგახვედრებ მეგზურს. რას იტყვი, ნათესავო? ნუ გეფიქრება, არ მოგატყუებ! აი, ჩემი ცერი!

- არა, რობინ, არა, - იუარა ფრთხილმა ქალაქელმა, - მე იშვიათად გავდივარ გორბალსიდან; არ მიყვარს, არ შემიძლია მთებში ხეტიალი. რობინ, რა მინდა მაგ უნიფხვოებში! ჩემი თანამდებობის ვაყი მაგათში არ უნდა გაერიოს!

- ეშმაკმა წაგიღოს შენცა და შენი თანამდებობაც! - გაბრაზდა კემპბელი, - ერთი წვეთი ცისფერი სისხლი გირევია ძარღვებში და ისიც ჰაჰაჩემის ბიძაშვილის წყალობით, აი იმის, დუმბარტონში რომ გაასამართლეს, შენ კი გაბლენძილხარ და მეუბნები, შენთან მოსვლა არ მეკადრებაო! მისმინე, მეგობარო, მე ხომ მაქვს შენი ვალი? ჰოდა, თუ ერთხელ მაინც ვაცურად მოიქცევი ცხოვრებაში და ამ სასენახთან ერთად ამოხვალ ჩემთან, საკუთარი ხელით ჩაგითვლი ამ ათას გირვანქას. მთლიანად მოგცემ, ერთ ფართინგსაც არ დაგაკლებ.

- შენ კიდევ დიდად ნუ მოგაქვს თავი შენი კეთილშობილებით. ერთი გაიტანე ბაზარზე ეგ ცისფერი სისხლი და ნახავ რამდენს მოგცემენ. მითხარი, მართლა რომ ჩამოვიდე შენთან, აუცილებლად დამიბრუნებ ჩემს ფულს?

- ვფიცავ იმ ადამიანის წმინდა ნეშტს, ინხ-კეილიხში რომ განისვენებს რუხი ქვის ქვეშ!

- საკმარისია, რობინ, საკმარისია! ვნახოთ, შევეცდები, ოღონდ ტყუილად იმედი არ გქონდეს რომ მთებში წამოვალ. ერთი ნაბიჯითაც არ გავცდები ქვემო შოტლანდიის საზღვარს. შენ ბუკ-

ლივში ან აბერფოილში უნდა შემხვდე. ასე დავთქვათ! იცოდე, არ დაგავინყდეს ჩვენი პირობა!

- ფიქრი ნუ გაქვთ, ჩემი სიტყვა სიტყვაა. ახლა კი უნდა წავიდე, ბიძაშვილო, თორემ ხომ იცი, მთაში გაზრდილ ვაცს ციხის ჰაერი არ უხდება!

- ჭეშმარიტი ნათქვამია, - დაუდასტურა ვაჭარმა, - თუმცა, მე რომ ჩემი მოვალეობა შევასრულო, გლაზგოს ციხის მღვდლისა არ იყოს, კარგა ხანს ვერ გამოიცვლიდი ატმოსფეროს. ეჰ, რას მოვესწარი! თვითონვე ვეხმარები დამნაშავეს, რომ მართლმსაჯულებას დაემალოს. რა სამარცხვინო დაღი უნდა დავასვა სამუდამოდ საკუთარ თავს, ოჯახს და მამაჩემის წმინდა ხსოვნას!

- ნეტავი შენც ერთი, სხვა სადარდო არ მოგცა ღმერთმა! დრო გაივლის და დაგავინყდება. ხომ იცი, ტალახი რომ გაშრება, ადვილად ჩამოიფხიკება. მამაშენმა, ჩემო კარგო, სხვებზე ნაკლებად როდი იცოდა თვალის არიდება, როცა მეგობარი დააშავებდა რაიმეს.

ოლდერმენი ცოტა ხანს ჩათვიქრდა. მერე თავი ასწია და უპასუხა:

- მართალს ამბობ, რობინ. მამაჩემი, უსტაბაში, საზრიანი ვაცი იყო და იცოდა, რომ უნაკლო არავინ არის ქვეყანაზე. მეგობრები კი ძალიან უყვარდა. მაშ, შენ არ დაგვინყებია მამაჩემი? ჰა, რობინ? - ამ სიტყვებზე მისტერ ჯარვის გული აუჩუყდა და კინაღამ ცრემლები გამოსცვივდა თვალებიდან.

- დაგვინყებიაო?! - გაიკვირვა კემპბელმა. - განა იმისი დავინყება შეიძლება?! როგორი დახელოვნებული მქსოველი იყო! პირველი შარვალი ხომ მან მომიქსოვა!.. მაგრამ, მოდით საქმეს ვენიოთ ბიძაშვილო!

მოდით, ამივსეთ ღვინით ტოლჩა, ამივსეთ თასი, დამიდგით ცხენზე უნაგირი, ჩემს მსახურს უხმეთ,

განახვნეთ ბჭენი, თავისუფლად გამიშვით ვაცი,
თორემ მშვენიერ დანდში ყოფნა მაშინებს უკვე...

- წყნარად სერ, - უბრძანა პატივცემულმა ოლდერმენმა. - განა შეიძლება ასე ხმამაღლა სიმღერა? კვირა ხომ, ეს ეს არის, გათავდა! ეს კედლები სულ სხვანაირ სიმღერას ელოდნენ შენგან. ვიცი, ამ გაქცევისათვის, როცა იქნება, პასუხს მოგვთხოვენ. სტენჩელზ, გააღეთ კარი!

მეცხოვნემ კარი გააღო და ყველანი ერთად გამოვედით საკნიდან. სტენჩელზმა გაცვებით შეგვათვალიერა. ალბათ უნდოდა ეკითხა, როგორ აღმოვჩნდით საკანში, მაგრამ მისტერ ჯარვიმ უთხრა, ესენი ჩემი მეგობრები არიან, სტენჩელზ, ჩემი მეგობრებიო, და ვაპიტანმაც ხმა აღარ ამოიღო. დაბლა, საყარაულოში ჩავედით და დუგალს ვუხმეთ, მაგრამ არავინ გამოგვეპასუხა. კემპბელმა დამცინავად გაიღიმა და ჩაილაპარაკა:

- თუ დუგალი ისეთივე ყოჩალი ყმანვილია, როგორიც ადრე იყო, მადლობის თქმას არ დაელოდებოდა. ახლა, ალბათ, თავქედმოგლეჯილი მიეშურება ბალამაჰის უღელტეხილისაკენ.

- ჩვენ კი აქ დავვტოვა... მეც, მეც აქ დამტოვა გამოკეტილი, - გაცოფდა ოლდერმენი, - მთელი ღამე ციხეში უნდა მაყურყუტოს, არა?! მოატანინეთ ჩაქუჩი, ძალაყინი და გაზები, გაგზავნეთ ვინმე უსტაბაში იეტლინთან, მჭედელთან და შეატყობინეთ, რომ ოლდერმენი ჯარვი ციხეში გამოამწყვდია მთიელმა ყაჩაღმა. ამას კი ჩამოვკიდებ, ამანზე[174] მალლა ჩამოვკიდებ სახრჩობელაზე!

- თუ ხელში ჩაიგდე, - შეუსწორა კემპბელმა, - თუმცა მოიცათ, მგონი, კარი არც არის დაკეტილი.

კარს მივანეჭი და მართლაც ღია აღმოჩნდა. დუგალს გასაღებებიც თან წაეღო, ალბათ იმაზეც იზრუნა, კარი უჩემოდ არავინ ჩაკეტოსო.

- ეტყობა სანყალ დუგალს ხანდახან გონება ეხსენება ხოლმე,
- შენიშნა კემპბელმა, როცა ქუჩაში გამოვედით, - მიმხვდარა,
რომ გამოსვლა დამჭირდებოდა და კარი ღია დაუტოვებია.

- იცი რას გეტყვი, რობინ? - უთხრა მაგისტრატის წევრმა. - ჩემი მოკლე ჭკუით, თუ ასეთი ცხოვრების გაგრძელებას აპირებ, თითო კავი უნდა გაიჩინო შოტლანდიის ყოველი ციხის საყარაულოში. რა იცი, როდის დაგჭირდეს!

- თითო ნათესავი ოლდერმენი რომ მყავდეს ყოველ ქალაქში, მირჩევნია, ჩემო ბიძაშვილო. აბა, ღამე მშვიდობისა, თუმცა, რაღა დროს ღამეა, გათენებულა. არ დაგავინყდეთ. რომ კლახანში გელოდებით! აბერთოილში!

კემპბელმა პასუხს არ დაუცადა, ქუჩის მეორე მხარეს გადავიდა და სიბნელეში გაუჩინარდა. ამავე წამს რაღაც უცნაური სტვენა მოგვესმა. სტვენაზე სტვენითვე უპასუხეს.

- გაიგონეთ? უსტვენენ მთის ეშმაკები, - ჩაიბურტყუნა მისტერ ჯარვიმ, - უკვე შინ ჰგონიათ თავი, ბელმონდიის მთებში, სადაც ყველა სტვენს და ღრიალებს, გინდა შაბათი იყოს გინდა კვირა!.. ოლდერმენმა უცებ შეწყვიტა ლაპარაკი: ჩვენს წინ, ქვაფენილზე უღრიალით დაეცა რაღაც მძიმე საგანი.

- ღმერთო, გვიშველე! ეს რაღა უბედურებაა? მათი, აბა, მონათე ეგ ფარანი... გასაღებია, ღმერთმანი, გასაღებების აცმბა! ძალიანაც კარგი! გასაღები ფული ღირს და, რომ დაკარგულიყო, ლაპარაკი ატყდებოდა. ვაითუ, ოლდერმენმა გრეჭემმა გაიგოს ამღამინდელი ამბები. კარგი დღეც დამიდგება, აი!

ციხესთან ახლოს ვიყავით, მივბრუნდით და გასაღებები უფროს მედილეგეს ჩავაბარეთ. იგი კარებთან იდგა და გაქცეული დუგალის შემცვლელს ელოდა, რომელიც სასწრაფოდ გამოედახებინათ ციხის სადარაჯოდ.

ასე მოვიხადეთ მოვალეობა ქალაქის წინაშე და უკან გამოვბრუნდით. მე და პატივცემულ ოლდერმენს ერთი გზა გვქონდა

და მისი ფარნით ვისარგებლე, სამაგიეროდ თვითონ მკლავზე დამეყრდნო, რადგან ქუჩები, ახლა არ ვიცი და, მაშინ კი ჩაბნელებული და ოღრო-ჩოღრო იყო და სიარული ჭირდა. მოხუცს ძალიან უხარია, როცა ახალგაზრდა პატივისცემით ექცევა და ოლდერმენსაც ისე ესიამოვნა ეს მცირე ყურადღება, რომ მითხრა, მოხეტიალე მსახიობები და ჯამბაზები, ასე რომ მომრავლდნენ ამ ბოლო ხანებში, ჭირივით მეჯავრება და რადგან თქვენ, თურმე, არ ეკუთვნით ამ ხროვას, ხვალ დილით ჩემთან მობრძანდით და შემწვარი ვირთევზით და ნედლი ქაშაყით გაგიმასპინძლდებითო. მისტერ ჯარვიმ დასძინა, რომ საუზმეზე ჩემს მეგობარს, მისტერ ოუენსაც, მიიწვევდა - დილას უკვე თავისუფალი იქნებაო.

მადლობა გადავუხადე მიპატიჟებისათვის და ვკითხე, რატომ იფიქრეთ, რომ კომედიანტი ვარ-მეთქი.

- მე არ მიფიქრია, - იუარა ოლდერმენმა, - აი, იმ ყბედმა მითხრა, ფერსერვისმა. გუშინ მოვიდა ჩემთან და მთხოვა, გზირს უბრძანეთ ხვალ დილას ქალაქში გამოაცხადოს, ასეთსა და ასეთ ვაცს ეძებნო. იმან მიაბო, როგორ გამოგაპანდურათ მამათქვენმა სახლიდან, რადგან ვაჭრობაზე უარი თქვით და ისიც დაამატა, რომ თქვენებს ეშინიათ სცენაზე არ დაიწყოთ თამაში მთელი გვარის თავის მოსაჭრელად. ის ვილაც ფერსერვისი, ჩემი გუნდის რეგენტმა მომიყვანა, ჰამორგომ, და მითხრა, ჩემი ძველი ნაცნობიაო, მაგრამ მე ორივე ვარგა მაგრა შევახურე და გავყარე. შეიძლება წმინდა სალამოს ამისთანა საქმით შეაწუხო ვინმე? ახალ ვხვდები, რომ დიდი რეგენი ვილაც ყოფილა და სულ არ სცნობიხართ. მე თქვენ მომწონხართ ყმანვილო. ვაცმა მეგობარი გაჭირვებაში არ უნდა მიატოვოს. თავად მე ასე ვიქცევი და მამაჩემიც, უსტაბაშიც, ღმერთმა აცხონოს, ასეთი ვაცი იყო. მაგრამ ამ მთიელებს მოეშვით, თორემ ისე გაგსვრიან, რომ ზღვა ვერ გარეცხავს. ეს კარგად ჩაიბეჭდეთ გონებაში. რა თქმა უნდა, შეცდომა ყველას მოუვა, რაც უნდა ჭკვიანი და პატიოსანი იყოს. აი, მეც

წუხელ ჯერ ერთი ნაბიჯით გადავცდი, მერე მეორე მიჰყვა, მეორეს მესამე და ხომ ხედავთ, სამი ცოდვა ჩავიდინე ერთ ღამეში. მამაჩემს რომ თვალი აეხილა ერთი წუთით, ალბათ გაგიჟდებოდა.

ჩვენ უკვე მისტერ ჯარვის სახლის კართან მივსულიყავით, იგი შეჩერდა და ღრმა სინანულით მაუწყა ის სამი ცოდვა:

- ჯერ ერთი, კვირა დღეს საკუთარ საქმეებზე ვფიქრობდი; მეორე ინგლისელს დავუდექი თავდებად და ბოლოს, რაც ყველაზე უარესია დამნაშავეს დავეხმარე ციხიდან გამოსვლაში. მაგრამ ღმერთი მოწყალეა და იმედია შემინდობს, მისტერ ოსბალდისტონ! მათი, მე უშენოდაც შევალ სახლში. გააცილე მისტერ ოსბალდისტონი ლუკი ფლაიტერის სახლამდე, ხომ იცი? კუთხის სახლია. - მერე მე მომიბრუნდა და ჩურჩულით მითხრა

- დარწმუნებული ვარ, მისტერ ოსბალდისტონ, რომ მატის არ აწყენინებთ. პატიოსანი მშობლების შვილია და თანაც ლერდ ლიმერფილდის ახლო ნათესავი.

თავი XXIV

იქნებ თქვენმა მოწყალებამ არ იუაროს ჩემი მოკრძალებული სამსახური, გვევდრებით, მომეცით თქვენი პურის ჭამის, თქვენი ღვინის სმის უფლება. პური შავიც რომ იყოს, ღვინო კი წყალწყალა, მე მაინც ერთგულად მოვემსახურები თქვენს მოწყალებას. სხვა სამ გირვანქას მოითხოვდა ასეთი სამსახურისათვის.

გრინი

„Tu quoque“[175] მატის ნახევარკრონიანი ვაჩუქე გაცილები-სათვის და თუმცა კარგად მახსოვდა პატივცემული ოლდერმენის ბოლო დარიგება, ერთი ვოცნაც დავუმატე. არა მგონია, მატის უზრდელობით აეხსნა ჩემი საქციელი; კი მითხრა, როგორ არა გრცხვენიათ, ბატონო, მაგრამ დიდი წყენა და გაბრაზება ვერ შევატყვე.

მისის ფლაიტერის სასტუმრო ალაცაფის კარზე კარგა ხანს მომიხდა ბრახუნი. ჯერ, რაღა თქმა უნდა, რამდენიმე უპატრონო ძაღლმა გაიღვიძა და ეზოში საშინელი ყეფა და ღავლაღვი ატყდა. მერე მეზობლებმა გამოჰყვეს ფანჯრებიდან თავები და მთქნარე-ბითა და თვალების ფშვნეცით დამიწყეს საყვედური, ამ კვირა ღამით რა აურზაური ატეხეო. სანამ შიშით ველოდი, რომ ქსანტი-პასავით[176] გაცოფდებოდნენ და ლანძღვა-გინების კორიან-ტელს დააყენებდნენ, თვითონ მისის ფლაიტერმაც გაიღვიძა და მართლა სოკრატეს ბრძენ მეუღლესავით დაერია სამზარეულოში მოკალათებულ ხალხს, დაყრუვდით და დაკუტდით, რომ აქამდე

ეს ბრახა-ბრუხი ვერ გაიგონეთ და ჭიშკარი ვერ გააღეთო. ეს ღირსეული ადამიანები, რომელთა დაუდევრობის გამო ამდენი ხმაური და ლაპარაკი ატყდა, თურმე მისტერ ფერსერვისი, მისი მეგობარი მისტერ ჰამორგო და კიდევ ერთი უცნობი, როგორც შემდეგ გავიგე, ქალაქის გზირი ყოფილან. ისინი ლუდით სავსე გობს შემოსხდომოდნენ (როგორც მერე, სასტუმროს დიასახლისის მიერ წარმოდგენილი ანგარიშით გამოირკვა, თურმე, ეს გობი ჩემს ხარჭზე გაუვსიათ) და გულდასმით ამუშავებდნენ სახვალთოდ გამოსაცხადებელ ტექსტს, რომელიც გზირს ქალაქის ყველა უბანში უნდა წაეკითხა და რომლის მიზანი იყო, „უბედური გზაბნეული ჯენტლმენი“ დაუყონებლივ დაებრუნებინა თავისი მეგობრებისა და ნათესავების წრისათვის. მე, რასაკვირველია დავაპირე, გამომეხატა უკმაყოფილება ჩემს საქმეში ასეთი თავხედური ჩარევის გამო, მაგრამ ენდრუმ, დამინახა თუ არა, ისეთი ყიჟინა დასცა, რომ ჩემი საყვედურებო მეც აღარ მესმოდა. მეეჭვება მისი აღტაცება მთლად გულწრფელი ყოფილიყო და არც იმაში ვარ დარწმუნებული, რომ უხვი ცრემლებიც ყველა კეთილშობილურ გრძნობათა წყაროდან, კალის ტოლჩიდან არ იღებდა სათავეს. ყოველ შემთხვევაში, გულწრფელი იყო თუ მოჩვენებითი, მაინც უშველა, რადგან, სანამ ვნახავდი, მტკიცედ მქონდა გადანყვეტილი, თავი გამეხეთქა ჩემი თავხედი მსახურისათვის. ეს სასჯელი კი იმიტომ გადავწყვიტე, რომ ორი მიუტევებელი დანაშაული ჩაიდინა: გუნდის რეგენტს ეჭორავა ჩემზე და მისტერ ჯარვი დაარწმუნა, მოხეტიალე მსახიობიაო. ასეთი შეხვედრის შემდეგ პირვანდელი გადანყვეტილება შევცვალე და ენდრუ, რომელიც ფეხდაფეხ მომყვებოდა, მხოლოდ იმით დავსაჯე, რომ ცხვირწინ მივუჭახუნე ჩემი ოთახის კარი. ეს დროული ღონისძიება იყო, რადგან ენდრუმ უკვე ამოწურა აღტაცებისა და სიხარულის გამომხატველი მარაგი და ახლა დარიგება დამიწყო: თუ მომავალში შენი

ჭკუით აპირებ სიარულს, უფრო მეტს სიფრთხილესა და კეთილ-გონიერებას უნდა მოუხმოო.

სანამ დამეძინებოდა, ახალი გადაწყვეტილება მივიღე: გათენ-დებოდა, თუ არა, თავიდან მომეშორებინა ეს აბეზარა, ყოყოჩა და თავხედი მსახური, რომელსაც თავი ჩემს მასწავლებლად და ჭკუის დამრიგებლად წარმოედგინა. დილით ენდრუ მოუხმე და ვკითხე, რამდენი გერგება მეგზურობასა და სამსახურში-მეთქი. მისტერ ფერსერვისი იმწამსვე მიხვდა, რომ გაგდებას ვუპირებდი და საშინლად შეცბუნდა. ერთხანს ხმა ვერ ამოიღო, მერე რო-გორც იქნა, მხნეობა მოიკრიბა და ალუღლუღდა:

- პატივცემულო ბატონო, არ იფიქროთ.. რატომ გგონიათ... მე...

- მოკლედ მოსჭერი, შე არამზადავ, თორემ თავს გაგიხეთქავ.

ენდრუ გაჩუმდა და ვარგა ხანს ფიქრობდა, რამდენი მოვით-ხოვოო. ეს ადვილი გადასაწყვეტი არ იყო. სახეზე ყოყმანი და ტანჯვა შევატყვე. ალბათ ფიქრობდა, ძალიან ბევრი ვთხოვო, ვა-ითუ პანდური ამომკრას და სულ უარაფროდ გამიშვასო, ცოტა ვუთხრა და, ერთიც ვნახოთ, თვითონ მეტის მოცემა აქვს გადაწყვეტილი და ვიზარალოო.

კვლავ ვუღრიალე, ჩქარა ამოშაქრე, თორემ მოგკლავ-მეთქი. მუქარამ გასჭრა - ენდრუმ ხრინწიანი ხმით ამოილაპარაკა:

- თვრამეტი პენსი per diem, ესე იგი - დღეში, მე მგონი ბევრი არ იქნება.

- ეს ჩვეულებრივ ხელფასზე ორჯერ მეტია, შენ კი მაგის მესა-მედის ღირსიც არა ხარ, მაგრამ ჯანდაბას, აჰა, ერთი გინეა და შენს გზას ეწიე.

- ღმერთო, შენ გვიშველე! გაგიჟდით ბატონო?! - შეჰყვირა ენ-დრუმ.

- ჯერ არა, მაგრამ ვგრძნობ, რომ მართლა გამაგიჟებ! სამი იმ-დენი მოგეცი, რაც მოითხოვე, შენ კი დამდგარხარ და ისე მიბ-

რიალებ თვალებს, თითქოს ჯიბიდან ფული ამომეცალოს. აბა, მარდად. აიღე ფული და თავიდან მომწყდი.

- უფალო შემინყალე, ეს რა მესმის?! - ვვლავ ანუნუნდა ენდრუ. - განა რა ვანყენინე პატივცემულ ბატონს? სხეული ჩვენი არს, ვითარცა „ყვავილნი მიდვრისანი“ და მე ისევე საჭირო ვარ თქვენთვის, როგორც გვირილა მედიცინისათვის. უჩემოდ აუცილებლად დაიღუპებით!

- ღმერთმანი, აღარ ვიცი, გაიძვერა ხარ თუ სულელი! მაშასადამე, ვვლავ ჩემთან აპირებ დარჩენას და არც მეკითხები, მინდობარ თუ არა?

- ნამდვილად ეგრეა, - თამამად დამიდასტურა ენდრუმ, - თქვენ ერთმანეთისაგან ვერ არჩევთ კარგსა და ცუდ მსახურს, მაგრამ მე ხომ ვცნობ კარგ ბატონს! ორივე ფეხი მომტეხოს ეშმაკმა, თუ ნაბიჯი მოვიცვალო აქედან! მორჩა და გათავდა. მერე, თქვენ წინასწარ არ გამაფრთხილეთ, როგორც წესი და რიგი მოითხოვს, რომ დათხოვნას მიპირებდით!

- რატომ უნდა გამეფრთხილებინა, სერ? შენ ხომ მსახურად არ ამიყვანიხარ, მეგზურობა გთხოვე და ამ საქმეს მართლა კარგად გაართვა თავი.

- რაც მართალია, მართალია! მე უბრალო მსახური არ გახლავარ, ბატონო. თანაც კარგად მოგეხსენებათ, რომ მთხოვეთ თუ არა, უყოყმანოდ დავტოვე მშვენიერი სამსახური და გამოგყვით. მებაღეს, ოსბალდისტონ-ჰოლში, მეტი რომ არა ვთქვათ, ოცი გირვანქის გაკეთება

შეუძლია per anuum;[177] ვი, ნამდვილად გააკეთებს. ჰოდა, განა ღირდა ამისთანა ადგილის დაკარგვა რაღაც ერთი გინეის გულისათვის? მე მეგონა, წლის ბოლომდე მაინც დავრჩებოდი თქვენთან და ჯამაგირისა და პურის ფულის გარდა საჩუქრებსაც მივიღებდი. გარდა ამისა, დღესასწაულებზეც...

- აბა ახლა გეყოფა! ცოტა ნამუსს მოუხმე, თორემ დაგარნმუნებ, რომ ჩემს გვარში, სკვაირ თორნკლიფის გარდა, სხვებსაც ეხერხებათ მუშტის ტრიალი. - მართლა ძალიან ვიყავი გაცეცხლებული, მაგრამ უცებ ისე სასაცილოდ მომეჩვენა ენდრუს საქციელი, რომ კინაღამ ხარხარი ამიტყდა. იმ გაიძვერამ სახეზე შემატყო, გაბრაზებამ გადაუარაო და უფრო დაბეჭითებით დაიწყო თავისი მოთხოვნილების დასაბუთება, ოღონდაც სიფრთხილეც არ დაივიწყა - ცოტა მოშორებით დამიდგა; უეჭველია შემატყო, რომ თუ ვვლავ აიშვებდა თავს, აღარ მოვუთმენდი.

- როგორ შეუძლია პატივცემულ ბატონს გაუფრთხილებლად აიყვანოს და ასევე გაუფრთხილებლად გააგდოს ჩემისთანა ერთგული და თავდადებული მსახური, - განაგრძო მისტერ ფერსერვისმა, - მსახური, რომელიც ოც წელიწადს მუხლჩაუხრელად ემსახურებოდა თქვენ ნათესავებს, თანაც იმ ურჯულოებით გავსებულ ადგილას. არა, არა მჭერა, რომ თქვენისთანა ჯენტლმენმა, თქვენისთანა კეთილი გულის ადამიანმა, ასე შეუბრალებლად ჰკრას ხელი სანყალ ვაცს, რომელმაც ორმოცი, ორმოცდაათი, არა, მეტი, მთელი ასი მილით გადაუხვია თავის ჩვეული გზიდან. მე ხომ მხოლოდ იმისთვის ჩავიდინე ასეთი სისულელე, რომ თქვენ გხლებოდით, ძვირფასო ბატონო! მე ხომ სულს იქით არაფერი გამაჩნია და მხოლოდ ამ მცირე ხელფასის ანაბარა ვიყავი.

მე მგონი სულაც შენ მითხარი ერთხელ, უილ, ძალიან ჯიუტი კი ხარ, მაგრამ ჩვილი გული გაქვს და შენი დაყოლიება ძალიან ადვილიაო. მართლაც, როცა წინააღმდეგობას მიწევნ, საშინლად გავჯიუტდები, ხოლო, თუ არავინს შემედავება, მზადა ვარ ბევრი რამ დავთმო, რადგან ზედმეტ დავიდარაბასა და ალიაქოთს ვერ ვიტან. ახლაც ასე მოხდა: ვიცოდი, რა ჩიტიც იყო ეს ენდრუ - ხარბი, აბეზარა, თავხედი, არამკითხე; ვიცოდი, სულ სხვის საქმეებში რომ ჰყოფს ცხვირს, მაგრამ მეგზური და მსახური მჭირდებოდა, ვინმე უნდა მეშოვა და ამას თავის შეწუხება უნდო-

და. ენდრუს უკვე მივეჩვიე, ხანდახან მართობდა კიდევ მისი საქციელი, მაგრამ მაინც ვერ გადამეწყვიტა, დამეტოვებინა, თუ ახალი მსახური მომეძებნა. მამაჩემი ზემო შოტლანდიის ტყეების მეპატრონეებთან გაცხოველებულ ვაჭრობას აწარმოებდა, უეჭველია, მთაში გამიჭირდებოდა გამგზავრება იმათთან მოსალაპარაკებლად და ვინმე კარგი მეგზური უნდა მომეძებნა. იქნებ ენდრუმ იცოდეს გზა? ვკითხე, ჩრდილო შოტლანდიაში თუ გაგივლია, იქაურ გზებსა და ქალაქებს თუ იცნობ-მეთქი. რა თქმა უნდა, იცნობდა, იმ წუთას რომ მეთქვა, თურემ სამოთხე დედამინაზვეც ყოფილა, მაგრამ გზის მცოდნე ვერავინ ვნახე-მეთქი, მაშინვე შემომთავაზებდა მეგზურობას (ისე კი, როცა ჩრდილოეთ შოტლანდია მოვიარეთ, მივხვდი, რომ ბევრი არ მიუმატებია, როცა მაშინ, გალაზგოში, მეფიცებოდა, იქაურობას ჩემი ხელის გულივით ვიცნობო).

ენდრუს ხელფასი დაუვნიშნე და გავაფრთხილე, როცა მომეხასიათება, ერთი კვირის ხელფასს გაჩუქებ და გაგაგდებ-მეთქი. ბოლოს, კარგა მაგრა შევასურე წინაღამინდელი საქციელისათვის და გავუშვი. ენდრუმ გარეგნულად არაფერი შეიმჩნია, მაგრამ ძალიან გაიხარა, ასე იოლად რომ გადამირჩა, მაშინვე თავის მეგობართან, გუნდის რეგენტთან გაიქცა, რომელიც დღის ულუფა ლუდს შეეცყოდა სამზარეულოში და ალბათ დაწვრილებით უამბო, თუ როგორ მოხერხებულად გააცურა „ის მოსულელო ახალგაზრდა ინგლისელი სკვარი“.

ამის შემდეგ პირობა შევასრულე და ოლდერმენ ნიკოლ ჰარვის ვესტუმრე. დიდად პატივცემული ჯენტლმენი შესანიშნავი საუბრით გამიმასპინძლდა. სუფრა კაბინეტში გაეწყო. ამ ოთახს ოლდერმენი სამუშაოდაც იყენებდა და დასასვენებლადაც. კანონის დამცველი ფუსფუსა, კეთილი კაცი იყო, საქმის გადადება არ უყვარდა და ახლაც პატიოსნად შეესრულებინა თავისი დაპირება: ოუენის საპატიმროდან გათავისუფლებაც მოესწრო და გამასპინ-

ძლებაც. დანაყრებული და დაბანილ-დავარცხნილი მოხუცი სულ არ ჰგავდა გუშინდელ პატიმარს, მაგრამ სახეზე კვლავ სევდა და ნაღველი ეხატა, რადგანაც საფრთხეს არ გაეწლო - ფირმას კვლავ მგლებივით ჰყავდა შემოსეული მოვალეები. ოუენს ძალიან გაუხარდა ჩემი დანახვა, მამასავით მომიალერსა, მაგრამ რამდენჯერმე ისეთი მწარე ოხვრა აღმოხდა, რომ ლამის გული ამოაყოლა. სადღა იყო მშვიდი, თავდაჯერებული, დარბაისელი ოუენი! ახლა ჩემს წინ აფორიაქებული და დაბნეული მოხუცი იჭდა, რომელიც შიშით ითვლიდა დღეებს, საათებსა და წუთებს თამასუქების განაღდების ვადამდე რომ იყო დარჩენილი. ეს დღე სულ მალე უნდა დამდგარიყო და, თუ ვერაფერს ვიღონებდით, „ოსბალდისტონისა და ტრეშამის“ სახელგანთქმული სავაჭრო სახლი ხუხულასავით დაიშლებოდა. ჩემი მოხუცი მეგობარი ისე ღრმად იყო ჩაფლული მწარე ფიქრებში, რომ ოლდერმენს ყურადღებას ვეღარ აქცევდა და იმის მაგივრადაც მე მომიწია მადლობის გადახდა შესანიშნავი მასპინძლობისათვის. მეც, რაც კი შემეძლო, ვუქებდი სურნელოვან ჩინურ ჩაის, რომელიც ვიღაც უეპინგელ გემების მეპატრონეს ეჩუქებინა მისტერ ჯარვისათვის, და საკუთარ პლანტაციაზე მონეულ ყავას - მასპინძელს პატარა პლანტაცია ჰქონდა კუნძულ იამაიკაზე, რომელსაც ხუმრობით „მარილის ბაზრის“ ჭალას უწოდებდა. შევუქე ინგლისური ორცხობილა და ლუდი, შოტლანდიური ბოლში გამოყვანილი ორაგული და ლოხფიანური ქაშაყი, მაგრამ ყველზე მეტი ხოტბა ქამხის სუფრას შევასხი, რომელიც, წარმოგიდგენია, განსვენებულ მამამისს, დიდად პატივცემულსა და ფრიად ღირსეულ უსტაბაშს ნიკოლ ჯარვის მოუქსოვია საკუთარი ხელით! ქათინაურები ყველას სიამოვნებს და ჩვენი კეთილი მასპინძელიც ძალიან კარგ ხასიათზე დადგა. ეს რომ შევატყვე, გადავწყვიტე, რამდენიმე ცნობა მიმეღო მისგან, რათა მცოდნოდა, შემდგომში როგორ მოვექცეულიყავი. ზოგი რამ ისეც მაინტერესებდა, ამიტომ, როცა

მისტერ ჯარვიმ სუფრის ამბავი მოათავა და, სანამ ხელსახოცების შექმნის ისტორიას დაიწყო, სული ამოითქვა, დრო ვიხელთე და ვკითხე: ჰო, მართლა, მისტერ ჯარვი, ვინ არის ეგ მისტერ რობერტ კემპბელი, წუხელ რომ შევხვდით-მეთქი?

აქამდე არც ერთს არ გაგვიხსენებია წუხანდელი თავგადასავალი და ოლდერმენი ალბათ სულ არ ელოდა ამ კითხვას. იგი გველნაკბენივით შეხტა და პასუხის ნაცვლად ჩემი კითხვა გაიმეორა:

- ვინ არის რობერტ კემპბელი? ჰმ! ჰო, თქვენ მეკითხებით, ვინ არის რობერტ კემპბელი, არა?

- დიახ, - მივუგე მე, - მინდოდა გამეგო, ვინ არის და რა საქმიანობას ეწევა.

- ვინა და... ისე... როგორ გითხრათ?.. სად გაიცანით მისტერ რობერტ კემპბელი? მგონი, ასე ეძახით, არა?

- ჩრდილოეთ ინგლისში გავიცანი შემთხვევით ამ რამდენიმე თვის წინათ.

- აბა რა გითხრათ, მისტერ ოსბალდისტონ; მეც თქვენსავით ვიცნობ მაგ კაცს.

- ვფიქრობ ჩემზე კარგად უნდა იცნობდეთ, მისტერ ჯარვი, - შევედავე მე, - თქვენ ხომ ნათესავები და მეგობრები ყოფილხართ!

- ჰო შორეული ნათესავები კი ვართ, ყვავი ჩიკვის მამიდა, მაგრამ ძალიან იშვიათად ვხვდებით ერთმანეთს, განსაკუთრებით იმის მერე, რაც რობმა ხელი აიღო საქონლით ვაჭრობაზე. ძალიან ცუდად მოექცნენ სანყალ ბიჭს. ასე არ უნდა დაეჩაგრათ. თანაც ამ საქმიდან ვერაფერი იხეირეს. ახლა ბევრი ნანობს კიდევ, რომ რობინს ფეხი ამოუკვეთეს გლაზგოს ბაზრიდან. განა არ ჯობდა კვლავ სამასსულიანი ნახირისათვის ედევნა უკან? არ დაანებეს და ოცდაათი ორფეხა საქონლის წინამძღოლი გახდა!

- მაინც ვერაფერი გავიგე, მისტერ ჯარვი. მე მინდოდა მცოდნოდა, როგორ ცხოვრებას ეწევა, რითი ირჩენს თავს, რომელ წრეს ეკუთვნის?

- რომელ წრეს ეკუთვნის? ცხადია, შოტლანდიელი აზნაურებისას. უკეთეს წოდებას ვერც ინატრებს ვაცი. როგორ ცხოვრებას ეწევა? მთაში, ალბათ, იქაურ ქვედატანს ატარებს, აქ, გლაზგოში რომ ჩამოდის, შარვალს. პურს რითი ჭამს, ჩვენი საქმე არ არის. მე და თქვენ ხომ არაფერს გვთხოვს? ისე კი, ახლა მაგის დრო არა გვაქვს. მამათქვენის საქმეებში უნდა გავფრკვეთ.

ოლდერმენმა სათვალე გაიკეთა და საბუთებს ჩაუჭდა. მისტერ ოუენს გადაეწვიტა, არაფერი დაემალა მისტერ ჯარვისათვის და ყველა საბუთი წამოედო. მე საკმაოდ გარკვეული ვიყავი ვაჭრობის საქმეში, ამიტომ, როგორც კი რამდენიმე საბუთს გადახედა და თავისი მოსაზრება გამოთქვა, მაშინვე შევატყვე, რომ გამჭრიახი, გამოცდილი და თანაც მეტად ჰატიოსანი ვაცი იყო. მართალია, რამდენჯერმე, როცა ნახა, რომ „ოსბალდისტონსა და ტრეშამის“ ფირმას კარგა დიდი ვალი ემართა მისი, შეყოყმანდა და აბუზღუნდა, მაგრამ ბოლოს მაინც სიკეთემ გადასძალა:

- საშინლად ვიზარალებ, საშინლად, - აწუნუნდა იგი, - ლომბარდისქუჩელი მდიდრებისა არ ვიცი და, გლაზგოელი წვრილფეხა ვაჭრისათვის კი ძნელი გადასატანი იქნება ასეთი ზარალი. ძალიან ბევრი ვალი გაქვთ. მომიწვეს ქისის გახსნა! არა უშავს, იმედია, თქვენი ფირმა საბოლოოდ არ გაკოტრდება. თუნდაც ეგრე მოხდეს, იმ გელოუგეიტელი სვავებივით მაინც არ მოვიქცევი. განა არ მახსოვს, რომ თავის დროზე თქვენი წყალობით კარგა ფული მოვიგე. ახლა თუ ვიზარალებ, ვიზარალო. რა ვუყოთ, - დაიმშვიდა ბოლოს თავი, - თუ სხვა ვერაფერს გავხედი, ღორის თავს გოჭის კუდს მივაბამ.

მთლად კარგად ვერ გავიგე ამ გამოთქმის დედააზრი, მაგრამ იმას კი მივხვდი, რომ ჩვენზე გული შესტკიოდა და ყველა ღონეს

ხმარობდა დასახმარებლად. მან რამდენიმე ბრძნული რჩევა მოგვცა, ოუენის მიერ წამოყენებული წინადადებები მოიწონა, შემოუძახა, გაამხნევა და გულში გადარჩენის იმედი ჩაუსახა. რადგანაც მე ვერაფრით დავხმარებოდი, ან, იქნებ იმიტომ, რომ რამდენჯერმე შევეცადე კვლავ მისტერ კემპბელზე ჩამომეგდო ლაპარაკი, მისტერ ჯარვიმ საკმაოდ უბოდიშოდ გამისტუმრა სახლიდან. მირჩია კოლეჯისაკენ გაისეირნე, ვინმე შენ ტოლს გაიცნობ და ბერძნულად და ლათინურად დაელაპარაკები, კოლეჯელებმა იციან ეგ ენები და, თუ არ იციან, მაშ, რაღა ჯანდაბაში ვხარჯავთ მაგათზე ამდენ ფულსო.

- ბიბლიაც მეგულება კოლეჯში, - დასძინა მან, რომ უარი არ მეთქვა წასვლაზე, - ღირსეული სწავლულის ზაქარია ბოიდის თარგმანი; უკეთეს პოეზიას ვერც ინატრებს კაცი. ასე მითხრა იმ ხალხმა, ვისაც ეგ საქმე კარგად ესმის, ან, ყოველ შემთხვევაში, უნდა ესმოდეს. წადი, ფეხს ნუღარ ითრევ!

ბოლოს მისტერ ჯარვი მიხვდა, რომ ზედმეტი მოუვიდა და გულით მიმიპატიჟა: პირველ საათზე სადილად გელოდები, ცხვრის ბარკლით გაგიმასპინძლები და რადგან ჯერ ცივა, შეიძლება ლაბიც მექნესო. ოლდერმენმა რამდენჯერმე გამიმეორა, რომ ზუსტად პირველ, საათზე მივსულიყავი: თურმე თვითონაც და მამისიც (უხტაბაში)ყოველთვის ამ დროს სხდებოდნენ სადილად და ამ ადათის დარღვევა არაფრით არ შეიძლებოდა,

თავი XXV

შუბშემართული თრაკიელი ასე დგას მწყემსი,
ჩასაფრებია დათვს და ელის, დაბურულ ტყეში...
როდის ატყდება ლანალუნნი ჩინჩხვარ-კენერის,
ხეობას როდის შემომამტვრევს ტყეთა მლენველი
და ფიქრობს- აგერ, ჩემი მტერიც მოადგა მადნარს,
ბრძოლაში ან მე, ან ის უნდა დაეცეს ახლა...

„პალმონი და არსიტი“

მისტერ ჯარვის რჩევას დავუჭერე და კოლეჯის გზას დავადექი. გართობა არ მიფიქრია - მიხდოდა მდგომარეობა ამეწონ-და-მეწონა და მომავლის გეგმები დამეწყო. ჯერ ძველებური შენობის შიდა ეზოები მოვიარე, მერე კი კოლეჯის ბაღში გავედი, სადაც, ჩვეულებრივ სტუდენტები დასეირნობდნენ ხოლმე. ძალიან მესიამოვნა, რომ იქ ძეხორციელი ვერავინ დავლანდე (სტუდენტები ლექციებზე იყვნენ), ბოლთის ცემას მოვყევი ხეივანში და ჩემს უკუღმართ ბედზე დავინწყე ფიქრი. ის ვიღაც კემპბელი ისეთ უცნაურ ვითარებაში გავიცანი, რომ ნამდვილად ვარგი სული არ უნდა ყოფილიყო. ამ აზრს ისიც ადასტურებდა, რომ მისტერ ჯარვიმ ძალზე უხალისოდ მომანოდა ცნობები კემპბელის საქმიანობაზე და საერთოდ, შევუჩნდი, თორემ სულ არ უნდოდა, ნუხანდელი ამბების გახსენება. მიუხედავად ამისა, დიანა ვერნონმა სწორედ ამ კაცს სთხოვა, დამხმარებოდა. ოლდერმენმაც წინა ღამით კარგა მაგრად კი გაკიცხა და სახრჩობელა უწინასწარმეტყველა,

მაგრამ აშკარად შევატყვე, რომ ამ კაცზე გული შესტკიოდა და პატივსაც სცემდა. უეჭველია, კემპბელი ჩვეულებრივი მდგომარეობისა და ბუნების კაცი არ იყო. ყველაზე უფრო უცნაურად ის მეჩვენებოდა, რომ ჩვენი ბედი თითქოს გადაჯაჭვოდა ერთმანეთს.

გადავწყვიტე, როგორც კი ხელსაყრელი შემთხვევა მომეცემოდა, ყველაფერი დაწვრილებით გამომეკითხა მისტერ ჯარვისათვის და მერე განმესაჯა ღირდა თუ არა, ურთიერთობა გამეგრძელებინა კემპბელთან. მართალია, თვითონ შემომთავაზა, დაგეხმარებით, მაგრამ, იქნებ ამით სამუდამო ჩირქი მომეცხებოდა.

ამ ფიქრებში რომ ვიყავი, ხეივნის ბოლოს სამი კაცი გამოჩნდა. ისინი ისე იყვნენ გართულნი საუბრით, რომ ვერც კი შემაჩინეს. მეექვსე გრძნობით, რომელიც, წინასწარ, სანამ ნაცნობის სახეს დავინახავდეთ, გვატყობინებს მტერს შევხვდებით თუ მოყვარეს, მივხვდი, რომ ერთ-ერთი სამთაგან რეშლი ოსბალდისტონი იყო. ჯერ მისვლა დავაპირე, მაგრამ მაშინვე გავიფიქრე - ვამჭობინე, მეთვალთვალა და მართო რომ დარჩებოდა, მაშინ მივსულიყავი. თანაც მინდოდა გამეგო, ვისთან საუბრობდა. სამივენი საკმაო მანძილზე იყვნენ ჩემგან, თანაც ისე გატაცებით საუბრობდნენ ერთმანეთთა, რომ სულ ადვილად მოვასწრებდი, ბუჩქებს ამოვფარებოდი და შეუმჩნევლად მედევნებინა მათთვის თვალი.

იმ დროს ჩაცმა-დახურვის მოყვარული ახალგაზრდები დილაობით დაქარგული წითელი მოსასხამებით გამოდიოდნენ სასეირნოდ და ზოგი თითქმის მთლიანად იფარავდა სახეს წამოსასხამის საყელოთი. მეც ასე მოვიქეცი, მერე ხეივნის გვერდზე ჩაყოლებულ ბუჩქებს ამოვფარე და სულ ახლოს მივედი მოსაუბრეებთან. დარწმუნებული ვიყავი, რომ ვერ შემნიშნავდნენ, ან თუ მაინც მომკრავდნენ თვალს, ვინმე გამვლელი ვეგონებოდი.

ვერ წარმოიდგენ რა გაოცებული დავრჩი, როცა ერთ-ერთი მოსაუბრე მორისად შევიცანი, სწორედ იმ მორისად, რომლის წყალობითაც მოსამართლე ინგლვუდის წინაშე მომიხდა თავის მართლება და მეორე - მაკვიტად (მაკვიტს წამით შევავლე თვალი წინა დღეს, მაგრამ სამუდამოდ დამამახსოვრდა მისი გოროზი და გულქვა სახე).

ამ სამზე საშიში მტრები არც მე მყავდა და არც მამაჩემს. გამახსენდა მორისის მიერ შეთითხნილი ბრალდება, რომელიც კემპბელის შიშით გადათქვა. ამისთანა ვაცს ნამუსი არ დაუშლიდა კიდევ აღეძრა სასამართლოში საქმე; გამახსენდა, როგორ აინუნა მამაჩემის საქმეები იმით, რომ მაკვიტიმ ციხეში ჩააგდებინა ოუენი. ახლა კი, ვითომ ეს ორი არ გვყოფნიდა მტრად, მესამეც შემატებია. მესამე, რომელიც სატანასაც არ დაუდებდა ტოლს ბოროტებაში და ისე მეზიზღებოდა, რომ მის დანახვაზე ძრწოლა მიტანდა. როცა გამისწორდნენ, შევტრიალდი. იმათ ვერ შემამჩნიეს და საუბრით გააგრძელეს გზა. ცოტა რომ გამცდნენ, უკან ავედევნე. ხეივნის ბოლოს ერთმანეთს დაშორდნენ - მორისი და მაკვიტი ერთად წავიდნენ, რეშლი გამობრუნდა და ღრმად ჩაფიქრებული, ნელი ნაბიჯით გამოუყვა ხეივანს. ამის დანახვაზე მტკიცედ გადავწყვიტე, გამეჩერებინა და პასუხი მომეთხოვა ყველა დანაშაულისათვის, თუმცა კი ვერ მომესაზრებინა, როგორი სახით უნდა მეზღვევინებინა ის ზარალი, მამაჩემს რომ მიაყენა. საქმე თვითონ მიკარნახებს, როგორ მოვიქცე-მეთქი, ვიფიქრე, წამოსასხამი გავიხსენი და წინ გადავუდექი.

რეშლი ისეთი ვაცი არ იყო, რომ მოულოდნელობისაგან დაბნეულიყო, მაგრამ ჩემს დანახვაზე ისე შეკრთა, თითქოს მრისხანე მოჩვენებას შეხებოდა - ალბათ სახეზე შემატყო, რა ცეცხლიც მიტრიალებდა გულში.

- ბედი მეონია, რომ შეგხვდით, სერ, -დავინყე მე, - მე კი მეგონა, შორეული და სახიფათო მოგზაურობა მომიწევდა თქვენ მოსაძებნად.

- ძალიან ცუდად გცონობივართ, - მშვიდად მომიგო რეშლიმ, - მეგობრებს არ უჭირთ ჩემი პოვნა, მტრები კი კიდევ უფრო ადვილად მომაგნებენ ხოლმე. თქვენი საქციელი მაიძულებს გკითხვით, თუ რომელ ჯგუფს უნდა მივაკუთვნო მისტერ ფრენსის ოსბალდისტონი?

- სწორედ იმ მეორე, მტრების ჯგუფს, სერ! დაუძინებელი მტრების ჯგუფს, თუკი დაუყონებლივ არ გამოასწორებთ საშინელ დანაშაულს, რომელიც თქვენი კეთილისმყოფელის მიმართ ჩაიდინეთ. ახლავე უნდა წარმოადგინოთ იმ ქონების ანგარიში, რომელიც მამაჩემმა მოგაბარათ!

- მერე და, მისტერ ოსბალდისტონ, ვის უნდა წარუდგინოს ანგარიში მამათქვენის ფირმის წევრმა იმ მოქმედებებზე, რომელიც სახსებით შეესაბამებოდა მის საკუთარ მიზნებს? ანგარიშს, რა თქმა უნდა, ვერ ჩაიბარებს ახალგაზრდა ჯენტლმენი, რომელსაც ფრიად დახვეწილი ლიტერატურული გემოვნება აქვს და მიტომ ეს საუბარი მხოლოდ მთქნარებას მოჰგვრის.

- ეგ დაცინვაა, სერ, მე კი პასუხი მინდა. ვიდრე მზის სინათლეზე არ გამოვიტან თქვენს ბილწ საქციელს, თავს არ დაგანებებთ! სასამართლოს წინაშე უნდა წარსდგეთ და იქ გამცეთ პასუხი!

- დაე, აგრე იყოს, - თქვა რეშლიმ და ორი-სამი ნაბიჯი ისე გადადგა, თითქოს მართლა მომყვებოდა სასამართლოში, მაგრამ მერე შეჩერდა და განაგრძო, - შემძლია სურვილი შეგისრულოთ, მაგრამ, მე მგონი, სასამართლოსი თქვენ უფრო უნდა გეშინოდეთ. არ მინდა, დავაჩქარო თქვენი დაღუპვა, ამიტომ აჯობებს, ყმანვილო, თუ თქვენი გზით წახვალთ! წადით და პოეტური ოცნებების სამყაროში ეძიეთ გასართობი, პროზაული საქმეების გაძლოლა კი მცოდნე და გამოცდილ ხალხს მიანდეთ.

რეშლი ცდილობდა, მოთმინებიდან გამოვეყვანე და მიაღწია კიდევ თავის მიზანს.

- მისტერ ოსბალდისტონ, - დავინყე მე, - ეს მშვიდი, მაგრამ თავხედური კილო არ გიშველით! კარგად მოგეხსენებათ, რომ ჩვენი გვარის კაცი არავის შეარჩენს შეურაცხყოფას - არ მე ვარ გამონაკლისი და არავის ჯავრს არ შევჭამ!

რეშლიმ კუმტად მომაშტერა თავლები და მითხრა:

- თქვენ გამახსენეთ, რომ ერთხელ უკვე გადავყლაპე შეურაცხყოფა. ისიც კარგად გახსოვთ, ვის უნდა გადავუხადო ვალი! გგონიათ, დამავინყდა ის სალამო, აბუჩად რომ ამიგდეთ ოსბალდისტონ-ჰოლში? მაშინ კი გადამირჩიოთ, მაგრამ, როცა იქნება, თქვენი სისხლით ჩამოვირეცხავ ამ ლაფს! არც იმას გაჰატიებთ, რომ რამდენჯერმე გადამეღობეთ გზაზე და ჯიუტად შეეცადეთ ხელი შეგეშალათ ჩემთვის, თუმცა არც იცოდით და რომ ცკოდნოდათ კიდევ, ვერ მიხვდებოდით, თუ რაოდენ მნიშვნელოვანი მიზნების განხორციელებას ვაპირებდი. აი, ყოველივე ამისათვის პასუხი აგოთ ჩემს წინაშე და დღეს მალე დადგება!

- დაე, დადგეს, - მივუგე მე, - მზადა ვარ ამ დღის შესახვედრად, მაგრამ თქვენ ყველაზე მთავარი ბრალდება არ გაიხსენეთ: დაგავინყდათ, გეთქვათ, რომ მის ვერნონი თქვენი კლანჭებიდან გამოვიხსენი. ამაში, რალა თქმა უნდა, დიდი დახმარება გამიწია თვითონ მის ვერნონის გამჭრიახმა გონებამ და მისმა თანდაყოლილმა პატიოსნებამ.

რეშლის შიგ გულში მოხვდა ეს სიტყვები. შავ თვალებში რისხვის ცეცხლი აუგიზგიზდა, მაგრამ კვლავ მშვიდი და აუღელვებელი კილოთი მითხრა:

- აქამდე გაცილებით ნაკლები საფრთხე გემუქრებოდათ ყმანვილო! მე ვცდილობდი ანგარიში გამეწია ჩემი დღევანდელი მდგომარეობისათვის და, გარდა ამისა, აღბრდა-განათლება არ მაძლევდა უფლებას უკიდურესი ღონისძიებებისათვის მიმემარ-

თა, მაგრამ, როგორც ვხედავ, აუცილებელია, დაისაჯოთ თქვენი ყმანვილური თავხედობისათვის. თვითონვე მაიძულებთ, რომ ჭკუა გასწავლოთ. გამომყევით, სადმე ისეთი ადგილი ვიპოვოთ, სადაც ნაკლებად შეგვიშლიან ხელს!

მე უკან გავყვევი რეშლის, თან თვალი ფხიზლად მეჭირა, რადგან დარწმუნებული ვიყავი. რომ ყველაფერს იკადრებდა. ბალის შორეულ კუთხეში ერთი მიყრუებული ადგილი ამოვიჩიეთ - პატარა, ჰოლანდიურ ყაიდაზე გაკრეჭილი ბუჩქებით შემოსაზღვრული, ორიოდე ქანდაკებით დამშვენებული მინდორი გახლდათ, ვფრთხილობდი და ამან გადამარჩინა კიდევ: ლაბადის მოხდა ვერც კი მოვასწარი, რომ რეშლიმ დაშნა გააშიშვლა და შემომიტია. სწრაფად გადავხტი უკან და გულში დამიზნებული მახვილის წვერი ავიცილე. რეშლის უკეთესი იარაღი ჰქონდა - მისი დაშნა ჩემსაზე გრძელი იყო, თანაც სამკუთხედი (იმ დროს სამკუთხედი დაშნები ის იყო შემოდინოდა ხმარებაში), მე კი, ეგრეთ წოდებულ, საქსონურ ხმალს ვატარებდი - ვინროს, ბრტყელსა და ორღესულს. იგი დაშნაზე ნაკლებად მოქნილი და დამჭერი იყო. სხვა მხრივ ჩვენი ძალები თანაბარი იყო: მე სიმკვირცხლით ვჭობნიდი, სამაგიეროდ, რეშლი უფრო ღონიერი და წინდახედული გახლდათ. იგი სატანასავით იბრძოდა - გაბოროტებული და სისხლმონყურებული იქნევდა დაშნას, მაგრამ სიფრთხილესაც არ ივიწყებდა. აშკარა იყო, წინასწარ ჰქონდა გადანყვეტილი, აუცილებლად მოვევალე. წამით არ ანელებდა ყურადღებას, სულ მოტყუებას ლამობდა: ხან შემომიტევდა, ხან ვითომ ძლივს იცავდა თავს - ცდილობდა სიფრთხილე მომედუნებინა, რომ მერე ერთი ელვისებური დარტყმით დაემთავრებინა ორთაბრძოლა.

თავდაპირველად მეც საკმაოდ დინჯად და საბრიანად დავინყე ბრძოლა. ფიცხი კი ვიყავი - უცებ ავენთებოდი ხოლმე, მაგრამ გული არა მქონდა ბოროტი. სანამ ამ მიყრუებულ ადგილს ვიპოვიდით, სიბრაზემ ცოტათი გადამიარა და მივხვდი, რომ რეშლი

ჩემი ხელით არ უნდა დაღუპულიყო. იგი მამაჩემის ძმისშვილი იყო, ბიძაჩემმა, რეშლის მამამ, კარგად მიმიღო თავის ოჯახში, როგორც ესმოდა და შეეძლო პატივი მცა და ახლა მისი შვილი რომ მომეკლა, ბოროტი და უმადური კაცის სახელი შემერქმეოდა. ამიტომ ორთაბრძოლის დაწყებისთანავე შევეცადე განმეიარაღებინა ჩემი მოწინააღმდეგე. ფარიკაობაში დაოსტატებული ვიყავი და ვიფიქრე, რეშლის ადვილად ავყრი იარაღს-მეთქი, მაგრამ მალევე დავრწმუნდი, რომ მოწინააღმდეგე ტოლს არ მიდებდა. ორჯერ-სამჯერ ისე მარჯვედ შემომიბრია, რომ კინალამ დაშნაზე ამაგო და იძულებული გამხადა სიფრთხილე გამეორვეცებინა. თანდათან მივხვდი, რომ რეშლი სამკვდრო-სასიცოცხლოდ მებრძოდა და კვლავ რისხვის ცეცხლი შემომენთო. ახლა მეც გაცოფებული ვუტევი მტერს. ეჭვი არ იყო ერთ-ერთი ჩვენთაგანი განგმირული უნდა დაცემულიყო ბრძოლის ველზე. ერთხელ კინალამ მე გავხდი ამ ორთაბრძოლის მსხვერპლი: შეტევისას ფეხი გამისრიალდა და ვერ მოვასწარი საპასუხო დარტყმა მომეგერიებინა. დარტყმა სასიკვდილო არ გამოდგა - დაშნამ კამზოლი გამიხვრიტა და ფერდი გამიკანრა. გაკანვრა არც გამიგია, მაგრამ დაშნის ვადა ისე ძლიერად მომხვდა მკერდზე, რომ საშინელი ტკივილი ვიგრძენი და ვიფიქრე სასიკვდილოს დავიჭერი-მეთქი. გავცეცხლდი, მარცხენა ხელი მაგრად ჩაჭვიდე რეშლის დაშნის ვადას, ოდნავ უკან გადავხარე, ხმალი აღვმართე და ნვერი შიგ გულში დავუმიბნე მოწინააღმდეგეს. წამიცი და რეშლი გულგანგმირული დაეცემოდა მინაზე, მაგრამ ვიღაც უცნობმა გადაარჩინა: იგი შუაში ჩავვიხტა, აქეთ-იქით მიგვყარა და მაღალი მბრძანებლური ხმით შესძახა:

- ამას რას ვხედავ! ერთი ძუძუთი გაზრდილი ძმების შვილები სასიკვდილოდ იმეტებენ ერთმანეთს?! მამაჩემის საფლავს ვფიცავ, შეუბრალებლად გავუპობ მკერდს, ვინც პირველად აღმართავს ხმალს საბრძოლველად.

უცნობი შვეთვალიერე და ძალზე გავოცდი, როცა კემპბელად შევიცანი. თავისი ხელით ხმალი გაეშიშვლებინა და ჰაერში ატრიალებდა. ორივენი, მეც და რეშლიც უხმოდ ვუსმენდით მოულოდნელად გამოჩენილ დამზავებელს, რომელიც ხან ერთს გვარიგებდა ჭკუას, ხან მეორეს:

- ძალიან კი ასახელებთ მამათქვენს, მისტერ ფრენსის, ბიძაშვილის მოკვლით! არც ის იქნება სასახელო, თავად რომ გნახონ ყელგამოღადრული გლაზგოს კოლეჯის ბალში! თქვენ კი, მისტერ რეშლი, როგორ გგონიათ, ენდობა ხალხი ისეთ კაცს, რომელიც მთვრალი გილივით[178] ატრიალებს დაშნას შუა ქალაში? თქვენ ხომ ხალხის სიცოცხლე და ქონება გაბარიათ, თქვენ ხომ დიდ პოლიტიკურ საქმეს უდგახართ სათავეში! ეგრე ნუ მიბღვერით! თვითონა ხართ დამნაშავე და, თუ გინდათ, საკუთარ თავს გაუბრაზდით.

- თქვენ სარგებლობთ ჩემი მდგომარეობით, თორემ ამდენს ვერ გამიბედავდით, - დაიჩივლა რეშლიმ, - ასე რომ არ იყოს, არ ჩაერეოდით ჩემ საქმეში, მე ხომ შეურაცხყოფა მომაყენეს და სამაგიერო უნდა გადავუხადო!

- ჰო, ჰო, ჰო! ვერ გაგიბედავდით! ვითომ რატომ ვერ გაგიბედავდით? თქვენ იქნებ ჩემზე მდიდარი ბრძანდებით, მისტერ ოსბალდისტონ, ან ჩემზე ნასწავლიც. ამაზე არ გედავებით, მაგრამ ვერც პატიოსნებით მჭობიხართ და ვერც გვარიშვილობით. ძალიან გამიკვირდება, ვინმემ რომ მითხრას, რეშლი ოსბალდისტონი შენისთანაო. ვერ გაგიბედავდით! დიდი გაბედვა კი უნდოდა! ისეთ ქარცეცხლში გამომივლია, არც თქვენ დაგსიზმრებიათ და არც ამას. ყველაფერი არაც კი მახსოვს. აბა, ქალაქში რა უნდა გითხრათ? ეს ქვაფენილი თუ ხრეშით მოფენილი ბილიკი საჩემო საქმე არ არის. ერთი მთაში ვიყოთ და საკადრის პასუხსაც მიიღებდით ორივე.

ამასობაში რეშლიმ მოახერხა ჩვეული სიმშვიდე დაებრუნებინა.

- ჩემი ბიძაშვილი, - უთხრა მან კემპბელს, - არ დაიფიცავს, რომ თვითონ გამომიწვია საჩხუბრად. მე არც ვაპირებდი ბრძოლას. მოხარული ვარ, რომ დროზე შეგვაჩერეთ. თქვენ რომ არ მოგესწროთ, უფრო მკაცრად დაისჯებოდა ასეთი თავხედობისათვის.

- დაჭრილი ხომ არა ხარ, ყმანვილო? - შემფოთებით მკითხა კემპბელმა.

- არაფერია, ოდნავ გამკანრა, - დავამშვიდე მე, - თქვენ რომ არ მოსულიყავით, ჩემი ბიძაშვილი ველარ იტრაბახებდა თავისი სიჩაუქით.

- რაც მართალია, მართალია, მისტერ რეშლი, - დამემონმა კემპბელი, - მე რომ მკლავში არ მეტაცა ხელი მისტერ ფრენკისათვის, ახლა დაშნით გულგაპობილი ეგდებოდით მინაზე. ცხენით ნუ აფრუტუნდით, ნამდვილად ასე იქნებოდა. ახლა წამომყევით, ახალი ამბები უნდა მოგიყვებ. ისეთი ამბებია, რომ ცოტა გაგიგრილდებათ გული. კი არა, როცა ყველაფერს გეტყვით, ციებიანივით აკანკალდებით.

- მაპატიეთ, ბატონო ჩემო, - ვუთხარი კემპბელს, - მე რამდენჯერმე მომეცა შემთხვევა, დავრწმუნებულიყავი, რომ თქვენ კარგი გინდათ ჩემთვის, მაგრამ ხელიდან ვერ გაუშვებ ამ კაცს, სანამ იმ თანხას არ დამიბრუნებს, მამაჩემმა რომ გამოატანა ვალის გადასახდელად. ეს თანხა უსინდისოდ მიისაკუთრა და ახლა მთლიანად უნდა ზღოს.

- ხომ არ გაგიჟებულხართ, ყმანვილო - კარგ საზღაურსაც მიიღებთ, ჩვენ თუ გამოგვყვებით. ერთი მტერი არ გეყოფოდათ, რომ ახლა მეორეც გინდათ შეიძინოთ?

- მეორე კი არა, თუნდაც მეოცე იყოს, უკან არ დავიხევ! - მივუგე მე და რემლის საყელოში ვტაცე ხელი. იგი არც შეეცადა ხელი გაეშვებინა, მხოლოდ ზიზღით გაიღიმა და კემპბელს უთხრა:

- ხედავთ, მაკგრეგორ, თვითონვე იჩქარის, რომ კუთვნილი სასჯელი მიიღოს! რა ჩემი ბრალია! დაპატიმრების ბრძანება უკვე ხელმოწერილია, ყველაფერი მზად არის.

შოტლანდიელი შეცბუნდა იქაურობა კარგად მოათვალიერა და დაინცო:

- მე არაფრით არ ვიბამ, რომ ეს ყმანვილი ღვიძლი მამის დახმარებისათვის დაისაჯოს. ღმერთმა და კაცმა დასწყევლოს ყველა მოხელე და მოსამართლე, ყველა ოლდერმენი და შერიფი, ყველა პოლიციელი, ეგ შავი ნურბელები, რომლებიც უკვე ასი წელია შავი ჭირივით მოედვნენ შოტლანდიას და უღვთოდ სწუნნიან სისხლს! არა და, რა კარგი ცხოვრება გვქონდა, როცა ყველა საკუთარი თავის და ავლა-დიდების ბატონ-პატრონი იყო, როცა არც დაპატიმრების ორდერები იყო, არც ქონების აღწერის ოქმები და არც ათასნაირი დახლართული განაჩენები და გადაწყვეტილებები. კიდევ ვიმეორებ, რომ სინდისი არ დამანებებს, გულხელდაკრეფილმა ვუმზირო, თუ როგორ ცდილობენ დაღუპონ ეს გულუბრყვილო ჭაბუკი. თანაც რა ბილწ ხერხს იშველიებენ, საამისოდ! არა; ამას ჯობია, კვლავ იარაღი აიღოთ ხელში და პატიოსნად შეებრძოლოთ ერთმანეთს!

- არა გრცხვენიათ მაკგრეგორ? დაგავინწყდათ, რამდენი ხანია ვიცნობთ ერთმანეთს?

- არა მრცხვენია, - მიუგო კემპბელმა თუ მაკგრეგორმა (არ ვიცი რომელი იყო მისი ნამდვილი სახელი), - არა მრცხვენია, იმიტომ რომ ჯერ კიდევ შემრჩენია სინდისი მისტერ ოსბალდისტონ, და სწორედ ამით გჯობივარ. მართალია დიდი ხანია ვიცნობთ ერთმანეთს... ისიც იცით, რამ მაიძულა ამ გზას დავდგომოდი. ისიც მოგეხსენებათ, ვინ მაიძულა იატაკად კლდე-ღრე გამეხადა

და ჭერად ნისლიანი ცა, მაგრამ იმ მოძალადეებმა თავიანთი სასახლეებიც რომ შემომთავაზონ, ჩემს სალ კლდეებს მაინც არ დავთმობ. თქვენ ვი ვინა ხართ, ბატონო რეშლი, რატომ დაეცით, ასე? ამ კითხვაზე ვერავინ მიპასუხებს. ამის პასუხი თქვენს სულში უნდა ვეძებოთ. ამისთვის მეორედ მოსვლისას დაისჯებით. ახლა ვი, მისტერ ფრენსის, გაუშვით ხელი რეშლის. მართალს გეუბნებათ: მოსამართლის უფრო უნდა გეშინოდეთ, ვიდრე რეშლის. თქვენ რომ ცამდე მართალი იყოთ, ეგ მაინც მოგდებდათ რაიმე მიზეზს და დაგლუპავდათ. ასე რომ, გაუშვით ხელი. დაანებეთ თავი რეშლის საყელოს.

კემპბელმა სიტყვას საქმეც მოაყოლა: სწრაფად გამაშვებინა ხელი, მძლავრი მკლავები მომხვია და რეშლის მიაძახა:

- დრო იხელთეთ, მისტერ რეშლი, და დაამტკიცეთ, რომ ორი ფეხი ოთხ ხელს სჭობია. თქვენ ადრეც ბევრჯერ გადაგირჩენიათ თავი გაქცევით.

- ამ ჯენტლმენს უმადლოდეთ, ჩემო ძვირფასო ნათესავო, რომ მთლიანად არ გადაგიხადეთ ვალი, - მითხრა რეშლიმ, - ახლა დაგტოვებთ, მაგამ ვიმედოვნებ, მალე შევხვდებით ერთმანეთს ისეთ ადგილას, სადაც არავინ შეგვიშლის ხელს. - მან დაშინა აიღო, განმინდა, ქარქაშში ჩააგო და ბუჩქებს შეერია. შოტლანდიელმა ნაწილობრივ ძალით, ნაწილობრივ თხოვნით შემაკავა, თორემ უკან მინდოდა დავდევენებოდი. თანაც მეც მივხვდი, რომ ამით საქმეს ვეღარ ვუშველიდი და აღარ ვუძალიანდებოდი.

- ღმერთმანი, ასეთი ცოფიანი ყმანვილი ჩემს დღეში არ მინახავს, - ჩაილაპარაკა კემპბელმა, როცა შემატყო, რომ აღარ ვინევდი, - ამდენს ბავშვს ვი არა, დიდს არ მოვუთმენდი. ერთი მაგრა მივუყუავდი და დანყნარდებოდა. არა, მაინც სად მირბოდი? მგლის ბუნაგში გინდათ შეყოთ თავი? იცით, ყმანვილო, რომ რეშლიმ ისევ ის ძველი მახე დაგიგოთ? იმ საბაჟოს ვირთხას, მორისს შეუჩუჩხურა და ძველი საჩივარი შეატანინა სასამართლოში;

აქ კი მე ველარ გიმონებთ, ამის იმედი ნუ გექნებათ! ვიგამორ[179] მოსამართლეებს ვერ ვენცობი. ასე რომ, შინ დაბრუნდით და ქარიშხალის ჩადგომას დაელოდეთ. შეეცადეთ, რომ რეშლის, მორისს და იმ საქონელს, მარკვიტს არ მოხვდეთ თვალში. აბერფოილი არ დაივიწყოთ, როგორც გითხარით, ისე მოიქცით. ვაჟკაცურ სიტყვას გაძლევთ, არავის დავაჩაგვრინებ თქვენ თავს. მანამდე კი ფრთხილად იყავით. მე ქალაქიდან უნდა გავისტუმრო რეშლი, თორემ კიდევ აურევს. სადაც ის გამოჩნდება, რაიმე საზიზღრობა უნდა მოხდეს. აბა, დაიმახსოვრეთ: კლახანი, აბერფოილი!

კემპბელი მიტრიალდა და წავიდა. მე მარტო დავრჩი და დღევანდელ თავგადასავალზე დავინწყე ფიქრი. მერე ტანსაცმელი გავისწორე და შევეცადე, ლაბადით გადამეფარა ჭრილობა, საიდანაც კვლავ მომდიოდა სისხლი. ძლივს მოვასწარი თავის მოლამაზება, რომ ბალი სტუდენტებით გაივსო - ეტყობოდა, მეცადინეობა დამთავრებულიყო. სასწრაფოდ დავტოვე იქაურობა და მისტერ ჯარვის სახლისკენ გავეშურე. უკვე სადილის დრო მოახლოვებულიყო, მაგრამ გზაზე მაინც შევჩერდი ერთ პატარა ფარდულთან, რომლის აბრამ მამცნო, რომ აქ დასტაქარი და მუათიანე ქრისტოფერ ნილსონი ცხოვრობდა. შესასვლელში პატარა ბიჭი იჯდა და რაღაც წამალს ნაყავდა როდინში. ვთხოვე, როგორმე მომიხერხე, რომ შენმა დიდად განსწავლულმა ბატონმა მიმიღოს-მეთქი. ბიჭმა ფარდულის კარი გამიღო და უკანა ოთახისაკენ გამიძღვა. ქრისტოფერ ნილსონი მკვირცხლი და მხიარული მოხუცი გამოდგა. მან უნდობლად გააქნია თავი, როცა სახელდახელოდ შეთხზული ზღაპარი მოუყვები - ვითომ ფარიკაობაში ვვარჯიშობდი და ჩემი მოწინააღმდეგის რაპირას ბურთული მოსძვრა. მან ჭრილობაზე რაღაც წამალი დამადო, გადამიხვია და მითხრა:

- იმ რაპირას არასოდეს ჰქონია წვერზე ბურთულა, ეჰ, სისხლი გიდულთ, სისხლი, მაგრამ ნუ გეშინიათ, დასტაქარებს ყბედობა არ გვიყვარს. ამქვეყნად ყველა კეთილი და მშვიდი რომ იყოს, მეთათიაქეები და დასტაქრები შიმშილით ამოვწყდებოდით.

ეს მაღალზნეობრივი მსჯელობა რომ დაამთავრა, გარეთ გამომაცილა და დამემშვიდობა. ნამლობა კი კარგი სცოდნოდა - ტკივილი დამიამდა ველარც კი ვგრძნობდი, რომ ფერდი გაკანრული მქონდა.

თავი XXVI

მთებში, კლდეებში, რკინის ტომი ცხოვრობს ოდითგან, -
მტერი თვინიერ ბერელების, მათი მოდგმისა.

კედლები ზრდიან ვით მართვეებს, როგორც ბოკვერებს;
თავისუფლების, სიღარიბის უხეშ სამყოფელს
სტოვებენ ხშირად, ყინჩ ბუნებას ვერ იოკებენ
და ბარის ტომთა ხვავ-ბარაქას პირქვე ამხობენ.

გრეი[180]

- ასე რატომ დაიგვიანეთ, - მკითხა მისტერ ჯარვიმ, როცა სა-
სადილო ოთახში შევედი, - რამდენი ხანია პირველი გახდა, უკვე
ორის ხუთი წუთია. მათი ორჯერ მოადგა კარს თავისი სადილით.
კიდევ კარგი დღეს ცხვრის თავი გვაქვს და დაგვიანებით არაფე-
რი მოუვა. მთავარია, არ გადაიხარშოს, თორემ შხამივით ხდება.
ასე იტყოდა ხოლმე მამაჩემი. ღირსეული ადამიანი იყო. ყველაზე
უფრო ყურები უყვარდა ამ სულგანათლებულს.

მე დიდი ბოდიში მოვუხადე დაგვიანებისათვის და მალე ხო-
რაგით სავსე სუფრას შემოვუსხედით. ტოლუმბაშობა მისტერ
ჯარვიმ იკისრა და ყოველნაირად შეეცადა, ძღომამე გვეჭამა
შოტლანდიური ნუგბარ-ნუგბარი კერძები. იმას აღარ უყურებდა,
რომ სამხრეთელები მიუჩვეველნი ვიყავით ასეთ საჭმელებს. მე
მალალ საზოგადოებაში მიღებულ თავაზიანობას ვიშველიებდი
და ვახერხებდი თავი დამეღწია მასპინძლის მოძალეებისაგან. ოუ-

ენი კი ცუდ დღეში ჩავარდა, რადგან სულ სხვა შეხედულება ჰქონდა სტუმრის მოვალეობაზე და ცდილობდა, ყველანაირად ესამოვნებინა ჩვენი ფირმის მეგობარი. რომ ვუყურებდი, ძალიან მეცოდებოდა, მაგრამ თან სიცილსაც ვერ ვიკავებდი: იგი მორჩილად ყლაპავდა მოხარული მატყლის მოზრდილ ფთილებს, ზიზღით იმანჭებოდა და თან მისუსტებული ხმით აქებდა ამ უცნაურ კერძს.

სუფრა რომ აალაგეს და მაგიდის გადასათარებელი აკეცეს, მისტერ ჯარვიმ საკუთარი ხელით მოამზადა ერთი პატარა თასი პუნშ-ბრენდი. ასეთი სასმელი ჩემს დღეში არ დამელია. ლიმონები, როგორც თვითონვე გვითხრა, საკუთარი ბალისა ყოფილა. ზღვის გაღმა (მხრით ვესტ-ინდოეთისაკენ გვანიშნა) პატარა ფერმა ქონია, მომზადება კი ვილაც ბებერ კაპიტანს, კოფინკის უსწავლებია (მისტერ ჯარვიმ ჩურჩულით დასძინა, ამბობენ, თვითონ კაპიტანს ვესტ-ინდოელმა პირატებმა ასწავლეს ამ პუნშის მომზადებაო).

- ისე კი საუცხოო სასმელია, - დაგვამშვიდა მან, - ხანდახან ცუდ ბაზრებშიც წაანყდება ვაცი ვარგ საქონელს. უნდა მოგახსენოთ, რომ კაპიტანი კოფინი ერთობ წესიერი ადამიანი იყო, ოღონდ უცნაური დაფიცება იცოდა. ახლა აღარ არის ამქვეყნად. იმედია, უფალმა შეუნდო ცოდვები. დარწმუნებული ვარ, შეუნდობდა.

პუნში, მართლაც, საუცხოო გამოდგა. ისეთი საუცხოო, რომ მასპინძელმა და ოუენმა ერთხმად დაასკვნეს, სამეფოების შეერთება მეტად სასარგებლო საქმეა. რადგან ამით გლაზგოს საშუალება ეძლევა ინგლისის კოლონიებთან, ამერიკასა და ვესტ-ინდოეთთან, ფართო ვაჭრობა გააჩაღოსო. ოუენმა მორიდებულად შენიშნა, შოტლანდიამ ინგლისისგან უნდა შეისყიდოს საქონელი, რადგან თავისი არ ეყოფა ამერიკის მოთხოვნილების დასაკმაყოფილებლადო, მაგრამ მისტერ ჯარვი ცხარედ შეეკამათა:

- არა სერ, როგორ გეკადრებათ! ჩვენ სხვისი სამათხოვრო არაფერი გვაქვს. სტირლინგში შევოტს ვქსოვთ, ლუქსემბურგში - თხელ მაუდს, აბერდინში - ქალის წინდებს, ედინბურგიდან შელუნსა[181] და შალის ნართს გავიტანთ, ამას გარდა, ჩვენში ყოველნაირი ტილო იქსოვება, თქვენსას ჯობია და უფრო იაფიცაა. ის საქონელი, ჩრდილოეთ ინგლისში რომ აწარმოებენ - მანჩესტერის მანუფაქტურა იქნება, შეფილდის ფოლადი თუ ნიუკასტლის თიხის ჭურჭელი, ჩვენშიაც იმ ფასად იყიდება, როგორც ლივერპულში. ახლა რა ბამბის ქსოვილები ვიცით, რა მუსლინები. აი, ასე საქმე,

სერ! თქვენ თავი დაგვანებეთ და ნახავთ, თუ ტოლი დაგიდოთ! იქნება, მერე თქვენ მოგვჩანჩალებდეთ უკან. რატომ ჩამოუშვით ცხვირი, მისტერ ოსბალდისტონ. მოგწყინდათ ასეთი საუბრის მოსმენა, არა? - მომიბრუნდა ოლდერმენი, რადგან მე მართლაც არ ჩავერიე იმათ საუბარში, - მაშ რაზე ვალაპარაკოთ? ხომ გაგიგონიათ, ყველა თავისას ჩიოდა, მენახირე ბუზანკალსაო.

მეც ამ კითხვას ველოდი. ბოდიში მოვეხადე და ვუთხარი, ჩემს აწეწილ საქმეებზე ვფიქრობდი, თანაც ამ დილას უჩვეულო ამბავი შემემთხვა-მეთქი. მკითხეს რა შეგემთხვაო და მეც დაწვრილებით ვუამბე ჩემი დღევანდელი თავგადასავალი, ოღონდ ის კი აღარ ვუთხარი, რომ დაჭრილი ვიყავი - ნაკეჭნი იყო და არც ღირდა სალაპარაკოდ. მისტერ ჯარვი დიდი ყურადღებით მისმენდა, თვალებს აფახულებდა და მალი-მალ იყრიდა ცხვირში ბურნუთს. ხანდახან გაოცების შეძახილი აღმოხდებოდა ხოლმე. როცა ორთაბრძოლის ამბავზე მივედი, ოუენმა ხელები გულზე დაიკრიბა და მწუხარე თვალელები მალლა აღაპყრო, მისტერ ჯარვი კი გამიბრაზდა:

- ძალიან ცუდად მოქცეულხართ, ყმანვილო, ძალიან ცუდად! ღვთისა და კაცის კანონები კრძალავს ხელის აღმართვას ნათე-

სავის წინააღმდეგ. ხმლის ტრიალი სამეფო ქალაქის ქუჩაში წამოადგენს დანაშაულს. დამნაშავე ჯარიმით ან პატიმრობით ისჯება. კოლეჯის ეზო არ წარმოადგენს გამონაკლისს - პირიქით, ასეთ ადგილას უფრო უნდა დავიცვათ წესრიგი. კოლეჯი კარგა ძალ ფულს იღებს საეპისკოპოსოს შემოსავლიდან - ექვსას გირვანქას აძლევენ წლიურად (ამაზე წმინდა ძმებიც ბუზღუნებენ და მოიჯარეებიც), ამას გარდა თვითონ გლაზგოს საარქიეპისკოპოსოსაც ეხმარება ყოველწლიურად და როგორ ფიქრობთ, ამდენ ფულს იმიტომ აძლევენ, რომ ვიღაც უქნარები ხმლებით დაერიონ ერთმანეთს კოლეჯის ეზოში ან ბიჭ-ბუჭებმა გუნდები დაუშინონ გამვლელ-გამოვლელებს? რამდენჯერ ყოფილა, მე და მატის გაგვივლია კოლეჯის ბაღში და გუნდებით დაგვმუქრებთან. თავს თუ არ დაუვკრავდით[182], ცუდად წაგვივიდოდა საქმე. არა, ამას ბოლო უნდა მოეღოს. განაგრძეთ, განაგრძეთ, მერე რა მოხდა?

განვაგრძე და როცა კემპბელი ვახსენე, გაოცებული ჯარვი ფეხზე წამოდგა, ბოლთის ცემას მოჰყვა ოთახში და აბუზღუნდა:

- ვვლავ რობინი!.. არა, რობერტი ნამდვილად გაგიჟებულა, შეშლილა, აურევია! ჩამოახრჩობენ და მერე მთელი გვარი უნდა გაილანძლოს, ქვეყანამ უნდა გაგვათრიოს! პირველი შარვალი მამაჩემმა მოუქსოვა, ყველასგან პატივცემულმა უსტაბაშმა. უკანასკნელ ყელსაბამს კი ტრიპლი დაუგრეს, მაზმანთა ამქრის უსტაბაში. ეჰ, საწყალი, პირდაპირ სახრჩობელასკენ უჭირავს გეზი!.. მერე, მერე! აბა გვითხარით, ბოლოს რა მოხდა.

ვცდილობდი, წვრილად მომეყოლა ყველაფერი, მაგრამ მისტერ ჯარვი მაინც მაძლევდა შეკითხვებს, რომ უფრო ნათლად გარკვეულიყო საქმეში. ასე რომ, იძულებული გავხდი უკან გაბრუნებულიყავი და მორისისა და კემპბელის ინგლვუდის სახლში მისვლის ამბავი მომეთხრო. მისტერ ჯარვიმ დიდი ყურადღებით მოისმინა ყველაფერი და შემდეგ კარგა ხნით ჩაფიქრდა. - ახლა, მისტერ ჯარვი, თქვენ უნდა გთხოვოთ რჩევა, თუ რა გზას დავად-

გე, რომ მამის საქმეებიც გამოვასწორო და საკუთარი ღირსებაც დავიცვა.

- სწორადაც იქცევი ყმანვილო. ეგრე უნდა. ყოველთვის თქვენზე უფროსს და ჭკვიან ვაცს უნდა ჰკითხოთ რჩევა. იმ ურწმუნო რობოამს[183] კი არ უნდა მიბაძო, პირტიტველა ჭაბუკებს რომ ეკითხება ჭკუას და მამამისის, სოლომონის მსცოვან მრჩევლებს არაფრად აგდებდა. განა ეს მრჩევლები უფრო არ შეითვისებდნენ სოლომონის სიბრძნეს? მისტერ მეიკლჯონიც ხომ ასე ამბობს, როცა ბიბლიის ამ თავს განმარტავს. მაგრამ მე სიტყვა „ღირსების“ გაგონებაც არ მინდა. მე მხოლოდ სიტყვა „კრედიტს“ ვცემ პატივს. „ღირსება“ ვაცისმკვლელია, სისხლმონყურებული მკვლელი, რომელიც შუა ქუჩაში მართავს ორთაბრძოლას, „კრედიტი“ კი პატიოსანი ადამიანი, რომელიც მშვიდად მიმჯდარა კერიასთან.

- სრული ჭეშმარიტებაა, მისტერ ჯარვი, - ჩაურთო ჩემმა მეგობარმა ოუენმა, - კრედიტი ბალანსის საბოლოო ჯამია. ეჰ, რომ შეგვეძლოს კრედიტის აღდგენა. რას არ გავიღებდით, ძველი ნდობა რომ აღვიდგინოთ!

- მართალი ბრძანდებით, მისტერ ოუენ, მართალი ბრძანდებით, ჭკვიანურად მსჯელობთ. ნუ გეშინიათ, დარწმუნებული ვარ მიზანში მოვარტყამთ ბურთს. ჯერ ცოტათი გვერდზე მიდის, მაგრამ არაფერია, საბოლოოდ მაინც მოვარტყამთ. რობინი კი, მჯერა, ნამდვილად დაეხმარება ამ ყმანვილს. ყველაფერს იღონებს, რაც კი ძალუძს. კეთილი გული აქვს მაგ სანყალს. ჩემი ორასი გირვანქა შეირჩინა ადრე და არც იმ ათასი შოტლანდიური გირვანქის იმედი მაქვს, გუშინ რომ დამპირდა დაგიბრუნებო, მაგრამ მაინც ყოველთვის ვამბობდი და ვიტყვი, რომ რობინი სამართლიანი ვაცია.

- მაშასადამე, შემოიძლია პატიოსან ადამიანად მივიჩნიო, არა?
- ვკითხე მისტერ ჯარვის.

- უჰუ, უჰუ, - ჩაახველა მისტერ ჯარვიმ, ჩაფიქრდა და მერე მი-
პასუხა: - პატიოსან ადამიანად? ჰო, მთიელის პატიოსნება აქვს,
თავისთვის ძალიან პატიოსანია. მამაჩემი, უსტაბაში, ხშირად მი-
ამბობდა, საიდან მოდის ეს გამოთქმა. ვინმე ვაპიტანი კოსტლექტი
სულ ამას ამბობდა თურმე, მეფე ჩარლზის[184] ერთგული ვარო.
ერთხელ კლერკმა პეტიგრუმ (ამ პეტიგრუმზე ბევრ სასაცილო ამ-
ბებს ჰყვებიან) ჰკითხა ვაპიტანს, მეფეს როგორღა ემსახურები,
თუკი ვუსტერთან კრომველის[185] არმიამი იბრძოდიო. ვაპიტან
კოსტლექტს ენაზე ჭავლი არ ედებოდა და მაშინვე უპასუხა, მეფეს
ჩემთვის ვემსახურებიო. აი, აქედან წამოვიდა ეს გამოთქმა.

- მეც ასე დამეხმარება? წავიდე თუ არა მთაში კემპელთან?

- მე მგონი, წასვლა სჯობს. თვითონაც ხედავთ, რომ თქვენი აქ
დარჩენა სახიფათოა: იმ გაიძვერა მორისმა საბაჟოში დაინყო მუ-
შაობა, გრინოკში, ზღვისპირა ქალაქში, აქვე, მახლობლად.
მთელმა ქვეყანამ იცის, რა არამზადა, უტვინო და მშიშარა ვაცია.
თურმე, დადის ნავსადგურში პლომბებითა და ბეჭდით ხელში და
პატიოსან ხალხს სულს ართმევს. ყველას, ყველას ეჭავრება, მაგ-
რამ, თუ საჩივარს შეიტანთ, მოსამართლე მხარს დაუჭერს, შეიძ-
ლება ციხეში ჩაგაყუდონ და მამათქვენის საქმეც გაფუჭდება.

- სწორია, - დავეთანხმე მე, - ეგ კი სწორია, მაგრამ აქედან
წასვლით რას ვარგებ მამაჩემს? რეშლი გლაზგოში დარჩება და
ათასნაირ ხრიკებს დაატრიალებს. ნუთუ უკეთესი იქნება, დავტო-
ვო აქაურობა და ისეთ ვაცს მივენდო, რომელიც მართლმსაჯუ-
ლებას ემალება, ეს ვაცი დაკავშირებულია იმ ადამიანთან, რო-
მელმაც გაგვალატავა. ორივენი რაღაც საიდუმლო და სახიფათო
საქმეში არიან გაბმულნი.

- ასე მკაცრად ნუ განჯით რობს, ჩემო საწყალო ბიჭუნავ, - მით-
ხრა ოლდერმენმა, - საქმე ისაა, რომ თქვენ სულ არ იცნობთ ზე-
მო შოტლანდიას, ანუ, როგორც ჩვენ ვიტყვით, მთიან მხარეს.
მთიულებს სულ სხვანაირი ადეთ-წესები აქვთ და არც მომრიგე-

ბელი ან არჩეული მოსამართლეები ჰყავთ და არც ქალაქის თავები, რომ ხმლის ტრიალი აუკრძალონ ხალხს და ისე დაიცვან კანონი, როგორც მამაჩემი, ღირსეული უსტაბაში (უფალმა განათლოს მისი სული!) იცავდა და როგორც მე ვიცავ ამჟამად გლაზგოს ქალაქის საბჭოს სხვა წევრებთან ერთად. მთიელებში კი, რასაც ლერდი ბრძანებს, უნდა შესრულდეს. იქ, ვისაც გრძელი ხმალი აქვს, ის არის კანონმდებელი. ხმალი მაძიებელია, ფასი მოჰასუხე. ვისაც თავი შერჩება მხრებზე, მართალია, ვისაც არა - მტყუანი. აი, ასეთი ქვეყანა გახლავთ მთიანი მხარე.

ოუენმა ღრმად ამოიოხრა და, მართალი გითხრა, მისტერ ჯარვის ნათქვამმა მეც დამაფიქრა. ჯერ ადრეც არ მიმინევდა გული ზემო შოტლანდიისკენ და ახლა, რომ გავიგე, როგორი ქვეყანა ყოფილა, ლამის ხელი ამეღო იქ გამგზავრებაზე.

- ჩვენ, ჩემო ბატონო, იშვიათად ვლაპარაკობთ ამისთანა რამეებზე, რადგან ისედაც კარგად ვიცით იქაური ამბები. აბა, რაში გვჭირდება საკუთარი სამშობლოსა და ხალხის ლანძღვა-გინება სამხრეთელებთან და უცხოელებთან? ჩიტმა თავისი ბუდე არ უნდა დასვაროს.

- ჭეშმარიტებას ბრძანებთ, სერ, მაგრამ, რადგანაც მე ცნობის-მოყვარეობა კი არა, აუცილებლობა მაიძულებს დანვრილებით ვიცოდე იქაურობის ამბავი, იმედია არ გამინაწყენდებით, თუ ზოგიერთ დამატებით ცნობას მოგთხოვთ. მე, ალბათ, ველური ქვეყნის მკვიდრ ჯენტლმენებთან მექნება საქმე და მინდა თქვენი ნათელი გონება და დიდი გამოცდილება მოვიხმო შემწედ და გზის მაჩვენებლად; ერთი სიტყვით, სანთელი მინდა მომცეთ, რომ წყვილიაღში უგზო-უკვლოდ არ ვიხეტიאלო.

პირფერობამ გაჭრა:

- გამოცდილება? ჰო, გამოცდილება მართლა არ მაკლია. რალაც-რალაცეები ვიანგარიშე, ჩვენში დარჩეს და, ზოგი რამის გაგებაც დავავალე ენდრუ უაილს, ჩემს ყოფილ კლერკს. ახლა

„მაკვიტი და კომპანიის“ მოახლეა, მაგრამ ხანდახან შაბათობით, სამუშაოს შემდეგ შემომივლის ხოლმე თითო ჭიქის გადასაკრავად. ჰოდა, რადგან ამბობთ, რომ გლაზგოელი ფეიქრის რჩევადარიგება მჭირდებაო, მე ისეთი ვაცი არა ვარ, რომ უარი გითხრათ. ჩემი ნეგოციანტის შვილი ხართ, ამდენი წელია მე და მამათქვენი ერთად ვსაქმიანობთ და მაგაზე როგორ გაგანბილებთ. განსვენებული მამაჩემიც (უსტაბაში) ასეთი ვაცი იყო. მე ვარგა ხანია მინდა ჰერცოგ არგაილს[186] და იმის ძმასაც, ლორდ აილვისაც მოვახსენო ყველაფერი და ვარგი რჩევაც მივცე, მაგრამ დიდი ხალხი ჩემისთანა ვაცის რჩევას ყურს არ ათხოვებს. აბა, მე ვინ ვარ იმათ თვალში - ერთი სანყალი ფეიქარი! იმათთვის მთავარია ვინ ლაპარაკობს. თუ დიდი ვაცია, დაუჭერებენ! მით უარესი მათთვის, მით უარესი! არა, ცუდი კი არაფერი მითქვამს მაკკოლუმ მორზე. „მდიდარს შენ სახლშიც ნუ გალანძლავ, რემთუ ჩიტი თუ არ მიუტანს ამბავს კათხას ხომ გრძელი ყური აქვსო“, - ამბობს სირახის შვილი.

შემეშინდა, ამ სიტყვებისათვის გრძელი შეგონება არ მოეყოლებინა, ლაპარაკი შევანყვეტინე და დავპირდი, მე და ოუენი სამარესავით შევინახავთ თქვენ ნათქვამს-მეთქი.

- ამიტომ არ მითქვამს. მე არავისი არ მეშინია. ან რატომ უნდა მეშინოდეს. ისეთი არაფერი მითქვამს, მაგრამ მთიელებს ღონიერი ხელები აქვთ და თუ ჩაგავლეს, ვეღარ გამოეხსნები. მე ხანდახან სტუმრად დავდივარ ხოლმე მთაში, ნათესავები ხომ უნდა მონახულო დროდადრო? ჰოდა, არ მინდა, რომელიმე კლანი გადამემტეროს. რაზე შევჩერდით? ჰო, მინდა გითხრათ, რომ ჩემს შენიშვნებს საფუძვლად ციფრებს ვუდებ და მისტერ ოუენი დამემონმება, რომ მხოლოდ და მხოლოდ ციფრებია ადამიანთა ცოდნის ჭეშმარიტი საფუძველი.

ოუენი სიამოვნებით დაემონმა, რადგანაც თვითონაც ამ აზრისა იყო და მისტერ ჯარვიმ საუბარი განაგრძო:

- მთიანი მხარე, ანუ როგორც ჩვენ ვეძახით, ჩვენი მთიანეთი, თავისებური, ველური მხარეა, ბატონებო! იქ მრავლად არის, ღარტაფები, ტყეები, გამოქვაბულები, ტბები, მდინარეები და მაღალი მთები - ისეთი მაღალი, რომ თვით ეშმაკიც ვერ აფრინდება დაუსვენებლად მწვერვალამდე. ამ ქვეყანაში და კუნძულებზე, რომლებიც მთავარ მიწაზე[187] უარესიც კია, ორასიოდე სამრევლოა. აქ შედის ორკნის სამრევლოც, სადაც არც კი ვიცი გელურად ლაპარაკობენ თუ რომელიდაცა სხვა ენაზე, მაგრამ ის კი ნამდვილად შემოძლია გითხრათ, რომ იქაურები მთლად ველურები არიან. ახლა, ბატონებო, თითო სამრევლოში სულ ცოტა რვაასი ვაცი რომ ვიანგარიშოთ ათწლიანებიდან დაწყებული, ამას მივუმატოთ ერთი მეხუთედი ათი წლის ქვევით, სულ გამოდის... რვაასი გავყოთ ოთხ მეხუთედზე, ეს იქნება სამრავლი, ხოლო მამრავლი იქნება ორასოცდაათი...

- ნამრავლი კი ორასოცდაათი ათასი, - უკარნახა ოუენმა, რომელიც აღტაცებით უსმენდა მასპინძელს.

- სწორია, სერ! სრული ჭეშმარიტებაა! ხოლო ლაშქარი ჩვენს მთიანეთში შეიკრიბება სულ ცოტა, ორმოცდაჩვიდმეტი ათას ხუთასი ვაცი, რადგან იქ ქუდზე ვაცი გამოდის, თვრამეტი წლიდან ორმოცდათეფესმეტ წლამდე. სამწუხარო და სახიფათო ჭეშმარიტება ის გახლავთ, რომ ამ საწყალი ხალხის ნახევარს სამუშაო არა აქვს, სულ არაფერი აქვთ გასაკეთებელი. სხვა სიტყვებით რომ ვთქვათ, მიწათმოქმედებას, მესაქონლეობას და პატიოსნური საქმიანობის სხვა დარგებს არ შეუძლია სამუშაოთი დააკმაყოფილოს მოსახლეობის ნახევარზე მეტი. როგორც არ უნდა იზარმაცონ, მაინც არ ეყოფათ სამუშაო. ისედაც დიდად არ ეხალისებათ შრომა და გარჯა - წელი სწყდებათ საქმეზე. მაშ ასე, სერ, მაშასადამე, მოსახლეობის უმუშევარი ნაწილი შეადგენს...

- ასთხუთმეტი ათას ასეულს, - შეეშველა ოუენი, - ჩვენს მიერ მიღებული ნამრავლის ნახევარს.

- სწორია, მისტერ ოუენ, სწორია... და ამ რიცხვიდან ოცდარვა ათას შვიდასი ჯანღონით

სავსე მამაკაცია, ისეთი, რომელთაც იარაღის ტარება შეუძლიათ. ატარებენ ვიდუც და არ ვი ცდილობენ პატიოსანი შრომით ჭამონ ლუკმა პური. სამუშაო რომ გამოჩნდეს, ჩხირს არ გადააბრუნებენ, ახლა ვი არცა აქვთ და არც იმის იმედია, რომ ახლო მომავალში ექნებათ.

- ნუთუ შესაძლებელია, მისტერ ჯარვი, რომ მართლა ასეთ დღეში იყოს დიდი ბრიტანეთის კუნძულის მნიშვნელოვანი ნაწილი? - დავეჭვდი მე.

- აი, ახლა აგისხნით და ყველაფერი დღესავით ნათელი გახდება. ვთქვათ, ყოველ სამრევლოში საშუალოდ ორმოცდაათი გუთანი გააქვთ მიხდორში. ეს ცოტა ნუ გგონიათ - გაიხსენეთ, რა მწირი მიწა აქვთ იმ საცოდავებს. დავუშვათ აგრეთვე, რომ საძოვარიც საკმარისია მუშა საქონლისა და 40-50 ძროხისათვის. ვთქვათ ამ გუთნებსა და საქონელს სამოცდათხუთმეტი ოჯახი სჭირდება მოსავლელად. თითო ოჯახში ექვსი სული ვიანგარიშოთ და ერთი სამოცდაათი სულიც დავუმატოთ, რომ მრგვალი რიცხვი მივიღოთ. მაშინ თითო სამრევლოში ხუთასი კაცი გამოვა, ბუსტად მოსახლეობის ნახევარი, რომელთაც სამუშაო აქვთ და შეუძლიათ თავისი გაიტანონ ხმელი პურითა და მანვნით. მაგრამ რა უნდა ქნას მეორე ნახევარმა, ხუთასმა კაცმა?

- ღმერთო დიდებულო! - წამოვიძახე მე, - მაინც რას შვრებიან, მისტერ ჯარვი? მართლა რა დღეში ყოფილან, ლამის გავგიჟდე!

- მოიცადეთ, ჯერ ადრეა, - განაგრძო ოლდერმენმა, - გაგიჟება მაშინ ნახეთ, თუ იმათთან მოგიხდათ ცხოვრება. ვთქვათ, ამ უმუშევართა ნახევარმა მოახერხა და რაიმე საქმე მოძებნა შოტლანდიაში, ან მწყემსად დაუდგა ვინმეს ან ალოობაზე ან თიბვაზე დაიქირავეს, ერთი სიტყვით, რაიმე სამუშაო იშოვა; მეორე ნახე-

ვარმა რაღა ქნას? მთიანეთში ხომ კიდევ ასობით და ათასობით ახოვანი ვაჟკაცი რჩება უსაქმოდ. ისინი უმიზნოდ დახეტიალობენ მთებში, ყაჩაღურად მათხოვრობენ[188], ან ლერდის ვანონიერსა თუ უვანონო ბრძანებებს ასრულებენ. ამასთან, ასობით მთიელი ჩამოდის დაბლობში საყაჩაღოდ და საქონლის მოსაპარავად; ისინი ყველაფერს იტაცებენ. განა ქრისტიანულ სახელმწიფოში შეიძლება ასეთი რამ ხდებოდეს? და, რაც მთავარია, თვითონ ამაცობენ ამით, ვაჟკაცობად მიაჩნიათ ქურდობა და ძარცვა-გლეჯა, შრომა და ჯაფა რა წესიერი ვაცის საქმეაო, ამბობენ. ლერდებიც თავიანთნაირი ჰყავთ. მართალია, თვითონ არ აგზავნიან საყაჩაღოდ, მაგრამ არც უშლიან. გაუბედავენ კიდევ! კი არა, თავშესაფარსაც აძლევენ თავიანთ ციხე-დარბაზებსა, მთებსა და ტყეებში ნაქურდალს უნახავენ. ყოველი ლერდი ინახავს ამისთანა უსაქმურების ბრბოს. ისინი მისი გვარის ანუ კლანის წარმომადგენლები არიან. ზოგს მეტი ჰყავს ზოგს ნაკლები, ვისაც რამდენის შენახვა შეუძლია, ან, უფრო სწორად, იმდენი, რამდენიც თვითონ მოახერხებს თავის გამოკვებას პატიოსანი თუ უპატიოსნო გზით. ისინი მუდამ შეიარაღებულნი დადიან - თოფს, დამბაჩას, დანასა და დურღახს[189] არ იშორებენ და ლერდის ერთი სიტყვა საკმარისია, რომ სამკვდრო-საციცოხლო ბრძოლა აუტეხონ შინაურსა თუ გარეულს. აი, ეს არის მთიანი მხარის უბედურებაა; იქაურობა ნიადაგ ყაჩაღებისა და მძარცველების ბუდე იყო. პატიოსან და შრომისმოყვარე მეზობლებს მოსვენება არა ჰქონდათ მათგან. ჩვენი მხარეც - დასავლეთ ლოულენდიაც ბევრჯერ დაურბევიათ.

- ისიც, თქვენი ნათესავი და ჩემი მეგობარიც, ასეთი მსხვილი მემამულეა? იმასაც საკუთარი რაზმი ჰყავს? - ვკითხე მისტერ ჯარვის.

- არა, რას ბრძანებთ, - მომიგო მან, - იგი წანამძღოლთა, ანუ, როგორც ჩვენში იტყვიან, ბელადთა ჯგუფს არ ეკუთვნის. ისე კეთილშობილი გვარისაა - გლენსტრეის შთამომავალი. მე კარგად

ვიცი ვინ იყვნენ რობის წინაპრები, რადგან ჩვენ ახლო ნათესავები ვართ - ერთსა და იმავე კეთილშობილ შოტლანდიური გვარის სხვადასხვა შტოს ვეკუთვნიტ, თუმცა, უნდა მოგახსენოთ, რომ ამისთანა სისულელეებს დიდ ყურადღებას არ ვაქცევ. აბა, რაში მარგია წარსულის აჩრდილები? ისე კი შემიძლია რობერტის მამის წერილები გიჩვენოთ - მამამისი გლენსტრეის შვილიშვილი იყო და მამაჩემს უსტაბაშ ჯარვის (საუკუნო იყოს მისი ხსენება!) უგზავნიდა ამ წერილებს! ყველა ერთნაირად იწყება: „ჩვენო ძვირფასო უსტაბაშო!“ და ბოლოში ყველას აწერია: „თქვენი მოყვარული, მარად თქვენი სამსახურის მოსურნე ნათესავი“. თითქმის ყველა წერილში ფულზეა ლაპარაკი - მამაჩემისგან ფულს სესხულობდა ხოლმე და განსვენებული უსტაბაში თამასუქებივით ინახავდა ამ წერილებს. მამა! ძალიან წინდახედული კაცი გახლდათ.

- მამაჩემს უთქვამს, რომ მთაში მხოლოდ ბელადებისა და წინამძღოლების სიტყვა გადისო და, თუმცა ეგ თქვენი ნათესავი არც ერთია და არც მეორე, ეტყობა, მაინც დიდ პატივს სცემენ თავის ქვეყანაში.

- მართალია, - დამიდასტურა ოდღერმენმა, - მისი სახელი ქუხს ლენოსკიდან ბრენდოლბენამდე. რობი ოდესღაც მეჭოგე გახლდათ; მუყაითად ირჭებოდა და ვარგადაც მიუდიოდა საქმე. ეგეთი ყოჩალი მეჭოგე იმ მხარეში არ იყო. ერთ ნახვად ღირდა, როცა უკან მიჰყვებოდა თავის ჯოგს - ფეხებზე ბროგები ეცვა, პლედზე ქამარი ერთყა, ქამარზე ხანჯალი და ფართო ხმალი ეკიდა, ზურგზე მრგვალი ფარი ჰქონდა მოგდებული და სწრაფად მოერეკებოდა ბარისაკენ ასამდე ხარსა და თორმეტიოდე იმ ხარებივით ბანჯგვლიან მწყემსს.

საქმეში ძალიან თავაზიანი იყო და უპატიოსნოს არაფერს იკადრებდა, . საქონელს ერთიანად ყიდდა და თუ დალაღს საკმაო მოგება არა რჩებოდა, საკუთარი ჯიბიდან წაუმატებდა ხოლ-

მე. მე თვითონ მინახავს, რომ გირვანქიდან ხუთი შილინგი მი-
უცია!

- ოცდახუთი პროცენტი? - გაიოცა ოუენმა, - მეტისმეტია, მე-
ტისმეტი!

- მართალი სერ, მაგრამ გარწმუნებთ, რომ დაუნანებლად აძ-
ლევდა, განსაკუთრებით, თუ დალალი ღარიბი ვაცი იყო. მერე
საქონლით ვაჭრობაში საქმე ცუდად წავიდა, რობერტი კი ვვლავ
ძველებურად იქცეოდა, თანაც დიდ რისკზე მიდიოდა ხოლმე. მე
არაფერში მიმიძღვის ბრალი და არც თვითონ მადანაშაულებს.
პირიქით, ყოველთვის ვუჩიჩინებდი, გონს მოდი, ჭკვიანურად
ივაჭრე-მეთეი. მევალებმა, მეზობელმა მდიდარმა მემამულეებ-
მა, პირი შეკრეს და მთელი ჯოგი და მიწა წაართვეს ვალში. ცო-
ლიც გამოუგდეს სახლიდან და ამბობენ კიდევ გაუუპატიურესო;
მერე მთაში გაქცეულა, სანყალი! აი, ასეთი სამარცხვინო საქმე
ჩაიღინეს! მე მშვიდობიანი ვაცი ვარ, თანაც ქალაქის საბჭოს წევ-
რი, მაგრამ ჩემს მოახლეს, მატის, რომ მოქცეოდნენ ასე, მეც
ამოვიღებდი ქარქაშიდან მამაჩემის, პატივცემული უსტაბაშის
ხმალს, იმ ხმალს, რომლითაც ბოტუელის ხიდთან იბრძოდა.
დაბრუნდა რობი შინ და ეზო-მიდამო გაპარტახებული დახვდა.
ღმერთო! სულ ცოტა ხნის წინათ სავსე ოჯახი დატოვა, ახლა კი
ყველაფერი მინასთან იყო გასწორებული! რობიმ ირგვლივ მი-
მოიხედა, ცოტა შეიცადა და როცა დარწმუნდა, რომ შემწე და
დამხმარე არსაიდან მოდიოდა, ქუდი შუბლზე ჩამოიფხატა, ქა-
მარში ორლესული გაირჭო, ტყეში გაიჭრა და საკუთარი კანონი
და სამართალი გაიჩინა.

ამ ვეთილ მოქალაქეს ხმა უკანკალებდა. თითქოს არაფრად
აგდებდა თავის ნათესავის გვარიშვილობას, მაგრამ გულში ეამა-
ყებოდა, რომ რობერტ კემპბელის ახლო ნათესავი იყო. წელან,
როცა რობერტის წარმატებაზე ლაპარაკობდა, თვალეები უბრწყი-
ნავდა, ახლა კი ლამის ცრემლეები გადმოეყარა.

- და, ამ უბედურების შემდეგ, თქვენი ნათესავი გაბოროტდა და ყაჩაღობას მიჰყო ხელი, - დავამთავრე მე, როცა შევატყვე, რომ მისტერ ჯარვი აღარ აპირებდა დუმილის დარღვევას.

- არა, ასე არ დაცემულა, მაგრამ „შავი ხარკის“ აკრება დაიწყო ლენოკსიდან მენტეითამდე, არა, უფრო შორსაც წავიდა: თითქმის სტირლინგის ციხე-სიმაგრის მიდამოებს მისწვდა. ადრე ასე მაგრად არავის მოუკიდია ხელი ამ საქმისათვის...

- „შავი ხარკი?“ მე მაგ სიტყვის მნიშვნელობა არ ვიცი, - ვთქვი მე.

- იცით რა მოხდა? რობმა მალე შემოიკრიბა ირგვლივ „ლურჯბერეტიანები“. ეს არ გასძნელებია, რადგან მისი გვარი ძველთაგანვე შიშის ზარს სცემდა ყველას. მისი ნამდვილი გვარი მაკგრეგორია. დედაჩემიც მაგ გვარის ქალი იყო. მაკგრეგორები ძველთაგანვე ებრძოდნენ მეფეს, პარალამენტს, მგონი, ეკლესიასაც და ყოველთვის გაჰქონდათ თავისი. ძალიან ძველი და პატივცემული გვარია, მაგრამ ახლა საშინლად დევნიან და ავიწროვებენ. ჰოდა, რობმა მალე კარგა ბლომად თავგზიხელაღებული შემოიკრიბა ირგვლივ და განაცხადა, გული მტკივა, რომ მთებში ასეთი ყაჩაღობაა და მინდა ამას ბოლო მოვუღო. იგი კისრულობდა ლერდებისა და ფერმერების ქონების დაცვას. ერთი ცხვარიც რომ მოეტაცათ, ან უნდა დაებრუნებინა ან იმისი საფასური დაებრუნებინა პატრონისათვის, ოღონდ ამისთვის ასი გირვანქა შემოსავლიდან ოთხი გირვანქა უნდა მიეცათ. ეს, ვაცმა რომ თქვას არც ისე ბევრია, თანაც რობი ყოველთვის პატიოსნად ასრულებს თავის ვალდებულებას. ვერავინ იტყვის, რომ სიტყვა გაეტეხოს.

- დაზღვევის თავისებური წესი გამოუგონია, - შენიშნა მისტერ ოუენმა.

- ეს წესი, რალა თქმა უნდა, საფუძველშივე ეწინააღმდეგება ჩვენს კანონებს, - განაგრძო ჯარვიმ, - „შავი ხარკის“ აკრეფა სასტიკად ისჯება მართლმსაჯულების მიერ, მაგრამ, როცა კანონს არ

ძალუძს დაიცვას ჩემი ბელელი და გომური, რატომ არ უნდა ვი-
სარგებლო შოტლანდიელი ჯენტლმენის დახმარებით? ვითომ
ვის რა უშავდება?

- კი მაგრამ, მისტერ ჯარვი, ნუთუ ლერდები და ფერმერები
ყოველთვის ნებაყოფლობით დებენ ასეთ ხელშეკრულებას, ყო-
ველთვის ნებაყოფლობით იხდიან მაგ რაღაც „შავ ხარკს“? ვინც
უარს ამბობს, რა ემართება?

- ოჰო, მგონი, გამომიჭირე, ყმანვილო, - სიცილით მითხრა
ოლდერმენმა და კვდა მოიქეცა, - მე ყველა ჩემს მეგობარს ვურ-
ჩევ ხოლმე, რობისთან იქონიოს საქმე, თორემ, რაც არ უნდა
ფრთხილად მოიქცნენ, ადრე თუ არა, ზამთრის გრძელ ღამეებში
მანც ვერ გადაურჩებიან გაძარცვას. გრეჰემისა და კოჰუნის ზო-
გიერთმა ლორდმა არ ინდომა რობის დახმარება და იცით, რა
დაემართათ? - პირველსავე ზამთარს პირნმინდად დაუცარიე-
ლეს ბელლები. ამიტომ ახალ ყველა ცდილობს, რობის მიანდოს
თავის ქონების დაცვა. თუ ნებით დათანხმდები, არ გაზარალებს,
თუ არა და, ვაი შენი ბრალი, მაგის გადაკიდებას ეშმაკის გადაკი-
დება სჯობია!

- ალბათ მართლმსაჯულებას არ მოსწონს, რომ ასეთი წარმა-
ტება მოიპოვა დაბლვევის საქმეში, არა?

- არ მოსწონს, ცოტაა! არ მოსწონს კი არა, თუ ხელში ჩაიგ-
დეს, მაშინვე ჩამოახრჩობენ. მაგრამ რობის მფარველებიცა ჰყავს
დიდვაცებში. შემოძლია დაგისახელოთ ერთი დიდგვაროვანი
ოჯახი, რომელიც ყოველნაირად ეხმარება მეორე ოჯახის ჯიბ-
რზე. რა თქმა უნდა, ისე ეხმარება, რომ თავი არ გაილანძლოს.
თვითონ რობიც საოცრად ფრთხილი და საზრიანია. იმდენი სა-
ოცარი რამ ჩაუდენია, რომ ერთი წიგნი არ ეყოფა ასანერად. რო-
ბინ ჰუდისა[190] და უილიამ უოლესის[191] ამბები მონაგონია!
რამდენი გმირობა ჩაუდენია, რამდენჯერ ციხიდან გამოქცეულა...
ზამთრის გრძელ ღამეებში ზღაპრებივით ჰყვებიან რობის თავგა-

დასავლებს. უცნაური რამ მემართება ხოლმე, ბატონებო, როცა რობის თავგადასავალს ვისმენ: აი, მე თითქოს მშვიდი ვაცი ვარ, მამაჩემიც, უსტაბაშიც, ასეთი იყო - არავისთან არ უჩხუბია, მართო ქალაქის საბჭოში თუ შეეკამათებოდა ვინმეს, ჰოდა, უცნაური რამ მემართება: სისხლი ამიდუღდება ხოლმე რობის ამბების გაგონებაზე (მეც ხომ მთიელის სისხლი მიდის ძარღვებში) და ისეთ სიამოვნებას ვგრძნობ, თითქოს მეუბნებოდნენ, ამდენი და ამდენი სუფთა მოგება დაგრჩაო, ღმერთო შემინდე! ხომ ვიცი, რომ ყოველივე ეს ამაოებაა და თანაც ღვთიურ და ადამიანურ კანონებს ეწინააღმდეგება.

მე, უპირველეს ყოვლისა, ჩემი საქმე მაინტერესებდა და მორიდებულად ვკითხე მისტერ ჯარვის, მაინც, რას ფიქრობთ, როგორ დამეხმარება რობერტ კემპბელი-მეთქი. ოლდერმენმა ისე დაუნია ხმას, რომ ძლივსლა გვესმოდა მისი ნალაპარაკევი:

- მეგობრები ხართ და ამიტომ განდობთ ამ საიდუმლოს: მოგეხსენებათ, რომ ოთხმოცდაცხრა წლიდან, კილიკრანკის[192] ბრძოლიდან მოყოლებული, მთიელები თავს არ დასხმიან ბარს, მაგრამ იცით რა იყო ამის მიზეზი? ქრთამი, მისტერ ოუენ, ქრთამი, მისტერ ოსბალდისტონ! მეფე უილიამის ბრძანებით ბრედოლბენმა მთაში ოცი ათასი სტერლინგი აიტანა. ეს ფული ხალხისთვის უნდა დაერიგებინა, მაგრამ უმეტესი ნაწილი თვითონ მოხუცმა გრაფმა ჩაიჭიბა. ამის მერე ან განსვენებულმა დედოფალმა ანამ დაიწყო მთიელების მოქრთამვა - ბელადებს ფულს აძლევდა, რომ თავიანთი ვაჟკაცები არ დაემშიათ - მუშაობა, როგორც გითხარით, არ უყვარდათ და რაღაც სახსარი ხომ უნდა ჰქონოდათ? ამის მერე მთაში სიმშვიდემ დაისადგურა. მთიელები კანტიკუნტადლა ჩამოდიოდნენ ბარში საქონლის მოსაპარავად. ხანდახან ერთმანეთს დაერეოდნენ, მაგრამ ეს რა ჩვენი საქმეა! ერთ სიტყვით საქმე მოგვარდა, მაგრამ ამ ბოლო ხანებში, რაც ტახტზე ჯორჯი ავიდა (მაინც უნდა დავაყოლო, ღმერთმა დალო-

ცოს-მეთქი), ისევ აირია ყველაფერი: მთიელებს ფულს აღარ ურიგებენ და ბელადებმა აღარ იციან, როგორ შეინახონ თავიანთი კლანის ხალხი. ბელადს მთელს ქვემო შოტლანდიაში, ფულს არავინ ასესხებს. ბელადს, რომელსაც შეუძლია ათასი-ათასხუთასი შეიარაღებული მთიელი გამიყვანოს, ორმოცდაათ გირვანქას არავინ ენდობა გლაზგოში. ასე აღარ შეიძლება გაგრძელდეს, მთიელები ნამდვილად აჯანყდებიან და სტიუარტების დინასტიის აღდგენას მოითხოვენ, აუცილებლად აჯანყდებიან! მთიელები ზვავით დაეცემიან ქვემო შოტლანდიას და მონტროზის[193] დროინდელი საშინელი ამბები გამეორდება. ჩემი სიტყვა დაიმახსოვრეთ, ერთი წელიც არ გაივლის, რომ ქვეყანა აჯანყების ცეცხლში გაეხვევა.

- მე მაინც არ მესმის, რა კავშირი აქვს მისტერ კემპბელს და მით უმეტეს, მამაჩემის საქმეს ამ აჯანყებასთან?

- რობს ხუთასი კაცის გამოყვანა შეუძლია, სერ, და მიტომ სხვებზე ნაკლებად არ ნატრობს აჯანყების დაწყებას., - ამიხსნა ოლდერმენმა, - მისი ხელობა ომის დროს უფრო მომგებიანია. გარდა მისა, მე ეჭვი მაქვს, რომ რობი შუამავალია: მთიანი მხარის ბელადებსა და ზოგიერთ ჩრდილო ინგლისელ ჯენტლმენს მოლაპარაკება აქვთ გამართული და სწორედ რობი უნდა იყოს მთიელთა მოციქული. ყველამ გაიგო, რომ რობი და ერთ-ერთი ახალგაზრდა ოსბალდისტონი ჩიგივოტის მთებში დახვდნენ იმ დოცლაპია მორისს და სახელმწიფო ფულები წაართვეს. არ დაგიმაღავთ, რომ ხმები დადიოდა, თითქოს თქვენ მონაწილეობდით ამ ძარცვაში და ძალიან მეწყინა, მამათქვენის შვილი ასეთ საქმეებში არ უნდა ერეოდეს! არა, თავს ნუ იმართლებთ. ვიცი, რომ ვცდებოდე, მაგრამ მსახიობისაგან ყველაფერია მოსალოდნელი, მე კი მაშინ მსახიობი მეგონეთ. ახლა ეჭვიც არ მეპარება, რომ ან რეჰლი იყო, ან თქვენი რომელიმე ბიძაშვილი, ისინი ხომ ერთ თარგზე არიან გამოჭრილნი, - ყველანი თავგამოდებული

იაკობისტები და ჰაპისტები არიან და სახელმწიფო ფული და საბუთები თავიანთ საკუთრებად მიაჩნიათ. იმ მხდალ პირუტყვს, მორისს კი დღემდე ვერ გაუბედია თქმა, რომ ჩემოდანი რობმა წაართვა. იქნებ სწორადაც იქცევა. თქვენი მებაჟეები და ინსპექტორები ჭირის დღესავით ეჭავრება ხალხს და რობი სულ ადვილად გააქრობს მაგ მორისს. იცის, რომ მისი დეპარტამენტი, თუ არ ვიცი, როგორ ეძახით, ვერაფერს უშველის.

- მე დიდი ხანია ვეჭვობ, რომ სწორედ მაგათ ჩაიღინეს ეგ საქმე, მაგრამ მამაჩემს რა ეშველება?

- თქვენ ეჭვობთ? მე კი დარწმუნებული ვარ! მე ვიცნობ ხალხს, რომელთაც საკუთარი თვალთ ნახეს მორისის ნაქონი საბუთები. სად და როგორ ვერ გეტყვით. მამათქვენის საქმეზე კი, აი რა მინდა გითხრათ: ამ ბოლო ოცი წლის მანძილზე მთიანი მხარის ზოგიერთი ბელადი და ლერდი მიხვდა, თუ რა არის მათთვის სასარგებლო და რა არა. მამათქვენი და სხვა საქმოსნები გლენ-დისერიზში, გლენ-ვისხოში, თობერ-ნაკიპოხში და სხვა ადგილებში დიდძალ ხე-ტყეს ყიდულობდნენ. თქვენი ფირმა ტყის პატრონებს თამასუქებით უსწორებდა ანგარიშს. თამასუქები დიდ თანხაზე იყო გაცემული, მაგრამ, რადგანაც „ოსბალდისტონ და ტრემამის“ ნდობა არასოდეს შელახულა... (მე პირში ვეუბნები ამას მისტერ ოუენს და ზურგს უკანაც გავიმეორებ, რომ ამ უკანასკნელ უბედურებამდე საქმიან სამყაროში ამაზე საპატივცემულო ფირმა არ არსებულა), ჰო, რადგანაც ამ ფირმას ყველა ენდობოდა, თამასუქებს უყოყმანოდ ანაღდებდნენ. ასე, რომ... ახლა ყველაფერი გასაგებია, არა?

უკუასუხე მთლად კარგად ვერ გავიგე თქვენი ნათქვამი-მეთქი.

- რატომ? - გაუკვირდა მისტერ ჯარვის, - თუ ლერდს თამასუქს აღარ გაუნაღდებენ გლაზგოელი ვაჭრების ვალს ვერ გადაიხდის. ისინი მთაში ავლენ და თავიანთ კუთვნილს მოითხოვენ; სულს ამოართმევენ სანამ თავიანთ ვალს არ მიიღებენ. მაშინ ხუთასი

კაცი, აქამდე მშვიდად რომ შემოსხდომოდა ლორდის სუფრას, ერთხმად დაიძვრება ბარისაკენ და როგორ გინდა, შეაჩერო? ასე რომ, თქვენი ფირმის გადატაკება დააჩქარებდა იმ აჯანყებას, რომელსაც კარგა ხანია ელიან შოტლანდიაში.

- მაშასადამე, თქვენი ვარაუდით, რეშლი ოსბალდისტონმა იმიტომ გააღატაკა მამაჩემი, რომ თამასუქების მფლობელები გაეღიზიანებინა და ამით აჯანყება დაეჩქარებინა? - ჩავვკითხე მისტერ ჯარვის, რადგან მისი მსჯელობა საკმაოდ უცნაურად მეჩვენა.

- რასაკვირველია, რაღა თქმა უნდა! ეს იყო რეშლის მთავარი მიზანი, მისტერ ოსბალდისტონ! თანაც ნაღდი ფული ჩაიგდო ხელში. მამათქვენისათვის ეს თანხა დიდი დანაკარგი არ არის, მთავარია ის ფასიანი ქალაქდება, ფულთან ერთად რომ გაიტაცა რეშლიმ, მაგრამ თვითონ მართო იმ ნაღდ ფულს გამოიყენებს. ფასიანი ქალაქდებით ჩიბუხს თუ მოუკიდებს, აბა, ვინ გაუნაღდებს! შეეცადა კი „მაკვიტისა და კომპანიის“ მესვეურებს შესთავაზა (ენდრუ უაილიმ მითხრა), მაგრამ ისინი ანკვსზე არ წამოეგნენ - ტკბილი სიტყვებითა და დაპირებებით მოიშორეს თავიდან. რეშლი ოსბალდისტონს შესანიშნავად იცნობენ გლაზგოში. შვიდასშვიდში აქ ტრიალებდა რომელიღაცა კათოლიკურ-იაკობისტურ საქმეზე, ვალები აიკიდა და გაქრა. ამის მერე ვინღა ენდობოდა. არა, ამ ქალაქდებს აქ ვერ გაასაღებს! იცის, რომ ეჭვს აიღებენ და ჰკითხავენ, როგორ იშოვეო. ამიტომ სადმე მთაში მიმალავს ერთიანად, ვინმე ყაჩაღს მიაბარებს შესანახად და ჩემი ბიძაშვილი რობი სულ ადვილად მოახერხებს ამ ქალაქდების ხელში ჩაგდებას.

- დაგვეხმარება კი, მისტერ ჯარვი? - დავეჭვდი მე, - ხომ თვითონვე ამბობთ, იაკობინელთა მომხრეა, იმათ საქმეებშია გარეულო და ნუთუ ჩემი ან თუნდაც სამართლიანობის გულისთვის დაუბრუნებს პატრონს გატაცებულ ქონებას? მაშინ ხომ ჩაეშლება

თავისი გეგმები? ახლა არა თქვით, თქვენი ფირმის გალატაკება აჯანყების დაწყებას დააჩქარებსო?

- ნამდვილად ვერაფერს გეტყვით: ისე, არც ძალიან დიდი მომხრე უნდა იყოს აჯანყებისა. მეთაურები დიდად არ ენდობიან და არც თვითონ უხსნის გულს. ამასთან, არგაილის ოჯახის მეგობარია, ჰერცოგს კი ამ მთავრობის მხარე უჭირავს. ვალები რომ არა ჰქონდეს და კანონს არ ემალებოდეს, ბრედლოლბენს კი არა, არგაილს მიემხრობოდა, რადგან ბრედლოლბენები და მაკგრეგორები ძველთაგანვე მტრობენ ერთმანეთს. რობი ჰენრი უინდივით მოიქცევა, „საკუთარი თავისთვის“[194] იომებს - იმის მხარეს დაიჭერს, სადაც მეტ სარგებლობას დაინახავს. თუ სარფა ექნება, ეშმაკსაც გაიხდის ამხანაგად. ისეთ დღეშია სანყალი, რომ ვერ გამტყუნებ. ერთი რამ კი ძალიან შეგიშლით ხელს: რობს ავი ფაშატი უბია საჭინბოში!

- რა ფაშატი? - გავიოცე მე.

- ცოლზე გეუბნები, ადამიანო, ცოლზე! საშიში ქალია! ქვემო შოტლანდიიდან ასული წესიერი ვაცი თვალთ არ დაენახება, ინგლისელები კი მითუმეტეს, ჭირივით ეჭავრება. იგი მეფე ჯეიმზის დაბრუნებაზე ოცნებობს და ყოველნაირად ეცდება, აჯანყება არ ჩაიშალოს.

- რა უცნაურია, რომ ლონდონელი ვაჭრების საქმეები ასეთ გავლენას ახდენს რევოლუციებსა და აჯანყებებზე.

- სულაც არ არის უცნაური, სულაც არა, - შემეკამათა მისტერ ჯარვი, - თქვენა გგონიათ ვერე, ზამთრის გრძელ ღამეებში წიგნებით ვირთობ ხოლმე თავს და ერთხელ ბეკერის „ქრონიკებში“ ამოვიკითხე, რომ ლონდონელმა ვაჭრებმა თავიანთი ფული მოსთხოვეს გენუის ბანკს. ბანკი იძულებული გახდა დაებრუნებინა და ესპანეთის მეფეს ველარ ასესხა შეპირებული თანხა. ამან კი მთელი ერთი წლით დააგვიანა „დიდი არმადის[195]“ ზღვაში გასვლა. ამაზე რას იტყვით?

- ვიტყვი, რომ ვაჭრებმა დაუფასებელი სამსახური გაუწიეს თავის ქვეყანას და ეს ისტორიაში უნდა ჩაინეროს.

- მეც ვგრე ვფიქრობ, ვაჭრები ახლაც დიდ სამსახურს გაუწევნ სახელმწიფოსა და ვაცობრიობას თუ მთიანეთის რამდენიმე პატიოსან ჯენტლმენს დაეხმარებიან. იმათ ვალის გადახდის თავი არა აქვთ, რაც ისესხეს, დიდი ხანია დახარჯეს და ახლა რომ მოსთხოვო, თავის დამშეულ ხალხს ააჯანყებენ, კარზე მოგვიხტებიან და თავს შემოგვაკლავენ. ურიგო არც ის იქნება თუ ვაჭრები მამათქვენი საქმეს გამოასწორებენ და იმ ფულსაც დამიბრუნებენ, რომელიც „ოსბალდისტონ და ტრემშიდან“ მერგება. რატომ უნდა დავკარგო? შრომითა და გარჯით მაქვს ნაშოვნი. თუ ვინმეს შეუძლია ამის გაკეთება უკან არ უნდა დაიხიოს, სულ ერთია ვინ იქნება - დიდებული თუ ფეიქარი, ეს საქმე უნდა მოგვარდეს და ვინც მოაგვარებს დიდ მადლობას დაიმსახურებს სახელმწიფოსაგან.

- მე წინასწარ ვერ განვსაზღვრავ იმ პატივსა და დიდებას, რომელსაც ვერი მიაგებს ამ კეთილ ადამიანებს, მაგრამ ჩვენ კი დიდი მადლობელი ვიქნებოდით.

- ამ პატივისცემას ბალანსში შევიტანდით და, როგორც კი მისტერ ოსბალდისტონი დაბრუნდებოდა ჰოლანდიიდან მაშინვე გავანაღდებდით, - დასძინა მისტერ ოუენმა.

- ეჭვი არ მეპარება, ეჭვი არ მეპარება. იგი ფრიად ღირსეული ჯენტლმენია და ჩემთვის რომ დაეჯერებინა, დიდ საქმეებს დაატრიალებდა შოტლანდიაში. ასე რომ, ბატონებო, იქნებ მოვახერხოთ და ხელიდან გამოვგლიჯოთ ფილისტიმელებს[196] ის თამასუქები. კარგი პატრონის ხელში თუ მოხვდება, გემვლებათ, კარგი პატრონი კი თქვენა ხართ, მისტერ ოუენ. თქვენ გგონიათ, რომ არაფრის გამკეთებელი არ ვარ, მაგრამ მე მაინც გიპოვით გლაზგოში სამ ვაცს, ერთი მაგალითად, სანდი სტივენსონი იქნება, „სოვდაგართა ველზე“ რომ ვაჭრობს, მეორე - ჯონ პირი - კენ-

დღრიგზიდან, მესამეს ჯერ არ დავასახელებთ, აი, ეს სამნი არავითარ სხვა საწინდარს არ მოგთხოვენ, ისე მოგცემენ იმ ქალაქებში იმდენ თანხას, რომ თქვენმა ფირმამ ძველი ნდობა აღიდგინოს.

ოუენს თვალები გაუბრწყინდა, მაგრამ, ეტყობა, გაახსენდა, რომ თამასუქების ხელში ჩაგდება ადვილი საქმე არ იყო და ისევ დასევდიანდა.

- იმედს ნუ გადაიწყვეტთ. სერ! - გაამხნევა მისტერ ჯარვიმ, - მე უკვე შევები თქვენს საქმეს, უკან აღარ დავიხევ. ვინც ანი თქვა, ბანიც უნდა მიაყოლოს. მე ალი-კვალი მამაჩემი ვარ. ის ცხონებულ იც ასე იყო გადაყოლილი მეგობრებზე. ბევრი რომ აღარ გავაგრძელოთ, ხვალ ჩემს ბოტფორტებს ჩავიცვამ და მისტერ ფრენკთან ერთად დრაიმენმურის გზას დავადგები. რობი და იმის ცოლი ჩემს მეტს არავის გაუნევენ ხათრს. კარგის მეტი არაფერი გაახსენდებათ ჩემგან. მარტო წუხანდელი ამბავი რად ღირს! ერთ სიტყვა, რომ მეთქვა მორჩენილი იყო იმისი საქმე. ვინ იცის, იქნებ საბჭოში შეხლა-შემოხლა მომიხდეს ამ ამბავზე ოლდერემენ გრეჭემთან, მაკვიტთან და კიდევ ვიღაც-ვიღაცებთან. ადრეც წამოუძახებიათ, რობინის ნათესავი ხარო, მაგრამ კარგ პასუხს ვაძლევდი, ვეუბნებოდი, გამართლებას არ ვაპირებ, ყველამ იცის რომ ყაჩაღურ ხარკსა კრებს ლენოკსში და რამდენიმე კაცი შემოაკვდა, მაგრამ ზოგიერთ ჩემს ნაცნობს მაინც სჯობია პატიოსნებით-მეთქი. ძალიანაც კარგი, ასე რომ ვეუბნებოდი! მაში დავმდგარიყავი და მესმინა იმათი ლაყობისათვის? ყაჩაღია და თვითონ იმათ უთხრან. ახლა ყველა თავის თავზე აგებს პასუხს. სტიუარტების დრო წავიდა! მაშ გაგჩუმებულიყავი? რაღა შოტლანდიელი ვარ, თუ ხურდა შევარჩინე ვინმეს?

ვატყობდი ოლდერემენი თანდათან ეშხში შედიოდა და ძალიან მიხაროდა. ვეთილი კაცი იყო და ახლო მიიტანა გულთან ჩვენი საქმე. ისიც იცოდა, რომ თუ გავლატაკდებოდით, თვითონაც იზა-

რალეებდა. გარდა ამისა, კეთილი ფერიის როლიც ძალიან მოსწონდა. ამ გრძნობებმა თანდათან დასძლიეს და გადააწყვეტინეს თვითონვე გამომყოლოდა მამაჩემის ქალაქის საპოლიციალო განყოფილებაში.

მისტერ ჯარვის ნალაპარაკებიდან მივხვდი, რომ შოტლანდიელი ფაქტორების მადიებელი ადვილად შეეღებოდა მამაჩემის თამასუქებს, რადგან თვითონ არაფერში გამოადგებოდა. რაღა თქმა უნდა, ნათესავი უფრო დაარწმუნებდა, რომ ეს ქალაქები მისთვის არაფრის მაქნისი იყო. ამიტომ დიდი სიხარულით მივიღე მისტერ ჯარვის წინადადება, ხვალ დილასვე დავდგომოდი გზას. პატივცემულ ოლდერმენს უცებ არ გადაუწყვეტია ეს მოგზაურობა, ყველაფერი აწონ-დაწონა, ბარალი და მოგება გაითვალისწინა, მაგრამ, როცა გადაწყვეტილება მიიღო, აღარ დააყოვნა და მაშინვე უბრძანა მატის, სამგზავროდ გამამზადეო. მოახლეს ლაბადა და სამგზავრო ტანსაცმელი უნდა გაემზადებინა, წაღები ქონით გაეპოხა და სამზარეულოში, ცეცხლთან დაეღებებინა. მატისვე დაავალა, მეჭინიბეს უთხარი, ცხენს ქერი მისცესო. მერე ჩვენ მოგვიბრუნდა და გვითხრა, მისტერ ოუენ წამოსვლა აუცილებელი არ არის, ჯობია აქ დაგვიცადოს, თქვენ კი დილის ხუთ საათზე აქ იყავითო. გულითადად დავემშვიდობეთ ჩვენს ახალ მეგობარს და სასტუმროსაკენ გავსწიეთ. ოუენი ჩემს მეზობელ ოთახში დავაბინავე, ენდრუ ფერსერვისს ვუბრძანე, დილას მზად ყოფილიყო გასამგზავრებლად და დასაძინებლად მოვეწყვე. ვარგა ხანია ასეთ ხასიათზე არ ვყოფილვარ: ოლდერმენის ნალაპარაკებმა გული გადარჩენის იმედით გამისხივოსნა.

თავი XXVII

თვალსაწიერზე ხე რაა, მარტოხეც არსად როკავდა...
მწვანე მოეშთო ყავისფერს, მიწა ნახანძრალს მოჰგავდა...
აქ ჩიტი არსად ბუდობდა, სადმე მძლევარს თუ ნახავდით,
ვერც ტრედთა ხმას გაიგებდით, ვერც ფუტკრის ბუვილ-ღაღა-
დისს...

ვერსად ნახავდით ნაკადულს ბროლად ხევებში ჩაკლავნილს
ველებზე არსით ისმოდა წყაროთ საამო რაკრაკი...

„შიშხილის წინასწარმეტყველება“

შემოდგომის გრილი დილა იყო. ენდრუ ფერსერვისი და მე, როგორც მოლაპარაკებელი ვიყავით, მისტერ ჯარვის სახლთან შევხვდით ერთმანეთს. მისტერ ჯარვი სასტუმროს მახლობლად ცხოვრობდა და მე ფეხით გადავდი, ენდრუმ კი ცხენები მოიყვანა. მე თვალი გადავახვე და გავოცდი, ის ცხენი, თორნკლიფის ფაშატის ჩამორთმევის შემდეგ რომ უწყალობა ენდრუს მისმა იურისკონსულტანტმა ტაუთჰოპმა, ბახი და ბეხრიკი იყო, მაგრამ ენდრუს მოეხერხებინა და კიდევ უარესში გადაეცვალა. ახალი „ტაიჭი“ სამ ფეხზე დადიოდა, მეოთხეს ჰაერში მოაკონწიალებდა.

- რამ მოგაყვანინა ეს სულთმობრძავი? - გავუბრაზდი ენდრუს,
- ის ცხენი რა უყავი, რომლითაც გლაზგოში ჩამოხვედი?

- გავყიდე, ბატონო! ჯაგლაგი იყო, რაში გამომადგებოდა. სულ დააცარიელა ლუკი ფლაიტერის საბძელი. რომ დამეტოვებინა, ვალში ჩაგვყრიდა. ამიტომ, სხვა ცხენი შევიძინე თქვენს ან-

გარიშში, ბატონო! სულ მეუბნებად მომცეს: თითო ფეხზე თითო გირვანჯა მიანგარიშეს - სულ ოთხი გირვანჯა! შპატი[197] ჭირს, მაგრამ ფიქრი არ არის: ერთი-ორ მილს გაირბენს და გაუვლის. ისეთი სახელი აქვს, რომ ცუდი მორბენალი არ იქნება - ფიცხელი ტომი ჰქვია.

- ღმერთმანი, მანამ არ მოისვენებ, სანამ ვარგად არ შეგახურებ მათრახით! ახლავე წადი და სხვა ცხენი იშოვე, თორემ ძვირად დაგისვამ მაგ მაიმუნობას.

ენდრუს სულ არ შეშინებია. „ცხენი რომ დავაბრუნო, პირგასამტეხლო უნდა გადავიხადო, ერთი გინეა მაინც დაგვიჭდებაო“. ვიცოდი, რომ მატყუებდა, მაგრამ მზად ვიყავი ის ერთი გინეა დამეკარგა, ოღონდ დროზე გავმგზავრებუდიყავი. ამ დროს მისტერ ჯარვი გამოვიდა სახლიდან და საქმე სხვანაირად შეტრიალდა. ოლდერმენი ისე თბილად იყო ჩაცმული თითქოს ციმბირში მიდიოდა სამოგზაუროდ: ბოტფორტები და ლაბადა არ ეკმარა და პლედიც წამოესხა მხრებზე. ორმა მოახლემ ცხენი გამოიყვანა თავლიდან. ცხენს მათი მოუძღვოდა წინ. სანამ უნაგირზე „აბობლდებოდა“ (სპენსერის გამოთქმაა, მაგრამ მისტერ ჯარვის უფრო ესადაგება, ვიდრე მოხეტიალე რაინდებს), გვკითხა რაზე დაობთო. როცა ვამათის დედაარსს ჩანვდა, საშინლად გაუბრაზდა ჩემს პატიოსან მსახურს:

- თუ ახლავე არ დააბრუნებ, მაგ მკვდარ სამფეხას და ხეირიან ოთხფეხა ცხენს არ მოიყვან, ციხეში ჩაგსვამ და ნახევარ ჯამაგირსაც დავაქვითინებ. ეს რა საქციელია, მისტერ ოსბალდისტონმა ორივე დაგიქირავათ - შენცა და ცხენიც, ორი საქონლის ფული გადაიხადა, შე უნამუსო გაიძვერაავ! მოიცა, გზაში მოგივლი, შე არამზადავ, ერთი კიდევ გაგიბეღია რაიმე!

- დაჯარიმებით, ვერ დამაჯარიმებთ, - თამამად მიუგო ენდრუმ, - სულს იქით არაფერი გამაჩნია. უპერანგოს საკინძეს აწყვეტდნენო, ისეა თქვენი საქმე.

- ტყავს გაგაძრობენ, ტყავს, - დაემუქრა ოლდერმენი, - შენის-თანებისთვის მოგვივლია? აბა, გასწი!

ენდრუ იძულებული იყო, დამორჩილებოდა ბრძანებას, მაგრამ წასვლის წინ მაინც წაიბუზღუნა:

- ძალიან ბევრი ბატონი გამომიჩნდა, ძალიან ბევრი! დაბალი ღობე მნახეს!

ეტყობა ენდრუმ უდავიდარაბოდ დაიბრუნა თავისი მერანი, რადგან სულ რამდენიმე წუთში დაბრუნდა უკან. შემდგომშიც არასოდეს დაუჩივლია, საკუთარი ჭიბიდან გადავიხადე პირგასამტეხლო.

როგორც იქნა, დავიძარით, მაგრამ ქუჩის ბოლომდე არ ვიყავით მისული, რომ უკნიდან მისტერ ჯარვის მოახლეებმა დაგვიძახეს „შეჩერდით, მოგვიცადეთო!“ ჩვენც შევჩერდით და დაველოდეთ. მოახლეებმა მათი ყურადღებიანობის დამადასტურებელი საბუთები წარმოგვიდგინეს. ერთმა აბრეშუმის უზარმაზარი თავსაფარი მოიტანა (ამოდენა იალქანი ალბათ მისტერ ჯარვის ხომალდსაც არ ექნებოდა). მის მათი დაბეჭითებით სთხოვდა თავის ბატონს, თავსაფარი ყელზე მოიხვიეო. მისტერ ჯარვის ყელი თბილად ჰქონდა მობუდნული, მაგრამ მათის სიტყვა ძირს არ დააგდო. მეორე მოხელემ მხოლოდ სიტყვიერი საბუთი წარმოადგინა. მათი უთვლიდა, სინესტეს მოერიდეთო, წელი არ გაგიშეშდეთო (მოხელე, დანაბარებს რომ ეუბნებოდა, სიცილს ვერ იკავებდა).

- ოჰ, ოჰ! რა სულელი გოგოა! - ჩაილაპარაკა მისტერ ჯარვიმ და მერე მე მომიბრუნდა: - ხედავთ, რა ვეთილი გული აქვს! ახალგაზრდაა და მაინც როგორი ყურადღებიანია! არა, მათი ძალიან მზრუნველი გოგოა!

მოახლის ქებასა და ხობტას რომ მორჩა, ოლდერმენმა ცხენს დეზი დაჰკრა. ცოტა ხანში ქალაქს გავცდით და ჩრდილო-აღმოსავლეთისაკენ მიმავალ შარაგზას დავადექით. ძალიან არა ვჩქარობდით, წელი ჩორთით მივდიოდით და თან ვმუსაიფობდით,

ასე რომ შესაძლებლობა მქონდა, უფრო კარგად გამეცნო ჩემი ახალი მეგობარი. რა უფრო ახლოს ვეცნობოდი, მით უფრო მომწონდა. მისტერ ჯარვის, მამაჩემისა არ იყო, ამქვეყნად ყველზე მნიშვნელოვნად ვაჭრობა მიაჩნდა, მაგრამ სხვა დარგებსაც ათვისებდა. ნაკლიც საკმაოდ ჰქონდა: უცნაური და ახირებული კაცი გახლდათ, მდაბიური ქცევა და სიტყვა-პასუხი ჰქონდა, პატივმოყვარეობა და ყოყოჩობა არ აკლდა, თუმცა, როცა შეაქებდნენ, საკმაოდ დაირცხვენდა ხოლმე. ერთი სიტყვით, აკლდა ყველა ის თვისება, როსაც განათლება იძლევა, მაგრამ, მიუხედავად ამისა, იგრძნობოდა, რომ მახვილი გონებისა და დაკვირვებული თვალის პატრონი იყო. ყოველივე ამასთან ერთად ადგილობრივი ძეგლების შესანიშნავი მცოდნე გამოდგა და გზაში ათასნაირ თქმულებას, ლეგენდასა თუ ნამდვილ ამბავს მიყვებოდა. თავისი ქვეყნის ისტორია კარგად იცოდა, მახვილი თვალით მომავალშიც იჭვრიტებოდა და განათლებული მამულიშვილის გონებით გრძნობდა, თუ რომელი კვირტი გაიფურჩქნებოდა. ერთი რამ ძალზე მესიამოვნა: მისტერ ჯარვი ნამდვილი პატრიოტი იყო - ყოველნაირად აქებდა და აღიღებდა თავის შოტლანდიას, მაგრამ მეზობელ სამეფოსაც პატივს სცემდა. ერთხელ, ენდრუ ფერსერვის შეეცადა ინგლისი-შოტლანდიის შეერთების დამღუპველი შედეგებისათვის გადაებრალეზინა ის ამბავი, რომ მის ცხენს ნალი ასძვრა. მისტერ ჯარვი ისედაც ვერ იტანდა ჩემს მსახურს. ახლა კი, მით უმეტეს, მიზეზი რომ უშოვა, მისდგა და მაგრად შეახურა.

- ენას მოუკვლით, სერ, ენას! აი, სწორედ შენისთანა ენანადებულები თესავენ შუღლსა და მტრობას მეზობლებში. ვითომ რა დაგვიშავა ამ შეერთებამ, უკეთესი რა გვინდოდა, მაგრამ კაცის გული გაუმაძღარია. რა ამბავი ატყდა შეერთებისას გლაზგოში! ხალხი აღელდა, ხან ერთგან შეიყრიდნენ თავს, ხან მეორეგან, წუნუნებდნენ, დრტვინავდნენ... არ ვიცი, რა უნდოდათ?

წყალდიდობა ტყეს აჩანაგებს, მაგრამ სოფელში ჭეშა ჩამოაქვს. არც ეგრე იყო საქმე, გაგონილს ნანახი სჭობია. მე თუ მკითხავთ, ტყეს სოფელი მირჩევნია და მუდამ ვამბობ, დე, გლაზგო აყვავდეს-მეთქი. ტყუილად ვი არ არის ეს სიტყვები ამოჭრილი გლაზგოს გერბზე. ამ სიტყვებს ჩაკვირვება უნდა, ჯერ კიდევ მაშინ ამოკვეთეს, როცა წმინდა მუნგო ქაშაყებს იჭერდა კლაიდში და ამით გლაზგოს აყვავებას უწყობდა ხელს. ახლა ვი შაქრითა და თამბაქოთი ვვაჭრობთ და, აბა, მითხარით, ამაზე მომგებიან საქმეს მოვკიდებივართ ოდესმე? ჯერ ამაზე მიპასუხონ და მერე ლანძღონ და თათხონ ეს ხელშეკრულება. ინგლისს რომ არ შევერთებოდით, დასავლეთთანაც ვერ ვივაჭრებდით!

ამ დასაბუთებულმა პასუხმა სულაც არ შეაცვლევინა ენდრუ ფერსერვისს წინანდელი აზრი. იგი კიდევ კარგა ხანს ბუზღუნებდა, აქაო და რა წესია, შოტლანდიას ინგლისი უწერდეს კანონებსო. მე მთელი შოტლანდიის ქაშაყსა და თამბაქოში არ გავცვლი საკუთარ პარლამენტს და არც გვირგვინს, სკიპტრასა და მონს მეგს[198] გავუგზავნიდი გაუმძღარ ინგლისელებს შესანახადო. ერთი სერ უილიამ უოლესი ან მოხუცი დევი ლენდსეი წამოაყენა საფლავიდან და ნახავდით, რას იტყოდნენ ამ შეერთებაზე და რა დღეს დააყრიდნენ ამის მომაგონებსო.

აი, ასეთი საუბრით მივდიოდით მთიანი შოტლანდიისაკენ. ორიოდე მილით რომ გავცდით გლაზგოს, გზა გაფართოვდა და მიდამო თანდათან უდაბური და მოსაწყენი გახდა. ირგვლივ, სადამდეც ვი თვალი გასწვდებოდა, ან მოშიშვლებული და დაჭაობებული ადგილები მოჩანდა ან პატარ-პატარა ტორფის გორაკები. ამ შავი გორაკების გადალახვას კლდეებზე ცოცვა ჯობდა. არც ხე იყო სადმე, არც ბუჩქნარი, რომ მოგზაურს თვალი დაესვენებინა. მხოლოდ აქა-იქ გვხვდებოდა ერთკას ბუჩქები, მაგრამ ისეთი გასაცოდავებელი, რომ შეხედვაც არ მოგინდებოდა. ამ უდაბნოში სიცოცხლეც ჩამკვდარიყო. მხოლოდ ერთი-ორჯერ შემოგ-

ვხვდა ცხვრის პატარა ფარა. ცხვრებიც უცნაური გვეჩვენა - ზოგი შავი იყო, ზოგი მოცისფრო, ზოგს ნარინჯისფერი გადაჰკრავდა, თავი და ფეხები კი წაბლისფერი ჰქონდათ. ჩიტებიც იშვიათად გადაგვიფრენდნენ ხოლმე თავზე და არც არის გასაკვირი: რა მოაცდევინებდათ ამ გახრიოკებულ მხარეში? ცხენი არ უნდოდათ და ურემი - შეკრავდნენ კამარას და სხვა მხარეს მიეშურებოდნენ! ირგვლივ მხოლოდ ლეჰვინგებისა და კრონშნეჰების წინინი ისმოდა (ლეჰვინგს პრანიას ეძახდნენ ჩემი თანამგზავრები, კრონშნეჰს კი ჩიბუხას).

თუმცა, სადილზე, რომელსაც ერთ საცოდავ დუქანში გვახელით, დავრწმუნდით, რომ მართო ეს წინინა ჩიტები არა ყოფილან იქაური ჭაობების ბინადარი. მედუქნის ცოლმა გვითხრა, ქმარმა მთაში გაიარა და ეს ფრინველები დახოცაო. ძალიანაც კარგი ქნა, რადგან უამისოდ, ცხვრის ყველსა, ბოლში გამოყვანილ ორაგულსა და ქერის პურზე უნდა გადაგვევლო - ახლა კი შემწვარი ნანადირევით ჩავიგემრიელეთ პირი. სადილზე უგემური ლუდი მოგვიტანეს, თანაც, ტოლჩაში ორი პენი გადაგვახდევინეს, არაყს კი წუნი არ დაედებოდა. სანამ ჭამა-სმას მოვათავებდით, ცხენებიც კარგად მიაძღნენ შვრიას. მერე ცოტა დავისვენეთ და კვლავ გზას გავუდექით.

კარგმა სადილმა მიშველა, თორემ ისედაც დარდიანი ვიყავი და ამ უდაბური მიდამოს მშერა მთლად ამივსებდა გულს სევდითა და ნაღველით. რაც წინ მივდიოდით, სულ უფრო ხრიოკი და მწირი ადგილები გვხვდებოდა. აქეთ მოსახლეობაც ნაკლები იყო - სულ უფრო და უფრო იშვიათად ვხვდებოდით მთიელთა საცოდავ ქოხებს და როცა ვრევას ბუჩქნარის შეფენილ დაუსრულებელ აღმართს შევუდექით, ადამიანის საცხოვრებელი ყოველგვარი ნიშან-წყალი გაქრა. თვალს მხოლოდ ჩრდილო-დასავლეთისაკენ გადაჭიმული ქლიავისფერი მთაგრეხილი ახარებდა. მთაგრეხილი გზის მარცხენა მხარეს იყო და, როცა მარცხნივ მივუხ-

ვევდით, პირდაპირ მოჩანდა. იმის უკან სხვა ქვეყანა მეგულებოდა, ასეთივე ველური და პირველყოფილი, მაგრამ უფრო ცოცხალი და ხალისიანი. მარჯვნივ სულ ერთფეროვანი გორაკები იყო, მარცხნივ კი არც ერთ მთა არა ჰგავდა მეორეს. თვალმოუშორებლად ვუმზერდი ამ მკაცრ, პირქუშ და მიანც მიმზიდველ ალპურ მთებს და დაუძლეველი სურვილი მეუფლებოდა, რადაც არ უნდა დამჯდომოდა, ძირისძირობამდი გამომეკვლია აქაურობა, ალბათ ხანგრძლივი შტილით განამებული მებღვაურიც ასევე ნატრობს, ნეტავი ქარიშხალი ამოვარდეს, რომ ცოტა გული გამიხალისდესო. ყოველ წუთში ვეკითხებოდი ჩემს თანამგზავრს, მისტერ ჯარვის ამ შესანიშნავი მთების სახელებს, მაგრამ იმანაც არ იცოდა (ან იცოდა და არ მეუბნებოდა).

- ამათ უბრალოდ შოტლანდიის მთებს უხმობენ, - მომიგებდა ხოლმე ოლდერმენი, - ჯერ ბევრ მაგისტანა მთებს ნახავთ და ბევრ ამბებს მოისმენდით, სანამ გლაზგოს ბაზარში დაბრუნდებით. მე მაგათი დანახვაც არ მინდა, შევხედავ თუ არა ტანში გამცრის ხოლმე. შიშით კი არა, არ იფიქროთ, მეშინოდეს - არა, გული მეკუმშება დარდით, ამ მთების მცხოვრებლებს რომ გავიხსენებ, საწყალ, უბირ, მშიერსა და ტიტველ ხალხს. თუმცა, მოდით ნუ ვილაპარაკებთ ამაზე, უკვე ახლოს ვართ საზღვართან და სტუმარმა მასპინძელი არ უნდა გაკილოს. ჩემი ნაცნობებიდან ბევრი ვერ გაბედავდა აქეთ წამოსვლას და თუ წამოვიდოდა, წინასწარ ანდერძს შეადგენდა. მათი არც კი მიშვებდა, აღრიალდა კიდევ სულელი გოგო. თუმცა ქალის ტირილი რა სახსენებელია, გულით ჰკიდიათ ცრემლი.

შემდეგ შევეცადე, იმ ვაცზე ჩამომეგდო საუბარი, რომლის სანახავადაც მივდიოდით, მაგრამ მისტერ ჯარვი სულ დამუნჯდა. მე მგონი, ენდრუ ფერსერვისს უფროთხოდა. მსახური კვალში გვედგა და ყურები ისე ჰქონდა დაცქვეტილი, რომ არც ერთი სიტყვა არ გამოეპარებოდა. თანაც შემთხვევა რომ მიეცემოდა თავხედურად

გვერდოდა ლაპარაკში. ამიტომ, ერთხელ, როცა კემპებელზე ვკითხე რაღაც, მისტერ ჯარვიმ მაგრად დაუცაცხანა ენდრუს:

- ცოტა უკან იარეთ, სერ, მანძილი უნდა დაიჭიროთ! ისე მოინწვთ, თითქოს კისერზე უნდა მოაჭლეთ ჩემს ცხენს. ვაცმა თავისი ადგილი არ უნდა იცოდეს?! ახლა კი, მისტერ ოსბალდისტონ, როცა ეს ტუტუცი ველარ გაიგონებს ჩვენს ლაპარაკს, უნდა მოგახსენოთ, რომ უფლება გაქვთ, ყველანაირი კითხვა დამისვით, მაგრამ მეც უფლება მაქვს, არ გიპასუხოთ. კარგს ბევრს ვერაფერს გეტყვით სანყალ რობინზე. ცუდის თქმა კი არ მინდა: ჯერ ერთი ჩემი ნათესავია და ესეც არ იყოს, უკვე იმის ქვეყანას ვუახლოვდებით, აქ კი ტყესაც ყურები აქვს და კლდეცაც. მე გირჩევთ და დამიჯერეთ, რაც ნაკლებს ილაპარაკებთ რობინზე, უკეთესი იქნება. თუ გინდათ, რაიმე გეშველოთ, არავინ უნდა იცოდეს თქვენი გეზი და მიზანი. შეიძლება იმის მტრებს გადავანყდეთ - აქ იმას ბევრი მოშუღლე ჰყავს და როცა იქნება თავს წააცლიან. ხომ გაგიგიათ, ერთხელაც იქნება მელას საქათმეში დაათენდებაო.

- ეგრე ვიზამ, - მივუგე მე, - თქვენისთანა გამოცდილი ვაცის რჩევას ძირს როგორ დავაგდებ.

- მოიგებთ კიდევ, მისტერ ოსბალდისტონ, მოიგებთ კიდევ! მე კი ერთხელ ჩემებურად უნდა მოველაპარაკო ამ ენანაგდებულ უქნარას, იმიტომ, რომ სახლის ამბავი ბავშვებსა და სულელებს გააქვთ კარში. გამიგონე, ენდუ!.. რა გვარი ხარ? ჰო, ფერსერვისი?

ენდრუ გაბუტულიყო და არ შეეხმიანა.

- ენდრუ, შე არამზადავ! აქეთ! აქეთ!

- ეგრე ძაღლებს ეძახიან, - ჩაიბუზღუნა ენდრუმ, როცა მოგვიახლოვდა.

- ჰოდა სწორედ ძაღლის დღეში ჩაგაგდებ შე უქნარავ, თუ არ მომისმენ! ჩვენ უკვე მთიანეთში შევდგით ფეხი..

- ამას უთქვენოდაც ვხვდები.

- ხმა ჩაიწყვიტე, გაიძვერავ, და მომისმინე, რასაც გეუბნები!
ჩვენ უკვე მთიან მხარეში ვართ...

- ეგ ერთხელ უკვე მითხარით, - კვლავ შეანწყვეტინა ენდრუმ.

- ენა ჩაიგდევ მუცელში, თორემ თავს გაგიხეთქავ, - გაცეცხლდა ოლდერმენი და უნაგირზე წამოიწია.

შევატყვე, რომ ენდრუს საქმე ცუდად წაუვიდოდა და მკაცრად ვუბრძანე, ხმას ნუ იღებ-მეთქი.

- ჩუმად ვიქნები. მე ყოველთვის ვასრულებ თქვენს სამართლიან ბრძანებას და ახლაც ხმას არ ამოვიღებ. სანყალი დედაჩემი სულ მარიგებდა:

ნუ განასხვავებ გულქვას გულიანს,
მას მსახურებდე, ვისაც ფული აქვს!

ასე რომ, თუ გინდათ დაღამებამდე ილაპარაკეთ, მე რა შენაღვლება?

მისტერ ჯარვიმ ჰაუზით ისარგებლა და დამოძღვრა დაიწყო:

- აი, რას გეტყვით, სერ! მარტო შენზე რომ იყოს ლაპარაკი, თავს არ შევიწუხებდი. შენი ტყავი გახვრეტილ ფართინგად არ ღირს, მაგრამ თუ ჩემს ნათქვამს არ შეისმენ, სამივენი წავაგებთ თავს. იმ ფუნდუკში, სადაც ამაღამ უნდა გავჩერდეთ, ათასნაირი ჯურის ხალხი ათევს ღამეს - ყველა კლანისა და ტომის მთიელში მოგვიხდება ყოფნა, ქვემო შოტლანდიელებიც იქნებიან და, როცა კაცს თავში ვისკი შეუჭდება, ბიბლიას გვერდზე გადააგდებს და ხანჯალს დაუნყებს წვალებას. ჰოდა ფრთხილად იყავი, სხვის საქმეში ცხვირი არ წაყო და არც ეგ გრძელი ენა ატარტალო! უჩუმრად ეგდე, დაე, ყველა მამლაყინნამ თავისი ანგარიში თვითონ გაასწოროს!

- უჰ, როგორ მჭირდებოდა ეგ დარიგება! - დაიჭყანა ენდრუ. - თითქოს პირველად ვნახულობდე მთიელებს და არ ვიცოდე,

როგორ მოვიქცე! ჩემზე კარგად ვინ შეეწყობა დონალდს[199]?
მე იმათთან მივაჭრია, მისვია, მიჭამია...

- გიჩხუბია როდისმე? - ჰკითხა მისტერ ჯარვიმ.

- არა, ჩხუბს ყოველთვის ვერიდებოდი. აბა რას ემგვანებოდა, რომ თავისი საქმის ოსტატს, თითქმის სწავლულს, მაგნიირ გაღლეთილებისათვის გაეყადრებინა თავი. ეგენი ხომ ლათინურად კი არა, თავიანთ უბრალო ენაზეც ვერ გეტყვიან რომელიმე ბალახის ან მცენარის სახელს.

- მაშინ, თუ გინდა, რომ პირში ენა შეგრჩეს და თავზე ყურები (ისე კი დიდხანს ვერც ერთს ვერ შეინარჩუნებ, ისეთი მეტიჩარა გაქვს ორივე), გირჩევ, კლახანში სიტყვა არ დაძრა ზედმეტი; არც ავი თქვა და არც კარგი. და, რაც მთავარია, სახელი არ დაგვიძახო. არავინ უნდა იცოდეს, რომ მე ოლდერმენი მისტერ ნიკოლ ჯარვი ვარ, მარილის ბაზრის სოვდაგარი, პატივცემული უსტაბაშის ნიკოლ ჯარვის შვილი, მთელ ქალაქში ცნობილი ვაცი, ეს კი მისტერ ფრენ ოსბალდისტონი, ლონდონის სავაჭრო სახლის „ოსბალდისტონ და ტრემამის“. - მთავარი მეპაიისა და ხელმძღვანელის შვილი.

- კმარა, კმარა, - შეაჩერა ენდრუმ, - ნულარ გააგრძელებთ! სწორედ დავდგები და სულ თქვენზე ვილაპარაკებ. ვითომ უფრო მნიშვნელოვანი სალაპარაკო დაილია ქვეყანაზე!

- უფრო მნიშვნელოვანი? ყველაზე უფრო იმისი მეშინია, რომ უფრო მნიშვნელოვან რამეზე არ ალაპარაკდე, შე კაჭკაჭო! შენ ზედმეტი სიტყვა არ უნდა ამოიღო, არც კარგი უნდა თქვა, არც ავი!

- თუ გინდათ სულ დამამუნჯოთ, ჩემი ჯამაგირი გამისტუმრეთ და უკან, გლაზგოში დავბრუნდები, - განაწყენდა ენდრუ, - მე რა, ადამიანი არა ვარ, ლაპარაკის უფლება არა მაქვს? გამისწორდით და ისე წავალ, რომ უკან არ მოვიხედავ.

დავატყვე, რომ ენდრუ კვლავ ჯორზე აპირებდა შეჭლომას და ვუთხარი, თუ გინდა წადი, მაგრამ იცოდე, ნახევარ ფართინგსაც ვერ მიიღებ ჩემგან-მეთქი. მუქარა, რომელსაც რიტორები ხუმრობით „ქისაზე იერიშის მიტანას“ უწოდებენ, ყველაზე ჭრის და არც ამჯერად შეურცხვენია თავი: ენდრუმ, მისტერ ჯარვის სიტყვები რომ გავიმეორო, მაშინვე დამალა ეშვები და დამპირდი, რასაც მიბრძანებ, უსიტყვოდ შევასრულებო.

ამრიგად, ჩვენ პატარა ჯგუფში თანხმობა ჩამოვარდა და კვლავ გზას გავუდექით. აქამდე ექვსი-შვიდი ინგლისური მილი აღმართი ავიარეთ, ახლა მთის ძირში უნდა გაგვევლო ამდენივე მანძილი. ბუნება აქაც უსიცოცხლო და ერთფეროვანი იყო. იშვიათად თუ გამოჩნდებოდა ცისკიდურზე რომელიმე პირქუში მთის მწვერვალი. ჩვენ მუხლჩაუხრელად მივიწვედით წინ, მაგრამ, როცა ხრიოკი ველი ბინდში გაუჩინარდა, ფუნდუკამდე კიდევ სამ მილზე მეტი დაგვრჩა გასავლელი.

თავი XXVIII

ბარონ ბაკლივო! ბარონ ბაკლივო!
სულწინამდელილო, ეშმას საკბილოვ,
ხომ იცი, რისთვის უნდა გაგვილო?!
ვისთვის აგებდი ასეთ ქალაქსა,
ცხენს ვერ უშოვი სადაც ბალახსაც,
სადაც ვერ ნახავ ისეთ ალაგსა,
ლუკმა იშოვო ჩამოჯდე წამით.
სადაც არც ერთი არა დგას სკამი...

„შოტლანდიური ხალხური ლექსი ცუდ სასტუმროზე“

მშვენიერი ღამე იდგა. თავზე სავსე მთვარე დაგვნათოდა და იქაურობა ისეთი მოტიტვლებული და მოსაწყენი აღარ გვეჩვენებოდა. მთვარემ თითქოს ნაზი პირბადე გადაათარა მიდამოს, შექცითა და ჩრდილით დაიფარა მისი სიმახინჯე და თითქოს სილამაზე და მიმზიდველობაც კი შესძინა. პირბადე ჩამოფარებული ქალიც ხომ ყოველთვის ღამაში გვგონია.

ჩვენ კვლავ დაღმართი გვედო წინ. ფერდობზე შეფენილი ბუჩქნარი თანდათან თხელდებოდა. გზა ისე დამრეცი და დაკლავნილი გახდა, რომ ალბათ მალე მდინარეს ან ნაკადულს მივადგებოდით. მართლაც, ცოტა ხნის შემდეგ, წყლის ნაპირზე ვიდევით. იგი სულ არა ჰგავდა შოტლანდიურ ფშანებსა და ნაკადულებს, უფრო ჩემი მშობლიური მდინარეები მომაგონა. ვინრო და ღრმა იყო, თანაც მდოვრედ, უხმაუროდ მიედინებოდა. ორივე

მხარეს იმსიმაღლე მთები აღმართულიყო, რომ მთვარის შუქი ოდნავლა დანათოდა მდინარის ზედაპირს.

- აი, ეს გახლავთ ჩვენი ფორტი, - მითხრა ოლდერმენმა. შოტლანდიელები დიდად აფასებენ თავიანთ მდინარეებს და მისტერ ჯარვის კილოშიც კრძალვა და მოწინება გამოკრთა. კლაიდი, ტვიდი, ფორტი და სპეი ლამის გაღმერთებული ჰყავთ იქაურებს და თუ ვინმე აგდებით მოიხსენიებს, შეიძლება სისხლიც დაიღვაროს. მე არაფერს მიშავებს ასეთი პატრიოტიზმი, ამიტომ ფრიად სერიოზულად შევხვდი ამ ცნობას და ამით ძალზე გავახარე ჩემი უფროსი მეგობარი. თან ისეთი მოსაწყენი გზა გამოვიარე, რომ მართლა ძალიან მესიამოვნა ამ ლამაზი მიდამოს დანახვა. ჩემს ერთგულ მეაბჯრეს კი ცოტათი განსხვავებული შეხედულება ჰქონია ამ საკითხზე, რადგან ოლდერმენის აღტაცებულ შეძახილზე უგემურად ჩაიბუზღუნა:

- ჰმ, უფრო გამიხარდებოდა, რომ გეთქვათ, აი, ეს გახლავთ ჩვენი ფუნდუკიო.

ბნელოდა, მაგრამ მაინც შევნიშნე, რომ ფორტი, მართლაც იმსახურებდა ასეთ აღტაცებასა და პატივისცემას. ხეობის თავში ლამაზად მომრგვალებული, თხილისა და ცირცელის ბუჩქებით დაფარული, გორაკი მოჩანდა. ბუჩქნარის თავზე ჯუჯა მუხებს გავებარდლნათ ტოტები. აქა-იქ ბუჩქნარის განაპირას ვეება ბებერი ხეებიც შემორჩენილიყო. ხეებს ცისკენ ჰქონდათ აწვდილი ხმელი ტოტები. ტოტები ვერცხლისფრად ელავდა მთვარის შუქზე. გორაკი ალბათ მდინარის სათავეს იცავდა. ჩემი თანამგზავრის ნათქვამს თუ ვერწმუნებით, ამ თავმომრგვალებული, მწვანეში ჩაფლული ნორჩი ბუჩქნართა და ცადაწვდენილი ხეებით დამშვენებული გორაკის მიუდგომელ გამოქვაბულებში ალების სრა-სასახლეები ყოფილა გამართული. მისტერ ჯარვიმ ხმადაბლა თითქმის ჩურჩულით გადმომცა ეს ცნობა, თანაც ყოველი სიტყვის მერე იმეორებდა, მე ასეთი ზღაპრების არ მჯერა, მაგრამ აქაურები

ასე ამბობენო. ალები ჰაეროვანი არსებები არიან, რაღაც საშუალო ადამიანებსა და დემონებს შორის: ადამიანებს არა მტრობენ, მაგრამ ძალიან გამყოლი, ბრაზიანი და თავისებური ხასიათი აქვთ, კაცი უნდა მოერიდოს.

- ამ ალებს დუუნ-შის უნდა ეძახდნენ, - კვლავ ჩურჩულით მითხრა ოლდერმენმა, - დუუნ-ში. მშვიდობიან ხალხს უნდა ნიშნავდეს. ეშინიათ და იმიტომ ეძახიან ასე. ჩვენ დუუნ-ში ვუნოდით, მისტერ ოსბალდისტონ. ხომ გაგიგონიათ ნავში მჭდომი მენავეს არ უნდა ეჩხუბოსო.

ამ დროს წინ ქოხებიდან გამომკრთალი სინათლის სხივები გამოჩნდა და მისტერ ჯარვის გული მოეცა. მან ხმას აუწია და მითხრა:

- თუმცა კი, ეს ყველაფერი ეშმაკისა და ქაჯის მოგონილი ამბებია. მე სულ აღარ მეშინია, ასე პირდაპირ რომ ვამბობ, რადგან წინ ქრისტიანთა მოდგმის საცხოვრებლები მოჩანს - აი, იმ შუქს რომ ხედავთ, ის არის აბერფოილი.

მართალი გითხრა, ძალიან გამიხარდა, რომ კლახანი გამოჩნდა. მარტო იმიტომ კი არა, რომ მისტერ ჯარვის შიში გაუქრა და შეეძლო თავისუფლად გამოეთქვა თავის აზრი დუუნ-შიზე ანუ ალებზე. უკვე ორმოცდაათი მილი გვქონდა გამოვლილი მთებში და ჩვენც ქანცამოცლილები ვიყავით და ცხენებიც. აბერფოილში კი, იმედი მქონდა, ღამესაც გავათევდით და დავნაყრდებოდი კიდევ.

მდინარეზე ქვის ძველი ვიწრო ხიდით გადავვდით. ხიდი ძალიან მაღალი იყო, რადგან თითქმის ფორტის სათავესთან ვიყავით და მდინარე ღრმად მიედინებოდა ხევში. მისტერ ჯარვიმ მითხრა, მთიანი მხარის სამხრეთში, ჩვეულებრივ, ფრუსის ფონით შედიანო. მდინარეს მხოლოდ ეს ერთი ფონი ჰქონდა და ისიც ყოველთვის არა ფონობდა - ხანდახან წყალი მოიმატებდა და მგზავრები მხოლოდ სტირლინგის ხიდის იმედად რჩებოდნენ,

რადგან ფრუსიდან ამ ხიდამდე მდინარე ძალიან ღრმა იყო. ასე რომ, ფორტი, სათავიდან მოყოლებული თითქმის ფრიტამდე, სადაც იგი ოკუანეს ერთვოდა, მტკიცე და საიმედო ზღუდე იყო როგორც ზემო, ასევე ქვემო შოტლანდიისათვის. შემდგომმა მოვლენებმა გამახსენა ოლდერმენის ნათქვამი „ფორტი ველური მთიელი ლაგამიაო“.

ხიდიდან ნახევარი მილიც გავიარეთ და ფუნდუკის ჭიშკარს მივადექით, სადაც ლამის გათევას ვაპირებდით. ფუნდუკი ერთი მინგრეულ-მონგრეული ქოხი გამოდგა. მგონი, ის ქოხი ჯობდა, სადაც შუადღისას ვისადილეთ, მაგრამ ვინრო ფანჯრებიდან სინათლე გამოდიოდა, ღრიჭოდ დარჩენილი კარიდან ლაპარაკის ხმა ისმოდა და კიდევ მრავალი რამ მიგვანიშნებდა, რომ ამ ქოხში სასმელ-საჭმელს და დასანოლს ვიშოვიდით (ერთიც ძალიან გვჭირდებოდა და მეორეც). ენდრუმ პირველმა შენიშნა, რომ ქოხის კართან ტირიფის გაქერქილი ტოტი იდო, უკან დაიხია, ჩვენც შეგვაჩერა და გვითხრა:

- ალბათ ვინმე ბელადი ან ლედია შიგნით, იუსკვებოთი[200] სკდება და არ უნდა, ვინმემ შეაწუხოს. პირდაპირ რომ შევიდეთ, ან თავს გაგვიხეთქავენ, ან ხანჯალს გაგვიყრიან მუცელში. აქ ასე ასწავლიან ბრდილობას.

მე მისტერ ჯარვის გადავხედე. მან თავი დააქნია და ჩურჩულით მითხრა, ზოგჯერ რეგვენსაც დაეჯერებაო. ცხენების ფეხის ხმა რომ გაიგონეს, ფუნდუკიდან და მეზობელი ქოხებიდან ბავშვები გამოცვივდნენ და თვალდაჭყეტილები შემოგვაცქერდნენ. არავინ მოგვსალმებია, არავის ჩამოურთმევია ცხენები; ყველა კითხვაზე მხოლოდ ერთი პასუხი გვესმოდა: „ჰა ნიელ სასენახ[201]“. მაგრამ ოლდერმენი გამოცდილი კაცი იყო და ადვილად იპოვა გამოსავალი.

- ბობი[202] რომ მოგცე, მაშინ გეცოდინება ინგლისური? -
ჰკითხა მან ერთ-ერთ, დაგლეჯილ პლედში გამობხვეულ, ათიოდე
წლის ონავარს.

- მაშ! როგორ არ მეცოდინება! - მიუგო ბიჭმა საკმაოდ კარგი
ინგლისურით.

- მაშინ წადი და დედაშენს უთხარი, ორი სასენახელი ჯენ-
ტლმენია მოსული და შენთან ლაპარაკი უნდათ-თქო.

ამ დროს თვითონ დიასახლისიც გამოჩნდა. ხელში ანთებული
კვარი ეჭირა, ტორფიანი ჭაობების პირად გაზრდილი ნაძვის კვა-
რი. ასეთი კვარი უხვად არის გაჟღენთილი ფისით, ამიტომ კაშკა-
შა ალით იწვის და მთიელები სანთლად ხმარობენ. ალის შუქზე
კარგად შევათვალეიერე დიასახლისი: ფერმკრთალი, გამხდარი,
მაგრამ ძვალმსხვილი ქალი იყო, შუბლი შეკრული ჰქონდა და
როგორღაც დამფრთხალი იმზირებოდა. ტანთ დახეული კაბა
ემოსა ზედ კუბოკრული პლედი თუ შალი წამოესხა, მაგრამ ისიც
ისე იყო დაძონძილი, რომ ვერც სიტყვლეს უფარავდა და ალ-
ბათ ვერც ათბობდა. შავ, დაუვარცხნელ თმაზე ჩაჩი დაეკოსებინა
და ისე დაბნეული აცეცებდა თვალებს, თითქოს ჯადოქრობაზე
წაასწრესო. ქალმა გადაჭრილი უარი გვითხრა მასპინძლობაზე.
ძალიან ავღელდით და ყოველნაირად შევეცადეთ მოგველბო.
საიდან არ შემოვუარეთ. ვუთხარით, რომ ცხენები დავარდნაზე
იყვნენ და ჩვენც ფეხზე ველარ ვიდევით. რომ წინ გრძელი გზა
გვედო, რომ კალენდარამდე ღამის გასათევს ვერ ვიშოვიდით,
იქამდე ვი, ოლდერმენის სიტყვით, შვიდი შოტლანდიური მილი
იყო გასავლელი (ზუსტად ვერასდროს დავადგინე შოტლანდიუ-
რი მილის სიგრძე; დაახლოებით ვი ინგლისურზე ორჯერ მეტი უნ-
და იყოს). ერთი სიტყვით, ყველანაირად შევაცოდეთ თავი, მაგ-
რამ ვერა და ვერ გავტეხეთ: გზაში განვალება გიჭობდეთ აქ გა-
თენებასო, ჭიუტად იმეორებდა იგი ქვემო შოტლანდიურ დი-
ალექტზე (თურმე ლონოქსიდან ყოფილა გამოთხოვილი). მე

სტუმრები მყავს და ძალიან გაბრაზდებიან, ვინმე რომ მივიღო. დიასახლისმა არ იცოდა, ვინ იყვნენ, ან ვის ელოდებოდნენ. თითქოს და წითელხიფთიანები უნდა იყვნენო, გვითხრა ჩურჩულით და უკან მიიხედა. რომ არ მოვეშვით, ახლა თვითონ დაგვინწყო დარიგება, მშვენიერი ამინდია, სუფთა ჰაერზე ლამის გათევა გარგებთ კიდევ, ბევრ ჯენტლმენს დაუძინია მინდორში, გაუხდელად წამონვებით ბუჩქებში, რა მოხდა, ვითომ ლაშქრობაში ხართ. არც ისეთი ნესტია, რომ გაცივდეთ, ცხენებს მთაში საძოვრად, ამაზე არავინ გამოგედავებათო.

- მომისმინეთ, ჩემო კარგო, - ვუთხარი ქალს, როცა დავინახე, რომ ოლდერმენს სიტყვები შემოეღია და ოხვრა-კვნესა ამოუშვა პირიდან, - უკვე ექვსი საათი გავიდა, რაც ვისადილეთ და იმის მერე ნაწილი არ ჩაგვსვლია კუჭში. ლამის სული გამძვრეს შიმშილით, თუ არა ვჭამე, არც დამეძინება. მთაში არასოდეს დამიძინია და ვერც ახლა დავიძინებ. არა, აუცილებლად უნდა შემოვიდეთ ქოხში. ბოდიში მოიხადეთ თქვენს სტუმრებთან და უთხარით ორიოდე სტუმარი შემოგემატებათ-თქო. ენდრუ, ცხენები თავლაში შეიყვანე!

ჰეკეტამ[203] გაოცებით შემომხედა, მერე თავი გადააქნია და ჩაილაპარაკა:

- ვაცი რომ გაჭიქდება, იმასთან ვერაფერს გახდები. გიჟი მიუშვი ნებასა, თვით შეეყრება სნებასა! მაინც რა გაუმაძღრები არიან ეს ინგლისელები! დღეს სადილი ჭამა და ცხელი ვახშმის გულისთვის სიკვდილსაც არ უფრთხის! ტოფიტის[204] ხრამის გადაღმა ნაპირზე რომ დაუდგა შემწვარი ხორცი და პუდინგი, უკან არ დაიხევინ. მე ხელი დამიბანია და თქვენ იცით. წამომყევით, ბატონო, და გიჩვენებთ სად დააბინაოთ ცხენები.

რომ არ მოგატყუო, დიასახლისის ნათქვამმა კარგა გვარიანად შემაცბუნა. აშკარა იყო, საფრთხეში ვიგდებდით თავს, მაგრამ უკან დახევა აღარ ვიკადრე და თამამად გავემართე ქოხისა-

კენ. ვინრო დერეფანში კინალამ ფეხი მოვიტეხე - ტორფიანი კალათა და მწნილის კასრი იყო ჩაგრეხილი. მერე, როგორც იქნა, გადავაბიჯე, წნელის მიბრეცილ-მობრეცილი კარი შევადე და ოლდერმენის თანხლებით შევედი ამ შოტლანდიური ქარვასლის მთავარ დარბაზში.

ოთახის მოწყობილობა ყველა სამხრეთელს გააოცებდა. ვერიაზე ცეცხლი ენთო და ტორფისა და ფიჩხის ალი ტკაცუნით მიისწრაფოდა ჭერისაკენ. კვამლს მხოლოდ ჭერში დატანებული საკვამურიდან ჰქონდა გასასვლელი, მაგრამ საკვამური ვინრო იყო და იატაკიდან ხუთი ფუტის სიმაღლეზე შავი ღრუბელი დამდგარიყო. ქობის ქვედა ნაწილი კი კარგად ნიავდებოდა: ცალკე წნელის კარიდან და ორი ოთხკუთხა სარკმლიდან უბერავდა ჰაერი (ერთს თავსაფარი ჰქონდა აფარებული და მეორეს დაგლეჯილი ქვედაკაბა), ცალკე უამრავი, თვალითუნახავი ბზარიდან - ქობი რიყის ქვითა და ტორფით იყო ნაგები, კირის მაგივრად კი თიხა ეხმარათ.

ცეცხლთან მდგომ ძველ მუხის მაგიდას სამი კაცი შემოსჯდომოდა. მივხვდი, რომ სტუმრები იყვნენ. ისეთი გარეგნობა ჰქონდათ, რომ ყველას ყურადღებას მიიქცევდნენ: ერთ მათგანს მთიელთა ტალავარი ემოსა, მეორე, პატარა ტანის კაცი, კუბოკრულ ტრუზში - ვინრო ნაქსოვ შარვალში - იყო გამონწყობილი. ამ უკანასკნელს მეტყველი, ცვალებადი და ნერვიული სახე ჰქონდა. ოლდერმენმა ჩამჩურჩულა, ეტყობა, დიდი კაცია, ტრუზებს აქეთ მხოლოდ დუნევისალები[205] იცვამენ - ძალიან ძნელია ისე მოქსოვო, რომ მთიელებს მოეწონოსო. პლედიც მდიდრული ესხა - შავ და მწვანე უჭრედებიანი. პირველი მთიელი ვეება წითური კაცი იყო, დაჭორფლილი სახე, მკვეთრი ნაკვთები და გრძელი ნიკაპი ჰქონდა - სწორედ ასე ხატავენ ნამდვილი შოტლანდიელების კარიკატურას. მას უფრო უბრალო წითელუჭრედებიანი პლედი ჰქონდა მოსხმული. მესამე ქალაქურ ტანსაცმელში იყო გა-

მონყობილი. იგი ჯანიანი და გაბედული კაცი ჩანდა, ეტყობა, სამხედრო იყო. ხიფთიანი ძვირფასი ოქრომკვდით ჰქონდა ამოქარგული, თავზე კი უზარმაზარი სამკუთხა ქუდი ეხურა. დაშნა და დამბაჩემი მოეხსნა და მაგიდაზე დაელაგებინა. სამივე მთიელს ხანჯალი ამოეღო ქარქაშიდან და მაგიდაზე დაერჭო. როგორც შემდგომში ამიხსნეს ეს იმის ნიშანი იყო, რომ მშვიდობიან საუბარს აპირებდნენ. (რა უცნაური ნიშანია, არა?) ამ პატივცემულ ბატონებს მოზრდილი კალის ტოლჩა (ერთი ინგლისური ჩარევი ჩაეტეოდა შიგ) იუსკვებო დაედგათ შუაში. იუსკვებო ქერის ალაობე დამზადებული სასმელია; სიმაგრით არაყს არ ჩამოუვარდება. მთიელები ამ სასმელს ბლომად გეახლებიან, თანაც წყლით არ აზავებენ. სამივენი ერთადერთ გვერდმობრეცილ ხისფერ კათხაში ისხავდნენ იუსკვებოს. კათხა ჩქარ-ჩქარა გადადიოდა ხელიდან ხელში. არ დაგავიწყდეს, რომ იუსკვებო საკმაოდ მაგარი სასმელია! სასმელი საუბარში ხელს არ უშლიდათ - ხმამაღლა, გაცხარებით ლაპარაკობდნენ, ხან გელურად, ხან ინგლისურად. ოთახში კიდევ ერთი მთიელი შევნიშნე. იგი პლედში გამოხვეულიყო და იატაკზე მიწოლილიყო, თავი ქვაზე მიყრილ ჩალაზე ედო და არ ვიცო, ეძინა თუ თავს იმძინარებდა. ისიც გამვლელი მგზავრი ჩანდა, რადგან ჩაცმული იწვა და მთიელთა სანიადაგო იარაღიც - ფარი და ხმალი ზედ ესხა. კედლების გაყოლებაზე სხვადასხვაგვარი საწოლები იდგა, ზოგი დამტვრეული ფიცრებისგან იყო შეკონჩნებული, ზოგი ტირიფის წნელებისგან ან ფიჩხის გუდურებიდან მოეცოდვილებინათ. ზედ შინაურებს - მამაკაცებს, ქალებსა და ბავშვებს ეძინათ. ეს საწოლები მხოლოდ ბოლით იყო გამოყოფილი სტუმრების მისაღებისგან - სქელი ბოლი ყოველი მხრიდან ფარავდა მძინარე მასპინძლებს.

ჩვენ უხმაუროდ შევედით ქოხში, ჩემ მიერ აღწერილი მოქეიფეები კი ისე იყვნენ გართულები ლაპარაკში, რომ ერთხანს ვერც შეგვამჩნიეს. მხოლოდ იატაკზე მწოლიარე მთიელი წამო-

ინია, სახეზე პლედის აიფარა და შეგვათვალიერა. შემდეგ კვლავ ქვის სასთუმალზე მიდო თავი და ძილი შეიბრუნა.

ცეცხლის დანახვა ძლიან გვესიამოვნა, რადგან შემოდგომა იყო და დაღლილები და გათოშილები გახლდით. ცეცხლს მივეფიცხეთ და დიასახლისს გავძახეთ, რაიმე საჭმელი მოგვითმანო. დამხვდურებმა მხოლოდ ახალა შეგვნიშნეს. დიასახლისი მოგვიახლოვდა. იგი ხან ჩვენ შემოგვხედავდა შეშინებული, ხან ძველ სტუმრებს. ბოლოს ნაწყვეტ-ნაწყვეტად ამოლერდა. არ ვიცო, რა მოგართვათ შინ არაფერი მოგვეძევათ. მერე მიიხედ-მოიხედა და დასძინა, ისეთი არაფერი გვაქვს, თქვენისთანა სტუმრებს რომ შეეხედებოდესო.

მე დავამშვიდე, საჭმელი იყოს რამე და არ დავინუნებთ-მეთქი, შემდეგ მივიხედ-მოვიხედე, და სკამი რომ ვერსად შევნიშნე, მისტერ ჯარვის ქათმების ცარიელი გალია დავუდგი, ჩემთვის კი გატეხილი კოთხო მოვითრიე, გადავაბრუნე და დავჭექე. ის იყო მოვეწყვეთ, რომ ქობში ენდრუ ფერსერვისი შემოვიდა და ზურგს უკან ამეტუზა. დამხვდურები თვალმოუშორებლად მოგვჩერებოდნენ. ისინი ცოტათი დააბნია ჩვენმა სითამამემ, ჩვენ კი ვცდილობდით, ყოჩაღად დაგვეჭირა თავი და არ გვეგრძობინებინა, რომ ყოველ წამს ველოდით სასტიკ საზღაურს თავხედური შემოჭრისათვის.

ბოლოს იმ პატარა ტანის მთიელმა საოცარი ინგლისურით, მაგრამ მეტისმეტად ქედმაღლურად მითხრა:

- სერ, ვხედავ, ისე ეწყობით, როგორც საკუთარ ოჯახში!

- მე ყოველთვის ასე ვიქცევი, როცა ფუნდუკში ვბინავდები, - მიუგე მე.

- შენ არ დაგინახე თეთრი ჯოხი კარებთან და არ მიხვდა, ის სახლში რომ სხვა შენტლმენებია? - მკითხა მაღალმა მთიელმა.

- მე თავს არ ვიდებ აქაური ადათ-წესების ცოდნაზე, მაგრამ მინდა გამაგებინოთ, რატომ ხდება, რომ სამ კაცს უფლება აქვს,

წართვას სხვა მოგზაურებს ერთადერთი ღამის გასათევი. ახლო-მახლო ხომ სხვა ფუნდუკი არ მოიძებნება.

- თქვენ არავითარი უფლება არ გაქვთ, - მხარი ამიბა ოლდერმენმა, - სანყენად არ გეუბნებით და ასეთი წესი და კანონი არ არსებობს! ისე კი, თუ ერთი სურა კარგი არაყი შეგვარიგებს, ჩვენ თვინიერი ხალხი გახლავართ და მხადა ვართ...

- რა ჯანდაბად გვინდა თქვენი არაყი, სერ! - შემოგვიტია სამხედრომ და სამკუთხა ქუდი შუბლზე ჩამოიფხატა, - არც არაყი გვინდა და არც თქვენი ყურება.

სამივენი ფეხზე წამოდგნენ და ხმადაბლა დაიწყეს თათბირი, თან ტანსაცმელს ისწორებდნენ, შუბლს იჭმუხნიდნენ და თვალებს აბრიალებდნენ. შოტლანდიელებმა ასე იციან ბრძოლის წინ - ცდილობენ თავი გაიღიზიანონ, რომ უფრო გულიანად შეუტიონ მონინაალმდეგს.

- მე ხომ გითხარით, ჯენტლმენებო, რაც მოგელოდათ, - გვითხრა დიასახლისმა, - გაგაფრთხილეთ, მაგრამ თქვენ თქვენი გაავეთეთ. ახლა მაინც წადით ჩემი სახლიდან, აყალ-მაყალს ნუ ამიტევავთ! ჭინი მაკალპინის ოჯახში ჯენტლმენებს არ აწუხებენ და თუ შეაწუხეს, კარგ პასუხსაც მიიღებენ! მოეხეტა ეს უქნარა ინგლისელი შუალამისას და პატიოსანი სტუმრები ამიფორიაქა! რა უნდოდა? ისხდნენ თავისთვის ცეცხლთან და სვამდნენ!

სხვა დროს აუცილებლად გამახსენდებოდა ლათინური ლექსი „Dat veniam corvis, vexat censura columbas“ [206]. მაგრამ მაშინ კლასიკაში ქექვის დრო არ მქონდა, რადგან ვატყობდი, რომ ბრძოლა გარდაუვალი იყო. თავადაც აღშფოთებული ვიყავი ისეთი თავხედური შეხვედრით და მისტერ ჯარვი რომ არ ყოფილიყო ჩემთან, აქამდე დავეტაკებოდი სამივეს (ჯერ ერთი ოლდერმენს ბრძოლა არ შეეფერებოდა და, გარდა ამისა, ისე იყო ჩაგოდრებული პირველივე შეტაკებაში წამოაგებდნენ დაშნაზე), მაგრამ სხვა გზა აღარ დამრჩენოდა - როცა დავინახე, რომ ჩვენ-

კენ წამოვიდნენ, წამოვხტი, ლაბადა მოვიხადე და თავდასაცავად მოვემზადე.

- ჩვენც სამნი ვართ და თქვენც, - თქვა ტანდაბალმა მთიელმა და აგვათვალიერ-ჩაგვათვალიერა, - დაგვიმტკიცეთ, რომ წესიერი ხალხი ხართ.

მან ჩელთი-ხმალი გააშიშვლა და შემომიტია. მე უკეთესი იარაღი მქონდა - რაპირა, ვიცოდი, ვერათერს დამაკლებდა და თავდაცვა ვამჭობინე. ოლდერმენმა უჩვეულო სიმკვირცხლე და შემართება გამოიჩინა: როცა იარაღმომარჯვებული გოლიათი მთიელი მისკენ გაემართა, ხმლის ვადა მოზიდა, მაგრამ ხმალი და ქარქაში ვარგა ხანია მტკიცედ შეედულაბებინა ჟანგს და ასე ადვილად ვერ გაიყრებოდნენ. ამას რომ მიხვდა, ხმალს ხელი უშვა, კერიიდან წითლად გავარვარებული გუთნის საკვეთელი აიტაცა, რომელსაც, ეტყობა, საჩხრეკის ნაცვლად ხმარობდნენ და ისე მარჯვედ დაატრიალა, რომ პირველივე შეტევით ცეცხლი გაუჩინა მთიელის პლედს. გოლიათმა მაშინვე საკმაო მანძილით დაიხია უკან და ცეცხლის ჩაქრობას შეუდგა. სამნუხაროდ, ენდრუ, რომელსაც ქვემო შოტლანდიელ მეომართან უწევდა შეტაკება, ბრძოლის დაწყებამდე გაუჩინარდა. მისმა მონინაალმდეგემ კეთილშობილება გამოიჩინა და გვერდზე გადასა. ასე რომ, ერთი ერთზე მოვდიოდით. მე გადავწყვიტე, იარაღი დამეგდებინებინა მონინაალმდეგისათვის, მაგრამ ახლო მისვლას ვერა ვბედავდი, რადგანაც მარცხენა ხელში ხანჯალი ეჭირა. ოლდერმენმა დასაწყისში კი უკან დაახევინა მეტოქეს, მაგრამ მერე ცუდ დღეში ჩავარდა: მძიმე იარაღმა და სწრაფმა მოძრაობამ მალე გამოაცალა ქანცი. იგი საბურველივით ქშინავდა და ძლივსლა იცავდა თავს. თუ მონინაალმდეგე არ შეიბრალებდა, დაღუპული იყო, მაგრამ ამ დროს მშველელი გამოუჩნდა: იატაკზე მწოლიარე მთიელი ფეხზე წამოხტა, ცალ ხელში გაშიშვლებული ხმლით და მეორეში ფარით შუაში ჩაუხტა მებრძოლებს და აყვირდა:

- მე ქალაქის პურს ვჭამდი გლასკოში და, უსინდისო ვიყო, უნდა ვიბრძოლო ოლდერმენ შარვის მაგიერ აბერფოილში, უეჭველი უნდა ვიბრძოლო!

მოულოდნელმა მშველელმა სიტყვა საქმედ აქცია და გოლიათი თანამემამულე ლამის დააყრუა ხმლის სხივილით, თუმცა არც ის რჩებოდა ვალში: დარტყმაზე მაშინვე დარტყმით უპასუხებდა. ჭრილობა არც ერთს არ აჩნდა, რადგან ხმალს სპილენძით შემოჭედნილ ხის ფარს უხვედრებდნენ, საშინელი ჟღარუნ-ჩხარუნი იდგა, მაგრამ მალე მივხვდი, რომ ჩვენი დახოცვა კი არ ედოთ გულში, ისე, გასართობად გვეკვებნავებოდნენ. ქვემო შოტლანდიელმა ჯენტლმენმა, რომელსაც მოქიშპე არა ჰყავდა და აქამდე გვერდზე იყო გამდგარი, შუამავლობა იკისრა:

- შეჩერდით, შეჩერდით! გეყოფათ! მართლა ხომ არ უნდა დახოცოთ ერთმანეთი. ახალმოსულმა ჯენტლმენებმა დაამტკიცეს, რომ ვაჟკაცები არიან და თავს არავის დააჩაგვრინებენ. ამქვეყნად ჩემსავით არავინ უფრთხილდება სახელსა და ღირსებას, მაგრამ უაზრო სისხლისღვრას ვერ ვიტან.

მე, რასაკვირველია, დიდად არ მეხალისებოდა ეს მართლაც უაზრო ორთაბრძოლა. ჩემი მოწინააღმდეგეც მზად იყო, ხმალი ქარქაშში ჩაეგო. პატივცემული ოლდერმენი შეიძლებოდა hors de combat-დ[207] ჩაგვეთვალა, რადგან ვერ კიდევ გაჭირვებით ითქვამდა სულს, ხოლო გოლიათმა და მისმა მოქიშპემ ამ სიტყვების გაგონებისთანავე შეწყვიტეს ხმლების ტრიალი.

- ახლა კი ვსვათ და ვიმასლაათოთ, - თქვა შუამავალმა, - ადგილი ყველას გვეყოფა. ამ შესანიშნავმა პატარა ჯენტლმენმა ძალიან მძიმედ გადაიტანა ეს პატარა ნაკინკლავება: ჯერაც გაჭირვებით ითქვამს სულს, მაგრამ იმედია მალე მოსულიერდება და ერთ სურა არაყს შემოგვწირავს, მეორეს კი მე ვიკისრებ და ბარიშანით დავამთავროთ ეს ამბავი.

- მერე ვინ გაამთელებს ჩემი ახალი ლამაზი პლედს. იმოდენა ნახვრეტი აქვს გოგრა გაეტევა შიგნით. გაგიგონიათ, ღირსეული შენტლმენი ცეცხლის საჩხრეკით ბრძოლობდა?

- ნუ გეშინიათ, მაგაზე არ განწყენინებთ, - დაამშვიდა ოლდერმენმა, რომელიც უკვე მოსულიერებულიყო და ყინვად იმზირებოდა. იგი ძალიან იყო გახარებული, რომ ვაჟკაცურად იბრძოლა, მაგრამ პლედის გულისთვის ახალი დავის ატეხა არ უნდოდა და მორიგება ამჯობინა. - ძალღი ვინც მოკლა, იმანვე უნდა გადაათრიოს, მე დავწვი და მევე ვზღავ. სულ ახალ, კენკენა პლედს გამოგიგზავნით, ფერებიც თქვენი კლანისა იქნება. გლაზგოდან გამოგიგზავნით, ოღონდ მისამართი მითხარით.

- ჩემი კლანის გაგება რა ძნელია? ყველამ იცის, რომ მე მეფის კლანის[208] ვაჟი არის. მაინც წაიღე პლედის ნაგლეჯი, ნიმუში იყოს. ფუჰ, რა სუნი უდის! თითქოს ცხვრის თავი გაურუჯიათო. ერთი შენტლმენი, ჩემი ბიძაშვილი უნდა ჩავიდეს გლენკროდან გლასკოში, კვერცხები ჩაიტანოს გასაყიდად და შენთანაც მოვა. ოღონდ მითხარი სად უნდა მოსვლა. მაინც, პატივცემულო შენტლმენო, მეორედ თუ იბრძოლებ, ხმალი იხმარო. თუ ატარო, კიდევ უნდა იხმარო, თორემ ეგ მოშუღლის მასხარებაა. ვინ გინახავს, საკვეთელითა და საჩხრეველით იჩხუბა?

- ვისაც როგორ შეუძლია ისე იბრძვის, - იმართლა თავი ოლდერმენმა. - ჩემი ხმალი კარგა ხანია არ ამოსულა ქარქაშიდან. ბოტველის ხიდთან რომ ამბავი დატრიალდა, იმის შემდეგ მზის სინათლე არ უნახავს. მაშინ ცხონებულმა მამაჩემმა შემოირტყა ეს ხმალი წელზე, მაგრამ არ ვიცი, იხმარა თუ არა, რადგან ბრძოლა მალე გათავდა. ახლა ისეა ჩაჭედილი, რომ ვეღარ ამოვიღე და, ამიტომ, რაც ხელში მომხვდა, ის ავიტაცე. რაღა დროს ჩემი ბრძოლაა, მაგრამ შეურაცხყოფას არავის შევარჩენ. ჰო, მართლა! ის ყმანვილი რა იქნა, ასე ნამუსიანად რომ ამომიღვა მხარში? თუ გინდა მოკვდე, ერთი კარგად უნდა გამოვთვრე იმასთან.

ოლდერმენმა თვალი მიმოავლო ქობს, მაგრამ მთიელი არ-
სად ჩანდა. იგი ბრძოლის შეწყვეტისთანავე გაიპარა. წასვლისას
კარგად შევათვალაიერე და ვიცანი: ველური გამოხედვა, წითური
თმები... რაღა თქმა უნდა, დუგალი იყო, ჩვენი ძველი ნაცნობი,
გლაზგოს საპატიმროს ყოფილი დარაჯი. მე ჩურჩულით გავუზიარე
ჩემი აღმოჩენა მოსამართლეს და იმანაც ხმადაბლა მიპასუხა:

- კარგი, კარგი. იმას მართალი უთქვამს: მაგ უქნარასაც თურ-
მე მართლა ეხსნება ხანდახან გონება და მაშინ კარგი საქმის გა-
კეთებას ახერხებს. მოვიფიქრებ, იქნებ რაიმეთი დავეხმარო.

ოლდერმენი მაგიდას მიუჭდა, ერთ-ორჯერ ღრმა ამოითქვა
სული და დიასახლისს გასძახა:

- ახალა კი, ძვირფასო, რადგან დავრწმუნდი, რომ მუცელი
გათატრული არა მაქვს, თქვენ სახლში იმისთანა ამბები ხდება,
რომ მეტსაც უნდა მოელოდეს ვაცი. ჰოდა, რადგან მუცელი მთე-
ლი მაქვს, რაიმეთი უნდა ამოვივსო კიდევც.

დიასახლისი გახარებული იყო, რომ ქარიშხალმა გადაიარა
და მაშინვე შეუდგა ვახშმის კეთებას. იმ საღამოს ყველაზე უფრო
იმან გამაოცა, რომ დიასახლისი და მისი ოჯახის წევრები სრული-
ად მშვიდად შეხვდნენ ამ აურზაურს. ბრძოლა რომ ატყდა, მხო-
ლოდ მაშინ აღელდა ცოტათი და ვიღაცას უბრძანა: კარი ჩაკეტე,
კარი! სანამ ფულს არ გადამიხდიან, არავის გავუშვებ აქედანო.
შინაურებს ეძინათ. ხმაური რომ ატყდა, გამოიღვიძეს, თავი წამო-
წიეს (პერანგი არც ერთს არ ეცვა ტანზე), რაღაც ნაიბურტყუნეს
და ისევ დაიძინეს.

ახალა კი დიასახლისი ციბრუტივით დატრიალდა და სულ მა-
ლე მშვენიერი კერძი მოგვიმზადა: არ ვიცი, ეპიკურელს მოეწონე-
ბოდა თუ არა წვრილად დაჭრილი ჩახრაკული ირმის ხორცი,
რომელიც ტაფით დაგვიდგა მაგიდაზე, მაგრამ ჩვენ ისე მოგვეწო-
ნა, რომ ლამის თითები ჩავატანეთ. კერძს ინგლისური არაყი
მოჰყვა და მთიელები, თმცა თავიანთ დამზადებულ სასმელებს

უფრო ენციობიან, ამასაც კარგად შეეცნენ. თითო ჭიქა რომ გადავკარით, ქვემო შოტლანდიელმა ჯენტლმენმა მოისურვა გავგო, ვინ ვიყავით და საით მივდიოდით.

- ჩვენ უბრალო გლაზგოელი მოქალაქეები ვართ, პატივცემულო - მოისაწყლა თავი მისტერ ჯარვიმ, - სტირლინგში ვაპირებთ ასვლას, ცოტაოდენი ფული მართებთ ჩემი ვიდაც-ვიდაცებს და უნდა გამოვართვათ.

მაშინ ახალგაზრდა ვიყავი და ცოტა არ იყოს მენწყინა, რომ ასე უბრალო ხალხად გააცნო ჩვენი თავი წელანდელ მოშუღლეებს, მაგრამ არაფერი ვთქვი - გამახსენდა, სიტყვა რომ ჩამომართვა, შენ ხმა არ ამოიღო, და გადავწყვიტე, არაფერში ჩავრეოდი. ისიც გავითვალისწინე, უილ, რომ ეს დარბაისელი ვაცი ჩემი გულისთვის დაადგა ამ მძიმე და სახიფათო გზას და სულ ათიოდე წუთის წინ სიკვდილს შესცქეროდა თვალეებში. განა ამის მერე შეიძლებოდა პირში ვცემოდი?

მონინაალმდევე პარტიის ორატორი ზიზღიანად დაიღრიჯა და უთხრა:

- თქვენ ხომ მეტი საქმე არა გაქვთ, გლაზგოელმა ვაჭრებმა მეტი რა უნდა გააკეთოთ, აგიღიათ თავი და მთელ შოტლანდიას დაუვლით, რომ შეუბრალებლად გაფცქვანათ სანყალი მოვალეები. დიდი ამბავი თუ ვინმემ დაავიანა გადახდა. აი, მეც შემთხვევით გადამიცილდა ვადა და უნდა ჩამომახრჩო?

- ჩვენი მოვალეები თქვენისთანა პატიოსანი ჯენტლმენები რომ იყვნენ, გარსხატახინელო, ღმერთს გეფიცებით, ფეხს არ ვადგამდი გლაზგოდან - მეცოდინებოდა, რომ თავიანთი ხელით მომიტანდნენ ვალს, - მიუგო მოსამართლემ.

- ოჰო, რაო, როგორ?! - წამოიძახა მთიელმა. - ვისერს მოვიჭრი, თუ ეს ვაცი ჩემი ძველი მეგობარი ნიკოლ ჯარვი არ იყოს! ნამდვილად საუკეთესო ადამიანია, ყველას ჯობია, ვისგანაც კი

ოდესმე ფული ამიღია ხელწერილით! ჩვენ მხარეში ხომ არ მოდიხართ? ჩემთან, ენდრიკაში ხომ არ აპირებდი შემოსვლას?

- არა, მართალი გითხრა, გულში არ გამივლია თქვენთან შემოსვლა, მისტერ გალბრეიტ! მე სულ სხვა საქმეზე ვარ წამოსული. თქვენ კი, ალბათ, გეგონათ, რომ იმ მიწის ნაგლეჯის ბედის გასაგებად ჩამოვედი, მემკვიდრეობით რომ მერგო და მერე თქვენ რომ მოგეცით იჯარით არა? მე ხომ ყოველწლიურად მეკუთვნის საიჯარო გადასახადი!

- ჯანდაბას ყოველწლიური გადასახადი! - ჩაიქნია ხელი ლერდმა. - რა დროს საქმეებია, როცა ამდენი ხანია არ გვინახავს ერთმანეთი. მე ხომ იქვე მებობლად ვცხოვრობ და ამიტომ თითქმის ჩემს სტუმრად შეგიძლიათ ჩათვალოთ თავი. მაინც როგორ ცვლის ადამიანს რეიტუმი და ჯობეფი! [209] კინალამ ვერ ვიცანი ჩემი ძველი და ერთგული მეგობარი - უსტაბაში ნიკოლ ჯარვი!

- ოლდერმენი, ბატონო ჩემო, ოლდერმენი, - შეუსწორა ჩემმა თანამგზავრმა, - ვიცი, რატომ შეგეშალათ: ის მიწა ცხონებულ მამაჩემს დაუტოვეს, მამაჩემი კი უსტაბაში იყო და იმასაც ნიკოლი ერქვა. მისი სიკვდილის შემდეგ არც ძირითადი თანხა მიმიღია და არც ყოველწლიური საიჯარო გადასახადი. სწორედ ამან გამოიწვია ეს შეცდომა.

- ვაი, ჯანდაბას, იქით იყოს ეგ შეცდომაც და იმის მიზეზიც, - შეანყვეტინა მისტერ გალბრეიტმა, - ძალიან მიხარია, რომ ქალაქის საბჭოში აურჩევიახართ. შევავსოთ თასი, ბატონებო! გაუმარჯოს ჩემს შესანიშნავ მეგობარს - ოლდერმენ ნიკოლ ჯარვის! ოცი წლის მეგობრობა მაკავშირებს მამამისთან და თვითონ ამასთან! ყველამ დალია? კიდევ გაავსეთ! ვუსურვოთ, რომ სულ მალე პროვოსტი გახდეს, დიახ, სწორედ პროვოსტი! გაუმარჯოს ლორდ-პროვოსტს ნიკოლ ჯარვის! იქნებ ვინმეს ჰგონია, რომ გლაზგოში ვინმე უკეთესად გაუძღვება ამ საქმეს? თუ ასე ფიქრობს ვინმე, იფიქროს, ოღონდ ჩემთან, გარსხატახინელ დუკან

გალბრეიტთან სიტყვა არ დაძრას ამაზე - თავისთვის იფიქროს, მორჩა და გათავდა!

დუკან გალბრეიტმა ქუდი გვერდზე მიაგდო და გამომწვევად გადახედა სუფრას, მაგრამ ის ფარისევლური სადღეგრძელო ყველამ დალია და თამადა დამშვიდდა. შემდეგ სამივემ გელურად დაიწყეს ლაპარაკი - მისტერ გალბრეიტმა წყალივით იცოდა ეს ენა, რადგან მთიანი შოტლანდიის მეზობლად ცხოვრობდა.

- მაშინვე ვიცანი ეს თაღლითი, - ჩამჩურჩულა ოლდერმენმა, - მინდოდა მივსალმებოდი, მაგრამ გადავიფიქრე - გაფიცებული იყო, ხელში შიშველი ხმალი ეჭირა და ვიფიქრე, ვაითუ სხვანაირად გამისწოროს ანგარიში-მეთქი. ჩვეულებრივი წესით ძალიან ეძნელება ვალის გადახდა! ისე, ჰატიოსანი და კეთილი ვაცია. გლაზგოში იშვიათად ჩამოდის, მაგრამ ნანადირევს ხშირად გვიგზავნის - ირმის ხორცსა და სოლოს არ გვაკლებს. იმ ფულზე სულ არ ვნაღვლობ - მამაჩემს, უსტაბაშს, ძალიან უყვარდა მაგათი ოჯახი.

ვახშამი მზად იყო და თვალებით ენდრუ ფერსერვისს დავუწყე ძებნა, მაგრამ ვერსად შევნიშნე და გამახსენდა, რომ შეტაკების დანყების შემდეგ აღარ მინახავს. დიასახლისმა თქვა, თავლაში წავიდოდა, თუ გინდათ კვარს ავანთებ და წაგიყვანთო. თვითონაც გაუგზავნია ბავშვები ენდრუს მოსაყვანად, თურმე ბევრი უძახეს, მაგრამ არ გამოეპასუხა. მითხრა, მარტო ვერ წავალ, გვიანი არის და მაძახურებისა მეშინია. გაიგებდით, რა უქნეს ბენიგასკში მაგ მაძახურებმა ერთი არდნაგოვანელი მედუქნის ცოლსო. მერე ხმადაბლა დასძინა, მაძახურებმა კარგა ხანია ბინა დაიდეს ჩვენს თავლაში, ამიტომ არის, რომ არც ერთი მეჭინბე არ გვიჩერდებაო.

დიასახლისმა მინგრეულ-მონგრეულ ფარდულთან მიმიყვანა, სადაც ჩვენი საწყალი ცხენები შეერევათ და თივა დაეყარათ (თივა სახელად ერქვა, თორემ თითის სიმსხო ვაჭაჭები ყყარათ წინ).

აქ გამოირკვა, რომ დიასახლისს სულ სხვა მიზნით გამოვეყვანი-
ვარ ქობიდან.

- წაიკითხეთ, - ჩურჩულით მითხრა მან, როცა თავლის კარებ-
თან მივედით და ხელში ქალაღდის ნაგლეჯი ჩამიღო, - მადლო-
ბა ღმერთს, მოვიშორე თავიდან! ხან მეფის ჯარისკაცები, ხან ინ-
გლისელები, ხან კატერანები,[210] ხან ცხენის ქურდები, ყაჩაღო-
ბა, მკვლევლობა!.. არა, პატიოსანი ქალის საშველი არ იქნება!
ჯოჯოხეთში ნამდვილად ამაზე მშვიდად ვიცხოვრებდი!

დიასახლისმა კვარი ხელში მომაჩეჩა და ქობში შებრუნდა.

თავი XXIX

ჩანგები როდი ამშვენებენ მთებს შოტლანდიის! -
ბუკი ამშვენებს მაკგრეგორის, ხმა მაკლენის,
გუდასტვირია სიამაყე მისი, ნამდვილი...

„ჯონ კუპერის პასუხი ალან რამზესადმი“[211]

ბაგასთან შევჩერდი (თუ შეიძლება ასე ეწოდოს თავლის იმ ნა-
წილს, სადაც ერთად შეეკრიბათ ცხენები, თხები, ფრინველები,
ლორები და ძროხები. თავლა კი ქოხის ერთ სახურავქვეშ იყო
მოქცეული, მაგრამ თავლას ცალკე შესასვლელი ჰქონდა (შემ-
დგომში მითხრეს, ჯინი მაკალპინი პრანჯია ქალია, თორემ თავ-
ლას ცალკე კარი რაში სჭირდებაო). დაჭმუჭნული ბინძური ქა-
ლადის ნაგლეჯი გავშალე და კვარი მოვიმარჯვე. ბარათს თავ-
ზე ეწერა: მისტერ ფ. ო-ს, ახალგაზრდა საქსონელ ჯენტლმენს,
საკუთარ ხელში“. შემდეგ ბარათის ტექსტი მოდიოდა: „სერ, ძე-
რები საშოვარზე გამოფრინდნენ, ამიტომ კლახან აბერფოილში
ვეღარ შეგხვდებით თქვენ და ჩემს პატივცემულ ნათესავს.
გთხოვთ, რაც შეიძლება მოერიდოთ მგზავრებს, რომლებიც ფუნ-
დუკში დაგხვდებათ. ასე თუ არ მოიქცევით, შეიძლება ხიფათი შე-
გემთხვათ. ამ ბარათის გადმომცემს შეგიძლიათ თამამად ენდოთ.
იგი მოგაცილებთ ისეთ ადგილას, სადაც უშიშრად შეგვეძლება
შევხვდეთ ერთმანეთს და იქიდან, თუ თქვენ და ჩემი ნათესავი
ინებებთ, ჩემს ღარიბ ქოხს ვესტუმრებით, სადაც მტრების ჯიბრზე
ჯერ კიდევ შემიძლია შოტლანდიურად გაგიმასპინძლდეთ. იქ
ვინმე დ. ვ-ის სადღეგრძელოს შევსვამთ და იმ საქმეზეც ვისაუბ-

რებთ, რომელ საქმეშიც იმედი მაქვს დახმარება გაგიწიოთ. დავ-
შთები, როგორც ჯენტლმენები ამბობენ, მარად ერთგულ მსახუ-
რად.

რ. მ. გ.“

წერილის შინაარსმა ძალიან დამაღონა, რადგან მივხვდი კემ-
პბელი უმოკლეს ხანებში ვერ დამეხმარებოდა და, გარდა ამისა,
გზაც ერთობ მიგრძელდებოდა. გული იმით დავიმშვიდე, რომ
რობერტი წინანდებურად მზად იყო ეშველა ჩემთვის. სხვა არავინ
მყავდა შემწე და დამხმარე, არავის იმედი არა მექონდა, ამიტომ
გადავწყვიტე, სიტყვასიტყვით შემესრულებინა კემპბელის რჩევა:
ჩემს ახალ ნაცნობებს მოვრიდებოდი და როგორც კი დროს ვი-
ხელთებდი, დიასახლისისათვის მეკითხა, თუ როგორ შევხვედ-
როდი ამ იდუმალებით მოცულ ადამიანს.

უპირველეს ყოვლისა, ენდრუ ფერსერვისი უნდა მეპოვა. რამ-
დენჯერმე დავუძახე, ბაგის ყველა კუთხე-კუნჭული მოვათვალი-
ერე, მაგრამ მსახური არსად ჩანდა (კიდევ ვარგი, თავლაში თი-
ვაზე მეტი ნაკელი და ჩალის სველი საგები იყო, თორემ ხანძარს
გავაჩენდი). ბოლოს ისევ ყვირილზე გადავედი და როცა უკვე
რამდენჯერმე ვუხმე, ენდრუ, შე ბრიყვო, ენდრუ, შე ვირო, სად
აგდისარ-მეთქი, ისე ამოიკნავლა აქა-ვარო, რომ პირველად ვი-
ფიქრე, ალბათ მოჩვენებაა, ან მართლა მაძახურაა თავლაში და-
ბუდებული და იმან მიპასუხა-მეთქი. ბოლოს მივაგენი ჩემი მამაცი
მსახურის სამალავს: თავლის კუთხეში მიკუნჭულიყო, კასრის
უკან. კასრი ბუმბულით იყო სავსე. ბევრი ხვწნა და ჩხუბი დამ-
ჭირდა, რომ თავლიდან გამომეყვანა. სუფთა ჰაერზე გავედით
თუ არა, მითხრა, მე პატიოსანი კაცი ვარო.

- ვინ ეშმაკი გეკითხება, პატიოსანი ხარ თუ უპატიოსნო? - გა-
ვუბრაზდი მე, - რაში გაგახსენდა? წამოდი და ვახშამზე მოგვემსა-
ხურე!

- დიახ, - განაგრძო ენდრუმ - რა ცილიც არ უნდა დამწამოს ოლდერმენმა, მე მაინც პატიოსანი ვატი ვარ. მართალია, როგორც ყველა მოკვდავი, გულგრილი არა ვარ ამა ქვეყნის სიტუბოებისადმი, მაგრამ მაინც პატიოსანი ვარ. წელან ვი გეუბნებოდით, წავალ და ამ ჭაობებში მართო დაგტოვებთ-მეთქი, მაგრამ ღმერთმა ხომ იცის, რომ არსად არ ვაპირებდი წასვლას. ამას ისე ვამბობდი, ხომ იცით, ვატი რა სისულელეს არ იტყვის, როცა უნდა რაიმე გამორჩეს ბატონს. მე ძალიან მიყვარხართ, პატივცემულო, მიუხედავად იმისა, რომ ასე ახალგაზრდა ხართ და ასე ადვილად თავს არ დაგანებებდით, რომ...

- რას მიედ-მოედები რა გინდა? - შევანყვეტინე ენდრუს ლაპარაკი, - მე მგონი, ყველა შენი მოთხოვნა დავაკმაყოფილე. კიდევ რას ინებებ? სულ წასვლა უნდა გეკეროს პირზე?

- აქამდე ისე, ყასიდად ვამბობდი, წავალ-მეთქი, ახლა ვი სახე-მაროდ აღარ მაქვს საქმე. მთელი ქვეყნის ქონებაც რომ მომცეთ, აღარ წამოგყვებით. ვი არა, თუ ჩემს სულელურ რჩევას დაუჭერებთ, აჯობებს, თქვენც უკან დაბრუნდეთ. მე მართლა ძალიან დიდ პატივს გცემთ და მჯერა რომ მეგობრებიც მოგიწონებენ თუ სახიფათო ამრებს ამოიღებთ თავიდან და მშვიდსა და გონივრულ ცხოვრებას დაინყებთ. მე ვი, ჩემდა თავად, მაინც ვერ გამოგყვებით, თუნდაც ნამდვილად ვიცოდე, რომ მეგზურისა და ბრძენი მრჩევლის გარეშე გზას დაკარგავთ და დაიღუპებით, რობ როის ქვეყანაში წასვლა ცეცხლთან თამაშია!

- რომელი რობ როი? - გავიოცე მე, - ამისთანას არავის ვიცნობ, ეგ რა ახალი ხრიკი მოიგონე?

- მწარეა, როცა ვატი ხალას სიმართლეს ამბობს და არავინ გიჭერებს, მართო იმიტომ, რომ ადრე ერთი-ორჯერ ზედმეტი წამოგცდა, ანდა გაგიჭირდა და ცოტა ტყუილი გამოურთე ლაპარაკში, - დაიწუნუნა ენდრუმ, - თქვენ მაინც არ უნდა გეკითხათ, რობ როი ვინ არისო. არ იცით, რომ დაუნდობელი ყაჩაღია! (ღმერ-

თო, შენ დამიფარე, მგონი არავის გაუგონია!) მისი წერილი არ არის, ჭიბეში რომ გიდევთ? ჩემი ყურით გავიგონე, როგორ უთხრა ამ კუდიან დედაბერს რობ როის ერთმა ავან-ჩავანმა, ეს წერილი იმ ყმანვილს გადაეცო. ეგონათ, ვერ გავიგებდი მაგათ რატრატს. მართალია კარგად ვერა ვლაპარაკობ, იმათებურად, მაგრამ გაგებით ყველაფერს ვიგებ. არ მინდოდა მეთქვა, მაგრამ შიში რას არ წამოგაცდევინებს! ეჰ. მისტერ ფრენკ, არა ჯობდა ბიძათქვენივით დამთხვეული და თქვენი ბიძაშვილებივით გადარეული ყოფილიყავით! ნამდვილად სჯობდა სერ ჰილდებრანდივით ჩამხრჩვალისყავით სასმელში, სკვირ პერსივით არყის სმით დაგენყოთ ყოველი დილა, სკვირ თორნკლიფივით ჩხუბი და აურზაური აგეტეხათ ყოველ ნაბიჯზე, სკვირ ჯონივით დარეოდით გოგოებს, რიჩარდივით თამაშს გაყოლოდით და რეშლივით მიგეყიდათ სული პაპისა და ეშმაკისათვის! შესცოდეთ იმათსავით, აურიეთ, შაბათი გასტეხეთ, პაპს ემსახურეთ, ოღონდ გაფიცებთ მამა ზეციერს, შეიცოდეთ თქვენი ნორჩი სიცოცხლე და რობ როისთან ნუ ნახვალთ!

ენდრუ ამჯერად მართლა ძალიან იყო დამფრთხალი და შევეცადე დამემშვიდებინა! ჯერ ვუთხარი, ამაღამ აქ უნდა გავათიოთ და ცხენებს მიხედე-მეთქი, მერე მკაცრად ვუბრძანე, არავისთან არაფერი წამოსცდენოდა და ბოლოს დავაიმედე, რომ თვალდახუჭული არ შევებმებოდი ამ სახიფათო საქმეს, ყველაფერს ავწონ-დავწონიდი და ისე გადავწყვეტიდი წავსულიყავი თუ არა რობ როისთან. ენდრუმ ჩაიქნია ხელი, უხალისოდ გამომყვა უკან და თან აბუზღუნდა: ჯერ ხალხზე უნდა იბრუნოთ და მერე ცხენებზე. დილას, ჭაობის ბებერი ქათმის ფეხი რომ გამოვხარი, იმის მერე ლუკმა არ მიჭამიაო.

ქოხში შევედი თუ არა, მივხვდი, რომ ასეთი წვალეებით დადებულ ზავს ბზარი გასჩენოდა - მისტერ გალბრეიტი და ჩემი მეგობარი ოლდერმენი ხმამაღლა კამათობდნენ.

- არ მსურს, ეგეთი სიტყვების მოვისმინო, ჰერცოგ არგაილზე და კემპბელებზე, - ცხარობდა მისტერ ჯარვი, - ჰერცოგი ღირსეული ადამიანი და დიდი სახელმწიფო მოღვაწეა. იგი ჩვენი ქვეყნის სიამაყე, გლაზგოს ვაჭრობის მეგობარი და მთარველია!

- მე ცუდს არაფერს ვიტყვი მაკკოლუმ მორზე დასლიოს ნანდიარმინდზე, - ღიმილით შენიშნა დაბალმა მთიელმა, - ხომ იცით, გლენკროს გადაღმა ვცხოვრობ და ინვერარის ვერ წავეჩხუბები.

- ჩვენს ლოხს არასოდეს უნახავს კომილთა ლიმფადები.[212]- ჩაურთო გოლიათმა მთიელმა, - მე არავისი არ ეშინია და რასაც ვფიქრობ, ის ვამბობ. კომილები კოვანებზე უკეთესები არ არის. თუ გინდა უთხარი, მაკკოლუმ მორის, ალან ივერახიმ ასე უთქვამს-თქო. იძახე რა, ლოხუმდე მაინც ვერ მიანვდენ ხმას-თქო.[213] მისტერ გალბრეიტმა, რომელსაც უკვე კარგა მაგრა შეჭდომოდა სასმელი თავში, მაგიდაზე ხელი დაჰკრა და აყვირდა:

- მაგ გვარის სისხლში აქვს გასვრილი ხელები და ოდესმე ზღავს კიდევ! ერთგული და მამცი გრეჰემის ძვლები დიდი ხანია მოგვიწოდებს საფლავიდან, რომ მუქათა მივაგოთ მუხანათ არგაილსა და მის დამქაშებს. რაც კი ღალატი და მუხთლობა მომხდარა შოტლანდიაში, ყველაში კომილების ხელი ერია. ახლაც როცა უსამართლობამ გაიმარჯვა, კომილები ცდილობენ, ყოველგვარი უფლება ჩამოართვან შოტლანდიელებს. მაგრამ ასე დიდხანს არ გასტანს, რკინის ქალწულის[214] გალესვის დროც მალე დადგება და ბევრი თავი გაგორდება მინაზე! მალე შეუდგება ეს ბებერი, დაჟანგებული მზეთუნახავი სისხლიანი მოსავლის აღებას!

- გრცხვენოდეთ, გარსხატახინელო, - წამოძახა ოლდერმენმა. - გრცხვენოდეთ, სერ! კანონის დამცველს რატომ ეუბნებით ასეთ სიტყვებს და თვითონაც რატომ იგდებთ საფრთხეში თავს? ასე

აპირებთ ოჯახის შენახვას, ასე აპირებთ მევალებების გასტუმრებას? ჩემი ვალიცა გაქვთ და სხვებისაც... თუ ვვლავაც ასე სულელურად განაგრძობთ ცხოვრებას თქვენც დაისჯებით და თქვენი ახლობლებიც. კანონი ამას არ გაპატიებთ!

- ჯანდაბას ნაუღია ყველა მევალე და თქვენც ზედ მიყოლიხართ, თუ ძალიან გინდათ! გეუბნებით, მალე ახალი წესები დამყარდება და კომილები ველარც ასე მალლა აწვევენ ცხვირს და ველარც თავიანთ ძალებს გამოგზავნიან ჩვენში. თვითონ ახლაც ვერ ბედავენ გამოჩენას, მაგრამ ყველა ჯურის ყაჩაღებსა და მკვლავლებს მფარველობენ და დღე არ არის, რომ რომელიმე პატიოსანი და ღირსეული კლანის მამული არ ააკლებინონ!

მისტერ ჯარვი შეჰსუსხებას აპირებდა, მაგრამ ამ დროს დიასახლისმა ირმის ჩახრაკული ხორციით სავსე ტაფა შემოდგა მაგიდაზე და ქოხში ისეთი საამო სურნელი დადგა, რომ ოლდერმენს ჩხუბისა და კამათის სურვილი გაუქრა. იგი მაშინვე შეუდგა კერძის დაგემოვნებას და კარგა ხანი აღარ ჩარეულა ლაპარაკში.

- რაღა ლაპარაკი უნდა, რომ ამოდენა ტანჯვა-წვალება და თათბირი არ დაგვჭირდებოდა რომ როის დასაჭერად, თუ იმას რომ კომილები არ შეუწყვეს ხელი, - თქვა მაღალმა მთიელმა, რომელსაც სტიუარტს უხმობდნენ, - ერთხელ ოცდაათკაციანი რაზმი წავიყვანე ჩემი კლანიდან, გლენფინანსებიდან და აპინებიდან. რომ როი გაგვექცა, მაგრამ ჩვენ როგორც მწევრები ჩავუდექით ვვალში და გლენფალახოს მიწებამდე სულ ფეხდაფეხ ვდიეთ. იქ კომილები გადაგვეღობა წინ და შეგვაჩერა. ასე რომ სულ ტყუილი წვალება მოხდა. ეჰ, ნეტავი, კიდევ ერთხელ ჩამაყენა იმის ვვალში!

ოლდერმენი მაშინვე პირში ეცა მთიელს:

- მაპატიეთ, რომ, რასაც ვფიქრობ, იმასვე ვამბობ, სერ, მაგრამ ეჭვი არ მეპარება, ყველაფერს დათმობ ამ ქვეყნად, ოღონდ რომ

როის არ შეგახვედრა. ჩემი გავარვარებული საკვეთელი სათამაშოდ მოგეჩვენებათ იმის ჩელთთან.

- შენ თავი დაანებე ეს რაღაც საკვეთელის ხსენებას, თორემ ეგ სიტყვები უკან ჩაგთხარო ყიაში და თანაც ცივი ფოლადი გაგემო (გოლიათმა ბოროტად დააკვესა თვალები და ხელი ხანჯალზე დაიდო).

- მოდი ნუ ვიჩხუბებთ, ალან, - შეაჩერა დაბალმა მთიელმა, - რადგან ეს გლაზგოელი ჯენტლმენი ისე დიდ პატივს სცემს რობ როის, ამაღამ ბორკილდადებული ვაჩვენოთ, ხვალ დილას კი თავისი გმირის ცეკვით დავატკბოთ - ყულფში, რომ თავს გაჰყოფს მშვენივრად აცეკვდება. ეყო, ხალხს ამდენის მოთმენა აღარ შეუძლია! რობ როის ნუთები უკვე დათვლილია. ახლა კი დროა, ალან, ჩვენ ბიჭებთან მივიდეთ.

- მოიცა, ინვერშალოს! - შეაჩერა გალბრეიტმა. - გახსოვს როგორ არის: „მთვარე ანათებს, -თქვა ბენიგასკმა, - კიდევ თითო თასიც! - მიუგო ლესლიმ“. თითო თასი ჩვენც არ გვანწყენდა!

- საკმარისად დავლიეთ და გვეყოფა, - შეეკამათა ინვერშალოხი, - მე ყოველთვის სიამოვნებით გავუსწორებ ხასიათს წესიერ ადამიანს, მაგრამ როცა დილას საქმე მაქვს გასაკეთებელი, ზედმეტს არ დავლევ. ჩემი მოკლე ჭკუით, უკვე დროა თქვენს ცხენოსნებთან წახვიდეთ და გათენებამდე კლახანში მოიყვანოთ, თორემ მერე გვიან იქნება და სირცხვილს ვჭამთ.

- სად ჯანდაბაში გეჩქარება ასე? - გაბრაზდა გარსხატახინელი, - წირვას და სადილს არასოდეს წახედენია საქმე. ჩემთვის რომ მოენდოთ უფროსობა, არაფრით არ დაგიძახებდით დასახმარებლად. გარნიზონი და ჩვენი მხედრები სულ იოლად გაქაჩავდნენ რობ როის. აი, ამ ხელით (მან მაღლა ასწია ხელი), თქვენი დახმარების გარეშე დავცემდი მიწაზე!

- ნუ შემომითვლიდით და არ ჩამოვიდოდით. რა ძალა მადგა, რომ სამოცი მილი გამოვიარე ჯენებით. ისე კი, თუ იმ ვაცის დაჭე-

რა გინდათ, ცოტა ნაკლები უნდა ილაპარაკოთ. ეგრე იოლადა ნუ უყურებთ მაგ საქმეს. ვისაც ზღვა უნახავს, ღვარი ვერაფერს დააკლვებს. დიდ ქვაბს დიდი ქაფქირი უნდა. ახლა კი კმარა კამათი. ისედაც ბევრი ზედმეტი ითქვა ამ ჯენტლმენებთან. უფრო სუსტი არაყი უნდა გესვათ მაიორო გალბრეიტო და ასე აღარ მოუშვებდით ენას. ახლა კი, ჩემო კარგო, მაგ ქუდის სწორებას მოეშვი და ნუ იჭიმები, თორემ აღარ მოგიტმენ!

- მე უკვე განვაცხადე, რომ ამალამ არც ხიფთანიანთან ვიბრძოლებ და არც პლედნიანთან, - ენის ბორძიკით თქვა გალბრეიტმა, - აი, ჩემს მოვალეობას რომ შევასრულებ, მერე მზადა ვარ, თუნდ თქვენთან გამოვიდე ხმალში, თუნდა მთილეთან და თუნდა ქალაქელთან. მანამდე კი არაფრის გულისთვის არ ამოვიდებ ხმალს! მაგრამ ახლა წესით წითელხიფთანიანები უკვე აქ უნდა იყვნენ. მეფე ჯეიმზის წინააღმდეგ რომ მივდიოდეთ, მაშინვე აქ გაჩნდებოდნენ, მაგრამ როცა ქვეყანაში წესრიგის დამყარებაა საჭირო, შორიდან შემოგვცქერიან ავი მეზობლებივით.

გალბრეიტმა ძლივს მოასწრო ამის თქმა, რომ ეზოდან ქვეითი რაზმის მწყობრი ნაბიჯის ხმა მოგვესმა და ვილაც ოფიცერ ორ თუ სამ მწკრივად დაწყობილ კარისკაცებს შემოუძღვა ქოხში.

- თქვენ მაიორი გალბრეიტი უნდა იყოთ, ლენოკსის მილიციის ესკადრონის უფროსი, ეს ორი მთიელი კი ის შოტლანდიელი ჯენტლმენები, რომელთაც აქ უნდა შევხვედროდით, - თქვა ოფიცერმა სუფთა ინგლისურით. მშობლიური ენის გაგონება ძალიან მესიამოვნა, რადგან კარგა ხანი იყო ზემო და ქვემოშოტლანდიურ ნარევი ლაპარაკის გარდა არაფერი გამეგონა.

დამხვდურებმა თანხმობით უპასუხეს და ოფიცერი მაგიდასთან მოიწვიეს, მაგრამ მან ჭამაზეც უარი განაცხადა და სმაზეც, ისეც დავაგვიანე და ახლი მინდა დაკარგული დრო ავანაზღაუროო. შემდეგ ქოხი მოათვალიერა და თქვა:

- მე ნაბრძანები მაქვს მოვძებნო და დავაპატიმრო ორი პიროვნება, რომელთაც სახელმწიფო ღალატი ედებათ ბრალად.

- მე ხელი დამიბანია, - თქვა ინვერაშალოხმა, - მე და ჩემი ხალხი წითურ მაკვრეგორთან საბრძოლველად მოვედი. მაკვრეგორმა ჩემი გარე ბიძაშვილი, ინვერნენტელი დუკან მაკლარენი მოკლა და სისხლი უნდა ავიღო[215]. პატიოსან ჯენტლმენებთან, თავიანთი საქმეების მოსაგვარებლად რომ მოგზაურობენ, ხელი არა მაქვს.

- მეც არაფერი მესაქმება იმათებთან, - აუბა მხარი გოლიათმა ივრხელმა.

მაიორი გალბრეიტი გაიბღინდა, ერთი გემრიელად ამოასლოკინა და დაიწყო:

- მე მეფე ჯორჯის წინააღმდეგ არაფერს ვიტყვი, კაპიტანო, რადგან საქმე ისე წავიდა, რომ მისი სახელით უნდა ვიმოქმედო, ახლა, მის სასარგებლოდ რომ ვმოქმედებ, იმას არა ნიშნავს, რომ სხვას აღარ უნდა დავეხმარო, ბევრისათვის სახელი „ჯეიმზი“ ისევე სასიამოვნოდ უღერს, როგორც „ჯორჯი“. ერთიც მეფეა და მეორეც, ოღონდ ერთი ტახტზე ზის, მეორე კი ტახტზე უნდა მჯდარიყო, მაგრამ არა ზის. ჩემი აზრით, პატიოსანმა ორივეს უნდა უერთგულოს, კაპიტანო! ჯერჯერობით კი მე როგორც, მილიციის ოფიცერსა და ერთგულ ქვეშევრდომს შეეფერება, ლორდ ლეიტენანტის აზრს ვიზიარებ, სახელმწიფო ღალატზე და მაგისტანა ამბებზე ნუ მოვცდებით! რაც ნაკლებს ვილაპარაკებთ, მით უფრო მალე ვენევით ჩენს საქმეს!

- ვნუხვარ, რომ ასე ფუჭად დაგიკარგავთ ძვირფასი დრო, - თქვა ოფიცერმა, როცა გალემილმა გალბრეიტმა დაამთავრა თავისი აბდაუბდა ლაპარაკი, - როცა ასეთი მნიშვნელოვანი საქმე გაქვთ გასაკეთებელი, დროს უნდა გაუფრთხილდეთ. გირჩევთ, ერთი საათით წაიძინოთ, ეს ჯენტლმენებიც თქვენთან არიან? - იკითხა ოფიცერმა და შეგვათვალიერა. ოლდერმენი

ვახშმის ნარჩენებს ანადგურებდა და თავი არ აუწევია. ჩვენს მაგვირად გალბრეიტმა უკასუხა:

- მგზავრებია, სერ, მშვიდობიანი ხალხია, ზღვასა და ხმელზე მოგზაურნი მშვიდობიანი ხალხი. ასე არა წერია ლოცვანში?

- მითითების თანახმად ერთი ხანში შესული და ერთი ახალგაზრდა პიროვნება უნდა დავაპატიმრო, - თქვა კაპიტანმა, კვარი აიღო ხელში და სახეზე მოგვანათა, - მე მგონი, ეს ჯენტლმენები სწორედ ისინი არიან, ვისაც ვეძებ.

- ჯერ დაფიქრდით და მერე ილაპარაკეთ, სერ, - ურჩია მისტერ ჯარვიმ კაპიტანს, - ნუ შეურაცხმყოფთ, თორემ ვერც წითელი ხიფთანი გიშველით, ვერც შლიაპა და ვერც ჭინჭილები. მაშინვე ორ ბრალდებას წამოგიყენებთ: ცილისწამებისა და უკანონო დაპატიმრებისათვის. მე თავისუფალი მოქალაქე და ქალაქ გლაზგოს სამაგისტროს წევრი გახლავართ, ჩემი სახელი და გვარია ნიკოლ ჯარვი. ამავე სახელსა და გვარს ატარებდა მამაჩემიც, მაგრამ მე ოლდერმენი ვარ და ვამაყობ კიდევ ამ წოდებით. მამაჩემი კი უსტაბაში იყო.

- პურიტანელი ნაგაზი იყო და მეფის წინააღმდეგ იბრძოდა ბოტველის ხიდთან, - სიტყვა ჩაურთო მაიორმა გალბრეიტმა.

- იგი თავის მოვალეობას ასრულებდ, მისტერ გალბრეიტ, და თქვენზე პატიოსანი იყო, - დაუბრუნა ხურდა ოლდერმენმა.

- ლაპარაკისათვის არ მცალია, - თქვა ოფიცერმა, - თუ ვერ დამიმტკიცებთ, რომ მეფის ერთგული ქვეშევრდომები ხართ, აუცილებლად დაგაკავებთ!

- მე მოვითხოვ, რომ სამოქალაქო ხელისუფლების წარმომადგენელთან მიმიყვანოთ, - განაცხადა ოლდერმენმა, - შერიფთან ან მომრიგებელ მოსამართლესთან! მე ვალდებული არა ვარ, ყველა წითელხიფთანიანის მომბაბგრებელ კითხვებს ვუკასუხო!

- კეთილი, სერ, მე ვიცი როგორ აგალაპარაკოთ! თქვენა, სერ, თქვენ ვინა ხართ?

- ფრენსის ოსბალდისტონი, სერ.

- რაო, ნორთუმბერლენდელი სერის ჰილდებრანდ ოსბალდისტონის ვაჟიშვილი?

- არა, სერ, - უთხრა ოლდემენმა, - გამოჩენილი კომერსანტის უილიამ ოსბალდისტონის შვილია, „ოსბალდისტონ და ტრეშამის“ სავაჭრო სახლის მეთაურის. კრეინს ქუჩაზე აქვთ კანტორა ლონდონში.

- სამწუხაროდ, მაგ გვარმა კიდევ უფრო გამიძლიერა თქვენი დაპატიმრების სურვილი. გთხოვთ წარმოადგინოთ ყველა საბუთი, რაც კი თანა გაქვთ!

შვენიშნე, რომ ამ წინადადებას ძალიან გააოცა მთიელები. მე კი კვლავინდებურად მშვიდად მივუგე ოფიცერს, არავითარი საბუთი არა მაქვს-მეთქი. მაშინ ჯარისკაცებს უბრძანა განაიარაღეთ და გაჩხრიკეთო. გადალიანება ხელს არ მომცემდა, ამიტომ იარაღი ავიყარე და გაჩხრევის ნება დავრთე. საკმაოდ თავაზიანად გამისინჯეს ჭიბეები და ის ბარათი მიპოვეს დიასახლისმა რომ გადმომცა:

- ეს ის არ არის, რასაც მოველოდი, მაგრამ ესეც საკმარისზე მეტი საბუთია საიმისოდ, რომ დაუყონებლივ დაგაპატიმროთ, - თქვა ოფიცერმა, როცა ბარათი წაიკითხა, - მე ბრალს გდებთ ვანონგარეშე მდგომ ყაჩაღთან რობერტ მაკგრეგორ კემპბელთან მიმოწერაში, ყაჩაღთან, რომელიც წლების განმავლობაში შავი ჭირივით ავლებდა მუსრს აქაურობას. რას იტყვით თავის გასამართლებლად?

- რობის მსტოვრები ყოფილან! - თქვა ინვერაშალოხმა, - პირველსავე ხეზე ჩამოვკიდოთ. სწორედ ამის ღირსნი არიან!

- ჩვენი საკუთარი ქონების დასაბრუნებლად მივდივართ, - თქვა ოლდერმენმა, - ჩვენი საკუთრება უნდა გადმოგვცეს. თვი-

თონ შემთხვევით ჩაუვარდა ხელში და უნდა დაგვიბრუნოს. მე მგონი, არ არსებობს კანონი, რომელიც ვაცს საკუთარი ქონების დაცვას უკრძალავდეს!

- ვინ მოგვით ვს ბარათი? - მე იმ საწყალი ქალის გაცემა არ მინდოდა და სიტყვა უპასუხოდ დავტოვე.

- თქვენ ხომ არათერს მეტყვით ამ ბარათზე? - ჰკითხა ოფიცერმა ენდრუს, რომელიც მთიელთა მუქარის გაგონებისთანავე ციებიანივით აცახცახდა.

- როგორ არა; ყველაფერი ვიცი... აქ ერთი ქეციანი მთიელი ბორიალობდა და სწორედ იმან გადასცა წერილი იმ ენაგატლე-კილ კუდიანს - აქაურ დიასახლისს. დავიფიცები, რომ ჩემმა ბატონმა არათერი იცოდა ამ წერილზე, მაგრამ მერე აპირებდა მთაში წასულიყო და რომ როის შეხვედროდა. ეჰ, სერ, იმაზე ვეთილ საქმეს არათერს ჩაიდენთ ცხოვრებაში, თუ რამდენიმე ჯარისკაცს გააყოლებთ და უკან გლაზგოში დააბრუნებთ ჩემს ბატონს. თვითონ ნურც კი ჰკითხავთ, უნდა თუ არა. მისტერ ჯარვი კი შეგიძლიათ ვარგა ხნით დააკავოთ. მაგას შეუძლია დიდი ჯარიმა გადაგიხადოთ. ჩემს ბატონსაც შეუძლია ჯარიმის გადახდა, მე კი ერთი ლატაკი მებაღე ვარ, ჩემზე დროის დაკარგვაც არა ღირს!

- ჩემი ამრით, ყველაფერს აჯობებს, ბადრაგი გავაყოლოთ და გარნიზონში გავგზავნოთ, - თქვა ოფიცერმა, - როგორც ეტყობა მჭიდრო ვაფშირი აქვთ ჩვენს მონინაალმდეგესთან და ვერ გავათავისუფლებ - მერე მე მომთხოვენ პასუხს. ჯენტლმენებო, თქვენ ჩემი ტყვეები ხართ!

განთიადისას საიმედო ადგილას გავემგზავრებით. თუ არ მოვვატყუეთ და მართლა ნიკოლ ჯარვი და ფრენსის ოსბალდისტონი ხართ, დიდად არ დაზარალდებით - ერთი ორი დღით დაგაკავებენ და მერე გაგათავისუფლებენ. არათერის მოსმენა აღარ მინდა, - უთხრა ოფიცერმა მისტერ ჯარვის, როცა დაატყო, რომ რაღა-

ცის თქმას აპირებდა, - სამსახური არ მაძლევს თქვენი თავის მართლებების მოსმენის საშუალებას.

- ძალიან კარგი, სერ, ძალიან კარგი! - უთხრა ოლდერმენმა. - ჯერ თქვენ სტვირზე უკრავთ, მაგრამ მერე იქნება ჩემს დაკრულზე მოგიხდეთ ცეკვა!

ოფიცერმა და მთიელებმა თათბირი დაიწყეს, მაგრამ ისე ხმადაბლა, რომ ერთი სიტყვაც ვერ გავიგონე. ცოტა ხნის შემდეგ, ეტყობა, შეთანხმდნენ და ოთხივენი ეზოში გავიდნენ. როცა კარი გაიხურეს, ოლდერმენმა შენიშნა:

- ეს ჩრდილოეთს კლანების მთიელები არიან და, თუ ხალხის ლაპარაკს დავეუჯერებთ, თავიანთ მეზობლებს არ ჩამოუვარდებიან ყაჩაღობაში, მაგრამ ხომ ხედავთ, მაინც ჩამოიყვანეს არგაილშირის საზღვრებიდან, რომ სანყალ რობს დაატაკონ - მაგათ ძველი ანგარიშები აქვთ გასასწორებელი რობთან და მის გვართან. ალბათ გრეჰემები, ბიუკენენები და ლენოკსელი მემამულეებიც აქ არიანს ამხედრებულები და კბილებამდე იარაღში ჩამსხდარნი. ისინიც რობის მოშულეები არიან და არც გაემტყუნებათ - არავის სიამოვნებს საქონლის დაკარგვა. ჯარისკაცებს კი აბა ვინ ეკითხება, საითაც უკრავენ თავს, იქით უნდა წავიდნენ. მზის ამოსვლისას ბევრი საზრუნავი ექნება სანყალ რობს. ქალაქის საბჭოს წევრმა კანონის საწინააღმდეგო არაფერი უნდა გაივლოს გონებაში, მაგრამ, თუ ხვალ რობმა ცხელი დღე აყარა მტრებს, ღმერთმანი, მართლა სულით და გულით გავიხარებ.

თავი XXX

ყური დამიგდეთ, გენერალო, ნუთუ სახეზე
ქალს ნატამალი შიშისა და ძრწოლვის მეტყობა?!
საგულდაგულოდ დამაკვირდით, მემჩნევა რამე?!
იქნებ სიფითრე? - შესაძლოა, მაგრამ გახსოვდეთ,
ეს გაფითრება გულისმოსვლის გახლავთ მარტოდენ,
რამეთუ, ვაგლახ, მონყალეხა მივიღე თქვენგან.

„ბონდუკა“[216]

კაპიტანმა ნება მოგვცა, ის ღამე ფუნდუკში გაგვეტარებინა. არა უშავს რა მოვენწყვით იმ ღატაკი ქოხის პირობაზე. მოგზაურობითა და ფათერაკებით გასავათებული ოლდმენი ერთ-ერთ სკამლოგინზე მიწვა და მაშინვე ხვრინვა ამოუშვა. იგი, ეტყობოდა, არც ლოგინის სისუფთავეს დაგიდევდა და არც დაპატიმრება ანუ ხეებდა დიდად - იცოდა, რომ მალე დაიხსნიდა თავს. მე კი მაგიდასთან გავატარე ის ღამე. ხანდახან თავს ჩამოვდებდი ზედ და თვალს მოვატყუებდი, უფრო მეტად კი ძილ-ბურანში ვიყავი. ჭარისკაცები მთელი ღამის განმავლობაში ირეოდნენ ქოხში - გადიოდნენ, შემოდდიოდნენ, ხორხოცობდნენ. შევატყვე, რაღაც ისე არ გამოუდიოდათ საქმე, როგროც უნდოდათ - მგონი, დასაზვერად აგზავნიდნენ, მაგრამ საჭირო ცნობები ვერ მოჰქონდათ. კაპიტანი უკმაყოფილო ჩანდა და ახალ-ახალ, ორ-სამკაციან რაზმს უშვებდა ცნობების მოსატანად. ქოხში დარჩენილი ჭარისკაცების ჩურ-

ჩუღს მოვკარი ყური და გავიგე, რომ ზოგი რაზმი კლახანში აღარ დაბრუნებულა.

განთიადისას სახეგაბრწინებულმა ვაპრალმა და ორმა ჯარისკაცმა ხელებშეკრული მთიელი შემოაგდეს ქოხში. ტყვე ჩემი ძველი ნაცნობი, გლაზგოს ციხის ყოფილი დარაჯი აღმოჩნდა. ხმაურზე მისტერ ჯარვიმაც გამოიღვიძა, მთიელს თვალი შეავლო და გაოცებულმა წამოიძახა:

- უფალო შეგვიწყალე! უქნარა დუგალი არ დაუტყვევებიათ? კაპიტანო, მე თავდებად დაჟუდგები ამ საქონელს და საკმაო თანხას დავდებ სანინდრად.

ოლდერმენმა ასეთი გულუხვობა, ეტყობა, იმიტომ გამოიჩინა, რომ დუგალის წუხანდელი თავგამოდება გაახსენდა, მაგრამ ვაპიტანმა მისი წინადადება უარყო და ურჩია საკუთარ თავს მიხედვით, ნუ დაგავინყდებათ, რომ თვითონაც პატიმარი ხართო.

- აი, მონმე ხართ, მისტერ ოსბალდისტონ, რომ ამ პიროვნებამ უარყო საიმედო თავდებობა, - მომმართა ოლდერმენმა, რომელმაც, როგორც ჩანს, ვაპიტანზე ვარგად იცოდა სამოქალაქო სამართალი, - ჩემი აზრით, ამ უქნარა დუგალს შეუძლია იჩივლოს, უკანონოდ დამაპატიმრესო და 1701 წლის აქტის თანახმად მოითხოვოს ზარალის ანაზღაურება. მე თვითონ ვიზრუნებ, რომ სამართლომ უარი არ უთხრას სარჩელზე.

ოფიცერმა, რომელსაც თორნტონს ეძახდნენ, ოლდერმენის მუქარა და მოთხოვნები არად ჩააგდო და წვრილად გამოკითხა დუგალს, ვინა ხარ, რას საქმიანობ და ვის იცნობო. ტყვე ძალზე უნადინოდ იძლეოდა პასუხს, მაგრამ ბოლოს იძულებული გახდა ეღიარებინა, იცნობს რომ რთი მაკგრეგორს, რომ ამ წლის განმავლობაში უნახავს იგი, უნახავს ექვსი თვის განმავლობაშიც, უნახავს ამ თვეშიც, ამ კვირაშიც და ბოლოს გამოტყდა, სულ ერთი საათის წინ დავცილდით ერთმანეთსო. ეს სიტყვები პირდაპირ გაზით ამოგლიჯეს პირიდან: ვაპიტანი თორნტონი მალი-მალ

ემუქრებოდა, თუ ზუსტ ცნობებს არ მომცემ, უახლოეს ხეზე ჩამოგკიდებო.

- ახლა კი, მეგობარო, კეთილი ინებეთ და მითხარით, რამდენი ვაცი ახლავს თან შენს უფროსს, - ჰკითხა ვაპიტანმა.

- ახლა, ახლა... არ ვი-ვიცი, რამდენი ეყოლება.

- თვალეში შემომხედე, შე შოტლანდიელო ძაღლო და არ დაივიწყო, რომ თუ მომატყუებ, მოგკლავ - გაცეცხლდა ვაპიტანი, - რამდენი არამზადა ჰყავდა იმ ქვემძვრომს, როცა შენ დასცილდი?

- ექვს არამზადაზე მეტი არა ჰყავდა.

- სხვა ყაჩაღები რა იქნენ?

- მოადგილეს გაჰყვნენ. ჩრდილოელ ბიჭებს ეომებიან.

- ჩრდილოელ კლანებს? - ჩაეკითხა ვაპიტანი. - ეგ სიმართლესა ჰგავს. შენ რა დაგავლა?

- უნდა გამეგო, რას აკეთებდნენ პატივცემული უფროსი ამ კლახანაში და წითელხიფთიანი შენტლმენები.

- ეს საქონელი მართლა გამყიდველი გამოდგა, - ჩამილაპარაკა ოლდემენმა უკნიდან, - კიდევ კარგი, რომ ქისა არ დავიცარიელე მაგის გულისთვის.

- ახლა კი, მეგობარო, - უთხრა ვაპიტანმა დუგალს, - მიდი, ასე მოვილაპარაკოთ: შენ უკვე გამოტყდი, რომ რობ როის მსტოვარი ხარ, მაშასადამე წესით უახლოეს ხეზე უნდა ჩამოგკიდოთ, მაგრამ თუ დამეხმარები, შევინყალებ! იცი რა, დონაღდა? მინდა იმ ადგილას მიმიყვანო, სადაც შენი ბატონი დატოვებ! რამდენიმე ვაცს გამოვიყოლებ! ორიოდე სიტყვა უნდა ვუთხრა საქმეზე. მერე გაგიშვებ და სადაც გინდა წადი! თანაც ხუთ გინეას გაჩუქებ!

- ოჰ, ოჰ, - შეძრწუნდა დუგალი, - მე ეს საქმე ვერ გავაკეთებ, ვერა, არ შემიძლია! ჯობია, ხეზე ჩამოკიდოთ ჩემი თავი!

- ძალიან კარგი, მეგობარო, ჩამოგკიდებ კიდევ, - დაპირდა ვაპიტანი, - შენს თავს დააბრალებ ყველაფერი. ვაპრალე ვრემ-

ჰო, იკისრეთ პროვოსტ-მარშალის მოვალეობა და ბოლო მოუღეთ ამ გაიძვერას.

კაპრალმა სადაც თოკი იშოვა, სანყალ დუგალს მიუახლოვდა და ნელ-ნელა შეუდგა მარყუჟის გამონასკვას. შემდეგ ყულფი კისერზე ჩამოაცვა ტყვეს და ორი ჯარისკაცის დახმარებით კარისკენ გაათრია. ზღურბლთან რომ მივიდნენ, დუგალი მიხვდა, ველარათერს მიშველიო და აყვირდა:

- მოიცათ, შელტმენებო, მოიცათ! ისე ვიზამ, როგორც პატივცემულმა მიბრძანა, გამიშვით!

- ნეტა გაათრიონ! - თქვა ოლდერმენმა. - მართლა სიკვდილის ღირსი ყოფილა! მიდით კაპრალო, მიდით გაათრიეთ!

- მე ღრმად ვარ დარწმუნებული, პატივცემულო ჯენტლმენო, ამის ადგილას თავად თქვენ რომ ყოფილიყავით, სულ არ აგვაჩქარებდით!

ამ დიალოგმა არ მომცა საშუალება, კარგად გამეგო, რა მოხდა ტყვესა და კაპიტან თორნტონს შორის. მართო ორიოდე სიტყვას მოვკარი ყური: დუგალმა ხმადაბლა ამოიბზუკუნა, მხოლოდ იქამდე მივიყვანთ, გიჩვენებთ, სადაც არის მაკგრეგორი და მერე ერთ ნაბიჯსაც არ გადავდგამ წინო.

- ხმა ჩაინყვიტე, შე არამზადავ! - უთხრა კაპიტანმა. - ჰო, კარგი, მართო ომ ადგილამდე მიგვიყვანე, იქით რალად მინდიხარ. კაპრალო, ჯარისკაცები სახლის წინ გაამწკრივე და ამ ჯენტლმენებს ცხენები გამოუყვანე! ესენიც თან უნდა გავიყოლოთ, ვერც ერთ ჯარისკაცს ვერ დავუტოვებ დარაჯად, იარაღი აისხით, ბიჭებო, და გადით გარეთ!

ჯარისკაცები წამოიშალნენ და მზადება დაიწყეს. ჩვენ დუგალის გვერდით დაგვაყენეს. ქოხიდან რომ გამოვდიოდით, დუგალმა კაპიტანს დაპირებული ხუთი გინეა შეახსენა.

- აჰა, აიღე, - უთხრა ინგლისელმა და ხელისგულზე ოქრო დაუდო, - ოღონდ იცოდე, თუ სწორე გზით არ წამიყვან, საკუთარი ხელით გაგიპობ თავს!

- რა არამზადა ყოფილა! - ჩამილაპარაკა ოლდერმენმა, - რას ვიფიქრებდი, თუ ასეთი ხარბი და მუხთალი იქნებოდა! ახ, ოქრო რას არ ჩაადენინებს ვაცს. მამაჩემი, უსტაბაში ნიკოლ ჯარვი, ხშირად ამბობდა, ოქროს მეტი ხალხი ჰყავს დაღუპული, ვიდრე ხმაღს, ოღონდ ოქრო სულსა ჰკლავს, ხმალი კი ხორცსაო...

ამ დროს კაპიტანს ფუნდუკის დიასახლისი მიეახლა და ანგარიშის გასწორება მოსთხოვა, თანაც მაიორ გალბერეიტისა და მისი მეგობრების დანახარჯებიც ინგლისელს დააწერა. კაპიტანი შეეკამათა, მაგრამ მისის მაკალპინმა განუცხადა, მე თქვენი სახელი მიხსენეს და ამიტომ გავუმასპინძლდი, თორემ წყალსაც არ დავალევივინებდიო. არ ვიცი, კიდევ შემოივლის თუ არ ჩემთან ეგ ვიღაც გალბერეიტი, კიდევ რომ შემოიაროს, ფულს არ მომცემს, მე კი ერთი საწყალი ქვრივი ქალი ვარ და ყველა გამვლელ-გამომვლელს თუ მუქთად ვუმასპინძლე, შვილები შიმშილით დამეხოცებიანო.

კაპიტანმა თორნტონმა ხელი ჩაიქნია და დანახარჯი მთლიანად გადაუხადა - სულ რამდენიმე ინგლისური შილინგი ყოფილა, შოტლანდიური კურსით კი საკმაოდ დიდი თანხა გამოდიოდა. გულუხვმა ოფიცერმა ჩვენი დანახარჯის გადახდა მოინდომა. დიასახლისმა ხმადაბლა ჩაულაპარაკა ოლდერმენს, გადაიხადოს, ინგლისელს თუ რაიმეს წააღლეტ მადლია, სულ მაგათ ხომ არ უნდა გწოვონ სისხლიო, მაგრამ მისტერ ჯარვიმ ცალკე ანგარიში მოსთხოვა დიასახლისს და ფული ჩაუთვალა. კაპიტანმა შემთხვევით ისარგებლა და ბოდში მოგვიხადა დაპატიმრებისათვის: ნუ გენყინებათ, თუ მართლა ერთგული ქვეშევრდომები ხართ, ერთი-ორი დღით დაგაკავებთ და გაგათავისუფლებთ, მეფის სამსახურში ვარ და სხვანაირად ვერ მოვიქცევით.

დავა და კამათი აღარაფერს გვიშველიდა, ბრძანება უნდა შეგვესრულებინა - ლაშქრობაში უნდა გავყოლოდით, ამიტომ თავი დავუკარით და ქოხიდან გადავედი.

არასოდეს დამავინწყდება, როგორ მესიამოვნა შოტლანდიური ჩახუთული ქოხის დატოვება და დილის მაცოცხლებელ ჰაერზე გამოსვლა. ამომავალ მზეს ოქროსა და სოსანისფრად შეეღება ღრუბლები და ნაზი სხივებით გაეცისკროვებინა თვალწარმტაცი მიდამო. ასეთი სილამაზე არასოდეს ენახე ჩემს თვალებს: მარცხნივ, ფართე ხეობაში მდოვრედ მიიკლაკნებოდა მდინარე ფოტტი, ეულად აღმართული ქოჩორა ტყით დაფარულ გორაკს უვლიდა და აღმოსავლეთით აგრძელებდა გზას. მარჯვნივ ზურ-მუხტისფრად ლაპლაპებდა გაუვალი ბუჩქნარებით დაფარული ბეჭობებითა და სალი კლდეებით გარშემორტყმული მთის ვრცელი ტბა; დილის ნიავით წამოშლილი ტალღები თვალისმომჭრელად ბრწყინავდა მზის აღმაცერ სხივებზე. ნიავი თითქოს სიცოცხლეს ბერავდა არყის ხისა და მუხის კორომებს, კოპნიად რომ აღმართულიყვნენ ტბის ირგვლივ შემოჭარული მთებისა და გორაკების ფერდობებზე. ფოთლები ჩურჩულებდნენ, ერთმანეთს უღიმოდნენ და ეალერსებოდნენ. ადამიანი კი კიდევ უფრო საცოდავი და დამცირებული მოჩანდა ამ ხელთუქმნელი, დიადი ბუნების ფონზე. კლახანში სულ თორმეტიოდე საცოდავი ქოხი (ოლდერმენი მათ ბუროკებს[217] ეძახდა) იდგა. ქოხები რიყის ქვითა და თიხით აეშენებინათ, უშნოდ გამოჩორკნილი არყის ხითა და მუხის მორებით გადაეხურათ და ბანზე ნაკელი დაეყარათ. ქოხები ისე დაბალი იყო, ენდრუსი არ იყოს, მეც გამიკვირდა, როგორ დავინახეთ წუხელის იმ სიბნელეში. სულ ადვილად შეიძლებოდა გავცდენოდით ან კიდევ უარესი ცხენს ფეხი ჩავარდნოდა ბანზე განყობილ მორევში.

მისის მაკალპინის ქოხი ცოტათი მაინც უკეთესი იყო სხვა ქოხებზე. თუ ჩემი ნაამბობის მოსმენის შემდეგ მაინც გაბედავ და

აბერფოილს ესტუმრები, დარწმუნებული ვარ, სიახლეს ვერ შენიშნავ - შოტლანდიელებს ძალიან ეძნელებათ მამაპაპისეული ცხოვრების წესიდან გადახვევა.[218] როცა ჩვენი ოცკაციანი რაზმი წასასვლელად გაემზადა, სოფლელები გარეთ გამოცვივდნენ. სოფელში მხოლოდ მიხრწნილი დედაბრები დარჩნენ, მაგრამ იმათაც ქოხის კარები გამოაღეს და ცქერა დაგვიწყეს. დედაბრებს ტანთ ძონძები ემოსათ ფლანგელის ჩაჩიდან გაბუნული თეთრი თმები მოუჩანდათ. ისინი გვიბღვერდნენ, რაღაცას გასძახოდნენ გელურად ერთმანეთს და გაძვალტყავებული ხელებით ქოქოლას გვაყრიდნენ. ამათ რომ ვუყურებდი, „მაკბეტის“ კუდიანები მახსენდებოდა. ქოხებში ამ კუდიანი დედაბრების გარდა არავინ დარჩენილა - ცეროდენა ბავშვებიც კი გამოვიდნენ ჩვენს საყურებლად. ზოგი სულ დედიშობილა იყო, ზოგს აქა-იქ უფარავდა სიტიტვლეს კუბოკრული ქსოვილის ნაჭრები. ისინი პანია ხელებს იტყაპუნებდნენ მუხლებზე და ბრაზიანი თვალებით აცილებდნენ ინგლისელი ჯარისკაცების რაზმს. ძალიან გამიკვირდა, რომ ასეთ პატარებსაც ასეთი ბოღმა და გაბოროტება ეწერათ სახებზე. კიდევ იმან გამაოცა, რომ კლახანში ვერც მამაკაცი დავინახე და ვერც ყმანვილი. ათი-თორმეტი წლის ბიჭისათვისაც კი არ მომიკრავს თვალი, არა და, ქოხები კი ცოტა იდგა კლახანში, მაგრამ მოსახლეობა ბლომად უნდა ჰყოლოდა. ვიფიქრე, ალბათ სადმე გზაში დაგვხვდებიან და მაშინ ქალებისა და ბავშვების სახებზე გამოხატული სიძულვილი ღიმილად მოგვეჩვენება-მეთქი.

კლახანს გავცდით და მარხილით გაკვალულ გზას დავადექით. (იქაურები ამ გზით ტორფსა და შეშას ეზიდებოდნენ ტბის ქვედა სანაპიროდან). სოფლელები მთლად გადაირივნენ: ქალებმა და ბავშვებმა ყურისწამლები წივილ-კივილი და ტაშის ცემა ატეხეს - შოტლანდიელები ტაშის ცემით გამოხატავენ ბრაზსა და რისხვას. რას მოგვძახიან-მეთქი, ვკითხე გაფითრებულ ენდრუს. მან თავი გადააქნია და მიპასუხა:

- ეჭვ, რასაც მოგვძახიან მალე აგვისრულება კიდევ. გვწყევლიან, გვლანძღავენ, ყველა წითელხიფთანიანს და საქონელს მინაში სდებენ. ქალების ლანძღვა-გინება და წყევლა-კრულვა ინგლისშიაც გამიგია და ქვემო შოტლანდიაშიც. ქალებს ყველგან ერთნაირადა აქვთ ყბა მოღებული, მაგრამ ამ ჩრდილოელ კუდიანებივით მოშხამული ენა არავისა აქვს. რას არ დაგიბედებენ: ცხვრებივით გამოგჭრან ყელიო, თქვენს სისხლში ვიცურავოთო, უოლტერ კუმიინგივით დაფლეთილიყავით, რომ ძაღლების ლუკმაც არ დარჩენილიყოს თქვენგანო[219] და რა ვიცი... რა საშინელება არ ამოსდით ყანყრატოდან. ეშმაკიც ვერ მოახერხებდა ასეთ წყევლას. ყველაზე უარესი კი ის არის, რომ მიჰყევით, ეგრე ტბის ნაპირს და ნახავთ რა დღეში ჩავარდებითო!

ენდრუს ნათქვამს ჩემი საკუთარი ვარაუდი დავუმატე და საბოლოოდ დავრწმუნდი, რომ მთიელები თავდასხმას გვიპირებდნენ. მიდამოც თანდათან ისეთი ხდებოდა, რომ სულაც არ გაუჭირდებოდათ ამ განზრახვის განხორციელება: გზა ტბის სანაპიროდან კარგა დაშორებით მიიკლავნებოდა დაჭაობებულ, ბუჩქნარით დაფარულ ველზე. ბუჩქნარი ალაგ-ალაგ ისეთი ხშირი იყო, რომ ორ ნაბიჯზე არაფერი ჩანდა და ყოველ წუთს შეიძლებოდა ჩასაფრებული მთიელები დაგვსხმოდნენ თავს. გარდა ამისა, მრავალჯერ მოგვიხდა მთის სწრაფი ნაკადულების გადალახვა. წყალი მუხლამდე სწვდებოდა ქვეითებს და თანაც ისეთი ჩქარი იყო, ხელი-ხელს უნდა ჩაეკიდათ ერთმანეთისათვის თორემ წაიქცეოდნენ. მე სულ არ ვიყავი განათული სამხედრო საქმეში, მაგრამ მივხვდი, რომ მდინარეზე გადასვლისას დიდი საფრთხე გველოდა - ნახევრად ველური მთიელები რომ დაგვსხმოდნენ თავს, სულ ადვილად დაგვამარცხებდნენ. ოლდერმენი ფხიზელი და დაკვირვებული კაცი იყო, ამიტომ იმანაც ასეთი დასკვნა გამოიტანა და კაპიტანს მიუბრუნდა:

- არ იფიქროთ, რომ გული მინდა მოგიგოთ და რაიმე შეღავათი გამოგტყუოთ - მონყალეებას ჩვეული არა ვარ და თავს არავის დავაჩაგვრინებ - თავის დროზე პასუხს გაგებინებთ უკანონო და-პატიმრებისათვის, მაგრამ ახალა, როგორც მეფე ჯორჯისა და მისი არმიის მეგობარი, თავს უფლებას ვაძლევ გკითხოთ: ნუთუ უკეთესი დროის შერჩევა არ შეგეძლოთ ამ მთებში სალაშქროდ? თუ რომ როის ეძებთ, უნდა იცოდეთ, რომ თან ორმოცდაათ ვაცზე ნაკლები არასოდეს ახლავს და, თუ გლენგაილელ და გლენფინლელ ბიჭებსაც მიიხმარებს, სულ კუდიტ ქვას გასროლინებთ. ჩემი, როგორც მეფის მეგობრის რჩევაა, უკან, კლახანში დაბრუნდეთ. არ დაგავინყდეთ, რომ აბერფოილელი ქალების წყევლა და ყვავის ჩხავილი ერთია - ორივე უბედურების მაუწყებელია!

- თქვენ ნუ სწუხთ, სერ, - მიუგო ვაპიტანმა, - მე პირნათლად შევასრულებ მოცემულ ბრძანებას, ხოლო, როგორც მეფის მეგობარს, მინდა გახაროთ, რომ ყველა ღონისძიებაა მიღებული, რათა არამზადების ბანდა ხელიდან არ გაგვისხლტეს. ახლა კი ნამდვილად მოეღება ბოლო ამდენ ყაჩაღობასა და ძარცვა-გლეჯას! მილიციის ესკადრონი, რომელსაც მაიორი გალბრეიტი მეთაურობს, უკვე შეუერთდა ორ თუ სამ ცხენოსან რაზმს. ისინი ამ ველური ქვეყნის ქვემო ნაწილის ყველა უღელტეხილსა და გადასასვლელს გაამაგრებენ; სამასმა მთიელმა, იმ ორი ჯენტლმენის მეთაურობით ფუნდუკში რომ გაიცანით, ზემო გადასასვლელები დაიკავა. გარდა ამისა, გარნიზონიდანაც გააგზავნეს რამდენიმე ძლიერი რაზმი მთებსა და ხეობებში. ადგილებიდან მიღებული უკანასკელი ცნობები ემთხვევა რომ როის მსტოვრის ჩვენებას: ყაჩაღმა ნახა, რომ ალყაშია მომწყვდეული და თავისი ხალხის უმეტესი ნაწილი გაუშვა. ეტყობა, ან დამალვას აპირებს ან ალყიდან გაძრომას - აქაური გზები და ბილიკები ხუთი თითოვით იცის და ამის იმედი აქვს.

- რაღაც ძალიან მეეჭვება, რომ რაიმეს გახდნენ. ამ დილას იმ გარსხატახინელს თავში აზრების მაგივრად არყის ოხშივარი ჰქონდა. თქვენი რომ ვიყო, ვაპიტანო, მთიელები იმედად არ დავდგებოდი. ხომ გაგიგონიათ, ძაღლი ძაღლის ტყავს არ დახევესო. ისინი გამუდმებით ლანძღავენ და ათრევენ ერთმანეთს და ხანდახან ხმალსაც დაატრიალებენ ხოლმე, მაგრამ როცა საჭიროა, ყველანი ერთიანდებიან იმათ წინააღმდეგ, ვინც ბარკლებს შარვლით იფარავს და ქისას ჯიბით ატარებს.

ვაპიტანს ეტყობა ჭკუაში დაუჯდა ოლდერმენის რჩევა. მან ჯარისკაცებს უბრძანა, შემჭიდროვებულიყვნენ და ჩახმახი ფეხზე შეეყენებინათ. შემდეგ დუგალი ხელახლა მკაცრად დაკითხეს, მაგრამ ახალი ვერაფერი ათქმევინეს. როცა უთხრეს ამ საშინელი გზით რატომ წამოგვიყვანეთ, სამართლიანად გაბრაზდა, ეს გზა ხომ მე არ გამიყვანია, თუ „შელტმენებს“ სწორ გზაზე უნდოდათ სიარული, „გლასკოში“ დარჩენილიყვნენ.

თითქოს საეჭვო და შემაშფოთებელი არაფერი იყო და ჩვენც გზა განვაგრძეთ. ახლა უკვე ტბისკენ გვეჭირა გზი, მაგრამ ისეთ ხშირ ტყეში მივდიოდით, რომ მხოლოდ დროდადრო თუ გამოჩნდებოდა ტბის ლაჟვარდი ზედაპირი. ბოლოს, როგორც იქნა, ტყის პირას გავედით და თვალწინ ვრცელი ტბა გადაგვეშალა. ქარი ჩამდგარიყო და ტბაში ლამაზად ირეკლებოდა ბუჩქნარით დაფარული ამაყი მთაგრეხილი, ვეება ლეგა კლდეები და ხუჭუჭა ფერდობები. ტბას მჭიდროს შემოჭაროდა ირგვლივ კლდოვანი გორაკები და მარტო ის ბილიკი დაეტოვებინა მისასვლელად, რომელსაც ჩვენ ვადექით. მტერს რომ ქვები დაეგორებინა ზევიდან, ამბის წამლები არავინ დარჩებოდა ჩვენგან. ამის ისიც ემატებოდა, რომ ეს მიხვეულ-მოხვეული ბილიკი ღრმა ხევში გადიოდა და ასი ნაბიჯის იქით არაფერი ჩანდა. ყოველივე ამან ერთობ შეაშფოთა ჩვენი მეთაური და განმეორებით უბრძანა ჯარისკაცებს, სახიფათო ადგილია და ფრთხილად იყავითო. შემდეგ დუგალს

დაემუქრა, თუ განგებ შემოგვითყუე, აქვე გაგათავებო. მთიელმა წარბიც არ შეიხარა მუქარაზე - ან უდანაშაულოდ თვლიდა თავს, ან სიკვდილისა არ ეშინოდა - მტკიცედ ჰქონდა გადანწყვეტილი ხაფანგში გაება მტერი.

- თუ შენტლმენები წითურ გრეგარახს ეძებენ, უნდა საფრთხესაც ელოდნენ, - უთხრა დუგალმა კაპიტანს.

ამის თქმა იყო და, კაპრალი, რომელიც ავანგარდს სარდლობდა, შეჩერდა, ერთი ჯარისკაცი გამოაგზავნა და შემოგვითვალა, წინ მთიელები არიან, გზა გადაუკეტავთ და მიუვალი ჰოზიციები დაუკავებიათ. იმავე წამს არიერგარიდან გამოგზავნილი ჯარისკაცი მოვიდა და მოახსენა, უკნიდან საბრძოლო სტვირების ხმა ისმის, ეტყობა მტერი ფეხდაფეხ მოგვდევისო. კაპიტანი თორნტონი მამაცი და საბრძოლო კაცი იყო და გადანწყვიტა, წინ გაჭრილიყო. მან ჯარისკაცები დაარწმუნა, სასწრაფოდ უნდა შევეუტიოთ მტერს, რადგან, უკანიდან ჩვენი მოკავშირე მთიელების სტვირების ხმა ისმის, ალბათ დასახმარებლად მოეშურებიან და, თუ იმათ მოსვლამდე დავიჭერთ რობ როის, სახელიც ჩვენ დავგვრჩება და სახრავიცო. შემდეგ არიერგარადიც შეიერთა და ჯარისკაცები ორ-ორად დააწყო, რადგან ვინრო გზაზე მეტი ვერ დაეტეოდა. დუგალი რაზმის შუაში ჩააყენა, ორი გრენადერი მიუჩინა, ორივეს უბრძანა, გაეცევა თუ დააპიროს, მაშინვე მოკალითო და თვითონ ტყვესაც დაემუქრა ხმადაბლა: თუ მოგვატყუე ძალივით ჩაგკლავო. კაპიტანმა ჩვენც დუგალის გვერდზე დავგაყენა, რადგან იქ ნაკლები საფრთხე გველოდა, შემდეგ თავისი მსუბუქი შუბი გამოართვა ჯარისკაცს, რაზმს წინ მოექცა და შეტევის ბრძანება გასცა.

რაზმი, როგორც ინგლისელებს ჩვევიათ, უშიშრად მიიწევდა წინ. მარტო ენდრუ ფერსერვისს ებორკებოდა ფეხები და სახეზე საშინელი შიში და დაბნეულობა ეწერა. გულახდილად რომ ვთქვა, ჩვენც, მე და მისტერ ჯარვი, ენდრუსავით არა ვცახცახებ-

დით, თორემ კარგა გვარიანად ვიყავით დაფეთებული. მართლაც და, რატომ უნდა მიგველო მონაწილეობა ამ სისხლის მღვრელ შეტაკებაში, ჩვენ რა შუაში ვიყავით, მაგრამ დავისა და კამათის დრო არ იყო და ბედს დავმორჩილდით.

უკვე ოც ნაბიჯზე მივუახლოვდით იმ ადგილს, სადაც ავანგარდმა მტერი შენიშნა. კაპრალს ტბაში საკმაოდ ღრმად შეჭრილი კონცხის წვერზე დაუნახავს მთიელთა ქუდები და გრძელულა თოფები. კონცხის წვეროზე მხოლოდ ერთი ვინრო და დაკლაკნილი ბილიკით შეიძლებოდა ასვლა. მთიელები ალბათ ფრიკას ბუჩქებში იყვნენ ჩასაფრებულნი, მწვერვალის უკანა მხარეს კაპიტანმა თორნტონმა რაზმის ნაწილს კაპრალი ჩაუყენა სათავეში და ჩასაფრებულ მთიელთა წინააღმდეგ გაგზავნა. კაპრალმა ჯარისკაცები სამმწკრივად დაანყო და ბილიკს დაადგა. თვითონ კაპიტანმა დანარჩენი მეომრები გაიყოლა და უფრო ნელი ნაბიჯით გაჰყვა დანინაურებულთ. კაპრალი ჯერ შუა გზაზეც არ იყო, რომ კონცხის თავზე ვიღაც ქალი აღიმართა და ხმამაღლა უბრძანა მომხვედურებს:

- შეჩერდით! მითხარით, რას ეძებთ მაკგრეგორის ქვეყანაში?

იშვიათად შემხვედრია ასეთი შთამბეჭდავი გარეგნობის ქალი. შეხედულებით ასე ორმოც-ორმოცდაათ წელს მისცემდი. ახალგაზრდობაში ძალიან ლამაზი იქნებოდა, ახლა კი სახის ნაკვთები გაუხეშებოდა - ეს მთის ჰავისა და გადატანილი დარდისა და ნაღველის კვალი უნდა ყოფილიყო. შეხედავდი თუ არა, იტყოდი, ძლიერი და მკაცრი ხასიათის ქალიაო. პლედის კაცივით ემოსა: თავზე კი არ ჰქონდა წამოხურული, მაგრად შემოეხვია ტანზე მთიელი მეომარივით. თავზე მამაკაცის ქუდი ეხურა, ქუდს რაღაც ფრინველის ფრთა უმშვენებდა, ხელში გაშიშვლებული ხმალი ჩაებღუჭა, ქამარში კი ორი დამბაჩა ჰქონდა გარტობილი.

- ჰელენ კემპბელია, რობის ცოლი, - ჩამჩურჩულა შეშინებულ-
მა ოლდერმენმა, - ვინმე ჩვენთაგანს აუცილებლად გაუხვრეტს
შუბლს. ამას ლაპარაკი აღარ უნდა!

- რას ეძებთ-მეთქი? - კვლავ ჰკითხა ქალმა ვაპიტან თორ-
ნტონს, რომელიც რაზმის წინ წამდგარიყო და მოლაპარაკების
დანწყებას აპირებდა.

- რობ როის, მაკგრეგორ კემპბელის, ყაჩაღსა და მოძალა-
დეს, - მიუგო ოფიცერმა, - ქალებთან კი ომს არ ვაპირებთ. წინა-
აღმდეგობას ნუ გაუნევთ მეფის ჯარს და პირობას გაძლევთ, რომ
თავაზიანად მოგექცევით.

- ჰო, მჯერა, - დასცინა ამორძალმა, - სხვამ თუ არა, მე მაინც
ვიცი თქვენი თავაზიანობის ამბავი. პატიოსანი სახელიც არ შე-
მარჩინეთ. დედაჩემიც კი ამარიდებს პირს, იმქვეყნად რომ შევ-
ხვდებით ერთმანეთს. არც სახლი დაგვიტოვებთ მე და ჩემიანებს,
არც მიწა, არც ლოგინი და არც საქონელი. მშიერ-ტიტვლები
დაგვყარეთ! სულითხორცამდე გაგვცალეთ! მამა-პაპათა სახელები
წაგვართვით, ახლა სიცოცხლე დაგვრჩენია და იმასაც უნდა
გამოგვასაღმოთ!

- მე არავის ვუსპობ სიცოცხლეს, მე მხოლოდ მოცემულ ბრძა-
ნებას ვასრულებ, - მიუგო ვაპიტანმა, - თუ მართო ხართ, ჩემო
კარგო, ნურათრისა შეგეშინდებათ, ხოლო თუ სხვებიც არიან
მანდ და ისე გათავხედდებიან, რომ შებრძოლებას გაგვიბედავენ,
თავიანთ თავს დააბრალონ ყველაფერი! სერჟანტო, იერიში!

- წინ, იერიში! - შესძახა უმცროსმა ოფიცერმა, - წინ, ბიჭებო!
წინ რობ როის თავი და მთელი ქისა ოქროა! - იგი სწრაფად და-
იძრა მწვერვალისაკენ და თან ექვსი ჯარისკაცი გაიყოლა, მაგრამ
პირველ მოსახვევს მიუახლოვდნენ თუ არა, გაისმა ვაჟიანი თო-
ფების ქუხილი და სერჟანტს ტყვიამ გაუხვრიტა მკერდი. იგი ხე-
ლებით ეპოტინებოდა კლდეს და კიდევ ცდილობდა, ზევით ასუ-
ლიყო მაგრამ მალე თითებში ძალა გამოეღია, კლდეც მოსწყდა

და ტბის სიღრმეში გაუჩინარდა. მთიელები რამდენიმე მხრიდან ისროდნენ და თანაც მიზანს იშვიათად აცილებდნენ. იმ ექვსი ჯარისკაციდან სამი დაეცა, არ ვიცი მოკლეს თუ დაჭრეს, დანარჩენებმა უკან დაიხიეს. ისინიც დაჭრილები იყვნენ ზოგი მძიმედ, ზოგი მსუბუქად.

- გრენადერებო, დაენყვით, - შესძახა კაპიტანმა თორნტონმა.

შენ უნდა გახსოვდეს, უილ, მაშინ გრენადერები მძლავრი იარაღით იყვნენ აღჭურვილი და ასეთი სახელიც ამიტომ ერქვათ. რაზმს მაშინვე გამოეყო ოთხი გრენადერი და წინ გამწვრივდა. კაპიტანმა რაზმს უბრძანა, მზად იყავით ამათ დასახმარებლადო, ჩვენ გვითხრა თქვენ თავს თვითონვე მიხედეთო და ბრძანება გასცა:

- გახსენით ჩანთები! ამოიღეთ ხელყუმბარები! აანთეთ პატრუქები! წინ!

რაზმი ყიჟინით დაიძრა წინ. გრენადერებმა ხელყუმბარები მოიმარჯვეს, რომ ბუჩქებში ეტყორცნათ - იქ ჩასაფრებულები ეგულეობდათ. მუშვეტერებმა თოფები შემართეს და ნაბიჯს მოუჩქარეს, რომ გრენადერებისათვის საქმე გაეადვილებინათ. დუგალი ყველას დაავიწყდა. იმანაც ჭკუა იხმარა, უკან, ბუჩქებში შეძვრა და კატასავით აცოცდა ციცაბოზე. მეც უკან მივყვევი, რადგან შუა გზაზე ვიდექი და მივხვდი, რომ მთიელები ტყვიას არ დამიგვიანებდნენ. გაფაციცებით, უკანმოუხედავად მივძვრებოდი კლდეზე. მთიელები გაბმულად ისროდნენ, მთები და კლდეები აასკვცებდნენ თოფების ხმას, ავის მომასწავებლად შიშინებდა პატრუქები, საშინელი ქუხილით სკდებოდა ხელყუმბარები, ისმოდა ჯარისკაცთა „ვაჰა“ და მთიელების ყიჟინა. სულ არა მრცხვენია ვალიარო, რომ გულით მინდოდა, როგორმე გავრიდებოდი ამ ჯოჯოხეთს და უშიშარ ადგილას შემეფარებინა თავი. მალე თითქმის შვეულ კლდეს მივადექი და ძლივსლა მივბობლავდი ზევით. დუგალი კი ჭიხვივით ხტდებოდა კლდის ერთი შვერილიდან მეორე-

ზე და სწრაფად მიიწვედა მწვერვალისაკენ. საბოლოოდ დავკარგე იმედი, რომ დუგალს დავენეოდი და ქვევით გადავიხედე, მინდოდა ჩემი თანამგზავრების ბედი გამეგო. ორივენი საშინელ დღეში იყვნენ: შიშს, როგორც ჩანს სავსაოდ გაეყოჩაღებინა მისტერ ჯარვი: იგი ოციოდე ფუტის მანძილზე აფოფხებულიყო გზის გვედით აღმართულ კლდეზე, მაგრამ მერე ფეხი დასხლტოდა და კვრინჩხის ბუჩქს რომ არ გამოდებოდა თავისი საგზაო ხიფთა-ნის ფალდებით, უკვე თავის საყვარელ მამასთან, უსტაბაშთან იქნებოდა მისული. ახლა კი თავდაღმა ეკიდა ის სანყალი და განძრევს ვერ ბედავდა. რომ შევხედე, ოლდერმენის მშობლიურ ქალაქში ნანახი ოქროს ვერძის ემბლემა გამახსენდა. (ეს ემბლემა ბაზრის კარებთან ვნახე, ერთ-ერთი დუქნის აბრაზე). ენდუს კარგა მაძილით გაესწრო ოლდერმენისათვის და კლდის მწვერვალისათვის მიეღწია. კლდე ტყეს გადაჰყურებდა თავზე, ტყეში გააფთრებული ბრძოლა იყო და ამიტომ ამ კლდეზე უარეს თავშესაფარს ვერც კი წარმოიდგენდა კაცი. ამას ენდრუც კარგად ხედავდა, მაგრამ მწვერვალი ისე ციცაბო იყო, რომ ვერც გადაღმა ბედავდა გადასვლას და ვერც უკან დაბრუნებულიყო.

ენდრუ ჯამბაზივით აწყდებოდა წინ და უკან ხელისგულისოდენა მოედანზე და იმის და მიხედვით, თუ ვის მხარეზე იხრებოდა გამარჯვების სასწორი, ხან გელურად ითხოვდა შველას ხან ინგლისურად. პასუხად მხოლოდ პატივცემული ოლდერმენის კვნესა ესმოდა: სიკვდილს თვალებში უყურებდა სანყალი და თანაც გულაღმა იყო დაკიდებული! ასეთ დღეში რომ დავინახე, გადავწყვიტე, რაიმე მეღონა, მაგრამ მალე მივხვდი, რომ ენდურს დახმარების გარეშე ვერაფერს გავხდებოდი. ხან ხელით ვანიშნე, ხან ვუბრძანე, ხან ვევედრე, მაგრამ ვერაფრით ვერ გავაბედინე, მწვერვალიდან დაბლა ჩამოსულიყო და ოლდერმენისათვის ეშველა. უნიჭო და პატივმოყვარე მინისტრივით გაიდგა ფეხი და ძირს ჩამოსვლას აღარ აპირებდა. მოთქმა და წუნუნი კი არ შეუნ-

ყვეტია: წინ და უკან დარბოდა და ყვიროდა შემობრალეთ, ნუ მომკლავთო, თუმცა მისი დარდი არავის ჰქონდა და არც ვედრება ესმოდა ვინმეს. ხანდახან მოეჩვენებოდა, მიზანში ამომიღესო და სასაცილოდ იგრიხებოდა, რომ ტყვია აეცილებინა. ცოტა ხნის შემდეგ დამშვიდდა, რადგან სროლა მოულოდნელად შეწყდა. ბრძოლა დამთავრებულიყო. ახლა მიზნად დავისახე ცოტა ზევით ავსულიყავი, გამეგო თუ რითი დამთავრდა ბრძოლა და გამარჯვებულისათვის (სულერთია, რომელი მხარე იქნებოდა), მეთხოვა, მონყალება მოეღოთ და მისტერ ჯარვი დაეხსნათ ამ სატანჯველისაგან. დარწმუნებული ვიყავი, რომ პატივცემულ ოლდერმენს არც ინგლისელები დატოვებდნენ ასე მოჰამედის კუბოსავით ცასა და დედამიწას შორის გამოკიდებულს და არც მთიელები. დიდი წვალეებით დავინწყე ზევით ასვლა და ბოლოს, როგორც იქნა, იმ სიმაღლეზე ავედი, რომ მთელი ბრძოლის ველი გადაამეშალა თვალწინ. ბრძოლა მართლა დამთავრებულიყო. როგორც მოველოდი, გამარჯვება მთიელებს დარჩენოდათ. დავინახე, როგორ ანიარალებდნენ მთიელები ვაპიტანსა და მის რაზმს. სულ თორმეტიოდე კაცი გადარჩენილიყო და იმათგანაც უმეტესობა დაჭრილი ჩანდა. იარაღის დაყრა თურმე ვაპიტანმა უბრძანა ჯარისკაცებს და სწორადაც მოიქცა: ინგლისელები ალყაში იყვნენ, მთიელები სამჯერ მეტნი იქნებოდნენ და უკეთესი პოზიციაც ეჭირათ. ალყა შემორტყმულები ვერც წინ ახერხებდნენ გაჭრას და ვერც უკან, ტყეში დამალვას. მტერი ზუსტი ცეცხლით ამცირებდა მათ რიგებს, თვითონ კი თითქმის სულ არ მოსდიოდა ზარალი. ასეთ პირობებში ბრძოლის გაგრძელება უაზრო სისხლისღვრას უდრიდა და სწორედ ამიტომ გადაწყვიტა ინგლისელთა რაზმის მეთაურმა, იარაღი დაეყარათ და გამარჯვებულთა დიდსულოვნებას მინდობოდნენ. მთიელები საფარიდან ისროდნენ და იოლად გადარჩნენ. ერთი მოკლული ჰყავდათ და რამდენიმე დაჭრილი - ხელყუმბარის ნამსხვრევეები მოხვედროდათ. ეს ყოველი-

ვე მოგვიანებით გავიგე, მაშინ კი იმით მივხვდი ვინ იყო გამარჯვებული, რომ დავინახე, თუ როგორ მოხადეს სახეგასისხლიანებულ ინგლისელ ოფიცერს თავიდან ქუდი, მერე კი სათითაოდ აჰყარეს იარაღი. იქვე მთიელებით შემოჭარული თავჩაქინდრული ინგლისელი ჯარისკაცები იდგნენ. ჯარისკაცებს სახეზე საშინელი დარდი და მწუხარება ენერათ - აშკარა იყო კარგად იცოდნენ ომის მკაცრი კანონი და შებრალებას არ მოელოდნენ.

თავი XXXI

„ვაჰ, დამარცხებულთ!“ მკაცრი იყო სიტყვა ბრენოსი,
გალურ მახვილმა როს დაუფრთხო რომს ანგელოსი...
„ვაჰ, დამარცხებულთ!“ განაჩენი იყო სასტიკი:
ხმაღმა დახარა პინა სავსე გამოსასყიდით!..
ბრძოლის ველს, სადაც სიჩუმეა ახლა სამარის,
გამარჯვებულის ნებამ უნდა დასდოს სამანი!..

„გალიადა“

გათაცვიცვებით ვეძებდი გამარჯვებულებში დუგალს. თითქმის დარწმუნებული ვიყავი, რომ განგებ ჩაუვარდა ტყვედ ინგლისელებს - უნდოდა ამ ვიწროებში შემოეტყუებინა ისინი. გაცოცხლებული ვიყავი, როგორ მოხერხებულად გააცურა ამ უბირმა, ნახევრად ველურმა მთიელმა ინგლისელი ოფიცერი, როგორ ძალით ამოჰგლიჯეს პირიდან ცნობები, რომლის მისაწოდებლადაც გაითამაშა ეს როლი. მი ვიცოდი, რომ თუ ახლავე მივიდოდი გამარჯვებით დამთვრალ მთიელებთან, დიდ საფრთხეში ჩავიდებდი თავს. მათი სიმკაცრის საბუთი საკუთარი თვალით დავინახე: ორი თუ სამი ჯარისკაცი, რომლებიც მძიმედ იყვნენ დაჭრილი და ფეხზე წამოდგომა ვერ შეძლეს, შეუბრალებლად დაკლეს ხანჯლებით ძონძებში გამოხვეულმა ბიჭებმა. ცხადი იყო, რომ, თუ სიცოცხლის შენარჩუნება გვინდოდა, შუამავლის გარეშე არ უნდა მივსულიყავით მთიელებთან და რადგან კემპბელი (ახლა უკვე ვიცოდი, რომ კემპბელი და რობ როი ერთი და იგივე პიროვნება

იყო) ვერსად დავლანდე, გადავწყვიტე, მისი მსტოვრისათვის, დუგალისთვის მეთხოვა მფარველობა. ბევრი ვათვალიერე, მაგრამ დუგალი აღარსად ჩანდა. როცა მისი პოვნის იმედი დავკარგე, ისევ ჩემი მეგობრისაკენ დავაპირე წასვლა, იქნებ როგორმე დავეხმარო-მეთქი. ადვილად წარმოიდგენ, როგორ გამიხარდებოდა, როცა დავინახე, რომ მისტერ ჯარვი აღარ ეკიდა იმ კვირინჩხზე. მას როგორღაც მოეხერხებინა თავის დახსნა და ახლა სახე გალურჯებული და ტანსაცმელშემოფლეთილი, მაგრამ უვნებელი და საღ-სალამათი იჯდა კლდის ძირას. მაშინვე მივყახლე და გულითადად მივულოცე გადარჩენა, მაგრამ ტუჩი ამიბზუა და, თუმცა ხველებით იხრჩობოდა, მაინც ვარგა მაგრად გამომოთათხა:

- უჰუ, უჰუ! კიდევ იტყვიან მეგობარი... უჰუ, უჰუ, უფხუ!.. ძმაზე უკეთესიაო... უჰუ, უჰუ! ამ ღვთისა და ვაცისგან დაწყევლილ ქვეყანაში (ღმერთო მაჰატიე შენი ხსენება) მხოლოდ თქვენს საქმეზე ჩამოვედი, თქვენ კი ჯერ ბედის ანაბარა მიმაგდეთ ამ ორომტრიალში - ხომ შეიძლებოდა ტყვია მომხვედროდა ან წყალში დავმხრჩვალიყავი - და მერე ცასა და მიწას შორის რომ გამოვეკიდე ბალის საფრთხობელასავით, ხელიც არ გაანძრიეთ მოსაშველებლად. ეს სინდისია?

ათასი ბოდიში მოვეუხადე და დავუსაბუთე, რომ მარტო ვერ დავეხმარებოდი. მეორე ვაციც იყო საჭირო, რომ კვირინჩხიდან ჩამომეხსენი-მეთქი. მისტერ ჯარვი ფიცხი ვაცი იყო, მაგრამ გამოცოლი გული არა ჰქონდა და მალე შემირიგდა. მხოლოდ ახლა გავბედე, და ვკითხე, როგორ დაიხსენით თავი-მეთქი:

- დაიხსენიო? რომ არ ეშველათ, მეორედ მოსვლამდე ვეკიდებოდი! როგორ დავიხსნიდი თავს, როცა საბაჟოს სასწორივით ვიყავი ჩამოკიდებული ტოტზე. გუშინდელივით, იმ უქნარა დუგალმა მიშველა - ხანჯალით გამიჭრა ხიფთანის ფაღდები, კიდევ ორითავის ნაირი უნიფხვო მოიშველია და მარჯვედ დამაყენეს

ფეხზე. ნახეთ, როგორი მაუდი იქსოვება ჩვენში! დამპალი ფრანგული კამლოტი, ან რაიმე დრაპ-დე-ბერისგან შეკერილი ტანსაცმელი რომ მცმოდა, მაშინვე ძირს მოვადენდი ზღართანს. მაა! ღმერთმა არ უნდა უშველოს ამის მომქსოვს?! ისე მაგრად ვევიდე, როგორც გაბარტი[220] ბრუმი ლოს ნავსადგურში.

კვითხე თქვენი მხსნელი რა იქნა-მეთქი:

- იმ უქნარამ (ოლდერმენი კვლავ ასე იხსენიებდა დუგალს) მითხრა, ლედისთან მისვლა სახიფათოა, მისი ქმრის მოსვლას დაველოდოთო და აქ დამტოვა. ახლა, ალბათ დაგეძებთ. საზრიანი ყმაწვილია... ისიც სწორია, რაც ამ ქალზე თქვა, თვითონ რომ ლედის უწოდებს. ჰელინ კემპბელი ქალიშვილობაშიც კაპასი იყო, გათხოვების შემდეგ კი სულ გადაირია. თურმე თვითონ რობიც უბატონოდ არ ელაპარაკებაო. ერთიც ვნახოთ და, ვერ მიცნოს - რამდენი წელია არ გვინახავს ერთმანეთი! არა, ნამდვილად ვერ გავხვდავ მარტო მისვლას, ჯობს ისევ იმ უქნარას დავუცადო.

ეს თათბირი მოვუნონე, მაგრამ იმ დღის განგებას არ ენება, რომ პატივცემული ოლდერმენის სიფრთხილეს სათანადო ნაყოფი გამოეღო.

მართალია, ენდრუ ფერსერვისმა ბრძოლის შეწყვეტისთანავე დაანება თავი ცეკვა-თამაშს, მაგრამ დაბლა ჩამოსვლა ვერ მოახერხა და მთიელებს, რომლებიც ბრძოლით აღარ იყვნენ გართულნი და მიხედ-მოხედვის დრო ჰქონდათ, სულ ადვილად შეეძლოთ შეემჩნიათ მოტიტვლებული კლდის თავზე ბაციკუკუსავით დასკუპებული კაცი. მართლაც, სულ მალე, გამარჯვებულთა რიგებში ატეხილმა ხორხოცმა და ყიჟინამ გვამცნო, რომ მთიელებმა შენიშნეს ენდრუ ფერსერვისი. სამი თუ ოთხი მეომარი მაშინვე გამოეყო ბრბოს, ბუჩქებში შევარდა და სხვადასხვა მხრიდან შეუტია კლდოვან ფერდობს.

ისინი, ვინც პირველნი მიუახლოვდნენ თოფის სასროლ მანძილზე სანყალი ენდრუს ციხე-სიმაგრეს, შეჩერდნენ და ნაცვლად იმისა, რომ დახმარების ხელი გაეწოდებინათ გაჭირვებაში ჩავარდნილი ადამიანისათვის, გრძელლულა ესპანური თოფები მოიმარჯვეს და ნათლად აგრძნობინეს საცოდავს, თუ შენი ნებით არ ჩამოხვალ, ჩიტივით ჩამოგაგდებთ მანდედანო. ამ საშინელმა მუქარამ სათანადო ნაყოფი გამოიღო: ენდრუმ იფიქრა, აქ რომ დავრჩე, ტყვიებით დაცხრილვა არ ამცდებაო და ფერდობს დაადგა. იგი ხან სუროს ეჭიდებოდა აკანკალებული ხელებით, ხან ბუჩქებს, ხან კლდის შვერილებით, მაგრამ ხანდახან მაინც ახერხებდა მუდარით გაეწვდინა ხელი თოფმომარჯვებულ მთიელებსათვის და ენიშნებინა, არ მესროლოთო. ბოლოს, სანყალი, როგორც იქნა, ჩამოფოფხდა იმ საშინელი მწვერვალიდან, სადაც მხოლოდ სიკვდილის შიშმა აიყვანა. ენდრუ ისე მოუხერხებლად ჩამოდიოდა კლდიდან, რომ მთიელები სიცილით იხოცებოდნენ და ერთი-ორჯერ გაისროლეს ჰაერში, რომ კიდევ უფრო შეეშინებინათ. ბოლოს, დიდი წვალეებით, შედარებით სწორ ნიადაგზე დადგა ფეხი, უფრო სწორად, გაიშხლართა, რადგან უკანასკნელ წამს მუხლები მოეკვეთა, მაგრამ მთიელები დადარაჯებულები იყვნენ და მაშინვე წამოაყენეს ფეხზე. ფეხზე წამოყენებამდე კი ჯიბეები დაუცარიელეს, შლაპა და ჰარიკი მოაძვრეს თავიდან და ხიფთანი, წინდები და ფეხსაცმელები გახადეს. ეს ყველაფერი თვალის დახამხამებაში მოხდა და ენდრუ, რომელიც გულადმა დაცემისას არც ერთ ქალაქელ მსახურზე ნაკლებად არ გახლდათ გამოპრანჭული, ახლა ისე იყო გაფცქვნილი და გაუბედურებული, რომ ბალის საფრთხობელა გეგონებოდა. მთიელებმა სულ არ მიხედეს, რომ ენდრუ მიუჩვეველი იყო შიშველი ფეხებით წვეტიან ქვებზე სიარულს და სულ მუჭლუგინით გაიგდეს წინ.

სანამ ისინი დაბლა ეშვებოდნენ, არწივისთვალა მთიელებმა მე და მისტერ ჯარვი შეგვნიშნეს. თვალის დახამხამება ვერ მო-

ვასწარით, რომ ექვსი მეომრის გარემოცვაში აღმოვჩნდით. ზოგმა ზედ ყელზე მოგვაბტინა ხანჯლის წვერი, ზოგმა კი ჩახმახშეყენებული დამბაჩა დაგვაღირა მკერდზე. წინააღმდეგობის განწევა სიგიჟე იქნებოდა, მით უმეტეს, რომ იარაღი არც ერთს არ გვქონდა. ბედს დავმორჩილდით და მომხვდურები, მეფე ლირის სიტყვებით რომ ვთქვათ, მაშინვე მოურიდებლად შეუდგნენ ჩვენს მოშლილფეხას, რათა ისეთსავე, ორთვეხა უფრთო საფრთხობელისათვის დავემსგავსებინეთ, როგორადაც ჩვენგან ორ ნაბიჯზე მდგომი სიცივითა და შიშით აკანკალებული ენდრუ ფერსერვისი ქცეულიყო. საბედნიეროდ, მშველელი გამოგვიჩნდა და ამ საშინელი დღიდან გვიხსნა: მე, ის იყო ყელიდან შარფი მოვიხსენი (ნამდვილი „სტეინკერკი“ იყო, მდიდრულად მოქარგულ) და მოძალადეებს ჩავაბარე, ხოლო ოლდერმენი თავის ბოლომოგლეჯილ ხიფთანს შეელია, რომ დუგალი გამოჩნდა და საქმე სხვანაირად შეტრიალდა. თხოვნით, გინებითა და მუქარით (ამას მისი ლაპარაკის კილოთი და ხელების ქნევით მივხვდი) მან აიძულა მოძალადენი ძარცვა შეეჩერებინათ, მერე კი ნადავლიც გამოგლიჯა ხელიდან და შარფი ისე მაგრად შემომახვია ყელზე, რომ ვიფიქრე, რომ გლაზგოს ციხეში დარაჯად მუშაობისას ჯალათის ხელობასაც სწავლობდა-მეთქი. შემდეგ ხიფთანის ნარჩენი წამოასხა მისტერ ჯარვის მხრებზე, ყაჩაღებს უბრძანა, ფრთხილად ჩამოვეყვანეთ დაღმართზე (განსაკუთრებით კი ოლდერმენს მოფრთხილებოდნენ) და თვითონ დანინაურდა, რომ ჩვენკენ წამოსულ მთიელთა დიდი ჯგუფს შეხვედროდა. ენდრუ ფერსერვისს ხმა ჩაუნყდა ხვეწნით, მეც შენს მფარველობაში ამიყვანე, ან უთხარი ფეხსაცმელი მაინც დამიბრუნონო, მაგრამ დუგალმა უხეშად მიუგდო, რა გინდა, შენც ხომ კეთილშობილი არა ბრძანდები, პაპაშენი თუ ფეხშიშველა დადიოდა, შენც არაფერი გიშავსო, შემდეგ ენდრუ მთიელებს დაუტოვა, როგორც გინდათ ისე ჩამო-

იყვანეთო და სწრაფად გაგვიძღვა წინ იმ ბილიკით, სადაც სულ ცოტა ხნის წინათ ბრძოლა იყო გაჩაღებული.

ჩვენ მთავარსარდალთან უნდა მივეყვანეთ. დუგალი მთელი გზის მანძილზე ჩხუბობდა, ილანძლებოდა, ღრიალებდა და ხან მუქარით ხან კი მუჭლუგუნით გვაშორებდა ყველას, ვინც ცდილობდა ზომამზე მეტი გულმოდგინება გამოეჩინა და ავეჩქარებინეთ. ბოლოს წარვდექით ამორძალის წინაშე. და, გულახდილად უნდა ვთქვა, მის დანახვაზე ისევე ამიჩქროლდა შიშით გული, როგორც წელან, ველური, გაცოფებული მთიელები, რომ შემოგვხვივნენ ირგვლივ. არ ვიცი, პირადად მიიღო თუ არა ჰელინ მაკგრეგორმა მონაწილეობა ხოცვა-ჟლეტაში (შემდგომში მითხრეს არაო), მაგრამ სახე წითლად ჰქონდა აღენილი, ქუდიდან აწეწილ-დაწეწილი ყორანივით შავი თმა ჩამოშლოდა, შუბლზე და იდაყვებამდე ავაპინებულ მკლავებზე სისხლი ეცხო ხმალიც სისხლით ჰქონდა მოსვრილი. მთავარსარდალს კმაყოფილებით უბრწყინავდა გამჭრიახი, შავი თვალები - ეტყობოდა, მეშვიდე ცაზე იყო სიხარულით, რომ შური იძია მტარვალეებზე, მაგრამ უაზრო სიმკაცრესა და სისხლის წყურვილს ვერ დასწამებდი. როცა პირველი შეხვედრით გამოწვეული მღელვარება დამიცხრა და უფრო დაკვირვებით შევათვალიერე, იმ ბიბლიურ გმირ ქალებს მივამგვანე, საფრანგეთის კათოლიკური ეკლესიის კედლებზე რომ არიან გამოსახული. მართალია, იმათსავით ლამაზი არ იყო, მაგრამ გამარჯვების სიხარულს ისეთი სიდიადე მიენიჭებინა, რომ გამოჩენილი ოსტატების ფუნჯით გაცოცხლებული გმირი ქალები ივდითი, დებორა და იაილი წარმომიდგა თვალწინ.

დაბნეული ვიდექი და არ ვიცოდი, როგორ დამეწყო ლაპარაკი ამ უცნაურ ქალთან. სანამ ხმას ამოვიღებდი, მისტერ ჯარვიმ ერთი ჩაახველა, სული ამოითქვა (ჩვენ ძალიან ჩქარა მოვდიოდით და ოლდერმენს კვლავ ქოშინი ავარდნოდა) და დაიწყო:

- უჰუ, უჰუ, მე მინდოდა მეთქვა, ისა... მინდოდა მეთქვა, რომ ფრიად მადლობელი ვარ განგებისა და თავს მეტად ბედნიერად ვთვლი (ხმა კი, პირიქით, უბედურივით უკანკალებდა), რომ საშუალება მომეცა (ოლდერმენმა ცოტათი აუწია ხმას), მივესალმო ჩემი ნათესავის, რობინის, მეუღლეს... უჰუ, უჰუ! როგორ ბრძანდებით, როგორა ცხოვრობთ? (იგი ახლა უკვე თამამად და შინაურულად ლაპარაკობდა), რამდენი ხანია არ მინახავხართ. რას აკეთებდით მთელი ამ ხნის მანძილზე? თქვენ, რასაკვირველია დაგავინწყდით მისის მაკგრეგორ კემპბელ. მე თქვენი ნათესავი ვარ, ბიძაშვილად მოგხვდებით! უჰუ, უჰუ! მე აღარ გემახსოვრებით, მაგრამ მამაჩემი კი არ დაგავინწყდებოდათ - არ გახსოვთ ნიკოლ ჯარვი, უსტაბაში, გლაზგოში რომ იყო, „მარილის ბაზარში“? უსპეტაკესი ადამიანი გახლდათ, დიდ პატივს სცემდა თქვენს ოჯახს და პირადად თქვენ. ამგვარად, როგორც უკვე მოგახსენეთ, ფრიად კმაყოფილი ვარ, რომ ჩემი ნათესავის მეუღლეს შევხვდი! ასე მაგრად რომ არ ვყავდე გაკავებული თქვენს ვაჟკაცებს, გავბედავდი და ისე მოგესალმებოდით, როგორც ნათესავს შეეფერება. ისე კი, ვაცმა რომ თქვა, კარგი იქნებოდა, მეგობრებთან შეხვედრის წინ ხელ-პირი დაგებანათ.

ასეთი თამამი და შინაურული ლაპარაკი, რაღა თქმა უნდა, სულ არ მოეწონებოდა ჰელინ მაკგრეგორს, მთავარსარდალს, რომელმაც ეს-ეს იყო ძლიერი მტერი დაამარცხა სისხლისმღვრელ ბრძოლაში და ახლა ტყვეების ბედი უნდა გადაეწყვიტა.

- საიდანა ხარ მაკგრეგორის ნათესავი, როცა არც იმათი ფერის ტანსაცმელი გაცვია და არც იმათ ენაზე ლაპარაკობ? - ჰკითხა ჰელინმა ოლდერმენს. - ვინა ხარ? ენა და ქცევა ძალღისა გაქვს და ირმებს კი ეტოლები!

- არ ვიცი იქნებ თქვენთვის არასოდეს უთქვამთ, როგორი ნათესავები ვართ, მაგრამ ეს საიდუმლო არ არის და სულ ადვილად შემოძლია დაგისაბუთოთ, რომ ძალიან ახლო ნათესაობა

გვაქვს, - უშიშრად მიუგო მისტერ ჯარვიმ, - დედაჩემი ელსპეტ მაკფარლანი გახლდათ მამაჩემი ნიკოლ ჯარვის, უსტაბაშის, ცოლი (ღმერთმა სასუფეველი დაუმკვიდროს ორივეს). ელსპეტი იყო პარლან მაკფარლანის ქალიშვილი და ამის დადასტურება შეუძლია მის მეორე ქალიშვილს მეგი მაკფარლანს, ანუ მაკნაბს, სტუაგრაღახანელ დუკან მაკნაბის მეუღლე. თქვენი მეუღლე, რობინ მაკგრეგორი ბადიშის შვილად ერგება ელსპეტს, რადგან...

მაგრამ ამორძალმა ერთი შეკითხვით შიგ ძირში გადაჭრა ამდენი წვალეებით ნაზარდი გენეალოგიური ხე:

- ნუთუ მქუხარე ნიაღვარმა თავის ნათესავად უნდა ჩათვალოს საცოდავი რუ, რომელიც მის ნაპირას მცხოვრებლებს ბოსტნის მოსარწყავად გაუყვანიათ?

- მართალი ბრძანდებით, პატივცემულო ნათესავო, მაგრამ ნიაღვარი მცხუნვარე ზაფხულში, როცა თვითონ დაშრობის პირას არის მიმდგარი, უარს არ იტყვის დაიბრუნოს ის საცოდავი რუ. ვიცი, რომ მთიელები არაფრად გვაგდებთ გლაზგოელებს, რადგან სხვანაირად გვაცვია და სხვა ენაზე ვლაპარაკობთ. რას ვიზამთ, ყველა თავის მშობლიურ ენაზე ლაპარაკობს და თავისებურად იცვამს. აბა სასაცილო არ იქნება, რომ ამ ღიპზე მოკლე ხიფთანი ჩავიცვა და ამ სისქე ბარკლები გადმოვყარო? თქვენები აშხვართულები არიან და უხდებათ, მე კი რას დავემგვანები, შარვალი რომ არ მეცვას. გარდა ამისა, ძვირფასო ნათესავო, - განაგრძო ოლდერმენმა, თუმცა დუგალიც ანიშნებდა გაჩუმდიო და ამორძალსაც აშხარად ეტყობოდა, რომ ამდენი ყბედობით მოთმინების ფიალა ავსებოდა, - კარგად უნდა გახსოვდეთ, რომ გაჭირვებას ხანდახან მეფეც კი მიუყვანია ვაჭრის კარზე. თქვენ, რაც არ უნდა აფასებდეთ თქვენს მეუღლეს (უნდა აფასებდეთ კიდევ, ეგ ცოლის ვალია და საღმრთო წიგნიც ამას გვასწავლის), დიახ, ძალიან მაღლა აყენებთ თქვენს მეუღლეს, მაგრამ ისიც არ უნდა და-

ივინყოთ, რომ ჩემგან დავალებულია. მარგალიტის ყელსაბამზე, საქორწილო საჩუქრად რომ გამოგიზავნეთ, აღარაფერს ვიტყვი; ეს მაშინდელი ამბავია, როცა რობი პატიოსანი მეჭოგე იყო, ქურდებთან და ყაჩაღებთან არ მეგობრობდა, მეფის ჯარებს არ ეომებოდა და მეფის ჯარისკაცებს არა ხოცავდა.

ოლდერმენმა, ეტყობა, ბებერაზე დააბიჯა ფეხი ნათესავს. ჰელინ მაკგრეგორი წელში გასწორდა და მწარე, მიზღნარევი ღიმილით თქვა:

- დიახ, თქვენ და თქვენისთანები მაშინ გვთვლიან ნათესავებად, როცა მონებივით გემსახურებით. შეშა უნდა დაგიპოთ, წყალი მოგიტანოთ, საქონელი მოგიყვანოთ, რომ მუცლები გაიხეთქოთ ჭამით და თანაც უნდა დაგვაპატიმროთ, დაგვსაჯოთ, ჩამოგვახრჩოთ, რომ ნამდვილი ბატონები გინოდონ! ახლა კი აღარ გემორჩილებით, ახლა თავისუფლები ვართ! სწორედ იმ განაჩენმა გაგვიხსნა ხელები, რომლითაც ყველაფერი წაგვართვით - სახელი, კარი, საჭმელი, ტანსაცმელი, რომლითაც მე დამწიხლეთ და გამანადგურეთ! მე მხოლოდ იმიტომ დავრჩი ამ ქვეყნად, რომ შური ვიძიო! დღევანდელ გამარჯვებას ერთ ასეთ საქმეს წავუმატებ, რომელიც საბოლოოდ განყვეტს ნათესაობის ძაფებს მაკგრეგორებსა და დაბლობელ ნუნურაქებს შორის. ეჰეი, აღან დუგალ! მაგრად შებოჭეთ ეს სასენახელები და ტბაში გადაუძახეთ - დე, იქ მოძებნონ თავიანთი მთიელი ნათესავები.

თავზარდაცემულმა ოლდერმენმა რალაცის თქმა დაჰირა, ალბათ უნდოდა თავი შეეცოდებინა, მაგრამ, კიდევ კარგი, ვედარ მოასწრო, თორემ, უეჭველია კიდევ უფრო გააცოფებდა რისხვით ისედაც სახეშეშლილ ჰელინ მაკგრეგორს: სანამ იგი რაიმეს იტყოდა, დუგალი შუაში ჩაგვიდგა და სწრაფად დაიწყო ლაპარაკი მშობლიურ ენაზე. იგი ლაღად და შეუბორძიკებლად ლაპარაკობდა, რაც ძალიან მეუცხოვა, რადგან, როცა ინგლისურად მეტყველებდა, ყოველ სიტყვაზე ენა ებმოდა და ძლივს გვა-

გებინებდა სათქმელს. ახლა კი სხაპასხუპით უმტკიცებდა რაღაცას მთავარსარდალს, ევედრებოდა, ხელებს იქნევდა... ერთი სიტყვით, ეტყობოდა, რომ გულით და სულით ცდილობდა, სიკვდილს გადავერჩინეთ.

- როგორ ბედავ შემეკამათო, შე ძაღლისშვილო! - შეანწყვტინა მბრძანებელმა ინგლისურად, რომ ჩვენც გაგვეგო და პატიების იმედიც გადაგვენწყვიტა, - რომ მებრძანებინა ენა ამოაგლიჯე და პირველისა მეორეს ჩაუდე პირში, მეორესი კი პირველს-მეთქი, ესეც უსიტყვოდ უნდა შეგესრულებინა. კარგი კი იქნებოდა გვეცადა - გავიგებდით, რომელი უკეთესად იბლუკუნებდა თავიანთ სამხრეთულ კილოზე. ან მაშინ უნდა შეყოვნებულიყავი, გულების ამოგლეჯა რომ დამევალებინა, რათა გამეგო, რომელი უფრო ოსტატურად უწყობს ხრიკებს მაკგრეგორს? წინათ, ჩვენი მამა-პაპანი ხშირად სჩადიოდნენ ამისთანა საქმეებს. წინათ ვარგად იცოდნენ შურისძიება! აბა, რას იტყვი, ასეთი ბრძანება რომ მოგცე, არ შეასრულებ?

- რასაკვირველია შევასრულებ, - მორჩილად მიუგო დუგალმა. - თქვენი ყოველგვარი სურვილი შესრულებული იქნება, უარს როდი ვამბობ, მაგრამ იქნებ შეიძლებოდეს, რომ.. ესე იგი, თუ ლედის ესიამოვნება, ახლავე გადავუძახებ ტბაში იმ არამზადას - წითელხიფთანთანა კაპიტანს, კაბრალ კრემპს და კიდევ ორ-სამ ჯარისკაცს. ჩემი ხელით გადავყრი სულ არ შემეცოდება... ეს არ აჯობებს ამ პატიოსანი და მშვიდობიანი ჯენტლმენების დახოცვას? ესენი ხომ გრეგარახის მეგობრები არიან და იმან დაჰპატიჟა. თავს დავდეხ სასიკვდილოდ, თუ ამათ გულში ღალატი ედოთ.

ლედის უნდოდა ეპასუხა, მაგრამ ამ დროს აბრფოილის მხრიდან სტვირების გამყივანი ხმა მოისმა. ალბათ ის რაზმი მოდიოდა, წელან რომ გადაგვიჭრა უკანდასახევი გზა და კაპიტანი თორნტონი აიძულა წინ გაჭრილიყო. ისინი სროლის ხმაზე, უეჭველად, ფეხს აუჩქარებდნენ, მაგრამ ბრძოლას ვეღარ მოუს-

წრეს. ჩასაფრებულებმა იმათი დახმარების გარეშე დაამარცხეს ინგლისელები და ჩამორჩენილებს ისღა დარჩენოდათ, რომ მოსულიყვნენ და მოძმეებისათვის გამარჯვება მიელოცათ.

ახალმოსულნი აშკარად განირჩეოდნენ იმ მთიელებისგან, რომელთაც ინგლისელების ჯარი გაანადგურეს. ამორძალის ჯარი მოხუცებისა და ყმანვილებისგან შედგებოდა და რამდენიმე ქალიც ერია. აშკარა იყო, ამ ხალხს უკიდურესმა გაჭირვებამ ააღებინა ხელში იარაღი. ინგლისელთა მამაცი ვაჰიტანი ლამის სირცხვილით დაინვა, როცა გამარჯვებულები შეათვალიერა და მიხვდა, რომ მთიელთა სიმრავლე და მათი პოზიციის მიუდგომლობა იყო ინგლისელთა დამარცხების მიზეზი. ახალმოსულების ოცი თუ ოცდაათკაციანი რაზმი, კი სულ ტალიკ-ტალიკი ბიჭებისა და ომში გამოჯვკილი ვაჟკაცებისაგან შედგებოდა. ყველა აშოლტილი, მოქნილი და ძალღონით სავსე ჩანდა. მთიულური ტანსაცმელი (მაღალყელიანი წინდები და პლედეები ეცვათ, წელზე მაგრად მოეჭირათ ქამარი) კიდევ უფრო მატებდა ლაზათსა და სიჩაუქეს. იარაღიც უკეთესი ჰქონდათ. თუ ჰელინის რაზმელებიდან მხოლოდ ზოგიერთსა ჰქონდა ვაჟიანი თოფი (უმეტესობას ცელები და ჩუგლუგები ეჭირათ ხელში, ზოგი კი მხოლოდ კეტისა და გრძელი დანის ანაბარა წამოსულიყო საბრძოლველად). ახალმოსულებინად თითქმის ყველა თოფითა და დამბაჩით იყო შეარაღებული, ქამარზე ყველას ეკიდა ხანჯალი და ჩელთი-ხმალი; თავის დასაცავად ყოველ მათგანს ხის მსუბუქი, ტყავადაკრული ფარი ეჭირა ხელში. იგი სპილენძით იყო შეჭედილი და ცენტრში ფოლადის კოტა ჰქონდა დამაგრებული. მთიელებს ფარი მარცხენა მხარეს ეკიდათ და ბრძოლის დროს ტყვიისაგან იცავდა მათ, ხელჩართული შეტაკებისას კი მარცხენა ხელში იჭერდნენ ხოლმე.

ძნელი მისახვედრი არ იყო, რომ ახალმოსულებს სამხიარულოდ არა ჰქონდათ საქმე, რადგან სტვირი დროდადრო კვნესა-

სა და მოთქმას ასტეხავდა და თვითონ მეომრებიც დამწუხრებულნი ჩანდნენ. ისინი მდუმარედ გამწკრივდნენ ამორძალის წინ და კვლავ გულსაკლავად აატირეს სტვირი.

შეშფოთებული ჰელინი მაშინვე ეცა მესტვირეს და მრისხანედ ჰკითხა:

- რა ამბავია, ალასტერ?! რატომ აკვნესებ სტვირს ამ ბედნიერ წუთებში? რობერტ, ჰემიშ - მიუბრუნდა იგი შვილებს, რომლებიც რაზმს მეთაურობდნენ, - სად არის მაკგრეგორი! რა მოუვიდა მათქვენს?

შვილები გაუბედავად მიუახლოვდნენ დედას და რაღაც უთხრეს გელურად. ჰელინი მაკგრეგორი აკივლდა, ქალებმა და ბავშვებმა კივილი აიტაცეს და იქაურობა გააყრუეს, თან ხელებს ერთმანეთს უტყაპუნებდნენ მწუხარების ნიშნად და თვალებიდან ცრემლის ნიაღვარი ჩამოსდიოდათ. მთებმა და კლდეებმა ბანი მისცეს მოტირალთ და ირგვლივ ისეთი ჯოჯოხეთური ხმაური ატყდა, რომ ღამის ფრინველებმაც კი გაიღვიძეს.

- შეიპყრეს?! - წამოიძახა ჰელინმა, როცა მოთქმა ცოტათი მიწელდა, - დაატყვევეს?! რატომ თავი არ შეაკალით მტერს?! როგორ მობედეთ აქ მოსვლა, თქვე ლაჩრებო! რისთვის განოვეთ ძუძუ, რისთვის გაგზარდეთ, რა პირით მოხვედით ჩემთან!

მაკგრეგორის შვილები სულ ახალგაზრდები იყვნენ - უფროსი, ჰემიში ანუ ინგლისურად ჯეიმზი, სულ ოცი წლისა თუ იქნებოდა. იგი მთელი თავით მაღალი იყო დედაზე. გარეგნობით ბევრჯერ სჯობდა თავის ძმას - ასხეპილი ჭაბუკი გახლდათ, ცისფერი თვალები ჰქონდა, ლურჯი ქუდიდან ჩამოშლილი ქერა თმა მხრებამდე სწვდებოდა. უმცროსს მამასავით რობერტი ერქვა და მთიელები მის სახელს „ოიგს“ უმატებდნენ, რაც გელურად ახალგაზრდას ნიშნავს. რობერტი შავგვრემანი, ტანადი ჭაბუკი იყო, თვალები ცვეცხლივით უელავდა, ასაკთან შედარებით ბევრად უფროსი ჩანდა. ორივე დარცხვენილი და შეწუხებული იდგა და მორჩი-

ლად ისმენდა დედის საყვედურებს. ბოლოს, როცა ჰელინი ცოტათი დამშვიდდა, უფროსი ინგლისურად ალაპარაკდა (ალბათ არ უნდოდა მთიულეებს გაეგოთ მისი ნათქვამი). იგი მორიდებით შეეცადა, თავისი თავი და ძმა გაემართლებინა. მე იქვე ვიდექი და თითქმის ყველაფერი მესმოდა. სმენა გავიმახვილე, რომ არც ერთი სიტყვა არ გამომრჩენოდა, რადგან ცუდ დღეში ვიყავით ჩავარდნილი და ყოველ ახალ ცნობას დიდი ფასი ჰქონდა ჩვენთვის.

მაკგრეგორი პაემანზე დაუბარებიათ. წერილი ვილაც ქვემო შოტლანდიელი არამზადის ხელით გაუგზავნიათ... ჰემიშმა ისე ხმადაბლა წარმოთქვა მისი სახელი, რომ ვერ გავიგონე. მაკგრეგორს პაემანზე წასვლა გადაუნყვეტია, მაგრამ უფიქრია, სიფრთხილეს თავი არ სტკივაო და წერილის მომტანი თავის ბანაკში დაუტოვებია მძევლად. ერთი სიტყვით, წასულა დანიშნულ ადგილას (ამ ადგილის ისეთი უცნაური გელური სახელი ერქვა, რომ ვერ დავიმახსოვრე) და თან მხოლოდ ორი კაცი - ანგუს პრევი და ცეროდენა რობი უახლებია. დანარჩენები იქვე დარჩენილან. ნახევარი საათის შემდეგ ანგუს ბრევი დაბრუნებულა და სამწუხარო ამბავი მოუტანია: თურმე მაკგრეგორს ლენოქსის მილიციის რაზმი დასხმია თავს და დაუტყვევებია. რაზმს გელბრეიტ გასხატახინელი მეთაურობდა. როცა მაკგრეგორი დამუქრებია მაიორს, თუ არ გამათავისუფლებ ჩემიანები მძევალს მოკლავენო, ამ უკანასკნელს ხელი ჩაუქნევია: არა უშავს, რობ, მე შენ ჩამოგახრჩობ, თქვენებმა კი ის საბაჟოს ვირთხა ჩამოჰკიდონ ხეზო. ამით ორი კარგი საქმე გაკეთდება: ქვეყანა ყაჩაღსა და მოძალადეს მოიშორებს თავიდან და საბაჟოს მოხელესაცო. ანგუს ბრეუს ისე ფხიზლად არა სდარაჯობდნენ, როგორც მის ბატონს. ამ ლაპარაკის შემდეგ როგორღაც დრო უხელთებია და გამოჰარულა.

- რატომ მაშინვე არ გავარდი მამის გამოსახსნელად? - ეცა ჰელი შვილს. - აი, შე ჯაბანო, შე მოღალატევ! უნდა გეშველა, ან იქვე მომკვდარიყავი!

ჰემიშმა მოკრძალებით მიუგო, მტერი გაცილებით მეტი იყო ჩვენზე, თანაც, როგორც გავიგე, დღეს არსად აპირებენ წასვლას და ამიტომ გადავწყვიტე, ხეობაში დავბრუნებულიყავი, ჯარი გამებევრებინა და ისე წავსულიყავი მამაჩემის გამოსახსნელად. მერე დასძინა, ჩემი ვარაუდით, მილიციელთა რაზმი თუ გარტარტანთან არ დაბანაკდა ან მონტეითის ძველ ციხე-სიმაგრეს შეათარებს თავს, ან სხვა გამაგრებულ ადგილს მონახავს და ჩვენი ჯარით სულ არ გავვიჭირდება იმათი დამარცხებაო.

შემდგომში გავიგე, რომ მაკგრეგორის დანარჩენი მომხრეები ორ ნაწილად გაყოფილიყვნენ. ერთი ინვერსნიდის გარნიზონს მიუჩინეს (ვაპიტანი თორნტონის რაზმი ამ გარნიზონიდან იყო გამოგზავნილი), მეორე კი მთიელთა შესაჩერებლად იქნა გაგზავნილი. კლანები მართო არ იყვნენ - რეგულარული ჯარი და ქვემო შოტლანდიის მცხოვრებნი შეეერთებინათ, რომ უფრო ადვილად დაემორჩილებინათ სამ, ლოხ-ლომონდის, ლოხ-კატრინისა და ლოხ-არდის ტბებს შორის მოთავსებული მხარე, რომელსაც მთიანეთში რობ როის, ან მაკგრეგორის ქვეყანას უწოდებდნენ. ახლა ყველა გამოცოცხლდა და დატრიალდა ბელადის გამოსახსნელად: სასწრაფოდ დააგზავნეს მალემსრბოლელები, რომ მთელი ჯარი შეეგროვებინათ და ერთად შეეტიათ მტრისათვის. შურისძიების გრძნობით ანთებულმა მაკგრეგორის ცოლმა ბრძანა, მძევალი მომგვარეთო. საწყალი, აქამდე უკან, რაზმელებში ჰყავდათ დამალული მის შვილებს - ალბათ ეშინოდათ, ცხელ გულზე არაფერი მოსწიოსო. თუ მართლა ამიტომ მაღავედნენ, ამოდ დაშვრნენ: ამით მხოლოდ ცოტა ხნით გაუხანგრძლივეს სიცოცხლე. ჰელინის ბრძანება მაშინვე შესრულდა - უკანა რიგებიდან შიშით სიკვდილის პირას მიმდგარი ტყვე გამოათრიეს. სახე გა-

ფიქრებოდა და მოქცეოდა, მაგრამ შევხედე თუ არა, ვიცანი - მორისი იყო, ჩემი ძველთაძველი ნაცნობი.

იგი მთავარსარდლის წინ განერთხო და შეეცადა, მუხლებზე მოხვეოდა, მაგრამ ჰელინმა ზიზღით დაიხია უკან, ასე რომ, ტყვე მხოლოდ პლედის კალთაზე მისწვდა, აკოცა და ვედრება დაუნ-ყო, შემობრალეო. არასოდეს გამიგონია ასეთი მხურვალე და გუ-ლის ამაჩუყებელი ვედრება. შიში ჩვეულებრივ ამუნჯებს ხოლმე ხალხს, მორისი კი, პირიქით, ენად გაიკრიფა. იგი სახეგაფითრე-ბული და აკანკალებული ავლებდა სიკვდილჩამდგარ თვალებს მიდამოს და საშინელი ფიციით ცდილობდა დაეჭერებინა ყველა, რომ ამ მუხანათობაში ხელი არ ერია და ამ ქვეყნად რომ როიზე საყვარელი არავინ ჰყავდა. შემდეგ წამოსცდა, მე მხოლოდ სხვი-სი ნება-სურვილის აღმსრულებელი ვარ, რეშლიმ დამავალა წე-რილის მოტანაო. მორისი იხვეწებოდა, სიცოცხლეს ნუ წამარ-თმევთ და რაც გინდათ, ის მიქენითო. სიცოცხლეს თხოულობდა, მხოლოდ სიცოცხლეს, სხვას ყველაფერს თმობდა. ტანჯვა და წა-მება არად მიაჩნდა, თანახმა იყო ბნელ ნესტიან გამოქვაბულში გამოეკეტათ სიკვდილამდე, ოღონდ სიცოცხლეს ნუ გამოასალ-მებდნენ, ოღონდ ესუნთქა!

ვერ აგინერ, რა ზიზღით და სიძულვილით უსმენდა ჰელინ მაკრეგორი საცოდავ ადამიანს, რომელიც გულმხურვალედ იხ-ვეწებოდა: ერთადერთ წყალობას გთხოვთ - ამქვეყნად დამტო-ვეთო!

- არ მოგკლავდი, - წარმოსთქვა ბოლოს ჰელინმა, - გაცოც-ხლებდი, თუ მეცოდინებოდა, რომ სიცოცხლეს ისეთსავე მძიმე ტვირთად მიიჩნევდი, როგორც მე და ყველა ვეთილმობილი და ამაღლებული სულის პატრონს მიაჩნია, მაგრამ შენ საცოდავი მატლი ხარ. ოღონდ იცოცხლო და ვერც კი იგრძნობ, თუ რაოდენი სისაძაგლე და უბედურება არსებობს ამქვეყნად, როგორ იტან-ჯება ხალხი, როგორ ჭამენ ადამიანები ერთმანეთს, როგორ იღუ-

ჰება კეთილშობილი ადამიანი გამცემლის ხელით, როგორ თელავს ჯაბანთა და უგვანოთა ბოროტი ტომი მამაცთა და დიდგვაროვანთა ჩამომავლებს. შენ ამას გულმშვიდად შეხედავ, ოღონდ კუჭი გქონდეს მაძლარი, ყასაბის ძალღივით შიგნეულით ამოყო-რავ მუცელს და თავს ბედნიერად იგრძნობ! არა, არ გაცოცხლებ, მოგისპობ მაგნიარ ბედნიერებას, შე ძალლო, როცა, აი, ის ღრუ-ბელი მზეს მოეფარება, შენ ცოცხლებში აღარ იქნები.

ქალმა ორიოდ სიტყვა უთხრა თავის ხელქვეითებს გელურად. ბრბოს სწრაფად გამოეყო ორი ვაცი და მიწაზე განრთხმულ მორისთან მიიჭრა. მათ სულ თრევა-თრევით მიიყვანეს ტყვე კბო-დესთან. მორისი შემადრწუნებელი ხმით გაჰკვიოდა და იხვენებო-და, შემობრალეთო. ეს გულსაკლავი ვედრება წლების განმავ-ლობაში მდევდა თან და ახლაც ყურში მიდგა! როცა მკვლევებ-მა თუ ჯალათებმა, როგორც გინდა ისე უწოდე, კბოდესთან მიათ-რიეს, საცოდავმა მიცნო და შემევედრა:

- ო, მისტერ ოსბალდისტონ მიშველეთ, მიშველეთ!

გულის სიღრმემდე შემძრა ამ სანახაობამ და, თუმცა წუთი წუთზე იგივე ხვედრს ველოდი, მაინც შევეცადე დავხმარებოდი. როგროც მოსალოდნელი იყო, ჩემს თხოვნაზე ცივი უარით მიპა-სუხეს. რამდენიმე მთიელს მაგრად ჰყავდა გაკავებული თავიანთ მსხვერპლი, სხვებმა დიდი ლოდი გაახვიეს პლედში და კისერზე მაგრად მიაბეს თოკით, მერე სწრაფად შემოაძარცვეს ტანსაცმე-ლი და ნახევრად შიშველი, კისერზე ქვადაკიდებული გადაისრო-ლეს ღრმა ტბაში. გამარჯვების ყიჟინამ ვერ დათარა განწირუ-ლის უკანასკნელი გულისგანმგმირავი კივილი. ტბამ ლურჯი შხე-ფები ამოაფრქვია და მსხვერპლი წლის სიღრმეში გაუჩინარდა.

მთიელებს ხმლები და ხანჯლები მოემარჯვებინათ და ყურად-ღებით დასცქეროდნენ წყლის ზედაპირს, ვაითუ ქვა მოიხსნას და ნაპირზე გავიდესო, მაგრამ ეტყობა ქვა საიმედოდ ჰქონდა მობმე-ლი და უბედური მაშინვე ჩაიძირა. ტბამ პირი შეიკრა და ერთი სი-

ცოცხლე, რომელსაც ასე ხარბად ებლაუჭებოდა საბრალო არსება, სამუდამოდ ამოიშალა ძეხორციელთა სიიდან.

თავი XXXII

ვიდრე საღამო დადგებოდეს, ხელშეუხებელი
და უვნებელი თავისუფლად გაუშვით იგი!
...მაგრამ გულს თუკი შურისგების ცეცხლი გიბუგავთ
და ძალი შეგწევთ იარაღით შურისგებისა,
თქვენი ქვეყანა იავარქმნას ვერ გადურჩება...

ძველებური პიესა

არ ვიცი რატომ, მაგრამ ძალადობის ერთეული ფაქტი უფრო შეგვზარავს ხოლმე, ვიდრე მასობრივი ხოცვა-ჟლეტა. იმ დღეს ჩემი თვალით დავინახე, როგორ დაიღუპა ცხარე ბრძოლაში ჩემი რამდენიმე მამაცი თანამემამულე. ძალიან შემეცოდა ისინი, მაგრამ ვიფიქრე, ეგეთი ბედი ჰქონიათ, ვისაც რა უწერია არ ასცდება-მეთქი. სულ სხვა გრძნობა დამეუფლა, როცა ვნახე, თუ რა შეუბრალებლად დასაჯეს სიკვდილით სანყალი მორისი.[221] ამ სანახაობამ სულით ხორცამდე შემძრა! მისტერ ჯარვის შევავლე თვალი და მივხვდი, რომ ისიც ჩემსავით იყო შეძრწუნებული. იგი თავს ვერ იკავებდა და ნანყვეტ-ნანყვეტ ჩურჩულებდა:

- პროტესტს ვაცხადებ ასეთი მოქმედების წინააღმდეგ. ეს მკაცრი და სისხლიანი ანგარიშსწორებაა! ეს მკვლელობაა! უღვთო საქციელია! უფალი თავის დროზე სასტიკად დასჯის დამნაშავეებს!

- არ გეშინიათ, რომ მის კვალს გაგაყოლებთ? - უთხრა ჰელინმა და ქორივით დაუბრიალა თვალები.

- ნათესავო, დროზე ადრე არავის ეხალისება ამ ქვეყნიდან გამგზავრება. ცხოვრების ჯარა თავისით გაჩერდება, როცა მაქოზე დახვეული სიცოცხლის ძაფი გამოიღვევა. მე ჯერ ბევრი საქმე მაქვს გასაკეთებელი ამქვეყნად, თუ ცოცხალი დავრჩი - საზოგადოებრივი და საკუთარი. ამას გარდა, არის ხალხი, რომელთა მომავალი მე უნდა უზრუნველყო. მაგალითად, სანყალი მათი, ობოლი გოგო, ლერდ ლიმერფილდის შორეული ნათესავი. ჰოდა როცა ყველაფერს გაითვალისწინებ... თუმცა, კაცი ყველაფერს შეეღვევა, ოღონდ ცოცხალი დარჩეს.

- ახლა რომ სალ-სალამათი გაგიშვათ აქედან, მაშინ რა აზრისა იქნებით ამ ინგლისელი ძაღლის დასჯაზე? - ჰკითხა ჰელინმა.

- უჰუ, უჰუ! ჰმ, მაშინ, ვეცდებოდი, ნაკლები მელაპარაკა ამ საქმეზე. განა არ ვიცი, რომ კაკანა კაკაბი მალე გაებმება მახეში?

- მაშინ როგორღა მოიქცეოდით, იმათ წინაშე რომ წაგაყენონ, ვისაც თქვენ სამართლის მცველებს ეძახით?

ოლდერმენმა თვალი აარიდა ქალს. ეტყობოდა, უძნელდებოდა ჰსუხის გაცემა, მაგრამ მიხვდა, რომ უკან დასახევი გზა მოჭრილი ჰქონდა და მიუგო:

- ვხედავ, რომ მაიძულებთ გულახდილად გიპასუხოთ. პირდაპირ გეტყვით, ნათესავო, რომ მე ყოველთვის, რასაც ვფიქრობ, იმას ვამბობ ხოლმე, მაგრამ როცა საჭიროა ყურის მოყრუებას ვიცი. თქვენი ქმარი რომ იყოს აქ, ძალიან სამწუხაროა რომ არ არის - იმისთვისაც უკეთესი იქნებოდა და ჩემთვისაც... თქვენი ქმარი რომ იყოს აქ, დაგიდასტურებდა და ეს სანყალი მთიელი - უქნარა დუგალიც დამემონებდა, რომ, როცა მეგობრების მიერ ჩადენილ ცოდვებზე მიდგება საქმე, კიდევ დავყრუვდები და კიდევ დავმუნჯდები ხოლმე. ახლა კი დაუფარავად უნდა მოგახსენოთ, რაც გულში მაქვს. მირჩევნია, იმ საცოდავის გვერდით ვინვე, ტბის ფსკერზე, ვიდრე ვთქვა, რომ თვენი საქციელი კანონიერი იყო. თქვენ ერთადერთი ქალი ხართ მთელ მთიანეთში, რომე-

ლიც ასე ახლობელ, სულ მეოთხე თაობის ნათესავს სიკვდილით დასჯას უპირებს, მაგრამ მაინც ეს უნდა ვთქვა.

ალმასს ალმასით ჭრიან და ალბათ ამიტომ იყო, რომ ოლდერმენის მტკიცე კილომ უფრო იმოქმედა ჰელინის გულზე, ვიდრე წელანდელმა თხოვნამ და მუდარამ. მან მთიელებს უბრძანა, ტყვეები უფრო ახლოს მოიყვანეთო და როცა მის წინ დაგვაყენეს, მკითხა, შენი გვარი მართლა ოსბალდისტონიაო?

- დიახ, ოსბალდისტონი გახლავართ, - მივუგე მე.

- რეშლი ოსბალდისტონი, არა?

- არა, ფრენსისი.

- რეშლის ხომ იცნობთ? თუ არა ვცდები, თქვენი ძმა უნდა იყოს, ან ახლო ნათესავი და მეგობარი.

- ნათესავია, მაგრამ მეგობარი არასოდეს ყოფილა. სულ ახლახან შევებრძოლეთ ერთმანეთს და თქვენმა მეუღლემ გაგვაშველა. სისხლი ჭერაც არ შემშრალა მის მახვილზე, ფერდზე ჭერ კიდევ არ მომშუშებია ჭრილობა. ასეთ ვაცს მეგობარს არ უნოდებენ!

- რადგან მის ხრიკებში არა ყოფილხართ გარეული, შეგიძლიათ უშიშრად მიხვიდეთ გარსხატანისხელის ბანაკში და მაიორს ჩემი ნათქვამი გადასცეთ. ხომ არ დაგაპატიმრებენ?

მე ვუპასუხე, მილიცია არ დამაპატიმრებს, რადგან არაფერი დამიშავებია და, თუ შეამავლობის საფასურად ჩემს მეგობარსა და მსახურს სიცოცხლეს შეუნარჩუნებთ, მზადა ვარ ახლავე გავემგზავრო-მეთქი. შემდეგ მომენტით ვისარგებლე და ვამცნე, რომ მისმა მეუღლემ მომიწვია აბერფოილში, რათა ერთ მნიშვნელოვან საქმეში დამხმარებოდა და რომ ჩემი მეგობარი, მისტერ ჯარვიც ამ საქმეზე იყო წამოსული.

- რატომ ფეხი არ მომტყდა, როცა ამ გზას დავადექი, - დაინუნუნა ოლდერმენმა.

- მამათევენისგან არაფერი გამიკვირდება, - მიუბრუნდა ჰელინი მაკგრეგორი შვილებს, - ეჭვი არ მეპარება, რომ ეს ახალგაზრდა ინგლისელი სიმართლეს ამბობს. როცა მთიულური ქუდი ახურავს თავზე და ხელში ჩელთი ხმალი უჭირავს ბრძენთა ბრძენია, მაგრამ როგორც კი ტარტანის ნაცვლად ქალაქურ ტანსაცმელს ჩაიცვამს, მაშინვე ავინყდება, რა გადაიტანა ქალაქელები-საგან და იმათი დალალა და მონა ხდება!

- მხსნელი და კეთილისმყოფელიც დაამატეთ, ქალბატონო, - ვუთხარი მე.

- თუნდაც ეგრე იყოს. კიდევ უარესი! ჩემი ქმარი ყოველთვის კარგს თესავდა და ცუდს იშვიდა. თუმცა კმარა! ამაზე სიტყვას ნუ-ღა გავაგრძელებთ! მაშასადამე ჩემიანები ბანაკამდე მიგაცილებენ. უფროსებთან მიყვანას მოითხოვთ და ჩემი, ჰელინი მაკგრეგორის, სახელით ეტყვი: თორმეტი საათის განმავლობაში თუ მთელსა და საღ-საღამათს არ გამოუშვებენ მაკგრეგორს ბანაკიდან, ლენოქსში არც ერთი ქალი არ დარჩება, რომ წინ ქმრის, ძმის ან მამის ცხედარი არ ეგდოს. ფერმერებს ბელლებს გადავუბუგავთ და საქონელს წავართმევთ, ლერდებს კი ერთიანად ამოვჟუჟავთ! ამას შობის დადგომამდე ელოდნენ, ახლა კი, თორმეტი საათი რომ გავა, ამ გლაზგოელ ოლდერმენსა და ინგლისელ კაპიტანს გავუგზავნი პლედში გახვეულს იმდენ ნაჭრად აკუნულს, რამდენი უჭრაც აქვს ჩვენებურ ტარტანს.

კაპიტანი თორნტონი იქვე მახლობლად იდგა და ჰელინმა ლაპარაკი რომ დაამთავრა, მშვიდად მითხრა:

- გადაეცით მეთაურს ჩემი სალაში. უთხარით, გრენატერთა პოლკის მეთაურმა თორნტონმა მოგიკითხათ და შემოგიტვალათ, თქვენი მოვალეობა შეასრულეთ და ჩემზე ნუ იწუხებთ-თქო. მთავარია, ტყვე არ გაუსხლტეს ხელიდან, მე კი მეყოფა ვაჟკაცობა, რომ მუნდირი არ შევარცხვინო. ჩემი სისულელის ბრალია, რომ ამ მუხანათი მთიელების ანკვსზე წამოვეგე და რაზ-

მი დავლუპე. ეფ, ჩემზე ვი ახია ყველაფერი, მაგრამ ჩემი ხალხი მეცოდება ამ მხეცების ხელში.

- სსს! - გააჩუმა ოლდემენმა. - თავი ხომ არ მოგბებრებით! ჩემგანაც გადაეცით სალამი ოფიცერს, მისტერ ოსბალდისტონ! ოლდემენი ნიკოლ ჯარვი, გლაზგოს საქალაქო საბჭოს წევრი, სალამს გითვლის-თქო. შეახსენეთ, რომ ან განსვენებულ მამა-ჩემსაც, უსტაბამ ნიკოლ ჯარვისაც ეს თანამდებობა ეკავა თავის დროზე და უთხარით, რომ რამდენიმე საპატიო მოქალაქეს უბედურება ეწვია და მომავალში კიდევ უარესს ელოდებიან-თქო! ამიტომ გონივრული და მიზანშეწონილი იქნება, თუ რობის თავის მთებში გაუშვებას. აქ უკვე მოხდა ერთი ცუდი საქმე, მაგრამ, რადგანაც იგი აქციზი მოხელეს შეეხო, დიდი ხმაურის ატეხვა არ არის საჭირო!

აი, ასეთი ურთიერთსაწინააღმდეგო დავალებები მომცეს და-ინტერესებულმა მხარეებმა. ჰელენ მაკგრეგორმა ერთხელ კიდევ გაიმეორა თავისი მუქარა, რომ სიტყვა-სიტყვით დამემახსოვრებინა და სწავლის ნება მომცა. თან ენდრუ ფერსერვისიც გამომამყოლეს, ალბათ იმიტომ, რომ ყველას თავი მოაბეზრა წუნუნითა და ვია-ვიპით. ცხენი არ დამიბრუნეს - შეეშინდათ არ გაიქცესო, ან იქნებ ვერ შეეღივნენ ამ ძვირფას ნადავლს, ასე რომ, ფეხით უნდა მევლო. მეგზურებად ჰემიშ მაკგრეგორი და ორი მთიელი გამომამყოლეს, რომელთაც ორი საქმე ევალებოდათ: გზა ეჩვენებინათ ჩემთვის და მონინააღმდეგის ძალები და განლაგება გაეგოთ. ერთ-ერთ მეგზურად დუგალს მატანდნენ, მაგრამ როგორც ლაც აიცდინა თავიდან ეს დავალება. როგორც შემდგომში გავიგე, მან ამჯობინა მისტერ ჯარვისთან დარჩენილიყო და მფარველობა გაეწია თავისი ყოფილი უფროსისათვის.

ერთი საათი სწრაფი ნაბიჯით ვიარეთ. ბოლოს ბუჩქნარით დაფარულ პატარა გორაკს მოვექვეცით თავზე. აქედან მთელი ხეობა მოჩანდა. მილიციას ამ ფართე ხეობაში დაეცა ბანაკი და სწორა-

დაც მოქცეულიყო - ცხენოსნებს გაუჭირდებოდათ მთის ვიწრო გასასვლელის გადალახვა. კაპიტანი თორნტონიც ხომ იმიტომ დამარცხდა, რომ ვიწროებში შეიტყეს მთიელებმა. მილიციელთა მეთაურებს საუცხოოდ შეერჩიათ ადგილი: ისინი აბერფოილის მახლობლად, პატარა ზეგანზე დაბანაკებულიყვნენ. ზეგანს ცალი მხრიდან მდინარე ფორტი ჩაუდიოდა, ორი მხრიდან კი თითო პატარა ქედი იცავდა, ორივე თითქმის შვეულად აღმართულიყო ზეგანის პირდაპირ და კირქვისა და ლოდების გალავანი შემოევლო ბანაკისათვის. მათ უკან ფართო მაღალი მთები მოჩანდა. ქედები ვარგა მანძილით იყო დაშორებული ერთმანეთისაგან და მთიელები შეუმჩნევლად ვერ მიეპარებოდნენ დაბანაკებულებს. მილიციელებს ყველგან მცველები დაეყენებინათ და რამდენიმე ავანპოსტი მოეწყოთ. ისინი საკმაო მანძილით იყვნენ დაშორებული ბანაკს, ასე რომ, თუ განგაში ატყდებოდა, მთავარი რაზმი სულ ადვილად მოასწრებდა ცხენებზე ამხედრებასა და საბრძოლველად მომზადებას. ისიც უნდა ითქვას, რომ მთიელები იმ დროს გაშლილ ადგილზე დაბანაკებულ ცხენოსნებს არ ესხმოდნენ თავს. შემდგომმა მოვლენებმა გვიჩვენა, რომ მთიელებს თურმე ველზედაც შეძლებია ცხენოსნების დამარცხება[222], მაგრამ იმ დროს კი ძალიან ეშინოდათ კავალერისტებისა, რადგან თვითონ პატარა ცხენები ჰყავდათ და ინგლისური ცხენები ურჩხულებად ეჩვენებოდათ; თანაც ეგონათ, რომ ეს უზარმაზარი ცხოველები განვრთნილი იყვნენ და ბრძოლის დროს წიხლებითა და კბილებით მიესმარებოდნენ თავიანთ პატრონებს.

პალოებზე მიბმული ცხენები ბალახს წინწნიდნენ, კარისკაცები მდინარის ნაპირას ჩასულიყვნენ. ზოგი იდგა და მიდამოს ათვალიერებდა, ზოგი ქვაზე ჩამომჯდარიყო, ზოგი კი დასეირნობდა. ორი მხრიდან აღმართული კლდეები მთლად ტიტველი იყო, მაგრამ მაინც ამშვენებდა იქაურობას. შორს, აღმოსავლეთით მენტეიტის ტბა ლაპლაპებდა მზის სხივებზე. იმის იქით, ოხილის

ლურჯი მთების ფონზე, ბუნდად მოჩანდა სტირლინგის ციხე-სიმაგრე. ახალგაზრდა მაგკვრეგორმა ყურადღებით დაათვალიერა იქაურობა და მიბრძანა, ჩავსულიყავი მოლაშქრეთა ბანაკში, მეთაური მენახა და დანაბარები გადამეცა. შემდეგ შუბლი შეიკრა და მკაცრად გამაფრთხილა, არ უთხრა, ვინ მოგაცილა და სად დავმორდით ერთმანეთსო. თავი დავუქნიე და ენდრუს თანხლებით ბანაკისაკენ გავემართე. ენდრუს ინგლისური სამოსიდან მხოლოდ შარვალი და წინდები შემორჩენოდა. ფეხზე დუგალის ნაწყალობები ბროგები ეცვა, მხრებზე დაგლეჯილი პლუდი ჰქონდა წამოსხმული და ისეთი საცოდავი სანახავი იყო, რომ შოტლანდიური ბედლამიდან[223] გამოქცეული გეგონებოდა. სულ ასიოდე ნაბიჯი არა გვქონდა გავლილი, რომ ერთ-ერთმა ცხენოსანმა გუშაგმა შეგვამჩნია. იგი ჩვენკენ წამოვიდა, კარაბინი დავვიმიზნა და შორიდანვე გვიბრძანა, არ გაინძრეთო. ჩვენ დავემორჩილეთ და, როცა მოგვიახლოვდა, ვუთხარი, უფროსთან მიგვიყვანე-მეთქი. გუშაგმა მაშინვე მიმიყვანა ბალახზე მსხდომ ოფიცერთა ჯგუფთან, რომლის შუაში მეთაური შევნიშნე. მას ფოლადის ლაპლაპა ბეთქარი ეცვა. ბეთქარზე შოტლანდიის უძველესი რაინდული ორდენის ემბლემა - ნარსავი ჰქონდა გამოსახული, გარსხატახინელი მაიორი და სხვა, ზოგი მუნდირში და ზოგი სამოქალაქო ტანსაცმელში გამონწყობილი, შეიარაღებული ჯენტლმენები ამ კაცის ხელქვეითები უნდა ყოფილიყვნენ. მახლობლად მდიდრულ ლივრეიანი მსახურები იდგნენ და ბატონის ბრძანებას ელოდნენ. მეთაურს მოწინებით მივვსალმე და მოვახსენე:

- ამ დილით იმ ბრძოლის უნებლიე მოწმე გავხდი, რომელიც ლობ-არდის ხეობაში გაიმართა მთიელებსა და თქვენს ჯარისკაცებს შორის (მე მითხრეს, რომ ხეობას, სადაც კაპიტანი თორნტონი დაატყვევეს, ეს სახელი ერქვა). თქვენი რაზმი სასტიკად დამარცხდა და გამარჯვებულებმა შემოგითვალეს, თუ ჩვენს ბე-

ლადს არ გაათავისუფლებთ, ტყვეებსაც დავხოცავთ და ქვემო შოტლანდიასაც ავიკლებთო.

ჰერცოგმა (დიახ, ვისაც ველაპარაკებოდი ჰერცოგი იყო) მშვიდად მომისმინა, და, როცა დავამთავრე მომიგო: ძალზე სამწუხაროა, რომ უბედური ჯენტლმენები ბარბაროსებს ჩაუვარდათ ხელში, იმათგან ტყვეების შებრალებას არ მოველოდი, მაგრამ პატიმარს ვერ შეველევი, რადგან ყველაფერი არეულობა და ბოროტება ამ ქვეყანაში მისი მიზეზით ხდება და ახლა თუ თავი დაიხსნა, აქაურობას დანყნარება აღარ უნერიაო.

- შეგიძლიათ უკან დაბრუნდეთ, - დასძინა ჰერცოგმა, - მიდით გამარჯვებულებთან და შეატყობინეთ, რომ რობ როი კემპელი, რომელსაც ისინი მაკგრეგორს უწოდებენ, განთიადისას სიკვდილით იქნება დასჯილი, როგორც უამრავი ბოროტების ჩამდენი. გადაეცით, რომ ჩემისთანა მაღალი წოდებისა და თანამდებობის კაცს სხვანაირად მოქცევის უფლება არა მაქვს. გადაეცით, რომ მე გამოვძებნი საშუალებას, რათა დავიცვა ქვეყანა მათი შურისძიებისაგან და თითოც რომ დააკარონ იმ ჯენტლმენებს, რომლებიც ბედმა და განგებამ იმათ ჩაუგდო ხელთ, სასტიკად ვაზღვევინებ - ისე ავიკლებ ამ მხარეს, რომ ქვებიც კი აკვნესდებიან!

მე ვაგრძნობინე, რომ ჩემთვის უკან დაბრუნება სახიფათო იყო და ვთხოვე, ეს საპატიო მისია სხვას დააკისრეთ-მეთქი. კეთილშობილი სარდალი დამეთანხმა და მითხა, რადგან ასეა საქმე, თქვენი მსახური გაგზავნეთო.

- ეშმაკი თუ შემოიჭდა ფეხებში, თორემ ჩემი ნებით არ წავალ! - აყვირდა ენდრუ (სულ არ მოერიდა იმას, რომ ირგვლივ ამდენი დიდგვაროვანი გვეხვია), - ეშმაკი თუ ჩამიძვრა, რაღას გავაწყობ, თორემ ისე ფეხს არ მოვიცვლი აქედან! ორი თავი კი არ მაბია! პრასა ხომ არა ვარ, მეორედ ამოვიდე! არა, ყველამ თავის თავს მიხედოს, ღმერთი კი ყველას უპატრონებს. მე თავი დამანებეთ, თქვენ საქმეს თქვენვე მიხედეთ! რობ როის დრიკდეილის მახ-

ლობლადაც არ გაუვლია, ერთი ვაშლიც არ მოუპარავს ჩემთვის და არც ჩემს ნათესაებს შეხვედრია მისგან რაიმე საწყენი.

ძლივს გავაჩუმე აყბედებული მსახური და ჰერცოგს შევახსენე, რომ კაპიტან თორნტონსა და მისტერ ჯარვის სიკვდილი ემუქრებოდათ. მზადა ვარ დანაბარები გადავცე მთიელებს, მაგრამ იქნებ ცოტათი შეარბილოთ თქვენი პირობები, რომ ტყვეების სიცოცხლე დავიხსნათ, - მე უკან დაბრუნებას არ ვუფრთხი, ნეტავი რაიმე ეშველოთ და ახლავე წავალ, მაგრამ ამ დილით ისეთი სცენის მოწმე ვიყავი, რომ თუ იმათ ბელადს სიკვდილით დასჯით, ტყვეებს მაშინვე დახოცავენ-მეთქი.

ჰერცოგი ძალიან დააფიქრა ჩემმა ნათქვამმა, მაგრამ თავდაპირველი გადანყვეტილება ვერ შეაცვლევინა. მან აღნიშნა, რომ მდგომარეობა მძიმე იყო, მაგრამ ვალდებულება, რომელიც ქვეყანამ დააკისრა, აუცილებლად უნდა შეესრულებინა - რობ როი სიკვდილით უნდა დასჯილიყო.

გულახდილად უნდა ვთქვა, ძალიან ავღელდი, როცა მივხვდი, რომ ჩემი კეთილისმყოფელი, მისტერ კემპბელი ვერაფრით ვერ დაიხსნიდა თავს სიკვდილისაგან. თურმე სხვებსაც არ ემეტებოდათ კემპბელი სასიკვდილოდ - ჰერცოგს რამდენიმე კაცმა სთხოვა, შევიწყალოთო. ზოგმა ურჩია, სტირლინგის ციხესიმაგრეში რომ გამოვკეტოთ მძევლად, მთიელები ძარცვა-რბევას მოიშლიან, უამისოდ ქვეყანას ვერ ვიპატიებთ რობ როის ყაჩაღებისაგან, გრძელი ღამეები დგება, დაცვას ყველგან ვერ დავაყენებთ და მთიელები აქაურობას აიკლებენო. სხვები შეევედრნენ, განგების ანაბარად ნუ დავტოვებთ საცოდავ ტყვეებს, თორემ როგორც კი მთიელებს რობ როის დასჯის ამბავი მიუვათ, იმწამსვე დახოცავენო. ყველამ კარგად იცოდა, რომ ჰერცოგს ჭირივით ეჭავრებოდა რობ როი, მაგრამ ისიც იცოდნენ, რომ რაინდული ბუნება და კეთილი გული ჰქონდა და საკმაოდ თამამად სთხოვს, შეენყალებინა პატიმარი. ყველაზე მეტად გარსხატახი-

ნელმა მაიორმა გამოიღო თავი; მართალია რომ რომი ძალიან ცუდ მეზობლობას უწევს ქვემო შოტლანდიას, მთელი მთიანეთი ყაჩაღებად აქცია, თქვენც განუხებთ და არც ჩვენ გვისვენებს, მაგრამ გონიერი კაცია და მორიგება შეიძლება მასთან. მისი ცოლი და შვილები კი ჯავრით დასაბმელები არიან - არც არაფრისა ეშინიათ და არც ადამიანის შებრალება აქვთ. ისინი რომ ჩაუდგნენ ყაჩაღების რაზმს სათავეში, რომ რომი სანატრელი გაგვიხდებო.

- სისულელეა, - შეანყვეტინა ჰერცოგმა, - სწორედ გონიერი და მოხერხებული რომ არის, იმიტომ გადაგვირჩა აქამდე. ჩვეულებრივი ყაჩაღი ამდენ ხანს ვერ იბოგინებდა. რომ რომის თუ მოვსპობთ, მისი რაზმიც დაიშლება. კრაზანას თავს რომ მოაგლეჯ მოკვდება. დიდი-დიდი ერთხელ მოასწროს დანესტვრა!

გარსხატახინელმა უკან არ დაიხია:

- ყველას კარგად მოეხსენება, დიდებულო ჰერცოგო, რომ მე და რობს თვალის დასანახავად გვეჯავრება ერთმანეთი. ორჯერ დამიცარიელე ბეღლები, ჩემი მოიჯარეები საქონლისაგან გაცალა, მაგრამ მაინც...

- და მაინც, მაიორო, თქვენ იმ აზრისა ხართ, რომ მეგობრის მეგობარს შეიძლება აპატიო ასეთი დანაშაული? რამდენადაც ვიცი, რომ რომი სულ არა თვალს თავის თავს მტრად ზოგიერთი თქვენი ლონდონელი მეგობარი, - დამცინავი ღიმილით უთხრა ჰერცოგმა გარსხატახინელს.

- შეიძლება ვგრეც იყოს, მილორდო, მაგრამ ისიც ვიცი, რომ რომი სხვების მეგობრებთანაც მეგობრობს, - ღიმილითვე მიუგო მაიორმა გალბრეიტმა, - ვაი მაგრამ, კლანებისაგან რატომ არაფერი ისმის? კარგა ხნის წინათ უნდა მოსულიყვნენ. ღმერთმა ქნას, პირი არ გვითქვონ, მაგრამ მეეჭვება კი - შოტლანდიურ ტრუმს ინგლისური ბოტფორტი არ უხდება.

- არა მგონია, დაგვაღალატონ, - თავი დაიმშვიდა ჰერცოგმა, - მე ეჭვი არ მეპარება იმ ჯენტლმენების პატიოსნებაში და დარწმუნ-

ნებული ვარ, სიტყვას არ გადავლენ. კიდევ ორი მხედარი გააგზავნეთ ამბის გასაგებად! სანამ ისინი არ მოვლენ, შეტევას ვერ დავინწყებთ. იმ ხეობაში შესვლა ხუმრობა არ გეგონოთ. ხომ ნახეთ, როგორ გააბეს ვაპიტანი თორნტონი. იქ ათი მეომარი გაუძღვლავდება ევროპის საუკეთესო ცხენოსან პოლკს. მთიელებს უნდა დაველოდოთ, მანამდე კი უბრძანეთ, ხალხი დააპურონ!

ეს ბრძანება მეც მეხებოდა და სულზე მომისწრო კიდევ, რადგან წუხანდელი სახელდახელოდ მომზადებული ვახშმის შემდეგ ლუკმა არ ჩამსვლია პირში.

ცოტა ხნის შემდეგ დამხმარე ჯარის შესახვედრად გაგზავნილი ჯარისკაცები გამოჩნდნენ - ვერავინ ენახათ და უკან დაბრუნებულიყვნენ. მზე უკვე ჩადიოდა, როცა ვიღაც მთიელი მოვიდა, ჰერცოგს მდაბლად მიესალმა და წერილი გადასცა.

- ვისერს მოვიჭრი თუ ეგ წყეული მთიელები, ამდენი წვალებითა და დავიდარებით რომ მოვიმხრე, უკან არ გაბრუნდნენ! ამ წერილით, ალბათ, თავაზიანად გამცნობენ, თქვენს საქმეს თქვენვე მოუარეთო, - ჩაილაპარაკა მაიორმა გალბრეიტმა.

- ეგრეც გახლავთ, ჯენტლმენებო, - თქვა ბრაზისაგან გაფითრებულმა ჰერცოგმა, როცა ჭუჭყიანი ქალაქის ნაგლეჯზე დაწერილი ბარათი წაიკითხა. (მისამართის დაწერისას კი მართლა დაეცვათ თავაზიანობის ყველა წესი: „მიერთვას საკუთარ ხელში დიადსა და ბრწყინვალე ჰერცოგს, უძლეველ მბრძანებელს...“ და კიდევ მრავალი ტიტული იყო ჩამოთვლილი), - ჩვენმა მოკავშირეებმა გვიღალატეს, ჯენტლმენებო და მოწინააღმდეგეებთან სეპარატული ზავი დადეს, - დაამთავრა ჰერცოგმა.

- ყველა ვავშირის ბოლო ეგ არის, - შენიშნა მაიორმა, - კოლანდიელებიც ასე მოგვექცეოდნენ, თავად ჩვენ რომ არ მოგვესწრო და ზავი არ დაგვედო უტრეხტში[224]“.

- თქვენ კარგ ხასიათზე ბრძანდებით, სერ, - უთხრა მოღუშულმა ჰერცოგმა მაიორს, - სულ არა სწუხართ, რომ საქმე ცუდად

მიგვდის, ყველა აქ მყოფი ჯენტლმენი დამეთანხმება, რომ ამჟამად კლანების ან ინვერსნიდის ქვეითი ჯარის დახმარებს გარეშე ამ მხარეში შესვლა არ ივარგებს.

ჰერცოგს ყველამ ერთხმად დაუდასტურა, რომ ასეთი ნაბიჯის გადადგმა წმიდა წყლის სიგიჟე იქნებოდა..

- არც აქ დარჩენა იქნებოდა გონივრული, - განაგრძო ჰერცოგმა, - შესაძლებელია, ღამით დაგვესხან თავს მთიელები. ამიტომ, ჩემი აზრით უფრო, მიზანშეწონილი იქნება, თუ უკან დავიხევთ, დუხრეის ან გარტარტანის მიდამოებში დავბანაკდებით, ირგვლივ გუშაგებს დავიყენებთ და გათენებას დაველოდებით. ოღონდ სანამ წავიდოდეთ, მინდა, რომ რთი დავკითხო თქვენი თანდასწრებით - მინდა ყველა დარწმუნდეს, რომ ამ ყაჩაღის დაუსჯელად გაშვება არ შეიძლება!

ჰერცოგმა სათანადო ბრძანება გასცა და რომ რთი მოიყვანეს. ხელები საბლით გაეკოჭათ იდაყვების ზევით, საბლის ბოლოები დიდი ბალთით ჰქონდა დამაგრებული ზურგზე, აქეთ-იქიდან თითო კაპრალი მოსდგომოდა, უკან კი ორ მწკრივად მოჰყვებოდნენ ფეხზე შეყენებული კარაბინებით და ხიშტებით შეიარაღებული ჯარისკაცები.

აქამდე რომ რთი მხოლოდ ქალაქურად გამონყობილი მენახა. ახლა, შოტლანდიურ ტანსაცმელში სულ სხვანაირი ჩანდა. ადრე თმებს შლიაჰა ან ჰარიკი უმაღავდა, ახლა კი შოტლანდიური ქუდიდან ჯეჯად დამდგარი წითური თმა მოუჩანდა. სწორედ ამიტომ ეძახდნენ როის მთელ შოტლანდიაში. კი არა, ახლაც უმეტესად ამ სახელით იხსენიებენ. ამ მეტსახელს ქვედანელსა და წინდებს შორის ტიტვლად დარჩენილ ფეხებზე ჯგროდ ამოსული წითელი ბალანიც უდასტურებდა. ერთი სიტყვით, ისეთი უცნაური შესახედავი იყო, სხვაგან რომ შემხვედროდა, ნამდვილად ვერ ვიცნობდი.

თოკი მაგრად ჰქონდა შემოჭერილი, მაგრამ თავი მაინც თამამად, ძალდაუტანებლად და, უფრო მეტი - მედიდურადაც კი ეჭირა. პირველად ჰერცოგს დაუკრა თავი, შემდეგ მაიორს და დანარჩენ ოფიცრებს მიესალმა. ჩვენს დანახვაზე გაოცება გამოეხატა თვალებში, მაგრამ არაფერი უთქვამს.

- კარგი ხანია არ გვინახავს ერთმანეთი, მისტერ კემპბელ, - უთხრა ჰერცოგმა.

- დიახ, მილორდ, ძალზე სასიამოვნოა თქვენი ნახვა, მაგრამ ვამჯობინებდი ისე შევხვედროდით ერთმანეთს, რომ შესაძლებლობა მქონოდა, თავისუფლად გამომეხატა ჩემი პატივისცემა! - რობ როიმ თვალით ანიშნა შეკრულ ხელებზე და დასძინა, - თუმცა, არა უშავს, კიდევ მომეცემა შემთხვევა...

- მაგის იმედი ნუ გექნებათ, მისტერ კემპბელ, - უთხრა ჰერცოგმა, - უკვე მოახლოვდა ჟამი, როცა ამქვეყნიური ანგარიშები უნდა გაასწოროთ. ამას იმიტომ არ გეუბნებით რომ უკანასკნელი წუთები გაგიმწაროთ, არა, მინდა იცოდეთ, რომ თქვენი სიცოცხლის გზა დასასრულს მიუახლოვდა. მინდა აგრეთვე აღვნიშნო, რომ ხანდახან უფრო ნაკლებ ზიანს აყენებდით მოსახლეობას, ვიდრე ასეთი ბოროტი ხელობის კაცისაგან იყო მოსალოდნელი. ისიც უნდა ვთქვათ, რომ საზრიანი ადამიანი ხართ და ზოგჯერ ვეთილი საქმეც ჩაგიდენიათ. მაგრამ წლების მანძილზე აწიოკებით მშვიდობიან მცხოვრებლებს და უმკაცრესი ღონისძიებებით ცდილობდით თქვენი უკანონო ძალაუფლების განმტკიცებას. ბევრი რომ არ გავაგრძელოთ, სიკვდილი დაიშახურეთ და სასჯელისათვის უნდა მოემზადოთ!

- მილორდ, შემიძლია ადვილად დაგისაბუთოთ, რომ ჩემი გაუბედურების მიზეზი თქვენა ბრძანდებით, მაგრამ იმას კი არ ვიტყვი, რომ ეს შეგნებულად ჩაიდინეთ. ასე რომ მგონებოდა, ეხლა ჩემს გასამართლებას ვერ შეძლებდით: სამჯერ თოფის სასროლ მანძილზე იყავით ჩემგან და მარტო ირემზე ფიქრობდით, რობ

როი კი, მოგეხსენებათ, იშვიათად აცდენს მიზანს. იმათ კი, ვინც ბოროტად ისარგებლა თქვენი ნდობითა და ყურადღებით და იმ ადამიანის წინააღმდეგ აგამხედრათ, რომელიც ამ მხარის მშვიდობიანი მცხოვრები იყო, იმათ, ვინც თქვენს სახელს ამოეფარა და ამ უბედურ დღემდე მიმიყვანა, ნელ-ნელა ვუხდი სამაგიეროს და, თუმცადა წელან ბრძანეთ, თქვენი წუთები დათვლილიაო, მაინც არა ვკარგავ იმედს, რომ ბოლოს ყველას გავუსწორებ ანგარიშს!

- ვიცი, რომ უსირცხვილო არამზადა ხარ და ცუდ საქმეზე უკან არ დაიხევ, - გაცეცხლდა ჰერცოგი, - ვიცი, რომ რასაც გულში ჩაიდებ, შეასრულებ კიდევ, მაგრამ მე ვიზრუნებ, რომ დანაქადი ვერ შეასრულო. შენი მტრები მხოლოდ და მხოლოდ შენ მიერ ჩადენილი ბოროტმოქმედებანია!

- კემპბელი რომ ვარ, იმიტომ ამბობთ ეგრე. გრეჰემი რომ ვყოფილიყავი ბევრი რამ მეპატიებოდა! -დაცინვით მიუგო რობერტმა...

- კარგს იზამდით, სერ, თუ ცოლს, ნათესავებსა და თქვენს მომხრეებს შეუთვლიდით, რომ არაფერი დაუშავონ ჯენტლმენებს, რომლებიც ტყვედ ჩაუვარდათ ხელში. თითი რომ დააკარონ მისი უდიდებულესობის ერთგულ ქვეშევრდომებს, ათმაგად ვაზღვევინებ! - გაათრთხილა ჰერცოგმა.

- ჩემზე მტრების ვერ იტყვიან, მილორდ, გულქვა და სისხლიანი ვაციაო. იქ რომ ვიყავი, ჩემს ნებაზე ვატარებდი ოთხას-ხუთას ვაციან ჯარს, სიტყვას ვერ შემომიბრუნებდა ვერავინ, მაგრამ უნდა იცოდეთ, რომ თუ ოჯახს უფროსი აღარ ეყოლება, ყველა თავის ნებაზე იმოქმედებს. მე ყველაზე უფრო ერთი ვაცის ბედი მანუხებს - ტყვეებში ერთი ჩემი ნათესავია, ყოვლად ღირსეული ადამიანი და იმას არაფერი არ უნდა შეემთხვეს. არის აქ ვინმე, ვინც მაკრეგორს დაეხმარება? ხელები შეკრული მაქვს, მაგრამ პატივისცემას მაინც გადავუხდი.

რობერტს მთიელი შიკრიკი გამოეხმაურა.

- მე საგანგებოდ დავბრუნდები უკან, მაკგრეგორ, და თქვენს დავალებას შევასრულებ.

შიკრიკი წინ წამოდგა და რობერტმა რაღაც უთხრა გელურად. მე ვერაფერი გავიგე, მაგრამ დავმშვიდდი - მიხვდი, რომ შეუთვლიდა, მისტერ ჯარვის არაფერი მოსწოთო.

- ხედავ რა თავხედია? - გაუკვირდა ჰერცოგს, - ნებით იკისრა შუამავლობა! თუმცა, რა გასაკვირია, როგორიც ხეა, ისეთი ნაფოტიც დასცვივავო. მაგისი ბატონებიც ასე თავაგდებულად არ მოიქცნენ? ჯერ თვითონ შემოგვთავაზეს ყაჩაღების მოსპობაში დაგეხმარებითო და მერე, როცა მაკგრეგორმა ის სადავო მიწები, ბალკვიდერის მხარე, დაუთმეს, უნამუსოდ გვიტეხეს პირი.

არ ენდოთ პლედს და კილტს შოტლანდიურს - არა აქვს აზრი, ქამელეონის მსგავსად ელფერს იცვლიან ასგზის...

- თქვენი დიდი წინაპარი ამას არ იტყოდა, მილორდ, - უთხრა მაიორმა გალბრეიტმა, - ნება მიბოძეთ, მოკრძალებით შეგნიშნოთ, რომ თქვენც სხვა აზრის იქნებოდით, ძირის ძირობამდე რომ ჩაჰყოლოდით საქმეს - დაუბრუნეთ პატიოსან ადამიანს თავისი საქონელი, ნება მიეცით, თავის ჭკუაზე იცხოვროს და ლენოკში თავისთავად დამკვიდრდება წესრიგი!

- ჩუმად იყავით, მაიორო! მაგისთანა ლაპარაკი ხეირს არ დაგაყრით. ჩემთან მაინც ნუ ამბობთ! ვატყობ, თავს გაგივიდათ! კეთილი ინებეთ და თქვენი რაზმი გარტარტანში წაიყვანეთ. მე კი პირველად ვადევნებ თვალყურს, რომ ტყვე დუხრეიში მიიყვანონ. ხვალ ჩემს ახალ ბრძანებას მიიღებთ, მანამდე კი არც ერთი ჯარისკაცი არ გაუშვათ შინ!

- დაინცება ახლა არეულ-დარეული ბრძანებები და მითითებები, - ჩაიბუზღუნა მაიორმა, - არა უშავს, ცოტას მოვითმენთ და მერე, როცა მეფე დაბრუნდება, ვნახავთ, ვინ უბრძანებს!

ორი ცხენოსანი რაზმი სასწრაფოდ გაემგზავრა წასასვლელად - უნდოდათ, დაბინდებამდე მისულიყვნენ დანიშნულ ადგილას. მე მითხრეს, მითხრეს კი არა, მიბრძანეს ერთ-ერთ რაზმს გავყოლოდი. თუმცა, ტყვედ აღარ ვითვლებოდი, მაგრამ მაინც ეჭვის თვალით მიყურებდნენ. არც გამკვირვებია - ცუდი დრო იყო. იაკობინელები და ჰანოვერელები ერთმანეთს ჭამდნენ, ზემო და ქვემო შოტლანდიელები ძაღლებივით ჩხუბობდნენ და გავლენიანი შოტლანდიური ოჯახებიც ძველთაგანვე დავობდნენ ერთურთთან. ამის გამო ყველას ეჭვის თვალით უყურებდნენ და უცხოელი, რომელიც დიდგვაროვანი მთარველის გარეშე მოინდომებდა შოტლანდიაში მოგზაურობას, აუცილებლად ხიფათს გადააწყდებოდა.

რა უნდა მექნა? შევურიგდი ჩემს ხვედრსა და იღბალს და თავს იმითლა ვინუგეშებდი, იქნებ დატყვევებულმა ავაზაკმა რეშლის ამბავი მითხრას-მეთქი. სამართლიანობა მოითხოვს ითქვას, რომ მართო ჩემს საქმეზე არ ვფიქრობდი: არანაკლებ ვნუხდი ჩემი უცნაური ნაცნობის ბედზე და გულით მინდოდა, თუკი ნებას მომცემდნენ, სიცოცხლის ბოლოს მაინც გამეწია რაიმე დახმარება.

თავი XXXIII

მივიდა იგი ჩატეხილ ხიდთან,
შეჩერდა, თავი დაუკრა მღვევრებს,
გასცურა გაღმა, არ მდგარა დიდხანს,
და გზას გაუდგა სირბილით მერე...

გილ მორისი

ცხენოსნები ორ რაზმად დაენწყვნენ და საყვირები აახმიანეს. კლდემ და ხევმა გამოძახილი მისცეს. გაისმა წასვლის ბრძანება და ორივე რაზმი ნელი ჩორთით დაადგა გზას. მცირე მანძილის გავლის შემდეგ მაიორ გალბრეიტის რაზმმა მარჯვნივ გადაუხვია. მას ფორტი უნდა გადაეღახა, დაღამებამდე მისულიყო დანიშნულ ადგილას და, თუ არა ვცდები, ღამე ფორტის მეორე სანაპიროდან მცირე მანძილით დაშორებულ რომელიღაც ძველ ციხესიმაგრეში უნდა გაეთია.. ქვემო შოტლანდიელებმა სწრაფად გადაღახეს მთის მდინარე და მოპირდაპირე ნაპირას ატეხილ ჭალაში გაუჩინარდნენ.

ჩვენ საკმაოდ სწორი გზით მივდიოდით, რიგები არ აგვირევიდა. ჰერცოგმა ყველა ღონე იხმარა, რომ რობ როი არ გაქცეულიყო: მისი ბრძანებით ტყვე ერთ ყველაზე ბრგე ჯარისკაცს შემოუსვეს ცხენზე. ეს ჯარისკაცი ჰერცოგის პირადი მცველი გახლდათ. შემდეგ მითხრეს, რომ ბრიგლენდელი იყო და ევანი ერქვა.. ტყვე და გოლიათი ჯარისკაცი ცხენის მოსართავებით გადააბეს ერთმანეთზე. ბოლოები მკერდზე ჰქონდა შეკრული ჯარის-

ვაცს, ასე რომ რობი ვერაფრით ვერ დაიხსნიდა თავს. მე ცხენი მომცეს და მიბრძანეს, რომ როის გვერდით მევლო. ირგვლივ მჭიდროდ გვერტყნენ ჯარისკაცები, აქეთ-იქიდან კი ხან თითო, ხან ორ-ორი დამბაჩშემართული მხედარი მოგვეყვებოდა. ენდრუ ფერსერვისს პონი მისცეს და ნება დართეს, სხვა მსახურებთან ერთად გამოჰყოლოდა რაზმს. მსახურები ბლომად იყვნენ, მაგრამ ისინი უნესრიგოდ მოსდევდნენ უკან მწკრივებად დაწყობილ მოლაშქრეებს.

ცოტა ხნის შემდეგ ფონს მივადექით. მდინარე ფორტი ტბიდან იღებდა სათავეს და ზედა დინებაშიც საკმაოდ ღრმა იყო. ფონზე კლდოვანი ბილიკით უნდა ჩავსულიყავით. ბილიკი ისე ვიწრო იყო, რომ ორი ცხენოსანი ერთად ვერ გაივლიდა ზედ. ცენტრი და აიერგარდი ნაპირზე შეჩერდა, ავანგარდის ჯარისკაცებმა კი სათითაოდ დაიწყეს ჩასვლა ბილიკზე. როგორც ასეთ დროს ხდება ხოლმე, რაზმში არეულ-დარეულობა დაიწყო: ესკარონი კარგად იყო განვრთნილი, მაგრამ რამდენიმე ცხენოსანმა, რომლებიც სხვა რაზმიდან იყვნენ გადმოყვანილი, ურიგოდ მოინდომა ჩასვლა, სხვებმა არ დაანებეს და შეიქმნა ერთი განევ-გამოწევა.

ამ სივიწროვეში თითქმის რობ როის გვერდით აღმოვჩნდი და გარკვევით გავიგონე, როგორ ჩაულაპარაკა ყურში თავის მცველს:

- მამაშენი ხბოსავით არ წაათრევდა ძველ მეგობარს დასაკლავად, ევან. მთელი ქრისტიანული ქვეყნის ჰერცოგებს რომ ებრძანებინათ, მაინც არ ივისრებდა ასეთ საქმეს.

ევანმა პასუხის ნაცვლად მხრები აიჩეჩა, ვითომდა მე ვინ რას მეკითხებო.

- როცა მაკვრეგორები დაბლობში ჩამოვლენ, შენს კარმიდამოს გადაბუგავენ და კერიას სისხლით მორწყავენ, მაშინ მიხვდები, რა ჩაიდინე, და იტყვი: ჩემი ძველი მეგობარი რომ ყოფილიყო ამათი უფროსი, ეს უბედურება არ დამემართებოდაო.

ბრიგლენდელმა ევანმა კვლავ აიჩეჩა მხრები და მწარედ ამოიოხრა.

- ძალიან სანყენია, რომ ბრიგლენდელი ევანი, რომელსაც რომ მაკგრეგორი მრავალჯერ დახმარებია ქისითა და ხმლით, გაფუყული დიდებულის ბრძანებას ანაცვალებს მეგობრის სიცოცხლეს, - კვლავ ისე ხმადაბლა თქვა რობერტმა, რომ ჩემს მეტმა ვერავინ გაიგონა. - მე კი მეგობარს ხელს არ შევუშლიდი გაქცევაში.

ევანი ძალზე აღელდა, მაგრამ ხმა არ ამოუღია. ამ დროს მეორე ნაპირზე გასულმა ჰერცოგმა ბრძანა, ტყვე გადმოიყვანეთო.

ევანმა ცხენს სადავე მიუშვა და დანინაურდა. გვერდზე რომ ჩამიარეს, რობერტის ბოლო სიტყვებს მოვკარი ყური: „ნუღარ ყოყმანობ, ვითომ თოკი განყდა! იცოდე, ჩემს სისხლს არც კაცი შეგარჩენს და არც ღმერთი!“ ცხენმა სწრაფად ჩაათავა ბილიკი და წყალში შევიდა. მინდოდა გავყოლოდი, მაგრამ ერთ-ერთმა ცხენოსანმა შემაჩერა. ტყვეს რამდენიმე მხედარი მიჰყვა უკან. უკვე ბინდი წვებოდა, მაგრამ მაინც ვხედავდი, რომ წყალგაღმა გასული მხედრები მწკრივად ეწყობოდნენ. ჰერცოგი თვითონ ხელმძღვანელობდა წყალგაღმა გასულ ჯარისკაცთა მონესრიგებას. ჯერ მხოლოდ ნაწილი იყო გასული გაღმა. დანარჩენი, ზოგი აქეთა ნაპირას იდგა და თავის რიგს ელოდა, ზოგი წყალში იყო და მეორე ნაპირისაკენ მიიწევდა. უცებ, წყლის შხაპუნი მომესმა და მივხვდი, რომ მაკგრეგორის მჭევრმეტყველებას ნაყოფი გამოვლო. ეტყობა, ევანმა გადაწყვიტა გაეთავისუფლებინა მეგობარი. ეს ხმა ჰერცოგმაც გაიგონა და მაშინვე იაზრა ყველაფერი.

- ტყვე რა უყავი, შე ძაღლო?! - ეცა ევანს, როგორც კი ეს უკანასკნელი ნაპირზე გავიდა.

შეშინებულმა ვასალმა ბუტბუტი დაიწყო თავის გასამართლებლად, მაგრამ ჰერცოგმა თავში ტყვია დაახალა (არ ვიცი სასიკვდილო იყო ეს ტყვია თუ არა) და ბრძანება გასცა:

- ჯენტლმენებო, გაიშალეთ და დაეწიეთ იმ არამზადას! რობ როის დამჭერი ას გიენას მიიღებს ჯილდოდ!

ირგვლივ საშინელი აურზაური ატყდა. რობ როი, უეჭველია, ევანის წყალობით გათავისუფლდა თოკებისაგან; გოლიათმა ალბათ მკერდზე დამაგრებული ბალთა გახსნა. ტყვემ წყალში ჩაყვინთა, მცველების ცხენებს მუცელქვეშ გაუძვრა და დინებას დაჰყვა. კარგა ხანს არ ჩანდა, მაგრამ მერე იძულებული გახდა წამით ამოეყვინთა და ჰაერი ჩაესუნთქა. სწორედ ამ დროს მოლაშქრეებმა თვალი მოჰკრეს რობ როის ჭრელ პლედს და ზოგი ცხენით, ზოგი კი ქვეითად შევარდა წყალში ყაჩაღის დასაჭერად. დინება სწრაფი იყო და მოლაშქრეებს ძალიან გაუჭირდათ. ნაწილი მალე გამოეთიშა მდევრებს, რადგან მდინარემ ცხენი გამოაცალა ლაჭებიდან და ახლა საკუთარი თავის გადასარჩენად უნდა ებრძოლათ. ვინც უფრო ფრთხილი იყო, ან ვისაც დიდად არ ენადვლებოდა დაიჭერდნენ თუ არა ლტოლვილს, წყალში არ შევიდა.. ისინი მდინარის ნაპირზე დააჭენებდნენ ცხენს და წყლის ზედაპირს დაჰყურებდნენ, იქნებ რობ როიმ კიდევ ამოყვინთოსო. ირგვლივ ყურისწამლები ყვირილი და ყიჟინი იდგა. ხან ერთი მხრიდან ისმოდა - არიქა, მოდით, მგონი, აქ არისო, ხან მეორედან.. განუწყვეტლივ ისროდნენ თოფებსა და დამბაჩებს, სისინით კვეთდა ჰაერს ჩელთი ხმლები, ოფიცრები წინ და უკან დარბოდნენ ყვირილით ბინდ-ბუნდში და ცდილობდნენ, წესრიგი დაემყარებინათ - ერთი სიტყვით, საშინელი ორომტრიალი იდგა. ჩემი მხლებლები მაშინვე გავარდნენ გაქცეულის დასაჭერად, მე კი იქვე, მდინარის ნაპირას დავრჩი და თვალეზად ვიქეცი. მაშინვე დავეჭვდი და მერე დანამდვილებით გავიგე, რომ ბევრ იმათგანს, ვინც ყველაზე ხმამაღლა ღრიალებდა და ყველაზე მეტს ფაფხურობდა, ყველაზე ნაკლებად უნდოდა რობ როის დაჭერა. ისინი მხოლოდ იმიტომ ტყბდნენ ასეთ აურზაურს, რომ ლტოლვილისათვის გაქცევა გაეიოლებინათ.

რობ როი შესანიშნავი მცურავი იყო და, რადგან მაშინვე ვერ დაიჭირეს, ახლა ადვილად მოახერხებდა მიმალვას. პირველად, მართალია, კვალში ჩაუდგნენ და ტყვიები დაუშინეს, მაგრამ, საბედნიეროდ ყველა ასცდა და მხოლოდ წყლის შხეფები დააყენა მის ირგვლივ. ამ სცენამ წავზე ნადირობა მომაგონა. ბიძაჩემის მამულში ხშირად მიყურებია წავის დევნისათვის. ცხოველი წყალქვეშ დიდხანს ვერა სძლებდა და დროდადრო ამოყვინთავდა. ძაღლები შენიშნავდნენ და ყეფითა და ლავლავით მიესეოდნენ დასაჭერად, მაგრამ წავი ჰაერს ჩაისუნთქავდა და კვლავ წყლის სიღრმეს შეაფარებდა ხოლმე თავს. მაკგრეგორი კი უფრო ეშმაკურად მოიქცა; პლედი მოიხსნა და წყალს გაატანა. ჭრელმა ტარტანმა მალე მიიპყრო მდევრის ყურადღება. ცხენოსნებმა რობ როისათვის განკუთვნილი ტყვიები პლედს დაუშინეს და ხმლებითაც მიეტანენ ასაკუნავად.

მდინარეს ზოგან ციცაბო ნაპირები ჩასდევდა, ზოგან კი მურყნის, არყისა და ალვის ხეების ხშირი ჭალა ერტყა საფარად, და მანამ ნაპირზე დარჩენილი მხედრები მოხერხებულ ადგილს ეძებდნენ წყალში ჩასასვლელად, რობ როიმ თავს უშველა. ლტოლვილს დაღამებამაც გაუადვილა საქმე: იმ სიბნელეში მდევრები ერთმანეთს ვერა სცნობდნენ და ხან ერთგან ატყდებოდა ყვირილი, არიქა ვიპოვეთო და ხან მეორეგან. ზოგი ჭარისკაცი მორევმა ჩაითრია და განწირული ხმით უხმობდა ამხანაგებს საშველად, ზოგი ამ არეულობაში თავისიანებს დაეჭრა ტყვიით ან ხმლით, ახლა შველას ითხოვდნენ და თან სამაგიეროს გადახდით იმუქრებოდნენ. ერთი-ორჯერ ნამდვილი ბრძოლა გაიმართა წყალში. ბოლოს უფროსმა ლტოლვილის პოვნის იმედი გადაინყვიტა და ბრძანა შეკრების ჰანგი დაუკარითო. გაისმა საყვირების ხმა და მხედრები ჯგუფ-ჯგუფად ხმადაბალი ლანძღვითა და გინებით გაემართნენ სამხრეთ ნაპირისაკენ.

ისინი ნელ-ნელა ეწყობოდნენ მწკრივში. აქამდე სროლა და ყიჟინა ახშობდა მდინარის ხმას, ახლა კვლავ ძველებურად ადუღუნდა, მაგრამ ხელმოცარული მღვევრების ბუზღუნს და გინებას დიდად ვერ გადაამეტა.

აქამდე მდინარეზე დატრიალებული უჩვეულო სანახაობის გარეშე მაყურებელი ვიყავი, თუმცა ვერ ვიტყვი, რომ ჩემთვის სულ ერთი იყო, როგორ დამთავრდებოდა ეს დევნა, უცებ კი, ჩემდა გასაოცრად მოვლენათა შუაგულში აღმოვჩნდი:

- რა იქნა ის ახალმოსული ინგლისელი? - იკითხა ვიღაცამ მეორე ნაპირზე, - იმან მისცა რობს დანა და იმით გადაჭრა თოკები!

- ნაკუნ-ნაკუნ ავკევოთ! - დაიძახა ერთმა.

- ტყვიით გავუხვრიტოთ გოგრა! - აუბა მხარი მეორემ.

- გამოვხანჯლოთ! - აღრიალდა მესამე.

იმავე წამს ცხენების თქარათქური მომესმა. მხედრებმა ძებნა დამიწყეს, რომ მექარა საქმედ ექციათ. მაშინვე ვიაზრე რა მომელოდა: გაცეცხლებული მოლაშქრეები ჯერ ამკუნავდნენ, ან ტყვიებით დამცხრილავდნენ და მერე დაინყებდნენ სამართლის გაჩენას.

მაშინვე ჩამოვხტი ცხენიდან და მურყნის ჭალაში შევრგე თავი იმ იმედით, რომ ამ სიბნელეში ვერ მიპოვიდნენ. ჰერცოგის მახლობლად რომ ვყოფილიყავი, დახმარებას ვთხოვდი, მაგრამ იგი უკვე გასძლოლოდა ჯარს და თანდათან შორდებოდა მდინარის ნაპირს. დარჩენილ ოფიცრებიდან კი არც ერთი არ იყო ისეთი რანგისა, რომ მფარველად გამომდგომოდა. ასე რომ, დამალვა ვაძლებინე, თან თავი დავიმშვიდე, ასე ტყუილბურალოდ სიცოცხლის განირვა ვაჟკაცობაში არ ჩამომერთმევა-მეთქი.. როცა ჩემი სამალავის ირგვლივ ჩოჩქოლი და ცხენების ფეხის ხმა მიწყდა, გადავწყვიტე ჭალიდან გავსულიყავი, ჰერცოგი მეპოვა და ჩავბარებოდი. ვიმედოვნებდი, რომ არათფერს დამიშავებდა, რადგან, ჯერ ერთი, მეფის ერთგული ქვეშევრდომი ვიყავი და არავითარი

დანაშაული არა მქონდა ჩადენილი, და მეორე, როგორც უცხოელს, უფლება მქონდა სტუმარ-მასპინძლობის მოვალეობის შესრულება მომეთხოვა შოტლანდიელებისაგან. აი, ასეთი გადანყვეტილება მივიღე, სამალავიდან გამოვედი და იქაურობა მივათვალ-მოვათვალიერე.

უკვე დაღამებულიყო. აქეთა ნაპირზე ლანდად დავინახე რამდენიმე მხედარი. იქითაზე აღარავინ იყო. შორიდან ცხენების ფლოქვების თქარათქური და საყვირის ხმა ისმოდა. საყვირები ჩამორჩენილებს უხმობდნენ. მე ვეღარ გადამენწყვიტა როგორ მოვქცეულიყავი: ცხენი აღარ მყავდა და მთის მდინარეს წელანდელი ალიაქოთის შემდეგ კიდევ უფრო საშიში და მიუნდობელი მეჩვენებოდა. ჯერ ერთი, მთვარე მკრთალად ანათებდა იქაურობას და დღეც რომ ყოფილიყო, მაინც ვერ გავხედავდი ამ ფონის ქვეითად გადალახვას, რადგან სულ ახლახან ჩემი თვალით ვნახე, რომ წყალი უნაგირის ტახტამდე სწვდებოდა მხედრებს. ამ ნაპირზე რომ დავრჩენილიყავი, ღამე გარეთ, სიცვივში, უნდა გამეთენებინა, მე კი ნუხანდელს აქეთ იმდენი რამ გადამხდა თავს, რომ ამას ვეღერ გადავიტანდი.

ცოტა ხნის ფიქრის შემდეგ იმ აზრზე დავდექი, რომ მდინარის გადალახვა არ ღირდა: ენდრუ ფერსერვისი სხვა მსახურებთან ერთად გადავიდა მდინარის მეორე ნაპირას და ალბათ ჰერცოგის რაზმს გაჰყვა. მისი მოურიდელობის ამბავი რომ ვიცოდი, ვიფიქრე, ყველას ცხვირში შეეტენება, ლაქლაქს დაინყებს და ჰერცოგისა და ოფიცრების ყურამდე მივა, ვინა ვარ და რა მდგომარეობა მიჭირავს საზოგადოებაში-მეთქი. ჰერცოგიც ეჭვს აღარ შეიტანდა ჩემში და ხალხს არ დამადევნებდა დასაპატიმრებლად. ამიტომ არ ღირდა, ეს აქაფებული მდინარე გადამელახა და ამალამვე ვხლებოდი ჰერცოგს. შესაძლებელია, მშვიდობით გავსულიყავი მეორე ნაპირას, მაგრამ მერე, ვინ იცის, ხიფათს გადავყრებოდი?! ან გზას ვერ გავიგნებდი სიბნელეში, ან ვინმე ჩამორჩე-

ნილი მოლაშქრის ხმლის ლუკმა გავხდებოდი - იფიქრებდა მოლატის მოკვლა გმირობაში ჩამომერთმევა და დაგვიანებისათვის აღარ დამსჯიანო. ბოლოს, ყველაფერი ავწონ-დავწონე და იმ აზრზე დავდექი, რომ ისევ გუშინდელ ფუნდუკში დაბრუნება მიჯობდა. რობ როის ხალხთან შეხვედრას არ ვუფრთხოდი - მათი ბელადის გაქცევის ამბავს ვეტყოდი და ხელს აღარ მახლებდნენ. მისტერ ჯარვისთანაც მოვიწმენდდი ნამუსს: კაცმა ამდენი უბედურება გადაიტანა ჩემი გულისათვის და გაუხარდებოდა, საფრთხეში მართო არ დამტოვაო.. და ბოლოს, მხოლოდ ამ მხარეში შემეძლო გამეგო რეშლისა და ჩემი ქალაქების გზა-კვალი - ამ ფათერაკებით აღსავსე მოგზაურობის თავდაპირველი მიზანი ხომ სწორედ ეს იყო.. ამგვარად, ფორტის გადალახვაზე ხელი ავიღე, ფრუს ფონს ზურგი შევაქციე და ნელი ნაბიჯით გავემართე აბერ-ფოილისაკენ. სუსხიანმა ქარმა სტვენით შეუტია ღრუბლებს, ღამის გათევას რომ აპირებდნენ ამ ხეობაში, დაფლითა, შორს გადაკარგა და მერე ნისლზე მიიტანა იერიში, მაგრამ ბევრი ვერაფერი დააკლო: ნისლი ხან ვეება ფთილებად იკვრებოდა და თეთრი თავსაფარივით ეკვრებოდა მთების მწვერვალებს, ხან კი დაბლა ჩამოინევიდა და ღრმა, ზემოდან ჩამოცვნილი ლოდებით გულდაღარულ ხევებში ნვებოდა ზოლ-ზოლად. მთვარე უკვე შუა ცაზე მირონინობდა და კაშკაშა სხივებს აფრქვევდა მდინარესა და ნისლმოხვეულ მწვერვალებს. სქელ ნისლს მხოლოდ გარედან ანათებდა მთვარის სხივები, თხელს კი შიგ გულში უვლიდა და ვერცხლის აბლაბუდად აქცევდა. მე ერთობ ცუდ დღეში ვიყავი - უგზოუკვლოდ დავბორიალობდი და არ ვიცოდი, კიდევ რა საფრთხეს გადავანყდებოდი, მაგრამ ამ საოცარმა სილამაზემ და გრილმა, მაცოცხლებელმა ჰაერმა გამამხნევა და გულიდან დარდი გადამყარა. ნაბიჯს ვუმატე, რომ ცოტათი შევმთბარიყავი და რაღაც ჰანგის სტვენა დავინყე. მალე ძალ-ღონის მოზღვავება ვიგრძენი, მომავლის იმედით აღმევსო გული და უკვე არავითარ

საფრთხეს და ფათერაკს არ შევუშინდებოდი. ისე თამამად მივი-
წევდი წინ, რომ ვერც კი გავიგონე, როგორ წამომეწია ორი ცხე-
ნოსანი და მხოლოდ მაშინ ჩავვარდი გულისხმაში, როცა ერთი
მარჯვნიდან ამომიღვა გვერდში და მეორე მარცხნიდან. მარცხე-
ნა მხედარმა ცხენი შეაჩერა და ინგლისურად მკითხა:

- საით გაგინწვია, მეგობარო, ამ შუალამისას?

- აბერფოილისაკენ. იქ ვახშამი და ლოგინი მელოდება.

- გზები ხომ არ არის დაკეტილი?

- არ ვიცი, - მივუგე მე, - ჯერ არავის გავუჩერებია. - მერე
მორისის ბედი გამახსენდა და უცნობი გავაფრთხილე:

- თუ ინგლისელი ხართ, გიჯობთ, სანამ არ გათენებულა უკან
დაბრუნდეთ. ამ მხარეში შფოთი და მღელვარებაა და უცხოელი-
სათვის მთლად უსაფრთხო არ უნდა იყოს აქ სიარული.

- მეფის ჯარებმა უკან დაიხიეს, არა?

- დიახ. ერთი რაზმი დაამარცხეს მთიელებმა და ოფიცერი
ტყვედ იგდეს.

- ნამდვილად იცით?

- ნამდვილად, აი, როგორც თქვენ გიყურებთ. მე თავად ვიყავი
ამ შეტაკების უნებლიე მონაწილე.

- უნებლიე? - ჩამეკითხა უცნობი. - მონაწილეობა არ მიგილი-
ათ? სახელი და გვარი მითხარით!

- რა თქმა უნდა, არა, - მივუგე მე, - მეფის ოფიცერმა დამაპა-
ტიმრა.

- რატომ? ვინა ხართ? თქვენი სახელი და გვარი მითხარით!

- სერ, მართალი გითხრათ, ვერ გამიგია, რატომ უნდა გავცე
პასუხი უცნობ ადამიანს. მე უკვე საკმაოდ ცნობები მოგანოდეთ და
გაგაფრთხილეთ, რომ ამ მხარეში სიარული საშიშია. ახლა თქვე-
ნი საქმეა, გააგრძელებთ გზას, თუ უკან დაბრუნდებით. მე არც სა-
ხელს გეტყვით, არც ხელობას და ძალზე მადლობელი ვიქნები,
თუ თქვენც ასევე მოიქცევით.

- თუ მისტერ ფრენსის ოსბალდისტონს უნდოდა, არავის ეცნო, თავისი საყვარელი მელოდიის სტვენა არ უნდა წამოეწყო, - თქვა მეორე მხედარმა და სტვენით დაამთავრა ჩემს მიერ დაწყებული ჰანგი.

ამის გაგონებაზე გული ამიჩქროლდა, რადგან ეს კაპიშონიანი მხედარი დიანა იყო. დიახ, სწორედ დიანა ვერნონი გახლდათ.

- ღმერთო დიდებულო! - შევძახე მე, - ნუთუ თქვენა ხართ, მის ვერნონ?! რა გინდათ ამ დროს ამისთანა ადგილას, თანაც...

- თანაც კაცის ტანსაცმელში გამონყობილს, არა? - ჩამომართვა სიტყვა დიანამ. - რას იზამ! შესანიშნავი კაპრალის, ნი-მის[225] ფილოსოფია უნდა მოვიშველიო: როგორც გიჭირდეს, ისე გიღირდესო.

სანამ დიანა ლაპარაკობდა, შევეცადე, მთავრის კაშკაშა შუქზე კარგად შემეთვალიერებინა მისი თანამგზავრი. ამ შეხვედრამ ძალიან გამაოცა და ეჭვი და ღაზო ჩამიღვარა გულში - რატომ დაადგა ამ სახითათო გზას მხოლოდ ერთი ჯენტლმენის თანხლებით, ვინ არის ეს ჯენტლმენი? - ვეკითხებოდი საკუთარ თავს და კითხვას ვერა ვპოულობდი. რეშლი არ უნდა ყოფილიყო, - ამას უფრო მაღალი მბრძანებლური ხმა ჰქონდა და ჩემს მოსისხლე მტერზე გაცილებით მაღალიცა ჩანდა. არც რეშლის ძმებს ჰგავდა ქცევითა და კილოთი - ხმა ამოიღო თუ არა, შევატყვე, რომ ჭკვიანი და განათლებული კაცი იყო.

უცნობმა შემნიშნა, რომ ვათვალიერებდი და გადანყვიტა, გამრიდებოდა. იგი დიანას მიუახლოვდა და ალერსიანად უთხრა, გადაეცი ნათესავს მისი ქონება და დროს ნულარ ვკარგავთ, ჩვენს გზას ვენითო.

დიანა ვერნონი ჩემკენ გადმოიხარა, რაღაც პატარა შეკვრა გამოიმინოდა და ხუმრობანარევი კილოთი მითხრა:

- როგორც თავად ხედავთ, ძვირფასო ნათესავო, მე, თქვენს მთარველ-ანგელოზად დავბადებულვარ. რეშლი იძულებული

გახდა, დაებრუნებინა ნაძარცვი ქონება და გუშინ რომ მოგვესწრო თქვენთვის აბერფოილში, ვინმე შოტლანდიელ სილფს[226] ვიპოვიდი და სულ ფრენით მოვატანინებდი თქვენთან ამ კომერციული კეთილდღეობის საწინდარს, მაგრამ ხელი შემეშალა - გოლიათებმა და გველეშაპებმა გადამილობეს გზა. ახლა სხვა დროა - მოხეტიალე რაინდები და მათი თანმხლები ქალიშვილები ყოველნაირად უნდა შეეცადონ, რომ საფრთხე აიცილონ და უმიზნო და უაზრო სიმამაცისაგან თავი შეიკავონ.. ერთი სიტყვით, თქვენი ერთადერთი სურვილი ამ ქაღალდების დაბრუნება იყო და, აი, შეგისრულდათ კიდევ!

ეს ყოველივე, როგორც თავში ვთქვი, ხუმრობანარევი კილოთი იყო ნათქვამი, მაგრამ შევნიშნე, რომ დიანას ხმა უკანკალებდა და საკმაოდ ღელავდა.

- დიანა, - უთხრა თანამგზავრმა, - ნება მიბოძე, კიდევ ერთხელ შეგახსენო, რომ უნდა ვიჩქაროთ.

- ახლავე, სერ, ახლავე! გაიხსენეთ, რომ სულ ახლახან მივეჩვიე მორჩილებას. ჯერ კიდევ არ გადამიცია პაკეტი და... არ დავმშვიდობებივარ... სამუდამოდ... დიახ, ფრენკ, სამუდამოდ! ჩვენს შორის უფსკრულია, უძირო უფსკრული. ჩვენ სხვადასხვა გზა და მისწრაფებები გვაქვს. მშვიდობით! ბედნიერი იყავით!

როცა დიანა კიდევ უფრო გადმოიხარა ჩემკენ თავისი პატარა შოტლანდიური ცხენიდან, ლოყა ლოყაზე მომადო წამით და ხელი ჩამომართვა. წამწამზე დაკიდებული ცრემლი მოწყდა და თბილად ჩამომეღვარა ღაწვზე. დაუვინყარი წამი იყო - მწუხარე და ამავე დროს იმედის მომცემი წამი!

დიანამ მაშინვე მოთოკა გრძნობა, უნაგირზე გასწორდა და თავის თანამგზავრს უთხრა, მზადა ვარ, წავიდეთო. ცხენები სწრაფი ჩორთით დაიძრნენ და მალე მხედრები თვალს მიეფარნენ.

ღმერთმა იცოდეს, გულგრილობა არ ყოფილა იმისი მიზეზი, რომ ენაც დამება და ხელიც, როცა დიანა მემშვიდობებოდა. სიტყვები ყელში გამეჩხირა; ამ მოულოდნელმა შეხვედრამ და სწრაფმა განშორებამ დამაბნია. პაკეტით ხელში ვიდექი გაოგნებული და თავგზადაკარგული და მხოლოდ ცხენების ნალებით ავარდნილ ნაპერწკლებს ვხედავდი. დიდხანს, დიდხანს ვერ მოვეგე გონს, თუმცა მხედრები თვალს მიეთარნენ და ცხენის ფლოქვების ხმაც კარგა ხანია მიწყდა. ბოლოს თვალებიდან ცრემლები წამსკდა. ვინმენდდი და ისევ ღვარად ჩამომდიოდა ღანვებზე. ვგრძნობდი, რომ მკერდში აბობოქრებული გრძნობა, საცა იყო, ყელში მომანვებოდა და დამახრჩობდა, ვგრძნობდი, რომ ლირის *histerica passio*-ს[227] წერა ვიყავი. მუხლები მომეკვეთა, იქვე გზის პირას ჩამოვჯექი და პირველად, მას შემდეგ, რაც ბავშვობას გამოვეთხოვე, მწარედ ავქვითინდი.

თავი XXXIV

დენგლი. ღმერთს გეფიცები, განმარტებები ტექსტზე ძნელი გასაგებია.

შერიდანი. „კრიტიკოსი“.[228]

დიახ გრძნობებმა დამრია ხელი და მწარედ ავტირდი, მაგრამ მერე ჩემი სისუსტისა თვითონვე შემრცხვა, გავიხსენე, რომ ამ ბოლო ხანებში, როცა დიანაზე ვინცებდი ფიქრს, ყოველთვის ვცდილობდი, მხოლოდ მეგობრად მიმეჩნია იგი - მეგობრად, რომლის ბედნიერებაზე უნდა მეზრუნა, გაჭირვებაში დახმარებოდი, მაგრამ, რაც შეიძლება, იშვიათად უნდა შევხვედროდი. აი, ეს გავიხსენე და შევეცადე დავმშვიდებულიყავი, თუმცა ძალზე გამიძნელდა ამ გადაწყვეტილების შესრულება: ისეთი მოულოდნელი და რომანტიული იყო ჩვენი შეხვედრა, ისე ნაზად დამემშვიდობა, რომ კარგა ხანს გონს ვერ მოვედი. ბოლოს, როგორც იქნა, შევძელი გრძნობების მოთოკვა, წამოვდექი და ერთხელ კიდევ მოვავლე თვალი მიდამოს, სადაც ეს მოულოდნელი ბედნიერება განვიცადე. ცოტა ხნის შემდეგ გზა განვაგრძე, მაგრამ მტანჯველი ფიქრები ვვლავ ჯარად შემომხვეოდნენ; „ხომ არ ვენიანაღმდეგები დიანას სურვილს, ის ხომ სამუდამოდ დამემშვიდობა და კიდევ ამიტომ გამოიჩინა ასეთი სინაზე და გულისტკივილი, - გამიელვა გონებაში, მაგრამ ეს აზრი მაშინვე მოვიშორე. რა ვქნა, გზა მხოლოდ წინ არის თავისუფალი; სხვაგან არსად არა მაქვს წასასვლელი-მეთქი. შემდეგ სხვა გასამართლებელ საბუთებს დავუწყე

ძებნა: მამაჩემის ქალაქები უკვე ჩავიგდე ხელთ, მაგრამ ჩემს შოტლანდიელ მეგობარს, რომელიც ჩემი გულისათვის ჩავარდა გაჭირვებაში, უნდა მივშველებოდი. ღამე უნდა გამეთია სადმე და, აბა, აბერფოილის გარდა სადა მქონდა წასასვლელი? ისინიც აბერფოილში უნდა მისულიყვნენ - ცხენები დაღლილი ჰყავდათ და გზად ველარ გაიგრძელებდნენ. რადგან ასეა, ვვლავ შევხვდებით ერთმანეთს. უკანასკნელად გავიგონებ დიანას ნაზ ხმას... ის ბედნიერიც მინდა ვნახო, რომელსაც სამუდამოდ დაუკავშირა თავისი მომავალი; იქნებ რაიმე დახმარება სჭირდება, იქნებ როგორმე შევძლო, რომ სამაგიერო გადავუხადო ასეთი დიდსულოვნებისათვის, როგორმე გაგრძობინო, რომ უსაზღვროდ მადლობელი ვარ ასეთი უანგარო მეგობრობისათვის...

გულით მინდოდა კიდევ ერთხელ მენახა დიანა, კიდევ ერთხელ მესაუბრა მასთან და დაჟინებით ვცდილობდი, კიდევ რაიმე ახალი საბაბი მომეგონებინა, რომ აბერფოილში მისვლა ურჩობაში არ ჩამომრთმეოდა. ამ ყოყმანში რომ ვიყავი, უკანიდან შეუმჩნევლად წამომენია ვიღაცა, მხარზე ხელი დამადო და მთიულური კილოთი მითხრა:

- ვარგი რამეა, მისტერ ოსბალდისტონ, არა? ამას წინათ კი ბინდისას შევხვდით ერთმანეთს!

მაშინვე ვიცანი მაკგრეგორის ხმა. მას მღვერებისაგან თავი დაეღწია და მშობლიურ მთებში, თავისიანებთან მიეშურებოდა. რობერტს იარაღიც ეშოვა - ალბათ ვინმე თავის მომხრეს გაუარა სახლში, მხარზე მუშკეტი ჰქონდა გადებული, წელზე კი ხმალი და ხანჭალი ეკიდა. წინათ შუალამისას და თანაც ასე უკაცურ ადგილას რომ შემხვედროდა ყაჩაღების მეთაური, მართალი გითხრათ, არ მესიამოვნებოდა. მართალია, რობ როი ყოველთვის მეგობრულად მექცეოდა, მაგრამ მისი ხმის გაგონება მაინც მზარავდა ხოლმე ტანში. მთიელები თავისებური კილოთი ლაპარაკობენ, რადგან ხორხისმიერი ბგერები აქვთ და მახვილსაც

მკვეთრად გამოთქვამენ.. რობ როიც ასე მეტყველებდა, მაგრამ მის ხმას რაღაც უცნაური სიცივე დაჰკრავდა. იგრძნობოდა, რომ ამ ხმის პატრონს უამრავი ფათერაკი გადახდენია თავს და ახლა არაფერი ააღელვებდა. შიშით არაფრისა ეშინოდა, რადგან საკუთარი ძალისა და მოხერხების უსაზღვრო რწმენა ჰქონდა, საფრთხითა და შეცდომებით აღსავსე ცხოვრებამ კი თითქმის მთლიანად მოუსპო სიბრალულის გრძნობა. ისიც არ უნდა დავივიწყოთ, რომ სულ ახლახან ჩემი თვალით ვნახე, თუ როგორ გაუსწორდა რობ როის ხალხი უიარალო, ხელებგაკრულ ადამიანს, რომელიც მდუღარე ცრემლებით იხვეწებოდა შენყალებას. ყოველივე ეს კარგად ვიცოდი, მაგრამ ისეთ დღეში ვიყავი, რომ მაინც გამიხარდა რობ როის დანახვა: ჯერ ერთი საშინლად დაძაბული და აღელვებული ვიყავი და გამომლაპარაკებელი რომ ვიშოვე, ცოტათი დავწყნარდი. მერე გულში იმედის სხივმა გამიელვა, იქნებ ახლაც დამეხმაროს და იმ ლაბირინთიდან გამოსასვლელი გზა მიჩვენოს, რომელშიც ასე უმონწალოდ შემავდო განგებამთეთი. ამიტომ მისალმებაზე გულითადად ვუპასუხე, განთავისუფლება მივულოცე და დავსძინე, რომ სხვა ასეთი გამოუვალი მდგომარეობიდან ვერაფრით დაიხსნიდა თავს.

- ჰო, ეგრე იყო საქმე, - მომიგო მაკვრეგორმა, - ყელიდან ტირიფის წნელამდე[229] დიდი მანძილი არ გახლავს. იმაზე მეტი არ იქნება, რაც ტუჩსა და ფიალას შორის არის, მაგრამ ამჯერად არც ისეთი დიდი საფრთხე შემუქრებოდა. თქვენ აქაური არა ხართ და ეგრე მოგეჩვენათ. იმათგან, ვისაც ჩემი ხელახლა დაჭერა უბრძანეს, ერთ მეორედს, როგორც ჩემი ნათესავი, ნიკოლ ჯარვი იტყოდა, სულ არა ჰქონდა ბრძანების შესრულების სურვილი. დარჩენილი ერთი მეორედიდან ნახევარს ეშინოდა ჩემი და ახლო მიკარებას ვერ მიბედავდა, ასე რომ ორმოცდაათი - სამოცი კაცის მაგივრად სულ ათი-თხუთმეტი კაცი ცდილობდა ჩემს შეჰყრობას.

- ეგეც საკმარისია, - შევნიშნე მე.

- არა მგონია. ერთს კი დანამდვილებით გეტყვი, ჩემი მტრები აბერფოილის მინდორზე რომ გამოსულიყვნენ, ყველას სათითაოდ დავანჯვინდი, აი, ამ ჩემი ჩელთით.

შემდეგ მაკვრეგორმა ჩემი თავგადასავალი გამომკითხა და ბევრი იცინა, როცა ვუამბე, თუ როგორ იბრძოლა პატივცემულმა ოლდერმენმა გავარვარებული საკვეთელით.

- გლაზგოს გაუმარჯოს! - შესძახა მან. - კრომველის დღეში ჩავვარდე, თუ ამისთანა რამ მენახოს ჩემს დღეში. რა იქნებოდა იქ ვყოფილიყავი, როცა ჩემმა ბიძაშვილმა ცეცხლი წაუკიდა ივერახელის პლედს! შამფურზე წამოგებული ცხვრის თავივით არ შეიტრუსებოდა?! რა ქნას, რა მაგისი ბრალია რომ ცუდად გაზარდეს. მაგას ჩვენი სისხლი ურევია და იმიტომ ივაჟკაცა, თორემ, აბა, რომელი ვაჭარი გინახავს ასე რომ გამოედოს თავი. თქვენთან უკაცრავად ვარ, რომ აბერფოილში ვერ დაგხვდით - სულ ორი-სამი დღით ჩავედი გლაზგოში მეფის საქმეზე, ამასობაში მახე დამიგეს კლახანში და რომ ავსულიყავი, აუცილებლად გავებმებოდი. მერე კი ჩავუფუშე ყველაფერი: ამიერიდან ძველებურად ვეღარ მიუქსევენ კლანებს ერთმანეთს. მალე დადგება დრო, როცა მთიელები შეკავშირდებიან... მერე, მერე... კიდევ რა გადაგხდათ თავს?

- მერე კაპიტანი თორნტონი მოვიდა ფუნდუკში თავისი რაზმით, მე და ოლდერმენი საეჭვო ხალხად მიგვიჩნია და დაგვაპატიმრა.

რობერტი ჩამეკითხა, რამ დააეჭვა კაპიტანიო და, როცა ვუთხარი, ჯერ ჩემმა გვარმა დააეჭვა და მერე ჩვენმა გარეგნობამ, რადგან ნაბრძანები ჰქონდა, ერთი ხანში შესული და ერთი ახალგაზრდა კაცი დაეპატიმრებინა-მეთქი, სიცილით შენიშნა:

- მაგ ბაიყუშებს ჩემი მეგობარი ოლდერმენი, ნამდვილად, მისი აღმატებულება ეგონათ, თქვენ კი მის ვერნონი.

- მის ვერნონი?.. - გამიკვირდა მე, - კვლავ მისს უნოდებთ? სულ ახლახან ჩაიარა აქ ვიღაც ჯენტლმენის თანხლებით და, როგორც შევნიშნე, ის ჯენტლმენი ერთგვარ მეურვეობას უწევდა.

- დიახ, დიახ, - მომიგო რობმა, - ახლა კანონიერი მეურვის ხელშია და სჭირდება კიდევ, თორემ ძალიან აშვებული ჰქონდა თავი. არა, ისე, კარგი ქალიშვილია, მამაცი, გაბედული. სამწუხაროა, რომ მისი აღმატებულება ხანში შესულია. დიანას უფრო ახალგაზრდა თანამგზავრი მოუხდებოდა, აი, თქვენი ან ჩემი ჰემიშის კბილა.

ამ პასუხმა თავბარი დამცა. გონებით აქამდეც ვხვდებოდი, რომ დიანა მხოლოდ კანონიერ მფარველსა და მეურვეს წამოყვებოდა შუალამისას ასეთ უკაცრიელ მხარეში, მაგრამ გულს არ უნდოდა დაეჭრებინა. ახლა კი ყოველგვარი ეჭვი გამეფანტა. ოცნების ძალით აგებული კოშკი ძირიანად დამენგრა! უეცრად თვალთ დამიბნელდა, ყურთასმენა კი ისე დამეხშო, რომ რობერტის ლაპარაკი აღარ მესმოდა.

- თქვენ ცუდადა ხართ, - ალერსიანად მითხრა რობერტმა, როცა კითხვებზე პასუხი არ გავეცი, - მძიმე დღე გადაგიტანიათ. მიუჩვეველი ხართ და გადაიქანცეთ.

გონს მოვედი, თავს ძალა დავატანე და თხრობა გავაგრძელე, როცა ტბის პირას გამართული ბრძოლის ამბავი მოვუყევი, რომ რომიმ აღტაცებით წამოიძახა:

- თითქო მეფის ნასუფრალი ჯობია სანყალი ვაცის საქორწილო სუფრასო?! ეგეც მაგათი ჯარისკაცები! ვერ დაიფრინეს ბებრებმა და ყმანვილებმა?! მაშ ქალებიც იყვნენ, არა? იმის მაგივრად, რომ მატყლი ეწენათ, ხმლებს ატრიალებდნენ! ვაჟკაცებს რომ გადაჰყროდნენ, მაშინ გენახათ მაგათი საცოდაობა! დუგალ გრეგორს დამიხედეთ, რა ამბები დაუტრიალებია! ვინ იფიქრებდა, რომ ამდენი ჭკუა ექნებოდა იმ გაბურძგნულ თავში! თუმცა, დაამთავრეთ, დაამთავრეთ... მეშინია კია ბოლომდე მოსმენა.

ჩემი ჰელინი ნამდვილი ქაჯია როცა გაბრაზდება... არც გაემტყუნება, სანყალს!

შევვცადე, რაც შეიძლებოდა მოიარებით მეამბა, როგორ მოგვექცნენ დატყვევების შემდეგ, მაგრამ შევატყვე, რომ მაინც ძალიან შენუხდა.

- რატო იქ არ ვიყავი?! - წამოიძახა გულდანყვეტილმა რობმა, - სტუმარს, უცხო მხრიდან მოსულ სტუმარს როგორ უნდა აწყენინო, თანაც ჩემი სისხლი და ხორცია! ნეტა ნახევარი ლენოქსი გადაებუვათ, რადგან ვგრე გაცოდნენ და იმისათვის არ ეწყენინებინათ. ენდე ამის მერე ქალსა და იმის ბახალეებს. რა ჭკუა უნდა მოჰკითხო მაგისტანებს! ისე კი ყველაფერი იმ საბაჟოს მოხელის ბრალია. იმ ძაღლმა მითხრა, რეშლის შენი ნახვა უნდა, მეფის საქმეზე უნდა მოგელაპარაკოსო. მე ვიცოდი, რომ გარსხატაბინელი მაიორი და კიდევ ბევრი ლენოქსელი მეფე ჭეიმზის მომხრე არის და ვიფიქრე, რეშლიმ იმასთან უნდა შემახვედროს-მეთქი. დავეჭვდი კი - როგორც გავიგე, ჰერცოგი აქ იყო, იმ ნუთში ვიყნოსე საფრთხე, მაგრამ მაინც წავედი. მერე კი ვინანე, როცა ხელეები ცხენის მოსართავით გამიკრეს, მაგრამ რაღა დროს! მივხვდი, რომ რეშლი თავისთანა არამზადებს შეეკრა და ხათანგში გამაბა. ეგეთი ორპირა ვაცია! არა, არ უნდა წავსულიყავი. კიდევ იმიტომ დაფრთხა ის გაიძვერა მორისი, როცა ჩემიანებს ვუბრძანე, სანამ არ დავბრუნდები, არსად გაუშვათ-მეთქი. აი, ახლა ვბრუნდები, მაგრამ ეს არც მორისის წყალობაა და არც მისი დამქირავებლების და ერთი ვნახოთ, როგორ დაიხსნის თავს ის გაიძვერა. მაშინვე ვუთხარი, სანამ გამოსასყიდს არ გამომიგზავნიან, ფეხს ვერ მოიცვლი აქედან-მეთქი.

- მორისმა უკვე გადაიხადა გამოსასყიდი, - უთხარი მე, - იმას არავის ვალი აღარა აქვს ამქვეყნად.

- როგორ?! - გაიკვირვა რობმა. - რას ამბობთ?! ნუთუ შემთხვევითმა ტყვიამ იმსხვერპლა იმ არეულობის დროს?

- ბრძოლის შემდეგ მოკლეს, მისტერ კემპბელ. შეუბრალებლად მოუღეს ბოლო თქვენიანებმა!

- შეუბრალებლად! დალახვროს ეშმაკმა! მითხარით სერ, როგორ მოკლეს?! ყველაფერი დაუფარავად მიაბზეთ და ნურც მისტერს მიწოდებთ. ჩემს ქვეყანაში მაკგრეგორი მქვია. - შევატყვე, რომ მაკგრეგორი ძალიან გაბრაზებული იყო, მაგრამ ამას ყურადღება არ მივაქციე და ყველაფერი ვუამბე. მან თოფის კონდახი მიწას დაჰკრა და წამოიძახა:

- ღმერთს გეფიცები, ამისთანა ამბავს რომ გაიგონებ, ცოლ-შვილიც შეგძულდება, სამშობლოც და ნათესავებიც! ისე, ის არამზადა ვარგა ხანია სიკვდილის ღირსი იყო. რა მნიშვნელობა აქვს, როგორ მოკვდები - გინდა ქვა მოუბიათ ყელზე და წყალში გადაუგდინხართ და გინდა სახრჩობელაზე ჩამოუკონწიალებინხართ - სიკვდილი სიკვდილია! რასაც მე მიპირებდა, თვითონ იწვნია. მაინც ჯობდა, ტყვია დაეხალათ ან ხანჯალი დაერთყათ გულში. ახლა ქვეყანა უნდა ალაპარაკდეს, წყალში ჩაახრჩვეს კატის კნუტივითო. რას ვიზამთ, რაც ვაცს უწერია, არ ასცდება, ჩვენც დავიხოცებით, როცა დრო მოგვივა. იმას კი ვერავინ იტყვის, ჰელინ მაკგრეგტორი უმიზეზოდ ხოცავს ხალხსო. ყველამ იცის, რომ საშინელი შეურაცყოფა მიაყენეს და ახლა შურს იძიებს.

რობმა ამით მოათავა მორისზე ლაპარაკი და მკითხა, ჯარისკაცებს როგორ გამოექცეო. ვუამბე, როგორ გამოვეპარე გაცეცხლებული მოლაშქრეებს და როგორ დავიბრუნე მამაჩემის ქალღლები. დიანას სახელი არ მიხსენებია - ვერ შევძელი.

- ვიცოდი, რომ დაიბრუნებდით, - მითხრა მაკგრეგორმა, - მისი აღმატებულება, აი, იმ ბარათში თქვენ რომ მომიტანეთ ამბობდა ჩემი სურვილია, დაეხმაროთო და მის სიტყვას ხომ არ გადავიდოდი. სწორედ იმისთვის დაგიბარეთ მთებში, რომ ქალღლები დამებრუნებინა, მაგრამ, ეტყობა, თვითონ მისი აღმატებულება მოელაპარაკა რეშლის.

ამ განმარტების პირველმა ნაწილმა ძალიან გამოაცა და ვკითხე:

- გამოდის, რომ ბარათი იმის დაწერილი იყო, ვისაც მის აღმატებულებას უწოდებთ! ვინ არის ეგ კაცი? რა საქმიანობას ეწევა, ან რა ჰქვია?

- რადგან აქამდე ვერ გაიგეთ მისი ვინაობა, ახლა აღარაფრად გჭირდებათ. მე მაშინვე ვიცანი მისი ნაწერი და იმიტომ მოვკიდე ხელი ამ საქმეს, თორემ ჩემს საზრუნავს ძლივს ავეუდივარ.

გამახსენდა ბიბლიოთეკის განათებული ფანჯრები და კიდევ მრავალი წვრილმანი, რამაც თავის დროზე ეჭვი ჩამისახა გულში: მაგიდაზე დაგდებული ხელთათმანი, რეშლის ოთახში გამავალ საიდუმლო კარზე ჩამოფარებული ფარდის რხევა და, რაც მთავარია, ბარათი, რომელიც დიანამ მეორე ოთახიდან გამოიტანა და თანაც გამაფრთხილა, თუ ძალიან არ გაგიჭირდეს, არ გამოიყენო. მაშასადამე, დიანა მარტო არა ცხოვრობდა ბიბლიოთეკაში. იქ კიდევ ვიღაც ბინადრობდა, ვიღაც კი არა, მეფე ჯეიმზის ერთგული აგენტი, რომელიც თავის ჭკუაზე ატარებდა დიანას. ახალგაზრდა ქალიშვილს სულ ადვილად შეიძლება ტვინი აურიოს ოქროს ბრწყინვალეობამ, შეიძლება პატივმოყვარეობას ანაცვალოს პირველი სიყვარული, მაგრამ დიანამ ვიღაც თავზე ხელაღებულ ავანტიურისტზე გამცვალა და ახლა, ამ შუალამისას, მასთან ერთად დაძრწის ყაჩაღთა და ავაზაკთა მხარეში! მხოლოდ იმიტომ უარყო ჩემი მხურვალე სიყვარული, რომ სიმდიდრე და სახელი მოეპოვებინა სტიუარტების კარზე. იმას კი აღარ მიხვდა, რომ თვითონ მეფე ჯეიმზიც სამონყალოდ შეიტარეს სენჟერმენის[230] სასახლეში.

„აუცილებლად უნდა ვნახო, - გადავწყვიტე მე, - კიდევ ერთხელ ვნახავ და მეგობრულად მოველაპარაკები. შევაგნებინებ, თუ რა საფრთხეში იგდებს თავს და დავეხმარები, რომ საფრანგეთში წავიდეს. იქ მშვიდად დაელოდება იმ ამბოხების ალის ჩაქ-

რობას, რომელიც პოლიტიკურმა ავანტურისტებმა ააგიზგიზეს. სწორედ ისეთმა ავანტურისტებმა, როგორებსაც თავისი ბედი დაუკავშირა“.

- მაშასადამე, - დავარღვიე დუმილი მე, - მისი აღმატებულება, (სახელს არ მეუბნებით და ამიტომ ვახსენებ ასე) ჩემ დროს ცხოვრობდა ოსბალდისტონ-ჰოლში, არა?

- ნამდვილად, ნამდვილად. იქ იყო. ახალგაზრდა ლედის ბინაში ცხოვრობდა სრულიად ბუნებრივი მიზეზების გამო.

ამ დამატებითმა ცნობამ კიდევ უფრო მატკინა ისედაც დაჭრილი გული.

- იქა ცხოვრობდა, - განაგრძო მაკგრეგორმა, - მაგრამ ეს ამბავი რეშლისა და სერ ჰილდებრანდის მეტმა არავინ იცოდა. თქვენ, რასაკვირველია, არავინ გაგიმხელდათ ამ საიდუმლოს, ახალგაზრდა ბატონებს კი საიმისო ჭკუა არ ჰქონდათ, რომ მიმხვდარიყვნენ, სად იყო დამარხული ძაღლის თავი. კარგი სახელია, ძველებური, უამრავი შესასვლელი და გამოსასვლელი აქვს, ათასნაირი ხვრელი და სამალავი - ოცი-ოცდაათი ვაცი ისე დაიმალება მთელი კვირის განმავლობაში, რომ ოჯახის წევრებიც ვერ გაიგებენ ვერაფერს. ერთი სიტყვით, ძალიან გამოსადეგი სახლია. კრეიგროისტონის მთებში არ გვანწყენდა ამისთანა ციხე-დარბაზი, თუმცა, რად გვინდა? ჩვენ, ველურები, ტყეებსა და გამოქვაბულებსაც კარგად ვაფარებთ თავს.

- ალბათ მის აღმატებულებასაც ერია ხელი იმ უბედურებაში, როცა იმას, ერთ ვაცს... - საწყალი მებაჟის სახელი უნდა მეთქვა, მაგრამ ენა დამება. მაკგრეგორი მიმიხვდა ვისაც ვგულისხმობდი და სიტყვა ჩამომართვა.

- მორისი გინდოდათ გეთქვათ, არა? უჰ, რამდენი ვიცინე იმ ამბავზე, მაგრამ ახლა, ლოხ-არდის ხეობაში დატრიალებული უბედურება რომ მიაბნეთ, მეცოდება კიდევც. არა, მისი აღმატებულება სულ არ ჩარეულა. მართო მე და რეშლიმ მოვაკვარახჭი-

ნეთ ის საქმე, მაგრამ მერე იყი, რაც იყო! რეშლიმ მოახერხა, თქვენთვის დაებრალებინა ყველაფერი, რადგან თავიდანვე არ მოეწონეთ. მერე მის დი ჩამოგვერია საქმეში, გვაიძულა თვითონვე გადაგვეწყვიტა ასე ოსტატურად დაგებული ქსელი და მართლმსაჯულების კლანჭებიდან გამოგვეგლიჯა უდანაშაულო დამნაშავე. გახსოვთ რა დღეში ჩავარდა ის მშიშარა კურდღელი, როცა ნამდვილი დამნაშავე დაინახა?! არა და, თქვენ გაბრალებდით ყველაფერს! ის ლოთი მოსამართლე და გაიძვერა მდივანი გახსოვთ? ხა-ხა-ხა, რამდენი ვიცინე მაშინ სამივზე! ახლა კი მებრალება ის სანყალი. ერთი-ორი წირვა უნდა შევუკვეთო მორისის სულის მოსახსენებლად.

- თუ შეგიძლიათ, მითხრათ, როგორ მოიპოვა მის ვერნონმა ასეთი დიდი გავლენა რეშლიზე და მის მომხრეებზე? რატომ შეცვალეთ თქვენი თავდაპირველი გადაწყვეტილება?!

- რას ამბობთ? მე კი არ გადამინწყვეტია ეგრე! ჩემზე ვერავინ იტყვის, თავის დანაშაულს სხვას აბრალებსო. ეგ რეშლიმ მოიფიქრა, მაგრამ მერე იძულებული გავხდით, ყველაფერი შეგვებრუნებინა, რადგან მისი აღმატებულება ძალიან უჭერებს მის ვერნონს. გარდა ამისა, გოგონამ ჩვენი საიდუმლოებები იცის და უნდა მოვეფეროთ, რომ არ გავთქვას. ეშმაკმა დალახვროს! განა შეიძლება ქალს რაიმე უთხრა, ან იმის ჭკუაზე იარო? გიჟს ვინ აძლევს ხელში ქვას?!

სოფელს ორიოდე მიღზე რომ მოვეუახლოვდით, სამი შეიარაღებული მთიელი გადმოგვიხტა ბუჩქებიდან და გვიბრძანა, ფეხი არ მოიცვალოთო. როცა გაჩერდით, ერთი მათგანი მოგვიახლოვდა და გვკითხა, ვინა ხართ და რა საქმეზე მიდიხართო.. ჩემმა თანამგზავრმა

მხოლოდ ერთი სიტყვა გაიმეტა; „გრეგარახიო“ ჩაილაპარაკა ზვიადად და მთიელებმა ისეთი ყიჟინა ასტეხეს, რომ იქაურობა შეძრეს. ერთმა მინაზე დააგდო კაჟიანი თოფი, ორივე ხელები

მაგრად მოხვია მუხლებზე ბელადს და გელურად დაუწყო მილოცვა. ორი კი, როცა კარგად იჭერეს გული ყიჟინითა და შეძახილებით, თავქუდმოგლეჯილი გაიქცა სოფელში მახარობლად. ამ ამბავმა ისეთი აღტაცება გამოიწვია კლახანში, რომ ყიჟინამ და შეძახილებმა მთები შეაზანზარა. მთელი აბერფოილი - ბავშვები, დიდები, მოხუცები - დაიძრა ჩვენს შესახვედრად. როცა ბრბოს აჩქარებული ფეხის ხმა გავიგონე, რობ როის შევახსენე, ამ მხარეში არავინ მიცნობს და თქვენი მფარველობის იმედი მაქვს-მეთქი. მან ხელი ჩამჭიდა მკლავში და მანამდე არ გამიშვა, სანამ ირგვლივ შემოხვეულ, სიხარულით ჭკუადაკარგულ მთიელებს არ გააგებინა, ამ ახალგაზრდას არაფერი დაუშავოთო. მხოლოდ ამის მერე დაუწყო ხელის ჩამორთმევა მთიელებს.

ასე სწრაფად დელის სულთნის ბრძანებაც არ შესრულდებოდა, მაგრამ მთიელების თავაზიანობამ საკმაოდ შემანუხა: ჯერ ისე მომესივნენ, რომ რამის სული შემეხუთა. მერე თითოეული მათგანი შეეცადა ხელი შეეშველებინა ოღრო-ჩოღრო გზაზე. ისე მომანვნენ, რომ ქვას ფეხი წამოვკარი და კინაღამ მიწაზე გავიშხლართე. გამცილებლებმა დრო იხელთეს, ხელში ამიტაცეს და სულ ციმციმ მიმიყვანეს მისის მაკალპინის ფუნდუკამდე.

ამ სტუმართმოყვარე მასპინძლის ვიგვამთან მისვლის შემდეგ დავრწმუნდი, რომ სახელსა და დიდებას მთიან შოტლანდიაშიც ახლავს თავისი უხერხულობა: მაკგრეგორს დასვენება და ჭამა უნდოდა, მაგრამ სანამ ერთი თორმეტჯერ მაინც არ მოყვა თავისი გაქცევის ამბავი, ქოხში არ შეუშვეს. ერთმა თავაზიანმა მოხუცმა თორმეტჯერვე მითარგმნა ბელადის ნაამბობი და მე იძულებული ვიყავი თორმეტჯერვე სათანადო ყურადღებით მომესმინა ერთი და იგივე.

ბოლოს, მსმენელებმა გული შეაჭერეს და ჭგუფ-ჭგუფად ნავიდნენ დასაძინებლად. ზოგი იქვე, მახლობლად, ღია ცის ქვეშ წამოწვა მიწაზე, ზოგმა მეზობელი ქოხებს მიაშურა, ნაწილი ჰერ-

ცოგსა და მაიორ გალბრეიტს წყევლიდა, ნაწილი ევან ბრიგლენ-დელის ბედზე წუხდა, ვაითუ ამ ამბავს გადაჰყვესო, ყველა ერთად კი იმ აზრისა იყო, რომ რობ როის დღევანდელი გაქცევა ნამდვილი გმირობა იყო, ყველა ერთხმად იმეორებდა, დუგალ-ქიარის, მაკგრეგორების გვარის ფუძემდებლის დროიდან რომ მოვყვეთ და ყველა ბელადის თავგადასავალი გავიხსენოთ, დავინახავთ, რომ რობ როის დღევანდელი სიჩაუქე იმაზე ნაკლები არაფრით არ არისო.

როცა ხალხი შეთხელდა, ჩემმა მეგობარმა ყაჩაღმა მკლავში ხელი წამავლო და ქოხში შემეყვანა. ყურადღებით მოვათვალიერე კვამლით გავსებული ქოხის ყველა კუთხე, იქნებ სადმე დიანა და მისი თანამგზავრი დავინახო-მეთქი, მაგრამ ვერსად დავლანდე და კითხვითაც არ ვიკითხე, რომ ჩემი საიდუმლო არ გამჟღავნებულიყო. ქოხში მხოლოდ ერთი ნაცნობი შევნიშნე - პატივცემული ოლდერმენი. იგი მედიდურად დაბრძანებულიყო უზურგო სკამზე. რობ როი გულითადად მიესალმა მას, მერე მოუბოდიშა, თქვენ რომ გეკადრებათ ისე ვერა ვარ მონყობილი, და, ბოლოს, ჯანმრთელობის ამბავი ჰკითხა.

- გმადლობთ, ბიძაშვილო, არა მიშავს რა, არც ისე ცუდადა ვგრძნობ თავს, მონყობილი კი მართლა ვერა ყოფილხართ, მაგრამ მეტი რა ჩარაა, ჩემს სახლს ხომ ვერ წამოვიკიდებდი ზურგზე ლოკოკინასავით. ძალიან მიხარია, რომ მტრებს გამოექეცი...

- ვარგი, ერთი! დიდი ამბავი მომხდარა. სულ მაგაზე ხომ არ ვილაპარაკებთ? გამოვიქეცი და მორჩა! ახლა კი მოდი თითო კათხა არაყი დავლიოთ. მამათქვენს, განსვენებულ უსტაბაშსაც უყვარდა ხანდახან ყელის ჩასველება.

- აი, ეგ კი მართალია, რობინ! მთელი დღის მუშაობით დაღლილი რომ მოვიდოდა საღამოს შინ, ცოტას გადაჰკრავდა ხოლმე. მეც ვარგა ჯაფა დამადგა დღეს და არაყი მომნათლაგს.

ოლდერმენმა ნელ-ნელა დაუნყო ავსება პატარა, ასე სამჭიქი-ან ხის კათხას და თან ლაპარაკს განაგრძობდა: - ისე კი იმანაც ჩემი არ იყოს, ზომა იცოდა სმაში. გაგიმარჯოს, რობინ (მისტერ ჯარვიმ კათხა მიიყუდა და ცოტაოდენი მოსვა) ამ ქვეყნადაც წარმატება გქონდეს და იმ გრძელ სოფელშიც არაფერი შეგხვედროდეს ცუდი! (მან კვლავ მოსვა რამდენიმე ყლუპი) - ჩემს რძალსაც, ჰელინსაც და თქვენ ორივე შვილსაც ამას ვუსურვებ. ვარგი ყმანვილები არიან... თუმცა, იმათზე ცალკე მექნება ლაპარაკი...

ოლდერმენი ცოტა ხნით ჩაფიქრდა და მერე დინჯად დაცალა სასმისი. მაკგრეგორმა გადმომხედა და თვალი ჩამიკრა, აქაო და ნახე, რა დღეშია, როგორ მარიგებს ჭკუასო. რობ როი თავის სამფლობელოში იყო და აჯანყებულ კლანს ედგა სათავეში, მაგრამ ოლდერმენი აქაც ისე მოძღვრავდა, თითქოს კვლავ გლაზგოს ციხეში ყოფილიყვნენ, სადაც მისი ერთი სიტყვა საკმარისი გახლდათ, რომ მახეში გაბმული ავაზაკი სახრჩობელაზე ჩამოეკონწიალებინათ. რობ როი არა ბრაზობდა. ჯერ ერთი მასპინძელი იყო და უნდა მოეთმინა და, გარდა ამისა, ეტყობა ართობდა ოლდერმენის დამრიგებლური კილო. ალბათ სწორედ ამიტომ ჩამიკრა თვალი, როცა მისტერ ჯარვიმ კათხა მოიყუდა და თვალები ჭერს მიაპყრო.

ოლდერმენმა დაცლილი კათხა მაგიდაზე დადო, მიიხედ-მოიხედა და როცა დამინახა, ჯერ მომესალმა, მერე კი გულითადად მომილოცა მშვიდობიანი დაბრუნება. ამის მეტი არაფერი უთქვამს ჩემთვის, დამპირდა, თქვენ საქმეზე მერე მოვითათბირებთ, ჩემს ნათესავთან უნდა მოვათავო საუბარიო და კვლავ მასპინძელს მიუბრუნდა:

- რობინ, იმედია, ეს ლაპარაკი ჩვენში დარჩება. ხომ არავინ მიიტანს ენას ქალაქის საბჭოში ან სადმე სხვაგან?

- ნუ გეშინია, ბიძაშვილო, - დაამშვიდა მაკგრეგორმა, - ჩემი ბიჭების ნახევარი ვერც გაიგებს თქვენს ლაპარაკს, მეორე ნახევარ-

რი კი ერთ ყურში შეუშვებს და მეორედან გამოუშვებს. ერთი ვინ-მემ გაბედოს აქედან ენის წაღება და შიგ ძირში არ ამოვგლეჯ ენას?!

- კარგი და პატიოსანი, ბიძაშვილო! რადგან ასეა და მისტერ ოსბალდისტონიც ენადაცული ყმანვილი და ჩვენი ერთგული მეგობარია, პირდაპირ გეტყვით, რომ თქვენ უფსკრულისაკენ მიგყავთ საკუთარი ოჯახი.

ამ სიტყვების შემდეგ ოლდერმენმა ჩაახველა, სახეზე მალვო-ლიოს[231] მკაცრი ნიღაბი აიფარა, რომ როის თვალებში ჩააშტერდა და განაგრძო:

- თავადაც კარგად იცით, რომ კანონსა და მართლმსაჯულებას ვერ ენცობით, რომ ერთმანეთის დაუძინებელი მტრები ხართ, ჩემს რძალზე, ჰელინზე უნდა მოგახსენოთ... იმას თავი დავანებოთ, თუ როგორ შემხვდა - ვთქვათ, აღელვებული იყო და იმიტომ მიმიღო ასე მტრულად. ამაზე არაფერს ვამბობ, მაგრამ მინდა მოგახსენოთ, რომ თქვენი მეუღლე...

- ჩემს ცოლზე მხოლოდ ისა თქვით, რაც ქმარმა შეიძლება მოისმინოს მეგობრისაგან! - მკაცრად გაანწყვეტინა მაკგრეგორმა, - ჩემზე კი, რაც გინდათ, ის ილაპარაკეთ.

- კარგი, კარგი, - დაიბნა ოლდერმენი, - ამ საკითხს ნუ შევხეობით. ცოლ-ქმრის საქმეშ არ უნდა ჩაერიოს ვაცი. მაგრამ თქვენ ორი შვილი გყავთ: ჰემიში და რობინი ანუ ჯეიმზი და რობერტი. იმედია, ამიერიდან ასევე დაუძახებთ, თორემ ჰემიშების, ეხინებისა და ანგუსების გაკეთებული საქმე ვაცს არ უნახავს. დასავლეთ შოტლანდიაში კი ხშირად ახსენებენ ამ სახელებს - ძალიან განაფულნი არიან საქონლის ქურდობაში და სასამართლო ისე არ ჩაივლის, რომ ერთი ეგეთი სახელის პატრონი არ მოიხსენიონ განაჩენში. ჰოდა, აი, ეგ თქვენი ვაჟუკაცები, პირდაპირ გეტყვით, სულ მთლად უსწავლელები არიან. გამრავლების ტაბულაც კი არ იციან, გამრავლების ტაბულა კი ყოველთვის ცოდნის საფუძვე-

ლია! როცა ვუსაყვედურებ, ხითხითსა და მასხრობას იწყებენ, დარწმუნებული ვარ, არც კითხვა იციან, არც წერა და არც ანგარიში. აბა, ასეთი რამ შეიძლება ქრისტიანულ ქვეყანაში?! ჩემი ნათესავები მაინც არ იყვნენ!

- საიდან უნდა იცოდნენ? თავისით ხომ არ ისწავლიდნენ, - გულგრილად შენიშნა მაკგრეგორმა, - მასწავლებლები კი ვერ დავაყენეთ თავზე, იქნებ გლაზგოს კოლეჯის ღვთისმეტყველების ფაკულტეტის კარზე უნდა გამეკრა განცხადება; „რობ როის სჭირდება მასწავლებელი შვილების აღსაზრდელად“?

- არა, ბიძაშვილო, მაგრამ ახლაც შეგიძლიათ, სადმე ისეთ ადგილას გაგზავნოთ შვილები, სადაც ღვთის მორჩილებასა და ადამიანურ ყოფაქცევას ასწავლიან. ახლა მთლად ტყიურები არიან. რაღა ეგენი და რაღა ის ხარები, გლაზგოში რომ ჩამორეკავდით ხოლმე გასაყიდად, ან რაღა ეგენი და რაღა ის ინგლისელი გლეხები, იმ თქვენ ხარებს რომ ყიდულობდნენ ხოლმე - მაგათი ხელიდან ხომ არაფერი გამოდის.

- არც ეგრეა საქმე, - შეეკამათა მაკგრეგორი, - ჰემიში გაფრენილ ჩიტსა კლავს თოფით, რობი კი ორდუმიან ფიცარში ხანჯალს იქით ახედებს.

- მით უარესი, ბიძაშვილო, მით უარესი! ეგ რა საქმეა, რაში გამოადგებათ აბა, თავად რა ხეირი ნახეთ მაგაში? თქვენზე ვარგად ვინ იცის სროლა, ჩეხვა და ხანჯლით ვაცის დაკვლა? როდის უფრო ბედნიერი იყავით: ნახირს რომ მიუძღოდით წინ და პატიოსან ლუკმას ჭამდით, თუ ახლა, ამ უნიფხვო ყაჩაღების რაზმს რომ მეთაურობთ?

ვატყობდი, რომ კეთილისმსურველი ნათესავის დარიგება ძალიან ტანჯავდა მაკგრეგორს: იგი წრიალებდა, იღუშებოდა და თან ცდილობდა, ოხვრა არ ამოსცდენოდა პირიდან. დავაპირე ჩავრეულიყავი და საუბარი სხვა კალაპოტში გადამეგდო: მისტერ ჯარვის კარგი უნდოდა ნათესავისთვის, მაგრამ რობ როი თავისე-

ბური ვაცი იყო და იმასთან ასეთი კილოთი ლაპარაკი არ შეიძლებოდა. მაგრამ ჩემი ჩარევა აღარ გახდა საჭირო. მასპინძელმა თვითონ შეაწყვეტინა დარიგებათა ნიაღვარი ახეზარ სტუმარს.

- მე ვიცი, რომ, - განაგრძობდა ოლდერმენი, - რომ თქვენ, დიდი ხანია, შავ სიაში ხართ ჩანერილი, და არავინ მოგიტყვევებთ ამდენ დანაშაულს. თანაც, თქვენი ხნის ვაცი აღარ გამოსწორდება, მაგრამ გული მეკუმშება, როცა ვხედავ, რომ ორი ჯან-ღონით სავსე ჭაბუკიც ამ უღმერთო გზას უნდა დაადგეს. ამიტომ, გადავწყვიტე, ორივე შეგირდებად მოვანყო საფეიქრო სახელოსნოში. მეც და მამაჩემმაც, განსვენებულმა უსტაბაშმაც ამით დავინწყეთ ცხოვრება და ახლა, მადლობა უფალს, მხოლოდ ბითუმად ვაჭრობას ვწევი და... და... ოლდერმენმა შენიშნა, რომ რობს საავდროდ მოეჩუფრა შუბლი და გადანყვიტა, ახლავე მიერთმია საუბრის ბოლოსათვის შემონახული სიურპრიზი.

- და... რობინ... ეგრე ნუ მოიღუპეთ, ჩემო ვარგო: ყმანვილების ჭამა-სმასა და ჩაცმას მე ვკისრულობ და იმ ათას მარკასაც არასოდეს ვახსენებ.

- Ceade millia diaoul! ასი ათასი ეშმაკი! - დაიღრიალა რობმა, ფეხზე წამოხტა და წინ და უკან დაინყო სიარული. - მაშ ჩემი ბიჭები მქსოველებად გავზარდო?! Millia mollig-heart![232] ჯოჯობეთის ცეცხლმა დაბუგოს გლაზგოს დაზგები და თითისტარები!

ოლდერმენმა შეკამათება დააპირა, მაგრამ როგორც იქნა დავაჯერე, ახლა ხმის ამოდება საშიშია - არ შეიძლება მოაბეზრო მასპინძელს თავი დარიგებებით-მეთქი. ცოტა ხნის შემდეგ მაკგრეგორსაც გადაუარა გაბრაზებამ და უთხრა:

- ვიცი, რომ სიკეთე გინდა ჩემთვის და იმიტომ შემომთავზე ასეთი რამ. ხელი უნდა ჩამოგართვა მადლობის ნიშნად, ნიკოლ! თუ ოდესმე დავაპირე ბიჭების გაგზავნა სასწავლებლად, აუცილებლად მოგაკითხავ. ჰო, მართლა, დროზე გამახსენე, რომ ან-

გარიში გვაქვს გასასწორებელი. ეი, ეხიმ მაკანალეისტერ, მოიტა ჩემი ქისა!

ეხიმ მაკანალეისტერმა - მაღალმა ჯანიანმა მთიელმა (ალბათ რომ როის ადიუტანტი იყო) სადღაცოდან ტყავის დიდი ჩანთა მოიტანა. ასეთ ჩანთებს ქამარზე იკიდებენ შოტლანდიელი დიდებულები, როცა სადმე შორს უდევთ გზა. იგი ზღვის წავის ტყავისაგან იყო შეკერილი. გარედან ვერცხლის ლამაზი ბალთები ეკრა.

- ამ ჩანთის გახსნა არავის მისცემს ხელს - საიდუმლო საკვეთი აქვს, - შენიშნა მაკვრეგორმა და ერთი დიდი ერთ მხარეს გადაატრიალა, მეორე - პირველის საპირისპიროდ, ერთი ბალთა მოაძრო, მეორეს თითი დააჭირა და ვერცხლის სქელი ფირფიტა, ჩანთას რომ ეფარა პირზე, აიხადა. რომ როიმ მითხრა, ჩანთაში პატარა დამბაჩაა დამალული და მისი ჩახმახი ისეა დაკავშირებული ვერცხლის ფირფიტასთან, რომ, თუ ქურდი ამ ფირფიტის ახდას მოინდომებს, შიგ გულში მოხვდება ტყვიაო.

- აი, ვინ არის ჩემი სალაროს უერთგულესი დარაჯი, - თქვა მაკვრეგორმა და დამბაჩას ალერსიანად გადაუსვა ხელი.

მომერიდა და აღარ ვუთხარი, რომ თუკი ქურდი მიაგნებდა ამ ჩანთას, საკეტს სულაც არ ახლებდა ხელს - მუცელს გაუფატრავდა და დააცარიელებდა. ამ გულუბრყვილო გამოგონებამ „ოდისეას“ ის სტრიქონები გამახსენა, რომელშიც მოთხრობილია, რომ ულისე[233] ნიჟარაში ინახავდა თავის ძვირფასეულობას და გარედან საკუთარი ხელით მოქსოვილ თოკის ბადეს აკრავდა.

პატივცემულმა ოლდერმენმა სათვალე წამოიცვა ცხვირზე, ყურადღებით დაათვალიერა ეს მოწყობილობა და ღიმილითა და თავისქნევით უთხრა მასპინძელს:

- ეჰ, რობ! ყველა ასე კარგად რომ ინახავდეს თავის ქონებას, ეგ ჩანთა ასე გატენილი არ იქნებოდა!!

- არც აგრეა საქმე, სახლიკაცო, - ღიმილით მიუგო რობმა, - როცა მეგობარს უჭირს, ან კარგი კაცის ვალი მაქვს გადასახდე-

ლი, ქისას თავისით ეხსნება ხოლმე პირი. აი, თქვენი ათასი მარკა - ერთიც არ აკლია, დაითვალეთ!

მისტერ ჯარვიმ ოქროები ჩამოართვა, ხელში აწონა, მერე მაგიდაზე დაყარა და თქვა:

- არა, რობ; მე ვერ ავიღებ ამ ფულს. ის კი არა, ხელიც არ უნდა მეხლო - ეგ ოქრო სიკეთეს არ დამაყრის. დღეს მივხვდი, სად არის შენი ოქროს მდინარის სათავე. არმად ნაშოვნი არმად წავა. მოდი, ნუ გამრევ შენს საქმეში. ეგ ოქრო ხომ სისხლშია გაბანილი.

- ტყუილადა გგონია აგრე, - ნაძალადევი ღიმილით თქვა ავაზაკმა, - ეს ფრანგული ბაჭაღლო ოქროა და არც ერთი შოტლანდიელის ქისაში არა დებულა. ნახეთ, სულ პრიალა ლუიდორები, ახალმოჭრილი!

- მით უარესი, მეგობარო, - თქვა ოლდერმანმა და ოქროს თვალი აარიდა, თუმცა ხელები მისკენ მიუბრუნდა (ამის დანახვაზე იულიუს კეისარის ამბავი[234] გამახსენდა; ლუპერკალიის დღესასწაულზე გვირგვინს რომ სთავაზობენ, გულით უნდა აღება, მაგრამ სურვილს ერევა და უარს ამბობს), - მით უარესი! აჯანყება ჯადოქრობასა და ყაჩაღობაზე უარესია და საღმრთო წიგნიც მტკიცედ გვიკრძალავს შფოთისა და ამბოხის ატეხას.

- იშოვეთ საღარდელი და ეგ არის! ეს ფული თქვენ გეკუთვნით, სესხად მომეცით და ახლა გიბრუნებთ. მე ერთ მეფეს გამოვართვი, თქვენ კი, თუ გინდათ, მეორეს მიეცით. ამით მისი მტერი ჭეიმში დასუსტდება, რადგან სანყალს სწორედ ფულის გაჭირვება აქვს, თორემ ერთგული ხალხი ბევრი ჰყავს.

- ფული თუ ცოტა აქვს, რობინ, გემო შოტლანდიიდან ბევრს ვერ მიიმხრობს, - შენიშნა მისტერ ჯარვიმ; სათვალე გაიკეთა და ოქროს დაუნყო თვლა.

- ქვემოში კი კიდევ უფრო ნაკლებს, - დაცინვით თქვა მაკგრეგორმა და თვალით მანიშნა ოლდერმენზე, რომელიც ყველა ოქ-

როს ხელისგულზე წონიდა და დაკვირვებით სინჯავდა, ყალბი არ იყოსო. მან ორჯერ დათვალა ფული და, როცა დარწმუნდა, რომ თავანსა და სარგებელს არათფერი აკლდა, ხუთი ოქრო დაუბრუნა მაკგრეგორს - სამი ჩემს რძალს მიართვით, ახლი ვაბა შეიკვროს, თითო კი ბავშვებს - რაშიც უნდათ მოიხმარონ, ოღონდ თოფის წამალი კი არ იყიდონ. მასპინძელს ძალიან გაუკვირდა ნათესავის გულუხვობა, მაგრამ არ შეიმჩნია, მადლობა გადაუხადა და ფული თავის ქისაში ჩააბრუნა.

შემდეგ ოლდერმენმა თამასუქი ამოიღო, რომლის მეორე გვერდზე წინასწარ დაწერა: ვალი მთლიანად მივიღეო. მან ხელი მოაწერა, თამასუქი მომანოდა და მთხოვა თქვენც დამემონმეთო. მე მოთხოვნა შევუსრულე. მისტერ ჯარვიმ ქოხს მოავლო თვალი, მეორე მონმეს ეძებდა, რადგან შოტლანდიური კანონის მიხედვით, თამასუქს ორმა მონმემ უნდა მოაწეროს ხელი.

- ტყუილად იწუხებთ თავს - ბევრიც რომ ეძებოთ, მაინც ვერ იპოვით ახლომახლო წერა-კითხვის მცოდნეს, მაგრამ მე სხვანაირად ვუშველი ამ საქმეს, - თქვა მაკგრეგორმა, თამასუქი დაჭმუჭნა და ცეცხლში ჩააგდო. მისტერ ჯარვიმ დაალო პირი, მაგრამ რობერტმა განუმარტა:

- ჩვენში ასე ასწორებენ ანგარიშს, ბიძაშვილო: თქვენთვის ასე სჯობია - ყველა ხელწერილი და საბუთი რომ შევინახო, შეიძლება ოდესმე ცუდად წაგივიდეთ საქმე!

ოლდერმენი აღარ შედავებია, რადგან მიხვდა, რომ მაკგრეგორი მართალი იყო. თანაც ამ დროს ვახშამი მოგვართვეს. სუფრა მრავალნაირი ჰაშტეტითა და შემწვარ-მოხრაკული ნანადირევით აივსო. ასეთი უხვი ტრაპეზი ძალიან იშვიათი რამ იყო ამ მხარეში. კერძები ცივი იყო - ალბათ სხვაგან დაამზადეს და სანამ მოიტანეს, გაუცივდათ. მალე რამდენიმე ბოთლი საუკეთესო ფრანგული ღვინოც გაჩნდა. მასპინძელმა სუფრაზე მიგვიწვია და თან ბოდში მოგვიხადა, რომ ზოგი კერძი მოკლებული იყო:

- უნდა მოგახსენოთ, რომ ამაღამ სხვა სტუმრებიცა გვყავს, - თქვა მან და თვალი ამარიდა, - ასე რომ არ იყოს, ჩემი მეუღლე და შვილები აქ იტრიალებდნენ და ისე მოგვემსახურებოდნენ, როგორც წესი და რიგი მოითხოვს!

მისტერ ჯარვის აშკარად შეეტყო სახეზე, რომ გაუხარდა კიდევ ეს ამბავი. მეც არაფრად მეპიტნავებოდა მაკგრეგორის ცოლ-შვილის დანახვა და ოლდერმენის სიხარული გავიზიარე, მაგრამ მერე მიხვდი, რომ ჰელინ მაკგრეგორი დიანასა და მის თანამგზავრს ემსახურებოდა და საშინელ ხასიათზე დავდექი. სევდა ვერც ნუგბარმა საჭმელებმა გამიქარვა და ვერც მხიარულმა

საუბარმა, რომელიც მაკგრეგორსა და მისტერ ჯარვის შორის გაიმართა სუფრაზე. ჯერ ისევ მაგიდას ვუსხედით, რომ ყურადღებიანი მასპინძელი უკვე მონდომებით შეუდგა საწოლების გამზადებას. აშკარა იყო, დღეს გუშინდელზე უკეთესად მოვისვენებდით ამ ქოხში. მაკგრეგორი კედლებთან მიდგმულ სკამ-ლოგინებს მიადგა, სათითაოდ გასინჯა, ფეხები არა ჰქონდეს მორყეულიო, ორი, ყველაზე მაგარი აღმოაჩია და ჯერ ერიკის ყვავილოვანი ყლორტები დაათინა და მერე ქვეშაგებლითა და ლაბადებით გაანყო, მშვენიერი საწოლები გამოვიდა: რბილი და სურნელოვანი. ოლდერმანმა იმ დღეს ბევრი დავიდარაბა გადაიტანა და ქანცი ჰქონდა გამოლეული, ამიტომ მასთან საუბარი დილისათვის გადავდე. იგი მაშინვე დაწვა და ხვრინვა ამოუშვა, მეც დაღლილი და გასავათებული ვიყავი, მაგრამ გულს რალაც უცნაური ნაღველი და შეშფოთება მიღრღნიდა... ძილი არ მეკარებოდა. ამიტომ ლოგინისაკენ არც კი გამიხედავს და მასპინძელი იძულებული გახდა, საუბარი გაეგრძელებინა.

თავი XXXV

ბედი მუხთალი მრუმედ მანვეს სასომიხდილსა!..
ოდეს ვიხილე ზეციური მისი თვალების
უკანასკნელი გამოხედვა, ოდეს ვისმინე
უკანასკნელი ბგერა მისი ნეტარის ბაგის
და ვნახე, როგორ მიეფარა თვალს ტანი მისი,
ვიფიქრე: დადგა უამი ჩემი აღსასრულისა“...

„გრაფი ბაზილი“

- არ ვიცი, რა გიყოთ, მისტერ ოსბალდისტონ, - მითხრა მაკ-გრეგორმა და ბოთლი მომინია, - არაფერი გიჭამიათ, არ იძინებთ და სასმელსაც არ აკარებთ პირს, თუმცა ეს ბორდოს ღვინო სერ ჰილდებრანდის მარნის ღვინოებზე ნაკლები არ არის. წინათაც ასე რომ მოქცეულიყავით, ბიძაშვილის რისხვასა და სიძულვილს არ დაიმსახურებდით.

- მაშინ ასე წინდახედული რომ ვყოფილიყავი, უფრო უარეს სატანჯველს გადავურჩებოდი, - ვუპასუხე და სახეზე ერთიანად შემომენტო სინითლე, რადგან ჩემი სამარცხვინო დათრობის სცენა წარმომიდგა თვალწინ, - ყველაზე მკაცრი ჯალათი ხომ საკუთარი სინდისია?!

მაკგრეგორმა მრისხანე მზერა მესროლა, ალბათ იფიქრა, მე მსაყვედურობსო, მაგრამ მერე მიხვდა, რომ თვითონ არაფერ შუაში იყო, სხვა რაღაც მანუხებდა და ოხვრით მიაბრუნა თავი ცეცხლისაკენ. მეც მის მაგალითს მივბაძე და ორივენი ფიქრების

ზღვაში ჩავიძირეთ. ქოხში ალბათ ყველას ეძინა, რადგან ხმას არავინ იღებდა.

სიჩუმე პირველად მაკვრევორმა დაარღვია - თავის თავზე ლაპარაკი არ უყვარდა, მაგრამ, ეტყობა, დარდი გუში ვეღარ დაიტია:

- ვიცი, რომ ბიძაშვილს გული შესტკივა ჩემზე, მაგრამ იმას კი აღარ უყურებს, რატომ დავადექი ამ გზას, რამ მაიძულა რომ გავჭრილიყავი ყაჩაღად!

მაკვრევორმა იგრძნო, რომ მეტად საჩოთირო თემა აირჩია სასაუბროდ და დადუმდა, მაგრამ მე მაინც გავბედე და ვუთხარი, ალბათ, თავადაც ძალიან გაბეზრდით ასეთი ცხოვრებით, ამიტომ კარგი იქნება, თუ როგორმე მოახერხებთ და კვლავ პატიოსან შრომას დაუბრუნდებით-მეთქი.

- რა ბავშვურად მსჯელობთ, - დამცინა მაკვრევორმა, - ვამეჩის რქა არ მოიღუნება, წყალი აღმა ვერ იდენს! გულს რა მომიბრუნებს მაგათზე, როგორ ვაპატიებ, რომ მოღალატე მიწოდეს, რომ ჩემი მოკვლისათვის ჯილდო დანიშნეს, თითქოს ადამიანი კი არა, მგელი ვყოფილიყავი! როგორ ვაპატიო ჩემი ოჯახის დაქცევა და გაპარტახება, როგორ ვაპატიო, რომ წლების მანძილზე გვდევნიდნენ და ათასნაირ მახეს გვიგებდნენ! ამ ქვეყანაში ჩემი გვარის, უძველესი და სიმამაცით განთქმული გვარის, ხსენებაც კი აუკრძალეს ხალხს!

კიდევ დიდხანს ბობოქრობდა მაკვრევორი და მიხვდა, რომ ამით საკუთარი სინდისის წინაშე უნდოდა ემართლებინა თავი, უნდოდა დაებეჭითებინა, იძულებული ვიყავი ამ მოლიპულ გზას დავდგომოდიო.

მაკვრევორს თანდათან ენთებოდა რისხვის ალი, თვალებიდან ნაპერწკლებს ანთებდა... ბოლოს ფეხზე წამოხტა, ხანჯლის ვადა მაგრად ჩაბლუჭა და აბუხუნდა:

- მე მაგათ გავაგებინებ, ვინა ვარ! მე მაგათ გავაგებინებ, რომ ჩემს გადაკიდებას, მთელი ჯოჯოხეთის ავსულთა გადაკიდება ერ-ჩივნათ! ჩემი დროც მოვა ... მაშინ გაიცინონ, მაშინ ილაპარაკონ, ერთი საცოდავი, გაკოტრებული მეჯოგეა, პატივაცრილი და გზი-დან გადავარდნილი! მაშინ დამიძახონ მანანნალა და შარვალ-გამოხეული! ვერაფრით ამოვავსე მაგათი ღორი მუცლები და რა უნდა მექნა?! არა უშავს, ასმაგად გადავუხდი პატივისცემას! ჭიასა-ვით მიპირებდნენ გასრესას, მაგრამ ცეცხლსა და ნიაღვარს რომ დავატეხ თავს, მაშინ მიხვდებიან ვისთან ჰქონიათ საქმე! რა მა-ლაპარაკებს ამდენს? - დანყნარდა ოდნავ მაკვრეგორი

და კვლავ მაგიდას მიუჯდა, - ძალიან გავცეცხლდი, მაგრამ დამიჯერეთ, მისტერ ოსბალდისტონ, ძნელია თავი შეიკავო, რო-ცა გუშინდელი მეგობრები და მეზობლები კურდღელივით გაგიგ-დებენ წინ და ყიჟინით დაგედევნებიან მოსანადირებლად, როცა შენს თავზე უამრავი მახვილია აღმართული, ასიოდე ჯარისკაცს კი მკვრდზე დაუღირებია თოფი. ასე არ იყო დღეს ავანდუს ფონ-თან?! როცა ასე მოგესევინა, მთიელს კი არა, წმინდანს ავესება მოთმინების ფიალა. მთიელების სიფიცხისა და თავშეუკავებლო-ბის ამბავი კი, ალბათ, კარგად მოგეხსენებათ, მისტერ ოსბალ-დისტონ. ერთი მწარე სიმართლე კი მითხრა ნიკოლმა: ჰემიშსა და რობერტს ჩემი ბედი ელით და ყველაზე უფრო ეს მიკლავს გულს!

მაკვრეგორმა ამოიგმინა და სახეზე ხელები აიფარა.

სულის სიღრმემდე შემძრა ყაჩაღის აღსარებამ, უილ. იმაზე ამაღელვებელი არაფერია ამ ქვეყნად, ძლიერი და ამაყი სულის მქონე ადამიანს რომ წარეკვეთება სასო! ისე შემეცოდა, რომ თითქმის შეუძლებელი მოვინდომე. გადავწყვიტე, როგორმე დავ-ხმარებოდი:

- ჩვენ უამრავი ნაცნობი გვყავს უცხოეთში, - ვუთხარი მაკვრე-გორს, - რა იქნება, იქ რომ გავაგზავნოთ თქვენი ვაჟიშვილები

საცხოვრებლად. რაიმე წესიერ სამსახურს გამოვუნახავთ. მამაჩემის სავაჭრო სახლი დიდად დავალებულია თქვენგან და ყოველნაირად ხელს შევიწყობთ...

მაკგრეგორმა ხელი წამავლო ხელში და მითხრა:

- გმადლობთ, დიდი მადლობელი ვარ, მაგრამ, მოდი, ახლა შევწყვიტოთ ეს საუბარი. აღარ მეგონა, თუ ოდესმე ცრემლი მომივიდოდა თვალებში. - მან ხელის ზურგით ამოიწმინდა თვალები და დასძინა:

- ხვალ დილას მოვითათბიროთ ამაზე. თქვენ საქმეზეც ხვალ ვილაპარაკებთ. დილას ალიონზე უნდა ავდგეთ. მე ყოველთვის ადრე ვდგები, მაშინაც კი, როცა ბედი გამიღიმებს და ლოგინში გავათევ ღამეს. თითო არ დავლიოთ?

სასმელზე უარი ვთქვი.

- მაშინ წმიდა მარონოხის სულსა ვფიცავ, მარტო დავლევ!

მაკგრეგორმა თითქმის სავსე ბოთი ჩაცალა თასში და სულმოუთქმელად დალია.

გადავწყვიტე, საუბარი მაშინ გამეგრძელებინა, როცა მასპინძელი უფრო დამშვიდებული იქნებოდა და ერიკის ყლორტებით განყობილ საწოლზე მივწევი დასაძინებლად; დავწევი, მაგრამ ისე დამაინტერესა ამ უჩვეულო ადამიანმა, რომ ვარგა ხანს მაღულად ვუჭვრეტდი. იგი ბოლთას სცემდა ქოხში, პირჯვარს იწერდა, ლათინურად ლოცულობდა. შემდეგ წამოწვა, ცალ მხარეს შიშველი ხანჯალი დაიდო, მეორე მხარეს დამბაჩა, პლედის ისე გადაიხურა, რომ საჭიროების შემთხვევაში უცებ წამომხტარიყო ფეხზე და მტრისთვის შეეტია, და რამდენიმე წუთის შემდეგ ძილს მისცა თავი. მეც მალე ჩამეძინა და დილამდე არ გამღვიძებია. ამ უცხო მხარეში მეტი სიფრთხილე მმართებდა, მაგრამ ისე ვიყავი დაქანცული იმდღევანდელი ფათერაკებით, რომ ძილს ვეღარ გავუძალიანდი.

როცა თვალეები გავახილვე და ქოხი მოვათვალიერე, მაკგრეგორი ვერსად დავინახე. მისტერ ჯარვი გავადვიძე და საბუთების პოვნა ვახარე. მან ჯერ ბევრი იკვნეს და ივიშიშა, ძლები მტეხს, ტანი სულ მთლად დაღენილი მაქვსო და მხოლოდ მერე ჩასწვდა ჩემი ნათქვამის აზრს.. მიხვდა თუ არა, რომ რეშლი ოსბალდისტონის მიერ გატაცებული ქალაღდები ხელთა მქონდა, სულ დაივინყა საკუთარი გაჭირვება, სწრაფად წამოხტა ფეხზე, პაკეტი გამომართვა და მაშინვე შეუდგა საბუთების ფურცვლას. შემდეგ ოუენის მიერ გამოტანებული სიით დაინყო ამ საბუთების შემონმება, რომ გაეგო, ხომ არაფერი აკლიაო. იგი სწრაფად მუშაობდა და დროდადრო ბუტბუტებდა:

- სწორია, სწორია... აი ესენია... ბეილი და უიტინგეტონი... სად არის ბეილი და უიტინგეტონი? შვიდას ექვსი და რვა... სწორია, ერთი პენიც არ აკლია. პოლოკი და პილმენი - ოცდარვა და ექვსი

- ესეც აქ არის, მადლობა უფალს! გრაბი და გრაინდერი... საუცხოო ხალხია, უკეთესი არც მეგულება ქვეყნად... სამასსამოცდაათი... გლაიბლადი - ოცი, გლაიბლადს, მგინი, ცუდად აქვს საქმე... სლიპრიტონგი... სლიპრიტონგი გაკოტრდა, მაგრამ ორივეს პატარა თანხა მართებს, რაღაც ბუჩუყებია... უამისოდაც იოლად გავალთ, რადგან, მადლობა ღმერთს, სხვა საბუთები წესრიგშია და ხელთა გვაქვს. ახლა კი შეგვიძლია დავტოვოთ ეს საშინელი მხარე. ლოხ-არდი რომ მახსენდება, ტანში მცრის ხლომე!

ამ დროს ქოხში მაკგრეგორი შემოვიდა, ოლდერმენის ბოლო სიტყვებს მოჰკრა ყური და მოუბოდიშა:

- ძალიან ვწუხვარ, ბიძაშვილო, რომ თქვენი საკადრისი პატივი ვერ გეცით, აი, საკუთარ ქოხში რომ შემძლებოდა თქვენი მიღება...

- დიდად მადლობელი ვარ თქვენი, - შეანწყვეტინა ოლდერმენმა, - მეტი რა უნდა გექნათ, მაგრამ ახლა კი უნდა ვენიოთ ჩვენს გზას. მე და მისტერ ოლბალდისტონს ძალიან გვეჩქარება. საქმე არ ითმენს...

- კეთილი, სახლიკაცო! ჩვენში სტუმარი უყვართ, მაგრამ, როცა ეჩქარება, გზას ულოცავენ. ნება თქვენია, ნაბრძანდით, მაგრამ დრაიმენის გზით ვერ წახვალთ. ლობ-ლომონდამდე მიგაცილებთ, მერე ნავით უნდა მიხვიდეთ ბალოხის ბორნამდე. იქ ცხენები დაგხვდებით, სხვა გზით გამოვავაზნი და გლაზგოს გზასაც დაადგებით. ასე ჯობს, ხომ გაგიგონიათ: „შორი გზა მოიარა და შინ მშვიდობით მიდიო“. თანაც იმ გზით არასოდეს უნდა წახვიდე, რომლითაც მოხვედი!

- რასაკვირველია, რობ, რასაკვირველია! მახსოვს, შენ მაშინაც ამ ჭკუაზე იდექი, როცა საქონლით ვაჭრობდი: მეორედ არასოდეს გაივლიდი იმ მინდორზე, სადაც შენი ხარები წაიბალახებდნენ. ახლა კი უარეს კვალს ტოვებ, სადაც გაივლი.

- ჰოდა, ამიტომ არის, რომ სხვა გზით გისტუმრებთ! თქვენ ერთი გზით გაგიშვებთ, ცხენებს კი მეორე გზით გამოგიგზავნით, დუგალ გრეგორს გამოვატან, ბატონი ოლდერმენის მსახურად მონათლება, ბატონი ოლდერმენი კი აბერფოილიდან, ან რობ როის ქვეყნიდან კი არ მიდის გლაზგოში, არამედ სტირლინგიდან. ერთი ჩვეულებრივი მოგზაურია. გასაგებია? აი, დუგალიც მოვიდა!

- სხვაგან რომ შემხვედროდა, ვერაფრით ვერ ვიცნობდი ამ უქნარას, - შენიშნა მისტერ ჯარვიმ.

დუგალი მისტერ ჯარვის ცხენზე ამხედრებული მოადგა ქოხის კარს, ჩემი ცხენი სადავით ეჭირა და ისე იყო მორთულ-მოკაზმული, რომ, თუ კარგად არ დააკვირდებოდი, ვერ იცნობდი; თან ხიფთანი ეცვა, თავზე ჰარიკი ეკეთა და შლიაჰა ეხურა - ეს ყველაფერი სულ ცოტა ხნის წინათ ენდრუ ფერსერვისის კანონიერი

კუთვნილება გახლდათ! რობ როიმ საბოლოო დარიგებები მისცა თავის ქვეშევრდომს: ხალხმრავალ ადგილებს მოერიდე, გზაში ცნობები შეკრიბე და რომ დაბრუნდები, მომახსენე. ბოლოხის ბორანთან შენ უფრო ადრე მიხვალ, მაგრამ ფეხი არ მოიცვალო იქიდან, ამათ დაელოდეო.

შემდეგ მაკგრეგორმა გვითხრა, ცოტა გავისეირნოთ, საუზმის წინ რამდენიმე მილის გავლა ძალიან გვარგებს, ოღონდ მანამდე ცოტა გადაკვრაც არ გვანწყენდაო. ოლდერმენმა მხარი დაუჭირა მასპინძელს.

- უზმოზე არყის სმა უგვანო და მავნე ჩვეულებაა, მაგრამ ხანდახან ნისლიან ამინდში პირდაპირ მისწრებაა - კუჭი აღარ ატკივდება, კუჭი ხომ აზიზი რამ არის და ხელის შეწყობა უნდა. ნისლი რომ ჩამონვებოდა, მამაჩემი, განსვენებული უსტაბაში ცოტა არაყს გადაჰკრავდა და სხვასაც დააძალებდა ხოლმე.

- ნამდვილია, სახლიკაცო, - გაუხარდა რობს, - ნალდი სიტყვაა და ამიტომაც არის, რომ ჩვენ, ნისლისა და ბურუსის შვილები, დიდიდან საღამომდე გეახლებით არაყს.

ოლდერმენმა მამამისის, განსვენებული უსტაბაშის, საყვარელი წამალი მიირთვა და ხვნეშით და ქომინით ამხედრდა მთიულურ პონიზე. მეც შემომთავაზეს ცხენი, მაგრამ უარი განვაცხადე, ფეხით მირჩევნია-მეთქი და მალე ყველანი იმ გზას დავადექით, გუშინ რომ მიგვიყვანა აბერფოილში, ოღონდ ახლა სხვა ხალხი გვაცილებდა და სხვა ხასიათზე ვიყავით: მომავალი უიმედო და ბნელით მოსილი აღარ გვეჩვენებოდა.

ჩვენი ამაღლა მაკგრეგორისა და ხუთი თუ ექვსი ტანადი, იარაღში ჩამჯდარი მთიელისაგან შედგებოდა - ალბათ ბელადის მუდმივი ქეშიკები იყვნენ. იმ ადგილს მივუახლოვდით, სადაც გუშინ სისხლისმღვრელი ბრძოლა გაიმართა მთიელებსა და ინგლისელებს შორის, თვალწინ ცხადად წარმომიდგა საშინელი

მკვლევლობის სურათი. მაკგრეგორი მიმიხვდა, რატომ მოვიღუშე და მითხრა:

- ალბათ მხეცებად გვთვლით, მისტერ ოსბალდისტონ, არა? არც არის გასაკვირი, მაგრამ ნუ დაგავიწყდებათ, რომ ჩვენ არ დაგვინცია ეს ომი - ჩვენ მხოლოდ თავს ვიცავთ. უხეში და უბირი ხალხი ვართ, სიფიცხეც მოგვდგამს, მაგრამ იმას კი ტყუილს ამბობენ, თითქოს გულის მაგივრად ქვა გვედოს მკერდში და ვაცის მოკვლა არაფრად მიგვაჩნდეს. არც გვაყენებენ, ყოველნაირად გვჩაგრავენ და გვაგინრობენ, თორე რა გვრჯიდა, რატომ დავინყებდით. თაობიდან თაობამდე სდეენიდნენ ჩვენს გვარს და იმიტომ გამოვიღეთ ხელი.

- თუ არ მოუსვენებ, ბრძენიც კი გაგიჟდება, - ჩაურთო ოლდერმენმა.

- ჰოდა, ჩვენისთანა ხალხს რაღა დაემართება? ახლაც ისეთ ბნელში ვცხოვრობთ, როგორც ათასი წლის წინათ ცხოვრობდნენ ჩვენი მამა-პაპანი - სწავლა-განათლების შუქს ჯერ არ შემოუღწევია ამ მთებში. აბა, შეიძლება გულმშვიდად უყუროს ვაცმა, როგორ გვდეენიან და გვანამებენ? ათასნაირი სისხლიანი ედიქტი გამოდის მთიელთა დასათრგუნავად, სახრჩობელასა და ემაფოტს არ გვაკლებენ, ძველი და პატიოსანი გვარის შვილებს დაუნდობლად სპობენ... გადამთიელი მტერი არ მოექცევა ასე მტერს, ჩვენ კი ერთი ქვეყნის შვილები ვართ! აი, მე, მაგალითად, ერთი ოცი ბრძოლა მაინც გადამიხდია, მაგრამ ტყუილუბრალოდ არასოდეს მომიკლავს ვაცი. რომ დამიჭირონ, ამას არ მიხედავენ და მანანწალა ძაღლივით ჩამომახრჩობენ ვინმე დიდვაცის კარზე!

- მე ინგლისელი ვარ, მაგრამ დიდ უკანონობად მიმაჩნია, რომ ასე გდეენიან თქვენა და თქვენი ოჯახის წევრებს, - ვუთხარი რომ როის და მერე ვკლავ შევთავაზე, თუ თავად გადანყვეტთ უცხოეთში წასვლას, შემატყობინეთ და დაგეხმარებით, თუ არა და,

შვილებს აუცილებლად მოგიწყობთ რომელიმე ქვეყანაში-მეთქი. მაკრეგორმა გულითადად ჩამომართვა ხელი, მისტერ ჯარვი წინ გაუშვა (გზის სივიწროვე მოიღო საბაბად) და მიჰასუხა:

- ვეთილშობილი და გულიანი ახალგაზრდა ყოფილხარ! სწორედ მიმიხვდით, რა მიკლავს გულს, მაგრამ მე სამშობლოს ვერ შეველევ: აქ დავიბადე, აქ ავიდგი ფეხი და აქაური მიწა უნდა დამეყაროს გულზე! ამ მთებსა და ვლდეებს სამოთხეზე არ გავცვლი. აქაურობას რომ მომაშორონ, ბაიასავით დავჭკნები და გადავყვითლდები! ეგეც არ იყოს, ჰელინს რა ეშველება უჩემოდ, ვის ხელში უნდა დავტოვო, ხომ ცოცხლად შეჭამეს უჩემოდ?! თან კი არ წამომყვება: შურისძიების იმედი აცოცხლებს ამდენ ხანს, უცხო ქვეყანაში კი გადატანილი დამცირებისა და შეურაცხყოფის გახსენება გაუხეთქავს გულს.. იყო დრო, როცა ჩემმა მძლეოთა მძლე მონინააღმდეგემ[235](იგი ჭეშმარიტად იმსახურებს ასეთ სახელს), ისე შემავიწროვა, რომ იძულებული გავხდი, ჩემი ხალხი და ოჯახი ამეყარა და მაკკოლუმ მორის ქვეყანაში გადავხვენილიყავი. ჰოდა, მაშინ ჰელინმა ისეთი დიდებული სიმღერა შეთხზა, რომ მაკრიმონის[236] სიმღერებს არ დაუდებდა ტოლს - ნამდვილი გოდება იყო! სამშობლოს დატოვებას გლოვობდა! კინალამ გულები დაგვისკდა დარდით, როცა ეს სიმღერა მოვისმინეთ! თითქოს შვილი მშობელ დედას დასტიროდა! ყველას, ქალსაც და ბავშვსაც, ვაჟვაცსაც და მოხუცსაც, ცრემლი ჩამოსდიოდა თვალებიდან! მეორედ აღარ ჩავაგდებ ასეთ დღეში ჩემს ჰელინს! არა, მაკრეგორთა მთელი სამკვიდრო მამული რომ დამიბრუნონ, მაინც არ მოვშორდები აქაურობას!

- შვილებს არ გამოუშვებთ? - ვკითხე მე. - ისინი ახლგაზრდები არიან, მაგ ასაკის შოტლანდიელები ხალისით მიდიან ხოლმე სხვა ქვეყანაში.

- მაგათ არ დავუშლი. მართლაც მრავალი შოტლანდიელი ახლგაზრდა მიდის სახელისა და დიდების მოსახვეჭად უცხოეთში

და არაფერი დაშავდებოდა, რომ ჩემებსაც ეცადათ ბედი, მაგრამ დილით, სანამ თქვენ გეძინათ, მის აღმატებულებას მოვეთათბირე ამ საქმეზე და...

- მისმა აღმატებულებამ ჩვენს მახლობლად გაათია ღამე? - ვკითხე და ვიგრძენი, რომ გული ამიჩქროლდა.

- დიახ, თითქმის ჩვენს გვერდით ეძინა, მაგრამ მისი აღმატებულება, ცოტა არ იყოს, ეჭვიანია და არ უნდოდა დიანას შეხვედროდით, ამიტომ...

- მე ეჭვიანობის საბაბი არ მიმიცია, - შევანწყვეტინე მაკგრეგორს ლაპარაკი, - არასოდეს მიცდია სხვისი კუთვნილების მოტაცება.

- ნუ ცხარობთ, ფოცხვერავით ნუ მიბრიალებთ თვალებს. ნუთუ ვერა ხვდებით, რომ კარგი უნდა თქვენთვის? განა საქმით არ დაგიმტკიცათ? ისე კი თქვენი ბრალიც არის, რომ ჯაგნარს ცეცხლი მოედო[237].

- ჯაგნარს ცეცხლი მოედო? ვერა ვხვდები, რისი თქმა გინდათ?

- განა არ იცით, რომ ამ ქვეყნად ქალია ყველა ბოროტების სათავე? მე, კარგა ხანია ვუთვალთვალე თქვენს ბიძაშვილს, რეშლი ოსბალდისტონს. დი ვერნონის ცოლად შერთვის იმედი რომ დაკარგა, იმ დროიდან ვიცოდი, რომ მისი აღმატებულების მტრობას ჩაიდებდა გულში. ამას კიდევ თქვენი ქალაქების ამბავიც დაემატა: დიდი ლაპარაკი მოუვიდათ ამ საქმეზე. თურმე მართალი ვყოფილვარ, რომ არ ვენდობოდი - როგორც კი ეს ქალაქლები დააბრუნებინეს, სტირლინგში გაიქცა და მთავრობასთან დაგვაბეზდა. მთელი ჩვენი საიდუმლოებანი გათქვა და ბევრი რამ თვითონაც მოჭორა. სწორედ ამიტომ დააგზავნეს ბრძანება, რომ მისი აღმატებულება და დიანა დაეპატიმრებინათ. მეც ამიტომ დამიგეს ხათვანგი - ალბათ, რეშლი ვინმე ქვემო შოტლანდიელს სკვაიერს შეეკრა, მერე ის უბედური მორისი მომიგზავნა,

და მიმიტყუა. მორისს ხომ ყოველთვის თავის ნებაზე ატრიალებდა! არა უშავს, ოსბალდისტონების გვარი რეშლიზზე რომ იყოს დამდგარი, მაინც არ დავინდობ! - მაკვრეგორი მოიქუფრა, ხანჯლის ვადა მაგრად ჩაბლუჭა ხელში და ავად დაიბუხუნა, - სადმე შევხვდები და ღორივით გამოვჭრი ყელს.

- ლამის გავიხარო, რომ ასე შეტრიალდა საქმე, - ვუთხარი მაკვრეგორს, - მე, დიდი ხანია ვეჭვობდი, რომ რეშლი ამ თავხედური შეთქმულების ერთ-ერთი მეთაური იყო და ახლა, რადგან განუდგა ამბოხების მოსურნეთ, იქნებ მთლიანად ჩაიფუშოს ავის-მზრახველთა გეგმები.

- მაგის იმედი ნუ გექნებათ! - მითხრა რობ როიმ. - ჩვენი საქმე სამართლიანია და ღალატი ვერას დაგვაკლებს! მართალია, რეშლიმ ჩვენი გეგმები იცის და რომ არ დავესმინეთ, ედინბურგისა და სტირლინგის ციხე-სიმაგრეები დღეს-ხვალ ხელთ გვექნებოდა, მაგრამ ამ შეთქმულებაში იმდენი ხალხია გარეული და, თანაც, ეს ისეთი ქველი და ღირსეული განზრახვაა, რომ ერთი დასმენით არ ჩაიფუშება. აი, მალე ნახავთ, თუ მართალი არა ვარ! რას მოვაცოლე ეს ამბავი? ჰო, ძალიან მადლობელი ვარ, რომ ჩემი ბიჭებისათვის კარგი გინდათ! ნუხელ ლამის გადავწყვიტე შვილების გაგზავნა უცხოეთში, მაგრამ მერე გადავიფიქრე. საქმე ისაა, რომ ახლა სწრაფად უნდა ვიმოქმედოთ. ტომების ბელადებმა მხარი მხარს უნდა მისცენ და მტერს მოულოდნელად შეუტიონ, თორემ სათითაოდ გამოიმწყვდევენ თავიანთ მთებში, დააპატიმრებენ და ნახირივით ჩარეკავენ ლონდონში. განა ასეთი დღე არ დაადგა პატიოსან ჯენტლმენებსა და მემამულეებს შვიდას შვიდში?[238] შინაური ომი და მძინარე გველეშაპი ერთია. სანამ თვალები დახუჭული ჰქონდა, ჩვენც წყნარად ვიყავით და კიდევ ერთ ათ წელიწადს არაფერს ვიფიქრებდით, მაგრამ, აი, მოვიდა რეშლი, გამოგვაფხიზლა და ჩვენც ხელი უნდა გამოვიღოთ, თორემ ცეცხლის ნიაღვარში ამოვიბუგებით. როცა ასე

წავა საქმე, ქუდზე ვაცი უნდა გამოვიდეს. თითოეული მებრძოლი თავისი წონა ოქრო ღირს და ესპანეთისა და საფრანგეთის მეფეებს ნუ ეწყინებათ, ღმერთმა კარგად ამყოფოს ორივე, მაგრამ მეფე ჯეიმში არაფრით არ არის იმათზე ნაკლები. ამიტომ ჰეიმში და რობი ჯერ თავიანთ მეფეს უნდა მოემსახურონ. ისინი ხომ ინგლისში არიან დაბადებულნი და ინგლისის მეფის ქვეშევრდომებად ითვლებიან!

ამ სიტყვებმა მიმახვედრა, რომ შოტლანდია სახალხო აჯანყების კარიბჭესთან იდგა. მაკგრეგორთან დავას და ვამათს აზრი არა ჰქონდა და საშიშიც იყო. ამიტომ მხოლოდ ის ვუთხარი, რომ საერთო აჯანყება ქვეყანას გააღატაკებს და ათასნაირ უბედურებას მოიტანს-მეთქი.

- დე, ეგრე იყოს! - მომიგო მან. - ვარდი უეკლოდ ვის მოუკრეფია? დე, აირიოს ქვეყანა! მაშინ პატიოსანი ვაცი უფრო ადვილად იშოვის ლუკმაპურს!

ხელმეორედ შევეცადე დიანაზე ჩამომეგდო სიტყვა, მაგრამ რობ როიმ მხარი არ ამიბა. იგი ყველაფერზე ხალისით მესაუბრებოდა, მაგრამ, როგორც კი ჩემთვის ყველაზე სანუკვარ საგანს შევეხებოდი, მაშინვე წყალს იგუბებდა პირში. ახლაც ძლივს ამოღერლა, ლედი სხვა ქვეყანაში აპირებს გამგზავრებას, სადაც, ალბათ, შოტლანდიაზე უფრო მშვიდი ცხოვრება ექნებაო. იძულებული გავხდი, ამ ცნობას დავჯერებოდი და იმითღა გამემხნევებინა თავი, რომ, შესაძლებელია, ბედს კიდევ ერთხელ მოელო მონყალეობა და ნაღველნარევი სიხარული მოენიჭებინა: სანამ საუკუნოდ დაგვაშორებდა ერთმანეთს, კიდევ ერთხელ გავებედნიერებინე მისი ხელით...

ჩვენ ტბის ნაპირს მივყვებოდით. ექვსიოდე მილი რომ გავიარეთ, ზემოშოტლანდიურ ფერმას ანუ რამდენიმე შორი-შორ დადგმულ ქოხს მივადექით. ფერმა კამკამა ყურეს გადასცქეროდა. ყურეს ლედიარტი თუ რაღაც ამის მსგავსი სახელი ერქვა. აქ

მაკრეგორის მრავალრიცხოვანი რაზმი გველოდებოდა. ველური, ან უფრო ზუსტად რომ ვთქვათ, გაუნათლებელი ხალხის გემოვნება და მჭერმეტყველება არავითარი წესებითა და პირობებით არ არის შებორკილი და ამიტომ ისინი იშვიათად ცდებიან. მთიელებმა ამჯერადაც დაამტკიცეს, რომ ბუნების მიერ მინიჭებული ალლო და მიხედრილობა ბევრად სჯობია სწავლა-განათლებით შეძენილ ცოდნას: მათ შესანიშნავად შეერჩიათ ადგილი სტუმრების მისაღებად. ვილაცხას უთქვამს, თუკი ინგლისის მეფეს სურს მონინააღმდეგეზე შთაბეჭდილება მოახდინოს, ელჩები სამხედრო ხომალდის კაიუტაში უნდა მიიღოსო. მთის კლანის ბელადიც სწორედ მოიქცა, როცა ამ ზვიადი და დიდებული ბუნების წიაღში მოგვიწყო შეხვედრა.

ჩვენ ტბის ნაპირიდან ფერდობს ავუყვით და ასე ორასიოდე ნაბიჯი ავიარეთ აქაფებული მდინარის გასწვრივ, მარტვნივ ხუთი-ექვსი ქოხი მოჩანდა. ყოველ ქოხს ხელისგულისოდენა მინის დამუშავებული ნაკვეთი ეკრა, ზედ შვრია ან ქერი ეთესა.. ამ ნაკვეთებს გუთანი ვერ მოუდგებოდა, ალბათ ბართა და თოხით ამუშავებდნენ. ვინ იცის, რა წვალეებით გამოგლიჯეს ისინი ჯაგებსა და ეკალ-ბარდებს, რომ ორიოდე თვის სარჩო მანც მოენიათ. დამუშავებული მინის ვიწრო ბოლს თავზე ყაფარი მთა წამოსდგომოდა. მთის თხემზე მაკრეგორის ორმოცდაათიოდე რაზმელი გამწვრივებულიყო. ყველას ლაბადა ჰქონდა წამოსხმული. იარაღი თვალისმომჭრელად ულაპლაპებდათ ამომავალი მზის სხივებზე. მართლა რა შესანიშნავი ადგილი ამოერჩიათ!

ახლაც, რომ ვიხსენებ, სიამოვნებით მევსება გული!.. მთიდან ერთი ზავითა და დგაფუნით მოექანებოდა მოზრდილი ნაკადული. მცირე მანძილის შემდეგ იგი თორმეტოდე ფუტის სიმაღლიდან ეშვებოდა აქაფებულ ჩანჩქერად. ჩანჩქერის ნახევარი მზის სხივებით იყო გაშუქებული, ნახევარს ვეება ბებერი მუხის ჩრდილი ფარავდა, ნაკადულის ნაპირას რომ აღმართულიყო. ჩანჩქე-

რი ქვის დაბალ აუზში ჩადიოდა, რომელიც ისე ლამაზად იყო მომრგვალებული, ხელთქმნილი გეგონებოდა. აუზის ფსკერზე დაცემული წყლის ჩქერი ჯერ შხეფებად ადიოდა ბევით, მერე დაბლა ეშვებოდა, ფართო მოელვარე ბოლად გადაივლიდა აუზის ნაპირს და ორმოცდაათი ფუტის სიმაღლიდან ვარდებოდა ვიწრო, ჩაბნელებულ ხევში. ხვიდან ნაკადული უკვე ისე ერთვოდა ტბას, რომ გზაზე დაბრკოლება აღარ ხვდებოდა.

მთიელთ, განსაკუთრებით, ზემოშოტლანდიელებს, პოეზიისა და სილამაზის თანდაყოლილი ნიჭი აქვთ და ეს იმ დღესაც გამოამჟღავნეს: რობ როის ცოლმა და ქვეშევრდომებმა ზღაპრულად ტურფა ადგილზე გაგვიწყვეს საუზმე. შეუძლებელია, ამ მიდამოს ალტაცებაში არ მოეყვანა მნახველი. მთიელებს ტლანქებსა და გაუთლელებს ვუნოდებთ, მაგრამ სინამდვილეში სტუმართმოყვარე და ზრდილობიანი მასპინძლები არიან. სტუმრის პატივისცემა სისხლში აქვთ გამჭდარი და სტუმარ-მასპინძლობის წესებს მეტისმეტად მკაცრად იცავენ. სხვა მხარეში ეს წესები სასაცილოდ მოგეჩვენებოდათ, მაგრამ ამ თავით ფეხებამდე იარაღში ჩამჯდარ, შუბლგაუხსნელ ხალხს კარგად ეკილოკავება.

მაშინაც, დაგვინახეს თუ არა, ზუსტად შეასრულეს სავალდებულო ცერემონიალი - მთელი რაზმი ერთად შეგროვდა და სამი ადამიანის უკან გამწვრივდა. ცოტა ახლოს რომ მივედით, სამივე ვიცანი: ჰელინ მაკვრეგორი და მისი შვილები იყვნენ. თვითონ მაკვრეგორმა თავისი ამაღლა უკან მოიტოვა, მისტერ ჯარვის ურჩია, ჩამოქვეითდი, თორემ ცხენით ამ აღმართზე ვერ ახვალო, და ნელი ნაბიჯით გაგვიძღვა წინ. გაისმა გუდასტვირების ჭყვიტინი, მაგამ ეს ხმები ჩანჩქერის დგაფუნს შეერწყა და ისე უსიამოვნოდ აღარ ხვდებოდა ყურს. მთებზე რომ ავედით, მაკვრეგორის მეუღლე შემოგვეგება. ტანთ მოხდენილი სამოსი ეცვა - საგანგებოდ მორთულ-მოკაზმულიყო, მაგრამ გუშინდელივით მოქუფრული გახლდათ და გუშინდელივით აბრიალებდა თვალებს. ჰელი-

ნი ჩემს მეგობარს, ოლდერმენს მიუახლოვდა და, სრულიად მოულოდნელად, მხრებზე მოხვია ხელი მისალმების ნიშნად. ოლდერმენი ისე აცახცახდა, თითქოს ძუ დათვი გადაეხვიაო.

- სალამი, ნათესავო! თქვენც მოგესალმებით უცხოელო! - მომმართა ჰელინმა და დამფრთხალ ოლდერმენს ხელები შეუშვა. იგი მაშინვე გადახტა უკან და გვერდზე მოქცეული პარიკი გაიხწორა, - თქვენ მაშინ ინებეთ მობრძანება ამ უბედურ ქვეყანაში, როცა გული ყელში გვქონდა მომდგარი, ხელებზე კი მტრის სისხლი გვეცხო, - განაგრძო ჰელინმა, - გთხოვთ გვაპატიოთ, ჩვენ, უბირ მთიელებს, რომ ასე ცუდად შეგხვდით, ამაში ჩვენ კი არა, ამ არეულ დროებას მიუძღვის ბრალი!

ჰელინ მაკგრეგორმა ისეთი ზვიადი გამომეტყველებით წართქვა ეს სიტყვები, თითქოს დედოფალი ყოფილიყო. იტყოდი, ეს ქალი სასახლეშია დაბადებული და აღზრდილიო. ქვემო შოტლანდიელები სულ სხვანაირად ლაპარაკობენ. იმათი მდაბიური კილო ყოველთვის უსიამოვნოდ გვხვდება ხოლმე ყურში. მართალია, ჰელინიც შოტლანდიურად უქცევდა, ინგლისური ხომ მისი მშობლიური ენა არ იყო, მაგრამ გელურიდან, ამ პოეტური ენიდან, თარგმნიდა სათქმელს და ალბათ ამიტომ იყო, რომ მისი ნათქვამი სცენიდან წაკითხული ლექსივით ისმოდა. მის ქმარს თავის ფათერაკებით აღსავსე ცხოვრების მანძილზე უფრო უბრალო როლების შესრულება უხდებოდა და ამიტომ ასე ამადლებულად ვერ ლაპარაკობდა, მაგრამ, როცა რაიმე ამადელვებელ და მნიშვნელოვან საგანზე ჩამოვარდებოდა საუბარი, ყოველთვის ზუსტად და შთამაგონებლად გამოთქვამდა თავის თვალსაზრისს (ამას თავადაც შეამჩნევდი, უილ, თუ მე სწორად შევძელი მისი საუბრის სტილის გადმოცემა). ჩემი დაკვირვებით, მთიელები სასაუბროდ ქვემო შოტლანდიურ კილოკავს ხმარობენ და გელურად მხოლოდ მაშინ იწყებენ ფიქრს, როცა ადელვებულები არიან და განსასჯელი საკითხიც მნიშვნელოვანია. და თუ მაშინ ინ-

გლისურად მოუხდათ აზრის გამოთქმა, ნათქვამი ამაღლებულად და პოეტურად ჟღერს! მართლაც, ვნებათა ენა ყოველთვის დანმენდილი და ძლიერია! ამიტომ არის რომ, როცა შოტლანდიელს ვინმე მაღალფარდოვანი საყვედურებით მოაბეზრებს თავს, დაცინვით ეტყვის, ერთი, შენც, დამინყე ინგლისურიო.

ბოლოს, მაკგრეგორის მეუღლემ საუზმეზე მიგვიწვია. სუფრა ბალახზე გაეშალათ და ზედ უხვად დაელაგებინათ ნუგბარი შოტლანდიური საჭმელები, მაგრამ დიდად ვერ ვისიამოვნეთ, რადგან დიასახლისმა შუბლი არ გახსნა და ჩვენც თვალიდან არ მიგვდიოდა საშინელი ტრაგედია, რომელიც სწორედ ამ ადგილას დატრიალდა წინაღლით. ბელადი შეეცადა სიმხიარულე შემოეტანა სუფრაზე, მაგრამ ამაოდ დაშვრა: გულში ისეთი სიცივე ჩავვდგომოდა, თითქოს ქელეხზე ვისხედით და, როცა საუზმე დამთავრდა, ყველამ შვებით ამოვისუნთქეთ.

- მშვიდობით, ნათესავო, - დაემშვიდობა ჰელინი მისტერ ჯარვის, როცა სუფრიდან ავიშალეთ, - დე, მეორედ აღარ შევხვდეთ ერთმანეთს! ჰელინი მაკაგრეგორი ამაზე უკეთესს ვერაფერს უსურვებს მეგობარს! მისტერ ჯარვიმ უცებ ვერ მოიფიქრა პასუხი. ეტყობა, კვლავ ჭკუის დარიგებას უპირებდა, მაგრამ ჰელინის მკაცრ თვალებს რომ წაანყდა, ვეღარ გაბედა. მან უხერხულად ჩაახველა, შეიშმუშნა, უხმოდ დაუკრა თავი ქალს და გვერდზე გადგა.

- თქვენ კი, უცხოელო, ერთი რამ უნდა გადმოგცეთ სახსოვრად იმ ადამიანისაგან, რომელსაც ვერასოდეს ვეღარ...

- ეს რა ამბავია, ჰელინი?! - დაიქუხა მაკგრეგორმა. - ბრძანება აღარ გახსოვს?!

- მე ყველაფერი მახსოვს, მაკგრეგორ, - მიუგო ქალმა, - მე არაფერი მავინყდება. განა ამ ხელს შეუძლია, სიყვარულის საწინდარი გადასცეს ვინმეს? (მან მხრამდე შიშველი, გრძელი დაკუნთული ხელი გამოიშვირა წინ), არა ამ ხელით გადაცემული

სახსოვარი მხოლოდ სევდასა და კაეშანს მოუტანს ამ ყმანვილს. აი, ეს გამოგიგზავნეს, - მითხრა ჰელინმა და ბეჭედი გადმომცა. მე მაშინვე ვიცანი იგი. მის ვერნონის ნაქონი იყო. - ეს იმან გამოგიგზავნათ, ვისაც ველარასოდეს იხილავთ თვალით. ამ მწუხარების მომტან სახსოვარს სწორედ ჩემისთანა უბედური ქალის ხელში უნდა გაევილო. ამის პატრონმა შემოგითვალათ, საუკუნოდ დამივიწყეთო.

- ნუთუ ფიქრობს, რომ ძალმიძს მისი დავინყება?! - აღმოშხდა ჩემდა უნებლიედ.

- ყველაფრის დავინყება ძალუძს ადამიანს, ყველაფრის, მხოლოდ ნამუსის შელახვას ვერ დაივიწყებს ვერასოდეს და შურისძიების წყურვილს ვერ ამოიგდებს გულიდან!

-Seid suas![239]- შესძახა მაკგრეგორმა და ფეხი მოუთმენლად დაჰკრა მიწას.

მუსიკოსებმა სტვირებს ჩაჰბერეს და ჭყვიტინა, უსიამოვნო ხმებმა საუბარი შეგვანყვეტინა. უხმოდ დავემშვიდობეთ დიასახლისს და გზას დავადექით. სახსოვარი ხელში მეჭირა, სახსოვარი, რომელმაც მამცნო, რომ დიანასაც ვუყვარდი, სახსოვარი, რომელმაც სამუდამოდ გადამიწურა მიჭნურის ხელმეორედ ხილვის იმედი.

თავი XXXVI

მშვიდობით გნახე, ქვეყანაო, ღრუბელნი სადაც
სუდარასავით განფენია მწვერვალებს ცადა,
სადაც არწივთა ხმა მქუხარე ჩანჩქერებს ერთვის,
სადაც ტბას ცისთვის მიუყრდნია ეული მკერდი...

ზვიადსა და რომანტიკულ ქვეყანაში ვმოგზაურობდით, სანახავი ბევრი რამ იყო, მაგრამ მე საკუთარ დარდსა და ვაეშანში ვიყავი ჩაფლული და მიდამოს თვალიერების გული არა მქონდა. ამიტომაც არის, რომ აქ აკლია მოგზაურობის დასაწყისის აღწერილობა. მარჯვნივ ბენ-ლომონდის მწვერვალი აზიდულიყო ცაში. იგი ამაყად დასცქეროდა თავზე სხვა მთებს და ერთგულად იცავდა ზემო შოტლანდიის კარიბჭეს. ხასიათი მხოლოდ მაშინ გადამენმინდა, როცა ხანგრძლივი და ძნელი მოგზაურობის შემდეგ გავლიეთ მთებით შემოსაზღვრული ხეობა და ლოხ-ლომონდის ტბა დავინახეთ. თავს არ შეგანყენ იქაურობის აღწერით, რადგან მაინც არაფერი გამომივა - ვაცმა თავისი თვალით უნდა ნახოს ეს სილამაზე! თვითონ ლოხ-ლომონდის ტბაზე კი უნდა ვთქვა, რომ გასაოცარი თავლწარმტაცი და დიდებული რამ არის! შიგ უამრავი ლამაზი კუნძულია, თანაც არც ერთი არა ჰგავს მეორეს. ტბა ჩრდილოეთით ვიწროვდება და სადღაც ნისლიან მთებში უჩინარდება, სამხრეთით კი ფართოვდება და ნოჭებად ეკვრის ნაყოფიერ, უცხო სიტურფის სალევებს. ლოხ-ლომონდის აღმოსავლეთი სანაპირო კი ერთობ ხრიოკი და კლდოვანია. აქ აფარებდა თავს მაკვრეგორი თავისი კლანით და მათ ასალაგმავად მცი-

რერიცხოვანი გარნიზონი ჩაეყენებინა მთავრობას ლოხ-ლომონ-დსა და მეორე ტბას შორის, მაგრამ იმ ადგილებში უამრავი ხევი, ჭაობი და გამოქვაბული გახლდათ, სადაც ყაჩაღებს ადვილად შეეძლოთ მომხვედურის მოგერიება. ამიტომ ამ გარნიზონის ჩაყენება მხოლოდ იმის დამამტკიცებელი იყო, რომ მთავრობას შეგნებული ჰქონდა, თუ რა საფრთხე ემუქრებოდა აქაურობას მაკგრეგორისაგან. ამ საფრთხის თავიდან აცილება ასეთი ჰატარა რაზმით შეუძლებელი გახლდათ. ყაჩაღები მოუხელთებელნი და ჯარისკაცებზე უფრო საზრიანები იყვნენ და ხშირად თვითონ გარნიზონი ვარდებოდა ხოლმე შავ დღეში (ამის მონმე ხომ თავად ვიყავი წინადლით). ერთი კი უნდა შევნიშნო, რომ თუ გამარჯვებულთ თვითონ მაკგრეგორი ედგა სათავეში, უაზრო სისხლის ღვრასა და გადამეტებულ სიმკაცრეს ვერავინ ბედავდა. კლანის ბელადი შორსმჭვრეტელი კაცი იყო და კარგად ესმოდა, რომ ამით ყველას გადაიშტერებდა. ძალიან გამიხარდა, როცა გავიგე, რომ წინადლით დატყვევებული მტრები უვნებლად გაეშვათ. ხალხში ახლაც ხშირად გაიგონებთ რობ როის დიდსულოვნებისა და გულმონყალების ქებას.

ყურეში, რომელსაც თავზე ვეება კლდე ჰქონდა გადმოხურებული, ნავი გველოდა. ნავში ოთხი ბრგე შოტლანდიელი მენიჩბე იჯდა. მასპინძელი გულთბილად გამოგვემშვიდობა. მისტერ ჯარვი და მაკგრეგორი სულ სხვადასხვა საქმიანობას ეწეოდნენ, მაგრამ მაინც დიდ ჰატივს სცემდნენ ერთმანეთს. როცა ერთმანეთი გადაკოცნეს, გულაჩუყებულმა ოლდერმენმა აკანკალებული ხმით უთხრა ნათესავს, თუ ოდესმე ფული გაგიჭირდეს, სიტყვა მომანვდინე და უყოყმანოდ გამოგიგზავნი ას, ან თუნდაც ორას გირვანქასო. პასუხად რობ როიმ ცალი ხელი მაგრად ჩამოართვა ოლდერმენს, მეორეთი ხმლის ვადა ჩაბლუჯა და მიუგო, თუ ვინმემ რამე განყენინოს, შემატყობინე და გლაზგოს ყველაზე საპატიო მოქალაქეც რომ იყოს, მაინც შიგ ძირში ნავაჭრი ორივე ყურ-

საო. კიდევ მრავალი რამ დავპირდით ერთმანეთს, მტკიცე და საუკუნო მეგობრობის ფიცი დავდეთ და ტბაში შევცურეთ. გეზი სამხრეთ-დასავლეთისაკენ გვეჭირა, ტბის ბოლოსაკენ, სადაც მდინარე ლევენი იღებს სათავეს. რობ როი ვლდის თავზე იდგა და თვალმოუშორებლად გვიმზერდა. დიდხანს, დიდხანს მოჩანდა მისი გრძელი თოფი, ნიაზე მოფრიალე პლედი და ქუდზე დამაგრებული ერთადერთი ფრთა. მაშინ შოტლანდიელი კეთილშობილები და მეომრები მხოლოდ ერთადერთ ფრთას იმაგრებდნენ ქუდზე, ახლა კი შავი ფრთების მთელი თაიგული ადგათ თავზე - სამგლოვიარო პროცესიის წინ რომ მარაო მიაქვთ, იმას უგავდა თავი. ბოლოს როცა კარგა მანძილით დავშორდით ნაპირს, ჩვენი მეგობარი შებრუნდა და ნელი ნაბიჯით აუყვა ფერდობს. უკან თავისი ამალა, ანუ მცველთა რაზმი გაჰყვა.

კარგა ხანს ხმა არ ამოგვიღია. სიჩუმეს მხოლოდ ერთი მენიჩბე არღვევდა დროდადრო - გელურ სიმღერას წამოიწყებდა ხმადაბლა, მერე სხვებიც აჰყვებოდნენ ხოლმე და მაშინ ტბას მჭექარე, ვაჟკაცური ხმები ეფინებოდა.

გულს მწუხარე ფიქრები მიდაგავდა, მაგრამ ამ დიად ბუნებას რომ მოვავლებდი თვალს, ვმშვიდდებოდი და ვამბობდი, კათოლიკე რომ ვიყო, სიამოვნებით ვიცხოვრებდი განდეგილად ერთ-ერთ ასეთ კუნძულზე-მეთქი. ოლდერმენიც ხმას არ იღებდა, მაგრამ შემდეგ გამოირკვა, რომ სულ სხვაგვარ ფიქრებში ყოფილიყო გართული. ერთი საათის დუმილის შემდეგ ალაპარაკდა და მითხრა, აი, ყველაფერი ვიანგარიშე და დავრწმუნდი, რომ ტბა შეიძლება ამოაშრონ და მაშინ რამდენიმე ასეული... რომელი ასეული - რამდენიმე ათასი აკრი სახნაფ-სათესი მიწა გათავისუფლდება, ახლა კი, აბა ვის რაში არგია ეს ტბა, მარტო ქარიყლაპიასა და ქორჭილას იჭერენო.

ჩემი გონება სხვაგან ქროდა, მაგრამ მისტერ ჯარვი არ მეშვებოდა და ყურები გამომიჭვდა ლაპარაკით. ამ ვრცელი საუბრი-

დან მხოლოდ ის დამამახსოვრდა, რომ საჭირო იყო ტბის ნაწილი დაეტოვებინათ ნაოსნობისათვის, რათა დუმბარტონიდან გლენთალოხამდე ისევ თავისუფლად ევლოთ კარპაჭებსა და ორჩხომელებს, როგორც გლაზგოდან გრინოკში დადიოდნენ.

როგორც იქნა ტბა გავლიეთ და ნაპირს მივადექით. ამ ადგილას იწყება მდინარე ლევენი. იქვე მახლობლად ძველი ციხე-სიმაგრის ნანგრევები მოჩანდა აქ უკვე დუგალი გველოდებოდა ცხენებით. ოლდერმენმა კიდევ ერთი ბრწყინვალე გეგმა გამოაცხობ, „უქნარა“ დუგალის საკეთილდღეოდ. ეს გეგმაც ფრიად დიდ სარგებლობას მოუტანდა საზოგადოებას, მაგრამ ერთი ნაკლი ჰქონდა: ისევე ძნელი განსახორციელებელი იყო, როგორც იმ უზარმაზარი ტბის ამოშრობა.

- შენ კეთილი ყმანვილი ხარ, დუგალ, და უფროსების ყადრიც იცი, მაგრამ უქნარა ხარ. ძალიან მეცოდები, ძალიან! ვიცი, ადრე თუ გვიან ჯედარტის სასამართლო[240] გელის - ჯერ სახრჩობელაზე ჩამოგკიდებენ და მერე გარჩევენ შენს საქმეს. მე ქალაქის საბჭოს წევრი ვარ, მამაჩემს, უსტაბაშ ნიკოლ ჯარვის, ახლაც დიდი პატივისცემით იხსენებს ყველა და ვფიქრობ შევძლებ, რომ დაგეხმარო - ვილაც-ვილაცას გადავუკრავ სიტყვას, რომ ზოგიერთებისათვის უფრო დიდი ცოდვა უპატიებიათ. ასე რომ, უშიშრად შეგიძლია ჩვენთან ერთად წამოხვიდე გლაზგოში; კარგა ღონიერი მხარ-ბეჭი გაქვს და მტვირთავად გამუშავებ საწყობში. მერე რაიმე უკეთესი საქმეც გამოჩნდება და გადაგიყვან.

- დიდი მადლობელი ვარ, ბატონო, მაგრამ ეშმაკმა წაიღოს ჩემი თავი, თუ კიდევ დავადგა ფეხი ქალაქის ქუჩაზე. შეკოჭილს თუ შემათრევენ გელოუგეტში, როგორც მაშინ, სხვა ამბავია, ისე კი არ წამოვალ, - მიუგო დუგალმა.

შემდგომში გავიგე, რომ დუგალი პირველად დაპატიმრებული მიუყვანიათ გლაზგოში - ვილაც გაუძარცვავს, მაგრამ მერე როგორღაც დაუმსახურებია ციხის უფროსის ნდობა და კარის მცვე-

ლად დაუწყია მუშაობა. ამ მოვალეობას იგი პატიოსნად ასრულებდა, სანამ ბელადი არ მივიდა ციხეში. რა გასაკვირია, რომ იგი მაშინვე კლანის მხარეზე გადავიდა და სამსახური მიატოვა.

ოლდერმენს ძალზე გაუკვირდა, რომ ასე გადაჭრით უარყვეს მის მიერ შეთავაზებული ბრწყინვალე სამსახური, მომიბრუნდა და მითხრა, ეტყობა, დაბადებიდან სულელია, ეს საცოდავიო.

მე სულ სხვანაირად გადავუხადე დუგალს მადლობა: ხელში ორი თუ სამი გინეა ჩავუდე. მან ისე გაიხარა ოქროს დანახვამ, რომ ქურციკივით დაიწყო ხტუნვა და ფეხების ქნევა - ასეთ ანტრასებს ფრანგი ცეკვის მასწავლებელიც ვერ გააკეთებდა. ხტუნვით რომ გული იჭერა, ნავთან მიიჭრა, ოქრო ამხანაგებს უჩვენა და, მგონი, იმათაც უწილადა, რადგან ისინიც ატროკდნენ. შემდეგ ჯონ ბენიანის[241] საყვარელი გამოთქმა რომ ვიხმარო, თავისი გზით წავიდა და ამის მერე აღარც მინახავს.

მე და ოლდერმენი ცხენებზე შევსხედით და გლაზგოსაკენ გავემართეთ.

რა შესანიშნავი სანახაობა იყო-მეთქი, წამოვიძახე, როცა გვიადი მთებით შემოფარგლული ტბა მიეფარა თვალს. ვიცოდი, მისტერ ჯარვი არ გაიზიარებდა ჩემს აღტაცებას, მაგრამ თავი ვეღარ შევიკავე.. მართლაც, მაშინვე ჭკუის დარიგება დამიწყო:

- თქვენ ახლაგაზრდა კაცი ხართ, თანაც ინგლისელი და სულ არ მიკვირს, რომ აქაურობა მოგნონთ. მე კი... მე უბრალო კაცი ვარ და მიწის ყადრი ვიცი, ამიტომ აქაურ ყველაზე ლამაზ ადგილს ერთი სულ უბრალო ნაკვეთი მირჩევნია გორბლასში. გორბლასი ხომ იცი? გლაზგოსთან რომ არის. ერთი მივალწიო სახლამდე და მერე ვერც ერთი გადარეული... მაპატიეთ, მისტერ ფრენსის, რომ ეს სიტყვა წამომცდა, დიახ, მერე ვერავინ შემომიტყუებს ისეთ მხარეში, საიდანაც წმინდა მინგოს სამრეკლო არ მოჩანს!

პატივცემულ ოლდერმენს მალე შეუსრულდა ნატვრა: შეუჩერებლად ვიარეთ და იმავე ღამით, უფრო სწორად განთიადისას გლაზგოში ვიყავით. მე სახლის კარამდე მივაცილე ჩემი ღირსეული თანამგზავრი, საკუთარ ხელში ჩავაბარე მზრუნველსა და ყურადღებიან მატის და მისის ფლაიტერის სასტუმროსაკენ გავემართე. გათენებული არ იყო, მაგრამ სასტუმროს ფანჯრებიდან შუქი გამოდიოდა. კარი ენდრუ ფერსერვისმა გამიღო. ჩემი ხმის გაგონებისას სიხარულის ყიჟინა დასცა და მაშინვე მეორე სართულზე, იმ ოთახში ავარდა, საიდანაც შუქი გამოდიოდა. მივხვდი, რომ ენდრუ ოუმენტან მირბოდა მახარობლად, და ფეხდაფეხ მივყევი. ოუენი მართო არ იყო ოთახში: იცი, ვინ იჭდა მასთან? ვინა და - მამაჩემი! იგი შეეცადა, ჩვეული სიდარბაისლით შემხვედროდა, მოხარული ვარ, ფრენსის, რომ მშვიდობით დაბრუნდიო, დაინყო, მაგრამ მერე გადამეხვია და აღელვებულმა მითხრა: „შვილო, ჩემო ძირფასო შვილო, რა ბედნიერი ვარ, რომ ცოცხალსა გხედავ!“ ოუენი მდულარე ცრემლებს მაფრქვევდა ხელზე და მშვიდობით დაბრუნებას მილოცავდა, მაგრამ არც კი ვუსმენდი, რადგან გულით ვგრძნობდი და თვალით ვხედავდი, რომ უსაზღვროდ იყო გახარებული. ახლაც, იმ დილას რომ ვიხსენებ, დამჭკნარ ღანვებზე ცრემლი ჩამომდის. სიტყვები არ მყოფნის, რომ ეს შეხვედრა აღვწერო, მაგრამ შენი მოსიყვარულე გულის ამბავი ვიცი და იმედი მაქვს მიხვდები, თუ რა ბედნიერები ვიყავით მაშინ.

როცა გული ვიჭერეთ ერთმანეთის ალერსით, მაშინ თავისი თავგადასავალი მიაბო: ოუენი რომ შოტლანდიაში წამოსულა, მამაჩემი ჰოლანდიაში დაბრუნებულა და სასწრაფოდ უშოვია თანხა, რათა ფირმის მთავარი ვალები გადაეხადა. დარწმუნებული ვარ, ჰოლანდიაში რომ არ წასულიყო, ფირმის საქმეები ასე არ აირეოდა. ამის საბუთად ისიც საკმარისია, რომ ჩამოვიდა თუ არა, თავისებურად დატრიალდა და ყველაფერი

დამში მოიყვანა. კონტინენტზე ყოფნისას რამდენიმე მსხვილი ოპერაცია ჩაეტარებინა, რამაც საკმაო მოგებაც დაუტოვა და კრედიტიც აღუდგინა. ასე რომ, ჯერ ლონდონელ მოვალეებს გაუსწორა ანგარიში და მერე შოტლანდიისაკენ გამოემშურა, რათა სასამართლოში აღედრა საქმე რეზლი ოსბალდისტონის წინააღმდეგ და აქაურ აგენტებთანაც მოენესრიგებინა ურთიერთობა.. მაკვიტისა და მის დამქაშებს თავზარი დაეცათ: ისინი დარწმუნებულნი იყვნენ, რომ ფირმის მზე სამუდამოდ ჩაესვენა, მამაჩემმა კი ჩამოსვლისთანავე გაანადღა ყველა თამასუქი და რამდენიმე ახალი შეკვეთაც მისცა შოტლანდიელ ვაჭრებს. მაკვიტიც და სხვა გაიძვერებიც შეეცადნენ თავი ემართლებინათ და კვლავ მოეპოვებინათ ფირმის უფროსის კეთილგანწყობილება, მაგრამ მისტერ ოსბალდისტონი საშინლად აღაშფოთა უერთგულესი კლერკის, ოუენის დაპატიმრებამ და ახლოს არ გაიკარა არც ერთი - ანგარიში გაუსწორა და მტკიცედ განუცხადა, თქვენი გროსბუხებიდან ამომშალეთო. ყალბი მეგობრები კი მოიშორა თავიდან, მაგრამ ჩემი ამბავი არ იცოდა და დარდით აღარ იყო. ოუენი გულუბრყვილო კაცი გახლდათ და თავიდან არ უფიქრია, თუ ქალაქიდან ორმოცდაათ-სამოც მილზე გასვლა ასე სახიფათო იყო. ლონდონიდან მართლა უშიშრად შეიძლებოდა გასეირნება და ფიქრობდა, გლაზგო რალა ბედენააო. მამაჩემი კი უკეთ იცნობდა ამ მთიან მხარესა და იქაურ ხალხს, ამიტომ ჩემი გამგზავრების ამბავი რომ უთხრეს, ძალიან შეშინდა. ოუენმაც გაიგო, რომ მთაში ჩვენი კანონები არ გადიოდა, და ისიც აფორიაქდა.

იმ საღამოს ენდრუ ფერსერვისი ჩასულა გლაზგოში და მთლად გადაურევია ორივე: ჩემი თავგადასავალი უამბია, ბევრი რამ გაუზვიადებია და ბოლოს უთქვამს, ძალიან ცუდ დღეში დავტოვე, არ ვიცი, როგორ დაიხსნის თავსო. ჯარის უფროსს, აი, იმ ჰერცოგს, ენდრუ დაუკითხავს, გაუთავისუფლებია, ცხენი მიუცია

და უბრძანებია, სასწრაფოდ დაბრუნდი გლაზგოში და შენი ბატონის ამბავი შეატყობინე მის მეგობრებსო.

ამბის მომტანს სიამოვნებს, როცა ყურადღებით უსმენენ და ყველაფერს უჯერებენ. ენდრუმ, მსმენელთა შორის მდიდარი ლონდონელი ვაჭარი რომ დაიგულა, ენა გააბრტყელა და ტყუილად მართალი ერთად დაახვია. თურმე ჩემი სიცოცხლე რამდენჯერმე ბენვზე ეკიდა და მხოლოდ ენდრუს გამოცდილებისა და შორსმჭვრეტელობის წყალობით გადავურჩი ამდენ განსაცდელს!

- გული მეკუმშება, როცა ვიხსენებ, რომ ყმანვილს თავისი მფარველი ანგელოზი (ესე იგი, ენდრუ ფერსერვისი) აღარ უდგას მხარში! - უთქვამს ენდრუს, - მისტერ ჯარვის იმედი არ უნდა ჰქონდეს ვაცს - გაჭირვებაში არავის დაეხმარება, რადგან თავისი თავის ვაცია (ენდრუს ასეთი ხალხი თვალით დასანახავად ეჭავრებოდა). არ ვიცი, რა დაემართებოდა? ირგვლივ ხომ მოლაშქრეთა დამბაჩებისა და კარაბინების ქუხილი იდგა, მთიელთა ხმლები შხუილით კვეთდნენ ჰაერს... ავონ-დუ ღრიალით მოაგორებდა ტალღებს... რა ვიცი, რა გადაარჩენდა იმ სანყალ ყმანვილს?!

კიდევ კარგი, რომ ოუენი მარტო არ იყო - ყველაფერს დაიჯერებდა და გულიც გაუსკდებოდა. მამაჩემი კი დაკვირვებული ვაცი გახლდა და მაშინვე მიხვდა, რა ფასი ჰქონდა ამ ვაცის მონაცოლს. მან, რალა თქმა უნდა, ყურადღება არ მიაქცია ენდრუს კვეხნასა და ბაქაბუქს, მაგრამ მაინც ძალიან შეშფოთდა და მაშინვე გადაწყვიტა, მთაში წასულიყო ჩემს საშველად - იმედი ჰქონდა, რომ ან მოლაპარაკებით ან გამოსასყიდით დამიხსნიდა ყაჩაღების ხელიდან. წამოსვლამდე უნდოდა სასწრაფო საქმეები მოენესრიგებინა და ისე დაეტოვებინა კლერკისათვის. ამიტომ იყო, რომ ისა და ოუენი გვიანობამდე შერჩნენ წერილებისა და საბუთების შედგენას. ჩვენ კიდევ დიდხანს ვისხედით ერთად. მე-

რე დავნეჭი, მაგრამ ისე ვიყავი აღგზნებული, რომ სულ ცოტა ხანს მეძინა. დილას ადრე გამომეღვიძა და ავდექი. ჩემი ერთგული მსახური მაშინვე მეახლა, რომ ჩაცმაში მომხმარებოდა. ახლა უკვე აღარ ჰგავდა ბალის საფრთხობელას - შავი, სამგლოვიარო კოსტუმი ეცვა და დამკრძალავი ბიუროს თანამშრომელს დამსგავსებოდა. რამდენჯერმე ვკითხე, სად იშოვე-მეთქი, მაგრამ სიტყვა ყოველთვის ბანზე ამიგდო. ბოლოს, როგორც იქნა, ამოღერდა, აუცილებლად მივიჩნიე სამგლოვიარო ტანსაცმელი შემეძინა, რადგან დარწმუნებული ვიყავი, რომ ჩემი ბატონის საგვარეულო აუნაზღაურებელ დანაკლისს ვერ გადაურჩებოდაო. ამ დილას უნდოდა დაებრუნებინა, მაგრამ ვაჭარს უკან აღარ მიუღია გაყიდული საქონელი და ახლა ჩემს იმედად დარჩენილიყო: ტანსაცმელი თქვენს სამსახურში შემომაცვდა, აბერთოილში ის გაცვეთილებიც წამართვეს და ეჭვი არ მეპარება, რომ თქვენა და მამათქვენი, რომელსაც განგებამ საკმაო სიმდიდრე უწყალობა, ბარალში არ ჩამაგდებთ. ერთი ხელი ტანსაცმელი მადლობა უფალს, სულ უბრალო რამ არის ოსბალდისტონებისათვის და ვიცი, უკან არ დაიხვეთ, მით უმეტეს, როცა ეს ტანსაცმელი ასე ძალიან სჭირდება თქვენი ოჯახის ძველსა და უერთგულეს მსახურსო.

ენდრუს ამ ხრიკმა გაუმართლა, რადგან საჩივრად მთლად უსაფუძვლო არ იყო - მართლაც ჩემს სამსახურში დაზარალდა; ვალი გავუსტუმრე და ენდრუმ შესანიშნავად შეიფერა შავი კოსტუმი და ვასტორის შლიაპა, თუმცა სამგლოვიარო არაფერი მჭირდა.

მამაჩემი იმ დილითვე ეახლა მისტერ ჯარვის და გულწრფელი მადლობა გადაუხადა დახმარებისათვის. შემდეგ ფირმის წარმატებები გააცნო და ფრიად ხელსაყრელი გარიგება შესთავაზა. მისტერ ჯარვის შეეძლო „მაკვიტისა და კომპანიის“ ნაცვლად ეთანამშრომლა ჩვენს სავაჭრო სახლთან. ოლდერმენმა გულით მი-

ულოცა მამაჩემს ფირმის გადარჩენა და არც თავისი დამსახურება უარყო - უთხრა, მე მართლაც, დიდი დახმარება გაგიწიეთ, თანაც იმ დროს, როცა ფირმის ბედი ბუნებზე ეკიდა, მაგრამ ამბზე სიტყვას ნულარ გავაგრძელებთ - თუ არავის დაეხმარები, როცა იქნება, გაგიჭირდება და და შენც არავინ მოგხედავსო. თანამშრომლობაზე სიხარულით დაეთანხმა და შენიშნა, მაკვიტი და კომპანია წესიერად რომ მოქცეულიყო, არაფრის გულისათვის არ გადავუხტებოდი წინ, მე პატიოსანი ვაცი ვარ და სინდისი დამქნჯნის, ვინმეს რომ ლუკმა გამოვაცალო პირიდან, მაგრამ საშინლად მოგეცნენ და ღირსნი არინა, რომ იზარალონო.

შემდეგ ოლდერმენმა გვერდზე გამიყვანა, კიდევე ერთხელ მისურვა წარმატება და ჩურჩულით დასძინა:

- მე გულით მინდა, მისტერ ფრენსის, აქ, რაც შეიძლება, ნაკლები ითქვას იმ უცნაურ ამბებზე, რომლებიც იქ, მთაში ვნახეთ. თუ სასამართლოს გამომძიებელი დაგკითხავთ, არ უნდა დამალოთ, ისე კი, მე მგონი, არა ღირს, რომ ვინმეს მორისის ამბავი მოუთხროთ. ქალაქის საბჭოს წევრებს არც ისე მოეწონებათ, რომ იმათმა ამხანაგმა ვიღაც საცოდავ მთიელებთან იკადრა ბრძოლა და ერთ მათგანს პლედი დაუნვა. და რაც ყველაზე მთავარია: თუმცა საკმაოდ დარბაისლურად გამოვიყურები, როცა წესიერად მაცვია და მახურავს, მაგრამ მაშინ, უქულოდ და უპარიკოდ რომ ჩამოვეკიდე ფაღდებით იმ ტოტზე, თითქოს დამხრჩვალ კატა ვყოფილიყავი, ან კაჩხაზე მიკიდული წამოსასხამი... ალბათ, მაშინ ძალიან საცოდავი შესახედავი ვიყავი! ჰოდა, ოლდერმენმა, რომ გაიგოს ამბები, აღარ გამახარებს.

გამახსენდა, რა სახე ჰქონდა მაშინ ამ ღირსეულსა და პატივცემულ ოლდერმენს და ღიმილი ვეღარ შევიკავე. მისტერ ჯარვი შეჩქვიფდა, მაგრამ მერე თვითონაც გაიღიმა და თავის ქნევით მითხრა:

- მესმის, რატომ გელიმებათ, მესმის, მაგრამ გამიჩინეთ მეგობრობა და ნურავის ეტყვიტ ამ ამბავს. იმ ბაქია, თავხედსა და ყბედ ჩერჩეტს, აი, იმ თქვენს მსახურსაც აუკრძალეთ ამბზე ლაპარაკი. ეს ამბავი არავინ არ უნდა იცოდეს, ჩემმა მოახლე გოგონამაც კი, თორემ ბოლო აღარ ექნება ჭორებსა და მითქმა-მოთქმას.

ოლდერმენი შიშით აღარ იყო, ვაითუ ხალხმა მასხარად ამიგდოსო, მაგრამ, როცა ვუთხარი, მამაჩემი მალე აპირებს აქედან გამგზავრებას-მეთქი, დამშვიდდა და კვლავ გამხიარულდა. მართლაც, გლაზგოში არაფერი გვესაქმებოდა, რადგან რეშლის მიერ მოტაცებული ქალაქდების უმეტესი ნაწილი ხელთ გვქონდა. რამდენიმე თამასუქი რეშლიმ ფულად აქცია და დახარჯა. ფული თვითონაც სჭირდებოდა და პოლიტიკური ინტრიგებიც საკმაო თანხას ითხოვდა, მაგრამ ამ ფულის დაბრუნება მხოლოდ სასამართლოს ძალით შეიძლებოდა. საქმე უკვე აღვძარიტ და ვეცილი გვარწმუნებდა, ყოველ ღონეს ვხმარობ, რომ, რაც შეიძლება, მალე დააკმაყოფილონ თქვენი სარჩელიო.

ის დღე სტუმართმოყვარე ოლდერმენთან გავატარეთ. ამის შემდეგ ერთმანეთს აღარ შევხვედრივართ, ამიტომ, აქ უნდა დავემშვიდობო ჩემს კეთილისმყოფელს და ორიოდე სიტყვით მოგიტხრო მისი შემდგომი თავგადასავალი.

მისტერ ნიკოლ ჯარვის კარგად მიუდიოდა საქმეები, თანდათან იხვეჭდა სიმდიდრესა და პატივისცემას და, ბოლოს, თავისი მშობლიური ქალაქის სამოქალაქო ხელისუფლების უმაღლეს საფეხურს მიაღწია. ჩემ მიერ აღწერილ ამბებიდან ორი წელი რომ გასულა, ოლდერმენი გაბეზრებულა მართო ცხოვრებით და მატისათვის, რომელიც მანამდე მისი სამზარეულოს გამგებელი იყო, მისის ჯარვის საპატიო ტიტული მიუნიჭებია. ოლდერმენ გრეჭემს, მაკვიტისა და კიდევ ვიღაც-ვიღაცებს (კაცს ყველგანა ჰყავს თითო-ოროლა მტერი, მით უმეტეს, თუ იგი სამეფო ქალაქის საბჭოს წევრია) სასაცილოდ არ ეყო მოახლის ასეთი აღზევება, მაგრამ

მისტერ ჯარვიმ ყურიც არ შეიფერთხა - ვინც რა უნდა თქვას, წიქვილმა კი ფქვასო, იმშიდებდა თავს: - მაგათ ჭკუაზე არ დავდივარ, მანამ იყბედონ, სანამ მოსწყინდებათ. მამაჩემი, პატივცემული უსტაბაში, ხშირად იტყოდა ხოლმე:

ბროლის ყელი და უღრუბლო შუბლი გამოგიჩენია!
ღმერთი-რჯული, ერთგული და სიყვარულით სავსე გული
ოქროსა და კეთილშობილ ნათესავებს მირჩევნია.

- ეგეც არ იყოს, - დასძენდა ხოლმე ოლდერმენი, - მათი უბრალო მოახლე არ გახლავთ - ლერდ ლიმერფილდის ნათესავია!

მისტერ ჯარვის ზოგიერთი მეგობარიც თვლიდა, რომ ასეთი ცდა ვარგს არაფერს მოსწევდა პატივცემულ ოლდერმენს, მაგრამ, არ ვიცი, გვარიშვილობის, არ ვიცი, საკუთარი ბინების წყალობით, მაგრამ მშვენივრად შეიფერა ახალი როლი და მთლიანად გააცუდა იმათი წინასწარმეტყველება. ამის შემდეგ მისტერ ჯარვის წყნარსა და სასარგებლო ცხოვრებაში, რამდენადაც ვიცი, ისეთი არაფერი მომხდარა, რომ საგანგებო მოხსენიების ღირსი იყოს.

თავი XXXVII

ექვსივე შვილი მოიხმო,
ექვს ვაჟუკაცს ეტყვის ამასა:
„რამდენი ამოგვიდგებით
მხარში გრაფსა და მამასა?“
ხუთმა მათგანმა მაშინვე
მიუგო დაუფიქრებლივ;
„მამა, სამარის კარამდის
შენთან და გრაფთან ვიქნებით?!“

„აჯანყება ჩრდილოეთში“

იმ დილით, გლაზგოდან რომ უნდა გავმგზავრებულებიყავით, ენდრუ ფერსერვისი შლეგივით შემოვარდა ოთახში, ცეკვა დაინ-ყო და მერე ხმამაღალი სიმღერაც შემოსძახა:

ანთია ქურა, ანთია ქურა,
ანთია ქურა, ისვრის ნაპერწკლებს...

ძლივს შევანყვეტინე ყროყინი და ვკითხე, რა გიხარია-მეთქი. სახეგაბრწყინებულმა ენდრუმ დიდის ამბით მომახარა ახალი ამბავი: თურმე მთიელები აჯანყებულან - დიდ-პატარიანად აღმდგარან საბრძოლველად და დღეს თუ ხვალ რომ რომი დაესხმება თავს გლაზგოს თავისი მანანნალების რაზმით.

- ენა ჩაიგდე მუცელში! - დავუღრიალე ენდრუს. - შენ ან სად-
ღაც გამომსკდარხარ და არ იცი, რასა რომავ, ან გაგიჟებულხარ!
თუ გინდა სიმართლე ვერიოს მაგ შენს მონაჩმახში, გასახარელი
რა გაქვს, და რა გამღერებს, შე ძაღლო?

- ჰო, როგორ რა, - თავხედურად შემომიბრუნა სიტყვა ენ-
დრუმ, - როცა თქვენისთანა ბატონებს უსიამოვნო ამბავს ეტყვიან,
მთქმელი ან გამომსკდარია, ან გიჟი. რა მამღერებს? ახლა ჩქარა
მოვუსვათ აქედან, თორემ მთიელები მოვლენ და თქვენც აგამ-
ღერებენ, ოღონდ სულ სხვა კილოზე!

ფეხზე წამოვხტი და ოთახიდან გავედი. მამაჩემსა და ოუენს
უკვე ჩაეცვათ ტანთ. ორივე აფორიაქებული და შეშფოთებული
იყო. ენდრუ ფერსერვისის ამბავი მართალი გამოდგა. დაიწყო
შოტლანდიის უდიდესი აჯანყება, რომელმაც მთელი ბრიტანეთი
შეაზანზარა 1715 წელს. აჯანყების ცეცხლი სვეუბედურმა მარმა
ააგიზგიზა. გრაფმა მარტვე დრო ვერ შეარჩია სტიუარტების
დროშის ასაფრიალებლად და ამით შოტლანდიისა და ინგლისის
მრავალი დიდგვაროვანი ოჯახი დაღუპა. შეთქმულება გასცეს -
მეფე ჯეიმზის რამდენიმე აგენტმა, მათ შორის რეზლიმ, ჯორჯ I
მთავრობას შეატყობინეს შეთქმულთა გეგმები. მეფემ რამდენიმე
მოთავე დააპატიმრა და დანარჩენები იძულებული გახდნენ, ნა-
ადრევედ დაეწყოთ აჯანყება. თანაც, აჯანყებამ სამეფოს განაპი-
რა მხარეში იფეთქა და ქვეყანა კი შეაზანზარა, მაგრამ საბოლოო-
ოდ ვერ გაიმარჯვა. მე მხოლოდ ახლა მივხვდი, თუ რატომ გაბ-
რუნდნენ უკან მაკგრეგორის დასაჭერად წამოსული დასავლეთის
კლანები, რატომ დაივიწყეს ძველი დავა და შუღლი - წინ საერ-
თო საქმე ედოთ და ძველი ანგარიშების გასასწორებლად არ
ეცალათ. ამაზე მაკგრეგორმაც გადამიკრა სიტყვა, მაგრამ მაშინ
ვერ მივხვდი.

ყველაზე უფრო იმან დამამწუხრა, რომ დიანა ვერნონი აჯან-
ყების ერთ-ერთი ყველაზე თავგამოდებული მონაწილის ცოლი

გახდა და ამიერიდან ათასგვარ საფრთხესა და გაჭირვებას უნდა გამკლავებოდა.

იქვე მოვითათბირეთ, რა გზას დავდგომოდით. მამაჩემმა გვირჩია, სასწრაფოდ აგველო ქვეყნიდან გასვლის ნებართვა და ლონდონში წავსულიყავით. ეს რჩევა ყველმა მივიღეთ. შემდეგ მამას ჩემი გადაწყვეტილება ვამცნე: ამბობენ, მოხალისეთა რაზმები ყალიბდება და ლონდონში რომ ჩავალთ, ერთ-ერთ რაზმში უნდა ჩავენერო-მეთქი. მამაჩემმა დასტური მომცა, რომ მეთხოვა, სამუდამოდ მინდა ჯარში სამსახური-მეთქი, უარს მეტყოდა, მაგრამ სარწმუნოებისა და წესრიგის დასაცავად თვითონაც უყოყმანოდ გასწირავდა სიცოცხლეს და ამიტომ იყო, რომ არ დამიშალა მოხალისედ წასვლა.

წინ სახიფათო გზა გვედო, თანაც, უნდა გვეჩქარა, დამფრიზშირი და მისი მეზობელი საგრაფოები გავიარეთ. ტორების მომხრე სკვადრები უკვე აჯანყებულიყვნენ და რაზმები ჩამოეყალიბებინათ, ვიგებს კი დიდ ქალაქებში მოეყარათ თავი, მოსახლეობას აიარალებდნენ და სამოქალაქო ომისათვის ემზადებოდნენ. რამდენჯერმე ძლივს გადავურჩით დაპატიმრებას. ბოლოს ჭკუა ვისწავლეთ და შორს ვუვლიდით იმ ადგილებს, სადაც ჯარი იყო დაბანაკებული.

ლონდონში ჩასვლისთანავე ბანკირთა და დიდვაჭართა იმ ჭკუეს შევეურთდით, რომელიც მთავრობას უჭერდა მხარს. შეთქმულებს ფონდებზე მიეტანათ იერიში - იმედი ჰქონდათ, რომ ამით სახელმწიფოს გააღატაკებდნენ და გამარჯვებას გაინაღდებდნენ, მაგრამ ჩვენმა ჭკუფმა გეგმები ჩაუშალა. მამაჩემი ფინანსისტთა ამ მძლავრი გაერთიანების ხელმძღვანელთა რიგებში შეიყვანეს, რადგან ყველამ იცოდა მისი გამოცდილებისა და მუყაითობის ამბავი. მას მთავრობასთან ურთიერთობა დაავალეს და ვარგადაც გაართვა თავი ამ საქმეს: საკუთარი და მის განკარგულებაში გადაცემული საზოგადოებრივი სახსრები გამოიყენა

და სახელმწიფო ქალაქებს მუშტრები უშოვა. ეს ქალაქები უამრავი რაოდენობით გამოყარეს ბირჟაზე აჯანყების დაწყების-თანავე და, რასაკვირველია, ძალზე გაუფასურდა. მეც არ ვიჭექი უქმად: მოხალისედ შევედი, ორასი მოლაშქრე დავიქირავე მამა-ჩემის ხარჯით და გენერალ კარპენტერის არმიას შევეერთდი.

ამასობაში აჯანყება ინგლისსაც მოედო. გრაფი დერვენტუოტერი და გენერალი ფოსტერი აჯანყებულების მხარეზე გადავიდნენ. საწყალი ბიძაჩემიც სტიუარტების დროშის ქვეშ დადგა. მამული ხელიდან ეცლებოდა - ჯერ საკუთარმა უთაურობამ და მერე შვილების გაუთავებელმა ქეიფებმა და სანაძლეოებმა გალატაკების კარზე მიიყვანა საცოდავი მოხუცი და ბევრი აღარ უყოყმანია. ოღონდ, მანამ ამ ნაბიჯს გადადგამდა, უჩვეულო წინდახედულება გამოიჩინა - ანდერძი შეადგინა.

ამ საბუთით სერ ჰილდებრანდი მთელ თავის ქონებას - ოსბალდისტონჰოლს, მიწებს, საძოვრებსა და ტყეებს თავის უფროს შვილსა და იმის მემკვიდრეებს უტოვებდა.. თუ უფროსი უმემკვიდრეოდ გარდაიცვლებოდა, ქონება მომდევნო ძმის ხელში უნდა გადასულიყო, მერე იმის მომდევნოსი და ასე იყო ჩამოთვლილი ყველა ძმა უფროს უმცროსობის რიგზე, ოღონდ ყველაზე უმცროსი, რეშლი, სულ არ იყო ნახსენები ამ ანდერძში. სერ ჰილდებრანდმა საშინლად შეიძულა თავისი ნაბოლარა შვილი გამცემლობისათვის და მის მაგივრად მე დამნიშნა მემკვიდრედ. მოხუცს ყოველთვის ვუყვარდი, მაგრამ არა მგონია, ეს ყოფილიყო ჩემი მემკვიდრედ გამოცხადების მიზეზი. სერ ჰილდებრანდი, თავისი გოლიათი შვილების შემხედვარე, დარწმუნებული იყო, ჩემს ძმისწულს მემკვიდრეობის რიგი არ მოუწევსო და მხოლოდ იმიტომ შემიტანა ანდერძში, რომ უფრო ცხადად გამოეხატა თავისი სიძულვილი ქვეყნისა და ოჯახის მოღალატე შვილისადმი. ანდერძის ცალკე მუხლით სერ ჰილდებრანდი თავისი განსვენებული მეუღლის ძმისწულს, დიანა ვერნონს, ახლა უკვე ლედი დი-

ანა ვერნონ ბიუჩემპს, მამიდამისის ნაქონ ბრილიანტებსა და ვერცხლის ვეება თასს უტოვებდა. თასზე ვერნონებისა და ოსბალდისტონების ერთმანეთში გადახლართული გერბები იყო ამოტვიფრული.

კაცი ბჭობდა და ღმერთი იცინოდაო: აბა, რას წარმოიდგენდა უბედური მამა, რომ მისი მრავალრიცხოვანი, ჯან-ღონით სავსე შთამომავლობა ასე მალე გადაშენდებოდა!

გრინ-რიგში, სადაც აჯანყებულთა ჯარმა მოიყარა თავი, თორნკლიფ ობალდისტონი და ვილაც ნორთუმბერლენდელი სკვაირი შეკამათდნენ, არა მე უნდა ვიყო უფროსი, არა მეო. ეს სკვაირი ჩემი ბიძაშვილივით ფიცხი და თავისნათქვამა გამოდგა. ბევრი ურჩიეს, მაგრამ არც ერთმა დაიხია უკან, არც მეორემ და თვალნათლივ აჩვენეს თავიანთ მეთაურს, თუ რისი იმედი უნდა ჰქონოდა ასეთი ურჩი ჯარისკაცებისაგან. დავა იარაღით გადაწყვიტეს - რაპირებით შეებრძოლნენ ერთმანეთს და მოწინააღმდეგემ გული განუგმირა ჩემს ბიძაშვილს. მისი სიკვდილი აუნაზღაურებელი დანაკარგი იყო სერ ჰილდებრანდისათვის, რადგან თორნკლიფს ხასიათი არ უვარგოდა, თორემ სხვა ძმებზე გაცილებით ჭკვიანი იყო (რეშლის, რა თქმა უნდა, არ ვგულისხმობ ამ ძმებში).

ლოთი პერსივალიც ხელობას გადაჰყვა: ერთ ჯენტლმენს, მეტსახელად „უძირო ვასრს“ რომ ეძახდნენ, უთხრა, ჯეიმს სტიუარტს მეფედ რომ გამოვაცხადებთ მორპეტში, არყის სმაში გაჯობებო. ჯენტლმენმა შესთავაზა, მოდი, ახლავე შევეჭიბროთო და პერსიც დაეთანხმა. არ მახსოვს, რამდენ-რამდენი დალიეს, მაგრამ პერსის ცხელება დაემართა და მესამე დღეს სული მიაბარა უფალს. სიკვდილის წინ შეუჩერებლივ გაჰყვიროდა, წყალი, წყალიო.

დიკონმა უორინგტონის ხიდის მახლობლად მოიტეხა კისერი. კოჭლი ცხენის გასაღება მოინდომა და აჯანყებულთა რაზმში მყოფ ვილაც მანჩესტერელ ვაჭარს დაუწყო დარწმუნება, წმინდა

სისხლის ცხენებს კოჭლობა არაფერს უშლისო. თავისი სიტყვების დასასაბუთებლად ცხენი ხუთიარდიან ბარიერზე გადაახტუნა. გადახტომით კი გადახტა, მაგრამ მერე თავი ველარ შეიკავა, წაიქცა და მხედარი სასიკვდილოდ დაამტვრია.

სულელს ბედი სწყალობსო და უილფრედსაც ძმებზე უკეთესი სიკვდილი ერგო - იგი ბრძოლაში დაიღუპა, ლანკაშირის საგრაფოში, პრაუდ-პრესტონის მახლობლად, იმ დღეს, როცა გენერალმა კანპენტერმა იერიში მიიტანა აჯანყებულთა ციხე-სიმაგრეზე. უილფრედი თავგანწირულად იბრძოდა, თუმცა, როგორც ამბობენ, აჯანყების მიზეზი და მიზანი მთლად ვარგად არ იცოდა და ხანდახან ისიც კი ავინყდებოდა, თუ რომელი მეფის გულისათვის უნდა გაეწირა თავი. ჯონიც ამავე ბრძოლაში იღებდა მონაწილეობას. იგი რამდენიმე ადგილას დაიჭრა, მაგრამ მაშინვე არ მომკვდარა.

მეორე დღეს, როცა აჯანყებულებმა იარაღი დაყარეს, მოხუცი ჰილდებრანდი დაჭრილ შვილთან ერთად ნიუგეტში გადაიყვანეს. იმ დროს უკვე განთავისუფლებული ვიყავი სამხედრო სამსახურიდან და ყველანაირად შევეცადე, დავხმარებოდი ჩემს ნათესავებს. მამაჩემს ამდენი დამსახურებაც რომ არ ჰქონოდა მთავრობის წინაშე, სერ ჰოლდებრანდსა და მის შვილს მაინც არ დასჯიდნენ აჯანყებაში მონაწილეობის მიღებისათვის, რადგან ყველას ძალიან ეცოდებოდა ეს გაუბედურებული მოხუცი. ასე რომ, მიწიერი სასამართლოსი არ უნდა შინებოდათ, მაგრამ ბევრს თურმე უკვე გამოეტანა განაჩენი მამა-შვილისათვის: ჯონი ნიუგეტში გარდაიცვალა ბრძოლაში მიღებული ჭრილობებისაგან. მე თავზე ვადექი. უკანასკნელ ამოსუნთქვას ამოაყოლა, ჩემს შევარდნებსა და ლუსის შენ გაბარებო. ლუსი შავი სპანიელი იყო, ძუნა. ჯონს თავს ერჩია ეს ძაღლი.

საწყალი ბიძაჩემი მიწასთან გაასწორა შვილების დაღუპვამ. ლაპარაკი თითქმის აიკვეთა, თვალებით მიხდიდა მადლობას, როცა მოვახერხებდი და მცირეოდენ დახმარებას გაუწევდი.

მამაჩემმაც ინახულა. ძმები პირველად შეხვდნენ ერთმანეთს ამდენი წლის განშორების შემდეგ, თანაც ასე სამწუხარო ვითარებაში, ამიტომ მე აღარ დავესწარი მათ უკანასკნელ საუბარს. მამაჩემზეც საშინლად იმოქმედა მომაკვდავი ძმის ნახვამ - დაფიქრებული და დანალვლიანებული გამოვიდა ოთახიდან.

სერ ჰილდებრანდი სულ წყევლა-კრულვით იხსენიებდა თავის ერთადერთ შვილს - რეშლი რომ არა, შვილები ცოცხლები მეყოლებოდნენ, იმან ჩაგვითრია პოლიტიკაში და მერე თვითონ პირველი გადგა გვერდზე. ორ-სამჯერ დიანაც ახსენა სიყვარულით, ხოლო ერთხელ, საწოლთან რომ ვუჯექი, მითხრა, ახლა, თორმკლიფი და დანარჩენები აღარ არიან ამქვეყნად და ძალიან ვწუხვარ, რომ შენც არ შეგიძლია დიანას შერთვაო.

ამ სიტყვებმა გული ამიჩუყა. როცა მოხუცი ბარონეტი დილით სანადიროდ დააპირებდა წასვლას, პირველად თავის საყვარელ შვილს მოუხმობდა - ომახიანად დასჭექავდა: თორნის და დანარჩენებს დაუძახეთო. ახლაც, ეს მწარე ჭეშმარიტება რომ მითხრა, ასევე მოიხსენია შვილები, მაგრამ ხმა ისეთი მწუხარე და აკანკალებული ჰქონდა, ლამის ცრემლები გადმომცვივდა. შემდეგ ბიძაჩემმა ანდერძის შინაარსი გამაცნო და შემომწმებელი პირი გადმომცა. დედანი ჩემს ძველ ნაცნობთან, მოსამართლე ინგლვუდთან დაეტოვებინა. მისტერ ინგლვუდი ნეიტრალურ პიროვნებად ითვლებოდა და ტორებიც ენდობოდნენ და ვიგებიც. რამდენადაც ვიცი, იმ ანდერძთა უმეტესობა, ნორთუმბერლენდერმა სკვაირებმა რომ შეადგინეს ბრძოლაში წასვლის წინ, ამ პატიოსან მოსამართლესთან ინახებოდა. თავისი სიცოცხლის უკანასკნელი საათები ბიძაჩემმა კათოლიკური ეკლესიის მიერ დადგენილი წესების შესრულებას მოახმარა. კაპელანი სარდინიის საელჩოდან

მოუყვანეთ (საკმაო წვალეა გადაგვხვდა, ამის უფლება რომ მოეცათ). ჩემი დაკვირვებით სერ ჰილდებრანდ ოსბალდისტონის სიკვდილში მედიცინისათვის ცნობილ რომელიმე ავადმყოფობას არ უდევს ბრალი. მისი მკურნალი ექიმებიც ამავე ამრისა იყვნენ. ბიძაჩემი საშინლად დაიქანცა, ფიზიკურად და სულიერად გამოიფიტა, ცხოვრებაზე ხელი ჩაიქნია და სევდისა და ვაეშნის ზღვის ფსკერზე ჩაეშვა საბოლოო ნავსაყუდელის საძებნელად. სული მშვიდად და უდრტვინველად გაეყარა ხორცს. სერ ჰილდებრანდს არც ტანჯვა განუცდია და არც სინანული. ასე მოულოდნელად და თითქოსდა უმიზეზოდ იღუპება ხოლმე მრავალი ქარიშხალგამოვლილი ხომალდი - ჭანჭიკები მოუცვდება, ფერდები მოუსუსტდება, წყალი გზას იპოვის, ნელ-ნელა ამოუვსებს მუცელს და ზღვის ფსკერისაკენ გააქანებს.

გასაოცარია, მაგრამ ძმის დასაფლავების შემდეგ, მამაჩემმა გულით მოინდომა განსვენებულის უკანასკნელი სურვილი შემესრულებინა და ოსბალდისტონების გვარის მეთაურობა მეკისრა. აქამდე თითქოს არაფრად უღირდა ტიტულები და წოდებები, მაგრამ მაშინ, მე მგონი, იმ მელიის ამბავი ემართებოდა, ყურძენს რომ ვერ შესწვდა და გული დაიმშვიდა, მკვახეა და კბილებს მომჭრისო. რეშლის საქციელმაც დააჩქარებინა ამ გადანყვეტილების მიღება. რეშლი ოსბალდისტონი უკვე სერი გამხდარიყო და აშკარად იბრძოდა მამამისის, სერ ჰილდებრანდის, ანდერძის გასაუქმებლად. მე თვითონ უსამართლოდ წამართვეს მემკვიდრეობა, ძმამ მამული და ქონება დაანიავა, მაგრამ თავისი ანდერძით ნაწილობრივ მაინც გამოისყიდა მამის დანაშაული - ეს გაპარტახებული მამული ჩემს შვილს დაუტოვა და სწორედ ამიტომ გადაწყვიტე, განსვენებულის დანაბარებს არ გადავუხვიოო, - ამბობდა მამაჩემი.

რეშლი ძლიერი მოწინააღმდეგე გამოდგა. მან მარჯვე დრო შეარჩია ღალატისათვის - შეთქმულები აჯანყების დაწყებამდე

დააბეზლა! იგი განუწყვეტლივ გაჰკიოდა, ქვეყანა გადავარჩინეო, ყველას ავან-ჩავანი იცოდა და ყველას მოთაფვლას ახერხებდა. ამის წყალობით სულ მცირე ხანში მოახერხა გავლენიანი მფარველების შეძენა სამინისტროში, რაც იქიდანაც ჩანდა, რომ კარგა ხნის წინათ აღძრული პროცესი, „ოსბალდისტონ და ტრესამის“ სავაჭრო სახლის გაძარცვის თაობაზე კუს ნაბიჯით მიიწვედა წინ. რადგან ამ შედარებით მარტივი საქმის მოთავება ასე გაჭიანურდა, მეორე პროცესის დამთავრებას ალბათ, ვერც მოვესწრებოდით.

საქმე რომ ცოტათი მაინც დაეჩქარებინა, მამაჩემმა თავისი სწავლული იურისკონსულტის რჩევით ოსბალდისტონჰოლის გირავნობის საბუთების უმეტესობა შეისყიდა და ჩემს სახელზე გადააფორმა. ცოტა ხნის წინათ ხომ ვინაღამ დაეღუპა ხომალდი კომერციის მარჩობებში და ახლა, ალბათ, ამიტომ გადანწყობა, უძრავ ქონებაში დაეხანდებინა თვისი სახსრების მნიშვნელოვანი ნაწილი. სახსრები კი აურაცხელი ჰქონდა, რადგან აჯანყების ჩახშობის შემდეგ საფონდო ფასეულობათა ფასმა სწრაფად აიწია და მამაჩემმა დიდი სარფა ნახა ადრე იათად შესყიდულ ფასეულობათა გაყიდვით. ბევრი რომ არ გავაგრძელო, დავთრების ქექვა და საანგარიშოს ჩხაკუნი ამცდა, თუმცა ცოტა ხნის წინათ მამაჩემს განვუცხადე, რაც არ უნდა მიბრძანოთ, უსიტყვოდ შევასრულებ-მეთქი. ახლა მისი ბრძანების თანახმად ოსბალდისტონჰოლში უნდა ჩავსულიყავი, მემკვიდრეობა ჩამებარებინა და ოსბალდისტონთა გვარის წარმომადგენლობა მეკისრა. ბიძაჩემის ანდერძის დედანი სკვაირ ინგლვუდთან ინახებოდა და მეც პირველად მისთვის უნდა მიმეკითხა, რომ მამულის მფლობელად დავემტკიცებინე.

წინათ ძალიან გამახარებდა საქმის ასე შემოტრიალება, ახლა კი, პირიქით, გულდამძიმებული დავადექი გზას, რადგან ოსბალდისტონჰოლის გახსენება მხოლოდ სევდასა და კაემანს მიმრავ-

ლებდა. თავს მხოლოდ იმითლა ვინუგეშებდი, რომ ამ მხარეში უფრო ადვილად შეიძლებოდა დიანა ვერნონის ამბის გაგება. მე ყველა საფუძველი მეონდა მეფიქრა, რომ ცხოვრება კარგად არ წაუვიდა, მაგრამ ზუსტი ცნობების მიღება ვერ მოვახერხე.

ამაოდ ვცდილობდი ჩვენი შორეული ნათესავების გულის მონადირებას. ისინი ნიუგეტის ციხეში ისხდნენ და მე შეძლებისდაგვარად ვეხმარებოდი, მაგრამ პასუხად მხოლოდ ცივსა და ნაძალადევ მადლობას ვიღებდი. არც იყვნენ გასამტყუნარი - მე ხომ ვიგი და წყეული გამცემის, რეშლის, ბიძაშვილი ვიყავი და ყველა ეჭვით მიყურებდა. ამასთან მართლმსაჯულება ყოველდღე ამცირებდა იმ პირთა რიცხვს, რომელთაც შეეძლოთ დახმარება გაენიათ. ჩემთვის, ცოცხლად დარჩენილები კი სულ უფრო და უფრო ერიდებოდნენ მთავრობის მომხრეებს. სიკვდილმისტილები პატარ-პატარა ჯგუფებად გაჰყავდათ ციხიდან, ხოლო ამავე ბედის მომლოდინენი გადაჭრილ უარს ამბობდნენ შეთავაზებულ დახმარებაზე. არასოდეს დამავინყდება, როგორ მომიშორა თავიდან ერთ-ერთმა პატიმარმა ნედ შეფტონმა, როცა ვუთხარი, თუ ნებას დამრთავთ, შევეცდები, რაიმე დახმარება გაგინოთ-მეთქი.

- მისტერ ფრენკ ოსბალდისტონ, ვიცი, გულით გინდათ ტანჯვა შემიმსუბუქოთ და ამიტომ დიდ მადლობას მოგახსენებთ, მაგრამ როცა ხედავ, თუ როგორ სათითაოდ მიჰყავთ ჩემი ახლობლები სასიკვდილოდ და შენც ყოველდღე ელოდები ყულფში თავის გაყოფას, არც დახმარება გინდა და არც სანუგეშო სიტყვების მოსმენაო.

ამიტომ იყო, რომ, როდესაც ლონდონსა და ნიუგეტის ციხეს გავერიდე და ნორთუმბერლენდის მინდვრების სუფთა ჰაერი ჩავისუნთქე, ისე ვიგრძენი თავი, თითქოს გულიდან ლოდი მომშორდაო. ენდრუ ფერსერვისი კვლავ მე მემსახურებოდა. მინდოდა დამეთხოვა, მაგრამ მამაჩემი გაჭირვებულდა და მეც აღარ გავუძალიანდი - ვიფიქრე, ციხე-დარბაზსა და იქაურობას კარგად

იცნობს და გამომადგება, - იქ რომ ჩავალთ, მაშინ მოვიშორებ - ისევ მებაღედ დავნიშნავ-მეთქი. ვერ მივმხდარიყავი, ასე როგორ შეაყვარა მამაჩემს თავი. ალბათ ყოველნაირად შეეცადა დაერწმუნებინა თქვენი ოჯახის უერთგულესი მსახური ვარო (თავის მოკატუნება და ფიცვი-მტკიცვი კარგად ეხერხებოდა). მისი ერთგულება კი მხოლოდ იმაში გამოიხატებოდა, რომ ბატონი მხოლოდ თვითონ მოეტყუებინა.

გზაში ცუდს არაფერს გადავყრივარ. მხარე, სულ ცოტა ხნის წინ აჯანყების ალში რომ იყო გახვეული, დამშვიდებული და დაშოშმინებული დაგვხვდა. ყველგან სანიმუშო წესრიგი სუფევდა. ვუახლოვდებოდი ოსბალდისტონ-ჰოლს და იმის გაფიქრებაზე, რომ სულ მალე ამ უკატრონო ციხე-დარბაზში უნდა შემედგა ფეხი, დარდი და ნაღველი მეძალებოდა. ბოლოს, გადავწყვიტე, ცოტათი გადამეადგილებინა ეს მწარე წუთები და პირველად მისტერ ინგლვეუდი მომენახულებინა. პატივცემული ჯენტლმენი მოტეხილი მეჩვენა. ალბათ ძალიან დარდობდა, რომ მთავრობა ძველებურად აღარ ენდობოდა. წარსული უკან ეზიდებოდა და ისე მონდომებით ვეღარ ასრულებდა თავის მოვალეობას, როგორც შეცვლილი დროება მოითხოვდა. ერთში კი ბედმა გაუღიმა - ჯობსონი მოიშორა თავიდან. პატრონის სიზარმაცითა და უნდობლობით აღშფოთებული კანონის ერთგული მსახური ვინმე სტენდიშს დაუდგა მდივნად. ეს სკვაირი სულ ახლახან დაენიშნათ ნორთუმბერლენდის მომრიგებელ მოსამართლედ, მაგრამ დანიშვნისთანავე ისე მონდომებით მოჰკიდებოდა საქმეს, ისე თავგამოდებით დაენყო მეფე ჯორჯისა და პროტესტანტიზმის დაცვა, რომ ჯობსონი ხშირად იძულებული ხდებოდა, დაეცხრო ახალი მოსამართლის მგზნებარება და მისი მოქმედება კანონის ჩარჩოვებით შემოეზღუდა. მოხუცმა მოსამართლემ თავაზიანად მიმიღო და მაშინვე დამიდო წინ კანონის ყველა წესის დაცვით შედგენილი ანდერძი. მასპინძელი თავიდან აშკარად დაიბნა - არ იცოდა,

რა კილოზე დაეწყო საუბარი, მაგრამ მერე მიხვდა, რომ მთავრობის მომხრე კი ვიყავი, მაგრამ იმათზეც გული შემტკიოდა, ვინც ვერ გაიგო თავისი მოვალეობა და აჯანყების დროშა ააფრიალა. ეს რომ შემატყო, ენა ამოიდგა და მომიყვა, რა გააკეთა და რა არ გააკეთა იმ არეულობის დროს - რა გაჭირვება გადახდა, რომ ზოგი სკვადირი არ შეერთებოდა აჯანყებულებს და როგორ არ შეუშალა ხელი იმ უბედურთ, ვინც მისი აზრით, საჭირო იყო შეთქმულების წარმატებისათვის.

პირდაპირ ვსაუბრობდით და თან ღვინოს შევექცევოდით. მოსამართლე სასმელს მაძალეებდა და უკვე მრავალი თასი მქონდა გამოცლილი, რომ მოულოდნელად დი ვერნონის სადღეგრძელო შემომთავბა. თასი პირამდე ამივსო და თქვა, უდაბნოს ვარდს გაუმარჯოს, ჩივიოტის ნაზ ყვავილს, ახლა რომ მონასტრის ჯოჯოხეთურ წყვდიადში ჭკნებაო.

- ნუთუ მის ვერნონი არ გათხოვილა? - შევყვირე გაოცებულმა. - მე კი მეგონა, მისი აღმატებულება...

- ხო, ხო, ხო! მისი აღმატებულება, დიდებული ლორდი!.. იცით, რომ ორივე სენ-ჟერმენში მოპოვებული ტიტულია და ახლა არავითარი ფასი აღარა აქვს. გრაფ ბიუჩემპი საფრანგეთის სრულუფლებიანი დესპანია, მაგრამ რეგენტმა - ორლეონის ჰერცოგმა - არც კი იცის, რომ ასეთი ვაცი არსებობს ქვეყნად! თქვენ კი ალბათ ხშირად შეხვედრიხართ მოხუც სერს, ფრედერიკ ვერნონს ციხე-დარბაზში, როცა მამა ვოგანად ასაღებდა თავს.

- ღმერთო დიდებულო! მაშასადამე, ვოგანი მის ვერნონის მამა!

- რასაკვირველია, - მშვიდად დამიდასტურა მოსამართლემ, - ახლა ამის დამალვა აღარ არის საჭირო, რადგან მოხუცი უკვე სამშვიდობოს იქნება გასული. აქ რომ დარჩენილიყო, ვალდებული ვიქნებოდი, დამეპატიმრებინა. მაშ, დავლიოთ ჩემი ძვირფასი, დაკარგული დივერნონის სადღეგრძელო!

ყველამ შესვას ეს სასმისი, სადღეგრძელო იყოს მისი!
სადღეგრძელო იყოს მისი, ყველამ შესვას ეს სასმისი!
და ვერც აბრეშუმის წინდა, და ვერც აგრე ჩუმი ოხვრა,
სულ ერთია, ვერ აგაცდენს, ვერ აგაცდენს მუხლის მოყ-
რას...[242]

გასაგებია, რომ მოსამართლის მხიარულება ვერ გავიზიარე. ახალმა ამბავმა ერთიანად გამაბრუა. ცოტათი რომ გამოვფხიზ-
ლდი, ჩავილაპარაკე, არ ვიცოდი, რომ დიანას მამა ცოცხალი იყო-მეთქი.

- ეს სულ არ რის ჩვენი მთავრობის ბრალი, - შენიშნა მოსა-
მართლემ, - ღმერთმანი, ამ ქვეყნად სხვა კაცი არ მეგულება,
რომლის თავი ფრედერიკ ვერნონზე ძვირად შეფასებინოთ. ჯერ
კიდევ როდის, ფენვიკის შეთქმულებაში მონაწილეობისათვის მი-
უსაჯეს სიკვდილით დასჯა, მეფე უილიამის დროს ნაიტბრიჯის
საქმეში იყო გარეული. ჩრდილოეთ შოტლანდიაშიც დიდი გავ-
ლენა ჰქონდა, რადგან ცოლი ბრედლობები იყო გვარად. რისვი-
კის ზავი[243] რომ დაიდო, ხალხში ხმა დაირხა, მთავრობა საფ-
რანგეთს ფრედერიკის გადმოცემას მოსთხოვსო, მაგრამ მაშინ
თავი მოიავადმყოფა და მალე საფრანგეთის გაზეთებმა გამოაც-
ხადეს, გარდაიცვალაო. მერე აქ, თავის სამშობლოში რომ დაბ-
რუნდა, ჩვენ, ძველმა კავალერებმა[244], მაშინვე ვიცანით, უფრო
სწორად მაშინვე იცნეს. არა, მეც ვიცანი, თუმცა კავალერი არა-
სოდეს ვყოფილვარ. მაშინ არავინ დააბეზლა საწყალი ჯენტლმე-
ნი, მე კი ისე გამიფუჭდა მესხიერება ნიკრისის ქარებმა, რომ და-
ბეჭითებით ვერ ვიტყოდი, მართლა ის იყო თუ სხვა ვინმე.

- მაშასადამე, არც ოსბალდისტონ-ჰოლში იცოდნენ მისი ვინა-
ობა, არა?

- მხოლოდ მისმა ქალიშვილმა, მოხუცმა ბარონეტმა და რეშლიმ იცოდნენ ვინ იყო მამა ვოგანი. რეშლი თვითონ მიხვდა, მას ხომ არაფერი დაემალება, მიხვდა და ამის მერე იყო, რომ სანყალი დიანა უბატონოდ ხმას ვერ სცემდა. თავად ვიყავი რამდენჯერმე მონმე, სახეში უნდოდა შეეფურთხებინა, მაგრამ ვეღარ გაბედა, მამაჩემს დააბეზღებს მთავრობასთან და ჩამოახრჩობენო. ცუდად არ გამიგოთ, მისტერ ოსბალდისტონ: ჩვენ ძალიან კეთილი და სამართლიანი მთავრობა გვყავს. ოციოდე მემამბოხე კი ჩამოახრჩვეს, მაგრამ ყველა იტყვის, შინ რომ მჭდარიყვნენ და არაფერი დაეშავებინათ, ხელს არავინ ახლებდაო.

პოლიტიკური საკითხების განხილვას თავი ავარიდე, მისტერ ინგლვუდი ვაიძულე, კვლავ ძველ თემას დაბრუნებოდა და გავიგე, რომ დიანას თავის დროზე გადაჭრილი უარი განუცხადებია ოსბალდისტონთა ოჯახის რომელიმე წარმომადგენლის ცოლობაზე, ხოლო რეშლისთვის უბოდიშოდ მიუხლია პირში, მეზიზღებიო.. ამის მერე რეშლის გული აუყრია აჯანყების საქმეზე. რეშლი უმცროსი შვილი იყო და ვარიერაზე უნდა ებრუნა. ალბათ სწორედ იმიტომ მიემხრო აჯანყებულთ, რომ იმედი ჰქონდა ჩემი მოხერხებულობის, საზრიანობისა და სიმამაცის წყალობით მოკლე ხანში დავნინაურდები მეფე ჯეიმზის კარზეო.. შესაძლებელია, იმანაც უბიძგა ლალატისაკენ, რომ სერ ფრედერიკ ვერნონმა და შოტლანდიურმა კლანებმა აიძულეს, დაებრუნებინა მიტაცებული საბუთები. ალბათ, მაშინ გადაწყვიტა საბოლოოდ, ბურგი შეექცია თანამოაზრეთათვის და ახალ მფარველთა წყალობას დალოდებოდა.. ან იქნებ დაასკვნა, რომ მეფე ჯეიმზის მომხრეთ არც ძალები და არც ჭკუა არ ეყოფოდათ წარმატების მისაღწევად; რომ ისინი ვერ მოახერხებდნენ არსებული ხელისუფლების დამხობას. მომავალმა დაადასტურა, რომ რეშლი მართალი იყო. მე მგონი, ესეც იყო იმის მიზეზი, რომ აჯანყებას უღალატა - გამჭრიახი გონება ჰქონდა და, როცა საქმე საკუთარი ინტერესების დაცვაზე

მიდგებოდა, ყველაფერს კარგად აწონ-დანონიდა ხოლმე. რეშ-ლიმ არც სერ ფრედერიკ ვერნონი, ანუ როგორც მეფე ჯეიმზის მომხრეები უწოდებდნენ, მისი აღმატებულება ვიკონტი ბიუჩემპი და არც მისი ქალიშვილი დაინდო - ორივე გასცა, მაგრამ იმათ დიდი წვალეებით მოახერხეს გასხლტომოდნენ მღვერებს და სამ-შვიდობოს გასულიყვნენ.

მისტერ ინგლვუდმა მეტი არაფერი იცოდა მამა-შვილის შესა-ხებ, მაგრამ შენიშნა: რომ დაეჭირათ, ხმა გავარდებოდა და, რადგანაც არაფერი გვსმენია, ნამდვილად უცხოეთში მოახერხა გაქცევად. მოსამართლე დარწმუნებული იყო, რომ ვიკონტი არ დაარღვევდა სიძესთან დადებულ მკაცრ ხელშეკრულებას და რადგან დიანამ უარი თქვა ოსბალდისტონთა რძლობაზე, მონას-ტერში გამოკვეთავდა.

მოსამართლემ ზუსტად არ იცოდა, თუ რატომ დადეს ასეთი ხელშეკრულება სიძე-ცოლისძმამ. მისი ვარაუდით ეს საოჯახო შეთანხმება მიზნად ისახავდა, შეენარჩუნებინა სერ ფრედერიკი-სათვის მისი ვრცელი მამულების შემოსავალი. ჩამორთმეული მა-მულები რაღაც იურიდიული ხრიკების შემწეობით ოსბალდის-ტონთა მფლობელობაში გადასულა. ერთი სიტყვით, საოჯახო შე-თანხმებები იმ დროს ისე ათამაშებდა ადამინებს, თითქოს ისინი მიწაზე მიმაგრებული ინვენტარი ყოფილიყვნენ და არც სული ჰქონდათ და არც გრძნობა.

ადამიანის გული ჭირვეული და ახირებულია და არც კი შემოიძ-ლია ვთქვა, გამიხარდა თუ მენყინა დიანას ამბის გაგება. არ გათ-ხოვილა, მაგრამ მონასტერში გამოიკვეთა რაღაც სულელური ხელშეკრულება რომ შეესრულებინა! რატომ, რისი გულისათ-ვის?! გუნება მომეშხამა, მოვდუნდი, მასპინძლის ლაპარაკი არც კი მესმოდა. მოსამართლევც დაიღალა, მთქნარება აუტყდა და შე-მომთავაზა, თუ გნებავთ მოისვენეთო. ახალდაღამებული იყო, მაგრამ საძინებელ ოთახს მივაშურე. მისტერ ინგლვუდს იქვე და-

ვემზვიდობე, რადგან მეორე დღეს ალიონზე ვაპირებდი ოსბალ-დისტონ-ჰოლში გამგზავრებას.

მისტერ ინგლვუდმა განზრახვა მომიწონა. ძალიან კარგად მოგიფიქრებია, ჯობია, მანამდე მიხვიდე მამულში, სანამ იქაურები გაიგებენ თქვენი ჩამოსვლის ამბავს, მით უმეტეს, რომ რეშლი ოსბალდისტონიც აქ არის, ჯობსონის ბინაშია ჩამომხდარი და, ალბათ, ახალი ხრიკების დატრიალებას აპირებსო.

- ფერი, ფერსა, მადლი ღმერთსა, - დასძინა მოსამართლემ, - რეშლის თავი აღარ გამოეყოფა პატიოსან ხალხში, თავისნაირი გაიძვერა მონახა და რაიმე საზიზღრობას მოიფიქრებენ.

წამოსვლისას ერთი ჭიქა არაყი დამალევინა, გზას უნდა დაადგე და მოგიხდებო, ბოლოს კი ნანადირევის პაშტეტი დამაძალა. პაშტეტი, თურმე, ჭაობის ჟანტისაგან იცავდა ადამიანს.

თავი XXXVIII

მოკვდა პატრონი და სიცოცხლის დასალიერთან
სავსე რომ იყო, დარბაზები დაცარიელდა...
აღარც ძაღლია, აღარც ცხენი, განყდნენ... ვაი, რომ
სული სულდგმული, მხოლოდ იგი შერჩა აივორს...

უორდ სუორთი

იმ ადგილებს რომ მოვინახულებთ, სადაც ოდესღაც სიამე და ტკბობა განგვიცდია და იქაურობა გადასხვაფერებული და გაუბედურებული დაგვხვდება, გულზე საშინელი სევდა შემოგვანვება ხოლმე. იმ დღეს იმავე გზით ვბრუნდებოდი ინგლვუდ-ჰლეისიდან, რომელიც ამას წინათ ერთად გავიარეთ მე და დიანამ. თვალწინ იგივე ველ-მინდვრები და გორაკები მქონდა გადაშლილი და მეჩვენებოდა, რომ გვერდითაც კვლავ მშვენიერი თანამგზავრი მომყვებოდა. იმ ადგილს რომ მივუახლოვდი, სადაც პირველად ვიხილე ჩემი იმდღევანდელი ოცნების საგანი, უნებლიედ ყურთასმენა გავამახვილე და ჩაციებით მივაშტერდი შორიახლო აღმართულ გორაკს - მეგონა ძაღლების ყეფასა და მონადირეთა საყვირის ხმას გავიგონებდი, შემდეგ ვი მერანზე ამხედრებული თვალწარმტაცი მონადირე ქალი გამოჩნდებოდა გორაკის ფერდობზე. მაგრამ ვაი, რომ სიჩუმე და მყუდროება სუფევდა ირგვლივ, ვაი, რომ ძე ხორციელი არ ჭაჭანებდა ახლომახლო! მალე ოსბალდისტონ-ჰოლს მივადექი და ჩარაბული ალაყაფის კარები, დარაბებმიხურული ფანჯრები, ბალახმორეული ბილიკები

და უკაცრიელი, მიყრუებული ეზო რომ დავინახე, გამახსენდა, თუ რა ყიჟინითა და ჟივილ-ხივილით ემზადებოდნენ დილდილობით ჩემი ბიძაშვილები სანადიროდ წასასვლელად, ან რა მხიარულად ბრუნდებოდნენ მინდვრებიდან სალამოჟამს საქეიფოდ და კიდევ უფრო დავნადვლიანდი. აღარ ისმოდა ძაღლების გაბმული ყეფა-წკმუტუნი, ცხენების ფეხის ხმა და თავისი მრავალრიცხოვანი შთამომავლობით გალაღებული მოხუცი ბარონეტის ხმა-მალალი სიცილი. ახლა ჩქამი აღარ მოდიოდა არსაიდან, ყველაფერი საუკუნოდ დადუმებულიყო!

ვუმზერდი ამ გავვრანებულსა და დამუნჯებულ მიდამოს და საოცრად მეცოდებოდა ამ ეზო-ყურედან უდროოდ წასული ხალხი, თუმცა სიცოცხლეში დიდად არც ერთი არ მეჭიდებოდა გულზე. მაინც რამდენი სიცოცხლითა და ჯან-ღონით სავსე, მოხდენილი ჭაბუკი ჩაესვენა საფლავში ამ მოკლე ხანში! ყველა მოულოდნელად დაიღუპა, თავისი დღით არც ერთი არ მომკვდარა - ეჭვ, ჟამიერი და წარმავალია ეს წუთისოფელი, ამოვება ამოვებათა არის ყოველივე ამ ქვეყნად-მეთქი, ვფიქრობდი შეძრწუნებული და მხოლოდ ის მანუგეშებდა მცირედ, რომ ციხე-დარბაზს, საიდანაც მალულად გავიქეცი, სრულუფლებიან ბატონ-ჰატრონად ვუბრუნდებოდი. ვათვალიერებდი იქაურობას და არა მჯეროდა, რომ ეს ყოველივე ჩემი საკუთრება იყო. თავს დამპყრობლად თუ არა, დაუპატიჟებელ სტუმრად ვთვლიდი და მეგონა, ალაყაფის კარებში ჩემი რომელიმე გარდაცვლილი ბიძაშვილის გოლიათური ფიგურა ჩადგებოდა ფანტასტიკურ რომანებში აღწერილი მოჩვენებასავით და ციხე-დარბაზის ეზოში შესასვლელ გზას გადამიღობავდა. მე ამ ნაღვლიან ფიქრებში ვიყავი, ჩემი თანამგზავრი ენდრუ კი სულ სხვაგვარი აზრებითა და მისწრაფებებით იყო შეპყრობილი. იგი დაუღალავად უვლიდა ირგვლივ გალავანს, ყველა კარზე აბრახუნებდა და ისე ომახიანად გაიძახოდა, კარი გაგვიღეთ, შემოგვიშვითო, რომ ყველა მიხვდებოდა, ამ

ვაცმა იცის თავისი თავის ფასიო. მართლაც და, ხუმრობა ხომ არ იყო: ენდრუ ამოდენა მამულის ახალი მფლობელის პირადი მცველი და მეაბჯრე გახლდათ!

ბოლოს, ქვედა სართულის ერთ-ერთ რკინის ცხაურიან ფანჯარაში განსვენებული ბიძაჩემის მაჟორდომის, ანტონი სიდოლის, შეშინებული სახე გამოჩნდა. მოხუცმა ენის ბორძიკით იკითხა, რა გნებავთო.

- თანამდებობიდან უნდა გადაგაყენოთ, ჩემო ძველო მეგობარო, - მიახალა ენდრუ ფერსერვისმა, - შეგიძლია ახლავე ჩამბარო გასაღებები. ხომ გაგიგონია, ერთხელ კოჭლიც წინაო. სუფრები და ჭურჭლეულობაც უნდა გადმომცე. ვიცი, რომ თავის დროზე რაღაც-რაღაცეები მიითვისე, მისტერ სიდოლო, მაგრამ ერთი დრო არავის შერჩენია და არც შენ შეგრჩება! ახლა სუფრის ბოლოში მოგიწევს გადაბრძანება, ჩემს ადგილზე!

ძლივს გავაჩუმე აყბედებული მსახური და სიდოლს ვუთხარი, ამა და ამ კანონის საფუძველზე მამულისა და ციხე-დარბაზის მფლობელობა მომაკუთვნეს და ვალდებული ხართ, კარი გამიღოთ-მეთქი. მოხუცი საშინლად დაიბნა. მორჩილად და თავაზიანად მაძლევდა პასუხს, მაგრამ კარის გაღებას არ ჩქარობდა. ძველი და ერთგული მსახურია, ეს ამბავი მეხივით დაატყდა თავს და ამიტომ ითრევს ფეხს-მეთქი, გავამართლე სიდოლი გულში, მაგრამ, როცა ვერა და ვერ მოვტეხე, მკაცრად დავემუქრე, რომ მეორედ ინგლვუდის ორდერით მოვადგებოდი ალაყაფის კარს და კონსტებლსაც მოვიყოლიებდი.

- ამ დილით მოსამართლე ინგლვუდის სახლიდან გამოვედით და გზაზე კონსტებლს, არჩი რუტელეჭასაც მოვკარით თვალი, - შემანია სიტყვა ენდრუმ, - ის დრო გაფრინდა, მისტერ სიდოლო, როცა ქვეყნად კანონი და სამართალი არ იყო და აქაურობა მეამბოხეებისა და პაპის მომხრეთა სათარემოდ იყო დარჩენილი.

მუქარამ გაჭრა, ანტონი სიდოლიც პაპის მომხრე და სერ ჰილდებრანდის ძველი მსახური იყო და ალბათ ყოველდღე ელოდა დაპატიმრებას. შიშისაგან აცახცახებულმა სიდოლმა ძლივს მოახერხა მრავალი ურდულითა და საგდულით დაკვეტილი პატარა გვერდითი კარის გაღება და შემევედრა, პატრონის ერთგულებითათვის ნუ დამსჯითო. მოხუცს ვუთხარი, რომ არაფერს დავუშავებდი და შევაქე ვიდევ ასეთი სიფრთხილისა და წინდახედულებისათვის.

- მე კი სხვანაირად ვფიქრობ, - ჩამერია ლაპარაკში ენდრუ, - ანტონი ძველი თაღლითია. ტყუილად კი არ ადევს ზაფრანის ფერი. დახე, ფეხებიც როგორ უკანკალებს! იცის თავისი კაი კაცობის ამბავი და იმიტომ არის შეშინებული!

- უფალმა შეგინდოს, მისტერ ფერსევის, რომ ასე იმეტებთ მეგობარსა და ამქარს, - უთხრა მსახურმა, რომელიც თავდახრილი მოგვდევდა უკან, - სად მიბრძანებს პატივცემული ბატონი ცეცხლის დანთებას? ვიცი, რომ სახლი ძალიან გაუსაძლისი და მიუსაფარი მოგეჩვენებათ... სადილად ალბათ ინგლვუდ-პლეისში წაბრძანდებით, არა?

- ბიბლიოთეკაში დაანთეთ, - მივუგე მე.

- ბიბლიოთეკაში? - ჩამევითხა მოხუცი, - იქ კარგა ხანია არავის უცხოვრია და ბუხარი ბოლავს - გაზაფხულზე ჭკებმა დაიდეს ბუდე ბუხრის მილში, აქ კი ახალგაზრდა აღარავინ დარჩა, რომ მოემალა.

- ჩემი ჭაგლაგი სხვის ბედაურს მირჩევნია, - თქვა ენდრუმ, - ბოლავს თუ არ ბოლავს, იქ უნდა დაანთო. ჩემს ბატონს ბიბლიოთეკაში უყვარს ყოფნა, ვინმე უვიცი პაპისტი ხომ არ გგონია?!

მაჟორდომი უწადინოდ - ზლაზვნითა და ზოზონით გაგვიძვანინ. ბიბლიოთეკა წინანდებურზე მყუდრო მეჩვენა. ოთახი ახალდალაგებული ჩანდა, ბუხარში მხიარულად გუზგუზებდა ცეცხლი

და ბოლი თავისუფლად გადიოდა მილში. შეცბუნებულმა სიდოლმა საჩხრეკს წაატანა ხელი, მოჩვენებითი გულმოდგინებით დაუნყო შემებს სწორება და ხმადაბლა ჩაილაპარაკა, დილას საშინლად ბოლავდა, ახლა ვი კარგად ანთიანო.

იქაურობის დანახვაზე მტანჯველი ფიქრები მომეძალა და მარტოობა მომინდა. მოხუცს ვუბრძანე, მამულის გამგებელი მოეყვანა. იგი სულ მეოთხედი მილის დაშორებით ცხოვრობდა, მაგრამ შევატყვე, რომ სიდოლს ძალიან შეეზარა წასვლა, შემდეგ ენდრუ მოვიშორე თავიდან - დავავალე, ორი-სამი ყოჩალი ბიჭი ეშოვა მსახურად. ბიჭები სანდონი უნდა ყოფილიყვნენ, რადგან პაპის მომხრეთა ქვეყანაში ვიყავით, რეშლიც აქ ტრიალებდა და, თუ დასჭირდებოდა, უკან არაფერზე დაიხევდა, ენდრუ ფერსევისმა დიდი სიამოვნებით იკისრა დავალების შესრულება, დამპირდა, რომ ჩემსავით ჭეშმარიტსა და უსაზღვროდ ერთგულ პრესვიტერიანელს მოგიყვან თრინლეი-ნოუდან, არც პაპის შიში აქვთ, არც ეშმაკის და არც პრეტენდენტისა, მეც იმედიანდ ვიქნები, თორემ იმ ბოლო ღამით, აქედან რომ წავედი, ჩემი თვალით დავინახე მთვარის შუქზე, როგორ დასეირნობდა, აი, ეს კაცი ოსბალდისტონ-ჰოლის ბაღში (ენდრუმ ხელით მანიშნა ვანდეიკის ნახატზე). ეჭვი რომ არ შემპარვოდა მის ნათქვამში დაიფიცა, თუ ვიტყუებოდე, ჭიამ დამიხრას მთელი ყვავილებით და, როცა შემატყო, რომ მაინც არ ვიჭერებდი, დასძინა:

- მაშინაც გითხარით, ბატონო, მოჩვენება დავინახე-მეთქი, მაგრამ ყური არ მათხოვეთ. მეუბნებოდნენ, პაპისტები მოჩვენებებსა და ეშმაკებს გვისევენო, მაგრამ იმ საშინელ ღამემდე, სანამ ჩემი თვალით არა ვნახე, არა მჭეროდა.

- წაბრძანდით, სერ, და მოიყვანეთ ეგ ბიჭები, ოღონდ იცოდეთ, თქვენზე მეტი ჭკუა უნდა ჰქონდეთ და საკუთარ ჩრდილს არ უნდა უფრთხოდნენ, - შევანყვეტინე ლაყბობა ენდრუს.

- მე წესიერ კაცად ვითვლები ჩემს მხარეში, ყველა მათგანს და პატივს მცემს, მაგრამ რომ ვთქვა, ქაჯისა და ეშმაკის არ მეში-ანია-მეთქი, ტრაბახი გამომივა, - აბუზღუნდა ენდრუ და ოთახი-დან გავიდა. იმის გასვლა და უორდლოს, მამულის გამგებლის შემოსვლა ერთი იყო. უორდლო საზრიანი და პატიოსანი კაცი გახლდათ და მხოლოდ მისი ცდისა და რუდუნების შედეგი იყო, რომ ბიძჩემმა სიკვდილამდე შეინარჩუნა ოსბალდისტონ-ჰოლი. გამგებელი გულდასმით გაეცნო ჩემს საბუთებს და მხოლოდ შემ-დეგ მალიარა აქაურობის სრულუფლებიან მფლობელად. სხვის-თვის ეს მემკვიდრეობა სახარბიელო არ იქნებოდა, რადგან მამუ-ლის უმეტესი ნაწილი დაგირავებული იყო, მაგრამ მამაჩემმა თითქმის მთიანად გამოიხსნა დაგირავებული მიწები და დარჩე-ნილის გამოსყიდვასაც აპირებდა. ვალებში ჩათლული საგვარეუ-ლო მამულის გამოხსნა სულ არ გასჭირვებია, რადგან საფონდო ფასეულობათა გაძვირებამ დიდი სარფა მისცა.

მისტერ უორდლოს გადაუდებელ საქმეებზე მოვეთათბირე, შემდეგ კი სადილად მივიპატიჟე. სადილი ბიბლიოთეკაში მოვა-ტანიე, თუმცა სიღოლი დაბეჭითებით მირჩევდა, ქვის დარბაზში წამობრძანდით, საგანგებოდ დავალაგებინეო. ამასობაში ენ-დრუც მოვიდა თავისი ერთგული ბიჭებით და ენად გაიკრიტა: სასმელს პირზე არ იკარებენ, პატიოსნები და ღვთისმოშიშები არიან და, რაც მთავარია, ორივე ლომივით გულადიაო. ენდრუს ვუბრძანე, არყით გაუმასპინძლდი-მეთქი და ოთახიდან გავისტუმ-რე. როცა გავიდნენ, მოხუცმა სიღოლმა თავი გააქნია. ჩავაცვივ-დი, რა არის, რა არ მოგეწონა მაგათი-მეთქი და ვაიძულე, ეპასუ-ხა:

- არ ვიცი, ენდობით თუ არა ჩემს ნათქვამს, ბატონო, მაგრამ რასაც ვიტყვი, სრული ჭეშმარიტება იქნება: ამბროზ უინგფილდი, უპატიოსნესი კაცია, მაგრამ მისი ძმის, ლენსისნაირა ორპირი და გაიძვრა ადამიანი ჯერ არ დაბადებულა ამქვეყნად. მთელმა

მხარემ იცის, რომ ჯობსონის ჯაშუშია და ბევრი ჯენტლმენის ცოდვა აწევს კისერზე, მაგრამ დისიდენტია და ეს ჩვენს დროში საკმარისია, რომ ვაცს ყველაფერი ეპატიოს.

მსახურის სიტყვებს ყურადღება არ მივაქცევ. თვითონაც არ ჰქონდა ამის იმედი, ისე, გულის მოსაფხანად მითხრა ლენსის ძვირი. მან ღვინის ბოთლები დაალაგა მაგიდაზე და გავიდა. მისტერ უორდლო შებინდებამდე დარჩა ბიბლიოთეკაში, შემდეგ თავისი საბუთები წამოკრიფა და შინ წავიდა. მე მარტო დავრჩი. ისეთ გუნებაზე ვიყავ, რომ დარწმუნებით არც კი ვიცოდი, მართლობა მერჩივნა თუ ხალხში ყოფნა. თუმცა, არცა მქონდა არჩევანი - ჩემთან აღარავინ დარჩა. თანაც ისეთ ოთახში ვიყავი, რომ ძალაუნებურად სევდიანი ფიქრები ამეშალა. ღამე რომ წამოიწვა, კარებში ენდრუმ შემოჰყო თავი და მირჩია: ოთახი გაანათეთ, თორემ აჩრდილები და ავი სულები შემოგესევიანო. თვითონ სულ შიშში იყო და ეგონა, მეც იმასავით ვუფრთხოდი აჩრდილებსა და მოჩენებებს. გაბრაზებულმა ავეუწიე ხელი, თავიდან მომწყდი-მეთქი, გოთურ ბუხარს შეშა შევუკეთე, ერთ-ერთ ტყავის სავარძელში ჩავჭექე, ცეცხლს მივაშტერე თვალები და ალის ენების თამაშს ფიქრი ავაყოლე: „აი, ასე იგზნება და კვდება ადამიანის სურვილები და მისწრაფებანი. სულ პატარა საფუძველი საკმარისია, რომ ოცნებამ დაუოკებელი სურვილების კოცონი გააჩალოს, რომელიც იმედის ბოლით სულდგმულობს! მერე საფუძველი გამოიწვევა და ადამიანი თავისი იმედებით, ვნებებითა და ოცნებებით ერთ მუჭა ნაცრად და ფერფლად იქცევა!“

ანაზღად, ოთახის ბოლოში ისე ამოიოხრა ვიღაცამ, თითქოს ჩემს ფიქრებს უსმენდაო! ფეხზე წამოვხტი და, აი, საოცრება - ჩემს წინ დიანა ვერნონი იდგა, ოღონდ მარტო კი არა: ვიღაც ვაცისათვის გაეკეთებინა ხელკავი და ეს ვაცი ისე საოცრად ჰგავდა ჩემს მიერ რამდენჯერმე ნახსენებ პორტრეტს, რომ უნებლიეთ ზევით ავიხედე, ჩარჩო ცარიელი ხომ არ არის-მეთქი. პირველად

ვიფიქრე, ან უცებ გავგიჟდი, ან მიცვალებულთა სულები მომევილინნენ ბნელეთიდან-მეთქი. შემდეგ კვლავ შევაავლე თვალი ორივეს და დავრწმუნდი, რომ მეც სრულ ჭკუაზე ვიყავი და ისინიც ნამდვილი ცოცხალი ადამიანები იყვნენ.

დიახ, თვითონ დიანა გახლდათ, წინანდელზე გამხდარი და ფერმკრთალი, მაგრამ ნამდვილი დიანა. გვერდითაც მოჩვენება კი არა, ვოგანი ედგა, უფრო სწორად, სერ ფრედერიკ ვერნონი, ზუსტად პორტრეტზე გამოსახული წინაპრის ტანსაცმელში გამონყობილი და სახითაც მისი მინამგვანი! პირველად მან დაარღვია სიჩუმე, რადგან დიანას დაბლა დაეხარა თვალები და ხმის ამოღებას არ აპირებდა, მე კი გაოცებისაგან კრიჭა მქონდა შეკრული.

- ჩვენ მთხოვნელებად მოვედით, მისტერ ოსბვალდისტონ - გვინდა თქვენს ჭერქვეშ შევაფაროთ თავი და თქვენი მფარველობით ვისარგებლოთ, სანამ შესაძლებლობა მოგვეცემა, დავადგეთ იმ გზას, სადაც ყოველ ნაბიჯზე დაპატიმრება და სიკვდილი მელოდება.

მე ძლივს ამოვიღე ხმა:

- რასაკვირველია, მის ვერნონი არ ფიქრობს, რომ... სერ, თქვენც, არა მგონია, იფიქროთ, რომ მე დამავიწყდა, როგორ დამიხსენით გაჭირვებიდან, ან, რომ მე შემიძლია ვინმე და, მით უმეტეს, თქვენ გაგცეთ და მტრების ხელში ჩაგყაროთ!

- არა, მაგრამ არ მინდოდა, ასეთი მძიმე და საშინელი ტვირთი დამეკისრებინა თქვენთვის, - მომიგო სერ ფრედერიკმა, - მერჩივნა, ვინმე სხვა შემენუხებინა, ნებისმიერი ადამიანი, თქვენ კი არა! მაგრამ რა გაეწყობა! მუხთალი ბედი იმთავითვე მტრად მომეკიდა, და ცხოვრება მალვასა და ლტოლვაში გამატარებინა. იგი ახლაც ფეხდაფეხ მომდევს და არჩევანი აღარა მაქვს!

მოულოდნელად კარი გაიღო და ენდრუს ხმა გაისმა:

- სანთლები მოვიტანე, თუ გნებავთ აანთეთ, დიდი საქმე არ უნდა, როგორმე თვითონაც მოახერხებთ, თუ თავს შეინუხებთ.

კარს ვეცი და, მგონი დროზე მოვასწარი შიგ ჩადგომა - წამიც და ალბათ დაინახავდა ჩემს სტუმრებს. ენდრუ ხელის კვრით გა-
ვაგდე ზღურბლიდან და კარი გასაღებით ჩავკეტე. ჩავკეტე, მაგ-
რამ იმავე წამს გამახსენდა, რომ ქვევით ორი ამხანაგი უცდიდა,
რომ თვითონ ენაზე არაფერი დაადგებოდა და ერთ-ერთი მსახუ-
რიც, სიდოლის თქმით, ჭაშუში იყო. მაშინვე დავედევნე უკან, მაგ-
რამ ენდრუმ მომასწრო ამხანაგებთან მისვლა! კარი რომ შევადე,
ხმამაღლა ამბობდა რაღაცას, მაგრამ დამინახა თუ არა, დადუმ-
და.

- რა დაგემართა, შე ჩერჩეტო! - შევუტიე მსახურს. - ისე შემი-
ნებული ხარ, თითქოს მოჩვენება დაგენახოს!

- ააა... არაფერი, - ამოილულულა ენდრუმ, - ოღონდ, რაღაც
ძალიან გამიბრაზდით ბატონო!

- იმიტომ რომ მხეცივით შემოვარდი და გამაღვიძე, შე სულე-
ლო! ძალიან მაგრად მეძინა! სიდოლმა მითხრა დღეს ამ ყოჩაღი
ბიჭებისათვის ლოგინებს ვერ ვიშოვიო. მისტერ უორდლომ კი
დასძინა, დღეს ისეთი არაფერია მოსალოდნელი და შეუძლიათ
შინ გაათიონ ღამეო. აი, ეს ერთი კრონი მიეცი, ჩემი სადღეგრძე-
ლო დალიონ. მადლობელი ვარ ჩემთან მუშაობაზე რომ დათან-
ხმდნენ. აბა, ბიჭებო, შეგიძლიათ ახლავე დატოვოთ აქაურობა!

ახალმა მსახურებმა მადლობა გადამიხადეს გულუხვობისათ-
ვის, ფული წაიღეს და წავიდნენ. ძალიან კმაყოფილნი ჩანდნენ
და, მე მგონი, არც არაფერი ეჭვი აუღიათ. სანამ გარეთ არ გა-
ვიდნენ, უკან არ ავბრუნებულვარ - მინდოდა, დავრწმუნებულიყა-
ვი, რომ ამაღამ ენდრუსთან აღარ იჭორავებდნენ. ისე ფეხდაფეხ
გავყევი ენდრუს, რომ ორი სიტყვის თქმას ვერ მოასწრებდა ჩემს
გამოჩენამდე. არა და, რამდენი უბედურების დატრიალება შეეძ-
ლო ამ ორ სიტყვას! ის ორი სიტყვა ორი ადამიანი სიცოცხლეს

შეიწირავდა! როცა ასეთნაირად მოვაგვარე საქმე (დაბნეული ვიყავი და უკეთესი ვერაფერი მოვიფიქრე), ბიბლიოთეკაში დავბრუნდი და სტუმრებს მოვახსენე, თუ რა ზომები მივიღე მათ დასაცავად და დავსძინე: სიღოლს ვუბრძანე, თუ ალაყაფის კარზე დააკაკუნოს ვინმემ, თქვენ თვითონ გადით-მეთქი (ვიცოდი, რომ დიანა და მამამისი მოხუცი მსახურის უჩუმრად ვერ დაიძალებოდნენ ციხე-დარბაზში). დიანამ თვალეებით გადამიხადა მადლობა და მითხრა:

- ახლა ყველა საიდუმლოება ამოხსენით და იცით, რა ძვირფასი და ახლობელია ჩემთვის ის ადამიანი, რომელიც ხშირად აფარებდა თავს ამ ციხე-დარბაზს. ამიტომ არ უნდა გაგიკვირდეთ, რომ რეშლიმ ასე მაგრად ჩამიჭირა ხელში. მან ხომ თითქმის თავიდანვე გაიგო ყველაფერი.

მამამისმა დასძინა: დიდხანს არ შეგაბეზრებთ თავს - პირველი შესაძლებლობისთანავე დავტოვებთ აქაურობასო. ვთხოვე, ჩემზე ნუ ღელავთ, საკუთარ თავზე იფიქრეთ, მე არაფრისა მეშინია და ყოველ ღონეს ვიხმარ, რომ სამშვიდობოს გაგამგზავროთ-მეთქი. შემდეგ, რა თქმა უნდა, თავიანთი ამბავი მიამბეს:

- რეშლი ოსბალდისტონს ყოველთვის ეჭვის თვალით ვუყურებდი, მაგრამ როცა გავიგე, თუ როგორ ექცეოდა ჩემს უმწეო ქალიშვილს (დიანას ძლივს ვათქმევინე ყველაფერი) და როგორ უმუხთლა მამაჩემს, საშინლად შევიზიზღე. უკანასკნელად რომ შევხვდი, ვაგრძნობინე, თუ რა აზრისა ვიყავი მასზე. ჯობდა კი, თავი შემეკავებინა, მაგრამ ვერ შევძელი, ნაწყენმა და გაბრაზებულმა ბოროტებათა სიას გამცემლობაც დაუმატა. მაშინ იმედი მქონდა, რომ ამით ვერაფერს დაგვაკლებდა: გრაფ მარს რჩეული ჯარი ჰყავდა შოტლანდიაში, ლორდი დერვენტუოტერი საზღვრებს მოადგა თავისი ჯარით თან ფორსტერი, კენმური, უინტერტონი და სხვა სარდლები ახლდნენ. მე უამრავი ნაცნობი მყავდა ინგლისელ დიდებულებსა და აზნაურებში, ამიტომ მთი-

ელთა იმ რაზმს გამაყოლეს, რომელსაც ბრიგადირი მაკინტოში მეთაურობდა. რაზმი ბორლუმიდან გავიდა, თითქმის შესართავთან... გადალახა მდინარე ფორტი, ქვემო შოტლანდიის დაბლობი გადაჭრა და ზედ საზღვართან შეუერთდა ინგლისელ აჯანყებულებს. დიანა გვერდიდან არ მომშორებია, ჩემთან ერთად იზიარებდა ხანგრძლივი მომქანცველი ლაშქრობის ფათერაკებსა და სიძნელეებს.

- არც არასოდეს მოშორდება თავის ძვირფას მამას, - წამოიძახა დიანამ და ალერსიანად დაადო თავი მხარზე.

- ინგლისელ მეგობრებთან შეხვედრისთანავე მივხვდი, რომ საქმე წაგებული იყო. ხალხი თანდათან გვაკლდებოდა, კანტიკუნტად თუ შემოგვემატებოდა ვინმე. „მაღალი ეკლესიის“ ტორები ყოყმანობდნენ. ბოლოს იმ პატარა ქალაქთან, პრესტონთან ალყა შემოგვარტყეს. მონინააღმდეგეს ჩვენზე გაცილებით მეტი ჯარი ჰყავდა, მაგრამ ერთი დღელამის განმავლობაში მამაცურად ვიგერიებდით. მეორე დღეს ჩვენი ბელადები გატყდნენ და გადანყვიტეს, მტრის მონყალებას მიხდობოდნენ. ჩვენი დანებება არ შეიძლებოდა - მაშინვე კუნძზე დამადებინებდნენ თავს. ოცოცდაათ ჯენტლმენსაც ჩემი ბედი ელოდა, ამიტომ ცხენებზე შევსხედით და ალყის გასარღვევად მოვემზადეთ. დიანამაც ჩვენთან ერთად გადანყვიტა გაქცევა და ამ პატარა ესკადრონის შუაში მოვიქციეთ. ქალიშვილის სიმამაცითა და მამისადმი ერთგულებით გაოცებულმა მეგობრებმა დაიფიცეს, დავიხოცებით და მტრის ხელში არ დავტოვებთო.

ყველანი ფიშერგეიტის ქუჩას დავადექით და ერთ დაჭაობებულ ველზე გავედით. ველი მდინარე რიბლის ნაპირამდე მიდიოდა, იქ კი ერთმა ჩვენგანმა კარგი ფონი იცოდა. ჭაობებში მტერს პატარა რაზმი ეყენა, ასე რომ, მხოლოდ ჰანვიუდეულ მხედრებთან მოგვიხდა შეტაკება. ისინი ადვილად დავამარცხეთ და გავაქციეთ. შემდეგ მდინარე გადავლახეთ, ლივერპულის

გზას დავადექით და დავიქსაქსეთ, რომ ცალ-ცალკე გვეძებნა თავშესაფარი. მე უელსში მოვხვდი. იქ ბევრი თანამოაზრე მყავდა, მაგრამ მაინც ვერ მოვახერხე უცხოეთში გაქცევა და კვლავ ჩრდილოეთისაკენ ვიბრუნე პირი. აქ ერთ სანდო მეგობარს უნდა შევხვდე - სოლვეის ნავსადგურში მიმიყვანს. ნავსადგურში ხომალდი დამხვდება და სამუდამოდ დავტოვებ მშობლიურ მხარეს. ვიცი, რომ ოსბალდისტონ-ჰოლში აღარავინ ცხოვრობდა და მოხუც სიდოლს ჰქონდა ჩაბარებული მოსავლეღაღ, ამიტომ გადავწყვიტე აქ შემეფარებინა თავი. ციხე-დარბაზსაც კარგად ვიცნობდი და სიდოლიც ჩვენი ვაცი იყო, ასე რომ შიში არაფრისა მექონდა. ამ ტანსაცმელში გამოვწყვე. აღრეც ხშირად გამომდგომია - ცრუმორწმუნე მსახურებს ვაშინებდი ხოლმე! დიახ, ეს ტანსაცმელი ჩავიცვი და იმ მეგობარს დავუწყე ლოდინი. ნუთი ნუთზე უნდა გამოჩენილიყო, სიდოლს უნდა შეეტყობინებინა, მისი მოსვლა. ამ დროს თქვენც მოხვედით, ამ ოთახში ჩასახლდით და სხვა რაღა გზა გვქონდა - უნდა გამოვსულიყავით და თქვენს დიდსულოვნებას მივნიდობოდით.

ასე დაამთავრა სერ ფრედერიკამ თავისი თავგადასავალი.

მე ისე ვუსმენდი, თითქოს სიზმარში ვყოფილიყავი და თვალებს არ ვუჭერებდი, რომ ცხადად ვხედავდი მის მშვენიერ ქალიშვილს. ამდენ გაჭირვებასა და უბედურებას სულ არ დაემჩნია კვალი დიანა ვერნონის მომხიბვლელ გარეგნობაზე, მხოლოდ სული შეცვლოდა ცოტათი. ის მიქეთვარე ენერგია, რის წყალობითაც ამდენი ფათერაკი გადაელახა, ახლა აღარ ეტყობოდა, მაგრამ არ გატეხილიყო - ახლაც მზად იყო აეტანა ყოველგვარი განსაცდელი და მეტი სიმტკიცით აღსდგომოდა წინ ბედის უკუღმართობას. სერ ფრედერიკი მთელი საუბრის დროს ეჭვით მადევნებდა თვალს, მაგრამ ქალიშვილის ქებისაგან მაინც ვერ შეიკავა თავი:

- ასეთ განსაცდელს დიანას მეტი ვერავინ გაუძლებდა. საშინელი წამება გამოიარა. უშიშრად შესცქეროდა სიკვდილს თვალებში, ვაჟკაცივით იტანდა შიმშილსა და წყურვილს, დღეს სიბნელეში ატარებდა, ღამეები არ ეძინა და არც ერთხელ არ დაუჩივლია. ერთი სიტყვით, მისტერ ოსბალდისტონ, დიანა, მართლაც, ღირსეული სასძლოა უფლისა (სერ-ფრედერიკმა პირჯვარი გადაინერა) და იმიტომ არის, რომ უყოყმანოდ ვაგზავნი მონასტერში ჩემს უკანასკნელსა და უძვირფასეს განძს.

ამ სიტყვების შემდეგ ოთახში მდუმარებამ დაისადგურა. ყველაფერი აშკარა იყო: მაშინაც გადამიწურა დიანასთან სამუდამოდ შეერთების იმედი, შოტლანდიაში რომ შევხვდით ერთმანეთს რამდენიმე წუთით, და ახლაც გამიმეორა, გადანყვეტილება არ შემიცვლიაო.

- მეტად ნულარ მოვაცდენთ მისტერ ოსბალდისტონს, - უთხრა მან ქალიშვილს, - უკვე იცით, რომ უბედური სტუმრები მხოლოდ მისი მოწყალების იმედად არიან დარჩენილი!

ვთხოვე აქ დარჩით, მე სხვა ოთახში გადავალ-მეთქი, მაგრამ სერ ფრედერიკმა უარი მითხრა - თქვენი მსახური ეჭვს აიღებს, ესეც არ იყოს, ჩვენი თავშესაფარი ყოველმხრივ მოხერხებულია და არც არაფერი გვაკლია - სიძლომა ყველაფრით მოგვამარაგაო.

- შეგვეძლო თქვენს უჩუმრად გვეცხოვრა იმ ოთახში, არა მგონია, ეჭვი აგელოთ, მაგრამ ვერ გაკადრეთ, ოდესმე რომ გაგეგოთ ეს ამბავი, გენყინებოდათ - იტყოდით, არ მენდნენ, ჩემი პატიოსნების იმედი არა ჰქონდათო, - დასძინა სერ ფრედერიკმა.

- ვარგადაც მოიქეცით: თქვენ, სერ ფრედერიკ, თითქმის არ მიცნობთ, მაგრამ, იმედია, მის ვერნონი დაგიდასტურებთ, რომ...

- მე არ მესაჭიროება მისი დადასტურება, - თავაზიანად შემანყვეტინა სიტყვა დიანას მამამ, რადგან იგრძნო, რომ დიანასთან ვაპირებდი საუბრის გაბმას, - ვიცი, რომ მისტერ ფრენსის ოსბალ-

დისტონს მოწმეები არა სჭირდება თავისი პატიოსნების დასამტკიცებლად. ახლა კი ნება გვიბოძეთ, გეახლოთ. უნდა დავისვენოთ, სანამ ამის საშუალება გვაქვს. წინ ხიფათით აღსავსე გზა გვიდევს და არ ვიცი, რა წუთში მოგვიკითხავს ჩვენი მეგობარი. - სერ ფრედერიკმა ქალიშვილს ხელი გამოსდო მკლავში, თავი დამიკრა და პორტიერს მიეთარა.

თავი XXXXIX

ბედისწერამ გადასწია ფარდა:
ერთიანად გაანათა სცენა!..

დონ სებასტიანი[245]

წავიდნენ! მე გაოგნებული ვიჯექი და ვგრძნობდი, როგორ მივლიდა ტანში უცნაური სიცივე. რა შორსაც არ უნდა იყოს გულის სატრფო, ნიადაგ თვალწინ გვიდგას და მარტო მომხიბვლელი კი არა, ყველა სასურველი თვისებით შემკული გვგონია. მეც ასე წარმომედგინა დიანა, როცა ვიხსენებდი, როგორ ამინვა ლოყა მისმა ცრემლმა სამუდამოდ განშორებისას, თვალნათლივ ვხედავდი მის ტანჯვას, როცა მაკგრეგორის მეუღლეს უკანასკნელი სახსოვარი გამოატანა ჩემთან - სახსოვარი, რომლითაც მამცნო, რომ სამშობლოდან მოკვეთილსა და მონასტრის ტყვეობისათვის განწირულს, ჩემი სიყვარული უღვივოდა გულში. ახლა კი კვლავ შევხვდით ერთმანეთს. შევხვდით და მისმა თავშეკავებულმა ქცევამ და ნაღვლიანმა სიმშვიდემ უკანასკნელი იმედი დამიკარგა და შეურაცხმყო კიდევ. საშინლად შემელახა თავმოყვარეობა და დიანასაც გულცივობასა და უგრძნობლობაში დავდე ბრალი, მამამისი კი ამჰართავან და გულქვა ფანატიკოსად მივიჩნიე. იმას კი აღარ გაუვნიე ანგარიში, რომ ორივეს უყოყმანოდ მიეტანა

მოვალეობის სამსხვერპლოზე საკუთარი სურვილები და მისწრაფებანი. რომ დიანა თვით ყველაზე მხურვალე გრძნობას, სიყვარულსაც კი იმეტებდა, ოღონდ მამამისისათვის ეს იამოვნებინა.

სერ ფრედერიკ ვერნონი მტკიცე კათოლიკე გახლდათ და ღრმად სწამდა, რომ სულის ხსნის ბილიკი მეტად ვიწრო იყო ერეტიკოსისათვის. დიანა წლების განმავლობაში მხოლოდ მამაზე ზრუნავდა, მისი აზრებით და სურვილებით ცოცხლობდა და სჭეროდა, რომ შვილი უსიტყვოდ უნდა დამორჩილებოდა მშობლის ნებას, თუმცა მას ყოველგვარი ამქვეყნიური სიამისა და თვით ყველაზე ფაქიზი გრძნობის, სიყვარულის დათმობა ებრძანებინა.. არ უნდა გაგიკვირდეს, რომ იმ დროს ვერ შევძელი დიანას საქციელის ახსნა, ვერ მივხვდი და საშინლად გავნაწყენდი, მაგრამ სამაგიეროს გადახდა აზრადაც არ მომსვლია.

- გამოდის, რომ ხელი მკრეს, - ჩავილაპარაკე, როცა სერ ფრედერიკის ნათქვამს ჩავუფიქრდი, - არათრად ჩამაგდო, არც კი დამალაპარაკა დიანასთან. ეგრე იყოს, მაგრამ იმას ხომ მაინც ვერ დამიშლის, რომ მისი ქალიშვილის უშიშროებაზე ვიზრუნო? აქ დავრჩები დარაჯად და, მანამ ჩემს ჭერქვეშ არის, არათვერს გავუჭირვებ.

სიღოლს გავძახე, ბიბლიოთეკაში ამოდი-მეთქი. ამოვიდა, მაგრამ მარტო კი არა - ენდრუც ამოყვა

თან. ციხე-დარბაზებისა და მამულების მფლობელი რომ გავხდი, ენდრუს პატივმოყვარეობის სენი შეეყარა. იგი შემთხვევას არ უშვებდა, ჩემი ნდობა და პატივისცემა მოეპოვებინა, მაგრამ ზედმეტი არათფერი ვარგა, მით უმეტეს, თუ გრძნობ, რომ მხოლოდ საკუთარი მიზნების მისაღწევად გემსახურებიან ასე ერთგულად. ენდრუსაც ასე დაემართა - ისე შეანუხა, რომ თვალით აღარ მინდოდა დამენახა. სიღოლს სათქმელი ვერ ვუთხარი და ისიც ვერ გავბედე, რომ აბეზარი მსახური ოთახიდან გამესტუმრებინა - ვიფიქრე, ალბათ წელან, ოთახში რომ არ შემოვუშვი, იაზ-

რა რაიმე და, თუ ახლაც გავაგდებ კიდევ უფრო დაეჭვდება-მეთქი.

- მე აქ გავათევ ღამეს სერ, - ვუთხარი სიდლოს და ვუბრძანე, ბუხრისაკენ მიენიათ ძველებური სანოლი, ანუ სეტი[246], - ბევრი სამუშაო მაქვს და გვიანობამდე არ დავიძინებ.

სიდოლი მიმიხვდა და მითხრა, წავალ და ლოგინს მოგართმევთო. შემდეგ არამკითხე მოამბეც დავითხოვე - ორი სანთელი ავანთებინე და ვუთხარი, წადი და დილის შვიდ საათამდე არ შემანუხო-მეთქი.

მსახურები გავიდნენ და კვლავ მარტო დავრჩი მწუხარე და არეულ-დარეულ ფიქრებთან. სანამ დაღლილი სხეული დასვენებას არ მომთხოვდა, ასეთ ტანჯვა-წამებაში უნდა ვყოფილიყავი. ძალიან ვეცადე, ფიქრთა მდინარე სხვა გზით წარმემართა - სულ დამევიწყებინა, რომ ბედის

უკუღმართობამ ასე შავ დღეში ჩამაგდო, მაგრამ ვერა და ვერ მოვახერხე. ადრე, სანამ ჩემი გრძნობების მეუფე შორს იყო, თავს ვერეოდი, მაგრამ ახლა, როცა აქვე, გვერდით მეგულებოდა და თანაც ვიცოდი რომ სულ მალე საუკუნოს უნდა გაყრილიყო ჩვენი გზები, საშინლად ავფორიაქდი, წიგნს წავეტანე, იქნებ კითხვას გადავაცოლო გული-მეთქი, მაგრამ ყოველ გვერდზე ჩემი მიჯნურის სახელი ეწერა და თვალიდან წამით არ მცილდებოდა მისი ხატება. ვინ არ მოვიხმე მშველელად, მაგრამ კვლავ და კვლავ დიანა ვერნონი მოდიოდა ჩემს დაძახილზე, თითქოს პრაიორის[247] პოემის გმირი - მეფე სოლომონის ერთგული მხევალი ყოფილიყოს:

...სხვა უნდა მეხმო, მართალია, იცოდა, მაგრამ
როცა სხვა ვიხმე, ჩემთან მაინც მოვიდა აბრა...

ხან მთლიანად მივენდობოდი ჭმუნვის მორევს, ხან თავგანწირვით ვიბრძოდი ნაპირზე გადმოსასვლელად. არ მეგონა, თუ ასე დამიმონებდა ნაზი გრძნობები და ვცდილობდი, სიამაყე მო-

მეხმო მშველელად. ხელი მკრეს, ჩემი წმინდა სიყვარული უარყვეს-მეთქი, ვწუნუნებდი და შეუსვენებლად ვცემდი ოთახში ბოლთას. ბოლოს ისეთ დღეში ჩავვარდი, რომ შემეშინდა არ გავვიყუბულიყავი, ტახტზე მივეგდე, იქნებ დავწყნარდე და დამეძინოს-მეთქი, მაგრამ სად იყო ძილი და მოსვენება?! კარგა ხანს გაუნძრევლად ვიწეი გულადმა, ხან ლექსებს ვიხსენებდი, ხან ვითვლიდი... არაფერმა მიშველა - სისხლი მდუღარესავით მივლიდა ძარღვებში და ხვედრივით მირახუნებდა საფეთქლებში.

ბოლოს ავდექი, ფანჯარა გამოვადე და მთვარით გაკაშკაშებულ მიდამოს მივაჩერდი. გარეთ მდუმარება და სიმშვიდე სუფევდა და მეც ცოტათი ჩამიწყნარდა აფორიაქებული გული. კვლავ წამოვდექი და, თუმცა, ღმერთმა იცოდეს, ურვა და კაემანი არ გამწვანებია, მაგრამ მხნეობა და საკუთარი თავის რწმენა მომემეტა. მალე თვლეთა წამომეპარა, ვნებები დამიცხრა, მაგრამ სულს ძილშიც მიჭიჭვნიდა რალაც საზარელი ზმანებები.

მახსოვს, უეცრად, მე და დიანა მაკვრეგორის ცოლის ხელში აღმოვჩნდით. ფრიალოდან ტბაში გვიპირებდნენ გადაგდებას. ნიშანი ბარბაზნის გასროლა უნდა ყოფილიყო, დასჯის ცერემონი-ალს სერ ფრედერიკ ვერნონი ხელმძღვანელობდა. იგი კარდინალის სამოსში გამონყობილი იდგა გატენილ ბარბაზანთან და ხელში ანთებული პატრუქი მოემარჯვებინა. ცხადად მახსოვს ეს სცენა, ახლაც თვალნათლივ ვხედავ, თუ რა მშვიდად და უშიშრად ემორჩილებოდა დიანა ბედის გარდაუვალ განაჩენს, ვხედავ ჯალათთა სიბრაზით დამახინჯებულ გამომეტყველებას. ისინი ირგვლივ შემოგვხვეოდნენ და საზარლად იგრიხებოდნენ. ვხედავ დიანას მამის მკაცრ სახეს, თვალეებში შებრალების ნასახი არ უჩანს, აი, ნელ-ნელა ასწია ხელი, რომელშიც ის საბედისწერო პატრუქი უჭირავს... გაისმა სროლის ხმა! ქუხილი კლდეებს მიანყდა და უკან დაბრუნდა, ყველაფერი აზანზარდა... ამ ხმაურზე გამომეღვიძა და შემადრწუნებელი ზმანების სამყაროდან საშინელ სი-

ნამდვილეს დავუბრუნდი: თურმე ეს ხმები სიზმარში არ მომსმია! გაღვიძების მერეც კარგა ხანს მესმოდა რაღაც წყვეტილი გრუხუნი, მაგრამ მხოლოდ ორი-სამი წუთის შემდეგ, როცა

საბოლოოდ გამოვფხიზლდი, მივხვდი, რომ ვიღაცა შეუჩერებლად აბრახუნებდა ალაყაფის კარებზე. შეშფოთებული წამოვვარდი ტახტიდან, დაშნა ავითაცე და სირბილით დავეშვი კიბეზე. მტკიცედ გადავწყვიტე, არავინ შემომეშვა ეზოში. ალაყაფის კართან მისვლას კარგა ხანს მოვუნდი, რადგან ბიბლიოთეკა ეზოში კი არა, ბაღში გადიოდა. ბოლოს, როგორც იქნა, დავადექი იმ კიბეს, მთავარ შესასვლელთან რომ მიდიოდა და სიღოლის შეშფოთებული ხმა გავიგონე. იგი ვიღაცას ეკამათებოდა, რომელიც მოსამართლე სტენდიშის მიერ გაცემულ ორდერს ახსენებდა და ღრიალებდა, მეფე ჯორჯის სახელით მოვითხოვ, დაუყოვნებლივ გააღეთ კარი, თორემ სასტიკად დაისჯებითო. სიღოლმა პასუხის გაცემა ვერ მოასწრო, რომ ნაცნობი ხმა გავიგონე და ლამის გულს შემომეყარა: ენდრუმ წინადადება მისცა მოხუც მსახურს, გვერდზე მიდექი, მე თვითონ გავუღებო და თან დაამშვიდა:

- რადგან მეფე ჯორჯის სახელით მოსულან, საშიში არაფერია. მისი გულისათვის სისხლი დაგვიღვრია, ოქრო და ქონება არ დაგვიშურებია და ზოგიერთივით არ უნდა ვუფრთხოდეთ გამოჩენას, მისტერ სიღოლ! ჩვენ ხომ პაპისტები არა ვართ?!

გიჟივით დავეშვი კიბეზე, მაგრამ მივხვდი, რომ დავაგვიანე: ჩერჩეტი მსახური ზედიზედ აძრობდა კარიდან ურდულებსა და საგდულებს. თან კი შეუჩერებლივ იკვებნიდა, მეფე ჯორჯს ჩემზე და ჩემს ბატონზე ერთგული ვაცი არც კი ჰყავსო. რადგან ალაყაფის კარის დაკეტვას ვეღარ ვასწრებდი,

გადავწყვიტე, როგორც კი შემთხვევა მომეცემოდა, მაგრად დამეყუჟა ჩემი მეტიჩარა მსახური კეტი და უკან, ბიბლიოთეკისაკენ გავვარდი. შიგ რომ შევედი, კარი მივიჭახუნე, რაც კი მძიმე

მოვახელე, ზედ მივადგი, იმ კარს ვეცი, საიდანაც დიანა და მამამისი შემოვიდნენ ამ ცოტა ხნის წინათ და შევძახე, შემომიშვითმეთქი, კარი თვითონ დიანამ გამიღო. ჩაცმული იყო და არც დაბნეულობა ეტყობოდა და არც შიში.

- ისე მივეჩვიეთ საფრთხეს, რომ მუდამ მზადა ვართ მასთან შესახვედრად, - მითხრა დიანამ, - მამაჩემიც ფეხზეა, რეშლის ოთახშია გასული. ბაღში ჩავალთ და უკანა კარით გავიქცევით ტყეში. სიდოლმა წინასწარ მოგვცა გასაღები, იქნებ დაგჭირდეთო. იმ ტყეს საკუთარი ხელისგულივით ვიცნობ. თქვენ ოღონდ რამდენიმე წუთით შეაჩერეთ აქ და... და... კიდევ ერთხელ, სამუდამოდ გემშვიდობები, ჩემო... ჩემო ძვირფასო ფრენკ! - დიანამ მამამისს მიაშურა, მე კი ბიბლიოთეკაში დავბრუნდი. დაუპატიჟებელი სტუმრები უკვე კარს ამტვრევდნენ.

- ჰაი, თქვე ძაღლებო, თქვე ყაჩაღებო! - დავუღრიალე მე თუმცა კარგად ვიცოდი, რომ საყაჩაღოდ არ იყვნენ მოსულნი, - ახლავე დაიკარგეთ აქედან, თორემ სულ ამოგწყვეტთ ბრანდერბრასით![248]- ტყუილად ნუ იმუქრებით, - შემომძახა ენდრუმ. - ეს მისტერ ჯობსონია, მოსამართლის მდივანი, და თან კანონიერად დანერჩილი ორდერი აქვს.

- მოიძებნოს, დაკავებული და პატიმრობაში აყვანილი იქნას პიროვნებები, რომლებიც ზემოხსენებულ ორდერშია ჩამოთვლილი და ბრალად ედებათ სახელმწიფოს ღალატი, რომელიც ისჯება მეფე ვილჰელმის სჯულდების მესამე თავის მეცამეტე პარაგრაფით! - გაისმა კანონის ვირთხის წრიპინი.

კარს კვლავ დაუპირეს შემოგლეჯა!

- ვდგები ჯენტლმენებო, - დავუძახე, რომ დრო მომეგო, - კარს ნუ ამტვრევთ, ახლავე გაგიღებთ. ორდერი უნდა მიჩვენოთ. თუ კანონიერად არის შედგენილი, არ გაგიძალიანდებით.

- უფალო, შენ დაიფარე დიადი ჯორჯი, ჩვენი ხელმწიფე! - შეღალადა ღმერთს ენდრუმ, - ხომ გეუბნებოდი, აქ იაკობიტები არ

არიან-მეთეი! კარგა ხანს ვითრიე ფეხი, მაგრამ, ბოლოს, იძულებული გავხდი, კარი გამეღო. კიდევ რომ დამეხანებინა, შემოამტვრევდნენ. ოთახში ჯობსონი და მისი თანამემნეები შემოცვივდნენ. მათ შორის უმცროსი უინფილდიც შევნიშნე - ალბათ იმან დაგვაბებლა მოსამართლესთან. ჯობსონმა ორდერი წარმომიდგინა, რომელიც მსჯავრდადებული სახელმწიფო მოღალატის ფრედერიკ ვერნონისა და მისი ხელის შემწყობების დიანა ვერნონის (ქალიშვილის), და ფრენსის ოსბალდისტონის (ჯენტლმენის) დაპატიმრების უფლებას იძლეოდა. წინააღმდეგობის განწევა სიგიჟე იქნებოდა, ამიტომ ვთხოვე, ორიოდე წუთი მომეცით მოსამზადებლად და ჩაგბარდებით-მეთეი.

ლამის გადავირიე, როცა დავინახე, რომ ჯობსონი მის ვერნონის ოთახისაკენ გაემართა, იქიდან კი პირდაპირ სერ ფრედერიკ ვერნონის საძინებელში შერგო თავი.

- კურდღელი გაპარულა, მაგრამ კვალი ჯერ კიდევ ახალია, - ჩაილაპარაკა გაიძვერა მოხელემ, - არა უშავს, მეძებრები მალე ჩაავლებენ კბილებს უკანა ფეხებში...

ბაღში ატეხილმა ხმაურმა მამცნო, რომ ჯობსონის წინასწარმეტყველება ამხდარიყო. ხუთიოდე წუთის შემდეგ ბიბლიოთეკაში რეშლი შემოვიდა და ორი ტყვე, სერ ფრედერიკ ვერნონი და მისი ქალიშვილი შემოიყვანა.

- მელიამ ძველი სორო გაიხსენა, მაგრამ ის კი აღარ იფიქრა, რომ ჭკვიანი მონადირე წინასწარ ამოქოლავდა. მე არ დამვიწყებია ის პატარა ჭიშკარი, სერ ფრედერიკ, ან თუ მეორე ტიტული უფრო მოგწონთ, უკეთილშობილესო ლორდო ბიუჩემპო.

- რეშლი, შენ ნამდვილი გარენარი ხარ! - უთხრა სერ ფრედერიკმა.

- მე მაგ ტიტულს მაშინ უფრო ვიმსახურებდი, პატივცემულო ბარონეტო, უკაცრავად, დიდებულო ლორდო, როცა გამოცდილი დამრიგებლის შთაგონებით მშვიდობიანი ქვეყნის გულში სა-

მოქალაქე ომის კოცონის გაჩაღებას ვცდილობდი. მაგრამ შემდეგ ყველაფერი ვიღონე ჩემი შეცდომის გამოსასწორებლად, - მიუგო რეშლიმ და თვალები მალა ალაპყრო.

თავიდან გადავწყვიტე, არაფერი მეთქვა, მაგრამ ახლა ვიგრძენი, რომ ხმას თუ არ ამოვიღებდი, გული გამისკვებოდა:

- თუკი ჯოჯოხეთის ბინადარნი ერთმანეთისაგან განსხვავდებიან სიბილწითა და სიმახინჯით, ყველაზე უარესი შესახედავი კეთილშობილების ნიღაბათარებული არამზადა იქნება!

- ოოო! ჩემი ძვირფასი ბიძაშვილიც აქ ბრძანებულა! - შესძახა რეშლიმ, სანთელი მომანათა და თავით-ფეხამდე ამათვალ-ჩამათვალა. - კეთილი იყოს თქვენი მობრძანება ოსბალდისტონ-ჰოლში! მომიტევებია ეგ ბოლმიანი სიტყვები - ვხვდები, რომ გამწარებული იქნებით, ადვილი საქმეა, ერთ ღამეში მამულისა და საყვარლის დაკარგვა?! ესენი ხომ იმიტომ მოვიდნენ ამ ღატაკ სახლში, რომ კანონიერი მემკვიდრეობა დაუბრუნონ სერ რეშლი ოსბალდისტონს!

რეშლი აგდებულად მელაპარაკებოდა, მაგრამ კარგად ვამჩნევდი, რომ სირცხვილს ძლივს მალავდა. ეს უფრო აშკარად შეეტყო, როცა დიანამ ამოიღო ხმა:

- მებრალეებით, რეშლი! საშინელი ბოროტება გქონდათ განზრახული და სანადელი ვერ აისრულეთ, მაგრამ რაც დამართეთ, ისიც საკმარისია, რომ მეჭავრებოდეთ! მიუხედავად ამისა, მებრალეებით! მხოლოდ ამ საღამოს ჩადენილი უგვანო საქმეც კი არ მოგასვენებთ სიკვდილამდე, სინდისის ქენჯნა გაგიმწარებთ სიცოცხლეს, ძილშიაც კი ვერ იგრძნობთ შვებას!

რეშლიმ ოთახში გაიარ-გამოიარა, შემდეგ მაგიდასთან შეჩერდა, ღვინის ბოთლს წაეტანა და აკანკალებული ხელით გაივსო მოზრდილი ჭიქა. უცებ მიხვდა, რომ შევნიშნეთ, რა დღეში იყო, მღელვარება დაიოკა, გამომწვევად მოგვაშტერდა თვალებში და ჭიქა ისე დაცალა, წვეთი არ დაუღვრია.

- ძველი ბურგუნდულია, მამაჩემის დროიდან შემორჩენილი, - უთხრა მან ჯობსონს, - კიდევ კარგი, რომ მთლიანად არ გამოუნრუპავთ... წესიერი ხალხი შემირჩიეთ, რომ სახლსა და მამულს მოუარონ. ეს ბებერი მსახური და უტვინო შოტლანდიელი ჰანდურის კვრით უნდა გავყაროთ აქედან - ორივე თაღლითები არიან! ამ პიროვნებად კი ბადრაგი გავაყოლოთ და უფრო შესაფერის ადგილას მივაბრძანოთ! მე ვუბრძანე, საოჯახო კარეტა მოემზადებინათ. არ მინდა, გზამ დაღალოთ, თუმცა, კარგად ვიცი, რომ ლედის ცხენზე ჯდომაც ემარჯვება და ფეხითაც კადრულობს სიარულს, თუ მოგზაურობის მიზანი მის გემოვნებას აკმაყოფილებს! არც სიბნელეს უფრთხის და არც წვიმასა და ქარიშხალს!

- მე მარტო ისა ვთქვი, ჩემი ბატონი, იმასთან... მოჩვენებასთან საუბრობს ბიბლიოთეკაში-მეთქი, - ალუღლულდა აღელვებული ენდრუ, - მარტო ეს ვთქვი, ამ გაფუჭებულმა ლენსიმ კი სულ აიღო სინდისზე ხელი და ძველი მეგობარი დააბეზლა. ის მეგობარი, ოცი წელი, ყოველ კვირა დღეს ერთად რომ მღეროდნენ ფსალმუნებს...

ენდრუ და სიღოლი მუჭლუგუნის კვრით გაყარეს ოთახიდან (სიტყვის დამთავრებაც არ აცალეს), მაგრამ ენდრუს გაგდებას სულ სხვანაირად შეაბრუნა საქმე, როგორც შემდგომ მომიყვა, თურმე დეიდა სიმპსონის ბინისაკენ გაუნევია ლამის გასათევად (იქნებ ძველი ნაცნობობა გაიხსენოს და შემიფაროსო). მთავარი ხეივანი გაუვლია და „ძველ ტყეში“ შესულა. ტყისა სახელი დარჩა, თორემ საძოვარს უფრო ჰგავდა. შესულა და შოტლანდიელთა ნახირს წასწყდომია - ლამის გასათევად დაებინავებინათ იმ „ტყეში“. ენდრუს ეს ამბავი არ გაჰკვირვებია, რადგან კარგად იცნობდა თავის თანამემამულეებს: შოტლანდიელი ჩოდრები საუკეთესო მინდვრებს ეძებენ ლამის გასათევად და დილით უთენია იპარებიან, რომ ფული არ გადაიხადონ. არ გაჰკვირვებია, მაგრამ მაშინ კი ძალიან შეცბუნებულა, როცა ვიღაც მთიელი სცემია

და ჩხუბი აუტეხავს, ნახირი დამიფრთხეო.. მთიელს აღარ გაუშვია თავის გზაზე, ჯერ ჩვენს უფროსს მოელაპარაკეო და ბუჩქებისაკენ წაუყვანია. ბუჩქებთან სამი თუ ოთხი შოტლანდიელი დაუნახავს. „მაშინვე ვიპოვე, რომ ამ ჯოგს ამდენი მენახირე არ სჭირდებოდა და როცა დაკითხვა დამიწყეს, ვთქვი, ამათ სხვა მუცლის გვრემა აქვთ-მეთქი“.

მენახირეებს დანვრილებით გამოუკითხავთ ოსბალდისტონ-ჰოლის ამბები და ძალიან გაოცებულან და შეწუხებულან, რომ ჩვენი დაპატიმრება გაუგიათ.

- არაფერი დამიფარავს, - მითხრა ენდრუმ, - სულ წვრილად ჩავუკაკლე ყველაფერი, იმიტომ, რომ ჩემს დღეში არ გავძალიანებივარ ხანჯალმომარჯვებულ ადამიანს და დამბახისაც ძალიან მეშინია.

მენახირეებმა ჩურჩულით მოითათბირეს, ჯოგი წამოშალეს და მთავრი ხეივნისაკენ გარეკეს (იქამდე სულ ნახევარი მილი იქნებოდა), იქ რომ მივიდნენ, ნაქცეული ხეები მოზიდეს და, ასე, თხუთმეტიოდე ნაბიჯზე ხეივნის ბოლოდან, გზა გადახერგეს. განთიადი დგებოდა. აღმოსავლეთით ცა შეიფერა, მთვარეც აფენდა იქაურობას მკრთალ სხივებს და უკვე საკამოდ კარგად ჩანდა ყველაფერი. ხეივნის დასაწყისიდან კარეტის რახრახი მოისმა. კარეტას ოთხი ცხენი ება. აქეთ-იქიდან ოთხი მხედარი ამოსდგომოდა მცველად. შიგ მისტერ ჯობსონი, მე და უბედური ტყვეები ვისხედით. მთიელებმა ყურები ცქვიტეს. მცველებიდან ერთი რემლი იყო, დანარჩენი პოლიციის მოხელეები და მათი თანაშემწეები. როგორც კი კარეტა ხეივანს გამოსცდა, ერთმა მთიელმა ცხვირწინ დაუკეტა ჭიშკარი კავალკადას. იმავე წამს კარეტა ჯოგში შეიჭრა, ჯოგის უკან კი ხეებით იყო გზა გადაჭედილი.

- ვინ გაბედა ჩვენს ჯოგში შემოჭრა? - მკაცრად იკითხა ვილაცამ, - ესროლე, ანგუს!

- ტყვეებს იტაცებენ, - იყვირა რეშლიმ, დამბაჩა დასცალა და ის მთიელი დასჭრა, რომელმაც სროლის ბრძანება გასცა.

- ხმალდახმალ მიდით! - შესძახა მეჭოგეთა უფროსმა. მონინა-აღმდეგენი შეიბნენ!

კანონის მსახურნი სიმამაცით ვერ დაიკვებნიდნენ, თანაც ისე დააბნია ამ მოულოდნელმა შეტევამ, რომ, რიცხობრივი უპირატესობის მიუხედავად, უნდილად იქნევდნენ ხმლებს. ზოგმა მათგანმა, უკან ციხე-დარბაზისაკენ დააპირა გაქცევა, მაგრამ ხეივნიდან დამბაჩის სროლა რომ გაიგონეს, იფიქრეს ალყაში ვართ და უნესრიგოდ გაიფანტნენ აქეთ-იქით.

რეშლი ჩამოქვეითებულიყო და სამკვდრო-სასიცოცხლოდ შეებოდა მეჭოგეთა უფროსს.

მე კარეტის ფანჯრიდან ვუმზერდი ორთაბრძოლას. რეშლი დაეცა.

- თუ პატიებას მთხოვ, მეფე ჯეიმზისა და ჩვენი ძველი მეგობრობის ხატრით შეგინწყალებ, - მომესმა ნაცნობი ხმა.

- არა, არასოდეს! - მტკიცედ მიუგო რეშლიმ.

- მაშ მოკვდი, მოლაღატევი! - შესძახა მაკგრეგორმა და მიწაზე განრთხმულ მტერს ხმლით გაუპო მკვრდი.

წამის შემდეგ იგი კარეტის კართან გაჩნდა და მის ვერნონს ხელი შეაშველა. შემდეგ მამამისსა და მე მოგვეხმარა ჩამოსვლაში, მოსამართლის მდივანი კი საყელოთი ჩამოათრია და ბორბლებქვეშ შეაგდო. შემდეგ მომიბრუნდა და ჩურჩულით მითხრა: მისტერ ოსბალდისტონ, თქვენ არავითარი საფრთხე არ გემუქრებათ, ამიტომ იმათზე ვიზრუნებ, ვისაც ჩემი შველა სჭირდება. ჩვენი მეგობრები მალე სამშვიდობოს იქნებიან გასული. კარგად იყავით! არ დაივიწყოთ მაკგრეგორი!

მან სტვენით მოუხმო თავის ხალხს, დიანა და სერ ფრედერიკი გაიყოლა და ყველანი თვალის დახამხამებაში გაუჩინარდნენ უსიერ ტყეში.

მეეტლემ და ფორეიტორმა პირველი გასროლისთანავე მოკურცხლეს, მაგრამ ცხენები არ დამფრთხალან - მორებით ჩახერგილ გზას რომ მიადგნენ, შეჩერდნენ და ფეხი აღარ მოუცვლიათ. ჯობსონს ბედი ჰქონია, თორემ სულ ორი ნაბიჯი რომ გადაედგათ, კარეტა ზედ მკერდზე გადაუვლიდა. მაშინვე მივვარდი და ფეხზე წამოვაყენე. არამზადა მოხელე ისე იყო შეშინებული, რომ თვითონ ვერ მოიფიქრებდა წამოდგომას. ცოტა რომ მოსულიერდა, ვუთხარი, კარგად დაიმახსოვრე, რომ პატიმართა განთავისუფლებაში მონაწილეობა არ მიმიღია და არც გაქცევა მიცდია-მეთქი. შემდეგ ვუბრძანე, ციხე-დარბაზში შესულიყო და თავისი ხალხი გამოეგზავნა დაჭრილთა გადასაყვანად, მაგრამ შიშისაგან ისე იყო თავგზააბნეული, რომ ადგილიდან ვერ დაიძრა. მაშინ თავად გადავწყვიტე წასვლა. რამდენიმე ნაბიჯი რომ გავიარე, მიწაზე გაშხლართულ ვაცს წამოვკარი ფეხი. ჯერ მკვდარი ან დაჭრილი მეგონა, მაგრამ ცოცხალი და საღ-სალამათი ენდრუ ფერსერვისი შემრჩა ხელთ. თურმე შეტაკების დაწყებისთანავე წამონოლილიყო, რომ ჰაერში მოელვარე ხანჯლებისა და ხმლების გემო არ გაესინჯა.

ენდრუს დანახვა ისე გამიხარდა, რომ აღარ ჩავეძიე, აქ საიდან გაჩნდი-მეთქი. მაშინვე ფეხზე წამოვაგდე და ვუბრძანე უკან გამომყოლოდა. პირველად რეშლის გადაყვანა გადავწყვიტეთ. რომ დამინახა, აკვნესდა. მე მგონი, ტკივილზე უფრო სიბრაზემ და სიძულვილმა ააკვნესა. ახლოს რომ მივედი, თვალები დახუჭა და ალბათ იაგოსავით გადაწყვიტა, ხმისამოუღებლად დაეღვია სული. ავწიეთ და კარეტაში ჩავაწვინეთ. შემდეგ კიდევ ერთი მისიანი მივუწვინეთ გვერდით (დაჭრილი ეგდო ბრძოლის ველზე) და ჯობსონს ვუთხარი, თქვენც გვერდით მოუჭექით რეშლის და დაიჭირეთ, რომ არ გადმოვარდეს-მეთქი. კარგა ხანს ვერ გამიგო, რა მინდოდა, მერე ჩაჯდა, მაგრამ, მგონი, მაინც ვერ მიხვდა, რა უნდა გაეკეთებინა. მე და ენდრუმ ცხენები შემოვაბრუნეთ, ხე-

ივნის ჭიშკარი გავაღეთ და კარეტა ნელა წავიყვანეთ ოსბალდის-ტონ-ჰოლისაკენ.

ბრძოლის ველიდან ლტოლვილთაგან ორიოდეს მოეხერხებინა ციხე-დარბაზში შესვლა და იქ დარჩენილთათვის ეთქვათ, რეშლი, ჯობსონი და მათი მხლებლები სულ ლუკმა-ლუკმა აკეპა მთიელთა პოლკმანო, მხოლოდ ჩვენ გადავრჩით და აქეთ გამოვიქეციეთ, რომ ამბავი მოგვეტანაო. ალბათ ამიტომ იყო, რომ ციხე-დარბაზი მტერზე თავდასასხმელად გამზადებულ სკასავით გუგუნებდა.

მისტერ ჯობსონი მოსულიერებულიყო და, როგორც იქნა მოეხერხებინა ხმის ამოღება. იგი მაშინვე იცნეს. კანონის მსახური ძალიან ჩქარობდა კარეტიდან გადმოსვლას, რადგან მის ერთ-ერთ თანამგზავრს (პოლიციის მოხელეს) მის თვალწინ დაეღია სული.

სერ რეშლი ოსბალდისტონი ცოცხალი იყო, მაგრამ ისეთი მძიმე ჭრილობა ჰქონდა, რომ კარეტის ძირიც სისხლით გაავსო და სადარბაზოდან ქვის დარბაზამდეც სისხლიანი ვვალი გაიყოლა, დაჭრილი სავარძელზე მივანვინეთ. ყველა დაფაცურდა - ზოგი ჭრილობის შეხვევას ცდილობდა, ზოგი დასტაქრის დაძახებას მოითხოვდა, მაგრამ წამსვლელი არავინ ჩანდა.

- ნუ მანვალეხთ, - ამოილულლულა დაჭრილმა, - ვიცი, რომ არაფერი მეშველება. ვკვდები!

მართლაც, ჭირის ოფლით დანამვოდა შუბლი, მაგრამ თავს ძალა დაატანა, ნელში გასწორდა და საკმაროდ ხმამაღლა და მტკიცედ წარმოსთქვა: ბიძაშვილო, ახლოს მოდექითო.

მე მივუახლოვდი.

- მინდა იცოდეთ, რომ სასიკვდილო ტანჯვამ სულ არ შემიცვალა თქვენზე აზრი. კვლავ ისევ მძულხართ! - მითხრა მან და თვალეზიდან, რომელიც მალე სამუდამოდ უნდა დახუჭვოდა, საზარელი ზიზღი შემომაფრქვია, - ახლაც, როცა სასიკვდილოდ ვარ

განწირული, როცა სისხლით ვიცლები, ძველებურად მეზიზღებით! ასეთივე ძლიერი ზიზღი მექნებოდა, თქვენ რომ ყოფილიყავით ჩემს ადგილას, ფეხი თქვენს ყელზე რომ მქონოდა დაჭერილი!

- მე არ მომიცია ასეთი ზიზღის საბაბი, სერ! თქვენივე სიკეთისათვის ვისურვებდი, რომ სხვა მხარეს წაგემართათ ფიქრი!

- საბაბი? საბაბი როგორ არ მომეცით... ყველგან გზა მომიჭერით, სიყვარულში მეტოქედ გამიხდით, კარიერა გამიფუჭეთ, გამდიდრება არ დამანებეთ. ოჯახის სიამაყე უნდა ვყოფილიყავი და შემარცხვენელად ვიქეცი!.. და ყოველივე ამის მიზეზი თქვენა ხართ!.. საგვარეულო ციხე-დარბაზიც კი თქვენ დაგრჩათ... დაგრჩათ და, დაე, მარად წყეული იყოს აქაურობა!

რეშლი დადუმდა, სავარძლის საზურგეზე გადაწვა და უკანასკნელად ამოისუნთქა. თვალეში სიცოცხლე ჩაუქრა, ხელ-ფეხი გაუხევდა, მაგრამ ტუჩებზე კვლავ ზიზღიანი ღიმილი შერჩენოდა და უსიცოცხლო თვალეებზე წინანდებული მძულვარებით მომჩერებოდა...

უნდა შევწყვიტო ამ საშინელი სურათის აღწერა... დავსძენ მხოლოდ, რომ რეშლის სიკვდილის შემდეგ დაუბრკოლებლივ გადმომეცა ბიძაჩემის მემკვიდრეობა. ჯობსონი იძულებული იყო ეღიარებინა, რომ სულელური ბრალდება, ვითომდა მეც სახელმწიფო მოღალატე ვიყავი მხოლოდ affidavit[249]-ზე იყო დაფუძნებული. აღიარა აგრეთვე, რომ ეს ყველაფერი რეშლიმ მოაწყო, რათა ციხე-დარბაზიდან გავეძევიებინე. არამზადა ჯობსონი ვანონის მსახურთა სიიდან ამოშალეს, ხალხი პირში აფურთხებდა, ცხოვრების სახსარი ვერ იშოვა და გალატაკდა.

მამულის საქმეები მოვანესრიგე და ლონდონში დავბრუნდი. თავს ბედნიერად ვგრძნობდი, რომ იმ მიდამოებს გავეცალე, სადაც ამდენი ტანჯვა-წამება გადამხდა. ძალიან ვწუხდი დიანასა და მამამისის ბედზე, მაგრამ ლონდონში ერთი ფრანგი ჩამოვიდა სა-

ვაჭროდ და მის ვერნონის წერილი ჩამომიტანა - დიანასა და მამის საფრთხე აღარ ემუქრებოდა.

წერილიდან გავიგე, რომ მაკგრეგორი და მისი რაზმი შემთხვევით არ მოსულან ციხე-დარბაზთან: აჯანყებაში გარეული შოტლანდიელი დიდებულებსა და სკვაირებს, აგრეთვე ზოგიერთ ინგლისელ მემამულეს, გულით უნდოდათ, რომ სერ ფრედერიკ ვერნონი ინგლისიდან გაქცეულიყო - იგი სტიუარტების სამეფო გვარის რწმუნებული იყო და თან ისეთი საბუთები ჰქონდა, მთავრობას რომ ჩაეგდო ხელთ, შოტლანდიელთა ნახევარს სახრჩობელ არ ასცდებოდა. ამიტომ ერთხმად გადაწყვიტეს, სერ ფრედერიკი ინგლისიდან გაეპარებინათ და ეს საქმე რობ როის დაავალეს (მასზე მამაცსა და მოხერხებულს ვის იპოვიდნენ?) რობ როიმ ოსბალდისტონ-ჰოლთან დაუთქვა შეხვედრა ლტოლვილთ.

შენ უკვე იცი, რომ სვებედნიერმა რეშლიმ კინალამ ჩაშალა ეს გეგმა, როცა სერ ფრედერიკი და მისი ქალიშვილი ოსბალდისტონ-ჰოლის მიდამოებს გასცდნენ, მაკგრეგორმა ცხენებზე შესხა და დასავლეთ სანაპიროზე მიიყვანა (მან შოტლანდიისა და ჩრდილოეთ ინგლისის ყველა გზა და ბილიკი იცოდა). აქედან ორივენი მშვიდობით გადასულან საფრანგეთში.. წერილის მომტანმა შემატყობინა, სერ ფრედერიკი ძალიან მოტეხა ამდენმა გაჭირვებამ და უბედურებამ. იგი რალაც მძიმე სენით დაავადდა და მკურნალთა აზრით დიდი დღე აღარა აქვს. ქალიშვილი მონასტერში ჰყავს, სერ ფრედერიკს უნდა მონაზვნად აღიკვეცოს, მაგრამ ძალას არ ატანსო.

ეს რომ გავიგე, მამაჩემთან მივედი და გული გადავუშალე. იგი ძალიან შეცბა, როცა გაიგო, რომ კათოლიკეზე ვაპირებდი ქორწინებას, მაგრამ დიდი წინააღმდეგობა აღარ გაუწევია. ამის მიზეზი ის იყო, რომ მამაჩემს ძალიან უნდოდა ოჯახს მოვკიდებოდი და დავდუღებულიყავი. თან იმასაც ძალიან აფასებდა, რომ პო-

ეტობა გადავიფიქრე და მუყაითად მოვეკიდე კომერციას. მან ცოტა ხანს იცოყმანა, რამდენიმე კითხვა დამისვა და ჩემი პასუხები რომ მოეწონა, თქვა:

- არასოდეს არ ვიფიქრებდი, რომ ჩემი შვილი ოსბალდისტონის სალორდოს მიიღებდა, იმას კი სულ ვერ წარმოვიდგენდი, თუ საფრანგეთის მონასტერში დაუნყებდა ძებნას საცოლეს, მაგრამ დარწმუნებული ვარ, რომ ასეთი კარგი შვილი, კარგი ცოლიც იქნება. შენ ძალიან მასიამოვნე იმით, რომ დამიჭერე და კომერციას მოჰკიდე ხელი, ცოლად კი ის უნდა შეირთო, ვინც შენს გულს ესიამოვნება.

დაუყოვნებლივ შევუდექი ქორწინების სამზადისს... თუმცა, შემდგომი ამბები შენც კარგად იცი, უილ, და თავს აღარ შეგანყენ. იცი, რომ ბოლომდე ბედნიერად ვცხოვრობდი ჩემს დიანასთან. იცი, რომ ვიდარდე მისი დაკარგვა, მაგრამ არ იცი, შეიძლება, არ იცოდე რომ დიანა სავესებით იმსახურებდა იმ დარდსა და მწუხარებას, რომელიც ახლაც ძველებურად მისერავს გულს.

აი, მთელი ჩემი სამიჯნურო თავგადასავალი. მეტი არაფერი მაქვს მოსაყოლი, რადგან სხვა ყველაფერი იცი - შენ ხომ ჩემი სიხარულისა და მწუხარების მოზიარე იყავი მთელი ცხოვრების მანძილზე!

ამის შემდეგ ხშირად მიხდებოდა ჩასვლა შოტლანდიაში, მაგრამ არც ერთხელ აღარ შევხვედრილვარ იმ მამაც მთიელს, რომელმაც ესოდენ დიდი როლი ითამაშა ჩემს ცხოვრებაში. დროდადრო ამბავი მოდიოდა, რომ იგი მამაცურად უმკლავდებოდა ყოველი მხრიდან შემოსეული მტრების შემოსევას და კვლავ ლოხლომონდის მთების ბატონ-პატრონად ითვლებოდა. მთავრობამ ვერაფერი მოუხერხა და ბოლოს იძულებული გახდა, შერიგებოდა იმ მდგომარეობას, რომ „ლენოქისი თვითმარქვია მფარველი შესაშური გულმოდგინებით ახდევინებდა ქვემო შოტლანდიელ მემამულეებს „შავ ხარკს“.

ვერავინ იფიქრებდა, რომ რობ როი თავისი სიკვდილით მოკვდებოდა, მაგრამ სწორედ ასე მოხდა: მან ღრმა მოხუცებულობამდე მიაღწია და მშვიდად დალია სული 1733 წელს. შთამომავლობა დღესაც სიყვარულით იხსენებს, შოტლანდიელ რობინ ჰუდს უწოდებს და მდიდართა რისხვად და ღარიბთა მეგობრად რაცხავს. ხალხში ხშირად გაიგონებთ, რომ რობ როი მრავალი საუკეთესო თვისებით დააჯილდოვა ბუნებამ, ჭკვიანი და გულიანი კაცი იყო, რა ვუყოთ, რომ ცხოვრებამ აიძულა, ასეთი საეჭვო ხელობა აერჩიაო. მოხუცი ენდრუ ფერსერვისი ხშირად იტყოდა, ვინ დათვლის, რამდენი ცუდი რამ არის ამ ქვეყნად საქმები და რამდენი კარგი საგინებელი, ამის მაგალითად რობ როიც კმარაო.

(აქ ხელნაწერი, საკმაოდ მოულოდნელად წყდება. ზოგიერთი ნიშნის მიხედვით დავასკვნის, რომ შემდეგი ნაწილი ჰირად საქმეებს ეხებოდა).

სქოლიო

[1] ლექსები თარგმნა ჯემალ აჯიაშვილმა.

[2] დედოფალი ანა (166-171) ჯეიმზ II ქალიშვილი, დიდი ბრიტანეთისა და ირლანდიის მეფე 1702-1714 წლებში.

[3] ჯორჯ I (1660-1727) - ჰანოვერის კურფრისტრის ერნსტ ავგუსტისა და ინგლისის მეფის ჯეიმზ I შვილიშვილის, სოფიოს შვილი. 171 წელს, დედოფალ ანას გარდაცვალების შემდეგ, ავიდა ინგლისის ტახტზე. ქართულ ისტორიოგრაფიაში იხსენიება გიორგი I სახელით.

[4] მთიანეთი - შოტლანდიის ჩრდილოეთი მხარე.

[5] ინგლისელი პოეტი სუ. უორდს უორთის (W. Wordsworth) ლექსი „რობ როის საფლავი“.

[6] ლოხ-ლომონდი - ტბა დასავლეთ შოტლანდიაში.

[7] თურმე, არც ისე დიდი ხნის წინათ, დააპირეს დუგალდ ქიარ-მორის საფლავის ვეება ლოდი წაელოთ და თანჯრის თაღად თუ ზღურბლად გამოეყენებინათ. ვიღაც ცოტა გონებაარეული მაკვრეგორი თურმე საშინლად გააოცა წინაპრის საფლავის შებღალავამ. მან ნაჯახი აიღო ხელში, საფლავის ქვასთან დადგა და დაიფიცა, ვინც ამ ლორდის ხელის ხლებას გაბედავს, აქვე დავანთხევინებ ტვინსო. იგი კარგა მოსული ვაჟკაცი ყოფილა, თანაც შერევილი და ალბათ მართლაც შეასრულებდა დანაქადს, ამიტომ, ამჯობინეს საფლავს არ მიჰკარებოდნენ. სანყალმა შემლილმა რამდენიმე დღეს, არც დღით, არც ღამით ფეხი არ მოიცვალა იქიდან, სანამ ბოლომდე არ გადაიფიქრეს ლოდის აღება (ავტორის შენიშვნა).

[8] ზემოხსენებული ამბავი გადმოცემულია კლანის ისტორიის ერთ-ერთი ხელნაწერის მიხედვით, რომელიც ან განსვენებულმა ესკვაირმა, 33-ე პოლკის მაიორმა, დონალს მაკგრეგორმა ამომიკითხა. ძველი და მყარი გადმოცემა, რომელიც დაცულია ადგილობრივ მცხოვრებთა შორის, კერძოდ მაკფარლენის კლანში, სტუდენტთა დახოცვაში დუგალდ ქიარ-მორის კი არა, ვინმე დონალდ, თუ დუნკან ლინს ადანაშაულებს, რომელსაც ეს უღვთო საქმე თავისი მსახურის, სახელად ჩარლიოხის - ანუ ჩარლის დახმარებით ჩაუდენია. როგორც ამბობენ, მკვლელებმა ვეღარ გაბედეს თავიანთ კლანში დაბრუნება და მაკფარლენების მამულის ერთ უდაბურ და უკაცრიელ კუთხეს შეაფარეს თავი. იქ ალბათ არავინ შეაწუხებდათ, ახალი მხეცობა რომ არ ჩაედინათ: მათ მაკფარლენის კლანის ქალები გააუპატიურეს - დედა და შვილი. მაკფარლენებმა შური იძიეს - დამნაშავეებს მიუხტნენ და დახოცეს, ამბობენ ახალგაზრდა მსახურს, ჩარლიოხს, შეეძლო გაქცევით გადაერჩინა თავი რადგან ძალიან ფეხმარი ყოფილა, მაგრამ დანაშაული სასჯელად ქცევია: ქალი თურმე იოლად არ დანებებია, მოძალადის ხანჯალი ეგდო ხელთ და თეძოში დაეკოდა, დაკოჭლებული ჩარლიოხი სულ ადვილად ჩაუგდიათ ხელში მაკფარლენებს და სიცოცხლეს გამოუსალმებიათ. ჩემი აზრით, ეს მეორე ვერსია უფრო სწორი უნდა იყოს. დუგალ ქიარ-მორს ალბათ იმიტომ დააბრალებს ეს დანაშაული, რომ ცნობილი ვაჭი იყო, ან შესაძლებელია, ამ ორმა ხელქვეითმა მისი ბრძანებით დახოცა ის სტუდენტები (ავტორის შენიშვნა).

[9] ჯეიმზ VI - იხ. ჯეიმზ I.

[10] ჩოლდერი - ფქვილისა და მარცვლეულის სანყაო შოტლანდიაში, უდრის დაახლ. 1200 კილოგრამს.

[11] ჯეიმზ (იაკობ) I (1566-1625) - დიდი ბრიტანეთისა და ირლანდიის მეფე 1603-1625 წლებში, როგორც შოტლანდიის მეფე იწოდებოდა ჯეიმზ VI.

[12] ჩარლზ I (1600-16 9) - ინგლისის მეფე 1625-16 9 წლებში. ქართულ ისტორიოგრაფიაში - კარლოს I.

[13] რესტავრაციის შემდეგ - ანუ 1660 წლის შემდეგ, როცა ინგლისში აღსდგა მონარქია.

[14] 1692 წლის 12 თებერვალს არგაილის საგრაფოში, გლენკოს ხეობაში მუხანათურად გაჟლიტეს მაკდონალდები.

[15] ჯეიმზ (იაკობ) II - (1633-1701) ინგლისის მეფე 1685-1688 წლებში.

[16] იხ. სტატისტიკური ცნობები „შოტლანდიის შესახებ“, ტ. XVIII, გვ. 332. კიპენის სამრევლო (ავტორის შენიშვნა).

[17] იაკობინელები - ინგლისის ტახტის პრეტენდენტის, ჯეიმზ (იაკობ) III მომხრეები.

[18] ჯეიმზ VII კავალერი (1688-1766) ჯეიმზ II გარდაცვალების შემდეგ (1701 წელს) საფრანგეთმა, ესპანეთმა, რომის პაპმა და პარმისა და მოდენის ჰერცოგმა ინგლისის მეფედ ცნეს, მაგრამ პარლამენტმა სახელმწიფოს მოღალატედ გამოაცხადა იგი და ჯეიმზი იძულებული გახდა, ინგლისიდან გაქცეულიყო. ჯორჯ I ტახტზე ასვლის შემდეგ, 1715 წელს, შოტლანდიელები აუჯანყდნენ ახალ მეფეს და მოინდომეს ჯეიმზის გამეფება. აჯანყებული იაკობინელები გრაფ მარის სარდლობით შეიჭრნენ შოტლანდიაში, მაგრამ დამარცხდნენ პრესტონთან მომხდარ ბრძოლაში. 1716 წელს ჯეიმზი ჩავიდა შოტლანდიაში და თავი მეფედ გამოაცხადა ჯეიმზ VII სახელით, მაგრამ მალე იძულებული გახდა ინგლისიდან გაქცეულიყო. იგი იტალიაში ჩავიდა და რომში დასახლდა. 1727 წელს, ჯორჯ I გარდაცვალების შემდეგ, იგი კვლავ შეეცადა ინგლისის ტახტზე ასვლას რომის პაპის დახმარებით, მაგრამ მალე დარწმუნდა, რომ ამას ვერ მოახერხებდა და ხელი აიღო თავის განზრახვაზე. გარდაიცვალა ალობანოში (იტალია) 1766 წელს.

[19] ორი ისეთი თვისება იშვიათად გააჩნია ერთ ადამიანს, მაგრამ ჩვენი მამაცი და პრანჭია ესკვაირი ბუნებით ფრიად მორიდებული გახლდათ. აი როგორ აგვიწერს მას ლორდ ბინინგი თავის სატირულ პოემაში „დარბაზობა არგაილთან“. ვიდრე წარუდგა, ჰარიმ დარცხვებით ექვსჯერ დაუკრა თავი. დუკამ მიუგო მაშინ ალერსით: მორცხვობ - აშკარა არის. ჩანს საფრანგეთში რომ ხარ ნამყოფი, - ხარ ნატიფი და ზრდილი!..“ – ჰარი განითლდა და კარებისკენ მორცხვად იბრუნა პირი. იხ. „შოტლანდიელ ჯენტლმენტა პოემების კრებული“, ტ. II გვ. 125 (ავტ. შენიშვნა).

[20] ცეროდენა ჯონი (Little john) - რობინ ჰუდის თანამებრძოლი, ვეება ტანის კაცი.

[21] იხ. მისტერ გრემ გარტმორის „გემო შოტლანდიის აჯანყების მიზეზები“, აგრეთვე ბარტის წიგნის „წერილები ჩრდილო შოტლანდიიდან“ ჯეიმსონისეული გამოცემის II ტომის დამატება, გვ. 35.8 (ავტ. შენიშვნა).

[22] „ღამით ლუსში ჩავიდნენ. აქ მათ შეუერთდა ლუსელი სერ ჰამფრი ვოლკუჰუნი და პლასქანდერელი ჯეიმ გრანტი, ჰამფრის სიძე. მათ ორმოცდაათი აშოტილი ვაჟკაცი ახლდათ, რომელთაც მოკლე წინდები ეცვათ და პლედეებზე ქამარი ჰქონდათ შემოჭერილი. ყოველ მათგანს საუცხოო თოფი ჰქონდა გადაკიდებული მხარზე, მარცხენა ხელში კი ლამაზი, მრგვალი ფარი ეჭირა. ფარს შუაში ფოლადის წვეტი მოუჩანდა, სიგრძით ნახევარი ელი. მეომრებს ჩელთი-ხმლები ეკიდათ გვერდზე, ქამარში კი თითო ან ორ-ორი დამბაჩა, ხანჯალი და დანა ჰქონდათ გარჯობილი“, (რეის „აჯანყების ისტორია“, ტ. IV, გვ. 287).

[23] ლოხ-ლომონდის ლაშქრობას ისეთი დიდი მნიშვნელობა ჰქონდა, რომ მისი აღწერა ცალკე წიგნადაც გამოქვეყნდა. ეს წიგნი მე არ მინახავს, მაგრამ თუ ისტორიკოს რეის მიერ მოტანილი ნაწყვეტით ვიმსჯელებთ, შესანიშნავად უნდა იყოს დაწერილი. „მეორე დღეს ანუ ხუთშაბათს თვის 13-ში, ისინი სალაშქროდ

დაიძრნენ და შუადღისას ინვერსნიედს, მეტად სახიფათო ადგილს, მიადგნენ. ჰეისლის, დამბარტონისა და ზოგი სხვა მიდამოს მცხოვრებნი, სულ ასი ვაცი, უშიშრად გადახტნენ ნაპირზე, ქედზე ავიდნენ და დიდხანს იდგნენ იქ, თანაც განუწყვეტლივ უკრავდნენ დაფდაფებს. ვინაიდან მტერი არ გამოჩნდა, აჯანყებულთა მიერ მოტაცებული ნავების მოსაძებნად წავიდნენ და შემთხვევით წააწყდნენ ბუჩქებში მიმალულ ნიჩბებს და ბაგირებს. შემდეგ ნავებიც იპოვეს - ნაპირიდან ვარგა შორს რომ გაეთრია მტერს. ნავები, რომლებიც მთელი იყო, ტბაში ჩაუშვეს, დანარჩენი კი ჩაძირეს ან ნაფოტ-ნაფოტ დაჩხეს. ისინი იმავე ღამეს დაბრუნდნენ ლუსში, იქიდან კი მეორე დღეს დამბარტონში მივიდნენ (საიდანაც იყვნენ წამოსულნი). იქ ტბის ნაპირას და კუნძულების ყურეებში ნაპოვნი ნავები მიაცურეს, ციხე-სიმაგრესთან დააბეს და ზარბაზანი დაუყენეს დასაცავად. ამ ლაშქრობის დროს მეკატარღეებმა და მოლაშქრეებმა იმდენი ისროლეს, რომ ტყვია-წამალი აღარ დარჩათ. ირგვლივ საშინელი ზავთი და გრიალი დადგა, რადგან ტბის ორივე მხარეს აზიდული მთები და კლდეები გამოძახილს იძლეოდნენ. მაკგრეგორები ისე დაშინდნენ, რომ ფაცხაფუცხით გაიქცნენ და სტრატ-ფილანში მდგომ აჯანყებულებს შეათარეს თავი (რეის „აჯანყების ისტორია“, ტ. IV გვ. 287).

[24] პირველი ამბავი, რომელიც ცივილიზაციის უმაღლეს საფეხურზე მდგომი პიროვნებისა და ნახევრადველური საზოგადოების წარმომადგენლის ესოდენ ახლო ურთიერთობას ეხება, ან განსვენებულ გრეგორისაგან, სახელგანთქმული ექიმისაგან მოვისმინე. მისი ოჯახის წევრებმა არ დაიზარეს საოჯახო საბუთების გადახედვა, ზოგი რამ თვითონაც გაიხსენეს და რამდენიმე სანდო შესწორება მომანოდეს. მეორე ამბავს ერთი მოხუცის მოგონება დაედო საფუძვლად. ამ მოხუცს თავისი თვალით უნახავს, რომ დაფდაფების ხმის გაგონებაზე რობ როი ფრანგივით გაქცეულა - არც კი დამშვიდობებია თავის სწავლულ ბიძაშვილს. ეს

ამბავი მოხუცს ექიმ გრეგორის ევისლისათვის, ალექსანდრე ფობრისისათვის, მოუყოლია (ალექსანდრე ფობრისი დღესაც ცოცხალია).

[25] მერკი - შოტლანდიური ფულის ერთეული; უდრის 13 შილინგს და 4 პენს.

[26] დაახლოებით 1792 წელს, როცა მთიან შოტლანდიაში ვმოგზაურობდი და იმ ადგილების გავლა მომიხდა, ინვერსნიდში ისევ იდგა გარნიზონი - ერთადერთი ვეტერანი. ციხე-სიმაგრის პატივცემული მცველი მშვიდად მკიდა ქერს თავის ნაკვეთზე და როცა ღამის გათევა ვთხოვეთ, გვითხრა, მიბრძანდით, ფორტის გასაღები კარის ძირას არისო.

[27] „წერილები ჩრდილო შოტლანდიიდან“ ტ. II, გვ.35.5.-35.5.

[28] „შლევ მწყემსებს“ საქონლის გამტაცებლებს უწოდებენ შოტლანდიაში.

[29] სტრატ-დირნი იმ ქარის სახელწოდებაა, რომელიც გამუდმებით ქრის ბადენონის ხეობაში.

[30] ასეთივე გამოთქმას მიაწერენ ყაჩაღ დონალდ ბონ ლინს. იხ. „უევერლი“. გვ. 398.

[31] სხვა წერილები გვამცნობენ, რომ რობ როის წინააღმდეგ თვითონ აპინი გამოვიდა. მე აქ ისე მომაქვს ინვერნჰაილის ვერსია, როგორც დამამახსოვრდა, მაგრამ ეს ამბავი ისე დიდი ხნის წინათა მაქვს მოსმენილი, რომ შეიძლება ვცდები კიდევ. ინვერნჰაილი საშუალოზე დაბალი, მაგრამ ჩადგმული კაცი იყო და საუცხოოდ ხმარობდა ხმალს.

[32] მრავალი წლის შემდეგ, როცა რობინ ოიგი დააპატიმრეს, ეს წყეული თოფი ჩამოართვეს. იგი იმ მოსამართლემ დაიტოვა, რომელმაც რობინი დაჰკითხა, ახლა კი ავტორის პატარა კოლექციის ერთ-ერთი ექსპონატია. თოფი ესპანურია და ზედ სამი ასო აქვს ამოკვეთილი R. M. C. ანუ რობერტ მაკგრეგორ კემპბელი.

[33] ავტორი არ არის დარწმუნებული, ღირს თუ არა იმის აღნიშვნა, რომ მეფის ბრძანება მის დროსაც კი დაუბრკოლებლად ვერ აღწევდა ბალკვიდერის ფრიალოებსა და ხევებში. ავტორს პირადად ჰქონდა შესაძლებლობა დარწმუნებულიყო ამაში; აპინის მფლობელი სტიუარტი ვალში იყო ჩამჭდარი (ვალის უმეტესი ნაწილი ავტორის ოჯახისაგან ჰქონდა აღებული) და გადახდას მხოლოდ ინვერნენტის ფერმის გაყიდვით თუ შეძლებდა, იმ ფერმისა, სადაც მაკლარენი მოკლეს. მაკლარენის ოჯახში რამდენიმე ბრგე, ირმებზე მონადირე მამაკაცი ცხოვრობდა. ისინი კვლავ ფლობდნენ ამ მამულს გრძელვადიანი საიჯარო ხელშეკრულების საფუძველზე; რაღაც მცირე თანხას იხდიდნენ მიწით სარგებლობის უფლებისათვის. ასეთი ხელშეკრულებით გაცემული მიწის ყიდვა არავის უნდოდა, მაგრამ ბოლოს თვითონ მაკლარენებმა, რომელთაც ამერიკაში მოინდომეს გადასახლება, გადანყვიტეს თავიანთი საიჯარო ხელშეკრულება მიეყიდათ მოვალეებისათვის 500 გირვანქა სტერლინგად და მომავალი წლის სამების დღესასწაულზე აყრილიყვნენ ფერმიდან. მაგრამ არ ვიცი, მერე ინანეს, თანხა ეცოტავათ, თუ შერცხვათ მამულის დატოვება, მაკლარენებმა განაცხადეს, სასამართლოს მოხელეს აქ ფეხს არ დავადგმევინებთო. ეს კი აუცილებელი იყო ხელშეკრულების საბოლოოდ გასაფორმებლად. მაკლარენებს ვარგად იცნობდნენ და ეჭვი არავის შეჰპარვია, რომ თუ მოინდომებდნენ, მედგარ წინააღმდეგობას გაუწევდნენ ყველას, ვინც მათი ნებართვის გარეშე გაბედავდა ფერმაში შესვლას, ამიტომ ყველამ, ვისაც უწყების მიტანა დაავალეს, ითხოვა სამხედროები გამაყოლებით, ბოლოს მართლაც გააყოლეს მოხელეს სტირლინგში მდგომი მთიელთა პოლკის სერჟანტი, 6 ჯარისკაცი და ამ სტრიქონების დამწერი, რომელიც მაშინ მწერლის შეგირდი იყო (ეს თანამდებობა ადვოკატის თანამემწის უფლებებს მძღვევდა იმ საპატიო დავალების შესრულებისას. მე თვალი უნდა მედევნებინა, რომ

მოხელეს კარგად შეესრულებინა მინდობილი საქმე. მამაც სერჟანტს კი ძალადობით ან ძარცვა-გლეჯით არ გადაეჭარბებინა მიცემული რწმუნებებისათვის. საკმაოდ უცნაურია, მაგრამ მე პირველად შევდგი ფეხი ლოხ-კეტრინის რომანტიკულ მიდამოებში, იმ ლოხ-კეტრინისა, რომელსაც შემდგომში, შეიძლება ითქვას, საკმაოდ გავუთქვი სახელი. მეც ცხენით ვმოგზაურობდი ამ საშიშ მხარეში, ხან წინ მოვექცეოდი რაზმს, ხან უკან და თან გატენილ თოფს არ ვიშორებდი. სერჟანტი ნამდვილი მთის არწივი გამოდგა. ბევრი რამ მიაშბო რობ როიზე და თან თავისი ამბებიც მოაყოლა. გზაში ხიფათი არ შეგვხვედრია და ინვერნენტში რომ მივედით, სახლი ცარიელი დაგვხვდა, სახლში სანოვაგე მოვჩხრიკეთ, ვივახშმეთ და დავიძინეთ, დილას კი სახლის გზას დავადექით და უვნებლად დავბრუნდით უკან. მაკალარენებმა თავიანთი კუთვნილი თანხა მიიღეს და ამერიკაში გადასახლდნენ. ავტორი, რომელსაც მცირეოდენი წვლილი მიუძღვის ამ საქმეში, გულწრფელად იმედოვნებს, რომ ისინი კარგად მოეწყობოდნენ ახალ ქვეყანაში. ინვერნენტის რენტამ მაშინვე აინია 10 გირვანქიდან 70 თუ 80 გირვანქამდე და ძალიან მაღალ ფასად გაიყიდა (მე მგონი, მაკნაბის ან განსვენებულმა ლერდმა შეიძინა). ამ ფასად გაყიდვას ადრე ვერავინ იფიქრებდა.

[34] გამოქვეყნებულია „ბლეკვუდ მეგებინში“, ტ. II, გვ. 228.

[35] „ჩაილდ ჰაროლდის მოგზაურობა“, II სიმღერა.

[36] იხილეთ დამატება №5.

[37] ყოველ შემთხვევაში, ასე იყო ხალხში ცნობილი, როდესაც ძმები ოჯახში შეცვივდნენ, ჯეიმზ მორმა დასაშინებლად დაიყვირა, აქვე ახლოს გლენგაილია ჩასათრეული ასი კაცი და როგორც კი ნიშანს მივცემ, საშველად მოვაო ჯინ კეიმ მიუგო, ცრუობ, ვერ დავიჯერებ, რომ გლენგაილმა ასეთ ბოროტ საქმეში შეუწყოს ვინმეს ხელიო.

[38] პისტოლი - შექსპირის „ჰენრი IV“ პერსონაჟი.

[39] ალან ბრეკ სტიუარტი ამისთანა საქმეს არავის აპატიებდა. ისა და ჯეიმზ დრამონდ მაკგრეგორი კატარინისა და პეტრუჩიოსი არ იყოს, „ჩუმალა ეშმაკები“ გახლდნენ. ალან ბრეკმა საფრანგეთის რევოლუციის დაწყებამდე იცოცხლა. 1789 წელს ერთი ჩემი მეგობარი, რომელიც იმ დროს პარიზში ცხოვრობდა, ვინმე შოტლანდიელმა მღვდელმა (ეს მღვდელი ბენედიქტელთა ორდენის წევრი იყო) მიიწვია თავისთან - ჩემი ფანჯრიდან საინტერესო პროცესიას დაგანახვებო. მღვდლის ბინაში ვილაც მაღალი, გამხდარი, ძვალმსხვილი და სახემოღუშული მოხუცი მისჯდომოდა ბუხარს; მკერდზე წმინდა ლუდოვიკოს ჯვარი ეკიდა. მოხუცს წინწამონეული ნიკაპი, მაღალი ყვრიმალები და ფოლაადისფერი თვალები ჰქონდა. წაღარაში აქა-იქ წითური თმები მოუჩანდა. მზისგან გარუჯულ სახეზე უამრავი ჭორფლი დასჩენოდა. მოხუცმა და ჩემმა მეგობარმა ფრანგული ჩვეულების მიხედვით რამდენიმე თავაზიანი ფრაზა უთხრეს ერთმანეთს და პარიზის ქუჩებსა და მოედნებზე დაიწყეს საუბარი. მოხუცმა, (იგი ჯარისკაცს ჰგავდა და მართლაც ძველი ჯარისკაცი გამოდგა) ამოიოხრა და შოტლანდიელი მთიელის გამოთქმით შენიშნა, - განა რომელიმე მათგანი შეედრება ედინბურგის მთავარ ქუჩასო. ამ ძველი გაბოლილი ქალაქის თაყვანისმცემელი ალან ბრეკ სტიუარტი აღმოჩნდა. ვაცი, რომელმაც ოდესღაც საშინელი გაცოფება იცოდა და დაუნდობლად გამოასალმა სიცოცხლეს თავისი გვარისა და ტომის მტერი, ახლა პატარა პენსიას იღებდა და მშვიდად ცხოვრობდა პარიზში.

[40] რობ როის შვილების გასამართლების აღწერა და ცნობები რობ როისა და მისი ოჯახის შესახებ 1818 წლის დეკემბერში გამოქვეყნდა ედინბურგის გაზეთში.

[41] ჯეიმზი ამ დროს სამი თვის გარდაცვლილი იყო, მაგრამ ადვილი შესაძლებელია, მის ოჯახს ჯერ არაფერი სცოდნოდა.

[42] *Itē conclamatum est* - ყველაფერი დამთავრდა (ლათ.).

[43] წერილის ადრესატი არ ჩანს. სტილისა და ტონის მიხედვით, აშკარაა, რომ იგი წოდებითა და თანამდებობით ჰერცოგზე მეტია. იგი, შესაძლებელია, სახელმწიფო პროკურორი იყოს.

[44] ანტუან-ლეონარდ ტომა (1732-1789) - ფრანგი პოეტი.

[45] ჰერცოგი სალი (1560-1641) - ცნობილი ფრანგი სახელმწიფო მოღვაწე, ჰენრიხ IV პირველი მინისტრი. დატოვა მემუარები, რომელიც მთლად სანდო არ არის.

[46] პიერ კორნელი (1606- 168) - ფრანგი პოეტი - დრამატურგი, ცნობილი ტრაგედიების, „სიდის“, „ჰორაციუსისა“ და სხვათა ავტორი.

[47] ნიკოლა ბუალო-დეპრეო (1636-1711) - ფრანგი პოეტი და კრიტიკოსი, „პოეტური ხელოვნების“ ავტორი. ჯოზე ფადისონი (1672-1719) - ინგლისელი მწერალი და ჟურნალისტი.

[48] ბენ ჯონსონი (1553-1637) გამოჩენილი ინგლისელი დრამატურგი (კომედიოგრაფი) და პოეტი.

[49] აქ იგულისხმება პარლამენტის გადატრიალება 1688 წელს, რომელსაც ბურჟუაზიული ისტორიკოსები „დიად რევოლუციას“ უწოდებენ. ამ გადატრიალების შემდეგ ტახტიდან ჩამოაგდეს ფანატიკოსი კათოლიკე იაკობ (ჯეიმზ) II სტიუარტი და მეფედ დასვეს ჰოლანდიის მმართველი, ჩარზლ I შვილიშვილი ვილჰელმ III ორანელი.

[50] დიდი მონარქი - იგულისხმება საფრანგეთის მეფე ლუი XIV.

[51] ედუარდი, უელსის უფლისწული (1330-1370) შავ უფლისწულად წოდებული, (შავ აბჯარს ატარებდა) - ინგლისის მეფის ედუარდ III შვილი. მამასთან ერთად იბრძოდა ინგლის-საფრანგეთის ასწლიან ომში და თავი გამოიჩინა კრესის ბრძოლაში (1346).

[52] დისიდენტი - გაბატონებული იდეოლოგიის, დოგმების მონინააღმდეგე. ამ შემთხვევაში იგულისხმება პრესვიტერიანე-

ლების მიმდევარი, პრესვიტერიანელები საშუალო ბურჟუაზიის წარმომადგენლები იყვნენ. ეს ჯგუფი შეიქმნა ინგლისურ-შოტლანდიურ პროტესტანტ-პურიტანებში. ისინი ზედმეტად მიიჩნევდნენ მდიდრულ საეკლესიო ცერემონიალს და ნათივ ხელოვნებას, უარყოფდნენ ეკლესიის ფეოდალურ ორგანიზაციას და თვლიდნენ, რომ რელიგიური საქმეები უნდა განეგოთ არჩეულ მამასახლისებს.

[53] ფრენკის ყველა ლექსი წარმოადგენს თვითონ უოლტერ სკოტის ლექსების პაროდიას.

[54] ოქსფორდი და კემბრიჯი - უძველესი უნივერსიტეტები ინგლისში, სადაც სწავლობდნენ არისტოკრატთა და ბურჟუაზიის უმაღლესი ფენის ოჯახის შვილები.

[55] იაკობინელები - 1688 წელს განდევნილი იაკობ II (ჯეიმზის მომხრეები - უპირველესად ინგლისისა და შოტლანდიის კონსერვატორი არისტოკრატები და მთიანი შოტლანდიის თითქმის მთელი მოსახლეობა.

[56] ვესტმისტერი და იტონი - ინგლისის უძველესი კოლეჯები.

[57] გინეა - ინგლისური ფული. უდრის 21 შილინგს (დაახლ. 10 მანეთს).

[58] პაპისტი - პროტესტანტები ასე უწოდებდნენ კათოლიკეებს (დაცინვით).

[59] „შმაგი როლანდი“ - არიოსტოს (177 - 1533), ადორცინების ეპოქის იტალიელი პოეტის ცნობილი პოემა.

[60] სპენსერის სტროფი შედგება ცხრა სტრიქონისაგან, აქვს რითმათა რთული სისტემა. სახელი ეწოდება ინგლისელი პოეტის სპენსერის (1553-1599) პატივსაცემად.

[61] რიპონის დეზები - დეზები, რომელსაც აკეთებდნენ იორკშირის ქალაქ რიპონში.

[62] ჯონ გეი (1685-1732) - ინგლისელი კომედიოგრაფი და პოეტი სატირიკოსი.

[63] აქ ფრენკი იხსენებს ძველ ინგლისურ თქმულებას, რომლის მიხედვით ობოლი ბიჭი დიკ უიტინგტონი ლონდონის დატოვებას აპირებდა, მაგრამ მოულოდნელად ზარების რეკვა მოესმა და უკან დაბრუნდა. შემდგომში იგი ლონდონის ლორდ-მერი გახდა.

[64] „მათხოვართა ოპერა“ - გეის კომიკური ოპერა, რომელიც მოგვითხრობს დამნაშავეთა ცხოვრებას. ოპერა მწარედ დასცინოდა ინგლისის მმართველ კლასებს.

[65] „ჰენრიკის ფანდი“ - ინგლისელი დრამატურგის, ჯორჯ ფაკერის (1678-1707) კომედია.

[66] ენტონი-ვუდი - მე-17 საუკუნის ინგლისელი ისტორიკოსი. დაწერა ქალაქ ოქსფორდის გამოჩენილ ადამიანთა ცხოვრება.

[67] შმაგი უფლისწული - უფლისწული ჰარი შემდგომში მეფე ჰენრი მე-5; პოინსი - შექსპირის ისტორიული ქრონიკის „ჰენრი IV“ პერსონაჟი.

[68] ბუცეფალი - ალექსანდრე მაკედონელის ტაიჭი.

[69] სტონი - 14 ინგლისური გირვანქა. ინგლისური გირვანქა უდრის 55 გრამს.

[70] ჩარლზ ჩერჩილი (1731-176) - ინგლისელი პოეტი-სატირიკოსი.

[71] აქციზის მოხელეთა რევიზორებისა და დამფასებლების გაგზავნამ შოტლანდიაში გამოიწვია მოსახლეობის ძლიერი უკმაყოფილება, თუმცა ეს ღონისძიება სამეფოთა შეერთების ბუნებრივი შედეგი იყო (ავტორის შენიშვნა).

[72] ვილჰელმ I დამპყრობელი (1027-1082) - ნორმანდიის ჰერცოგი, 1066 წელს დაიპყრო ინგლისი და სამეფო გვირგვინი დაიდგა თავზე.

[73] „ხარი“ - საქმოსანი, რომელიც აქციის კურსის აწევით იღებს მოგებას, „დათვი“ კი დაწევით. ეს ტერმინები დღესაც იხმარება ინგლისის სავაჭრო წრეებში.

[74] ჰომეროსის პოემის, „ილიადას“, პერსონაჟები.

[75] სინონი - ვირგილიუსის პოემის „ენეიდას“ პერსონაჟი - ცბიერებისა და ორპირობის განსახიერება.

[76] ეპიკურელი - ადამიანი, რომელიც ცდილობს, დატკბეს ამქვეყნიური ცხოვრებით (ძველი ბერძენი ფილოსოფოსის ეპიკურეს მიმდევარი).

[77] ეს, როგორც ჩანს, დაწერილია „უილჰისისა და თავისუფლების“ დღეების მომდევნო ხანაში (ავტორის შენიშვნა).

[78] ჰერცოგი ფილიპ ეორლენელი (167 1723) ლუდოვიკო XIV გარდაცვალების შემდეგ გახდა მცირეწლოვანი ლუდოვიკო XV რეგენტი, მისი რეგენტობის დროს დაიწყო აბსოლუტური მონარქიის გახრწნა.

[79] ვიგები და ტორები - ინგლისის პოლიტიკური პარტიები, რომლებიც წარმოიშვა მე-17 საუკუნეში მეფისა და პარლამენტის ბრძოლის შედეგად. ვიგები სამრეწველო და სავაჭრო ბურჟუაზიის უმაღლესი ფენის წარმომადგენლები იყვნენ და იბრძოდნენ მეფის უფლების შესაზღუდავად და პარლამენტის როლის გასაძლიერებლად. ტორები გამოხატავდნენ კონსერვატორული თავად-აზნაურების ინტერესებს და ცდილობდნენ აბსოლუტიზმის შენარჩუნებას. ვიგები პროტესტანტები იყვნენ, ტორები - ანგლიკანური (ინგლისური) ეკლესიის მიმდევრები. ტორების მემარცხენე ფრთამ არ სცნო 1688 წლის გადატრიალება და ჩამოაყალიბა იაკობინური პარტია.

[80] 171 წლიდან ვიგების ხელშეწყობით ინგლისის ტახტზე დამკვიდრდა გერმანიის პატარა სახელმწიფოს, ჰანოვერის სამეფო გვარის წარმომადგენელი ჯორჯ I. ამ დინასტიას არავითარი კავშირი არ ჰქონდა ინგლისთან.

[81] მაღალი ეკლესია - ანგლიკანური ეკლესიის განშტოება, რომელიც მდიდრული ცერემონიალის მომხრე იყო. იგი განსხვავ-

ვებით „დაბალი ეკლესიისაგან, რომელსაც დისიდენტები ეკუთვნოდნენ, მტრულად არ იყო განწყობილი კათოლიკობისადმი.

[82] სტიუარტები - ინგლისის სამეფო დინასტია 1603-1688 წლებში.

[83] მეფე ჯეიმზი (იაკობი) - იგულისხმება მეფე ჯეიმზ II შვილი, რომელიც შეეცადა დამჯდარიყო ინგლისის ტახტზე 1708 წელს, მაგრამ ვერ მოახერხა.

[84] ნებროთი - ბიბლიის მიხედვით - ბაბილონის მეფე, ასირიის დამაარსებელი, ნადირობის ტრფიალი.

[85] ორსონი - დამახინჯებული ფრანგული ourson - დათვის ბელი, მე-15 ს-ის ბოლოს შექმნილი ანონიმური მოთხრობის გმირი. ორი ობოლი ძმიდან ერთი, ორსონი, დათვმა გაზარდა ტყეში, მეორე, ვალკენტინი, მეფის კარზე გაიზარდა.

[86] მეფე უილი - ვილჰელმ ორანელი - ნიდერლანდების შტატ-ჰალტერი, რომელიც 1688 წელს თავისი ჯარით გადავიდა ინგლისის სანაპიროზე ჯეიმზ II სტიუარტის წინააღმდეგ საბრძოლველად. მისი ჩამოგდების შემდეგ გამეფდა ინგლისში ვილჰელმ III სახელით (1689-1702).

[87] „ნადირობა ჩივიოტის მთებში“ - ძველებური ინგლისურ-შოტლანდიური ბალადა. აქ იხმარება დიდი ნადირობის მნიშვნელობით.

[88] Festin de pierre - თავდაპირველად ასე ეწოდებოდა მოლიერის კომედიას „დონ-ჟუანს“.

[89] თომას პენ როზი - (17 2-1779) - ინგლისელი პოეტი.

[90] სტონ ჰენჯი (დაკიდული ქვა) - კელტური ეპოქისა ქვის შენობის ნაშთი ინგლისში, სოლსბერის მახლობლად.

[91] გიასი და კლოანტი - ენეის მხლებლები (თანამგზავრები) ვირგილიუსის პოემა „ენეიდადან“.

[92] ენაკი - გოლიათთა ბიბლიური წინაპარი.

[93] „the spectator“ („დამკვირვებელი“) - მე-18 საუკუნის დასაწყისის სატირული ჟურნალი; გამოდიოდა 1711-1712 და 171 წლებში (რ. სტილისა და ჯ. ადისონის რედაქტორობით).

[94] ანუ ქალები. იგულისხმება ბიბლიური ლეგენდა, რომლის მიხედვით ღმერთმა ევა ადამის ნეკნიდან შექმნა.

[95] იგულისხმება ფრანგი მწერლის ჟანფრანსუა მარმონტელის (1723-1799) რომანი „ველიზარი“.

[96] მე-18 საუკუნის დასაწყისში, როცა მთავრობა ეჭვს აიღებდა, რომ კათოლიკეები აჯანყების დაწყებას აპირებდნენ, ცხენებს ჩამოართმევდა ხოლმე (ავტორის შენიშვნა).

[97] სამუელ ბატლერი (1612-1680) - ინგლისელი პოეტი სატირიკოსი. ერთ-ერთ პოემაში მწარედ დასცინის პურიტანულ დიდებულს.

[98] Canet - დე, იმღეროს (ლათ.).

[99] გორგონები - ბერძნულ მითოლოგიაში ბოროტი ქალები, რომელთაც თმების ნაცვლკად გველები ესხათ თავზე. ერთ-ერთი გორგონას - მედუზას - შეხედვა ყოველივე სულიერს ქვად აქცევდა.

[100] Contra pacem domini regis - მეფის სიმშვიდის წინააღმდეგ (ლათ.).

[101] quorum - (ლათ.) აქ - უმაღლესი საზოგადოების წარმომადგენელი.

[102] Custom rotulorum - კანონის მცველი (ლათ.).

[103] ედუარდ III (1327-1377) სტატუტები უმეტესად სახელმწიფო მოღალატეთა სასჯელის გადაკვეთას ეხება.

[104] თემიდა - ანტიკური მითოლოგიის მიხედვით - სამართლიანობის ქალღმერთი.

[105] კომოსი - ქეიფის ღმერთი.

[106] ჩივიოტის მთები აღმართულია ინგლისისა და შოტლანდიის საზღვარზე.

[107] KIII-Down - მოკალი (ინგლ.).

[108] კონსტებლი - პოლიციელის ჩინი ინგლისში.

[109] ინგლისური ხალხური საბავშვო სიმღერა.

[110] აქ ანაქრონიზმი ან შეცდომაა: ჯონ არგაილმა (შოტლანდიელი კემპელების ფეოდალური გვარის ერთ-ერთმა წარმომადგენელმა) შოტლანდიის ჯარის მთავარსარდლის პოსტი 1714 წელს კი არა, 1712 წელს დაიკავა. აქ აშკარა შეცდომაა, რადგან რომანში აღწერილი ამბები 1714-1715 წლებში ხდება (უ. სკოტის შენიშვნა).

[111] სერ ჯონ ფენვიკი 1697 წელს სიკვდილით დასაჯეს მეფე ვილჰელმ III შეთქმულებაში მონაწილეობისათვის.

[112] ნაწყვეტი მე-16 ს-ის ანონიმური ავტორის ლექსიდან „ინდური ფოთოლი“.

[113] ჰენრი VIII სტატუტთა 37 ენ მუხლით და ვილჰელმ III სტატუტთა I მუხლით (ლათ.).

[114] ხის ქოშებს დაცინვით უწოდებდნენ ირლანდიელებს; სათბუნი - აქ ჯობსონი გულისხმობს ჭორს, რომ თითოთქოს ტახტის პრეტენდენტი ჯეიმზი არ იყო მეფე ჯეიმზ II ნამდვილი შვილი. ამ ჭორის მიხედვით უფლისწული ჯეიმზი სათბუნში ჩასმული შეუყვანიათ იმ ოთახში, სადაც ვითომდა მშობიარობდა დედოფალი მარია მოდენელი.

[115] *Femme coucerte* (ფრანგ.) - სიტყვა-სიტყვით: ქალი, რომელსაც მფარველობას უწევენ, ანუ მამის ან ქმირის მეურვეობაში მყოფი ქალი.

[116] ილოტები - დამონავებული გლეხები ძველ სპარტაში, აქ - ადამიანი, რომელიც მონურ სამუშაოს ასრულებს.

[117] უილტონის ქალთა მონასტერი დახურვის შემდეგ ჰენრი VIII თუ მისი შვილის ედუარდ VI ბრძანებით უბოძეს გრაფ ჰემბროკს. როცა ტახტზე დედოფალი მერი ავიდა (იგი კათოლიკე იყო), გრაფმა საჭიროდ ჩათვალა მონასტერი კვლავ ძველი წი-

ნამძღვრისათვის და მისი მშვენიერი მონაზვნებისთვის დაებრუნებინა, ამასთან მან ფრიად გულმხურვალედ მოინანია ძველი შეცოდება - სათითაოდ მოიყარა მუხლი ყოველ მონაზონთან და სთხოვა, მონასტერში დაბრუნებულიყვნენ და იმ მიწით ესარგებლათ, საიდანაც ამას წინათ თვითონვე აყარა. ელიზაბეტის გამეფების შემდეგ გრაფმა კვლავ შეიცვალა ტყავი - პროტესტანტობა მიიღო და მეორედ გაყარა მონაზვნები თავიანთი მონასტრიდან. როდესაც წინამძღვარმა ქალმა გაახსენა ეს სიტყვები, გრაფმა მიმართა, „წადი და მატყლი დაართე, ბებერო როკაპო“ (ავტორის შენიშვნა).

[118] ფოლიანტი - დიდი ფორმატის წიგნი.

[119] სპინეტი - ძველებური მუსიკალური ინსტრუმენტი.

[120] შექსპირის ტრაგედია „მეფე ჰენრი IV“ (I ნაწილ.) სერიჩარდ ვერნონი აღწერილი ჰყავს გაუბედავ და ვერაგ ადამიანად.

[121] ვან-დეიკი (1599-16 1) - ცნობილი ჰოლანდიელი მხატვარი.

[122] ვერნონი სულ ყვავის ან, თუ სხვანაირად დავყოფთ სიტყვებს: Vernos simper viret - გაზაფხული ყოველთვის არ ყვავის.

[123] მანკიერება (iniquity) - შუა საუკუნებრივი დიდაქტიკური კომედიის პერსონაჟი.

[124] ჯონ გუილიმი (1565-1621) - უძველესი ინგლისური საგერბო წიგნის ავტორი.

[125] ჩარლზ I (1625-16 9) - ინგლისის მეფე, სიკვდილით დასაჯეს რევოლუციონერებმა.

[126] ამალეჩიტელები - ბიბლიური მომთაბარე ტომი, მცხოვრები პალესტინის სამხრეთით. ისინი გამუდმებით ებრძოდნენ იუდეველებს.

[127] „Tristin“ - ცნობილი რომაელი პოეტის ოვიდიუსის (3 წ. ჩ. ერამდე - 17 წ. ჩვ. წ. აღრ.) წიგნი, რომელიც დაკიაში (რუმი-

ნეთში) დანერა, სადაც გადასახლებაში იმყოფებოდა. უ. სკოტი ცდება, როდესაც გადასახლების ადგილად თრაკიას ასახელებს.

[128] დუნსიადა - ალექსანდრე პოპის (1688-17) სატირული პოემა.

[129] ცნობილი ყავახანა მე-18 ს-ის ლონდონში.

[130] იტალიელი კარდინალი მაზარინი ლუდოვიკო XIII პირველი მინისტრი გახდა და საფრანგეთის ფაქტიური მმართველი იყო ლუდოვიკო XIII მეფობის პირველ პერიოდში. ასეთივე როლს ასრულებდა კარდინალი ალბერონი ესპანეთის მეფის, ფილიპე V კარზე.

[131] კალიპსო - ნიმფა, რომლის კუნძულზე მოხვდა ოდისეუსი გემის დამსხვრევის შემდეგ.

[132] ბერძნულ მითოლოგიაში სიმდიდრის ღმერთს პლუტოსი ერქვა.

[133] რიჩარდ III - ინგლისის მეფე 1 83-1 85 წლებში, ბოროტი და ტირანი მმართველი; შექსპირის ამავე სახელწოდების ტრაგედიის პერსონაჟი.

[134] იხ. „ოტელო“, II მოქმედება, სცენა მე-2; აქედანვეა აღებული ამ თავის ეპიგრაფი.

[135] ლომბარდის ქუჩაზე ლონდონში თავმოყრილი იყო სავაჭრო კანტორები, აქვე იყო საფონდო ბირჟა.

[136] ელიზია - ლექსში სიტყვის ბოლო ხმოვნის დაკარგვა, როცა მომდევნო სიტყვა ხმოვნით იწყება.

[137] კამილა - ვირგილიუსის „ენეიდას“ პერსონაჟი - მებრძოლი ქალი.

[138] ლერდი - მემამულე (შოტლ.).

[139] ამ დროს ინგლისსა და საფრანგეთს შორის ომი მიმდინარეობდა ფლანდრიის ტერიტორიაზე (ე.წ. „ომი ესპანეთის მემკვიდრეობისათვის“, 1701-171 წლებში).

[140] სენტ-ჯემზის სასახლე - ინგლისის მეფეთა მუდმივი რეზიდენცია მე-18 ს-ში.

[141] ჯონ გრეჰემგრემმა (163-1689) ჯეიმზ II ტახტიდან ჩამოგდების მერე შეკრიბა ჯარი და მთიან შოტლანდიაში მოაწყო აჯანყება მეფის ტახტზე ასაყვანად, მაგრამ იგი დაიღუპა ერთ-ერთ ბრძოლაში და აჯანყება სისხლში ჩაახშვეს.

[142] Blensance - თავაზიანობის წესები (ფრანგ.).

[143] ტვიდი (Tweed) - მდინარე შოტლანდიაში, რომელიც ახლოს ჩაუდის ინგის-შოტლანდიის საზღვარს.

[144] თომას თიკელი (1686-1790) - ინგლისელი პოეტი, რომანტიკოსთა ერთ-ერთი წინამორბედი.

[145] ედმუნდ სპენსერი (1552-1599) - ინგლისელი პოეტი „ფერიათა დედოფლისა“ და სონეტების ავტორი.

[146] პაკოლეტი - ფეხმარდი ჯუჯა, შუა საუკუნეების რაინდული რომანების პერსონაჟი.

[147] გოტფრიდ ავგუსტ ბიურგერი (177-179) - გერმანელი პოეტი. ეპიგრაფი აღებულია მისი ცნობილი ბალადიდან „ლენორა“.

[148] ლაიტფუტი (lightfoot) ინგლისურად ნიშნავს ფეხმსუბუქს.

[149] ციტატა შექსპირის „მაკბეტიდან“.

[150] ენდრუს მიერ დამახინჯებული ლათინური იურიდიული ფორმულა - „jurisdictionis fundandi causa“ - სარჩელის დასაბუთებისათვის.

[151] ანუ, არც რომაულ-კათოლიკურისა და არც ანგლიკანური ეკლესიის მომხრე არა ვარო.

[152] ჯონ ლენგჰორნი (1737-1779) - ინგლისელი პოეტი, პლუტარქეს „ბიოგრაფიების“ მთარგმნელი.

[153] იგულისხმება ინგლისური რენესანსის პერიოდის პოეტის ჩოსერის „ვენტერბერიული მოთხრობები“. პოემა იწყება პროლო-

გით, სადაც სასტუმროში შეკრებილი მოგზაურები (პილიგრიმები) ამბებს უყვებიან ერთმანეთს.

[154] „მგლოვიარე პატარძალი“ - უ. კონგრივის (1670-1729) ტრაგედია.

[155] „გადარჩენილი ვენეცია“ - თომასოთვის (1652-1685) დრამა

[156] აქ ანაქრონიზმია, რადგან წმინდა ენოქის ტაძარი იმ დროს არ იყო აგებული (უ. სკოტის შენიშვნა).

[157] მირზას გმანება - ადისონის მოთხრობა, დაბეჭდილი ჟურნალ „ობსერვერის“ ერთ-ერთ ნომერში. ამ ნაწარმოებში ალეგორიული ფორმით არის აღწერილი მარადისობის ოკეანეზე გადებული ცხოვრების ხიდი.

[158] ეს გრეგორია (გელურად).

[159] ოლდერმენი - ქალაქის საბჭოს წევრი.

[160] ჭამი, შედეგი (ლათ.).

[161] ალმანზის (ქალაქია ესპანეთში) ბრძოლა მოხდა 1707 წელს. ინგლისელები და მათი მოკავშირეები დამარცხდნენ.

[162] სასენახი - საქსონელი ანუ ინგლისელი (გლექურად).

[163] Judicio sisti - თავდებობა, როცა თავდები პასუხისმგებელია, მხოლოდ მოპასუხის სასამართლოში გამოცხადებაზე.

[164] პროვოსტი - მერი (შოტლ.).

[165] ანუ ციხის კედლებსა და ბორკილებს ვერ ვიტანთ.

[166] შოტლანდიელი მთიელები.

[167] 11 ნოემბერი.

[168] ტიტირი - ვირგილიუსის | ეკლოგიის პერსონაჟი (სენტი-მენტალური მწყემსი).

[169] ანდრეა-ფერარა - ფართო და მოკლე ხმალი, რომელსაც შოტლანდიელი მთიელები ატარებდნენ.

[170] ბროგები - შოტლანდიელ მთიელთა ტყავის ფეხსამოსი.

[171] ასე გამოთქვამდნენ კემპბელის გვარს ჩრდილო შოტლანდიაში.

[172] კოლოპსი - ხორცის ღვეზელი.

[173] კლახანი - შოტლანდიური სოფელი.

[174] ამანი ბიბლიური გადმოცემით სპარსეთის მეფის არტაქსერქსეს დიდებული იყო. მეფე განურისხდა მას და ჩამოახრჩო.

[175] „შენც“ - რობერტ გრინის (1558-1592) პიესა.

[176] ქსანტიპა - ბერძენი ფილოსოფოსის, სოკრატეს ცოლი - კაპასი ქალი.

[177] Per annum - წელიწადში, წლიურად (ლათ.).

[178] გილი (gillie) - მოჭამაგირე, მსახური (შოტლ.).

[179] ვიგამორი (whigamore) - ასე უწოდებდნენ ვიგებს დაცივით.

[180] თომას გრეი (1716-1771) - ინგლისელი პოეტი, რომელიც ქება-დიდებას ასხამდა შოტლანდიას.

[181] შელუნი - შალის თხელი ქსოვილი.

[182] ძველ დროში, ზამთრობით, შოტლანდიელი ბიჭები სატურნალიის მსგავს გასართობებს აწყობდნენ - გამვლელებს გუნდებს უშენდნენ, მაგრამ საფრთხეში ჩავარდნილთ შეეძლოთ თავის გამოხსნა - ქალებს რევერანსით, მამაკაცებს ტავის დაკვრით. გუნდების სეტყვა მხოლოდ ჭიუტსა და უზრდელს ატყდებოდა თავს (ავტორის შენიშვნა).

[183] ბიბლიური გადმოცემით რობოამი სოლომონ ბრძენის უღირსი მემკვიდრე იყო.

[184] ეს გამოთქმა კრიკეტის თამაშში იხმარება.

[185] ოლივერ კრომველის არმიამ 1651 წელს ვუსტერთან დაამარცხა მეფე ჩარლზ II ჯარი.

[186] ანუ არგაილებს. აქ სიტყვის თამაშია: „guile“ (წარმოითქმის: „გაილ“) ინგლისურად მოტყუებას ნიშნავს.

[187] მთავრი მიწა - იგულისხმება კუნძული დიდი ბრიტანეთის ჩრდილოეთის ნაწილი.

[188] ეს „კეთილშობილური მათხოვრობის“ ერთ-ერთი სახე იყო, უფრო სწორად, რაღაც საშუალო რამ მათხოვრობასა და ყაჩაღობას შორის; უპოვარი შოტლანდიელი გამოსძალავდა საქონელს ან სხვა ფასეულობას თავის თანამემამულეს, რომ თავი ერჩინა (ავტორის შენიშვნა).

[189] დურლახი - ტყავის ჩანთა, გუდა, რომელსაც წელზე იკიდებენ შოტლანდიელი მთიელები.

[190] რობინ ჰუდი - ინგლისის სახალხო გმირი; მე-12 საუკუნეში მდიდრებს ძარცვავდა და ღარიბებს ეხმარებოდა.

[191] უილიამ უოლესი - შოტლანდიელი სახალხო გმირი (მე-13 ს-ში).

[192] 1689 წელს კილიკრანკის ბრძოლაში აჯანყებული კლანების წინამძღოლმა, დუნდიმ (ჯეიმზ II მომხრემ) დაამარცხა ვილჰელმ III ჯარი.

[193] მარკიზი ჯეიმზ მონტროზი (1612-1650) - მდიდარი შოტლანდიელი ფეოდალი. ინგლისის რევოლუციის დროს მეფის მხარეზე იბრძოდა. 1650 წელს შეეცადა შოტლანდიელები სტიუარტების მხარეზე დაეყვანა. უოლტერ სკოტმა შოტლანდიელთა აჯანყება აღწერა რომანში „ლეგენდა მონტროზზე“.

[194] დაახლოებით 1392 წელს ჩრდილოეთის ქალაქ პერთთან ორმა კლანმა გადაწყვიტა თავის დავა ბრძოლით გადაწყვიტა. თითოეული მხრიდან 30 კაცი გამოვიდა. ასპარეზობას მეფე ესწრებოდა. ერთ-ერთ მხარეს კაცი დააკლდა და დაბალი ტანის, ფეხმოქცეული პერთელი მოქალაქე შეიყვანეს თავის რაზმში. ეს შემცვლელი, ჰენრი უინდი (მთიელები მას გოუ ხრომს - ფეხმოქცეულ მჭედელს - ეძახდნენ) გმირულად იბრძო და დიდი წვლილი შეიტანა თავისი რაზმის გამარჯვებაში, თუმცა, არც კი

იცოდა ვის ემხრობოდა. ამის შემდეგ გაჩნდა გამოთქმა: „ჰენრი უინდივით თავის თავისთვის იბრძვისო“ (ავტორის შენიშვნა).

[195] დიდი არმადა - ასე უწოდებდნენ ესპანეთის ფლოტს, რომელიც 1588 წელს ფილიპე II გააგზავნა ინგლისის სანაპირო-საკენ. იგი ჯერ ქარიშხალმა, შემდეგ კი ინგლისელებმა გაანადგურეს.

[196] ფილისტიმელები - ძველი მეომარი ტომი, მცხოვრები პალესტინაში, რომელთაც გამუდმებით ეომებოდნენ ებრაელები. აქ მის ვერნონი ფილისტიმელებში გულისხმობს პროტესტანტებს.

[197] შპატი - ცხენის ავადმყოფობა - ძვლების ქრონიკული ანთება.

[198] მონს მეგი - დიდი ძველებური ქვემეხი. შოტლანდიელი მდაბიონი დიდი პატივისცემით და სიყვარულით ახსენებდნენ ქვემეხს. იგი ფლანდრიის ქალაქ მონსში იყო ჩამოსხმული ჯეიმზ IV თუ ჯეიმზ V მეფობაში. ქვემეხი ხშირად იხსენიება იმდროინდელ საბუთებში: იცემოდა თანხა ბებერი მეგი ლულის გასაპოხად (ყოველმა მოსწავლემ იცის, რომ ლულაგაპოხილ ქვემეხს უფრო დიდი ხმა აქვს), ლაფეტის ბაბთებით შესამკობად, საყვირებისათვის - როდესაც შორეულ ლაშქრობაში მიჰქონდათ ციხესიმაგრიდან ბრძოლის ველამდე საყვირებით აცილებდნენ. სამეფოების შეერთების შემდეგ ხალხს ეშინოდა, ვაითუ შოტლანდიის სამეფო რეგალიების სამარცხვინო დაკარგვის შემდეგ ჯერი მეორე პალადიუმზე, მონს მეგზე მიდგეს და ქვემეხი ინგლისში გააგზავნონო. რეგალიებს უბრალო ხალხს არ აჩვენებდნენ და ისინი ყველას ინგლისში ეგონა წაღებული. მონს მეგი კი კვლავ ედინბურგის ციხესიმაგრეში იდგა, ვიდრე საარტილერიო სამმართველოს ბრძანებით, მართლაც, არ გადაიტანეს ვულვიჩში (დაახლ. 1757 წელს). რეგალიები მისი უდიდებულესობის 1812 წლის საგანგებო დეკრეტით გამოიტანეს საცავიდან და გამოფენა მოაწყვეს, რომ ხალხს დაეთვალაიერებინა და გარდასულ დღეთა მოგონებებით

„დამტკბარიყო“. ამ ზამთარს 1828/29 წ. მონს მეგი იმ ქვეყანაში დააბრუნეს, სადაც კვლავ წარსულის ამადელევებელ ძეგლად უწერია გარდაქცევა, ყველა სხვა ქვეყანაში კი იგი მხოლოდ დაუწანგული თუჯის გროვად იქნებოდა მიჩნეული (ავტორის შენიშვნა მეორე გამოცემისთვის).

[199] დონალდი - მამაკაცის სახელია შოტლანდიაში. იგი თითქმის საზოგადო სახელად იქცა.

[200] იუსკვებო - შოტლანდიური შინ ნახადი არაყი.

[201] „ინგლისური არ მესმის“ (გელურად).

[202] ბობი - ძველებური შოტლანდიური სპილენძის ფული, დაახლოებით 6 პენსის ღირებულებისა.

[203] ბერძნულ მითოლოგიაში ჰეკატე ერქვა ღამის ქალღმერთს. იგი მფარველობდა ბოროტებას, ჯადოსნობას და მიცვალებულთა სულებს.

[204] ტოფიტის ორმო - ორმო იერუსალიმის მახლობლად, რომელშიც მთელი ქალაქის ნაგავს ყრიდნენ.

[205] დუნევასალებს უწოდებენ ზემო შოტლანდიელ ჯენტლმენებს, ჩვეულებრივ, აზნაურთა ოჯახებს უმცროს შვილებს. დუნევასალები ფლობდნენ მიწის ნაკვეთს, მაგრამ ბელადს ემორჩილებოდნენ (ავტორის შენიშვნა).

[206] სიმკაცრე ილაჯს უწყვეტს მტრედებს, ხოლო ყორნებს მონყალებით ეპყრობა (ლათ.).

[207] Hors de combat - მწყობრიდან გამოსული, დამარცხებული (ფრან.).

[208] ე. ი. სტიუარტთა კლანიდან.

[209] ჯოზეფი - მხედრის სამოსი - სადა ხიფთანი, რომელსაც ღილებით იკრავდნენ.

[210] ვატერანები - ზემოშოტლანდიელთა არარეგულარული ჯარი. ხალხი ამავე სახელს უწოდებდა ყაჩაღებისა და მეკობრეებს.

[211] ჯონ კუპერი, ალან რემზი - მე-18 საუკუნის შოტლანდიელი პოეტები, რომელთაც დავა ჰქონდათ ერთმანეთში, თუ რა სტილით უნდა იწერებოდეს ლექსები შოტლანდიის წარსულზე.

[212] ლიმფადა - გალერა, რომელიც გამოსახული იყო არგაილისა და კემპბელთა (კომილთა) კლანის სხვა გვარების გერბზე.

[213] ლოხოუ და მისი მომიჯნავე ოლქები ძველთაგანვე კემპბელთა სამფლობელო იყო. გამოთქმა: „აქედან ლოხოუმდე, რამდენიც არ უნდა იარო, ვერ გააგნებო“ ანდაზად იქცა.

[214] რკინის ქალწული - გილიოტინის მსგავსი მანქანა, რომელსაც შოტლანდიაში ხმარობდნენ სიკვდილით დასასჯელად.

[215] ანაქრონიზმია: მაკლარენი, ბელადის, აპინის ხელქვეითი, მაკგრეგორებმა 1736 წელს ანუ უკვე რობ როის სიკვდილის შემდეგ მოკლეს.

[216] „ბონდუკა“ ანუ „ბოადიცვია“ - ინგლისელი დრამატურგის ჯონ ფლექჩერის (1579-1625) პიესა. ამ პიესის მთავარი გმირია რომაელ დამპყრობთა წინააღმდეგ მებრძოლი ბრიტების წინამძღოლი ქალი.

[217] ბუროკი - ქვების გროვა.

[218] არ ვიცი, როგორ იყო საქმე მისტერ ოსბალდისტონის დროს, მაგრამ შემოძლია დარწმუნებით ვუთხრა მკითხველს, რომელსაც ამ რომანტიკულ თავგადასავალში აღწერილი ადგილების მოვლის სურვილი გაუჩნდებოდა, რომ ამჟამად კლახან აბერფოილში პატარა მყუდრო სასტუმრო დგას. თუ მკითხველი შოტლანდიის წარსულითაც არის დაინტერესებული, ესამოვნება იმის გაგება, რომ შესაძლებლობა ექნება, გაიცნოს თეოლოგიის პატივცემული დოქტორი პატრიკ გრეჰემი - აბერფოილის მღვდელი - ნონკონფორმისტი. როდესაც ლაპარაკი შოტლანდიის წარსულზე ჩამოვარდება, მისი თავაზიანი სიტყვამრავლობა, თითქმის უტოლდება მის მიერვე შეგროვილ უამრავ ლეგენდასა და გად-

მოცემას (შენიშვნა ხელნაწერზე). გადმოცემით ეკლესიის პატივცემული მსახური, რამდენიმე წლის წინ გარდაიცვალა (ავტორის შენიშვნა).

[219] გიოკველი უოლტერ კუმინგი - ვინმე მკაცრი ფეოდალი; ერთხელ იგი რომელიღაც ბოროტი საქმის ჩასადენად გაემგზავრა. გიოკვის ტყეში რომ შევიდა, ცხენიდან გადმოვარდა, მაგრამ ცალი ფეხი უზანგში ჩარჩა, ცხენი დაფრთხა, გაჭენდა და მხედარი ნაკუნ-ნაკუნ დაიფლითა. ამის შემდეგ ანდაზად ამბობენ: უოლტერ კუმინგის დღე დადგაო (ავტორის შენიშვნა).

[220] გაბარტი - ლიხტერის მსგავსი ხომალდი. გაბარტები მდინარე კლაიდზე დადიოდნენ. სახელი, ჩანს, ფრანგული „gabare“-დან წარმოსდგება (ავტორის შენიშვნა).

[221] მორის გული - შოტლანდიური ბალადის გმირი - დიდსულოვანი ყაჩაღი.

[222] აქ ალბათ იგულისხმება ბრძოლები პრესტონჰასთან და ფოლკერკთან, რაც საშუალებას გვაძლევს ამ მოგონებების დაწერის თარიღი 1745 წლის შემდეგ ვივარაუდოთ (უ. სკოტის შენიშვნა).

[223] ბედლამი - სულით ავადმყოფთა თავშესაფარი შოტლანდიაში.

[224] ესპანეთის მემკვიდრეობისათვის დანყებული ომი 1713 წელს უტრეხტის ზავით დამთავრდა. ამ ომის დროს ინგლისი და ნიდერლანდები მოკავშირეები იყვნენ. ისინი საფრანგეთსა და ესპანეთს ებრძოდნენ, მაგრამ თვით ამ მოკავშირეთა შორისაც სერიოზული უთანხმოება იყო.

[225] ნიმი - უ. შექსპირის ტრაგედიის „ჰენრი V“ პერსონაჟი.

[226] სილფი - ფანტასტიკური არსება, რომელიც ჰაერის სტიქიას განასახიერებდა.

[227] Hiaterica passio - გრძნობათა ისტერიული აფეთქება (ლათ.).

[228] „კრიტიკოსი ანუ ერთი ტრაგედიის რეპეტიცია“ - ინგლისელი დრამატურგის რ. სერიდანის (1751-1816) ფარსი.

[229] ტირიფის ტოტებს, ცოცხების გარდა, ხშირად სახრჩობელას თოვის ნაცვლადაც ხმარობდნენ შოტლანდიასა და ირლანდიაში: ამით თოვის მომჭირნეობას ეწოდნენ (უ. სკოტის შენიშვნა).

[230] ინგლისიდან განდევნილი ჯეიმზ II ლუდოვიკო (ლუი) XIV შეიფარა და სენ-ჟერმენის სასახლეში მიუჩინა ბინა. ამავე სასახლეში ცხოვრობდა შემდგომში მისი შვილი ჯეიმზ III.

[231] მალვოლიო - შექსპირის კომედიის, „მეთორმეტე ღამის“ პერსონაჟი - ბრიყვი, რომელსაც თავი ჭკვიანი ეგონა.

[232] Millia molligheart - ათასი წყევლა და კრულვა (გელ.).

[233] ულისე - ოდისევსის ლათინური სახელწოდება.

[234] გაიუილიოს კეისარი (101- ჩ. წ. აღ-მდე) - რომაელი მხედართმთავარი და დიქტატორი - სიცოცხლის ბოლო წლებში რომის იმპერიის ერთმმართველი გახდა, მაგრამ რესპუბლიკური წყობა არ გაუუქმებია. შექსპირმა ეს შემდეგნაირად გამოხატა თავის ტრაგედიაში „იულიუს კეისარი“: კეისარს გვირგვინს სთავაზობდნენ, იგი ხელს იწვდის მისკენ, მაგრამ შემდეგ სურვილს სძლევს და იმპერატორობაზე უარს ამბობს.

[235] ასე უწოდებს რომ რომი მონტრომის ჰერცოგს.

[236] მაკრიმონები, ანუ მაკკრიმონდები დახელოვნებული მესტვირეების გვარია, ისინი მაკმოდის კლანის ბელადებთან მსახურობდნენ. პირბოხმა, რომელიც ჰელინ მაკგრეგორმა შეთხზა, ჩვენამდე მოაღწია. პირბოხი სტვირზე დასამღერებელი არიანა შოტლანდიაში.

[237] შოტლანდიური ანდაზაა.

[238] აქ იგულისხმება 1707 წლის არეულობა, რომლის შედეგად შოტლანდია ინგლისს შეუერთდა.

[239] Seid suas - დასცხეთ (გელოურად).

[240] ჯერადტის სასამართლო (სამართალი) - შოტლანდიის ქალაქ ჯედარტის მიხედვით - აქ იგულისხმება ამ ქალაქში სასამართლოს განაჩენი; ბრალდებული ჯერ დასაჯეს და შემდეგ გამოიტანეს განაჩენი. ჯედარტის, აგრეთვე კუპარისა და ჯერბურგის სამართალი ანდაზად იქცა.

[241] ჯონ ბენიანი (1628-1688) - ინგლისელი მწერალი - პურიტანელი - ალევორიული ნაწარმოების „პილიგრიმის მოგზაურობის“ ავტორი.

[242] ეს ხალისიანი ლექსი, თუ არ ვცდები, გვხვდება შედუქლის პიესაში „ბარის ბაზრობა“.

[243] რისვიკის ზავი დაიდო 1697 წელს ინგლისსა და საფრანგეთს შორის.

[244] კავალერებს ანუ რაინდებს უწოდებდნენ სტიუარტთა დამხობილი დინასტიის მომხრეებს. კავალერი - ჯეიმზ III სტიუარტი.

[245] „დონ სებასტიანი“ - ჯონ დრაიდენის (1631-1700) ტრაგედია.

[246] სეტი - ტახტის სახეობაა ინგლისში.

[247] მეთიუ პრაიორი (166 -1721) - ინგლისელი პოეტი და დიპლომატი. მისი მონაწილეობით დაიდო რისვიკის ზავი. პრაიორს მარალი თანამდებობა ეჭირა ტორების მთავრობაში, ვიგების მმართველობის დროს კი თანდათანობით გადააყენეს და დააპატიმრეს (1715-1717 წწ.). აქ მან დაწერა რამდენიმე პოემა, მათ შორის „სოლომონი“.

[248] ბრანდერბასი - ძველებური თოფია, მუშკეტს წააგავს.

[249] Affidavit - ჩვენება, რომელიც მხოლოდ ფიცითაა დამოწმებული.